



Ex libris  
Bibliothecae  
Museum  
Historiae  
Naturae  
Museum

855




















5950  
BIBLIOTHECÆ  
MEXICANÆ  
TOMUS PRIMUS

Exhibens Litteras A B C.



RB-4  
015.972  
E 328

797

ESTE LIBRO,  
Cón otros de la Librería  
DEL DR. D. JOSEPH  
ANTONIO DEL MORAL,  
Canónigo que fue de la  
Santa Iglesia Catedral de  
la Puebla de los Angeles,  
LO DONÓ AÑO DE 1779.  
A este Convento de N. P.  
S. Francisco de la Ciudad  
de Tehuacán de las  
Granadas,  
D. JOAQUIN JOSEPH DEL  
MORAL Y VERISTAIN,  
Padre, Heredero y Albacea  
de dicho Señor Canónigo.  
CON LA CONDICION  
De que en ningun tiempo se pueda  
vender, enagenar, prestar, permutar, y  
ni aún salir del mencionado Convento.



# BIBLIOTHECA MEXICANA

SIVE

ERUDITORUM HISTORIA VIRORUM,  
qui in America Boreali nati, vel alibi geniti, in ipsam  
Domicilio aut Studijs asciti, quavis linguâ scripto  
aliquid tradiderunt:

Eorum præsertim qui pro Fide Catholicâ & Pietate ampliandâ  
fovendâque, egregiè factis & quibusvis Scriptis floruerunt editis  
aut ineditis.

## FERDINANDO VI

HISPANIARUM REGI CATHOLICO

NUNCUPATA.

AUTHORE

*D. JOANNE JOSEPHO DE EGUIARA ET EGUREN,*

*Mexicano, electo Episcopo Jucatanensi, Metropol. Ecclesie patriæ  
Canonico Magistrali, Regiæ et Pontificiæ Universitatis Mexicanensis  
Primario et Emerito Theologia Antecessore, quondamque Rectore,  
apud Sanctæ Inquisitionis Officium Censore, Illm. Archiepiscopi  
Mexicani Consultore, et Diæcesis Examinatore Synodali,  
Capucinarum Virginum à Confessionibus et alijs sacris.*

## TOMUS PRIMUS

Exhibens Litteras A B C.

---

### MEXICI:

Ex novâ Typographiâ in Ædibus Authoris editioni  
ejusdem Bibliothecæ destinatâ. Anno Domini

MDCCLV.



ERDINANDUS VI  
MEXICANA

SIVE

UNIVERSITATIS MEXICANAE  
et in America Boracali part. et alibi in ipso  
Dominio et in omni in qua scripto  
et in omni in qua scripto  
et in omni in qua scripto  
et in omni in qua scripto

ERDINANDUS VI  
MEXICANA  
NUNCUPATA.

UNIVERSITATIS MEXICANAE  
et in America Boracali part. et alibi in ipso  
Dominio et in omni in qua scripto  
et in omni in qua scripto  
et in omni in qua scripto  
et in omni in qua scripto

TOMUS PRIMUS

Exhibens Literas A B C

MEXICANA  
ex nova Typographia in Tibus Auctoris editioni  
eisdem Bibliotheca delinens Anno Domini  
MDCCLXIV



FERDINANDO VI  
HISPANIARUM  
AC NOVI ORBIS  
REGI CATHOLICO

*Dr. Joannes Josephus de Eguiara  
& Eguren*

Felicitatem.

**G**emina sunt, Catholice Rex Fer-  
dinande, & gravia momenta,  
quæ me Bibliothecam Mexi-  
canam scribere aggredientem, & ut ut

A

po-



poteram adornantem, ipsa ut Tuo inf-  
cripta augustissimo Nomini dicataque  
in publicum iret, non allexerunt tantū  
& invitarunt, sed, jucundissimā mihi  
necessitate, impulerunt etiam & coe-  
gerunt. Nam & si Opus Te dignum  
ab ista ingenij mei & eruditionis me-  
diocritate profiscisci non posse cogno-  
verim, Argumentum tamen Operis,  
rudis licet & impoliti, suo pte genio  
unum Te Patronum ambit, & palam  
requirit. Adhæc beneficia, queis, pro  
Regiā tuā munificentia, & in me co-  
honestando gratiā & humanitate,  
meum Tibi animum iterum atque ite-  
rum devinxisti, ut me unā cum elucu-  
bratis á me Libris demissimé Ma-  
jestati Tuæ sistam, docent atque per-  
urgent. Et quòd ad Librorum insti-  
tutum spectat, Bibliothecam Mexica-  
nam legenti, nulli dubium erit, quin  
illud facilè in Te involet, ne dum Me-  
cœnatem atque Patronum, sed verò  
etiam Creditorem ac Dominum. Ec-  
quis enim, in Te non videt redivi-

VOS



vos Hispaniarum & Indiarum Monarchas, eximiarum laude virtutum, & nunquam interitura gloria clarissimos? Ferdinandum V, cujus auspicijs novus Orbis, tandiu veterem latens, fausto demum fidere aparuit, & Catholicæ Ecclesiæ Romanæ aggregari cœpit atque conjungi? Carolum inter Cæsares V, quo rerum potente, & Indijs Fidei que invigilante, vastissimum florentissimumque Imperium Mexicanum Hispano juxtâ & Christiano nomini deditum, incredibiles ferme, & sané faustissimas nostræ Religioni accessiones peperit, & appêdices jucundissimas, ac etiamnum immensas, nec eruditis viris ingratas? Philippum II, cui ad clavum sedenti, qua erat egregia sapientiâ & pietate, nil antiquius fuit, quam ut Orbis novus quotidiana in virtutibus & litteris incrementa capefferet? Philippos item III & IV, Carolumque II, quos nihilo segniores America experta est in ejusdem rebus accurandis Parentes? Atque ut uno omnes omnia



que complectar, Philippum V, genito-  
rem Tuum gloriosissimum, adversus  
Americanos, queis cordi perpetuò fuit,  
beneficentissimum amantissimumque?  
Hos profectò Augustissimos Decesso-  
res Tuos Tu ipse cum referas imitere  
que quam exactè, omnium in Te uno  
dotes animi & virtutes complexus; &  
*Iustus* publica audis nuncupatione,  
quæ eximia Tua decora verbo definit  
& ob oculos ponit; & Hispaniarum  
unâque Indiarum cunctos retro præ-  
claros Principes suspiciendos exhibes  
& laudandos. Jam verò, si nemo est  
qui ignoret, Illorum strenuâ quidem  
operâ, immensis propemodum sump-  
tibus, & incredibili diligentia, Urbes,  
Provincias, Regna, Americâque pro-  
pemodum universam Borealem exi-  
mia floruisse Religione ac Pietate, &  
in Scientijs Artibusque cultura; quæ  
Bibliotheca isthæc docet, in lucem pro-  
ductis Scriptoribus plurimis, qui & Li-  
bris exaratis, & egregijs laboribus ac  
virtutibus, Fidem Catholicam propa-  
ga-



garunt atque foverunt, Litteris tradendis infudarunt & institerunt, in quibus etiamnum, Te fautore beneficentissimo, alacriter pergunt, & quotidianas operas ponunt; Ipsam, tota quota est, Bibliothecam Mexiceam Tui esse juris nullus non dicet, succenserent que mihi æqui rerum æstimatores, ceu furti reo, ni quidquid est hujusce Operis, Tibi consecrarem ac redderem. Accedit, quod superius jam insinua-  
vi momentum alterum, cui obniti ingenuo viro turpissimum haberetur & indecorum, Tua, inquam, in me beneficijs augendo Regia plane humanitas & benignitas. Nam postea quam, Tuis in Academia Mexicanensi stipendijs, Primariam Theologiæ Cathedram rexeram, atque Emeritum egeram Professore, Sacerdotio Metropolitanæ Ecclesiæ Mexicæ pro habendis Con-  
cionibus dignatus es me; nec diu post ad Episcopales Jucatanenses Intulas promovisti. Tum verò, quòd amplissimæ isti Dignitati ferendæ imparem



me cognorim, & infirmâ ad id officij  
corporis valetudine, & animi virtutum  
cæterarumque dotium exilitate; ea ut  
me liberatum velles provincia, cernuus  
supplexque ubi Tuam Clementiam ro-  
gavi, æqui & boni causas á me expen-  
sas duxisti, datisque, ut Tua est eximia  
in subditos Tibi clementia, Regijs Lit-  
teris, illustrissimo juxtâ & gravissimo  
fasce levatum me, ut Bibliothecæ Me-  
xicanæ, de qua conscribenda certio-  
rem Te feceram, ornandæ insisterem,  
gratum habuisti, & additis stimulis exci-  
tasti. Hæc cum ita habeant, Bibliothecâ  
ipsam Mexicanam non uno tantum  
nomine nuncupandam Tibi esse, cum  
ejusdem materies & ratio, meum tum  
etiam officium monet exigitque; ut  
subinde committere non possim, quin  
publicam Opus hocce lucem visurum,  
Tuam beneficentissimam umbram ex-  
poscat, á qua & præsidium validissi-  
mum habeat, quod in Te uno Ame-  
rica nostra collocatum sibi gratulatur  
ac constitutum, & (quem ab Authore  
spe-



speraret nunquam) á Te ipso splendo-  
 rem hauriat amplissimum. Quod si,  
 ut scripsit aureo eloquentiæ flumine  
 juxtàque egregia vitæ sanctitate præ-  
 clarus Ecclesiæ Doctor Sanctus Joan-  
 nes Chrysosthomus, *Orientibus Solis* S.Chry-  
*radijs, & tenebræ fugantur, & feræ la-* fostom.  
*titant, foveisque conduntur: & latrones* Hom. I.  
*recedunt, & homicidæ ad antra suffu-* de laud.  
*giunt, & amoveantur pyræ, & sepulchro-* Pauli.  
*rum violatores fugantur, & adulteri,*  
*& fures, & domorum perfossores depre-*  
*hensi á Sole & redarguti; periclitantes*  
*abeunt, seseque alicubi procul occultant;*  
 sperabo profecto fore, ut Bibliotheca  
 isthæc, quæ in Te se recipit bene-  
 ficentissimum Solem, cujus obarmata  
 radijs, Litteratorum Theatro sistatur,  
 tenebriones vereatur nullos, quos non-  
 nunquam infestos sibi habuere Mexi-  
 canenses: umbras dispellat, in quibus  
 illi consепultos nos opinantur & gar-  
 riunt, imò verò somniant atque deli-  
 rant: & tandem aliquando comper-  
 tum habeant, ijs etiam, Occidentis li-  
 cét,



cét, plagis lucem ipsam sapientiæ, quæ  
apud Orbem veterem splendescit, jam  
diu affulsisse, incrementaque ad meri-  
diem usque captasse, quæ porro Ame-  
ricani accepta referunt Soli suo, id est,  
Tibi, Potentissime Rex, Augustissi-  
morum Regum hæredi, vividæ ac spi-  
rantiorundem imagini, Hispaniarum  
& novi Orbis delicio. Precor itaque  
ex animo Supremum Numen, ut post  
administratas ( quod fecisti hætenus )  
æquissimis legibus tot Provincias &  
Regna, ad Beatorum sedes & gau-  
dia placidissimè deducaris.



# APPROBATIO

P. JOANNIS ANTONII DE OVIEDO  
Societatis Jesu, Sancti Inquisitionis Officii Qualifica-  
toris, et Illustrissima Congregationis Purissima Virginis  
MARIAE in Collegio Maximo Mexicano  
Praefecti.

**G** Ratissimo, & jucundissimo animo decretum accepi, quo  
Excm<sup>us</sup>. D. D. Joannes Franciscus de Guemez & Hor-  
casitas Comes de Revilla Gigedo, Catholicae Majestatis  
à Consilijs & Cubiculis, & ejusdem loco hujus Novae  
Hispaniae Prorex, & Regalis Chancellariae dignissimus Praeses mi-  
hi dignatus est committere, ad censuram dicam, an admirationem  
selectissimum Opus, quo Perillustris D. D. D. Joannes Josephus de  
Eguiara Primariae Theologiae Cathedrae in Regia, ac Pontificia Me-  
xicana Academia Professor Emeritus, Metropolitanae Ecclesiae Ca-  
nonicus Magistralis, & ad Jucatanensis Ecclesiae Sacras Insulas,  
quas ea, quia pollet modestia, & humilitate adire recusavit, jam  
pridem electus, bono Patriae, & Americae hujus Septentrionalis no-  
mini consulens locupletissimam Bibliothecam adornavit, in qua  
manifestum facit, Americam nostram non modò auro, argento, &  
pretiosis alijs opibus, quibus Hispaniam, imò & Europam totam lo-  
cupletat, abundare, sed & innumeris nobilitate, religione, & litte-  
ratura praeclarissimis Viris, quorum nomina, & opera accuratissimo  
studio investigavit, semper fuisse, & esse refertam. Sciebat enim  
praestantissimus Doctor bonum nomen, & famam ex Sacro Pro-  
verbiorum oraculo quibuscumque alijs divitijs longè praestare. Nec  
eminentissimum in omni Sacra & prophana eruditione Virum late-  
bat, Patriam (quod agebat Hierocles apud Stobaeum) esse quasi  
alterum Deum, primumque & maximum Parentem, cujus bo-  
no propagando nomini debent filij sedulo invigilare, & Coronam  
quam egregijs sibi facinoribus promeruerint, non sibi, sed Patriae  
cedere, & vendicare; quod olim Graeci, teste Plinio, cives suos edo-  
cebant. Prodeat ergo in publicam lucem absolutissimum Opus, in  
quo cum aliàs nullum offendiculum vel severior Criticorum Ce-  
sura possit invenire, Lectores ex tot selectissimis sanctitate, & litte-  
ratura Viris, quorum nomina & opera praesens Bibliotheca re-  
censet, animos faciant ad ingenia litteris excolenda, & spiritus vir-  
tutibus exornandos. Ita censeo salvo meliori in hoc SS. AA. Petri  
& Pauli Maximo S. Jesu Collegio die 27 Aprilis anno Dñi. 1758.

Prov. c. 12.

Scob. serm.  
37.

Plin. lib.  
16. cap. 4.



IHS

Joannes Antonius de Oviedo.

C

VIN.



# VINCENTII LUPII

è Societate Jesu

CENSURA.

Domine Pro-Archiepiscopo.

**P**ost salutem plurimam Dominationi Vestrae animum di-  
ctam, sentio, ac profiteor, *Bibliothecam D. Doctoris Joa-*  
*nis Josephi Eguiarae* editionem, & lucem publicam jure  
quodam optimo postulare; tum quod in ea sit nihil à  
verae Fidei decretis, aut moribus antiquis alienum: tum quod  
ex umbra, in aciem & Solem prodire faciat, non modò  
Scriptores Americae nostrae, sed illorum etiam facinora egregia,  
qui pro Dei gloria, ac dilatando Evangelio maximè insudaverunt,  
describat, laudet, amplificet. Unde illa duo facile consequentur,  
juventutis, inquam, nostrae majus in dies ad excolendas Scientias  
studium, & ardor, & honestè, ac praeclare factorum accurata ac dili-  
gens imitatio.

De Authore vero Libri (quando plura sunt mihi insignia,  
& illustra, modestiae ejus gratia, silentio premenda) unum illud  
libenter usurpo, quod de Nepotiano suo Hieronymus. *Lectione*  
*assidua, & meditatione diuturna pectus suam Bibliothecam fecerat*  
*Christi.*

S. Hieron.  
tom. 1. post  
med. Epist.  
3. Heliod.

Inter hæc precor D. O. M. ut Dominat. V. salvam diu, &  
incolumem velit. Mexici post. Id. Jan. anni Dni. 1755. In Co-  
llegio Societatis JESU Sanct-Andreano.

Paratiss. ad officia



IHS



IHS

Vincentius Lupius.

Ex-



**E**Xcellentissimus D. D. Joannes Franciscus de Guemez et Horcasitas Comes de Revilla Gigedo, Nova hujus Hispania Pro-Rex, visâ precedenti Approbatione à R. P. Doctore Joanne Antonio de Oviedo Societatis Jesu, Sancti Inquisitionis Officij Qualificatore, et Illustrissima Congregationis Purissimæ Virginis Mariæ apud Collegium Maximum Mexicanum Præfecto, datâ, ut hic Tomus I Bibliothecæ Mexicana excudatur concessit die 28 Aprilis anno Domini 1755.

**P**erillustis D. D. D. Franciscus Xaverius Gomez de Cervantes Primarius et Emeritus Sacrorum Canonum in Academia Mexicana Professor, Vicarius Generalis Mexiceæ Archiepiscopatus, electus Episcopus Portudivitensis, editionem hujus Tomi I Bibliothecæ Mexicana permisit, visâ Approbatione R. P. Vincentij Lupij Societatis Jesu, Sanctæ Inquisitionis à censuris, Decreto subscripto die 31 Januarij anno Domini 1755.



# ERRORES TYPOGRAPHICI ALIQUOT CORRIGENDI

HOC PRIMO TOMO.

## IN ANTELOQUIIS.

Ant. 1 Pag. 3 lin. 15 pro *cimmerijs* scribe *Cimmerijs*.  
Ibid. p. 1 lin. 3 pro *Carpentanorum* scribe *Carpentanorum*.  
Ibid. pag. 4 lin. 2 pro *sumite* scribe *summite*.  
Ibid. lin. 30 pro *commonstravemus* scribe *commonstravemus*.  
Ant. 2 Pag. 1 lin. 21 pro *dadolart* scribe *dedolart*.  
Ant. 3 Pag. 5 lin. 20 pro *alijs* scribe *alis*.  
Ant. 4 Pag. 3 lin. 27 pro *fatis* scribe *factis*.  
Ant. 5 Pag. 1 lin. 26 pro *excriptis* scribe *exscriptis*.

Ant. 6 Pag. 2 lin. 15 pro *Herorum* scribe *Herorum*.  
Ibid. Pag. 3 lin. 6 pro *indoli* scribe *indole*.  
Ibid. lin. 12 pro *ni* scribe *nisi*.  
Ant. 7 Pag. 2 lin. 9. pro *Egyptiorum* scribe *Aegyptiorum*.  
Ant. 10 Pag. 3. lin. 12 *suppellectilli* scribe *suppellectili*.  
Ibid. lin. 14 pro *Cordefiana* scribe *Cordefiana*.  
Ant. 13 Pag. 8 lin. 13 pro *abierunt* scribe *obierunt*.  
Ant. 18 Pag. 5 lin. 31 pro *nolissim*. scribe *nobilissimi*.

## IN BIBLIOTHECA.

Pag. 4 col. 2 lin. 17 pro *Iustinianais* scribe *Iustinianais*.  
Pag. 10 col. 1 lin. 33 pro *Legico* scribe *Lexico*.  
Pag. 15 in Elogio lin. 2 pro *Alexnader* scribe *Alexander*.  
Pag. 16 lin. 10 pro *Religionem* scribe *Religione*.  
Pag. 18 col. 1 lin. 7 pro *Syllabarum* scribe *Syllabum*.  
P. 25 c. 1 lin. 25 pro *Academiorum* scribe *Academicorum*.  
Ibid. col. 2 lin. 15 pro *conjungio* scribe *conjugio*.  
P. 31 col. 2 lin. 13 pro *Baccalaurus* scribe *Baccalaureus*.  
Pag. 34 col. 1 lin. 16 pro *Norter* scribe *Noster*.  
Pag. 40 col. 1 lin. 20 pro *divitus* scribe *divinitus*.  
Ibid. col. 2. lin. 6 pro *cocodamon* scribe *cacodamon*.  
Pag. 52 col. 1 lin. 33 pro *cocodamone* scribe *cacodamone*.  
Pag. 43 col. 1 lin. 19 pro *à quibus* scribe *è quibus*.  
Ibid. pro *nulla* scribe *nulla*.  
Pag. 49 col. 2 lin. 28 pro *frustra* scribe *frusta*.  
Pag. 53 col. 2 lin. 28 pro *Batica* scribe *Baetica*.  
Pag. 64 col. 2 lin. 15 pro *quem* scribe *quam*.  
Pag. 75 col. 2 lin. 27 pro *egenibus* scribe *egentibus*.  
Pag. 79 col. 2 lin. 29 pro *tam* & *sa* scribe *tametsi*.  
Ibid. lin. 33 pro *succesuis* scribe *succisvis*.  
Ibid. col. 2 lin. 23 pro *preso* scribe *presso*.  
Pag. 81 col. 1 lin. 26 pro *enerudito* scribe *inerudito*.  
Pag. 81 col. 2 lin. 4 pro *Cancellario* scribe *Cancellarius*.  
Pag. 88 col. 2 lin. 14 pro *jusu* scribe *jussa*.  
Pag. 90 col. 2 lin. 36 pro *es* scribe *eis*.  
Pag. 91 col. 1 lin. 21 pro *contineri* scribe *continere*.  
Pag. 101 col. 2 lin. 34 pro *presus* scribe *pressus*.  
Pag. 102 col. 2 lin. 12 pro *virijs* scribe *viris*.  
Pag. 111 col. 2 lin. 7 pro *defferente* scribe *deferente*.  
Pag. 112 col. 2 lin. 9 pro *Deum* scribe *Deus*.  
Pag. 117 col. 2 lin. 38 pro *reffertas* scribe *refertas*.  
Ibid. lin. 39 pro *nutidas* scribe *nitidas*.  
Pag. 125 col. 2 lin. 20 pro *capud* scribe *caput*.  
Pag. 133 col. 1 lin. 1 pro *eterno* scribe *aterno*.  
Pag. 135 col. 2 lin. 12 pro *eppellans* scribe *appellans*.  
Pag. 144 col. 2 lin. 27 pro *sexenium* scribe *sexennium*.  
Pag. 146 col. 2 lin. ult. pro *quondam* scribe *quondam*.  
Pag. 148 col. 2 lin. 24 pro *pratiofa* scribe *pretiosa*.  
Pag. 150 col. 2 lin. 28 pro *Philipo* scribe *Philippi*.  
Pag. 156 col. 1 lin. 6 pro *bucis* scribe *buccis*.  
Pag. 158 col. 1 lin. 18 pro *notiam* scribe *notitiam*.  
Pag. 161 col. 1 lin. 5 pro *tenneris* scribe *teneris*.  
Pag. 171 col. 2 lin. 37 pro *suis* scribe *sui*.  
Pag. 180 col. 2 lin. 31 pro *tempore* scribe *tempora*.  
Pag. 181 col. 1 lin. 37 pro *insignem* scribe *insigne*.  
Pag. 200 col. 2 lin. 26 pro *Definitor* scribe *Definitor*.  
Pag. 206 col. 1 lin. 38 pro *jetunis* scribe *jenunijs*.  
Pag. 210 col. 1 lin. 31 pro *aqustis* scribe *equestis*.  
Pag. 218 col. 2 lin. 40 pro *negotis* scribe *negotijs*.  
Pag. 229 col. 1 lin. 20 pro *maximan* scribe *maximam*.

Ibid. col. 2 lin. 26 pro *exanimen* scribe *exanimem*.  
Pag. 235 col. 1 lin. 25 pro *ponente* scribe *posiente*.  
Pag. 236 col. 2 lin. 39 pro *conjucto* scribe *conjuncto*.  
Pag. 241 col. 1 lin. 17 pro *nominijs* scribe *nominibus*.  
Pag. 247 col. 1 lin. 35 pro *juventibus* scribe *jubentibus*.  
Pag. 249 col. 1 lin. 7 pro *maxima* scribe *maxime*.  
Pag. 253 col. 1 lin. 7 pro *Gerfen* scribe *Gerson*.  
Pag. 264 col. 2 lin. 33 pro *ur* scribe *ut*.  
Pag. 268 col. 2 lin. 3 à *Theologiam* dele à.  
Pag. 276 col. 2 lin. 30 pro *quo* scribe *qua*.  
Pag. 290 col. 1 lin. 12 pro *sapta* scribe *septa*.  
Ibid. col. 2 lin. ult. pro *mixicea* scribe *mexicea*.  
Pag. 292 col. 1 lin. 26 post *eidem* adde *una*.  
Pag. 307 col. 1 lin. 19 pro *malet* scribe *mallet*.  
Ibid. col. 2 lin. 40 pro *epitome* scribe *epitomen*.  
Pag. 310 col. 1 lin. 16 pro *verantur* scribe *venerantur*.  
Pag. 314 col. 1 lin. 29 pro *terremotus* scribe *terramotus*.  
Pag. 316 col. 1 lin. 4 pro *tesuis* scribe *tesquis*.  
Ibid. lin. 24 pro *horatus* scribe *hortatus*.  
Pag. 317 col. 2 lin. 25 pro *memini* scribe *memini*.  
Pag. 324 col. 1 lin. 13 pro *obnuimus* scribe *abnuimus*.  
Pag. 341 col. 2 lin. 18 pro *Tunium* scribe *Turrium*.  
Pag. 347 col. 2 lin. 6 pro *signatem* scribe *signantem*.  
Pag. 374 col. 2 lin. 11 pro *tabullarijs* scribe *tabularijs*.  
Pag. 380 col. 1 lin. 11 pro *audatus* scribe *audacius*.  
Pag. 384 col. 2 lin. 12 pro *Provincia* scribe *Provincia*.  
Pag. 386 col. 2 lin. 36 pro *ad* scribe *an*.  
Pag. 389 col. 2 lin. 33 pro *Tyrans* scribe *Tyrannis*.  
Pag. 414 col. 1 lin. 26 pro *Imagine* scribe *Imaginem*.  
Pag. 438 col. 2 lin. 23 pro *Glasjs* scribe *Glassis*.  
Pag. 439 col. 2 lin. 10 pro *vatissimis* scribe *vastissimis*.  
Pag. 449 col. 2 lin. 22 pro *Remedis* scribe *Remedijs*.  
Pag. 457 col. 1 lin. 28 pro *pharasin* scribe *phrasin*.  
Pag. 459 col. 2 lin. 35 pro *precosi* scribe *precoci*.  
Pag. 462 col. 1 lin. 17 pro *Precosi* scribe *Precoci*.  
Pag. 466 col. 1 lin. 12 pro *Presuli* scribe *Prasule*.  
Pag. 467 col. 1 lin. 28 pro *merentibus* scribe *marantibus*.  
Pag. 475 c. 1 lin. 38 pro *sapiendissimis* scribe *sapidissimis*.  
Pag. 476 col. 1 lin. 40 pro *excriptis* scribe *exscriptis*.  
Pag. 477 col. 1 lin. 4 pro *imperij* scribe *imperio*.  
Pag. 481 col. 1 lin. 13 pro *politica* scribe *politica*.  
Ibid. col. 2 lin. 29 pro *invendis* scribe *innuendis*.  
Pag. 490 col. 2 lin. 3 pro *Hatur* scribe *Habetur*.  
Pag. 491 col. 2 lin. 17 pro *sumptum* scribe *sumptuum*.  
Pag. 498 col. 2 lin. 7 pro *displisere* scribe *displicore*.  
P. 512 c. 2 lin. 33 pro *Goatmmlensis* scribe *Goatemalensis*.  
Pag. 517 col. 2 lin. 29 pro *proprea* scribe *propterea*.  
Pag. 519 col. 2 lin. 12 pro *optenta* scribe *obtentam*.  
Pag. 525 col. 1 lin. 35 pro *nequamus* scribe *nequamus*.  
Pag. 529 col. 1 lin. 10 pro *cupidentibus* scribe *cupientibus*.

¶ Alia similia errata, accentus, diphthongos, litteras supervacaneas, omittas, transpositas, inversas, benignus lector emendet, tollat, restituat.



# DE BIBLIOTHECA

D. Doctoris Joannis Josephi  
Eguiaræ, et Mexicanorum  
Ingenio.

## Aprilis Dialogus.

Authore P. Vincentio Lopez,  
Cordubensi, Theologo, & Socie-  
tate Jesu, apud Tribunal Fidei  
Censore.

CUM ineunte Aprili, sub umbrosa pla-  
tano Hispanus, Belga, Italus, pluresque  
alii Apollinis, & Minervæ alumni in  
villa non procul à Mexico Septentrionalis Ame-  
ricæ Metropoli, sub mane convenissent; quan-  
doquidem, inquit Italus

.....In molli consedimus herba,  
Et nunc omnis ager, nunc omnis parturit arbos,  
Nunc frondent silvæ, nunc formosissimus annus  
.....dicite

Eclog. 3, v. 55.

Si quid novi est ab Æuropa: audivi enim ex  
Hispania naves ad Portum Veræ-Crucis appul-  
sas, solentque inde ad nos usque raras, ac pe-  
regrinas Librorum merces convehere, quas au-  
ro quovis Mexicani coemant: quo pacto fit ut  
quidquid in magna illa Ingeniorum altrice Æu-  
ropa cultores Literarum scribendo inveniunt



elaborant, perficiuntque, utilissimo, nimirum, & honestissimo commercio facile ad nos perveniat; & dubitari possit auro nè magis, & argento Americani Æuropam, an Æuropa suis Libris Mexicanos ditaverit. Quanquam in hujusmodi negotiatione, & in advectis à Septentrione mercibus Hispani fraudem, dolumque malum, non semel detexerint. *B.* Quas tu hic fraudes, aut dolos commemoras? Cum nihil sit inter omnes vulgatius, quam Hispanis magnos esse proventus, & immodicum lucrum ex illis nundinis. *I.* Si de quæstu, incrementisque rei familiaris agitur, non admodum tibi repugnem, præcipue quod non sim in Mercurij tricis, ac foro versatus. Ego verò de Vulcani officinis conqueror, quæ novos quotidie libros conflant, protrudunt, spargunt in ultimos terrarum fines cum Religionis, morum, probitatis, bonarum etiam Literarum insigni jactura. *B.* Oro te, permitte ea omnia Fidei, ac morum Senatui gravissimo, cui, non sine consilio divini Numinis, commissa est hæc Provincia, qui statim infectas illas merces intercipit, & antequam malum serpat, si possit emungit adhibitis incredibili cura, diligentia, ac labore; aut si leniter contagioni mederi non possit, inducit, obliterat, aut meritis flammis addicit.

*H.* At ego video sermonem istum producendum nobis usque ad meridiem. Sumus que jejuni adhuc, & sicci. O servos istos, vel si proximus ardeat Ucalegon, cessantes & pigros! Cito, cito, & unà cum tostis placentulis Cocolatum nobis afferte. Ea suavissima, ac delibatior est potio è granis & medullis avellanæ nuci similibus; sed mollior illis quam avellanis nucleus, salubrior etiam, & capiti, ac stomacho temperandis commendatissimus. Gratiorem potum



tum reddit è Zeilano casia sacharo candidissimo admixta, ac diluta. Hauritur è poculis calidus fere, modicis sorbitiunculis: estque amicissimus vigilantibus ad Minervæ lucernas, Quod si Musæ vellent jucundissimum Apollini sacrare poculam; pateram succi hujusmodi propinarent. Et fortasse frequens ejus potionis usus ( ut alias nunc præteream ) aliqua causa est, ob quam Mexicanis multis alijs suavitate præstent, & acumine Ingenij. *I.* Quæso vos parcius ista, ac submissius dicite; ne rumor aliquis perveniat ad Alonensis Decani aures delicatissimas. *H.* Quem, Tu nobis Decanum Alonensem minaris, quem nescimus sit nè *Ater, an albus?* *I.* Equidem vehementer admiror, nihil ad vos de Epistolis ejus, vel fama allatum: cum ille & Hispanus sit ortu, & ejusdem Epistolæ non Lipsiæ, aut Hagæ, quas vos nil minus quam Lemnum cavetis lacum, sed Matriti, obstetricante generoso Valentino Gregorio Majansio, sunt editæ. *B.* Et quidem etiam mihi lectæ, & avidissimè exploratæ fuerant Decani Epistolæ, ob stili candorem Plautinosque sales illis admixtos; sed enim verebar, Hispanos, opinionis, ac famæ studiosam gentem, laceßere, aut materiam odio, ac simultati præbere recordatione Epistolæ, in qua multa insunt parum consultè dicta, nec verò vel ab ipso illo dicenda, nisi versaretur in summa rerum, hominumque Americanorum ignoratione.

*H.* Quantum in me est tibi licet, quidquid ex ea velis exprømere, palamque recitare. Nec enim pervicaces adeo, aut indociles sumus Hispani, ut emendari ab alijs nollimus, aut si melior sit, & probabilior, in alienam sententiam ultro descendere. *B.* Quantumvis memoria retineam eam Epistolam, neque in ani-

\*  
mum



Lipsius lib. 1. Se-  
lectar. Centuria 1.  
Epist. 22. Philip-  
po Lanoio.

Marti lib. 7 Epist.  
16 Martino Car-  
rilio, Edit. Matr.  
anno 1735.

num ego meum inducam, neque committam,  
ut illa recitata, hujus confessus aures diverbe-  
rem, & diei hujus lætitiæ invidere videar, &  
molestissimum clangorem tollere inter olorum  
cantus. *H.* Imò potius aude, effareque voce ista,  
ac Belgico pectore: nam propterea tibi in Dia-  
logo isto ante alios loqui concessimus, quòd sci-  
remus te Belgam esse, ex Natione, scilicet, cui  
nihil sit probitate antiquius, nihil veritatis stu-  
dio amabilius. Ob quas animi dotes, & in scri-  
bendo judicij sine affectatione maturitatem, estis  
vos Belgæ chari, vel nationibus exteris, & Or-  
bi Literarum quam qui maximè commodi, &  
utiles. Et numnè ex eadem gentilitate sunt, &  
stirpe, quos nunc dicunt Biographos? Quibus  
quid Sol iste vidit illustrius? An non vester est  
Lipsius, cujus illud omnino verum. *Quis enim ne-  
get? Ut hominibus singulis, sic populis sua labes, sua  
laudes?* A quo nulla, opinor, erit tam arrogans,  
quæ se faciat eximiam. *B.* Quando igitur mihi ab  
Hispanis & dicendi facultas tribuitur, & ab ipsis  
provocor, ac sollicitor, fabor denique, quanvis  
dolenter, ac prorsus invitus. Negat Decanus (di-  
ctu nefas) vigere apud vos Literarum studia.  
Negat locum vos aliquem Minervæ, aut Apo-  
llini dicatum habere, negat Academias inter  
vos, ac Lycæa florere, quasi unus omnia Mer-  
curius, & quibus ille præsidet, negotiatores, hic  
occupaverint. Obstupuere ad hæc Auditores,  
suntque omnium animi subita admiratione  
perculsi: Vixque ut crederent adduci poterant;  
hominem in Hispania natum, Romæque ubi  
eruditio, ac literæ plurimum regnant, excultum,  
in tanta fuisse gentis Americæ oblivione, aut  
infcitia, ut ei illa exciderint, quæ & incredibi-  
lia omnibus essent habenda, possentque nube  
oculorum testium refelli.

*B. In-*



B. Intercessit his Belga paullò sedatior,  
& stuporem, inquit, atque admirationem po-  
netis, si ceteras ejusdem Authoris legeritis Epi-  
stolas, quæ ad veteris Orbis Hispanos, & illo-  
rum ingenia spectant; in quibus plura sunt ob  
quæ Illi derisos se, ac prope sibilo explosos pos-  
sent conqueri. Et tamen illa benignam, & com-  
modam excusationem habent, si ad animum,  
voluntatemque Decani velitis advertere. Nimi-  
rum, quo ad Mexicanos attinet, videtis vos  
ipsi, id quod eruditi omnes agnoscunt, ac li-  
bere profitentur. Alonensem aut in profunda  
Americæ ignorance dormitasse, aut ( quod  
nulla illius culpa evenire potuit ) fuisse ab alio  
quopiam deceptum, ex ijs, scilicet, qui pervagati  
terrarum orbem, multa impune ac per otium  
popularibus suis mentiri solent, ac præcipue  
Viris antiquæ probitatis imponere. Quod ve-  
rò de Antiquæ Hispaniæ Eruditione & homi-  
nibus eruditis scripsit alicubi, fecit quidem non  
elatione, aut superbia aliqua, sed ut severitate  
illa censuræ, ac judicij Hispanos suos excitaret &  
exacueret ad diligentiore Humaniorum lite-  
rarum cultum, in quo nonnulli minus sunt  
accurati: propterea quod ament gravioribus  
alijs Disciplinis magis incumbere, ijsque ob-  
lectari. Quod tamen apud æquos divinarum,  
humanarumque Scientiarum æstimatores lau-  
dem potius quàm vituperationem meretur.  
Contra verò Decanus ita à Natura compara-  
tus erat, ut se totum Humanitatis Studijs de-  
stinaret, malletque in ijs primas tenere, quàm  
in Theologicis secundas, aut tertias. Et nisi opi-  
nio fallit, demum obtinuit. Ferunt enim, mul-  
tique hodie in ea sunt sententia; jam inde à M.  
Tullio, aureoque Latinæ Eloquentiæ sæculo, in  
eo scripturæ genere prodijisse nihil pictius,

Vide Martinum  
lib. 7. Epist. 11. &  
lib. 8. Epist. 12. &  
13.



nihil illuminatius; nihil Græcis, Latinis ve fabulis extare conditius. *I.* Atqui non neminem egomet audiui, qui redundare ibi dicat Græca Diverbia, & quæ Græci vocant Schemmata. Quæ ostentatio Græci sermonis, vitanda erat Latine scribenti. Et dubitare aliquis posset, Græcasne, an Latinas dicat eas Epistolas. *B.* Video quò spectes, Italæ, ac ne ( quod soles ) acutior, ac subtilior sis in Decanum, voca, si placet Græcolatinas, & verum illis nomen indideris. Quod enim ego injeci de Alonensis, ac Ciceronis Epistolis, habet quidem speciem comparisonis, in qua tamen Decano Tullius incredibili intervallo præcellit

Eclog. 5. v. 16.

*Lenta salix quantum pallenti cedit olivæ,  
Puniceis quantum cedit saliunca rosetis  
Judicio nostro, tantum tibi cedit Amintas.*

Arrisere omnes dicenti Belgæ. Sed vellemus inquirunt, citra lusum, & jocum, vestram de Epistola, in qua Alonensis, errore licet, infectatus est Mexicanos, sententiam audire, aut ut scripti aliquid vulgaretis, quod mæstum consolari posset Apollinem; nam fama est, ad eam Epistolam non illum modò, sed & Parnasiam rupem ingemuisse, turbatosque Aoniæ, & Aganippis fontes ac rivulos. *B.* Ego verò non Jambos, aut Diras, sed ad pulvinaria omnia supplicationes, & Novendialia, à Senatu, Martino Decano procurari, ac decerni cuperem. His auditis, cum silentium majorque admiratio consequeretur, omnia enim alia expectabant à Belgæ: Italus subiratus: Ain" Tu ista, Belgæ? Aut Nos ludis, & quasi stollones habes, aut rupices? *B.* Aio, nimirum ex que animi mei præclara sententia. Ac vel ex te ipso vellem audire: habere-



remusnè tam eximium Eguiaræ Doctoris Li-  
brum, nisi Decanus Alonensis sua illa Epistola  
occasionem, causasque scribendi præbuisset? Et  
Authoris calamum prope obarmasset? *I.* Equod-  
nam, Tu, indicas Eguiaræ Opus? Nam Theo-  
logicæ ejus Disputationes jam diu mihi sunt  
lectæ, & nocturna, ac diurna manu versatæ,  
idque faciendum ijs consulo, quibus magno in  
pretio est Theologia, cupiuntque in eadem mul-  
tum proficere. Et est quidem, quod Tu affir-  
mabas, iste Liber eximius, dignusque sanctioris  
Minervæ Sacrario; sed in illo nihil omnino video  
cui conscribendo materiam Decanus obtulerit,  
homo nunquam nisi invitus, & cum stomacho  
in Theologiæ oras delatus. *B.* Non ego tibi  
Eguiaræ Disputationes; sed Bibliothecam insi-  
nuo, *I.* At, at! Et illi conscribendæ causas De-  
canus attulit? Certe attulit. *I.* Si ita res habet  
placabor confestim; è vestigio cantabo palino-  
diam,agamque Martino gratias amplissimas. *B.*  
Potes, ac debes, & ascolta, ac fidem adhibe  
mihi narranti. Cum Eguiara Doctor, & ego in  
familiari colloquio sederemus, sermoque de li-  
teris incidisset, recitavit Ille mihi, & quidem  
syllabatim, eam Decani Epistolam; qua audita,  
enim verò primum erubui, mox, tam inaudi-  
to de Americanis judicio, subito expallui, de-  
mum cohorrui. Sed ut me collegi, quin, Tu,  
ista inquam, vindicas Eguiara, & è tanta Me-  
xicanorum segete, & copia, quorum sane præ-  
stantissima fuerunt Ingenia, paria aliquot feli-  
gis, ex quibus Alonensis agnoscat, optimarum  
inter vos literarum studia fervere, esseque Me-  
xicanis suas Athenas? Imò verò subjunxit Ille  
voce submissa, auspice Deo possem Bibliothe-  
cam Martino sistere, nec minoris, quam quæ Ro-  
mæ à Nicolao Antonio condita (& ab amplif-  
simo



limo Cardinale Aguirrio mōx est edita ) molis,  
& magnitudinis. Sed ipsemet nosti occupatio-  
nes meas: Vides quam longi temporis, & la-  
boris illud sit opus: intueris, ac doles quam  
sim afflicta, imbecillæque valetudinis. *B.* Sed  
fac, obsecro, ut te ab alijs explices, & expedias,  
quæ si ad Bibliothecæ utilitatem spectas, mi-  
noris sunt pretij. Et, si me audis, nullum offi-  
cij, ac meriti genus est, quod Patriæ, quod Rei-  
publicæ Eruditorum, quod tibi ipsi majorem  
splendorem, gloriam, commendationem famæ,  
ac Nominis sit allaturum. Quare ommissis istis,  
in quibus tua Te moderatio animi hæere fa-  
cit, ad Scriptorum Americæ Bibliothecam ag-  
gredere & huic uni impende vitam istam, &  
lucem sollicitam. Sic, quod ego, quod omnes cives  
optimi, quod sanctiores ipsæ Musæ multum pre-  
cantur, quod prudens, ac sapiens quisque ha-  
bet in votis, Deum, Superos, Cœlites adesse ti-  
bi scribenti sentias, ac labori tuo adspirare. Igi-  
tur ut est ille decoris publici, & avitæ laudis  
studiosissimus, acquievit suadenti, & Bibliothe-  
cæ adornandæ curam in se recepit, dummodo  
tamen, inquit, Tu mihi succedanea sis victima,  
si ( quod valdè timeo ) in ipsa scribendi con-  
tentione defecero. Habetis causas tum confe-  
cti, tum Libri illius in lucem editi: &, ut in  
novo Opere, vultis, opinor, quæ sint de illo,  
audire iudicia, & an magnam, quæ de eodem  
erat, impleverit expectationem? Quo circa, cum  
Bibliothecam illam legisse vos credam, idque  
oculis eruditis, non alios, sed vos ipsos in hac  
causa Iudices, ac censores appello, qui & sapien-  
tia valetis plurimum, & estis ab assentatione, odio  
ve in Hispanos remoti, quæ duo depravant ple-  
rumque, & corrumpunt Iudicia. Opus itaque  
vobis est, ut hac saltem nocte in cella Apollinis  
vigileis.

Po-



Postera autem ubi dies exorta est, cum  
à potione Indica convivæ omnes recentes es-  
sent, è Villa, rusticationis gratia, in subjectum  
pratium descendunt, quâ tenuis, ac placidus ri-  
vulus permeabat. Tunc Italus: Ecce non mur-  
mur, & cantum aquilæ discurrentis sectabimur,  
qui Nos ad fontem suum deducet, in quo for-  
te sub alicujus arboris umbra, ubi Sol cæperit  
æstare, inceptum heri sermonem, claudemus.  
Et quidem divinasse visus est Italus. Modico  
enim spatio decurso, ventum est ad fontem, ex  
quo rivulus emanabat; eratque loco facies as-  
pectu mirabilis, varijs peregrinisque Plantis, &  
stirpibus confita, densis etiam arboribus inum-  
brata, in quibus plures, & apprimè canoræ avi-  
culæ nidificabant. Ut qui aderant nec Cicero-  
nis Academiam requirerent, aut Tusculanum;  
nec ipsius Alonensis Decani villam, cui des-  
cribendæ omnes Ille orationis lepores, & Cha-  
rites advocavit. Sed agite, inquit Hispanus; nec,  
in loco per se amœnissimo, ullus amœnitates  
alias quærat, aut diverticula. Urget enim Apo-  
llo magnus; & quia primæ in judicando Ita-  
lis tribuuntur, ex quo ipsi veterem illam Græ-  
ciam suis Literis expoliarunt; placet eidem Apo-  
llini, ut initium sermonis Italus ducat. *I.* Pa-  
reo, ac propicio Deo sermonem instauro. Bi-  
bliotheca illa, si studium, si accurationem, si di-  
ligentiam æstimes, laboris est improbi; & quam  
nemo speraret perfici posse, nisi jam absolutam  
videret; ab homine præsertim Theologicis vi-  
gilijs, & lucubrationibus intentissimo, in qui-  
bus totam fere ætatem exegit, attrivit, con-  
sumpsit. Et quas non Ille perscrutatus est arcu-  
las, pluteos? Quæ non obscuræ ac tetricæ An-  
tiquitatis penetralia invisit? Inspexit? Quos non  
Codices, scrinia, ac mirothecia evolvit, ape-  
ruit?



ruit? Quas non adivit, vidit, legitque Biblio-  
 thecas, ut suam illam conficeret, in eamque li-  
 teras omnium aliarum, succos, & flores con-  
 ferret? Quæ quam sint plena negotij, difficul-  
 tatis, & molestiæ, quantam postulent ingenij,  
 ac judicij maturitatem & prudentiam vos ipsi  
 perspicitis, &, scribendo, fuistis experti. At ne  
 dissimulare aliquid videar, quod tanti, tamque  
 de Patria benemeriti Viri Sapientiæ, ac Doctri-  
 næ possit officere; occupabo jam illa, quorum  
 si probabiles, & idoneas causas attulero vide-  
 bitis, æquissimi Judices, Doctorem istum, Bi-  
 bliothecamque suam, jure, optimaque ratione  
 laudari. Nam quod nonnulli dicunt referri, nu-  
 merarique non debuisse illos quorum Scripta  
 servantur nondum edita, aut qui vix manum,  
 & plagulam implent; neque minutos alios, ac  
 multum jejunos, nullius frugis, & in quibus  
 nulla salis est mica; id profecto non dicerent,  
 si meminisse vellent morem, usum, & consue-  
 tudinem omnium, qui usquam Bibliothecas edi-  
 derint, quibus ea lex est proposita, ut quidquid  
 alij scripserint, memoriæ posteritatis ipsi com-  
 mendent, sive id parvum sit & exiguum, sive  
 insigne, magnum, & grave; sive rude, & incul-  
 tum; sive ingeniosum & expolitum, sive nullius  
 pretij, leporis, aut venustatis. In quo præter  
 alios Author noster Ducem habuit Hierony-  
 mum, qui cum esset in seligendis libris judi-  
 cio præstantissimo, tamen cum de Scriptoribus  
 Ecclesiæ ageret, non solum minutos plures non  
 prætermisit, sed etiam illos indicavit, qui late-  
 bant, & à suis Authoribus cellabantur. Et qui-  
 dem Eguia Doctor produxit, laudavitque mul-  
 torum folia verius quam libros, ut Bartholo-  
 mæi Castannij viri Apostolici catechesim bre-  
 vissimam; sed in hanc, & similes illud Tullij de  
 Duo-

S. Hier. in Scrip-  
 tor. Eccles. in Ge-  
 lasio Cæsareæ Pa-  
 lestinae. Vide ejus  
 Libri Prologum.



Duodecim Tabulis, nūmnē cadit aptissimē? *Fremant omnes licet, dicam, quod sentio, Bibliothecas, me Hercule, omnium Philosophorum unus mihi videtur Duodecim Tabularum libellus, si quis Legum fontes, et capita viderit, et auctoritatis pondere, et utilitatis abertate superare.*

Lib. I. de Oratore Num. 44.

Quibus cum auditores præberent assensum; perge inquit, ulterius: & si in cæteris refellendis, aut explicandis acutus adeo fueris, ac prudens, sperare potes Bibliothecæ tuæ palmam cum primis attribuendam. I. Siquidem æquos Vos, nobisque faventes aspiciamus, progrediar alacrius. Altera objectio eorum est, quibus apparet Bibliothecæ author fusior, & longior in enarrandis, efferendisque Scriptorum pro Christiana Republica laboribus, & factis egregijs. At illi quidem nec consilium Scriptoris compertum habent, nec ad frontem ipsam & Bibliothecæ inscriptionem satis animum adiecere: in qua legere est, (1) Authori propositum, ac deliberatum, non solum scribere de clarorum in America Virorum scriptis, ac libris, verum etiam de illorum strenue & præclare factis, gestis, dignitate, virtutibus. Ad quod non tam præjudicio suo, aut voluntate, inductus est, quam sapientum consilio, & adhortatione. Magnum enim est inter hanc, & Orbis antiqui Scriptores, & Bibliothecas discrimen: quod ij, de quibus istæ agunt, & quorum Scripta dinumerant, vulgo noti sint, & illustres, quorumque vitæ actiones non in obscuro, sed in media Europæ luce sint positæ. Notitia verò ingeniorum Americæ multis adhuc tenuis est, & inertata: nam qui ad nos ex Europa mercium causa permutandarum accedunt, quandiu hîc negotiantur, oleum suum, operam que infumunt omnem opibus corrogandis; alteque apud illos

★

Li-



Literæ silent, & dormiunt. Si qui autem ad patrios lares, ac Penates suos serò tandem redierint, multa de Americæ divitijs, Negotiatorum lucro, & immani quæstu narrare poterunt; pauca, aut nulla de viris in eadem provincia sanctitate vitæ, religione, pietate, scientiarum cultu, ac præstantia ingenij clarissimis. A quibus mirum in modum Mercatorum disidet natio, si paucos eximas, quos æquus amat Juppiter, & ex arguilla meliore voluit effingere. Accedebat his causis, quod quanvis viri essent docti, & insignes Latina Eruditione; nec mediocriter, sed valde Historicis Americanorum imbuti, quique possent res gestas, & illorum acta, qui diversis hic floruerunt temporibus, mandare literis; alij detrectabant hanc Provinciam suscipere diversis curis aliò distracti; alij refugiebant, non tam magnitudine Operis, ac labore deterriti, quam quod illos præpediret (magnorum Ingeniorum comes) modestia, & pudor ingenuus. Ipse verò Eguiara Doctor cum libris Theologicis componendis multam navaret operam, simulque habendis in Templo majori, e superiore loco, Sacris Concionibus occuparetur; non illo abundabat ocio, ut quanvis voluntas, & animus non deesset, tamen posset divulsas, ac separatas à Bibliotheca sua elucubrare Historias, easque contexere: quod quidem erat longioris moræ, vacuumque tempus, & ab alijs negotijs, & studijs magis liberum postulabat. Fatigabant etiam Scriptorem quotidianæ multorum preces, vota, fere cum convivio, & amica licet, objurgatione, Editionem efflagitantium. Unde necessario illud consilij cepit, ut eidem Bibliothecæ Historias appingeret, eaque amplificata, in unum corpus Historiæ, ac Bibliothecæ, partes ac dotes redige-



geret, & quasi filo aureo connecteret, & illigaret.

B. Audiebat præterea noster Scriptor, legebatque in famosis quibusdam Libellis exagitari, proscindi sæpius, ac lacerari Americanos, imò in ultimam aliquando barbariem relegari, ac ne angulum quidem illis in Republica literarum relinqui. Quare optabat, non supremum (quod isti suspicantur) sed aliquem, si Literatorum Senatui, populoque placeret, Genti suæ locum concedi, in quo sedatè, ac sine tumultu, suas Minervæ oleas, suas Lauros Apollini excolleret, & irrigaret. Et erat certè cunctorum, qui hîc habitarunt, sententiâ, & consensu, justissima viri postulatio, & minimè contemnenda petitio. Propterea quòd alendis Ingenijs, inter diversas Orbis plagas nulla Mexicano cœlo sit aptior. Ut qui maximè Athenas illas veteres, urbemque Mexicum cognoverunt & contemplantur, pares aut simillimas faciant, aëris, ac Cœli benignitate, quibus plerumque suum acumen, acies & magnitudo constat ingenijs. (2) Ad quam Cœli, & Naturæ indulgentis clementiam accedit Mexicanorum indoles apta, docilis, & ad Scientias omnes & Literas modulata; à teneris unguiculis bonarum Artium, sublimiorum facultatum, cultus disciplina, & sub magistris in unaquaque scientia doctissimis, liberalis educatio, sedulaque institutio. Quare præter Academiam Principem, in qua omnes scientiæ traduntur, & ad quam ex universa America, aliquando Æuropa, fiunt concursus; diversis postea temporibus plura sunt instituta Collegia. Atque ex his omnibus vis ingens Literatorum prodijt, qui toga, magistratibus, præfectura urbium, & provinciarum, sacrisque infulis inclaruerunt.



Sunt adhæc cætus ( hos etiam Academi-  
as vocare placuit ) quæ domesticis tantum  
parietibus circumscribuntur, & ad quas non est  
aditus nisi quibus decursa jam sint majorum  
studiorum spatia: hi statis diebus, & sub eme-  
rito præside, limandos se iterum, & recoquen-  
dos traddunt, & easdem, quas in scholis Scien-  
tias imbibérant, per ocium, & in umbra regu-  
stant. Sunt, qui postea quam contentione sum-  
ma, & labore, ex omni cum Græcæ, tum Eru-  
ditionis Latinæ campo flores primos, & succos  
libaverint, apum instar multo nectare cellas, &  
alvearia sua distendunt, favosque conficiunt  
dulcissimos, quos alijs gustandos infumendosque  
relinquant. Sanè quicumque cum fide, ac pro-  
dignitate res Americas literis commendarunt,  
ex Historijs, aut Commentarijs jam ante in  
America elucubratis, abunde profecerunt. De-  
nique cum Hispani sponte, & ingenio in Mar-  
tis, & Minervæ stipendia ferantur, evenit ut in  
pacatissima Urbe, Bellis circumquaque longè si-  
lentibus, Mexicana juvenus omnes illos Na-  
turæ igniculos, animique vires traducat ad Li-  
teras; ut quominus armis eò magis Doctrina,  
& Pacis artibus evadat insignis. Itaque cum Me-  
xici singulari Dei O. M. munere ad capef-  
sendas Scientias omnibus aut Naturæ, aut Gra-  
tiæ præsidijs instructi sint, & ornati, nihil video  
quòd non suum illis inter ingeniosos Literarum  
cultores locum merito designemus. Et quidem si  
velimus sedere ad calculos, temporisque ra-  
tiones subducere, intra duo illa sæcula, in-  
quibus Americani Scientias, artesque liberales  
excoluerunt, culturæ atque operæ fructus res-  
pondit, messisque Eruditis non contemnenda.  
Quod si Mexicanis typorum copia suppeteret, sine  
dubio multo plures vulgassent Libros, quorum  
cum



cum essent luce dignissimi, alios ætas, & caries  
absumpsit; alij sine Nomine delitescunt. Quan-  
quam his incommodis Bibliothecæ Author,  
magnis impendijs, parte quadam remedium at-  
tulerit comparatis Latinarum, Græcarum, He-  
braicarumque literarum alveolis, nitidissimis for-  
mis, apparatuque cætero pro libris edendis.

Perorasse omnibus visus est Italus; ad-  
jecit nihilo minus Belgæ; Quod in me est non  
modò locum aliquem, sed perhonorificum  
Prytaneum in ipsis Athenis concederem Ame-  
ricanis; nisi iniquorum quorundam depravata ju-  
dicia pertimerem. *I.* Quæ tandem sunt illa &  
enuntia, precor? *B.* Vigere quidem; sed solito ci-  
tius desinere Mexicana Ingenia Rosarum more  
de quibus Hispanus Poeta:

*Venerunt aliquando Rosæ. Proh veris amœni  
Ingenium! Una dies ostendit spicula florum,  
Altera pyramidas nodo majore tumentes,  
Tertia jam calathos. Totum lux quarta peregit  
Floris opus. Pereunt hodie nisi mane legantur.*

Florus ap. Nicol.  
Ant. tom. 1. Bi-  
blioth. veteris.

Quin te nunc tuus Cicero premit. *Non enim  
potest in eo esse succus diuturnus, quod nimis ce-  
leriter est maturitatem assecutum.* *I.* Si de ijs  
tantum Ingenijs dicunt quæ præcocia sunt, &  
ante diem emicant, & erumpunt, nihil aduerser;  
& statim concedam Americana, non minus  
quàm cœterarum Nationum Ingenia quæ ni-  
mium festinant, brevè amisso flore languere; id  
autem omnibus Americanis accidere, inficior,  
& nego planissimè. Novimus enim hîc, & vi-  
demus plures qui post sexagesimum, non pau-  
cos qui post septuagesimum, aliquos, qui post  
octogesimum ( quod in Æuropæis admiran-  
dum sit ) memoria adhuc, & ingenij vi præ-  
stent, scribant, concionentur, Rempublicam  
admi-

De Oratore n. 21.



Perfius Satir. 5.  
v. 61.

Cicer. in Bruto n.  
64.

Quint. lib. 4. In-  
stit. ad medium  
Præmij de morte  
filij.

administrent, limatissimas è Cathedris præle-  
ctiones. habeant ad Academicos, ac servata  
quadam, in media senectute, viriditate, per-  
gant, quod ille ait, *doctis impallefcere Char-*  
*tis*, & amore literarum flagrantcs nollint suam  
junioribus Vigiliam traddere. Et an non in  
alijs Provincijs fuere quædam ingenia ante  
tempus matura, ac brevissimè decidencia?  
An non longè ante natos Americanos verum  
erat quod ex Cicerone protulisti Diverbium?  
An non ipsi à festinatione suspicitur & com-  
mendatur Hortensius Orator? *Quinti Hortensij*  
*admodum adolescentis ingenium, ut Phidia Sig-*  
*num, simul aspectum, et probatum est.* Aut ex-  
pectavit Americanos Quintilianus, ut diceret:  
*Observatum fere est, celerius occidere festinatam*  
*maturitatem: et esse nescio quam, quæ spes tantas*  
*decerpit, invidiam, ne videlicet, ultra quam ho-*  
*mini datum est, nostra provehantur?* Quam ob-  
rem, si vitio vertis aut properatam illam inge-  
niorum maturitatem, aut florendi tempus bre-  
vissimum, vide ne omnes, quibus est hoc vi-  
cium commune, Nationes incuses: (3) Vide ne  
dicaris emendare velle Naturam, cui libuit alia  
minus, alia magis esse diuturna. Nisi, pro tua sa-  
pientia, mallis agnoscere, neque brevitatem ne-  
que longitudinem illam in nobis esse positam,  
adeò que nec laudi, nec vituperationi imputan-  
dam: cum Naturæ conditor Deus certis tem-  
poribus, & intervallis (quæ nemo contrahere,  
nemo possit laxare) parva, mediocria, & subli-  
mia ingenia consilio sapientissimo, definierit, &  
circumscripserit. Ergo in ijs vera nobis laus, & gloria  
sunt collocandæ, ut quandiu vixerimus, rectè,  
& egregiè factis, optimisque studijs, & artibus  
invigilando vitæ brevitatem, & angustias tem-  
po-



poris dilatemus. Fertur enim, & quodammo-  
do verum est, ab aliquot sæculis languere in  
dies, ut corporum, ita Ingeniorum robur, &  
vires, & cum senescente mundo senescere. Nam  
quotusquisque nunc est, qui Antiquorum pon-  
dus, gravitatem, lacertos, ac nervos cogitando,  
aut scribendo possit exerere? Aut quid nos su-  
mus si cum veteribus illis Scriptoribus con-  
feramur, nisi tenues derivationes è magnis flu-  
minibus? Et pauci sunt quidem (præter illos qui-  
bus est à Deo lumen infusum ) qui non  
quærant potius venustatem, & Scriptorum  
splendorem, magisque ament solius oris, & cu-  
tis pulcritudinem, quam succum, & sangui-  
nem, qui in venis est, & quibus constat va-  
letudo, & sanitas corporis universi. Unde fit  
etiam, ut nec diu illi vigeant, ac deficiente irri-  
gatione marcescant. In Americanis verò ob-  
servarunt Sapientes, idem quod in plantis  
Agricolæ. Et mihi crede. Cum Hispani isti  
ex aurea illa sint orti veteris Hispaniæ radi-  
ces; ijs accidit, quod earum arborum stir-  
pibus, quæ cum sint bonæ, & fertiles, tamen  
sive soli commutatione, aut quod Virgilius  
ait, *Indulgentia Cæli* meliores fiant, & læ-  
tiores fructus emittant. Sic, quæ ab Hispania  
in Americam migrant Ingenia, suavitatem, &  
nitorem quendam Mexicani beneficio Cæli si-  
bi conciliant, quem fortasse nunquam studio,  
ac labore multo, patrio in agro contraherent:  
Sicut ea quæ hinc ad Hispanos literarum gra-  
tiâ proficiscuntur augment vigorem suum & ro-  
bur, cumulantque nativâ illa pulcritudine, ele-  
gantiâ, & amœnitate. Clarissimo, nimirum, Au-  
thoris Naturæ documento, nollentis (dum mor-  
tales sumus ) aliquid Nos omni ex parte bea-  
tum habere; atque ita dum alijs alijs indigemus

Georg. 2. v. 345.



alentis conservantisque gentium, & omnium Nationum voluntatum, & animorum societatem, atque concordiam, qua nihil est homini utilius, nihil charius, dulcius, & optabilius.

Et hinc Orationis vela contraherem, nisi acuti nimium, & controversi homines Hispanis molesti essent, & importuni illo cantico & acroamate è trivijs, aut circulis Rabularum emendicato. ( 4 ) Hispanos scilicet literas Humaniores negligere, despectui habere, immerfos Philosophicis, ac Theologicis Quæstionibus agitandis, in quibus cum sit nihil viroris, aut concinitatis, evadunt ipsi horridi in scribendo, & inculti, nec Lectoris aures admodum scalpunt. Quæ tamen omnia à vero longissime aberrant. Aliud enim omnino est non tantum facere, nec tanto in pretio habere eas literas quanto alias Scientias nobiliores; aliud easdem fastidio respuere. Quod discrimen caute, ac religiose servant Hispani: colunt namque ejusmodi Literas, sed suo loco, ordine, & quod satis est tempore; nec ita ut velint in illis habitare semper & incanescere. Hoc enim tribuendum duntaxat existimant altioribus Scientijs, ex quibus cæteræ, quasi minores rivuli, ducunt originem. Illud autem de inculta, atque horrida Hispanorum Latinitate, illi fortasse dicunt, qui ignorant fuisse esseque in quavis gente Scriptores plures hiulca, inquinata, ac nihil illustri oratione; aut qui invidiose, ac simulate oculos avertunt à Seneca, Lucano, Martiale, Higino Augusti liberto, Mella, Festo Avieno, Floro, Quintiliano. Et ut illos nimis antiquos præteream, unde sunt illi aurea omnes Latinitate? Petrus Fontidonius, Arias Montanus, Sepulveda, Pincianus, Joannes Mariana, Acosta, Pineda, Alvarus Gometius, Canus, Ribera, Gaspar San-

De quibus tom. 1.  
Bibliothec. veteris  
Hispaniæ.

Biblioth. Soc. &  
Bibliot. nova Hispaniæ.



Sanctius, & quo nemo propius ad Tullium accesserit, Perpinianus alendus ambrosiâ. Superiores illos, ex America secuti sunt Cervantes, Villerias, Ferdinandus Lupius, Ruitius, Zamora, pluresque alij, aut Poetica nobiles, aut Oratoria, & quem in studijs Theologiæ Collegam habui, & contubernalem Lucas Alvarus Veracruzanus Josephina sua, & Angelomachia vehementer Nasonis Ingenium, & carmina redolens. Deinde, si quia Hispani multi sunt in gravioribus scientijs, ac minus impense alias addiscunt; illos vocant rudes, & impolitos; qui toti sunt in levioribus illis, & summis tantum labris Aristotelis Philosophiam, divinamque Theologiam gustaverint (in quibus Sapientiæ sunt fontes uberrimi) quo loco ab Hispanis haberi debent, aut quo nominari præconio? Et, si Rhetorica, Oratoria, Poetica, quia os homini, & linguam ad rectè loquendum effingunt, redduntque disertum, & eloquentem, humaniores literæ proprio quodam jure vocantur, Philosophia, ac Theologia illa qua mentes, moresque hominum, & ingenia maxime expolliuntur, ad unguemque emendantur, & perficiuntur; non jam humaniores, sed erunt profectò humanissimæ, nominandæ.

Ac ne me quasi Theologum aliquem explodatis, aut quia in Philosophia humanorum Artium fontes constitui exsibiletis, Tullium ipsum profero in medium testem omnium locupletissimum. *Ego autem et me sæpe nova videri dicere intelligo; cum per vetera dicam, sed inaudita plerisque. Et fateor me Oratorem, si modo sim, aut etiam quicumque sim, non ex Rhetorum officinis, sed ex Academia spatijs extitisse. Illa enim sunt curricula multiplicium, variorumque sermonum, in quibus Platonis primum impressa sunt vestigia. Sed*

★

et

Sixtus V. in Triūphantis, &c. Theologiam, qua nihil Ecclesiæ Dei fructuosius omni studio retineamus, illustremus, propagemus. Divino enim munere inventa est à majoribus nostris, sapientissimis viris, Theologia scholastica.

Cicer. in Oratore  
Num. 3.



et hujus, et aliorum Philosophorum disputationibus  
et exagitatus maximè Orator est, et adiutus.  
Omnis enim ubertas, et quasi silva dicendi, ab  
illis est, non satis tamen instructa ad forenses  
causas, quas ut illi ipsi dicere solebant, agrestio-  
ribus Musis reliquerunt. Audin' à Philosophis,  
Platone ipso, ac Tullio Græcæ ac Romanæ fa-  
cundia luminibus, amandari ad agrestiores Mu-  
sas Eloquentiam forensē, ut quæ non sit ab  
ubertate Philosophiæ profecta? Etiam illud audi,  
paullo brevius, sed explicatius. Positum sit igitur  
imprimis ( quod post magis intelligetur ) sine  
Philosophia non posse effici, quem quarimus elo-  
quentem. Non ut in ea tamen omnia sint, sed  
ut sic adiuvet, ut palastra histrionem. Nam nec  
latius, nec copiosius de magnis variisque rebus si-  
ne Philosophia potest quisquam dicere. Pruden-  
tissimè igitur faciunt Hispani, si diutissimè, ac  
diligentissimè ijs se exercent studijs, & in illis  
Scientijs nidificant, ubi cæterarum Artium, & Hu-  
manitatis ipsius sunt semina. Quin propterea  
sperare non possint, ut in alijs minoris mo-  
menti aliquando proficiant, quod si evenerit,  
nonnè utilius & splendidius est veræ etiam ju-  
cunditatis, Humanitatisque plenissimum ijs  
Scientijs esse præstantem quibus scias, & possis la-  
boranti Christianæ Reipublicæ subvenire, &  
opitulari? Civibus esse in Animæ periculis salu-  
tarem? Nam sine validissimo aliarum præsidio,  
& copia, Humaniores literæ quid sunt aliud  
quam Apollinis nuces, & poma? Aurium le-  
nocinia, ludrica oblectamenta? Musarum cu-  
pedia, bellaria, & ubi mæstæ fuerint, modò cre-  
pitacula, modò crepundia? Et hæc illi, qui  
sunt divinarum scientiarum expertes audent  
pro Libris, aut Sybillarum folio, & Oraculis  
Delphicis populo venditare; quod agrè qui-  
dem



dem ferunt Hispani, cum videant id non posse committi, nisi dignioribus alijs neglectis, ac propè abdicatis, in quibus suas, qui verè sapiunt, fortunas collocant.

Cum perorasset Italus, coorta est omnium admurmuratio, quæ postquam conquievit, Auditores contuens Hispanus, tempus adest, inquit ut cum Italus, quæ contra Hispanorum Ingenia temerè jacta, ac vulgata fuerant, rationibus, & exemplis luculentissimis inania esse, & falsa demonstraverit, velitis jubeatis illius judicium, atque sententiam Senatus consulto, ac Decreto publico confirmare. Itum igitur in suffragia, ac nemine refragante, decretum: *Vel si omnia alia deessent, ex sola Bibliotheca Doctoris Eguiaræ constare, ac perspicuum esse Senatui Hispanos sive qui in Nova sive qui in veteri nascuntur Hispania gentem esse de omnibus scientijs, et artibus optime meritam; qui contra senseris dixeris, mussitaveris, scripseris, violata Reipublica Literaria, et falsi criminis reus esto, pœnas luito; huncque ipsum, Tu Censor Urbis, omni eruditorum tribu moneto.* Quo decreto exclamavit Hispanus. O diem! O Literas istas Senatus plusquam Imperatorum, Victrices, & Laureatas! Sed quia video vos propè diem vela in Patriam facturos, oportet ut aliquam descriptionem Mexicanorum Urbis, unà cum Senatus Literis ad vestros perferatis. Atque hîc ab omnibus exclamatum. Spectare hoc ad Belgam, tum quod is diutissimè fuerit Mexici commoratus: tum quod Urbs eadem Carolum Quintum Belgam conditorem, ac parentem agnosceret. Faciam, adjunxit Ille minimè invitus. Sed quoniam omnes in procinctu sumus, brevissimè, nec pro officij mei ratione, aut ipsius Urbis magnitudine, & dignitate.



Cic. lib. 4. in Ver-  
rem n. 52. & 53.  
& lib. 5. n. 10.

Maphæ. lib. 1. Vi-  
tæ S. Ignatii cap.  
12.

San-Nazar. Epi-  
grammate de Ve-  
netijs.

Viderat Hadriacis  
Venetam Neptu-  
nus in undis, &c.

Mexicanæ Caroli Quinti Colonia ea est  
amplitudo, & majestas, ut inter Urbes nobilissi-  
mas terrarum Orbis sit memorabilis. (5) Et, si  
Coeli clementiam solique ubertatem consideres,  
nullam fortasse inuenies, quæ palmam præri-  
piat; quantumvis Siracusæ certent, laudatæ à  
Tullio, aut Venetiæ Maphæi calamo, & San-Na-  
zarij versibus illuminatæ. In ea enim visuntur,  
numero ingenti aurati currus, quadrigæ, ge-  
statoriæ sellæ, nec non curules, exquisito opere,  
& in quo multum superbiant Artifices. Adde  
opulentorum Civium, advenarum ex Africa,  
Æuropa, & Asia frequentiam, Mercatorum  
opes, divitias (quodque caput est) in tanta di-  
versarum Nationum & gentium multitudine,  
ac varietate solius Catholicæ Religionis, & pie-  
tatis cultum, & studium; perurbanos mores, &  
emendatos, unde illa sunt etiam Templorum,  
Ædium Sacrarum Deo, aut Coelitibus nitor, ele-  
gantia, magnificentia; earumdem immensi præ-  
tij vasa; gravia gemmis, & unionibus ornamen-  
ta, supellexque cætera peragendis divinis officijs  
sumptu mirifico: quibus affabre elaborandis Me-  
xici ditiſſimas illas auri, & argenti venas li-  
benter exhauriunt.

Canales Urbem interfecantes complures  
lintres enavigant rebus non solum quotidiano  
victui opportunis, sed ad lautiorum delicias  
onusti. Viis publicis, & regionibus flexus nulli  
sunt, aut mæandris sed omnes aut ab Ortu in  
Occasum, aut à Meridie in Septentrionem des-  
criptæ, ac longè, & latè protensæ, quas, cum  
tenuis Zephyrus perfleret, idem avertit nebulas,  
& fumos noxios eventilat: hinc ea Urbi salu-  
britas, & spirantis auræ temperies, & lenitas,  
ut nullus hic, in qua natus est, Patriam deside-  
ret. Mexici etiam agri, qui latissime patet,  
mag-



magnæ utilitates sunt, & mira fertilitas, ex ijs, quos vicini colles emittunt rivis, ac fontibus saporis gratissimi. Intra lacum, qui Urbem circumluit, interdum videas ( Indi Cinampas vocant ) parvas Insulas fluitare, & in medijs aquis radices agere, è quibus olera, ac varij generis nascuntur legumina: ex ijs aliquæ suas arbores ferunt, quas non semel mirati sumus pomis refertas: sunt & aliæ grandioris cespitis magnitudine, toto anno fronde viridi, odoratisque floribus lata, quas pubes ludibunda remo, aut pede migrare facit, majoribusque alijs adjungi, aut in propinquum littus appellere. Inter omnia verò Mexicani suburbij spectabilis est Imago Dei-paræ Guadalupæ picta divinitus. Stat enim Virgo ore placidissimo, Regio diademate insignis, infra talos promissa tunica, colore vario, partim nives, partim violas imitante, aureisque flosculis intermicantibus. Adhæc exigua Cruce ad collum appensa, junctis ad pectus manibus, ac demissis leniter oculis, supplicantis vultum præferebat. Et hic etiam videre est Solem centum ac duodecim radiis Picturam ponè ambientem, Stellas sex & quadraginta cœruleum collustrantes Reginæ pallium, Lunamque ad pedes Virginis excubantem. Extremæ verò Tabulæ Dei manu subiectus est Angelus, Indi pueri habitu, suis humeris Imaginem sustinentis. Jam, ut est largior Hispanorum amor in Dei matrem, Templum illi quàm magnificè positum, quarto ab urbe principe, milliario, situ quondam Marianis vestigijs nobili. Institutus postea Canonicorum cætus lectissimus, Ferdinandi Sexti Regis Catholici munificentia, pro Indorum Catechesi, Ecclesiæ Psalmodia, ac Divinis officijs. Pictura demum ipsa nullam adeò ætatis injuriam sentit, ut ab anno Christi sexquimillesimo tricesimo

Plin. lib. 8. Ep.  
19. In lacu Vadi-  
monis, in tractu  
Amerino. Innatant  
Insulæ herbidæ  
omnes arundine,  
& junco testæ, &c.

★

pri-



(1) Vides quot Ver-  
sibus Homerus, quot Vir-  
gilius arma hic Æneæ,  
Achillis ille describat?  
Brevi tamen uterque est,  
quia facit, quod instituit.  
Vides ut Aratus minutis-  
sima etiam sidera conse-  
cratur, & colligat? Mo-  
dum tamen servat, non  
enim excursus, hic ejus,  
sed Opus ipsum est. Simi-  
liter nos ( ut parva ma-  
gnis conferamus ) cum  
totam Villam oculis tuis  
subjicere conamur; si ni-  
hil inductum, & quasi  
devium, loquimur non  
Epistola, quæ describit;  
sed Villa, quæ describitur,  
magna est. *Plin. lib.*  
*5. Epist. 6.*

(2) Sic enim corpus,  
quod aeris puritate per-  
fruitur, sanius fit... Si ve-  
rò potius aere purgato,  
& florentibus pratis, &  
hortis virentibus, & fon-  
tibus inter amena fluen-  
tibus, saniores, multoque  
majori aciei fulgore iu-  
tilare. *S. Chrysost. tom. 2.*  
*post med. Hom. 2. in Matr.*

Magnam esse locorum  
ad ferendos meliores, pe-  
ioresque homines... Quip-  
pe alij varietate vento-  
rum, & turbine, difficil-  
es, & protervi sunt: alij  
propter cibos, qui ex  
terra, non solum corpori-  
bus commodi, oriuntur,  
verum animis quoque  
non minus. *Plato in fine*  
*5. Dialogi de Legibus.*

Optima enim tempe-  
ries non corpori solum,  
verum etiam intelligen-  
tiæ hominis prodest. *Ar. 2.*  
*in Problematis sect. 14.*  
*Quæst. 1.*

Athenis tenue cælum, ex quo acutiores etiam putantur Attici; crassum Thebis; itaque pingues The-  
bani, & valentes. Idem Agraria 2. Num. 39. Non ingenerantur hominibus mores tam à stirpe generis, ac  
feminis, quam ex ijs rebus, quæ ab ipsa Natura loci, & à vitæ consuetudine suppeditantur, quibus alimur,  
& vivimus. *Cicero lib. unico de Fato, Num. 4.*

*Plutarch. ad med. libri de*  
*exilio versus Euripidis Athe-*  
*nienfis.*

*Quis vero perinde patriam predicavit suam ut Euripides?*  
*Est temperatum nostris cælum finibus*  
*Ubi nec gelu nimium, nec ardor cruciat.*

Ingenia hominum sicut ubique, apud illos, locorum quoque situs format. *Q. Curt. lib. 8. Num. 9.*  
Nihil hac plaga infestius: atrox cælum, perinde ingenia Silvarum, & montium situs cum ingenio con-  
veniebant. *Florus lib. 3. cap. 2. & lib. 3. cap. 4.*

(3) Nec unquam magnis ingeniis chara in corpore mora est; exire, atque erumpere gestiunt ægre  
has angustias ferunt, &c. Quidquid ad summum venit ad exitum prope est. Eripit se, aufertque ex oculis  
perfecta virtus. Nec ultimum tempus expectant, quæ in primo maturuerunt. *Senec. Consolat. ad Marciam cap. 2.*

(4) In Hispania studia literarum eo cultu non vigent, quem hæc ætas nudis, & squalentibus Musis re-  
posuit. Non enim Latinæ eloquentiæ studium ibi viget, non venustas Poetices, non Historia, priscorumque  
rituum utilis, & robusta lepiditas; veterem, ac pene barbaram in quærendis Scientijs rationem obtinent. Phi-  
losophiæ incumbunt, Theologiam amant, non spernunt Legum, & Canonum peritiam. *Barclaius in Icone*  
*Animorum, post medium cap. 7.*

(5) Mexicanæ Regionis summam amœnitatem, omnium rerum in ea ubertatem, aeris suavissimam  
temperiem, ingenium incolarum ad omnes artes aptum prædicat. *Dreßleus in Relatione Itinerum Edit. Paris.*  
*ann. 1718. apud Eruditos Lipsiæ Tom. 19. in mense Octobris pag. 463.*

primo vivat idem color, & spiret adhuc Virgi-  
neâ in facie decor ille, & majestas quibus cum  
olim è divini Artificis prodiit ingenio. Quare  
hoc Virginis simulacro fortunatos se Mexica-  
ni ducunt, & inclytos; cum præsertim eorum vo-  
tis Regina Clementiæ adspiret mirificè.

Post quæ Belga conversus ad Italum. Quin,  
Tu etiam, ut alij alias, versiculis aliquot Urbem  
tibi charam, & amicam exornas? Opportunè  
quidem me admones, nec extra oleas; nam si  
quidquam in me est gratiæ, & amœnitatis poe-  
ticæ, è pratis hisce, ac viridarijs Mexicanis ha-  
bere me intelligo.

*Ergo alias Urbes pulcras clarasque Poeta*  
*Fecere ingeniis, carminibusque suis;*  
*At, Tu, cui Cælum ridet, formosior omni*  
*Ingenio, et quovis Carmine major eris.*

H. Et hæc ( quamvis pauca ) memoriæ florentis-  
simæ Urbis consecrare fuit visum, in qua, scili-  
cet, ultra Quadraginta jam annos divinis, hu-  
manisque literis institutus sum à Majoribus.  
Quod autem parum in his profecerim, causæ,  
aut in Discipuli tarditatem, sunt rejiciendæ, aut  
in Ægrimoniam, illam diù philosophantium  
decimam Musam.

# ANTELOQUIA OCCASIONEM OPERIS.

ARGUMENTUM, METHODUM,

Cætera ijs affinia opportunè  
aperientia.

## ANTELOQUIUM I.

Occasio scriptionis pro-  
palàm ut detur, Emma-  
nuelis Martini Ecclesiæ  
Alonensis Decani Epi-  
stola XVI Libri VII, quæ  
habetur tom. ejus II,  
excribitur.

**A**Lia quidem omnia à Bibliotheca Mexica-  
na cogitabamus, Academicis intenti nego-  
tijs, & Theologicis elucubrationibus cum  
è suggestu quotidie dictandis, tum etiam commi-  
tendis typis operam dantes, Concionibus sacris  
idque genus alijs Theologicæ professionis pro usu  
nostro insistentes: Quòd verò amænioribus dele-  
ctati libris & elegantiori comptis latinitate, succif-



siva in eis tempora otiaque ponere solemus, in Emmanuelis Martini Ecclesiæ Alonensis Decani Epistolarum libros duodecim Mantuæ Carpentanorum apud Joannem Stunicam anno 1735 profusos incidimus, quos non absque egregiâ animi voluptate combibere incepimus, & gravatè licet ea tulerimus, quæ in Scholarum Professores nunquam scribit, & in Hispanorum dedecus, quod ad rem litterariam spectat, haud semel jactat; pergebamus tamen, & inchoatam lectionem persequeremur; hæc verò coacti sumus, & morosius circumspicere chartam, ubi ad Epistolam 16 lib. 7 offendimus, quam tamen iterum & iterum non sine bili & stomacho deglutivimus, lectam recogitare placuit, & memoria tenere, atque in ipsam seriò pacatèque inquirere. Ejus ita habet inscriptio: *Emmanuel Martinus Antonio Carrillo, egregiæ indolis adolescenti S. & amorem.* Totus in ea Epistola Martinus est, ut adolescentem illum in novum Orbem trajecturum, ab hocce consilio removeat, & aptum natum capeffendis litterarum studiis, Romæ constituat, & à Mexiceis oris quam longissimè abducat. *Sedeamus igitur ad calculos, inquit. Quò te vertes apud Indos in tam vasta litterarum solitudine? Quem adibis, non dicam Magistrum, cujus præceptis instituaris, sed auditorem? non dicam aliquid scientem, sed scire cupientem. Dicam enucleatius: A litteris non abhorentem? Ecquosnam evolves Codices? Ecquas lustrabis Bibliothecas? Hæc enim omnia tam frustra quæres, quam qui tondet asinum vel mulget hircum. Eugenia! Abjice has nugas, atque eò iter converte, ubi & animum excolere queas, & honestum vitæ subsidium tibi parare, & novos honores capeffere. Adhæc tu. Ubinam gentium*

*tium contingere nobis hac possunt? Romæ subjunxi. Post alia verò quæ Antonio suo Romæ versaturo documenta præscribit; Ea tu, inquit, cum pro mitissimo tuo ingenio atque egregia indole, singularique in nos studio ac benivolentia, pertraveris; ita tamen cum animo tuo reputa, non te ideo urbem petiisse, ut vias & compita tereres, ut inertem vitam ageres, ut in salutationibus ceterisque candidatorum officiis contabesceres. His enim artibus quid refert Romane sis an Mexici? Scilicet, cum latissimè Indiæ Occidentis extendantur & pateant, nec dum Martinus in Epistola sua Insulam, Urbem, Pagum, aut Oppidulum stylo signasset, quò se Antonius apud Indos conferre vellet, Mexicum tandem indigitavit, postremam, si Superis placet, totius Orbis barbariem, cimmerijs inscitiae tenebris involutam, rudissimam, si quæ aliquando fuit aut olim est futura, gentis domicilium & sedem, quæ inauditis retro præstigijs, veluti objecto Medusæo capite capiti cuique Hispano, Gallo, Belgico, Germano, Italo, & cujuscvis Europæ gentis eruditissimo etiam & excultissimo, ad unum omnia dementet, bellisque insipientissimis quam similima reddat lacrymabili prorsus metamorphosi. Hæc postquam animo versabamur, Epistolâ Martini perlectâ, statim cogitatio nos subiit Bibliothecæ Mexicanæ adoriendæ, qua una Patriam gentemque nostram ab immani atrocique injuria vindicaremus, turpissimamque notam per summam imprudentiam, ut modestissimè loquamur & pacatissimè, nobis inustam esse commostraremus. Quòd verò multi moliminis Opus cogitatam Bibliothecam non nesciremus, homini præfertim alijs, quæ nuper insinuavimus curis, distri-*



cto, & infirmâ valetudine conflictato, nec Horatianum negligendum monitum duceremus: *Sumite materiam vestris qui scribitis equam viribus, & tentate diu quid ferre valeant, quid ferre recusent humeri;* ad amicos, eruditione unâ & judicio pollentes, delatâ re, audendum nobis esse, & totis viribus connitendum, est constitutum, jactâque in Deum fiduciâ, pro ejusdem honore ac gloria meditatam Bibliothecam excolere palamque dare, quæ Nationi machinatam nostræ calumniam ab Decano Alonensi contundat, coerceat, obterat, & in auras & fumum abjiciat. Etsi enim ipsam Eruditi quique & prudentes viri cujusvis Nationis & gentis litteris expolitæ, despiciatui habituri sint, explosuri, nec sine cachinis audituri aut lecturi; verendum est tamen, ne similes aliqui Emmanueli Martino inveniuntur, omnem qui eruditionem suam & doctrinam ponentes in Latinæ & Græcæ Linguarum cultura, Poeseos amœnitate, & Romanarum inscriptionum veterum eruderatione, cætera negligant omnia, & nescientes prorsus notissimas doctis viris Historias & res, unâ cum Alonensi Decano gradientur sententiâ, præjudicijsque ducti & fucos ab ejus Epistola factos, eosdem errores imbibant & evulgent. Sed antequam Operi accingamur, quod & imprudentiam Martini, & ignorantiam de rebus nostris, & temeritatem etiam ejus scribentis meridianâ luce clariora reddat; opportunum existimavimus nonnulla præfari, quæ statim legentibus cuncta brevî subjiciant, insimulque consilium & argumentum nostrum aperiant.

## ANTELOQUIUM II.

Quanta Decanus Alonensis Mexicanarum ignoratione antiquitatum laboraverit, commostratur, priscorumque eruditio Indorum nostratum ostēditur Codicibus ipsorum & Bibliothecis in theatrum productis.

**T**otus ferme ut erat Emmanuel Martinus in eruderandis veteribus Orbis veteris monumentis ac Romanis inscriptionibus & antiquitatibus, Orbem novum fastidire visus est, & quæ in ipso scitu sunt dignissimæ antiquitates, penitus ignorasse, quas si unquam rescivisset, minori credimus calamo usus fuisset & atramento, non jam de Hispanis hominibus in America Mexicana natis aut degentibus, sed veró etiam de Indis ipsis aliquando scripturus. *Quo te vertes, inquit, apud Indos in tam vasta litterarum solitudine?* Persuaserat scilicet sibi Mexicanenses etiam post geminum seculum & amplius, operâ Hispanorum excoli nondum ac dædolari valuisse, quòd stipitibus similes dedoceri barbariem obfirmatè renuerint, atque ab infita sibi ignorantia desciscere possint nunquam, perinde quasi è ligno conficti, è quo nullus Artifex Mercurium efformet, ut subinde tondeat asinum vel mulgeat hircum is qui eorum unum quærat aliquid scientem, aut scire cupientem, aut à litteris non abhorrentem, Ætiopemque lavet quicumque Indos inter nostros Codices investiget,



aut Bibliothecas suspicetur & cogiret. Quam veró delusus fuerit homo eruditus, & Mexicanensium priscas res ignoraverit, calamistro ipse suo satis ostendit & oratione. Si enim vetera aliquando monumenta nostratum scrutatus esset, & conditas tum ab Hispanis, tum ab exteris Historias evolvisset, ineruditos neutiquam Indos Mexicanos cognominasset. Latuit quidem ipsos litterarum usus & elementorū, queis Europæ Nationes & excultæ quæque scribunt, ac memoriæ commendant res, Facultatesque & Scientias tradūt; non ideo tamen rudes & impoliti fuere atque omnium expertes scientiarum, Codicibus destituti, & Bibliothecarum ignari. Hanc ob rem vir in paucis Clarissimus, Tlascalensium Episcopus primus, Illmūs. D. M. D. F. Julianus Garces Ord. Præd. in Epistola ad Paulum III Summum Pontificem data anno 1533, quæ extat apud Illmū. D. F. Augustinum Davila Padilla in Historia Provinciæ Mexicanæ Dominicanorum lib. 1. cap. 42, & apud alios, in hunc modum scripsit: *Et quoniam eos (Indos Mexicanos) penitus litteras non didicisse prædixerim, palinodiam cano, pingebant enim, non scribebant, id est, non litteris sed imaginibus utebantur, si quid absentibus seu tempore seu loco memorabile vellent significare. Quod & Lucanus insinuat in hac verba.*

*Phœnices primi, fama si creditur, ausi*

*Mansuram rudibus vocem signare figuris.*

*Nondum flumineas Memphis contexere Biblos*

*Noverat, & saxis tantum, volucresque feraque,*

*Sculptaque servabant magicas animalia linguas.*

Historiam porro Mexicani coluerunt & Poesim,  
Rhe-

Rhetoricam item & Oratoriam, Arithmeticam, Astronomiam, & id alia, quarum extant monumenta clarissima, & testes omni demum exceptione majores, Anteloquio IV adducendi. Quo enim pollebant ingenio haudquaquam obtuso eorum primates viri Sacerdotio insignes atque muneribus, litterarum vice figuras & imagines admovebant rebus signandis aptissimas, easque lapidibus quandoque insculpebant aut lignis, sæpius pinguiori chartæ, emporeticæ nostræ simili, aut pellibus alutis, ceu membranis mollibus commendabant coloratas atque distinctas, & his quidem notis usus illis erat nihil non memoriæ commendare scitu dignum, unàque diem, mensem & annum, Historias texentes ab usque majorum suorum origine & in Americam nostram commigratione. Solenniores inter 5 Libros Nationis censebantur dædaleo planè opere Circuli picturati, singuli secula singula complectentes, annos distinctim, menses, hebdomadas, diesque pro ipsorum methodo, vix non in omnibus Kalendarijs nostris conformi, quòd ad nucleum & substantiam temporum attinet, ut legere est apud subjiciendos Aucthores. Hos inter nulli secundus D. Carolus de Siguenza & Gongora Mexicanus studiosissimè Circulis annalibus ad lydium Matheseos lapidem revocatis, collatisque cum antiquissimis Europæis Kalendarijs, ab Solis Lunæque defectionibus, & alijs rarioribus phenomenis operâ Mexicanensium ad chartas jam pridem reductis, & nihilo à veritate rei discrepantibus, Mexicanorum rimatus originem, quam longissimè retro habitam, & Imperij



Mexiceï eventus omnes & Historiam aperuit, de  
qua in loco dicemus. Adhæc Prædictionibus Chal-  
daicis similes Codices efformarunt *Tonalamatl* di-  
ctos, pro futuris tempestatibus enunciandis, præsa-  
giendisque rebus Astrologorum genio, quarum  
exemplar tabularum Siguenza ipse possedit, ad lit-  
teramque exscripsit in *Cyclographia* sua, ut habe-  
tur in ejusdem *Astronomica Libra* præmio. Erant  
præterea genti Volumina alia haud minus insig-  
nia, quorum aliqua, ceu quæ dicimus Martyro-  
logia & Kalendaria sacra, habebantur pro signan-  
dis diebus festivis & religiosis: alia, ceu Gene-  
tliaca, puerorum natales dies & nomina exhiben-  
tia: alia demum Nuptialia seu de ritibus & ce-  
remonijs pro inneundis connubijs, ut memoriæ  
prodidit, alios inter, admodum eruditus P. Hie-  
ronymus Roman Augustinianus 2 part. Rerum  
publicarum Orbis lib. 2 de Indorum Occidenta-  
lium Republica cap. 16. fol. 402.

Id porro generis Volumina habuerant innume-  
ra, quæ cum depictis animantibus, volucribus, her-  
vis, floribus, hominibus, plurimisque alijs tetrâ sæpe  
numero ac truci figurâ & aspectu feroci consta-  
rent, circulisque & notis Hebraicis & exoticis  
characteribus quam simillimis, Apostolici viri Ca-  
tholicæ Fidei propagatores, primarijque Mexica-  
næ Ecclesiæ satores, rerum ignari sub involucris  
illis latentium, superstitione planè censuere, & pro  
gentis usu idolis referta ac dæmonis simulachris,  
proptereaque diligenter ubique quæsitâ, flammis  
concredita fuere lacrymabili Antiquitatum Ame-  
ricanorum & Historiæ jacturâ, quæ certè fuisset irre-



irreparabilis, ni Indorū aliqui sacris nostris additi,  
nec Scriptorum suorum nescij, clam illa habuif-  
sent, in lucemque non diu post adducta religio-  
sis aliquibus Patribus commostrassent & aperuif-  
sent, quibus usui fuere pro Historijs adornandis  
plenissimis, Indis ipsis & Mexici & alibi Ame-  
ricæ nostræ Œdipos agentibus, & Sphinges ma-  
jorum suorum ac Hieroglyphica declarantibus.  
Hinc nata fuere duodecim Volumina grandia in  
charta Regia à P. Bernardino Sahum Fran-  
ciscano elucubrata, quæ sunt Dictionarium Histo-  
ricum Mexicano Hispanum copiosissimum, de quo  
in loco dicemus; P. Torquemadæ Monarchia In-  
dica, & quam plurimi Libri admodum eruditi,  
quos in suis aptè sedibus in Bibliotheca nostra  
locabimus. Indorum quòd attinet Bibliothecas mi-  
rum non est habuisse multas illos, tot à se pictu-  
ratis Voluminibus & Libris instructas. Quarum  
argumenta & indices sunt quæ superstites erant  
diu post Mexicanam expugnationem flammis sub-  
ductæ Eruditorum industriâ Dominorum, qui eas  
unàque Historias & Kalendaria sua apud Mexicana  
præsertim, Tezcucana, & Tullana domicilia asse-  
ruerant, & instructissimo in hisce rebus viro So-  
cietatis JESU P. Joanni de Tobar ( ni nos con-  
jectura fallit ) commostrarant & aperuerant, ut scri-  
bit P. Acoſta in Historia Naturali & Morali In-  
diarum hispano sermone conscripta lib. 6 cap.  
7. pag. 407 in fine, & 408 in principio. Ha-  
rum reliquias Bibliothecarum plures conquifivit  
& tenuit insignis in paucis Siguenza, de quibus  
sæpe in Operibus suis memoriam habet. Nostra



etiam ætate multa extant Volumina id generis undique collecta, egregiâ quidem defatigatione & pari conatu, ab erudito viro equite Laurentio Boturini, qui Mexici degens, ea nobis multisque monstravit, & in Catalogo Musæi sui Indici singillatim recensuit. Adhæc: Erant apud Indos nostros Archivia, ut de Jucatanensibus signatim scribit Cogolludo in eorum Historia lib. 4. cap. 5. pag. 186. Oppidum Tixualahitun seu Hispaniarum Septimancæ Tabularium appellans.

Mexicanæ specimen scriptionis per figuras & Hieroglyphica extat typis editus & laminis adornatus Liber, quem à Mexico Pro-Rege ad Carolum V Cæsarem missum, Mexicano & Hispano Idiomatibus explicatum, interceperunt Galli; Anglicusque factus à Lock, editus fuit à Samuele Purchas in Collectione itinerum relationumque, & Gallicè versus à Melchisedec Tevenoth prodijt anno 1696 in fol. habeturque in hujus relationum tom. 2. part. 4. cui libro titulum dederunt: *Historia Imperij Mexicani figuris representata.* Parisijs apud Sebastianum Mabrec-Tramoyfy. Continentur in eo Libro LXIII Volumina Mexicana, quorum prima duodecim de Imperiali Urbe nostra Mexico agunt ac ejusdem Imperatoribus, & qua eorum quisque epocha rerum potitus est, de subjugatis sibi Provincijs, & rebus id temporis scitu dignioribus. Cætera ad numerum usque 49 vectigalia, idque genus alia tributa Regibus pendi solita coloratis imaginibus exhibent. Quæ sunt reliqua ad finem usque varijs argumentis coram dandis fuere conscripta. Eorum aliqua præclarus

rus eruditionis famâ P. Athanasius Kircherius inseruit *Œdipo suo Ægyptiaco* tom. 3. c. 4. quode seorsim agamus haud ingratum erit aut injucundum.

## ANTELOQUIUM III.

Num litteratura Mexicanorum propriè Hieroglyphica dici possit?

**H**Unc ferè invariatum titulum doctissimus Kircherius dedit capiti 4 *Œdipi Ægyptiaci* sive Theatri Hieroglyphici tom. 3. cujus post exordium capitis inquit: *Porro licet Mexicani characteribus litterisque ut pote Scriptoria artis ignari destituantur; quibusdam tamen picturis mentem suam exprimere conati sunt. Relatisque à se visis Voluminibus, quorum in decursu capitis figuras exprimit laminis & enucleat, subdit: Cum itaque dicti Characteres ex varijs animantium, hervarum, instrumentorum, similiumque figuris constructi sint, plerique hanc litteraturam prorsus Hieroglyphicam esse sibi persuaferunt. Verum hanc opinionem falsam esse, ex his quæ paulo post adducemus sat superque patebit. Siquidem certum est nihil sub ijs latere arcanis rationibus involutum; sed figura ipsæ posite ipsas quasi actiones seu seriem rerum gestarum exprimunt, & non secus ac picturam quandam rei gestæ exhibent. Verum ut & hoc loco ad oculum rem demonstremus, nonnullas figuras ex varijs Mexicanae Historiæ Scriptoribus extractas explicandas duxi, ut instituti nostri ratio luculentius patefiat. Tum supputandorum rationem annorum repræsentat, multaque de seculis à Mexicanis computatis apponit,*

\*

de



deque mensibus & ijs affinibus. Mox typum exponit Scripturæ Mexicanæ, qua primordia foundationis Mexicæ Civitatis indicantur. Succedit quorundam Mexicanorum Regum Historiæ explicatio. Postremò adjicitur Pictura quæ leges pro educandis filiis præscriptas, eorumque educationem ob oculos ponit. Atque ijs demum concludit Mexicanam litteraturam nihilo à rudi pictura discriminari. Gravissimi Kircherij vestigia sectatus est Brianus Uvalthonus Nazione Angelus ( de quo vide sis Bibliographiam Criticam Hispani eruditissimi P. F. Michaelis à S. JOSEPH Volumine 4. pag. 488 ) Prolegomeno 2. Bibliæ Poliglotæ à se editæ anno 1660. Cæteri verò quos viderimus ea de re Scriptores, litteraturam Mexicanensium tam esse Hieroglyphicam censent quam Ægyptiaca Symbola & Schemata fuere. *Hujus etiam rei* ( inquit P. Didacus Valadesius Franciscanus longa eruditus 40 annorum consuetudine cum Indis nostratibus, iisque proximè consequutis primos Christianis adjunctos, in Rhetorica christiana part 2. cap. 27 ) *admirabile extat in commercijs Indorum & contractibus exemplum, qui etiam si sine litteris ( cujus supra mentionem habuimus ) formis tamen quibusdam & imaginibus voluntatem suam vicissim denotabant, quas gestare solent in panniculis bombycinis, papyro bibula ex folijs arborum. Ea consuetudo in hodiernum usque diem in rationum suarum tabulis remansit, non modò ab ignorantibus, verùm etiam rectè legendi scribendique ( quorum plurimos ad miraculum usque exercitatissimos videas ) peritis. Id illis commune fuit cum Ægyptijs qui per ejusmodi quoque figuras sensus mentis effingebant, celeritatem designantes per Accipitrem, vigilantiam per Coccodr-*

drilum, per Leonem imperium: de quibus vide Orium Apo-  
 llinem de litteris Hieroglyphicis. Plinium lib. 36 cap 8. item  
 cap. 11. Meminerunt præterea ejusmodi litterarum Strabo  
 lib. 17. Cornelius Tacitus lib. 13. Cælius Rodiginus An-  
 tiquarum lectionum lib. 29. cap. 26. Volaterranus lib. 33.  
 Inter alias etiam effigies scarabæos, apes, fluvi-  
 os, boves, vul-  
 tures aliaque id genus notare consueverunt. Hæc ille. In eun-  
 dem sensum communiter alij loquuntur. Rem ve-  
 rò nobis acutè tetigisse videtur Franciscus Lopez  
 de Gomara in Hist. Mexicanensi hispanicè scrip-  
 ta fol. 293 edit. Antuerpiensis anni 1554 qui  
 admodum similia Ægyptiacis Hieroglyphicis Mexi-  
 cana symbola nominat, quæ tamen non adeò ut  
 illa sensum & rem obtegant, tegereque aut pos-  
 sint aut debeant, ea nimirum quæ pro familiari  
 & vulgari commercio sunt instituta. Solemnius ve-  
 rò & omnium doctissimè rem enuclearunt præ-  
 stantes eruditione viri Hispani, qui aureo libro  
 de Origine Indorum à P. Gregorio Garcia Domini-  
 cano jam diu elucubrato pretium addidere sele-  
 ctissimis accessionibus, quæ in fol. prodijt anno  
 1729 typis Madritanis Francisci Martinez Ab-  
 bad, à quibus aliqua libare non piget tradita pagg.  
 249. 250. 251. additis opportunè nonnullis.  
 Exploratum quidem est & compertum Hieroglyphi-  
 ca esse signa arcana non cuiusvis obvia, pro ut Joannes  
 Henricus Alstedius in Encyclopediæ omnium scien-  
 tiarum tom. 4. lib. 35. sect. 14. regulæ instar  
 scribit, atque ad unum omnes ejus rei tractatores  
 habent. Jam verò & si Mexicanensium Symbola  
 pro familiari consuetudine data, & vulgaribus &  
 plebeis etiam nota, Hieroglyphica propriè non fue-  
 rint,



rint, restant sanè innumera penè vulgarium, etiam  
gentilium, captum exsuperantia, arcanis gravida &  
ocultis mysterijs. Nec enim picturas inter om-  
nibus notas & characteres nullum erat apud In-  
dos discrimen, siue efformandi Imagines modum  
spectes, siue Artifices, siue usum & finem. Colo-  
rata siquidem tabulæ pro Ædium ornatu, quas  
Principes viri incolebant, tam erant omnibus na-  
meris absoluta, graphicèque expolita, ut desider-  
rari nil posset ulterius, quæ erant in arte pingendi  
elegantia, cuius etiamnum extant documenta  
imagines ex versicoloribus plumis distincta, multis  
to in pretio apud Europam habitæ & coemptæ. Se-  
cus ij agebant qui characteribus scribendis ope-  
ram dabant, trucia valdè & ferocia exhibentes ido-  
la, monstra & id genus alia in propositum sibi  
scopum collimantia, & pro varijs Provinciarum  
usibus diversa iridem simulacra. Adhæc, cum picto-  
ria arti excolenda multi ex officio incumberent  
pro cuiusque indole & genio; Characteres tamen  
scribere, Annales condere, sacraque & publica  
memoriæ commendare sapientiorum duntaxat erat  
& Sacerdotio insignium. Tandem, cum luxui &  
ornatui tabulæ picturata inservirent; colorata ta-  
men & Imaginibus distincta Volumina Historias  
concernebant, Leges, Sacra, & quæ memorabi-  
mus alia, in vulgi captu, nisi Præceptorum vox  
accederet, longè remota. Hoc etiam ijs Mexica-  
norum Libris pretium addiderat, quod Chrono-  
logiam pictis Imaginibus traderent, & exactam  
seculorum seriem unâ cum Historia ob oculos po-  
nerent, in quo visi sunt sapientissimos Ægyptio-  
rum



rum facile superasse. Sanè, abstrusa, quibus ute-  
bantur, ænigmata conspicientes, nisi Œdipus acce-  
dat, res penitus latebunt, hærentesque in cortice,  
nil præterea mysterij & arcani suspicabuntur. Ec-  
quis enim contemplatus spelæa septem virumque  
è singulis egredientem, animo concipiat septem  
Urbes ad Boream positas, e quibus totidem Nationes  
exierint, latèque per Mexiceas effusa Provincias,  
Mexicanum tandem Imperium condiderint? Et hoc  
quidem sibi Indi voluere picturâ ista repræsentare.  
Idolum pinxere Indos arcu obarmans atque sagit-  
tis, unâque rete. Hac significantes Sphinge porten-  
dentesque, fore ut pharetris & jaculis Reges subi-  
gerent, cum piscatoriam agere viderentur atque  
in Lacu confederent Mexicano. Cui non abimi-  
les frequentissime in eorundem Voluminibus ha-  
bebantur. Reliquas ut missas faciamus, illam pla-  
cet indigitare, quæ extat apud Kircherium in Ty-  
po foundationis Mexicanæ Urbis. An is qui depi-  
ctam obtuetur Aquilam expansis alijs insistentem  
lapideæ arbori spinis obsitæ ( indigenis dictæ *Tu-  
nal* ) quæ in medio Lacu visitur, divinare citra do-  
centem poterit, id emblemata esse Oraculi dati ve-  
nientibus olim Indis è septem Urbibus, extruen-  
dæ Civitatis *Tenoxtitlam*, eò paludis, ubi insiden-  
tem arbusculo Aquilam aliquando tandem offen-  
derent? Mirum proinde non est, si versatissimus  
in extricandis Hieroglyphicis vir, sagacissimus  
que Kircherius, nostris destitutus Historijs, & in  
eis exercitatorum voce & auxilio, nil præterea  
sub eo symbolo subodoratus fuerit, quam quæ ijs  
ipse verbis expressit. *L Tenoxtitlam, representat arma*

\*

qui-



quibus utebantur in acquisitione loci Tunal. N. Aquilam significat, quæ ibidem nidulabatur. O Habitationem sive mansionem eorum. Quæ sanè omnia nil acuminis & arcani continere nemini dubium est. At enim secus existimasset vir ad stuporem usque eruditus, si aut Codices eas figuras interpretantes à nostris conscriptos ad manus habuisset, aut vivum Interpretem nactus esset, quo de ijs & cæteris doceretur, in quæ facile, citra piaculum quidem, errasse notavit D. Carolus de Siguenza & Gongora, addictissimus si quis ullus P. Kircherio, obiter hæc attingens in Politicarum Theatro virtutum præludio 3. pag. 17. Quod ne pro arbitrio nostro dictum videatur, non abs re erit paucula indigitare ex ijs quæ Kircherius ipse habet tom. 1. Œdipi item Ægyptiaci syntagmate 5. pag. 817. & seq. cap. 5. cuius titulus est: *De Religione Americanorum Ægyptiacæ Parallela*. Multa postquam fuscè describit pristinae Americanorum idololatriæ, Templaque Ægyptiorum exemplo mystica quædam in modum Pyramidum ædificata refert, ac depromptam à Ferdinandi Cortezij scriptâ narratione ob oculos ponit Figuram Fani Horcolivus (lege *Huitzilopochtli*) Numinis Americani; ad extremum subjungit: *Multa mihi hoc loco de mysticis hujus Idoli imaginibus, quarum interpretationem ex PP. nostris Mexicanis percepi, dicenda forent; verum quando quidem ea alteri loco reservavimus, supervacaneum esse ratus sum, ijs hinc diutius inherere. Sufficiat interim hoc loco Americana ad Ægyptiacam idololatriam affinitatem, quo unice collimabamus, demonstrasse.* Hæc Kircherius, è quibus conficimus duo instituto nostro quam opportuna.

Pri-



Primum, mysticas in Mexiceis Idolis agnovisse significationes, ubi Patres Societatis JESU Mexicanos ea de re loquentes audivit vir doctissimus. Secundum, Mexicanam idololatricam Ægyptiacæ parallelam non dubitasse; quarum cum affinitatem & alij nostrates agnoverint, & præ cæteris compertam habuerit citatus supra, nec sine laude memorandus Siguenza, erutam studio ejus è Mexicanis antiquissimis monumentis authographis, unàque convenientiam & in putandis annis & in habitu & ceterâ consuetudine politicâ & religiosâ, nullus ipse anceps fuit in eorum sententia tutanda, quam multi tenent à se allegati in dicto Præludio, pluribus edocens Mexicanos ab Egyptijs progenitos, à queis unà cum sanguine cætera hauserint, & quod propius argumento nostro est, Characteribus Hieroglyphicis litterarum instar fuisse usos. Sed de ijs hæcenus. Modò ad alia antiquorum eruditionis Mexicanensium documenta stylum convertamus oportet.

## ANTELOQUIUM IV.

Illustria aliquot monumenta traduntur, queis proximè dicta illustrantur atque firmanentur, ulteriusque priscorum eruditio Mexicanensium validè afferitur.

**J**Am verò locupletes dictorum testes afferamus par est. Ii porro tot sunt, ut multi essemus,



nec sine lectorum fastidio, si cunctorum syllabum  
texeremus. Ea propter notiores famosioresque da-  
bimus, qui aut Mexicanorum Volumina, ut dixi-  
mus, Characteribus & Imaginibus exarata com-  
mendant, aut Kalendaria ingeniosè constructa ex-  
hibent, aut Poemata indigitant, aut cætera inge-  
nij & doctrinæ argumenta pandunt & laudant. F.  
Joannes de Torquemada in Monarchia Indica tom.  
1. lib. 1. cap. 11. pag. 30. Editionis Madritanæ  
anni 1723, & in Proœmio lib. 2. pag. 75. & lib. 4.  
cap. 19. pag. 395. & alibi. Cogolludo in Hist. Ju-  
catanensi lib. 4. cap. 6. pag. 189, & lib. 6. cap.  
1. pag. 309. Betancurtius in Theatro Mexica-  
no secunda part. capp. 5. 6. 7. à pag. 61. & ali-  
bi. Henricus Martinez in Repertorio temporum  
& Historia naturali Novæ Hispaniæ tract. 2. cap.  
9. pag. 105. Illmûs. D. D. F. Franciscus Nu-  
ñez de la Vega, in Constituit. Diœcesanis Epif-  
copatus Chiapensis in Præambulo §§. 28. 29. 30.  
31. & tit. 30. §. 2. Ludovicus Becerra Tanco,  
in Felicitate Mexicea, seu de Apparitione Ima-  
ginis Guadalupix Virgineæ pag. 42. Editionis Ma-  
dritanæ anni 1745. & alibi ejusdem Opusculi.  
P. Florencia in Historia ejusdem Guadalupanæ  
Imaginis cap. 15. fol. 29. col. 2. Rea in Histo-  
ria Provinciæ Michoacanensis Franciscanorum lib.  
1. cap. 5. fol. 8. col. 1. & alibi ejusdem Ope-  
ris. P. Acosta in Historia naturali & morali In-  
diarum lib. 6. cap. 7. D. D. Joannes de Solor-  
zano de Jure Indiarum tom. 1. lib. 2. cap. 8.  
n. 96. F. Antonius à Matre Dei, Pintianus, Car-  
melita Excalceatus in Præludijs Isagogicis prælud.

2. dub. 2. & § 2. n. 22. pag. 163. Boturini in  
Idæa novæ Hist. generalis Americæ nostræ, & in  
Catalogo Musæi Hist. Indici tertio quoque verbo.  
Illmûs. D. D. D. Josephus Adame & Arriaga in  
Imperiali Mexicana Univerſitate illustrata pag.  
567. n. 2241 & 2242. Gomara in Historia  
Mexicea tom. 2. fol. 213. D. Antonius de So-  
lis, in Hist. Expugnationis Mexiceæ lib. 2. cap.  
1. Garcia in Origine Indorum Novi Orbis lib.  
4. cap. 22. pag. 238. Edit. novissimæ, cap. 23.  
pag. 246, & cap. 24. §. 1. pag. 251. & §. 7.  
pagg. 232. & 233. Ut verò multa paucis com-  
plectamur & demus Emmanueli Martino, viro  
Eruditis exteris addictissimo, placet hic Erudi-  
torum Lipsiensium fragmentum transcribere, quod  
extat tom. 8. supplem. pag. 301. ubi: *Periegesis*  
vel *Iter per universum Orbem Authore D. Joanne Fran-*  
*cisco Gemello Carrero* ( quem Lipsienses ipsi *Doctissi-*  
*imum virum Neapolitanum & fctum* appellant ) ex-  
hibetur. *Lectû digna est descriptio hujus Urbis* ( Mexi-  
ci ) *Regionisque ab Authore facta; Ædium pulchritudi-*  
*ne Italiæ urbibus parem, fœminarum Italis superiorem esse*  
*predicat; incolarum centum millia, &c:: Curiosissima*  
*sunt in primis duo monumenta ab Authore tom. 6. pagg.*  
*28 & 45. exhibita, quorum altero tota gentis Mexicana*  
*Chronologia inde ab ortu ejus, unâ cum notabilioribus even-*  
*tibus & fatis; altero Cyclus secularis Mexicanus, utrumque*  
*per Symbola & Characteres hieroglyphicos representatur. Tace-*  
*mus Pyramides duas Soli & Lunæ dicatas, eorumque Ima-*  
*ginibus ornatas, ex saxo prægrandi, quæ tamen ab Hispanis*  
*confractæ eversaquæ jacent. Vindicavit hæc omnia ab interi-*  
*tu quem Hispanorum ruditas minabatur* ( hæc scilicet est

\*

repe-



repetita ab exteris in nos cantinela, & ab Alo-  
nensi Decano plenis buccis iterum atque iterum  
decantata ) *Juan de Alva Dominus de Cetzieazgo, &c.*  
qui ex Regibus Tezcuci descendebat; explicavit verò eadem  
*D. Carolus de Siguenza & Gongora Cathedra-  
ticus & Pro-  
fessor Matheseos Universitatis Mexicana in sua Cyclogra-  
phia, qui & idem edidit alium Tract. sub titulo Libra Astro-  
nomica:: Quantum ad reliqua Author exercitationibus &  
examinibus Academicis quarumlibet Facultatum in Univer-  
sitate Mexicana crebro s: interfuisse testatur. Haftenus Eru-  
diti Lipsienses forsitan Emmanueli Martino non  
arrisuri, à queis in Novis Supplem. tom. 1. pag.  
403. ejusdem styli ethnicismus carpitur non  
injuriâ.*

## ANTELOQUIUM V.

Antiquorum Collegia & Gymnasia  
Mexicanensium Indorum á gravissi-  
mis Scriptoribus bono in lumine co-  
llocantur.

**Q**Uò longius ac longius barbariem propul-  
semus ab Indis Mexiceis, atque ab inscitiâ  
de qua incusari solent injustè, etiamnum  
& iterum eos vindicemus, operæ pre-  
tium existimamus, si eorundem Scholas & pro  
instituendis pueris & juvenibus Collegia & Gym-  
nasia in medium & publicum adducamus, excrip-  
tis non domesticorum modò testimonijs, sed ex-  
teriorum eruditionis nomine insignium. Agmen  
ducat laudatissimus Belga Justus Lipsius in Lova-  
nio

nio lib. 3. cap. 6. cui titulus: *Vetus Academiarum Specimen in Oriente, itemque Ætiopia, Africa, & Novo Orbe.* Ibi: *Apud Mexicanos lego Scholas in Templis fuisse, & ad eas divites præsertim nobilesque filios suos missitare solitos ab anno ætatis 5, ubi à Præceptoribus suis docebantur, coercerentur, nec egredi fas erat. Et ad usum juventutis hujus, terra & agri erant, è quibus fructus & annonam colligebant.* Hæc Lipsius, cujus vestigia sequitur eruditus admodum Consiliarius Hispanus D. Laurentius Ramirez de Prado in Notis ad Luitprandum pag. 424. Succedit Joannes Henricus Alstedius in Encyclopædia Scientiarum omnium tom. 2. lib. 18. part. 3. Geographiæ cap. 4. §. 5. pag. 566. *Hispania nova, quæ aliàs dicitur Hispania magna, & Regnum Mexicanum, cultissima est omnium Regionum totius America. Hic est Urbs Mexico duodecim Italicis miliaribus in circuitu patens, & Veneta Urbis in morem undique navigabilis. Habet quingenta incolarum millia. Est Urbs totius Orbis maxima. Est ibi Schola celebris.* Laurentius etiam Berling in Theatro vitæ humanæ, titul. *Academia*, versu *America*, ejusdem Gymnasij memor est. Gerardus Mercator in Atlante minore à I Hondio aucto & illustrato Amsterodami ex Officina Joannis Janssonij 1634. pag. 63. inquit: *Fuerunt in hisce India partibus plurima & quidem superba & magnifica Tempia Idolis consecrata, & cetera....Fuit in Urbe Mexico celeberrimum Templum Vitziliputzli, ambitum amplissimum habens atque aream intus pulcherrimam. In primis verò res admiratione digna cura quam Mexicani gerebant in educandis liberis, certo scientes nihil esse in tota rerum universitate, quod plus adjumenti ad rectam rerum tum privatarum tum publicarum constitutionem adfert, quam pueritiæ disciplina.* Quòd  
¶ 12 verò



verò exteri Authores à nostratibus isthæc mutua-  
ti sint, libet indicatos supra consulere, præsertim  
Hieronimum Roman lib. 3. citati Operis cap. 5.  
& Betancurtium p. 80. Quæ addimus P. Joannem  
Eusebium Nierembergium in Historia Naturæ  
maximè peregrinæ lib. 8. cap. 22. ex Doctore  
Francisco Hernandez septuaginta octo partes maxi-  
mi Delubri Mexicani politissimè describentem, c.  
verò 26. Ministros deorum enumerantem, ubi  
*Mexicon tehnoatzin* dictum gentis idiomate, Patriar-  
chæ similem indicans, atque ejusdem cœtera mu-  
nia, inquit: *Ad eum spectabat curare ut quæ ad cul-  
tum deorum pertinerent, in quibusque Oppidis atque Provin-  
cijs Mexicano parentibus Imperio diligenter atque exquisitè  
peragerentur secundum leges ac ritus antiquorum Pontificum  
& Sacerdotum, ac præcipue quæ ad educationem juvenum  
instituentur in Cœnobijs Collegijs vè, vocatis Calmecac.... In  
munere eum juvabat quidam alius vocatus Vitznahoac tehnoa-  
tzin, nec non alius Tepantehuoatzin cui præcipua cura erat,  
ut qui in cunctis Calmecac Provinciarum, quæ subjectæ erant  
Mexico, educabantur, aptè commodèque gubernarentur atque  
instituerentur. A Torquemada & Betancurtio etiam  
habemus, præter Gymnasia Mexicanensia in ipsa Ur-  
be Imperij capite condita & frequentata, alia quo-  
que floruisse apud Tezcucanos, potissimum reg-  
nante Nezahualcoiōtl, qui Imperatori Mexiceo su-  
berat. Nam ut erat insigni prudentiâ, hujus ope-  
râ Academiæ instar constitutus fuit cætus Poeta-  
rum & Musicorum, magno apud Tezcucanos nu-  
mero, eorumque etiam qui Astronomiam colebant,  
& Historias ornabant, artibusque alijs se se exer-  
cebant, ut collatis rebus atque discussis, in dies exer-*

exercitatiores evaderent & doctiores, dato ipsis Præfide filio suo Xochiquetzaltzin nomine. Ita Torquemada habet tom. 1. lib. 2. cap. 41. pag. 147, qui ad calcem cap. 45 ejusdem libri pag. 156 memoratum Regem poetica laude exceluisse tradit, & ejusdem canticum ad mores formandos compositum laudat, exordiumque transcribit: *Xochitl, Mamami in Huehuetitlam &c.* Alium itidem inter Tezcucanos Reges insignē commemorat Nezahualpilli dictum eodem libro c. 64. p. 188 scrutandis sideribus deditum, tantoque Astronomiæ studio & amore flagrantem, ut quotquot ea scientiâ tinctos ubique sui Regni novisset, in Aulam acciret secum eis de rebus communicaturos, & nocturno tempore stellis & cœlo invigilatuos, cui negotio destinaverat atque ex arte composuerat Ambulacrum palatii superius, quod proprijs lustravit oculis Torquemada.

## ANTELOQUIUM VI.

Mexicanorum in Poetica studium & Oratoria traditur: peritia in rebus physicis exhibetur, &, quibus utebantur, Leges innuuntur; tum alia ingenij signa paucis notantur.

**N**on is solùm, quem mox diximus, Rex Tezcucanus Musis litare, excipereque festivè canentes usu tenuerat, sed & alij Reges & Imperatores politissimique Mystæ & Sapient-



piantes. Poeticis enim numeris delectati, epica carmina concinebant prælonga, puerisque addiscenda tradebant, ut præteritarum rerum memoriam dulcedine metri conditam in ipsos facili negotio instillarent, & ad posteros etiam transmitterent, deque præsentibus, qua ætate carmina fundebantur, illos docerent. Atque his artibus Historiam Americæ omnem, & characteribus picturatam in Voluminibus, & repetitam Canticis, sartam tectam ad adventum usque Hispanorum servarunt, qui demum Indorum consuetudine & usu, vivâque doctiorum voce eruditi, Libros Europæorum more confecerunt quam plurimos & Historias absolutissimas. Alia præterea concinnabant Poemata, & mores concernentia & Herorum præclara gesta, & genialibus diebus, lusibus, choræis, & similibus agendis metro aptissima. Egregiam itidem operam exhibuere in ornato dicendi genere, quod & Magistri multo usu exercitationeque sibi fecerant familiare, & ijs tradebant juvenibus quos Rhetoricis efformabant præceptis, Oratores que olim initiandos, divite suppellectile loquendi copiosissimo & elegantissimo Idiomate accuratè instituebant. Hinc natæ fuere Orationes minimè incultæ, quæ in Historijs Mexicanis Hispanorum calamo scriptis leguntur ab Indis profectæ, nec ab hispanicè narrantibus scribingentibusque confictæ, ut opportunè animadversum voluit P. Acoſta indicando postmodum loco. Physicam excoluisse, cum apud Scriptores alios habeamus, tum præsertim apud politissimum Historiographum D. Antonium de Solis, cujus in Expugnationis Mexicæ lib. 3. cap.

cap. 14. legimus, amænissima Imperatoris Moctezumæ urbana viridaria floribus & herbis salutaribus undique regni conquisitis affluentia, proque tuendâ valetudine destinata, à Physicis ejus diligenter excoli solita, stûdentibus florum atque herbarum nominibus, vi & indoli, ut appositissima pharmaca præpararent, libenterque omnibus impertirent optantibus, pro Imperatoris genio, sæpe de exitu interrogantis, felicemque cùm esset, sibi gratulantis atque plaudentis. Quid verò Leges pro Republica moderanda ab Imperatoribus constitutæ Mexiceis Sapientum consilio & Prudentium, nigentis culturam & ingenium præseferunt? Porro tam sunt illæ quæ ad politicam æconomicamque societatem attinent rationi consentaneæ, ut si veræ Religioni conjunctæ fuissent, optari nil præterea valuisset ad solidam integramque vastissimi Imperij felicitatem. Eas enim verò animo reputans F. Hieronymus Roman, vir, si quis ullus, in totius Orbis Rerum publicarum, quas descripsit omnes, usibus eruditus, nullaque Indis consuetudinè junctus, apud quos nunquam fuit diversatus, ut cap. 4. lib 2. indicati supra Operis, palam scripserit, impatienter gravatèque eos audire, qui Indos belluis similes, & abjectis esse ac sordidis mentibus inquiunt, hac, alias inter, ductus ratione, quòd prudentissimas Leges cōdiderint, utque vigerent ac servarentur strenuè accuraverint, de quibus multa sunt lectu digna in recensitis mox Historiographis. Jam verò (ne hoc prætermittamus) quanto Indi nostrates ingenio fuerint etiam in mechanicis rebus, libet paucis innuere verbis allati supra Ge-



rardi Mercatoris pag. 637 sic scribentis: *Sunt Indi rerum Mechanicarum egregij Artifices, præsertim in contextendis varijs avium plumis & ferarum pellibus admirandâ varietate: Qui & laborum tam sunt patientes, ut sæpissimè integro die cibum non sumant, ut speciosius concinnent & aptent vel unicam plumam, eandem omni ex parte contemplant, tum ad Solem, tum in umbra, ut percipiant, magis ne recta an inversa conveniat, erectis an deflexis crinibus. Itaque ex plumis animal quodcumque, aut florem, aut herbam tanta dexteritate mentiuntur, ut videantur ad vivum expresse. Aurifabrorum prima & præcipua est conditio & præ ceteris artificiosa: adeo quidem ut res quasvis ad vivum exprimant: Valentque plurimum fusionis artificio, adeo ut vel herbas quasvis, tum res minutissimas fusione fingant tam exquisitè, ut à naturalibus differre non dicas. Sola Mexicana Civitas omnem politicam & vivendi rationem totius Novæ Hispaniæ patefacit &c. Sunt in hanc rem confertissima testimonia, quibus & Lectores forsitan gravaremus, & extra oleas ferri videremur ea si explicatius tradere animus esset, quæ mutuari à signatis supra Historiographis earum avidus poterit. Ne verò morosiores simus, alijs prætermittis de antiquorum Mexicanensium eruditione testimonijs & documentis, ad Emmanuelem Martinum revertamur, atque unà cum eo  
sedeamus ad calculos.*

## ANTELOQUIUM VII.

Priscos Mexicanos non injuriâ sapientes inter censendos esse, rectâ demum consecutione ex hætenus datis inferitur, injuriusque eorundem Nationi Alonenfis Decanus probatur, si eos in Epistola sua indigitavit & stylo confodit.

**C**Olophonem ut argumento, cui hætenus institimus, & auream coronidem imponamus, Proto-Martyris Stephani verbis, quæ habentur in Actis Apostolorum cap. 7 V 22. opportunè ad rem nostram utemur: *Et eruditus est Moyses omni sapientia Egyptiorum.* Ecquæ verò Égyptiorum sapientia fuerit sciscitanti reponit Cornelius Alapide præclarus Sacrarum litterarum Interpreter, & ipse omnibus litteris eruditus, in ad Exodi Commentarijs cap. 2. V. 10: *Porro sapientia Egyptiorum erat duplex, aut Philo, & Justinus quæst. 25. ad Orthodoxos. Prima aperta ac omnibus exposita; nimirum Geometria, Arithmetica, Astrologia & Musica. Secunda Hieroglyphica, quæ per Symbola gravissima Physices, Theologiæ, & Politicæ Facultatis mysteria edocet; hæc ergo omnia quin & Medicinam, inquit Clemens, didicit Moses.* Hæc sapientientissimus vir. Jam verò quòd ad primam spectat sapientiam, Mexicanos Indos ea floruisse dubitaverit nullus, qui fidem ijs dederit quæ præscriptimus monumentis gravissimis, eorundem non in

\*

me-



memoratis solùm Facultatibus peritiem & usum  
docentibus, sed verò etiam in Oratorijs & Rhe-  
toricis exercitationibus. Quì ergo è Sapientum albo  
expungantur, & versati in vastissima litterarum  
solitudine exsibilentur, atque ita barbari & in-  
cultissimi traducantur, eorum ut nemo sit ullus qui  
aut docere possit, aut sciat aliquid, vel scire cu-  
piat, & à litteris non abhorreat? Ad secundam  
sapientiam Egyptiorum si animum advertamus, à  
Physicis tractationibus & doctrinis Indos haud  
quaquam alienos credemus, ubi scripta Anteloquio  
præcedenti meminerimus; si verò perscrutemur mo-  
numenta Hieroglyphicis litteris tradita ab ipsis,  
multa nobis Volumina suppetent Theologica nun-  
cupanda, eo ipso jure quo profecta ab Ægyptijs  
superstitioni deditis Theologica audiunt, hoc est,  
de Idolis suis & divis figuræ & symbola, & eo-  
rum etiam quæ ad id genus religionis & cultus  
spectant. Nec Politicæ rei Hieroglyphica desunt  
Mexicanensia abundè conscriptis Annalibus ab  
usque Imperio condito ad Moctezumæ postremi  
Imperatoris ætatem, bellis, expugnationibus, mo-  
litionibus, & actibus cùm amplificandi Imperij, tum  
etiã moderandi ac regendi gratiâ, opportunè signa-  
tis. Quæ cum ita habeant, deest profecto nil  
quo minus Egyptijs eruditos dicamus Mexiceos  
Indos in abstrusiori, & quam secundam diximus,  
Ægyptiorum sapientia; palamque fit, injuriâ ipsos  
prægrandi ab ijs affici, qui belluis eos suppres &  
similes credunt, ignorasseque pænitus Mexiceas  
omnes antiquitates, famosissimosque etiam Euro-  
pæos Authores Historicos cum primis & eruditos,  
erudi-

eruditum Alonensem Decanum acerbè Indos & indigenas omnes exagitantem. Jam verò ubi veteribus deditum scrutandis Romanarum inscriptionum exuvijs virum, alta, qua tenebatur Mexicanensium ignoratione rerum, liberare conati sumus; non abs re erit, credimus, si veteris etiam Mexici speciem ei subijciamus exteri coloratam Authoris calamo, politissimi P. Joannis Bisselij è Societate JESU *Argonautici Americanorum lib. 13. n. 4. pag. 343 & seq.* Editionis Gedani apud Ægidium Janssonij à Vvaesberge. 1698. ita scribentis. *Mexicana tamen regionis potissima, praeque ceteris Hispaniae Novae terris gloria: non modò, quod Regnum antehac tate reliquis eminuit, ac jura dedit quacumque patet in Septentrionem America: sed etiam ob Mexici Principis urbium majestatem: quae sedes quondam imperij fuit. Sed tunc etiam Temistitanum, diversissimo nomine, dicebatur: quae nunc passim à Fontibus & copia scatebrarum, quibus circumluitur, Mexicum nuncupatur, id exprimente gentis lingua. Sita quondam urbs haec fuit, Venetiarum exemplo, super ingentis lacus medium. Is, gemino sinuatus stagno, passuum quinquaginta millibus ambitur: totidem circumquaque super ripam extructis urbibus. Nam quinquaginta fuisse, constans est eorum narratio, qui vetus Mexicum oculis subjecerunt. Addunt; earum singulas decem millibus plus minus domuum superbisse. Sed longissimè super has omnes caput erigens Mexicum, tanquam ex annulo gradi gemma pulchrior & exantior; in medio cunctarum posita, cunctas facile despiciebat. Etenim Orbis totius urbium (si modò fama credimus) spatiosissima; tectorum turriumque plusquam septuaginta quinque millia surrigebat. Præterea lemborum, quos Canoas ipsi vocant, quinquaginta millibus assiduè circumnavigabatur. Quem*



*numerum nec hodierni quidem Mexici populositas succidit: quippe non rarioribus, atque quondam, per stagnum excursibus recursibusque distenta. Post multa verò quæ tædij vitandi causâ mittimus, pag. 346. ita concludit: Porro planitiem, in qua surgit, vallant circumfusi quaque versum colles, humili, sed tamen vernante semper, clivorum amenitate. Remotiora verò, quaque duriores nacta sunt auram, in montes eriguntur: & tanquam amphiteatro gradatim eminent, jugis super juga scandentibus, quæ cuncta nivibus annosis, aeternaque glacie rigent. Haëtenus Bisselius Amphitheatrum describens Mexiceum, quod tamen, credimus, flocci ducet Martinus, Theatrum recogitans Saguntinum, de quo à se primùm detecto sibimet gratulatur, contranitente viro erudito D. Joanne Martinez de Salafranca in Diario Litteratorum Hispaniæ tom. 3. à pag. 189. sensumque suum Mari Arecij Syracusani testimonio probante, jam inde ab anno 1554. edito Dialogo Theatrum illud commemorantis.*

## ANTELOQUIUM VIII.

Emmanuelis Martini ignorantia de Mexicana eruditione ab eo tempore quo excoli ab Hispanis America cæpit ad usque ætatem nostram, aperitur, & in scribendo temeritas confutatur.

**H**Actenus, neutiquam spernendam Indorum Mexicanensium eruditionem, qua retro claruerunt, in Theatrum deduximus

mus, ostendendi ergo quam sint vel ipsis injurio-  
sa, & à vero aliena quæ Decanus Alonensis scrip-  
sit. Quoniam verò non Indos ille veteres cogita-  
vit, sed novos indigenas, in iisque, & Hispanos  
in America natos, & alibi genitos viros in ipsam af-  
citos, quos ad unum omnes quam longissimè diffitos  
credidit à Minervæ sedibus & pomærijs; ejusdem ut  
in hisce rebus ignorãtia scribendique temeritas ape-  
riatur & propulsetur, è re nostra est. *Quò te conferes apud  
Indos, inquit, in tam vasta litterarũ solitudine?* Ita ne, bone?  
Hanc ut dedoceare non opinionem dicimus, sed  
temeritatem: vel ut enucleatius dicamus, amentiam,  
quanta in vastissima litterarum solitudine littera-  
rum Domicilia duobus ab hinc seculis condi cæ-  
perint, in diesque ad delicias usque sapientissimo-  
rum hominum effloruerint, paucis audito. Sunt  
apud Americam Mexicanam Universitates seu  
Academiæ Pontificia Regiaque autoritate con-  
ditæ Mexicana, quæ Princeps est, & ante duo se-  
cula, Carolo V Cæsare, constituta: Hispaniolen-  
sis, Goatemalensis, Habanensis, Garaquensis, Juca-  
tanensis, in quibus Europæorum more Scientiæ  
omnes traduntur & Facultates, Gradusque Aca-  
demici ad Doctoratum usque pro scholarium &  
candidatorum meritis, singulis destinantur. Sunt  
Collegia, Seminaria, & id genus Athenæa pro in-  
stituendis adolescentibus & omnigenâ formandis  
eruditione. Quot verò si quæras isthæc Domici-  
lia sapientiæ sint, haud facili, forsanique incredi-  
bili Tibi supputatione dabimus. Id exploratum  
certumque habemus, quòd ad Mexicanam Aca-  
demiã spectat, sexaginta non minus Lycea esse,



si Collegijs & Cœnobijs urbanis nostris cætera ad-  
jiciantur Angelopolitana, Michoacanensia, Goada-  
laxarensia, Goaxacensia, & Durangensia, è qui-  
bus initiandi Minervalibus apicibus examenque  
subituri Seculares & Regulares scholarum profes-  
sores conveniunt. Nec porro pauca numero sunt  
quæ apud Hispaniolenses, Goatemalenses, Haba-  
nenses, Caraquenses, & Jucatanenses vigent, &  
Academijs illis decori sunt, atque Americæ orna-  
tui. Quæ cur Tibi incredibilia videantur non erit,  
si modò Archiepiscopatus tres, & Episcopatus  
12 singulos vastissimâ Diœcesi, & plerosque fre-  
quentissimo Clero Seculari constantes sciveris;  
Religioforumque Ordinum Provincias amplissi-  
mas 18. litteris operam dantes ( ut tres præ-  
tereamus Hospitalitati insistentes, quæ tamen  
litteratis viris non carent ) à publicis monumen-  
tis & Historijs acceperis. Videsne quam vasta  
sit litterarum solitudo in America Mexicana,  
apud quam frequentissimi litteratorum cætus abun-  
dant? Sed adjectis à Te quæsitis respondeamus  
oportet: *Quem adibis non dicam Magistrum, cujus præcep-  
tis instituaris, sed auditorem?* Sic Tu adolescentem  
charissimum Tibi moniturus alloqueris, quem ita  
nos è regione alloquemur. Adibis sanè, quem ma-  
lueris è sexcentis Magistris, à quo efformeris. Nam  
intra Mexicana pomæria semper offendes Do-  
ctores centum plus minus ve, quo autem tem-  
pore scribimus hæc, centenario majorem eorun-  
dem Confessum invenies, qui infulis redimiti, è  
voto Tibi & sententia litteras instillabunt. Adi-  
bis ( absit jactantia verbis ) totidem Professores  
Scien-

Scientiarum quotidianam in eis tradendis operam  
in Gymnasijs ponentes, in Academia quidem vi-  
ginti tres, Regijs stipendijs, Idiomata, Rhetoricam,  
Philosophiam, Mathematicas, Medicinam, Roma-  
norum Jura, Canonicas sanctiones, Theologiam  
universam è suo quisque suggestu docentes; in  
Collegio Maximo Societatis JESU duodecim, Gram-  
maticis, Rhetoricis, Philosophicis & universis  
Theologicis institutionibus Juvenes efformantes;  
novè simili insistentes muneri & professioni in Me-  
tropolitanæ Ecclesiæ Collegio Seminario; reliquos  
cùm in Cœnobijs tum etiam in Collegijs Do-  
minicanis, Augustinianis, Franciscanis, & Merce-  
densibus, quibus adduntur Carmelitani non longè  
ab Urbe nostra Athenæa sua excolentes, ac Præ-  
ceptores urbani multi & in alijs secularibus Co-  
legijs & in suis quisque Ædibus Grammaticam  
& humaniores litteras expendentes. Ecce quot  
quantosque adire Magistros liberum Tibi erit  
Mexicum ingredienti; alibi autem Americæ no-  
stræ commoranti plures etiam & plures ocurrent  
Magistri apud Angelopolitanos, Michoacanenses,  
Goadalaxarenenses, Goaxacenses, Durangenses, Goa-  
temalenses, Jucatanenses, cœterosque superius me-  
moratos, qui litteras tradant imbuantque Te eru-  
ditione multa. Nec enim inibi degens, Collegia  
in optatis Tibi erunt atque Cœnobia, plura pau-  
ciora ve pro uniuscujusque Diœcesis mensurâ &  
indole. Cœtera ut prætereamus hujus rei monu-  
menta, placet unum tibi digito signare, quod ut  
est typis editum jam inde ante centum & amplius  
annos integro volumine in fol. cui titulus *Allegationes*



*in favorem Cleri, Status Ecclesiastici & Secularis, Hispanorum & Indorum Episcopatus Angelopolitani*, legere integrum erit tibi, & ab eo memorata authentica instrumenta haurire. Statim enim fol. 2. col. 1. Regi Catholico, cui Liber nuncupatur, Præsbyteri Seculares Diœcesis Angelopolitanæ sistuntur septingenti, Curiones, Beneficiarii, Vicarii, Capellani, quorum plures, id est, supra quadringenti, ut habetur fol. 195. col. 2. n. 384. insignes erant gradibus, alij Doctoratus, alij Licentiæ, alij Bachalaureatus in varijs Facultatibus, & insuper diversis Americanis idiomatibus eminenter exculti. Adhæc, septingentis, quæ diximus, Mystis accedebant amplius ducenti minoribus Ordinibus initiati, litteris operam dantes, & strenuè Minervam colentes, nongentique omnes in Diœcesi eâdem nati, quatuor vel quinque demptis, ut videre est fol. 88. n. 16. & fol. 4. col. 2. Quam verò alacriter ipsi Scientias coluerint, palam coram frequentissimâ doctissimorum hominum populique coronâ dedere anno 1646. concursu, ut dicitur, factò pro petitione Ecclesiæ Parochialis Villæ de Carrion nuncupatæ. Alij enim horarijs Prælectionibus, aut Theologicis, aut Juridicis, 24. horarum spatio elucubratis, eruditionis specimen exhibuere, additis ex præsortito cuique Evangelio horarijs Concionibus Hispanicis, præfinitis ad ipsarum formationem horis 48. Alij & Sermones similiter habuere Hispanos & Mexicanos, & Theosophicas Prælectiones, ut nuper diximus concinnatas. Alij trilingues Orationes sacras, alij quadrilingues dixere è superiori loco simili angustiam

tem-

temporis conditas. Alij Relectionibus & Concio-  
nibus à se habitis, addiderunt Theses publicè de-  
fensandas ritu scholastico, tum ex Sacris Biblijs,  
tum ex Theologia Speculativa petitas, tum ex Mo-  
rali, ex Philosophia itidem, ex Idiomate Mexica-  
no, & ex Ritibus Ecclesiasticis. Fuit eos inter Ba-  
chalaureus Antonius Adar de Mosquera, qui ex-  
temporaneè concionatus est idiomate usus qua-  
druplici, Hispano, Mexicano, Chochoneco, &  
Angolano. Atque omnium, quæ diximus, speci-  
mina ingenij ad crism traducta, probata fuere &  
pro uniuscujusque merito laude mactata à gravis-  
simis Judicibus & Examinatoribus Synodalibus D.  
D. Joanne de Merlo, Canonico Doctorali, Officiali  
Diœcesis generali, electoque Episcopo Hondurensi;  
Alphonso de Cuevas Davalos Archidiacono, post-  
modum Episcopo Goaxacensi & Archiepiscopo  
Mexicano, Michael de Poblete Scholastico, dein  
Archiepiscopo Manilenfi, Alphonso de Herrera  
Canonico Pœnitentiario, Antonio Peralta Casta-  
ñeda, Doctore Complutensi, Canonico Magistrali,  
Laurentio de Orta Præbendato, & Nicolao Gome-  
zio Briceño Judice Testamentorum & piarum Cau-  
sarum. Atque his jam cernes quantum à verosi-  
mili exorbitaverit Martinus tuus, qui nullum apud  
nostrates Magistrum Tibi pollicebatur, cujus præ-  
ceptis instituerere. Quid porro ad subjunctas po-  
sitiones ejus reponamus oportet? Libet ipsas repe-  
tere, quo hominis, audaciam ne dicemus, an de-  
mentiam? coram ponamus. *Quem adibis, non dicam  
Magistrum cujus præceptis instituaris, sed auditorem? Non  
dicam aliquid scientem, sed scire cupientem. Dicam enuclea-*

\*

tius



tius: *A litteris non abhorrentem?* Certe ubi tot Antecessores & Magistros ex officio tradendis litteris incumbentes signavimus, oleum & operam perderemus, si auditores numeris putare vellemus, qui quantos in Scientijs progressus fecerint faciantque in dies, Bibliotheca nostra docebit. Id unum solennius refutandum videtur, quod omnes ad unum nostros à litteris abhorrentes pronuntiaverit Alonensis, quapropter eam in aliud Anteloquium provinciam mittimus commodius instituendum de Mexicanorum ingenio & in litteras amore & studio, postquam ineptissima, quæ subjungit, alia repulerimus.

## ANTELOQUIUM IX.

De Codicibus & Bibliothecis Mexicanis Emmanuelem Martinum latentibus, quem notissima eruditus, imò etiam indoctis multis monumenta effugisse monstratur.

**P**ostquam narrata in superioribus effutiverat Decanus Alonensis, colophonis loco nostram edocturus barbariem inquit: *Ecquosnam evolves Codices? ( Mexici ) Ecquas lustrabis Bibliothecas? Hæc enim omnia tam frustra quæres, quam qui tendet asinum, vel mulget hircum.* Hirsutum dixeris hominis supercilium, & hirto corde genitum virum, qui veritus non fuerit universam nec malè de se meritam Nationem laceßere, atque omnes cujusvis

vis gentis eruditos, Americanorum non nescios, in-  
simul provocare, qui stylo ipsum conficiant, & te-  
meritatis ac falsitatis notam Epistolæ inurant tot  
tantisque erroribus & probris confarcinata. Nec  
injuria, asinum, quod est in proverbio, inter apes  
reponeres, viro, qui Litteratos & Codicibus uten-  
tes ac Bibliothecis Mexici, detonsis asinis com-  
paraverit. Nam & si mellei suapte indole sint Me-  
xici, & in nullos austeri, fieri non potest, quin  
laceffiti, & immerito provocati, favos inter oratio-  
num, carminū, & similium, cum moderamine, ut di-  
citur, inculpatæ tutelæ, spicula Emmanuelli Martino  
figant, deque ejusdem Epistola conquerantur. Ad  
Rhombum modò. Mirum forsan multis videbi-  
tur, Codices omnes Mexicanos prorsus latuisse  
virum tanto inter eruditos nomine, qui & Bi-  
bliothecæ instructissimæ doctissimi Cardinalis His-  
pani D. Josephi Saens de Aguirre Custos & Præ-  
fectus fuerat, quique eodem functus munere Man-  
tuæ Carpentanorum Bibliothecæ Excemi. D. Lu-  
dovici Cerda Ecclestæ Principis curam sustinuit,  
qui præterea Romę agens Vaticanam toto Orbe  
celebrem, & alias insignes Bibliothecas frequen-  
tare consuevit, in quibus peregrini Codices, &  
in remotissimis etiam plagis editi, extare solent,  
ipsaque Mexicanorum Volumina characteribus ins-  
cripta non omnino desiderantur, à memorato su-  
pra Kircherio visa & relata. Hanc ob rem mul-  
ti forsitan mirabuntur, nullum ab Emmanuele  
Martino unquam visum Codicem Mexicanum.  
Nobis ita mirantibus, alia suppetunt longè mira-  
biliora. Quamvis enim in Libros non offenderit



alios aut Mexici excusos, aut à Mexicanis conscriptos Authoribus, mirari subit, nec vidisse tantum in cute, nec audivisse quidem notissimam scholasticis viris *Logicam Mexicanam* à P. Antonio Rubio Societatis JESU jam pridem editam, & Compluti famosam: *Cursum Medicum Mexicanum* à D. Marco Salgado publici juris factum, nec Europæis ignotum. *Magnalia Mexicanensia* Illmî. D. D. Bernardi de Balbuena, Poetæ non injuria à D. Nicolao Antonio multis elati; & Volumina alia Mexicanum nomen præseferentia. Quid verò de Moniali Mexicea Joanna Agnete à Cruce dicemus, cujus editi Libri Mantuæ Carpentanorum, & alibi Hispaniæ septies recusî seculo proximè lapso, & deinceps iteratis typis donati, notissimam & Hispanis & Exteris fœminam reddidere, quæ Musarum decima audit, & insignibus mactatur elogijs ab eruditissimis viris? Trita sunt adeò Volumina isthæc, ea ut non modò apud litterarum Professores frequenter invenias, sed etiam penes differtos quosque & nobiles aliqua tinctos eruditione. Quî verò P. Joannis Martinez de la Parra Societatis JESU *Veritatum lucem Catholicarum* Libri prætervolasse Decanum Alonensem potuerint, adhuc mirabilius habemus, quòd tanto illi in pretio apud Europam sint, ut & Itali facti à P. Antonio Ardia ejusdem Societatis prodierint, & in Latinum idioma conversi à quodam Monacho Cirterciensi, rursus typis excusi fuerint, post Hispanas editiones iteratas in dies: tamque frequentes in universa Hispania, ut multi Parochi eis pro munere suo ad Fideles christianè insti-

instituentur utantur. Adhæc animadversione dignum existimamus, doctum virum Emmanuelem Martinum tritas ab eruditis frequentissimè viris Bibliothecas editas pænitus neglexisse, Dominicanam & Franciscanam, Societatis JESU & Carmelitarum, Alphabetum Augustinianum & Epitomen Pinelianam, aliasque Collectiones jam pridem vulgatas, quæ cum Codices Mexicanos multos objiciant legentibus, nunquam ab eo libatas fuisse, sunt argumento. Quis verò crederet, virum elegantissimum & rarioribus inhiantem Codicibus, ne salutasse quidem *Orbem terrarum Scriptorum calamo delineatum* ( quo de infra ) Mexicanos, ut omnium Nationum, Libros non invidentem? Reliqua sunt duo notatu dignissima. Alterum, Bibliothecam Hispaniæ novam à D. Nicolao Antonio editam priusquam Bibliotheca vetus in lucem prodijisset, Martinum vel oculis nunquam lustrasse, vel pænitus quæ in ea legerant omnia oblivioni dedisse, quæ Mexicanos Codices passim suppeditat, & Mexici excusos, & à Mexicanis profectos; cum tamen Martinus ipse jussu Cardinalis de Aguirre Bibliothecæ Hispaniæ veteris editionem accuraverit adornaveritque. Alterum, quod ejusdem Purpurati imperio Principis editioni Collectionis Conciliorum Hispaniæ & novi Orbis ab eodem Cardinali elaboratæ præfuerit; quin tamen Concilium Mexicanum, quod *doctissimum sane esse* Eminentissimus ipse Aguirrius præmonuit, aut legerit, aut in pretio habuerit, aut inter Codices putandum censuerit; nisi dixeris, quæ sunt cumque novi Orbis etiam mirabilia dedidicisse, & æternæ oblivioni



mandasse. At ne multi simus, & præproperè Bibliothecam absorvendam uno haustu Mexiceam hinc exhibeamus, in ipsam recensendos Codices à nostris editos reservemus & manu exaratos; interea Typographicas Officinas, quæ Lucinam agentibus, & ingenij foetus nutricantibus, Codices eruuntur in lucem, jam pridem in America nostra constitutas atque florentes, ab exteris viris commemoratas, Martinum doceamus, ipsas unà cum Codicibus & Bibliothecis nostris ad regionem amandantem detonsis asinis frequentissimam. Scilicet, vir ad miraculum usque eruditus, nunquam Authores vidit Europæ vulgares, qui ut Mexicum ab auro & argento insignem habuere, sic etiam ab opere typographico, Gerardum Mercatorem in Atlante minore superius à nobis indicato pag. 636 scribentem: *Resident in hac Urbe Archiepiscopus & Pro-Rex, ac Tribunal Supremum Novæ Hispaniæ. Est etiam in ea imprimendi ars, & cudendi pecuniam* Marcum Serran in Thesauro Synonimorum verbo *India*, Mexicum paucis cōmemorantem, *Ubi, inquit, æs cuditur, & imprimuntur libri.* Bissellium in Argonautici Americanorum lib. 13. pag. 346. similiter enarrantem; ut Historiographos prætereamus Hispanos & nostros, typographias ante duo secula Mexiceas laudantes, quæ incrementa capientibus multa, Angelopolitana accesserunt, Goatemalenses, Goaxacenses & Habanenses. Sed de his hætenus.

## ANTELOQUIUM X.

Bibliothecæ Mexicanæ aperiuntur, in  
quas Alonensis Decanus urbanissimè  
excipiendus invitatur atque  
tractandus.

**A** Codicibus ad Bibliothecas rectà trajici-  
mus, quas ingētibus comparatas sumptibus  
possident Mexicani, nec gravatè exhibent  
studiosis, ultroque aperiunt exteris viris, à quibus  
nonnulla deinceps data testimonia promemus. Non  
sunt equidem nobis Bibliothecæ quæ Vaticanam ex-  
sæquent, aut Regijs Matritensi, Parisinæ, & simi-  
libus comparentur, vel Manuscriptorum antiquâ  
& prædivite abditâ eruditione, vel Editorum nu-  
mero & copiâ. Nec tamen desunt permultæ in-  
signes, nihilo ijs minores quæ apud Europæos ce-  
lebres jure habentur. Libet Petrum Blanchot *in*  
*Idea Bibliothecæ universalis* transcribere. *Et quidem in*  
*Urbe ( Parisiensi ) celebres atque magnificas Bibliothecas*  
*habemus, Regiam, Richelianam, Sorbonicam, Victorinam, Na-*  
*varream, Claromontanam S. J. Thuanam, Memmæam, Alle-*  
*am, Lozonæam, Riberianam, Cordesianam, Moreanam, in*  
*quas nobis aditum per curatores suos datum iri planè confi-*  
*dimus.* Hæc ille. Ex ijs porro Bibliothecis Corde-  
siana nobis perspecta est in ejusdem Catalogo  
Parisijs edito apud Antonium Vitray anno 1643.  
in 4. rectâque factâ supputatione, constat Volu-  
minibus in fol. in quarto, & in octavo. 8291. cui  
cum



cùm habeamus multas suppare, multas pares, multasque longè majores, celebres haud immerito Bibliothecas nostras cognominabimus. Jam hæc quæ notissima sunt exteris viris aliquandiu apud nos diversatis, ut ipsorum testimonio firmemus, ad Doctorem Franciscum Gemellium Carreri provocamus in Periegesi seu Orbis giro commemorantem Bibliothecam PP. Carmelitarum Cujoacanensis Collegij propè Mexicea pomæria siti, duodecim mille voluminibus divitem ( in quibus tamen computandis excessisse nobis videtur ) atque eorundem in Deserto, ut vocant, Mexicanæ Provinciæ alteram Bibliothecam, Codicum numero prætermisso, laudantem. Accedit D. Petri Cuberi Sebastiani, Clerici Aragonensis, Prædicatoris Apostolici in Asia, suffragium, qui in edita à se Orbis Peragratione cap. 41. effert & laudat Illmî. Angelopolitani Episcopi V. D. D. Joannis de Palafox Bibliothecam, insignibus, curiosis, & extrarijs etiam Libris conspicuam. Ut verò rem ab ovo, quod ajunt, dicamus, libenter fragmentum adducimus Dialogi D. D. Francisci Cervantes Salazarij *de Academia Mexicana*, colloquëtibus Messa & Guterrio instituti, editique alios inter, Mexici anno 1554. à Joanne Paulo Brissensi typographo. Guterrio enim post lustratam undique Academiam Mexicæam anno proximè tunc elapso conditam, hoc est anno 1553, ita socium interrogante: *Bibliothecam non habet Schola?* ille reponit: *Erit magna ubi coaluerit, interea tamen quæ sunt in Monasterijs non parva, haud leviter juvabunt eos qui ipsas adire voluerint.* Scilicet, jam inde ab erectis Mexici religiosis Cœnobijs, expug-



pugnatâque Mexico, Bibliothecæ constitui cœperunt  
& instrui à Patribus Franciscanis, quibus bre-  
vè adjuncti fuere Dominicani, nec diu post Au-  
gustiniani: dein accessere Jesuitæ, Carmelitani nu-  
dipedes, & Mercedenses Sodales, atque in eorum  
omnium Cœnobijs, Collegijs, Domibus Mexi-  
canis, Tlascalensibus, Angelopolitanis, Goatema-  
lensibus, Goaxacensibus, Durangensibus, Jucata-  
nensibus, Habanensibus, & alijs Bibliothecas in-  
venies, majores minores ve pro Regionum, Ur-  
bium, & Pagorum diversitate, ut vix Oppida ni-  
mis dissita ab Urbibus & remota, sua suppellecti-  
li careant librariâ. Porro Mexici Bibliothecæ sunt  
multæ, Cordesianæ, quam laudavimus, instructio-  
res, Dominicana, Franciscana, Pauliana Augusti-  
nianorum ( de cujus conditione unâque alijs ejus-  
dem Ordinis memor est M. Grijalva in Chronicis  
Provinciae S. Augustini Novæ Hispaniæ fol. 153.  
col. 2 & 188. col. 1.) Collegij Maximi Societatis  
JESU, & Collegij majoris Divæ Mariæ & omnium  
Sanctorum: cui jam pridem nobilis accessio facta est  
nobilissimi alumni sui liberalitate Illmî. D. D. D.  
Joannis Gomezij de Parada, pro ut in *Monumentis  
Ecclesiæ Goatemalensis* editis à P. F. Raymundo Leal  
Dominicano, habetur p. 54 & 55. his verbis. *Libro-  
rum mirifice appetens, (D. Parada) locupletissimam Bibliothecam  
collegit, multa pecuniâ ex amplissimo patrimonio in id collatâ,  
quæsitis undequaque libris splendidioris notæ, nitidioris chartæ,  
rariorum, optimarumque editionum, non neglectis etiam ve-  
tustis cujuslibet argumenti codicibus. Quam nuper Mexica-  
no Collegio Majori S. Mariæ omnium Sanctorum dono de-  
dit, ea lege, ut ad instar Regiæ Bibliothecæ Matritensis pu-  
blicæ*

\*



*blica utilitati pateret; atque ita commercio inter Veteris, ac Novi  
Orbis ingenia instituto, novos thesauros indicis gentibus aperuit.*  
Ita ille. Nos alias oratione Bibliothecas nostras bre-  
vi insinuant, præter jam memoratas, Cordesia-  
næ multæ sunt pares, aut suppare, & non paucis  
Librorum millibus adornatæ, Collegij Seminarij Me-  
tropolitanæ Ecclesiæ, quæ locupletior & insignior  
evasit, additâ veteri suæ haud modicæ, selectissimâ  
& copiosâ, quam ei dono dedit Excmûs. & Illmûs.  
D. D. Joannes Antonius de Vizarron Archiepis-  
copus Pro-Rexque Mexicanus: Tlatelolcana seu  
Collegij Franciscanorum in Tlatelolco dicti: Im-  
perialis Conventus S. Augustini: Domus Pro-  
fessæ Societatis J E S U, & ejusdem Ordinis Co-  
legij Regalis & Antiquioris S. Ildefonsi: Mer-  
cedensium Cœnobij Maximi: Carmelitarum, &  
Oratoriensium S. Philippi Nerij, quæ intia cœpit ijs  
Libris quos in Hispaniam redux eis tradidit, cha-  
rissimum sibi caput, Excmûs. & Illmûs. D. D. M.  
F. Payus Henriquez de Ribera Archiepiscopus  
atque Pro-Rex ( ut Author est P. Julianus  
Cutierrez Davila in Monument. Historicis Con-  
greg. Orator. Mexicanensi. p. 1. n. marginali 60 )  
deinque multis ditior accessionibus facta est PP.  
operâ & ære. Præter has communes & Ordini  
cuique & exteris eas adire cupientibus, aliasque  
minoris momenti in singulis Cœnobijs & Co-  
legijs pro Magistris, Lectoribus, Concionatori-  
bus & similibus, sunt privatorum virorum per-  
multæ non ignobiles Voluminum copiâ & pre-  
tio, quas & Auditores Regij possident, & Ca-  
nonici, Academici Professores atque Doctores,  
Cau-

Causidici, Medici, & alij, præsertim Ordinis Ecclesiastici. Et ut cæteras prætereamus, memoria quidem & elogio digna est Bibliotheca insignis Monialis Mexicanæ Joannæ Agnetis à Cruce, quatuor mille Voluminibus, utique selectissimis, instructa & ornata, ut habet P. Didacus Calleja Hispanus Societatis Jesu in Approbatione Tomi tertij ejusdem Monialis, quæ itidem eleganti fuerat Musæo donata Mathematicis instrumentis & id genus cimelijs divite. Angelopoli, & Cætus Religiosorum & Secularium hominum, & privatè degentes, præsertim Capituli Cathedralis alumni, Bibliothecis abundant, quas inter clarissima habetur Collegiorum SS. Joannis & Pauli ab Illmô. D. D. Palafox condita, multisque aucta ab Illmô. D. D. Emmanuele Fernandez à S. Cruce. Apud Antequeram Goaxacensium multo est nomine Bibliotheca Collegij à S. Cruce, ea insigniti Illmî. D. D. Nicolai del Puerto, gentilis sui & Episcopi dono, aliæque adsunt minime obscuræ, & multo pretio habitæ. Ne tamen morosi simus, tacitas facimus, ceterà elogio dignas, Bibliothecas Goatemalensium, & Goadalaxarensium, in quorum Primarijs Urbibus resident Conventus juridici, & sapientum virorum ex omnibus Ordinibus frequentissimi cætus; aliasque in memoratis supra Diœcesibus sitas. Id tamen neutiquam prætermittendum ducimus, quod & Bibliothecis pretium adauget, & nostrorum in colendis litteris amorem & studium palam exponit: caritas scilicet Librorum, tanta certè, ut triplo, quadruplo, & majoris constent nobis quam Europæis, à quibus superbif-



simæ facile Bibliothecæ instruerentur eo ære, quo non adeò magnificas & splendas nobis comparamus, hac tamen via quotquot avemus Libros nanciscimur, Bibliopolis Europæis & negotiatoribus quæstu incitatis, ut plurimas ad nos selectorum capsas Voluminum afferant, queis ab eruditis Europæ florentibus insignes & prædivites doctrinæ gazas quotidie mutuemur, rarioresque Codices possideamus, ut subinde mirum non sit, exempli gratia, *Orbem terrarum Scriptorum calamo delineatum* operâ Alphonsi Laforis à Varea, seu personati hoc nomine P. Raphaelis Savonarola Clerici Regularis de Providentia, quem non à se visum testatur eruditissimus Bibliothecæ Criticæ Author Illmûs D. F. Michael à S. Joseph Volumine 1. pag. 532. art. *Bibliotheca universalis*, qui rariores scrutatus est & evisceravit Volumina; nos ante annos triginta viderimus ( qui etiam pro Bibliotheca nostra usui est ) quo tempore quidam Italus Mexici Bibliothecam adeo instructam, copiosam & elegantem distrahendam exposuit, ut centum mille argenteis uncialibus æstimata fuerit, cujus majorem partem in taberna paulatim venum dedit D. Josephus de la Barreda inter Astures natus, quicum nobis fuit consuetudo, pulchrâ dives eruditione, præ qua argentum & id genus cœtera negligebat. Quo autem tempore hæc scribimus prostat item Mexici Bibliopola exterius Augustinus Dherbe, qui dudum ab Europa secum detulit Librorum opulentam supellectilem, cum ab Hispanis editorum, tum à cœteris Europæ florentibus eruditis. Adhæc: Sunt in Urbe nostra per-

pe-

petuò tabernæ Librariæ multæ, nec nullius pre-  
rij; è queis una adest non longe ab Ædibus no-  
stris, quæ hastæ subjecta, non minoris coempta est  
quam triginta mille argenteis uncialibus. At enim  
frustra in hisce moramur, cùm non Mexici mo-  
dò Urbe primaria & apud Orbem universum in-  
clyta & celeberrima, sed apud Insulas etiam Me-  
xiceas minori frequentia sapientum excultas, Bi-  
bliothecæ jam pridem extiterint, è quibus ante  
centum annos Portudivitensem Illm̃. Bernardi de  
Balbuena Episcopi suffuratus est Batavus prædo,  
quod in Bibliotheca nostra ab eximio Poeta Lupe-  
sio de Vega Carpio paucis audiemus.

## ANTELOQUIUM XI.

De Americanorum ingenio, & in lit-  
teras amore ac studio.

**R**eservatam superius thesim istam Emma-  
nueli Martino dicamus, discat ut ipse  
quantum in rebus nostris nobisque ipsis  
judicandis abjiciendisque desipuerit. A litteris nos ad  
unum omnes abhorrentes scripsit, perinde quasi sti-  
pitibus quam simillimos in America natos ac degen-  
tes crediderit, aut orbatos mente, aut ingenio ad lit-  
teras prorsus nullo, quibus subinde illæ fastidio sint  
& horrore. Quam verò Americani sint ingenio præ-  
clari, statim docendum est, mox eorundem in litte-  
ras innuendum studiū, amor signandus. Et quòd ad  
ingenium attinet, ne suspectis & repelendis jure te-  
stibus



stibus rem agamus, natos in America viros hac in causa tacitos præteribimus; credimusque à sapientibus viris auditum non iri eos qui, Andabatorum more, clausis oculis, quos in Americam minimè coniecère, nec probatis instructi monumentis, aut Authoribus eruditi, jaculis nos impetere, & de nobis judicare tentaverint. Reliquum est ergo, ut idoneis usuri testibus, viros doctos & graves audiamus, qui apud Europam nati, in consuetudinem nostram venerint, & longo Americanarum rerum usu & experimentis res ipsas imbibierint, mox alios optimis usos testimonijs, & fide dignis instrumentis, parcè exhibeamus. Age verò, & agmen ducant doctissimi Physici diu apud nos commorati, D. Didacus de Cisneros Medicinæ Doctor clarissimus, Astronomiæ Scientia & litteris alijs conspicuus, in Libro de situ, natura & proprietatibus Urbis Mexicæ fol. 113. col. 2. & D. Joannes de Barrios, Medicus Complutensis apprimè doctus, in Libro de *Vera Medicina, Astrologia, & Chirurgia* tractat. 1. cap. 4. fol. 49 multis nostratum ingenia laudibus efferentes: D. Joannes de Cardenas iisdem infulis & dotibus clarus in 1. part. Problematum Indiarum lib. 3. cap. 2. fol. 176. & sequent. exploratum habens, citraque dubitationis aleam supponens, Hispanos in America natos acuto delicatoque & vivido ingenio pollere, rei que hujusce causas physicas & principia lato calamo expendens. Henricus Martinus in Repertorio temporum tract. 3. cap. 13. similiter agit, atque uterque, quod alij etiam notarunt, in Cœli, Solis, Soli

Solique Americani indolem referunt, non modò apud nos genitos vividiori donatos ingenio esse, sed alibi quoque gentium natos expeditiores fieri & ingeniosiores ubi Mexiceas incoluerint plagas, aut Peruanas adierint. Ludovicus Cabrera Historiographus Philippi II Hispaniarum Regis Catholici lib. 2. cap. 9. maximi Americanorum ingenia pendet, temporis ratione habitâ, quod in adbibendis Scientijs insumunt, in quibus omnibus eminere testatur; atque id apud Regia Hispaniæ Consilia non absque admiratione, notum esse subjungit. Illmûs. Portudivitenſis Antistes D. Bernardus de Balbuena, in *Magnalibus Mexicanis*, ingenia & litteras cœteraque nostratum, & soluta & ligata oratione extollit & effert, præsertim fol. 31. col. 2. & fol. 84 col. 1. & 2. M. F. Andreas Ferrer de Valdecebro, Dominicanus, in *Regimine generali, Morali & Politico* lib. 4. cap. 34. multis Americana ingenia & res gestas commendat. D. Antonius de Peralta Castañeda Doctor Theologus Complutensis, in Monito ad Lectorem præfixo Historiæ Tobia à se elucubratæ, cujus postmodum testimonio commodius & latius utemur, similiter agit, ut & D. Salvator Joseph Manier in Objectione Satisfactoria illustrationi Apologeticæ celeberrimi Benedictini P. Feijoo 2. p. tom. 2. discurs. 15. à n. 28. Nec dissentit memoratus ipse M. Feijoo, loco mox indicando, Americanorum ingenia despiciatui non habens, quamvis à communi sensu de præmaturitate ipsorum discedat. D. Ludovicus Antonius de Oviedo, Comes de la Granja, in Heroyco admirandoque Poe-



mate de S. Rosa Limensi, cancione 1. numeris  
31. & 32, ut eximia Americanorum ingenia  
commendat, sic etiam præmatura, & in Aurora  
ceu in Meridie fulgentissima laudat. P. Bernar-  
dinus Llanos Societatis JESU Ocaniensis, qui to-  
tos annos 40 Mexici posuit in juventutis erudi-  
tione, Christianæ Poeseos initio, pag. 374 Poe-  
ticarum institutionum sic habet: *Quoniam autem  
Institutionum hic Poeticarum Liber Mexicanis conscribitur ado-  
lescentibus, præclara virtutis indole, atque ingenij laude præ-  
stantibus, quorum est, ut ad cæteras artes, & illustria sa-  
pientiæ studia, ita etiam ad hæc mira propensio, & cum fa-  
cilitate felicitas; quique, suam hujusmodi facultatem in Dei  
præsertim Optimi Maximi ac Deiparæ Virginis, & Sancto-  
rum laudibus exercere gaudent: placuit non nulla Christia-  
norum Poetarum illustrium exempla proponere.* D. D. Fran-  
ciscus de Samaniego natus in Diœcesi Calagurri-  
tana, Doctor Osuniensis, apud nos diu agens, in  
Panegyri Illmî. D. D. Francisci Manso Archie-  
piscopi Mexicani fol. 12. col. 1. n. 53. Mexi-  
cum nobilitate & ingenijs quam argento & auro  
ditiores appellat. Et ne multi simus, agmen clau-  
dat eorum qui apud nos commorati pro nobis  
stant, P. Hieronymus Perez de Nueros è Socie-  
tate JESU Cæsaraugustanus, quondam Theologiæ  
Professor, & Sacrarum litterarum Interpres, in  
Præfatione ad suam Lapidicinam sacram pro Ame-  
ricanorum ingenio decertans, & ejusdem fontes  
& radices indigitans. Ita habet: *Hilari grataque fa-  
cie, ore subridenti, latisque luminibus à cælo Americam  
conspicam, ut cumulatissimo rerum omnium fatu, quæ natu-  
ra in delicijs sunt, inter reliquas Orbis plagas locuples emi-  
neret;*

ret, Solemque & Solum veluti amulâ cum Cælo contentione  
in ipsa exornanda, perpolienda, & ditiescenda conspirasse, cœ-  
rior erit talpâ, qui non videat; ut à Cælo, Sole & Solo  
amanissimum hunc telluris tractum uberrimâ Dei benedictio-  
ne cumulatum, jucundissimâ fere semper lenocinante tempe-  
rie, à pradiuite omnipotentia penu præcipuos thesauros ex-  
hausisse nullus sit qui inficietur. Totum hoc in speciosissima  
sua Athenarum Urbe condenda, quæ nobile quondam fuit  
sapientia Emporium, omniumque artium illustre Gynæceum, præ-  
oculis Minervam habuisse, Cæli, Solis, Solique naturam, prius-  
quam tantæ Urbis jaceret fundamenta, curâ solerti perve-  
stigasse narrat Plato, ex quo sic Septimius. „ Unde Plato af-  
„ firmat, cum Urbem illam Minerva moliretur, nihil aliud  
„ quam regionis naturam prospexisse. Natura enim Regio-  
nis nescio quid ad assimilandum sibi hominum mores virtu-  
tis habet & influentia; unde Plutarchus dicebat. „ Planta-  
„ rum semina & hominum, Soli, Cælique mores imitari.  
Quod quanto sit acumine & lepore complexus Tertullianus  
dum variarum gentium varias etiam proprietates describit,  
perspiciens, ait enim. „ Thebis hebetes, & brutos nasci de-  
„ latum est: Athenis sapiendi, dicendique acutissimos: Co-  
„ mici Phrigas timidos illudunt: Sallustius varios Mauros, &  
„ Feroces Dalmatas pulsat: Mendaces Cretas Apostolus inu-  
„ rit: fortasse an & de corpore & de valetudine aliquid accedat.  
Hinc Hesperia gentis sub natali America Solo, auspicata Cæli  
irrotatione, irradiationeque Solis feliciter fecundata, genia, &  
ingenia perpendenti, acrique, & vivido, florido pariter, compto  
& amano mentis acumine ad omnigena litteraturæ studium,  
ipsa favente & fovente naturâ, illam conspexeris exorna-  
tam, idem quod de Athenis debuccinavit fama, æquiori ser-  
sam iudicio constitutus arbiter de America testaretur. Quod  
si Mexicanum regnum cum Europæis conferas, simulque Cæ-  
lum



lum intuearis, & duo illa magna, lucidaque luminaria con-  
templeris, de illis locutum fuisse Ambrosium dices, dum ait:  
„ Non hæc magna comparatione, sed munere: quia in qua-  
„ cumque parte fuerint cæli, illuminantur omnia, & æquè spe-  
„ ctantur à cunctis, ut ea suis tantum regionibus immorari,  
„ & sibi tantum adesse, & lucere singuli populi credant.  
„ Solis radius nulli propinquior est, Luna globus equalis est om-  
„ nibus. Similis Sol est Indis & Britanis: Eodem mo-  
„ do videtur, cum oritur: nec cum vergit in occasum minor  
„ apparet Orientalibus & Occidentalibus. Hactenus P. Nue-  
ros, cujus quæ restant verba in opportuniorẽ locum  
servamus. His pronum esset & facile multa sapien-  
tissimorum judicia Europæorum annectere, qui de-  
gustatis Americanorum Libris, eorundem ingenia  
egregijs maclarunt elogijs, quæ tamen, ne multi-  
simus, præterire decrevimus legenda in Censuris,  
quæ præfixæ sunt Libris ipsis, contenti in præsen-  
tia duorum antiquioris Observantiæ Carmelita-  
rum doctissimorum sensibus, quorum alter est  
M. F. Isidorus Gama, Primarius Antecessor Theo-  
logiæ in Regia Universitate Neapolitana, alter M.  
F. Hyacinthus de Aranaz, insignis Scriptor, Epis-  
copalibus insulis decoratus. Ille in Epistola data  
ad M. F. Leonardum de Avalos editorem Ora-  
tionum quas apud Peruanos habuit M. F. Ferdi-  
nandus de Herrera ejusdem Ord. Primarius Theo-  
logus Academiæ Limensis, prodierunt autem Nea-  
poli ex Officina Ludovici Cavalo anno 1674; Ame-  
ricam non minus ingeniorum feracem esse inquit,  
quam metallorum, ut argumento sunt edita & in-  
edita plura ab Americanis Scripta, quæ longe plu-  
rima forent mandata typis, ni istorum caritas ob-  
stiti-

stitisset. Hic verò, Aranazium loquimur, in Appro-  
batione data Panegyricis Marianis Sermonibus à  
P. Josepho de Hoyos Franciscano nudipede Mexi-  
ci dictis, editisque Matriti apud Emmanuelem Ruiz  
de Murga anno 1705, Problematis instar retro  
se habuisse dicit, num Indiæ metallis opulentio-  
res sint, num ingenijs? Ubi verò aureum Autho-  
ris Mexicani ingenium in Orationibus illis con-  
tractasset, propendere se magis in secundam par-  
tem fatetur, atque, ut Lipsius scripserat lib. 4 Epist.  
8. se apud illud Volumen invenisse *Portenta, non  
verba*. Jam verò duo in præsentiarum hujusce rei  
capita occurrunt luce, ut cumque, sequentibus An-  
te loquijs donanda, alterum de præproprio no-  
stratum ingenio, alterum de præmatura itidem  
ejusdem ingenij defectione.

## ANTELOQUIUM XII.

Ingeniorum maturatio Americano-  
rum expenditur: eruditissimi ac gra-  
vissimi Critici M. F. Benedicti Fei-  
joo sententia ea de re propulsatur.

**Q**Uòd spectat primum, communi licèt exi-  
stimatione firmatum sit, natis in Ame-  
rica Hispanis citius quam Europæis in-  
genij lumina illucescere, suapteque præmi-  
care; hanc tamen opinionem ceu errorem vulga-  
rem habendam contendit eruditus admodum &  
insignis Criticus M. P. Benedictus Feijoo in Thea-



tro Critico universali tom. 4. disc. 6. § 5. à n. 21.  
Nec enim antelucanum, ut sic dicamus, nostrarum ingenium causam esse sibi persuadet eorundem in re litteraria festinationis, sed alios ejus fontes apertissimos, ut credit, satisque sibi exploratos indicat. Sanctum id habet, nosque cum ipso, nostrates pueros duodennes, imò etiam minoris ætatis, absolutâ Grammaticâ atque Rhetoricâ, Philosophiæ operam dare, moxque Facultates majores excolere, ac subinde admodum juvenilibus annis laureatos Academicis insignibus gradibusque prodire, cujus rei monumenta leguntur etiam ab Authoribus Europæis recepta celebrataque, quos inter eruditus D. Salafranca in Monumentis eruditis pag. 18. At enim non puerorum ingenijs isthæc tribuenda sunt, sed uni accuratiori eorundem institutioni, & præproperæ genitorum ac Magistrorum diligentia ac industria, si doctissimo standum est viro Feijoo. Ut verum tamen fateamur ingenuè, difficile nobis est creditu, Europæos Parentes & Præceptores minus Americanis accuratos esse in formandis litteris pueris, minusque eis dedolandis invigilare. Hercle verosimilius existimabitur à prudentibus, id circo Europæos, tardius nostris, pueros in ludum litterarium à parentibus duci, quòd vereantur operam perdere in excolendâ ætacula illa, quam immaturam esse hauriendis rudimentis primis compertum habent. Quod verò addit Feijoo, Americanos discipulos nullum Philosophiæ Cursum excipere calamo, sed typis excusum aliquem studere, ejus Collegæ laureati arbitrio, cui certus discentium numerus traditur ex-

colendus, & quotidianis pensis exercitandus; for-  
san alicubi Americæ Peruanæ in usu erit; in Ame-  
rica autem, qua late patet omni, Mexiceâ, secus  
esse nemo non scit qui Scholarum nostrarum mo-  
res agnoverit. Nam si PP. Carmelitas nudipe-  
des excipias, Philosophiæ Cursum ab editis Com-  
plutensibus suis, præscripto Familiæ, haurientes; re-  
liqui ad unum omnes cujuscunque Scholæ sint  
& Ordinis, Academici Seculares, & omnium Co-  
llegiorum alumni, non Mexici tantum, sed ubi-  
que Gymnasiorum Borealis Americæ, dictantem  
è suggestu Magistrum audiunt, atque in Codices  
referunt Cursum ab unoquoque elucubratum Ma-  
gistro pro auditoribus suis, cujus rei argumenta  
permulta trademus in Bibliotheca nostra Cursus  
Mss, præterminis innumeris, quorum Authores quæ-  
rere & nominare res esset operosa nimis atque  
molesta. E Mss istis publici juris factus fuit statim ab  
Academia condita, quem nuper dictaverat M.  
F. Alphonfus à Vera-Cruce, deinque traditus à P.  
Antonio Rubio, uterque magni æstimatus à Me-  
xiceis Professoribus, non propterea elucubratio-  
nes suas è Cathedra tradendas prætermittentibus.  
Hac etiam methodo & Theologia & Jura & cœ-  
teræ Facultates doceri mos est nostratum ab us-  
que fere Studiorum Mexicanensium origine, adeo  
ut Carmelitani ipsi nudipedes, aliter, ut diximus,  
in Philosophiæ Cursu se habentes, in Theologia  
tamen patrium morem observent, modestèque re-  
luctati fuerint Generali Præfecto R. P. M. Pau-  
lo à Conceptione, in votis habenti, suam ut ap-  
primè excultam Theologiam typis editam, è Ca-  
the-



thetra Lectores exponerent, & proprias unius-  
cujusque elucubrationes dimitterent, quibus in  
præsentiarum etiam dictandis insistent. Jam verò  
minores in Scholis nostris ferias esse, nec longas  
singulis annis intercapedines, fatemur quidem si-  
ne fidibus & tortore; hanc tamen discendi assi-  
duitatem, nisi ingenium comitetur, incrementis ca-  
piendis haud multum prodesse res ipsa docet &  
experientia: Quid enim profit invitâ Minervâ &  
aversis Musis? Certè, quantumvis surdo canas, &  
dulcia quæque insusurres, occinet ille nihil. Ac-  
cedit admiranda nostratum facilitas in Scientijs  
quibusque callendis, & in acutiora & subtiliora  
prænitata, qua ducti Poesim omnem excolunt, Ins-  
criptionibus seu Elogijs gaudent, & Epigramma-  
tis ad ludendum aptissimis, ac in Scholastica re cu-  
jusvis Facultatis, ardua licet & spinosa, versari gau-  
dent, seseque à nodis argumentantium expe-  
diunt, atque intricata facilè extricant & enodant,  
mirantibus veteranis Gymnasij Professoribus faci-  
litatem & promptitudinem copiamque doctrinæ,  
qua imberbes utuntur. Porro laudatus supra Do-  
ctor Theologus Complutensis D. Antonius Pe-  
raka Castañeda, Canonicus Magistralis Angelo-  
politanus, Antecessorque Theologiæ ibidem Pri-  
marius, loco dato testatur, minorem quidem scho-  
larium numerum esse in Gymnasijs Angelopoli-  
tanis, quibus ipse præerat, quam esse soleat in  
Complutensibus, apud quos imbiberat litteras; pro-  
vectorum tamen in Scientijs copiâ istis illos an-  
teire: Seque assuetum Magistris gravissimis Com-  
pluti respondere in palæstra certantibus, non se-  
mel

mel Angelopoli, ut propositas à Discipulis suis objectiones dissolveret, impeditiorē factum, nec absque negotio nodis se eis expedijsse. Nec fateri veretur, prodigia se in adolescentibus nostris miratum esse. Sanè, ut is Doctor, nominati superius testes, experiētiā rerum & usu, ingenio isthæc attribunt, non conatui tantū atque labori, suntque & ex ipsis aliqui, & alij præterea Scriptores egregij, quos recenset ipse Feijoo § 7. n. 25. non modò Europæis æqualia nostratum ingenia laudantes, sed præstantiora. Sunt illi, magnum nomen purpuratus P. Alvarus Cienfuegos, in Vita Sancti Francisci de Borgia, Leonardus de Arenzola, in Historia Expugnationis Molucarum, P. Emmanuel Rodriguez, in Historia Maranonis, D. Josephus de Oviedo & Baños, in Historia Venetiolæ. P. Alphonsus de Ovalle, in Hist. Chilensi, D. Lucas Fernandez de Piedrahita Episcopus Panamensis, in Hist. Novi Regni Granatensis, Garcilafus de la Vega, in Commentarijs Regijs Incarum, & F. Joannes de Torquemada, in Monarchia Indica, queis adjungit P. Jacobum Vaniere Gallum Societatis JESU, in egregio Poemate dicto *Pradium rusticum* Limenses sic efferens:

*Fertilibus gens dives agris, aurique metallo,  
Ditior ingenijs hominum est, animique benigna Indole.*

Nos P. Mathæum de Castroverde Societatis etiam JESU adducentes in Panegyrico Immaculatæ Virginis Conceptionis Mexici celebratæ, sic modulantem:



*Mexicus interea toto celeberrima Mundo*

*Ingenijs, opibusque vicens &c;*

Memoratum Feijoo secuti, rem hanc in ancipiti, ut videtur, habentem, licet multis suis illustratam de præstantiâ Americæ ingeniorum observationibus; malumus in medio relinquere, qui primatum ingenia inter arrogare nostratibus, alijsque invidere gloriam Nationibus, nulli tentamus, non nescientes quam sit verum illud,

*Qui velit ingenio cedere rarus erit;*

Satisque nobis existimantes consultum iri, modò subsellia inter eruditos nostra, non sanè postrema, occupemus, qui primaria haud ambimus quidem, aut sapientissimis Orbis veteris & celebratissimis Doctoribus suffurari posse citra arrogantiae piaculum, & desipientiæ notam, optimè scimus, præ oculisque habemus Epistolam XIII tomi IV ab laudatissimo Feijoo de excessu ingeniorum, comparatione inter Nationes factâ, apprimè conscriptam.

## ANTELOQUIUM XIII.

Præpropera Americanorum Ingeniorum defectio conficta ostenditur, & ad fabulas amandatur.

**R**Estat, à nostratibus præmaturo donatis ingenio, præproperam, quæ à multis reponitur, desipientiam abigere, cui & si refr-

fragetur laudatus M. Feijoo, ipsum impugnandi ergo, insistit eruditus Manier, nihili argumenta ducens ab exemplis petita eorum, quos in devexâ ætate Feijoo retulerat iudicio pollentes & litteris, quòd è quatuordecim viris laudatis, unus in America vitam egerit, reliqui omnes ætatem duxerint in Europa, à qua vires & ingenij constantiam mutuati fuerint. At enim, aniles inter fabulas ingenij defectionem Americanorum trigesimo, quadragesimo ve, & ulteriori ætatis anno, referendas dicimus plenis, ut ajunt, buccis, & mille testibus ampliusque comprobabimus, Viros pro Instituto nostro exhibentes grandævos ætate, & iudicio florentes, quorum plerique Europam ne viderunt quidem nisi in tabulis geographicis, pauci, eam salutantes, post biennium aut triennium nostris se laribus restituerunt, quibus non injuria proverbium aptaveris: *Senecla Leonis præstantior hinnulorum juventâ.* Nam & in Academia Mexicea Antecessores frequenter habemus Emeritos, & strenuam litteris operam dantes, qui cum id honoris nancisci haud possint nisi post vicensalem professionem Cathedræ perpetuæ, vixque eam auspiceretur ullus, quin temporarijs regendis Cathedris prius incubuerit, nec has nisi 25 ætatis anno, si modò felicissimus sit, assequatur in tanto candidatorum numero; fit, ut is qui citissimè progressus fecerit, non ante annum quinquagesimum rude donatus sit. Accedit, eorum plures non statim requiem captare, aut ab Gymnasijs divelli posse. Sunt & multi Doctores quadragenarij, quinquagenarij, sexagenarij, ac septuagenarij, & seniores, qui diver-

\*

sis



sis litterarum negotijs incumbunt, Academicis, Forensibus, Medicis, Parochialibus, & id genus alijs. Sunt in Ordinibus religiosi viri docti quam plurimi litteraria exercitia colentes, & animarum tractantes negotia etiam in ætate grandiori. Ecquis enim sibi persuadeat, Lectiones, Conciones, Confessiones, cæterasque sacras functiones & eruditæ, tantum à minoribus triginta aut quadraginta annis haberi, aut deliris & insensatis viris committi? Sane in præsentiarum, ut alios mittamus, Academicos Professores Emeritos habemus 5 etiamnum ijs quæ diximus occupationibus deditos, è quibus junior annum 58 attingit, nos sexagesimum, reliqui sexagenario & septuagenario majores sunt. Angelopoli floret ac vernet septuagenario longè major M. F. Joannes de Villa Sanchez Dominicanus, Libros scribens & typis tradens, singulis diebus Dominicis è superiori loco dicens ad Rosarij sodales, & alijs negotijs insistens. Apud Societatis JESU Provinciam degunt, Mexici P. Joannes Antonius de Oviedo 85 annum agens, Libris scribendis & edendis insistens, Confessionibus quotidie excipiendis multis ac Consultationibus, & ut præest Sodalitio, à Purissima nuncupato, percelebri, semel in hebdomada dicit è superiori loco coram lectissimâ multitudine. Angelopoli autem agit 83 annum P. Franciscus Xaverius Solchaga ijs datus Præfectus qui Exercitia S. Ignatii Loiolensis peragunt frequentissimè, in Domo ad ea destinata, piaculares audit Confessiones, Consultationibus responder gravissimis, & alijs incumbit. Possemus & alios ejusdem Instituti



tuti viros præclaros narrare etiamnum viventes, suppare proximè memoratis, septuagenarios etiam & sexagenarios majores, ab edito Catalogo ipsorum facile hauriendos, quibus censendis superse-  
demus, ne morosi dicamur. Prætermisisque eâ-  
dem causâ aliorum Ordinum multis alumnis do-  
ctrinâ conspicuis, & ætate provectis, etiam modò in  
viviis agentibus, suppetunt narrandi grandiores  
biennio ab hinc retro vita defuncti. P. Jacobus  
de la Sierra, Congregationis Oratorij non semel  
Præpositus, ad mortem usque, quam opetijt 87  
ætatis anno, constante capite, atque judicio exci-  
piendis confessionibus apto, & negotijs prudentis-  
sime agendis, quicum nobis fuit consuetudo: D.  
Didacus Velazquez de la Cadena Equestris Or-  
dinis Divi Jacobi, vir nobilissimus, in statu pro-  
phano excultissimus, atque insigni præditus dicen-  
di peritiâ haudquaquam fucatâ, 87 itidem an-  
num agens, ad postremam diem sibi constans &  
simillimus fuit. D. Philippus Caietanus de Medina  
& Saravia, nobili admodum natus genere, & in  
juventute litteras doctus, Urbis nostræ unus è De-  
curionibus, septuagenarius obiit repente, nec ab  
ingenio unquam desciverat. D. Josephus Aloysius de  
los Rios Emeritus Regionum Tributorum Quæstor  
vitam clausit anno 70, politissimo, quo fuerat in-  
genio, ad diem ultimam usus. Vix ante proximè  
convolutum semestrem occidit D. Alexius de Men-  
doza Regius Tabellio, fidelissimè munus suum exe-  
cutus & exactissimè ad extrema vitæ usque, quam  
clausit anno suo octogesimo tertio. Non dum  
bimensis lapsus est, hæc dum scribimus, à funere



D. Ignatij Ferrerij Officialis majoris in Tabulario Pro-Regis Mexiceï, quod ante annos triginta munus tam ritè gesserat, ut à singulis toto eo tempore sedentibus ad clavum Principibus ultro requisitus, maximi fuerit habitus, adeo firmâ memoriâ, integroque judicio, ut vivum ageret indicem immensi propemodum Tabularij, deque antiquissimis monumentis rogatus, statim quæ ea essent & ubi, reponeret, usque dum octogenario major denatus fuit, pridieque mortis suæ Officinam invisit. Paulo post ad plures abiit 64 annos natus D. Antonius Calderon, de cujus omnigenâ eruditione inferius agemus. Hæc dum scribimus delatum ad nos est, extremam clausisse diem Angelopoli, ejusdem Ecclesiæ Cathedralis Decanum D. Franciscum Xaxerium de Basconcelos egregiæ pietatis virum, Marchionem de Montesserrato, octoginta septem annos natum, qui ad postremos usque menses, nedû vegetâ mente erat, & ad negotia peragenda capaci, sed mirabili etiam pro sacris precibus in Choro dicendis curâ & assiduitate. Mense vix lapso hæc postquam exarata habueramus, cessit è vita D. Josephus Antonius Davalos & Espinosa, Equestris Ordinis Sancti Jacobi Mexiceus Decanus, unus è Civitatis nostræ Decem viris, annis exactis sexaginta novem, Historiâ delectatus atque Mathesi, Pro-Regis jussu multa & gravia Reipublicæ commodum spectantia gnaviter ad posteros usque menses accurans. Et ne omnes alios involvamus silentio, qui seculo nostro ad plures abierunt annosi & valentes judicio viros notissimos, aliquot insinuemus par erit. Fuerunt ij D. Alphonfus Da-

valos Ord. Equestris D. Jacobi, Comes de Miravalle (memorati nuper genitor D. Josephi Antonij Davalos & Espinosa) non longe à funere Prior datus Tribunali Negotiatorum, quod ille rexit egregio Reipublicæ emolumento, obiitque octogenarius. D. Petrus Ruiz de Castañeda ab Magnificentissimo SS. Virginis Guadalupæ Templo percelebris, in quod extruendum magnas opes conjecit, vixit octogenarius etiam, ejusque filij, Petrus item, Franciscus, Alphonsus, & Nicolaus Præbyter, omnes adversus Guadalupanam Virginem devotissimi, sexagenarijs majores negotiaque multa strenue curantes abierunt. D. Bonaventura de Medina & Picazo, Sacerdos, cum alijs monumentis insignis, tum etiam operâ & divitijs in memorata Basilica Guadalupia positis, ultra septuagesimum annum sui compos egit. P. Franciscus Camacho, Soc. JESU, in cujus Provinciæ Mexicanæ Menologio extat Elogium ejus eximiae virtutis, die 22 Februarij anno 1708, qua hora Gymnasiū ibat, in quo 45 annos cōtriverat, excessit 70 ætatis anno. P. Petrus de Arellano & Sossa Congr. Oratorij Præp. vir extaticus, cujus Vitā texuimus & typis dedimus, annos egit 67, menses 10, & dies 7, nec nisi 11 ante funus dies ab audiendis confessionibus multis cessavit, aut functiones Instituti cœteras intermisit. Tandem, ut rem memoratu dignam narremus, die 14 Aprilis anni 1663 in solennibus Comitijs Mexici habitis à PP. Augustinianis electus Provincialis evasit Magister in Sacra Theologiâ P. F. Martinus de Peralta annos natus amplius nonaginta quatuor, quo defunctus munere  
\*  
fue-



fuerat 29 retro annis: nec verò opinabitur quisque, cordatissimos & sapientissimos viros caput sibi constituisse hominem mentis impotem & delirum. Rem accepimus à Gregorio Martino del Guijo in Diario ab anno 1648 ad usque 1664, quod extat Mss in Oratoriana Mexicea. Ejus autem Continuator Diarij Robles emortualem mentem Martini, tacito die, memorat anni 1665. Nunc verò majores nostros memoriâ refricemus oportet, qui facili negotio nobis occurrerint, in Bibliotheca deinceps commemorandos.

## ANTELOQUIUM XIV.

Ex memorandis in Bibliotheca nostra Scriptoribus aliqui enumerantur ætate grandiori juxtaque insigni pollentes ingenio.

Quamvis otium nobis & facultas non fuerit vestigandi natales & emortuales dies Scriptorum nostratum, indicabimus tamen in Bibliothecâ quos citra negotium obvios habuimus, & interea pro argumento quod in Anteloquijs hisce tractamus, aliquorum ætates damus, qui sexagenarij & longe grandiores fato concesserint, ingenio neutiquam marcido, quo usi fuere ad extremum vitæ, aut in re litterariâ, aut in publicis administrationibus, & id genus alijs judicij maturitatem, & caput benè sanum ac integrum exposcentibus, quod nuper di-

ximus de ijs qui in vivis agunt Scriptoribus & viris clarissimis, in Bibliotheca itidem recensendis. Ad vita defunctos quod attinet, nuncque curamus, agmen ducat Illmûs D. D. Alphonsus de Cuevas Davalos ex Episcopo Goaxacensi Archiepiscopus Mexicanus creatus anno ætatis suæ 74, qui proximè sequenti in cœlum abiit integerimo prorsus judicio. P. Alphonsus Guerrero, Societatis JESU, præclarus vir, 63 anno similiter obiit in Domino. Illmûs. D. D. Alphonsus Albertus de Velasco, Parochum agens Mexicanensem, & Doctorem insignem, qui Causæ institerat, quæ Mexici agebatur, de Beatificatione V. Gregorij Lupeſij, mortuus est annum agens 69. F. Alphonsus de Zepeda, Franciscanus, Libris immortalus est sexagenario major. F. Alvarus de Paz, item Franciscanus, sui compos, & sacris ministerijs intentus, sexagenarius obiit. F. Andreas de Borda Franciscanus, Doctor Theologus, in Academia nostra Antecessor Emeritus, & in Familia sua semel & iterum rude donatus, longe supra septuaginta annos egit, immortalusque fuit negotijs à S. Inquisitionis Officio, pro munere quo defungebatur, crisi suæ traditis. M. F. Antonius de Ayala, Augustinianus & ipse percelebris, qui septuagenario major excessit, ad postremos dies usque vividis sensibus & acuta mente Libris valetudinem fallens. P. Antonius Diaz de Godoy Congreg. Oratorij, ætatis anno 63 decessit, quo tempore totus erat in perpurgandis Librorum capsis multis, sibi ab Inquisitionis Tribunali commissis, & de more habendis concionibus operam dabat. D.



D. Antonius de Gama octogenario major occubuit, etiamnum Primariam, licet Emeritus, Cathedram Theologiæ pro quotidianis lectionibus frequentans, & examinandis Philosophiæ tyronibus pro munere intentus. Illmûs. D. D. F. Antonius de Guadalupe Lopez Portillo Episcopus Comaiaguensis, Diocesim lustrans, cœlum petivit annos natus 62. D. Antonius Joseph Maria Guerrero, quinque annis major sexagenario, Grammaticam multis tradit auditoribus suis. F. Antonius Mancilla, Franciscanus insignis, septuagenario major occubuit, cujus extat edita Concio doctissima paucis ante obitum mensibus à se dicta. P. Antonius Nuñez de Miranda S. J. anno 77 mortuus, litterarias & sacras res perinde tractabat ac adolescens. P. Antonius de Peralta, Societatis JESU Provinciæ Novæ Hispaniæ Præpositus, ut huic muneri satisfaceret, ipsam visitans denatus fuit longe major sexagenario. F. Antonius Sanchez Dominicanus, sexagenarius obiit litteras curans & Parochialia officia. F. Antonius de Torizes & Cano, Franciscanus, anno ætatis 74 excessit luminibus captus, at constante judicio. F. Augustinus Betancurtius, Franciscanus, & Libris & muneribus Parochi insistens ad obitum usque octogenarius denatus fuit. M. F. Balthassar de Alcocer Mercedensis, Primarius Theologus Academicus, longe major sexagenario obiit, quotidianis Prælectionibus & id alijs incumbens. P. Balthassar Cervantes Societatis JESU, septuagenarius, integro capite & in cœlum arrepto, eò se contulit. D. Bartholomæus Philippus de Ita & Parra, decessor noster  
in

in Canonicatu Magistrali, sexagenario major extinctus, nihilo sibi minor erat postremis annis si-  
ve concionaretur, siue elucubraret. Illm<sup>us</sup>. D. D.  
Carolus Bermudez de Castro Archiepiscopus Ma-  
nilensis sexagenarius item excessit summâ cum  
ingenij & pietatis laude. M. F. Didacus de Bur-  
gos Mercedensis ultra nonaginta annos vitam  
protraxit egregiâ cum vitæ & doctrinæ laude. D.  
D. Didacus de Malpartida Centeno, Decanus Ec-  
clesiæ Cathedralis Mexicæ, electusque Episcopus  
Durangensis, ad obitum usque negotijs intentus  
Ecclesiæ, & integro capite, anno 83 ætatis suæ à  
nobis migravit. F. Didacus Muñoz Franciscanus  
annos natus 70, ubi proximè Provinciæ Michoa-  
canensis clavum tenuerat, defunctus est. M. F. Di-  
dacus Velazquez de la Cadena, Ordinis S. Au-  
gustini, in Academia Mexicea Primarius & Eme-  
ritus Theologiæ Antecessor, septuagenerio ma-  
jor ad plures abiit, ad extremumque Provinciæ  
suæ Oraculi instar prudentissimi fuit. M. F. Di-  
dacus de Villarubia ejusdem Ordinis in Provin-  
cia Michoacanensi anno ætatis 60 integerrimo  
pollens judicio excessit. F. Emmanuel de Argue-  
llo, Franciscanus notissimus, nunquam non pulcher-  
rimo ingenio fuit, vixitque ultra annos 70. P.  
Emmanuel Lobo Societatis JESU vitam amplius  
70 annos traxit, unâque ingenium atque judicium.  
P. Felicianus Pimentel ejusdem Ord. similiter ha-  
buit se ad annum usque ætatis 72, quo fuit de-  
functus. P. D. & M. Franciscus Antonius Or-  
tiz ejusdem Societatis, Academiæ nostræ Deca-  
nus Doctorum Canonistarum & Philosophorum,



tra annum 80 ingenium vegetum vividumque  
protraxit. D. Franciscus de Ayerra S. Maria, de-  
licatissimo vir ingenio, eo usus est ad extremum  
vitæ, quam clausit annos natus 78. M. F. Fran-  
ciscus de Burgoa Dominicanus, post annum 70  
defunctus, ad obitum usque Præfecturas strenue  
gessit. M. F. Franciscus Pareja, Ordinis Merce-  
densis, Provinciæ Mexicanæ non semel Provincia-  
lis, Decanus inter Doctores Theologos Acade-  
miæ nostræ, peræque dierum & ingenij plenus  
excessit, similiterque P. Franciscus Ramirez So-  
cietatis JESU 70 ætatis anno denatus fuit. P. Fran-  
ciscus Roa, ejusdem Societatis, tertium Provincia-  
lis Familiæ suæ in Provincia Philippinarum, ip-  
sam ex munere lustraturus, naufragio periit sep-  
tuagenarius. D. Gabriel de Mendieta Rebollo, à  
Secretis Urbis Mexicæ, mortem aspexit octogena-  
rio major, & adhuc publico muneri, quod gere-  
bat, strenuè incumbens. M. F. Gabriel Pareja, Or-  
dinis Mercedensis Theologus, septuagenario ma-  
jor extinctus est, ad quam usque ætatem confes-  
siones, Monialium præsertim, excipere solenne ha-  
buit, multaue floruit eruditione. P. Gaspar de  
Carbajal Societatis JESU, postquam in ipsa annos  
circum 60 posuerat, ingenio præstans & meritis  
in cœlestia transivit. P. Hieronymus de Figueroa  
ejusdem Ordinis, placidissimè obiit ætatis suæ an-  
no 79 integro prorsus animo & in Deum in-  
tento. P. Jacobus de Zamora, Societatis etiam  
JESU, longe major sexagenario ad plures  
abiit, in paucis habitus florentissimo perpetuum  
ingenio. P. Joachimus Antonius de Villalobos  
fere

fere septuagenarius eximiâ erat in dicendo è superiori loco facundiâ. P. Joannes Antonius de Mora Jesuita item præclarus, præclaro etiam ingenio ad mortem usque fuit, quam aspexit non longe à septuagesimo ætatis anno. Illmûs. D. D. F. Joannes Baptista Alvarez de Toledo, Episcopus Goatemalensis, senio licet confectus & obesitate corporis iter arripere in Novam Gallegiam impos, Goadalaxarensi Episcopatu unâque Goatemalensi cesserit, mentis tamen satis superque compos, jussus est à Rege Goatemalensibus insulis postliminio restitui, quibus morte preventus, convestiri fuit impeditus. Illmûs. D. D. Joannes Cano Episcopus Jucatanensis annos natus 78 defunctus, munus suum exactè & præclare gessit. P. Joannes Carnero Soc. JESU, 63 anno ætatis fato concessit, ante quod triduo, concionatus fuerat doctissimè ac piissimè totos dies 7 in honorem S. Francisci Xaverij. P. Joannes de Estrada ejusdem etiam Ordinis Provincialis in Nova Hispania, octogenario major decessit, nec ingeniosissimo ac prudentissimo sibi dissimilis. Illmûs. D. D. Joannes Ignatius de Castorena, Præsul Jucatanensis, ingenio conspicuus ad mortem usque fuit, quam opetijt sexagenario major. D. D. Joannes de Salcedo Emeritus Antecessor Sacrorum Canonum, Decanusque Ecclesiæ Cathedralis Mexicæ, qui à Secretis fuerat Concilij Mexicani IV alias III octogenarius obiit anno 1626 tam constanti sibi capite, ut quadriennio proximè antecedenti Episcopales insulas auspicatus ei fuerit. Illmûs. D. D. Joannes de la Serna, Archiepiscopus Mexicanus, in præ-



fixâ Concilio Epistolâ, quas ei decrevit Rex, serò licet, & postquam ille fato concesserat. P. Julianus Gu-  
tierrez Davila Cong. Orat. Præpositus obiit qua-  
tuor annis sexagenario major, quo tempore &  
Libros scribebat, & à Confessionibus & Consul-  
tationibus Theologicis erat Illm. Archiepiscopi  
Mexicani. D. Ludovicus de Becerra Tanco ul-  
tra septuagesimum annum vitam duxit, & sex-  
nio antea, anno 1666, primum ediderat, deinde  
locupletiore fecerat Historiam Virginis Guada-  
lupæ Mexicæ, nuper à Madritanis doctissimis  
Criticis probatissimam & recusam. D. D. Lucas  
de Berdiguer Decanus Collegij Theologorum Me-  
xicei ferme septuagenarius tam doctè agebat è  
sacro suggestu, quam pridem dixerat. D. Marcus  
Josephus de Salgado, Primarius & Emeritus Me-  
dicinæ Antecessor, nec minor septuagenario emi-  
gravit, nec imminutus ingenio aut eruditione. In  
eâdem constitutus ætate mortem latus aspexit P.  
Mathias Blanco Societatis JESU, magnum inter  
Theologos nomen, nec diu ante funus Sodalitium  
Purissimæ Virginis accuraverat, & Concionibus se-  
mel in hebdomada habitis graviter edocuerat. P.  
F. Mathias à S. Joanne Baptista, nudipes Carme-  
lita, primo supra septuagesimum anno defunctus  
est, quo tempore Sacras Litteras è Cathedra do-  
cebat, Scholæ restitutus, diu olim à se excultæ, post-  
quam Provinciæ suæ clavum tenuerat. P. Nicolaus  
de Segura Societatis JESU, longè major sexage-  
nario occubuit ea ipsa die, qua concionatus fue-  
rat, & multis de more negotijs gravissimis operam  
suam navarat. P. Nicolaus Zamudio Societatis item  
JESU



JESU non minoris ætatis, afflictâ licet valetudine, in fellâ gestatoriâ ad Ecclesiam delatus ad Sodales Bonæ mortis non semel dixit proximus morti. P. Paulus de Salceda, Ordinis ejusdem Professor, ad mortem usque, quam subiit quinto supra sexagesimum anno, mirabili, quo donatus fuerat ingenio, floruit. D. D. Petrus Ramirez del Castillo, Capituli Metropolitanî Mesochorus, Decanusque electus, longè supra sexaginta annos natus decessit, etiamnum in alijs & in latina Poesi excultissimus. P. Petrus de Velasco Societatis JESU anno vitæ suæ 68 semestri abgesta à se præfectura Provinciæ, gravissimis rebus jussu Generalis Præpositi intentus, cœlum petivit. M. F. Stephanus Navarro Dominicanus, qui ad 87 usque annum Libris majorem diei partem dabat in cellâ suâ abditus, consultusque à Sodalibus propterea tædio erat multis, quòd fusissimè de singulis quæsitis ageret, & redundantî aflueret doctrinâ, biennio ab hinc retro occubuit. M. F. Sebastianus à Santander, item Dominicanus, ad senium usque & octogesimum primum ætatis annum apud Goaxacenses è Cathedra docuit tyrones. In eadem ferme ætate decessit F. Sebastianus Castrillon Gallo, nudipes Franciscanus, singulari vir ingenio, & ad obitum usque florenti. Ejusdem Instituti Professor F. Thomas de Velasco sexagenarius obiit Mexiceî Cœnobij Præfecturâ clarus & ingenij vigore conspicuus. Possemus longius progredi, non absque Lectorum fastidio, & molestiâ nostrâ, indicantes Scriptores ingenio juxta præstantes & elucubrationibus ac muneribus ad senium

\*



nium deductis; cui tamen rei superfedemus, satis superque, ni fallimur, commostrato, ingeniorum defectionem, quæ nobis appingitur, ad fabulas relegari oportere. Nec ullum nobis faceffit negotium, quod citatus Manier in Defectionis Americanorum ingenij patrocinium ab confessione Mexicani D. Joannis Antonij de Haumada haurit. Multa enim reponimus validissima quidem momenta. Nam & si verum sit, nonnullos studiis deditos ad trigesium usque annum, deinceps Parochiali contentos Beneficio, præter quod nullam sibi pollicentur mercedem laboris, excolendis ulterius litteris, nisi pro adimplendo munere suo, desistere; id porro quis dicat ingenij defectionem? Omnes certè cordati dicent inertiam animi atque segnitiem, quam ubi exuerint, ut sit non raro, utuntur ingenio haudquaquam emortuo, sed semisopito. At & dessidiam istam paucorum esse ex his patet, quæ nuper scripsimus, luculentiusque ex narrandis in Bibliotheca nostra patebit, rurales etiam Parochos Libris deditos commonstrare. Tum, si quod est, in ea studij remissione vitium, per omnes latè Nationes serpit, apud quas multi Libris se abdicant, nisi vel ab officio urgeantur & munere, quod publicè gerunt, vel ab obtinendi præmium spe invitentur, quæ ubi nulla ipsis subluceat ( ut aliquibus nostris longissimè à Curia Regis diffitis ) culturæ litterarum subducunt se, quin propterea deliri audiant, aut ingenio orbatu dici citra injuriam possint, aut credi mentis impotes. Quid verò audient nostratum permulti, quos è Bibliotheca hauriet curiosus Lector, qui  
vel

vel Instituti, quod profitentur, ratione, vel fortunæ, ut dicitur, aversæ ac sinistræ causâ, nullum sibi munus publicum adpromittunt, non divitias aucupantur, non honoribus inhiant, & nihilo tamen minus Libris incanescunt, quos diurnâ versant nocturnâque manu? Herele, nemo non dicet, istos deperire sapientiam, & eximios litterarum esse amatores. Id exploratum habent Europæi viri nobiscum consuetudine juncti, è quibus memoratus supra Doctor Complutensis Peralta Castañeda, longo & plusquam vicennali domicilio Angelopolitano doctus, fatetur in citato proemio, imposturam esse, creditam nostratum defectionem ingenij, eosque qui studijs valedicunt & severiori litterarum culturæ, egestate compulsos iri, ac præmij desperatione. Nam & si Catholicus Rex ejusque Consilium Indiarum benemeritos viros honoribus augeat atque muneribus, eos ubi perfectos habuerit; obsistente tamen distantia, sero tandem plerumque à nostratibus gesta in Curiam subintrant. Maneat igitur ad fabulas amandata Americanorum ingeniorum defectio eis à multis impacta anno ætatis 30, quam vel sexagesimo etiam anno vulgi instar cantinelæ habet P. Petrus Murillo Velarde, Granatensis, Societatis Jesu in Geographia historica lib. 9. cap. 16. pag. 271, licet non admodum in res nostras pronus, cujus gratiâ sequens par est instituamus  
Anteloquium.



## ANTELOQUIUM XV.

P. Petri Murillo Velarde de re Americanorum litteraria judicium vestigatur & aperitur.

**Q**UOD ad ingeniorum nostratum attinet defectionem, nuper audivimus Virum hūc admodum eruditum refragantem, & ad vulgi quisquiliis eam remittentem; de præstantiâ verò eorundem ingeniorum scribentem M. Feijoo amplificasse ea dicit, & magnificè loqui, ut aliquibus visum est, assentatiunculæ gratiâ; & Morillij quidem sententia, certum & exploratum esse, Americanorum ingenia quam credatur apud Europam esse majora. Nos qui, ut superius diximus, de primatu non decertamus, ad alia ejusdem Scriptoris sensa progredimur. Memoriâ eos omnes prompta esse, insitæ in loquendo facilitatis & expeditæ linguæ, atque in dicendo strenuos atque elegantes, docet, in publicis litterarijs actionibus splendidos, facilequè subinde plausibus audientium exceptos. Et si quidem constanti studiis assiduitate insisterent, eorum demum aliquos ea prædivites evasuros omnigenâ eruditione, qua varij apud Europam consummati Viri inveniuntur; fieri tamen, aut nativâ plagæ socordiâ, aut quòd stimulus & alacritas desint, ut hætenus nullibi Americæ partus maturatus fuerit dignus Minervæ fatigationibus positus per annos plusquam ducentos in isthæc æquoribus irrigandis. Papæ! Hic

tu

ut hæreamus operæ pretium erit, & quid sibi velit doctissimus M. investigemus: Num de Viris doctis, num de Voluminibus loquatur? Utrum ne doceat hominem nullum hætenus maturitatem attigisse doctrinæ, quæ tanti temporis eruditæ culturæ respondeat; an Opus non dum usque adeo eruditum prodijisse existimet, quod lucernam oleat, & quidem ipsius Minervæ per duo secula elucubrantis? Principio quidem compertum sanctumque habet Morillo, apud Americam Academias seu Universitates & Studia generalia florere, Collegiaque & Secularia & Regularia pro Scientiarum cultura, in primis autem Limæ & Mexici Urbibus utriusque Americæ Primarijs amplissimisque, apud quas infulati Doctores plurimi, & Magistri sapientes agunt. Mexiceam nostram Universitatem, quam multoties invisit apud nos diversatus auspicandæ Manilensis causâ navigationis, floridissimam nuncupat, & primam, opinione sua, ijs quæ in novo Orbe vigent excellentiorem, multisque Europæis Universitatibus superiorem: doceri in ejusdem Gymnasijs Theologiam, Canones, Philosophiam, aliasque Facultates, & in his omnibus Academiam Viros admodum insignes dedisse subjungit. Nec prætermittit, alumnos ejus monumenta relicturos, quæ perennarent longius, publicæ utilitatis & gloriæ, modò calcar præmij eos moveret atque incitaret. Ita quidem habet in præcitati Libri cap. 2. pagg. 81 & 82. In Historiâ verò Provinciæ Philippinarum Societatis JESU à se etiam scriptâ, & editâ paulo ante Geographiam historicam, scilicet anno 1749. Manilæ typis Societatis ejusdem lib. 4. cap. 9. n.



734. fol. 321. ad calcem col. 1. & initio 2.  
testatur, Mexici & Clerum esse selectum & mul-  
tas gravesque Religiones, in quibus Viri sunt emi-  
nentes, & inclytam Universitatem, apud quam  
impensè & concinnè litteræ omnes coluntur. Tum,  
à se Mexici agente cognitos fuisse Viros admo-  
dum insignes in omnibus Facultatibus, tamque  
acutâ & præstantia apud juvenes & Magistros in-  
genia, ut nullus ipse in optatis habuerit egregios  
Viros, quos Salmanticæ, Compluti, Granatæ re-  
tro noverat & tractarat. Hæc cum ita habeant,  
alterum fateatur est necesse; vel apud celeberrim-  
as Hispaniæ Academias commemoratas nullum  
à se cognitum Virum egregiè doctum atque sa-  
pientem, qui diuturnas Minervæ defatigationes  
præseferat, vel apud Mexicanos quoque multos  
sic institutos esse, ut maturitatem eruditionis illam  
attigerint, quæ positis à Minerva curis in Studijs  
nostris respondeat; vel tandem non hanc optare  
se in hominibus præstantiam eruditionis, sed in  
Voluminibus ab eis conditis & scriptis. Quod si  
in datis supra verbis sibi voluisse dicat, tunc enim  
verò urgentius argumentum premar oportet me-  
morantem atque laudantem lib. 10. Geographiæ  
Historicæ cap. 11 clarissimos sapientia & scrip-  
tis viros Mexicanos atque Peruanos, Ledesmas,  
Canos, Riberas, Roas, Martinez de la Parra,  
Oviedos, Seguras, Blancos, Peraltas, Salgados,  
Joannas Agnetes à Cruce, Ruicios de Montoya,  
Añascos, Menachios, Felicianos à Vega, Villarroe-  
les, Machados, Peñasieles, Ayosas, Ovalles, Agui-  
lares. An enim istorum Volumina lucernam non  
re-



redolent, nec Minervam sapiunt, aut hujus seculares vigilias subinducant? Certè, ut ex ungue Leonem, vel ex his tantùm Libris Americanam Minervam dijudicare posset vir eruditus. Quid porro si cœtera novisset Volumina, quæ Bibliotheca nostra palam exponet? Nulli credimus, visis à Murillo tot Scriptoribus, eorumque plurimis exculatissimis, verba sibi excidisse immaturos etiamnum nostratum fœtus existimanti. Sed ut nostram de eo ita scribente sententiam promamus, credimus quidem, voluisse sibi hætenus ab America non prodijisse alicujus Authoris multa grandia Volumina, quæ cum Thomasianis, Scoticis, Suarezianis, Kircherianis, Caramuelianis, & similibus certent atque contendant. Et hoc quidem ut sponte fatemur, sic etiam credimus argumento non esse acerbæ adhuc Minervæ nostræ, quòd maturitas non à pomorum multitudine judicanda sit, sed à dulcedine eorundem & suavitate; nec profectò plurimis etiam elapsis seculis speramus fore olim, ut ingentibus & prægrandi numero Voluminibus Minerva Americana tandem aliquando maturitatis indicem & exemplar datura sit. Cujus rei momenta paucis complexus est P. Hieronymus Perez de Nueros supra laudatus Cæsaraugustanus, datis illis S. Ambrosij verbis: *Eodem modo videtur (Sol) cum oritur: nec cum vergit in occasum minor apparet Orientalibus & Occidentalibus*, hæc opportunè subiungens: *O si cum eadem Solis propinquitate; Lugdunensis etiam, Antuerpiana, Lovaniensis, Veneta, & alie Typographice his plagis proxima adessent Officine! Qua librorum copiâ, litteraturâ omni refertâ, & conspicuâ varietate, quam*



ad circinum elaborata, quam bene tonsa, & quasi ad radiorum Solis speculum pectinata Europa, frueretur? Dei enim Scientiam non uni orbis parti, sed cunctis munificē, & largē à Spiritu sancto dilargitam docuit Hieronymus sic loquens. „ Quod Petrus in vase lin-  
„ teo, quod ē cœlo demissum est, se vidisse testatur, ha-  
„ bente quatuor principia, per quæ quatuor mundi plagas in-  
„ telligimus, ut repletam terram Dei scientia intelligamus. Sic quod de Platani arbore ab India quondam ad Eu-  
ropam delata, & ab una in aliam Provinciam, ob ejus umbra gratiam, transvectas ne ulla esset, quæ hujus plantæ umbrosa amanitate orba remaneret, dixit Plinius: „ Quis  
„ non jure miretur arborem, umbra gratia tantum ex alie-  
„ no petitam orbe? Platanus hæc est per mare Jonium in  
„ Diomedis Insulam ejusdem tumuli gratiâ primam inve-  
„ cta, deinde in Siciliam transgressa, atque inter primas do-  
„ nata Italia. Idem sane de eruditæ plurium lucubrationi-  
bus, cedro utique dignis, communique plausu in Europa exci-  
piendis dicendum putares; ni illorum animum, vigiliarum  
& studiorum pensis addictum, alacrique aviditate ad  
scribendum paratum, tanta maris terraque intercapedo, loco  
adeo diffusa Typographorum theca, Authorisque proprio educen-  
do operi operam impensuro absentia retardarent. De quo-  
rum libris si facilis esset Oceanum tranandi & in Hesperias  
oras transeundi facultas, illud diceres, quod de alio Horatius.

Hic meret æra liber Socijs, hic & mari transit;  
Et longum noto Scriptori prorrogat ævum.

Hæc vir doctissimus & in nostris rebus exper-  
tus, cui concinit memoratus item Doctor Com-  
plutensis Peralta Castañeda, & experienciâ ipse  
Americanâ doctus. Quamvis enim officinas typo-  
gra-



graphicas jam pridem habuerimus, & optimas à P. Murillo apellatas, sumptus tamen & in solvendis operis & in coemendis chartis ab Europa deductis, nisi inter nos versatis, incredibiles videntur. Adeant Lectores Magistrum F. Antonium de la Calancha in Chronicis Ordinis S. Augustini apud Peruvienſes lib. 4. cap. 12. n. 4. pag. 858. Editionis Barchinonenſis apud Petrum Lacavalleria anni 1639 invenientque, apud Bibliothecam Auguſtinianam Limenſem extare manu exarata à P. F. Joanne Caxica ejuſdem Ordinis triginta duo Volumina, quorum duodecim ſunt in folio, reliqua in 4. magno, Idiomatibus quatuor præcipuis in America Meridionali conſcripta, quæ ſi Limæ procuderentur, opus eſſet amplius centum triginta mille argenteis uncialibus; quinquaginta verò ut minimum, ſi edenda in Hiſpania eſſent, apud quam niſi peſſimè cudi non poſſent, neſcientibus ſcilicet operis & correctoribus Europæis tres illas linguas Americanas, queis & Hiſpanâ Libri illi conſtant. Quibus de cauſis inſignia quidem Opera apud Americam lucubrata, vel in angulis deliteſcunt Bibliothecarum, vel fodicata corroſa que à tinea perierunt. Accedit, Libros editos diſtrahi præter quam inter nosmetipſos non poſſe citra majora impendia, quorum vitandi cauſâ vix à Mexicanis ad Peruanos & vicifiſim Volumen tranſmeat. Sed de his ſatis. At enim quoniam emundæ naris Amicus noſter atque gentilis aliò intendiſſe Murillum cogitat; eam paucis indicemus cogitationem è re erit opportuneque referamus. Et quæ illa porrò? Murillo ſcilicet fuiſſe in opta-



tis masculum apud Americanos ingenium aliquod, cui acceptum Minerva referret Syſthema apud Literatos inſigne, aut datum publicè eruditionis vaſtiſſimæ documentum, vel quod portento ſimile haberetur aliud ſpecimen & encyclopediam. Audi- mus & capimus Scriptoris ſapientiſſimi vota, queis facturi ſatis, reliquum eſt, ut magnam Eruditorum ſegetem in Bibliotheca noſtra daturi, unum alterum ve feracitatis Mexicanæ pomum præmittamus, quod delicatiſſimis quibuſque, & vel ipſi Alonenſi Decano ſapiat oportet.

## ANTELOQUIUM XVI.

Inſignes aliquot indicantur Mexicani eruditi, & pridem & ætate noſtra conſpicui admodum & notiſſimi.

**M**Emoriâ refricantibus nobis Emmanuelis Martini de Mexicanis ſenſum & exiſtimationem, ſuccurrit aliquando Rabinorum fabella ab egregio Critico P. Calmetio memorata in de Gigantibus Diſertatione, quæ extat earum Tom. 2. pag. 356. Editionis Lucæ anni 1729. Scilicet, Adamum, generis humani parentem, gigantem alij mille cubitis, alij 900, alij 100 altum exiſtimant: aliter enim, ajunt, fructus arboris ſcientiæ contingere nunquam potuiſſet, quæ miræ ipſa erat proceritatis. Nos enim verò Alonenſi Decano pygmei viſi ſumus, qui arborem ſcientiarum, cœlum ipſum proximè tangen-



gentem, ne suspicere de longe valeamus. Ille, ille, gigantis ad instar, eruditionis poma, licet altissima, seorsim omnia decerpit. Americanis siliquas relinquit, herbas, id genus alia brutis quam hominibus congruentiora. Gigantem forte quisquam Martinum diceret, qui tamen, ut est in proverbio, in deos bellum moverit, Hispanos ipsos, gentem suam, laceggerit, Oratorienſes Valentinus PP. gentiles quidem ſuos, litteris & virtute clariffimos flocci duxerit, quod ab Academia Valentinæ Gymnaſijs Terentium arcuerint: & Americanos unâ omnes antipodas litterarum crediderit, & à Minervæ pomærijs longè amandaverit. Si tamen, ut in perſcrutandis antiquæ monumentis Romæ inſtitutus & eruditus fuit, in Mexicanis vel mediocriter eſſet verſatus, apud nos quoque & olim, Indis rerum porientibus, valuiſſe gigantes corpore, de quorû exuvijs fidem habent oculati teſtes Acoſta, Torquemada, Cogolludo, alijsque permulti; & gigantes mente litterisque non deeſſe ab eo tempore quo Hispanis America obſecundavit aduſque præſentem ætatem. Atque, ut gigantem, quod dicitur, ex digito commonſtremus, ijs prætermiſſis, quos Bibliotheca noſtra dabit, Naranjos, Molinas, Siguenzas, Nuñez, Blancos, aliosque, Phenice, ut dici ſolet, rariores; trinum placet hîc exhibere. Primus eſt Petrus de Paz Baſconcelos luminibus captus à puero, qui tamen ingenio donatus eximio & in litteras prono, aurem Magiſtris præbens, Latinitatem imbibit & Rhetoricam, Philoſophiamque ita hauſit, ut poſtquam laureâ redimitus fuerat, candidatum egerit Cathedræ recitatâ ad horariam clep-



sydram Praelectione à se 24. spatio horarum in-  
fortitum sibi Aristotelis textum elucubratâ, parum  
que abfuerit quin Professor destinaretur. Adhæc,  
Theologiæ operam dedit, & præmissis Relectioni-  
bus 10, alijsque de more scholasticis probatio-  
nibus, lauream tulit. Tum Jurisprudentiæ addi-  
ctus Hypodidasalum egit apud Doctorem Al-  
phonsum Alavesium Causidicum ea tempestate ce-  
lebrem, tamque evasit doctus & eruditus, ut non  
modò res ab auditis Libris haustas teneret, sed  
etiam loca & paginas, quas occasione data indi-  
cabat, ut, productis testibus M. F. Marcelino de  
Solis & Christophoro de la Plaza itemque F. Bal-  
thasare de Medina, conscripsimus in Nuncupato-  
ria præmissa Selectis Dissertationibus Mexicanis no-  
stris. Secundum habeat locum, nulli secundus, bi-  
mestri ab hinc retro denatus ætatis anno 64. D.  
Antonius Calderon, vir uxoratus, & Apollini, Mu-  
sis, & sacris prophanisque litteris ad stuporem us-  
que excultissimus. Natale ei solum Angelopolis de-  
dit, ac ubi lumen ipsi rationis affulsit, Gramma-  
ticam aggressus, brevî Poeticam & Rhetoricam à  
Jesuitis accepit, moxque Philosophiam primus in-  
ter auditores Viri Clarissimi P. Nicolai de Segura.  
Theologiæ navavit operam cum sub alijs egre-  
gijs Magistris, tum præsertim sub Mathia Blanco  
summo Theologo Societatis Jesu, quo Præsede the-  
ses propugnavit & numero multas & insignes di-  
ficultate, Catholico Hispaniarum & Indiarum Re-  
gij Philippo V nuncupatas, specimen ea in con-  
certatione exhibens, nedum Theologicæ & Philo-  
sophicæ eruditionis admodum raræ, sed etiam La-  
tinæ



tinæ præstantiæ, & in Oratoriâ & Poeticâ Facul-  
tatibus exercitatione & facilitate: nam quod ob-  
sequij adversus Regem gratiâ, Magistri arguentes  
variè, pro suo quisque genio, proluderent, singu-  
lis ille extempore latinè reposuit, aut soluta aut  
ligata oratione, quæ concertantis Elogio congrue-  
ret & Prolusioni. Hæc Angelopoli alumnus unus-  
que è fundatoribus insignis Collegij, quod S. Ig-  
nati nomine pro convictoribus Philosophis &  
Theologis à PP. Societatis erectum fuit. Mexici  
laureis contentus alijs, nec censu dives, Doctores  
nunquam optavit, quas porrò tulisset dignissimè.  
Tanta erat memoria, ut semel lectum Librum di-  
venderet, semperque in promptu teneret & ar-  
gumentum & res &, ubi singulæ erant, folia &  
pagg. Ingenium sortitus nihilo infelicius memo-  
riâ, nec minorem in litteras propensionem, & as-  
siduitatem studij, admirabiles planè in omnibus  
Scientijs progressus fecit. Academiam moderatus  
insignem apud Ædes D. Michaelis Antonij del  
Castillo tunc juvenis, nunc Ecclesiæ Metropolita-  
næ Præbendati, in Universitate nostra Doctoris  
atque Magistri, & Philosophiæ Collegij Decani,  
multos instituit, cum in Philosophiâ Theologiâ &  
Juribus, tum præsertim in litteris amœnioribus.  
Medicinam etiam & Mathematicas, Criticam &  
Historiam haud perfunctoriè coluit. Facillimo ne-  
gotio Conciones dictare, Prælectiones & Philoso-  
phicas & Theologicas & Scripturarias & Juridi-  
cas fundere, Poemata, Prolusiones & id genus alia  
scribere solebat, quarum merito elucubrationum  
inter Scriptores nostros recenseretur in Biblio-



theca, nisi votis ipse nostris abnuisset, caufatus, quod è vero est, nullas sibi unquam asservasse chartas, Codices quantos scripserat neglexisse, in primis autem, ut notum habemus, quòd latere temper voluerit, captandæ gloriæ nunquam sollicitus, quamquam eruditus quibusque notissimus fuerit, à queis maximi fiebat, quærebaturque frequentissimè etiam ab alijs, potissimum in negotijs Forum & Jus concernentibus, cum pro Consultationibus difficilissimis, tum etiam tuendorum gratiâ jurium in perplexis & intricatis rebus, quibus expediendis aderat, citraque lucri ambitum, sponte sibi oblatum æs pro familiæ suæ victu accipiebat. Quæ de tanto Viro insinuasse suffecerit.

## ANTELOQUIUM XVII.


Argumento proximè dato insistimus  
& colophonem addimus.

**C**Oronidem dictis apponat D. Antonius Laurentius Lopez Portillo juvenis in paucis præclarus, annos natus 23, non una dignus infulâ, aut duplici, vel triplici, sed quadruplici Doctorali, pro eximia qua est eruditione in utrâque Sophia & in utrôque Jure, cujus specimen palam dedit in Academiâ nostrâ, anno proximè elapso, plane mirabile, & aliquibus forsitan incredibile. Natus is est in Diœcesi Goadalaxarenfi Novæ Galleciæ, in cujus Primariæ Urbis Athenæo Societatis Jesu latine institutus, Philo-  
so.



sophiam accepit atque Theologiam, tanto successu,  
ut mox à curriculum absolutis, theses per diem inte-  
grum publicè sustinuerit de universa, quæ Schola-  
stica audit Theosophiâ, non absque egregio Illm.  
Episcopi & doctissimorum hominum plausu, mi-  
rantium tantam in ætate illa eruditionem, promp-  
titudinem, & judicii maturitatem. Mexici consti-  
tutus in Regali Divi Ildefonsi Collegio, ab Aca-  
demicis Gymnasijs Jus Canonicum, dein Civile  
hausit, laureasque rerulit, & Collegij sui Trabeam,  
ut dicunt, Oppositionis, periculo facto floridissi-  
mos inter competiores, meruit. Tum Justiniani  
Institutionum libros quatuor & memoriâ reci-  
tandos ita proposuit in Aula maxima Academiæ  
Mexicæ, ut interroganti cuique § cujusvis titu-  
li ad litteram statim refferret, & singulas ex om-  
nibus §§ erutas conclusiones traditasque doctri-  
nas duobus in folio Voluminibus ab insigni Sal-  
manticensi Doctore Antonio Pichardo defende-  
ret, ac minutatim sciscitanti cuique quas vellet In-  
stitutionum difficultates satisfaceret & reponeret.  
Hæc datis publicè chartis, typis editis Academi-  
co ritu, sponderat, coramque sapientissimorum  
hominum frequentia gravissima fidem liberasse da-  
tam testamur, qui id temporis Universitatem no-  
stram, pro eximia ejus in nos cohonestando gra-  
tia & humanitate, regebamus, demirantes unâ cum  
ceteris adstantibus Viris eruditissimis, juvenis &  
memoriam & ingenium magis atque judicium,  
& maturitatem doctrinamque egregiam, queis Ob-  
jectiones dissolvit, Quæsitis satisfecit, & petitos à  
singulis arguentibus §.§. saltuarim, multumque in-  
terse



terse diffitos, citra minimam prolapsionem omnes dixit & recitavit. Grandia licet fuerint ista studij & ingenij minimè vulgaris indicia, leviora tamen habita fuere ijs accedentibus queis per hactenus memorata prolusit. Nam elapso ab ipsis quadriennio chartam edidit, quam invariata prorsus in adversa pagina damus. 

Ubi præfinita dies 28 Maji accessit, frequentissima omnium Ordinum corona Aulam maximam, quæ & ornatu & amplitudine famosissima est, Universitatis implevit, coram qua Prolusionem dixit absolutissimam, & pro instituto suo aptissimam. Mox Academici Professores Theologiæ & Philosophiæ ex omnibus Ordinibus pro suo quisque libito, tum de Cursu Philosophico sapientissimi P. Loffada, tum de Theologico Illm. P. D. Joannis Marin, tum de Opere Illm. P. Ravago interrogationibus multis, argumentis, objectionibus, difficultatibus late productis, egerunt tres amplius horas, stupentes interea Portillum ingenio ita comparatum, studio, ac promptitudine singulari, ut intricata facili negotio dissolverit, pugnancia, si quæ videbantur in Authoribus suis, conciliaverit, & abditas quasque doctrinas cum in quatuor Tomis Loffada, tum in tribus Voluminibus Marini, tum in Opere Illm. Ravagi promptissime dederit, explicaverit, propugnaveritque, fluidâ semper dictione & eleganti latinitate, modestiâque insigni. Non secus vespere egit, conveniente frequentiori forsitan coetu, dicentibusque in ipsum Doctoribus & Metropolitano nostro Capitulo, quos inter nos quoque symbolum contulimus, fatemur  
que



ILLMÔ. AC RMÔ.  
PATRI DOCTORI  
**FRANCISCO**  
DE RAVAGO  
E SOCIETATE JESU,  
REGIS A CONFESSIONIBUS.

Die 28 Maji vespere & mane.

**C**URSUS INTEGRUM PHILOSOPHICUM REGALIS COLLEGIJ SALMANTICENSIS SOCIETATIS JESU, AUTORE REV. PAT. LUDOVICO DE IOSSADA EJUSDEM SOCIETATIS, ET IN EODEM REGALI COLLEGIO THEOLOGICÆ PROFESSORE, ET SACRÆ SCRIPTURÆ INTERPRETE: ILLUSTRISSIMI AC REV. PAT. DOCT. JOANNIS MARIN SOCIETATIS ETIAM JESU, COMPLUTENSIS OLIM PRIMARIJ, IN SUPREMO SANCTÆ INQUISITIONIS TRIBUNALI QUALIFICATORIS TRIBUNI, DEIN ETIAM INQUISITORIS, ET LUDOVICI I. HISPANIARUM REGIS A CONFESSIONIBUS, THEOLOGIAM SPECULATIVAM, ET MORALEM, tribus justis voluminibus traditam propugnabo. Neque modò Principes theses, verum & utriusque Systema integrum, doctrinas, solutiones, probationes omnes defendam. Quod verò ad perpetuum non modò asserionum, verum & doctrinarum omnium concordiam attinet, tenuit religiosè ubique illam Rev. Pat. Loffida, cujus, quoniam in præsentia defendo, cursus Philosophicus, quippe opus omni ex parte absolutum atque perfectum, literarum Rempub. in plausus rapuit atque præconia. Majus mihi negotium movet Sapientissimus & Gravissimus Pat. Marin, sed tamen cum in clarissimi & ceteroquin vehementer occupati viri obsequium sedulam in eo sibi conciliando operam adhibuerim, nullas in universa ejus Theologiæ tā apertis sibi: Mare alias alijs oppositas doctrinas inveniri, quin probabili aliqua ratione sciliari possint, præstaturus me spero, atque recipio. Satis pfecto duxi laborem huic cetera tristis & inivilem adhibere, quoniam perpetuum argumentaturis scrupulum & offendiculum obesse. Libet addere opus ILLUSTRISSIMI AC REVERENDISSIMI PATRIS DOCTORIS FRANCISCI DE RAVAGO SALMANTICÆ PRIMUM, DEINDE IN COLLEGIO ROMANO SOCIETATIS JESU THEOLOGICÆ PROFESSORIS, hæc tempestate merito ac jure celeberrimum CHRISTUS HOSPIES STABILE, BENEFICIUM EUCHARISTIAE, APUD SELECTISSIMAS ANIMAS, PONENS DOMICILIUM: unam quidem, eamque brevem dissertationem, ita verò gravem, doctam, atque exultantem, ut: Sed cum sciant, qui librum evolvunt, ad unum omnes, tacite præstat, quam eloqui, ne Patrono cliens, occasione vel datâ, vel acceptâ, videar lenocinari.

ILLMÔ. PRINCIPI D.D.D.  
**EMMANUELI**  
JOSEPH RUBIO  
SALINAS  
REGIS A CONSILII,  
ARCHIEPISCOPO MEXICANO.

Die 6 Junij pro mane.

**E**X quolibet Decretalium Gregorij Papæ IX. textu asserionem rogatus deducam, & confirmabo, utar verò pro expositione cum notis, cum Commentarijs ad singula quæque illarum Capita elaboratis à D. D. EMMANUELE TELLEZ GONZALEZ VALLIS-OLETI INQUISITORE APOSTOLICO, egregio juris Interprete, quippe Salmantino Sac. Cano. um Professore, cujus ego quas in toto ad quinque Decret. libros opere facit theses, solutiones, doctrinas, tadem (verbo uno ut spectat omnia) singulas & universas defendam. Quam vellem tam in multa h. mihi occupatio nē distrinxissent, ut cum ultimâ limitâ opus ipse suum castigasset, Venerem nobis hanc imperfectam & reliquisset. Rescussisset profectò equidem Tenedid, qd aju ut, aut (qz mea est de præstantissima illâ Academici opinio) Salmantinâ securi apertas & implacabiles doctrinarum pugnas, quas in rebus monti raro quidē, sed tū (ne quid distimulim) aliquando, in miculis verò quilibet frequenter offendimus. Multus sane in re sui Cl. V. exultandi gratia, ne prolixiorē orationem faciam, quæ de Antonio. Fabio in puncto dixerō, illa ad verbum huc referuntur.

PRO VESPERE.

**E**Xponam memoriter ad litteram tot è Justiniæ quatuor Instit. libris, quot arguens rogaverit me paragraphos, quos interpretaturum me, tū sim ex illis deducturum, deductaque probaturum spondeo. Porro hanc in rem cū fuerim olim usus præceptore Salmantici D. D. ANT. PICHARDO (cujus ad Institutionis volumina duo publicè defendi) placeret, in ejus locum, ne actū agam, ARNOLDUM VINNIUM substituere: Hujus igitur opera omnia, Commentarium, scilicet, ad Imper. Just. Institutiones, Tractatus quinque de Pactis, Jurisdictione, Collationibus, Transactionibus, & Questionibus juris selectis, tandem Jurisprudentia contractus, sive Partitionum juris Civilis libros quatuor cā planè ratione, quā supra factos Doctores, propugnabo. Consonus illi sibi fuit in Commentario & Tractatibus omnino, in Partitionibus etiā, pauca si exceptis loca, quæ, facite Arnoldo ipso, pugnant cum alijs, in Partitionibus, sed Commentarij & Tractatibusque ego loca, quippe ad modū pauca, in vespertina hujusce diei prolusione designabo, & quā malit arguens à me tenari scitentiā, illā ex oppositis à plebati. æteroquin Arnoldū legere sibi fuisse defedā. Quas vō Integerrimū & SS. fidei Tribunal Authoris hujus theses proscriptis, illas ego n. modò n. applicator, verū & Catholico animo abominor ac decessor: neque modò pro schis jam Arnoldi thesibus: verum & pro universo ejus opere rector atque proitor, ne latum quidem unguem ab Rom. Ecclesiæ aut S. Inquis. præscriptis, pietate Catholice homine digna ullo me tempore deviaturum.

**REGIAE**  
AC  
**PONTIFICIAE**  
**MEXICANAE**  
**ACADEMIAE.**

Die 11 Junij pro mane.

**Q**ui morem hucusque gessi omni versandæ Jurisprudentiæ methodo, n. nihil etiam nāc indulturus gerioque meis, Principem meā sententiā facultatis hujus Virum D. ANT. FABRUM IN SUPREMO SABAUDIÆ SENATU PRÆSIDEM novissimæ acertationi subijcio. Ne tū ex varijs ejus operibus, tumultuario cursu omnium rem præpediente, intactum fortasse aliqui delinquatur, placet ita Fabrianæ opera distribuere: Manē, Conjecturarum juris Civilis libros viginti, Decadesque de erroribus Pragmaticorum & Interpretum juris canonici: minorem sane vespertinā materiā, tantum numeros paginas: majorem enim verò si & tractatū varietatem incredibilem, & rerum obscuritatem attendas.

PRO VESPERE.

**R**ationalia ad novem decem Digest. libros, à titulo scilicet de Just. & Jure ad decimam ultimā de Præscriptis verbis, hisque addita fragmenta posthuma ad titulos de pign. & hypoth. — Qui testam. fac. poss. — & de Liber. & poss. tradita universa voluminibus sex, Jurisprudentiæ tandem Papien. Scientiam, omnino ad Authoris mentem, quæque in his operibus tradidit, universa & singula defendam. Ex omnibus qz lucem viderunt Clar. V. operibus, certè qz ad Americā usque pervenerunt, unū excepi, quē ne pro foro quidem Americanis ego amplecti universum poterā, nedū Academicus ipse pro Instituto, Codicem Fabrianum definitionum forensium & rerum in Sabaudia Senatu tractatarum, opus ab Authore ipso Forensibus hominibus omnino præ Academicis, è Forensibus etiā, Sabaudis maxime destinatum. Næ tū iniquus fueris quicumque ab Antonio Fabio (cepit ille calamum n. dum quatuor & viginti natus annos, posuit autem moriens demum in senectute) constantem ex geris doctrinarum concordiam: n. puduit V. doctissimum errores, qd aiebat, suos agnoscere & corrigere, sententiāque in melius mutare. Quid igitur ne cavillari videar, neve effugium mihi egomet itud ad eludenda argumenta, qz vocat ad hominem, infincero animo præparasse credas? Primū (qz oia & de D. D. Gonzalez dicta sunt) eas tantū doctrinas pugnare dicā, qz acceptis clarisque verbis alijs alijs opponā: deinde nē & illud captiolium existim, roget me qui velit doctrinā doctrinā ferre, si bi ne in puncto totū per opus esset Antonius, an altero, qd arguens pponat, doctrinā ve singulari asserio, dictū ve ullum aliquod opponat: hoc si dixerō, tenebor enim verò & loca designare, & evincere diffidū esse implacabile, tunc autē demū sententiā utraqz problematicam amplectar, sin illud, assum eis perpetuam consequentiam defendo.

**J**US fasque erit omnibus, etiam quos ego speciatim de more non invitari, quot quisque velit, tot mihi difficultates objicere. Neminem igitur excipio: Neminem prorsus. Quod si quis contra Authoris, quem pro tempore defendam, sententiam, mentem, sententiam respondisse me aliquid, dixisse crediderit, oro quæloque illum, ut eodem aliove è tribus certaminis diebus publicè id exponat, quo rem coram Sapientissimis, qui aderunt, viris planè & aperte discutamus.

#### PROTESTATIO CATHOLICA.

**Q**uemcumque porrò asseruero, prodero, dixerō, quæque sententiæ, verba, lineæ, puncta in prædictis Doctoribus Catholicis (quoniam de uno Oetherodoxo Vinnio supra dictum est) pijs quidem & sapientissimis viris, sed hominibus demum, inveniuntur, illa ego universa Sanctæ Romanæ Ecclesiæ, & Apostolico atque Integerrimo Sanctæ Inquisitionis Tribunali (quibus ipse me totum meaque omnia planè submitto) Catholico sinceroque animo, illorum opera defensor, omnino subijcio.

**D**efenduntur, pro Regali & Antiquioris constitutione adimplendâ, in Regiâ Pontificiâ Mexicanâ Academiâ (D. O. M. Purissimâ Dei-genitrici Divæ Virginis abique peccati labi conceptâ; Castissimo hujus Sponsi S. JOSEPH, Divis necnon Studiorum Patronis ALOYSIO GONZAGA, & JOANNE NEPOMUCENO faventibus) à D. ANTONIO LAURENTIO LOPEZ PORTILLO ET GALINDO in utraqz philosophiâ & utroque jure Baccalureo, R. & A. D. Ildesoni Regiâ S. ræ Theologiæ oppositionis trabâ nunc insignio, Regiæque ac P. Mexicanæ Academicæ nuper Consiliario. Diebus 28. Maji. 6. & 11. Junij, supra designatis, longiusulo temporis intervallo separatim alijs ab alijs atque distantibus, & quod Regiæ Academicæ occupationes nunc occurrentes vix ac ne vix quidem commodiorem distributionem paterentur, & quod videretur, ne dierum series non interrupta Auditoribus, quippe hominibus magna ex parte occupatis, fastidium ingeneraret. Anno Domini MDCCCLV. (De Licentiâ Domini Rectoris.) Mexico: Ex novâ Typographiâ editiōis Bibliothecæ Mexicanæ destinata.



1111-10-10  
 PATENT DOCTOR  
 FRANKS  
 1111-10-10  
 1111-10-10  
 1111-10-10

THE UNIVERSITY OF CHICAGO  
LIBRARY  
JAN 11 1961  
JAN 11 1961  
JAN 11 1961

RECEIVED  
MONTREAL  
JAN 10 1964

[illegible]

que ingenuè, meditationes quasdam scholasticas nostras olim per otium excogitatas edendi eas gratiâ, nec dum aut à nobis editas, aut in Authoribus alijs, quos sciamus, visas, ut proposueramus subolfecisse omnes, velutque divinasse, & quibus pollet ingenio & doctrinâ solvisse. Sodales etiam nostros gravissimis ipsum rationum momentis urgentes, multaque sciscitantes & varia, sic excepit, ut nihilo minores laudes retulerit ab his queis maclatus fuerat in matutina concertatione, ubi post tres item horas vespertina desivit. Sexta Junij pro mane sapientissimum D. D. Emmanuelem Tellez Gonzalez, ut promisserat, tutatus est, explicavit, vastamque ejus eruditionem ita profudit, ut palam fecerit se hausisse omnem quinque Voluminibus comprehensam & exhaustisse, rogantibus, objicientibus, instantibusque Doctoribus in re Canonica peritissimis. Pro vespere non absimiliter egit, Arnoldi Vinnij Opera omnia, innumeris salebris & Civilis Juris apicibus plena, tractans & versans, ad nutumque argumentantium in re Civili doctissimorum, modò hac, modo illac, quæsitis excurrentium, reponens, argumentisque satisfaciens, non minori tempore in diei hujus certaminibus posito, aut minori assistentium conventu, amplius ampliusque juvenem extollentium. Tandem undecima Junij mane & vespere productioribus moris, & confertiori litteratorum hominum multitudine adstante, Antonij Fabri Opera omnia undecim Voluminibus comprehensa, uno excepto Codice Fabriano Forensi, pro ut adpromisserat, tuitus est, detexuit, composuit,



non segnius ac præcedentes egerant Magistri & Doctores, Rectore gravissimo, clarissimisque Antecessoribus Universitatis in omnem partem Antonium moventibus, & quæ interrogationibus, quæ syllogismis, quæ longè datis oratione soluta ratiocinationibus ( qua etiam methodo præcedentibus diebus pro suo quisque genio usus fuerat ) in examen adducentibus subtilissimas Fabri opiniones, resque intricatissimas & penitissimas, quas Portillus omnes ad unguem se habere monstravit, responsionibus unicuique datis eruditis & plenis, sive formâ, ut dicimus, scholasticâ, sive oratoriâ, ut se ad dicentium modum aptaret, peræquè facilis ac facundus illâ methodo atque ista, ut qui familiarem sibi fecerit Marcum Tullium & amænioris litteraturæ Authores, in quibus otia sua collocavit & quietem. Hæc cum ita haberint, Senatus Academicus coacto Doctorum & Magistrorum Confessu plenissimo, è re sua iudicavit, juvenem non in paucis tantum, sed in rarioribus etiam insignem, insignibus pariter cohonestare ornamentis promeritis, decrevitque ipsum utriusque Sophiæ & utriusque Juris Doctoralibus infulis convestiri sumptibus omnibus condonatis. Creatus itaque fuit Doctor primum in Theologia, mox in Philosophia Magister, tempusque præstolatur à legibus nostris præscriptum, Hypodidasculum agens, ut Canonici & Civilis Jurium apicibus Doctoralibus coronetur. Nosque speramus fore, ut Bibliothecam nostram brevè ditet politissimis elucubrationibus. Quanti verò is sit habendus judicabunt Viri eruditi, collatione ipsum inter

ter factâ & inclytum Hispanum D. Didacum Sar-  
miento & Valladares insignis Collegij à S. Cru-  
ce Vallisoletanæ Universitatis Togatum, postmo-  
dum Quæsitorem generalem Fidei in Regnis His-  
paniarum: atque ab unoquoque ipsorum thesibus  
itidem comparatis, seu purpurâ, ut dicitur, juxtâ  
purpuram. Theses porrò Illmî. D. D. Sarmiento  
& Valladares die 31 Maji anni 1654 apud Pin-  
cianos coram floridissimâ Doctorum frequentiâ  
propugnata ita habent, & legesis tom. 4 Thea-  
tri Critici M. Feijoo disc. 14. §. 7. pag. 377.

#### PRIMA ASSERTIO.

**I**nterroganti de quocumque capite cujuslibet tituli per De-  
cretalium integros quinque libros, Sexti, Clementinarum,  
Extravagantium communium, & quatuordecim titulos Ex-  
travagantium Joannis Papæ XXII, designato tantum nu-  
mero capitis, dabimus ejus initium & sententiam. Idem per  
integros quatuor Institutionum Justiniani libros.

#### SECUNDA ASSERTIO.

**S**imiliter ex universis septem Partitarum ( primâ partitâ  
exceptâ, cui leviolem curam impendimus, quia omnia  
fere quæ continet ex prædictis Decretalium libris transcripta  
sunt ) & novissimæ Recopilationis librorum novem, omnibus  
que Tauri legibus, numero dicto sententiam dabimus.

#### TERTIA ASSERTIO.

**E** Contra: Quacumque specie propositâ principaliter in præ-  
dictis omnibus triplicis juris libris comprehensa, dabimus  
textum probantem speciem, & cujusque decisionis  
rationem.

Theses à Portillo nostro defensari cæptas die 28

\*

Ma-



Maji anni 1754 dedimus supra. Scilicet integrum fluxit seculum, & tardante naturâ, paulatimque maturante monstrum ingenij, tandem aliquando enixa est Portillû, & contra ac opinatus fuerat Clarissimus Scriptor Feijoo ( nunquam sibi pollicitus hominem Valladario parem ) in America equalem edidit, nisi majorem dixeris, sin minus memoriâ, ingenio, & certè copiâ eruditionis & varietate, nam rei criterium ad sapientes remittimus, qui collatis, ut dicebamus, thesibus, & ipsas propugnantium ætatibus, sententiam ferant: Valladarius Assertiones suas annos natus triginta quatuor tutatus est; Portillus suas propugnavit anno ætatis vigesimo tertio: Ille Conclusiones ab universo Jure Canonico, Justiniano & Hispano petitas luculenter exposuit; iste Theoremata quæ retulimus supra, non utriusque tantum Juris, & utriusque Theologiæ Scholasticæ & Moralis, verum etiam Philosophiæ, & novi Systhematis Eucharistici præclare exposuit, addixitque se innumeris & implicatissimis Quæstionibus enodandis, & conciliandis doctrinis Authorum sex, quæ multa magnaque Volumina adimplent. Ecquis ista ubi legerit authenticis comprobata testimonijs missis ad Regem, milleque testibus, & Americæ toti notissima, gigantes in ea etiamnum ingenij & sapientiæ procreari non videat? *Monstrum sine vitio* audit apud Scaligerum Joannes Picus Mirandulæ Princeps, qui 24 ætatis anno, Romæ positiones nongentas è Theologia, Philosophia, Mathesi & Magia coram Viris doctissimis propugnavit. Quot verò millia Thesium Portillus in arenam litterariam de-

deduxerit, & ingeniosissimè defensaverit, numeris putare admodum difficile credet, quisquis memorata superius Volumina Philosophica, Theologica, Canonica, Civilia unquam evolverit, nec modò Principes Assertiones, sed Probationes etiam singulas & Doctrinas uniuscujusque Authoris in eis conclusas, quas ipse omnes Portillus tuitus est, atenta mentis acie perspexerit. Sentiat subinde Alonensis Decanus, num Mexicani Magistros habeant, num auditores aliquid scientes, num à litteris abhorrentes; an magis litterarum monstra & portenta. Jam verò de multis, in quibus nostri excelluerunt, Scientijs & Libris agamus par est.

## ANTELOQUIUM XVIII.

Materiae de quibus Mexicani scripserunt paucis innuuntur, & brevissimâ in tabulâ collocantur.

**Q**Uam è vero scripserit de Americanis agens præclarus Societatis JESU Author Germanus P. Henricus Scherer in Atlante novo part. 4. cap. 3. propos. 9. pag. 823. in Bibliotheca nostra uberius docturi productis Scriptoribus nostris, hîc paucis agemus eos generatim censentes seu adumbrantes. Ita ille habet, postquam doctissimos Scriptores in Americâ natos enumeraverat, qui Societati JESU se addixerant:



rant: *Atque hæc fere Bibliotheca Scriptorum Societatis mihi suggessit, quibus si aliquando accedent ea quæ ab alijs præsertim Sacrorum Ordinum Religiosis Americanis præclarè gesta sunt ( & quorum notitia nunc ego destitutor ) satis superque patebit, agrum Americanum non tantum auri & argenti, sed etiam virtutis eximiae & scientiarum omnium feracem esse. Nulla enim est Scientia quam non illi coluerint, & lucubrationibus adornaverint. Scripturæ sacræ Libros aut Commentarijs, aut Animadversionibus, aut Opusculis alijs religiosè ac doctè exceperunt. Concilia Synodosque Provinciales & Diocesanas ad generalium normam atque præscripta condiderunt, & Reipublicæ Americanæ observanda mandarunt. Natæ è sacris Biblijs, Concilijs & Patribus Theologiæ, quæ Scholastica dicitur seu Speculativa, operam admoverunt strenuam, & Magistrum Sententiarum Petrum Lombardum, & Angelicum Præceptorem Divum Thomam, & Subtilissimum Magistrum Scotum, & Doctorum Eximium Suarezium multis Voluminibus, Tractationibus, Prælectionibus, idque alijs elucidantes, & ut sunt acutissimo ingenio, Quæstiones Tractatusque novos, nec faciles, nec jejunos cudentes multo cum Academicæ rei incremento. De Theologiâ mores dirigente multis egerunt, & pro novi Orbis indole & occurrentibus contrariis, casibusque alijs nondum in examen adductis, multi quidem momenti, novas Disputationes condiderunt, Consultationes & alios Libros. Mysticam quod attinet & sacra caligine involutam Theologiam haud segniter pertractarunt, sublimius in Deum tendentibus animis Duces & præficientes*

res minimè ignaros, Asceticos plures Libros elaborantes, & innumeros propè minutiores libellos pro pietate religioneque colendâ & augendâ. A Polemicis, quamquam cum hæterodoxis nullum habuerimus commercium, nec porro aveamus, non abstinuerunt, multam ponentes operam cùm in aliquot libris Dogmatum concinnandis, tum præsertim in ijs ad crisim trahendis, qui vulgo circumferebantur, pluraque nigro digna theta claudebant, ut conceptis verbis jam pridem scripsit qui de *Origine & progressu Officij S. Inquisitionis* eruditè tractavit Ludovicus à Paramo, Boroxensis, Archidiaconus, & Canonicus Legionensis, Regnique Siciliæ Inquisitor, Libro 2. cap. 21. n. 22. *Nec me præterit (inquiens) quanto studio & solitudine in hac Inquisitione (Mexicea) Propositionum Qualificatio Librorumque examen exerceatur: Uti enim Animadversionibus & Censuris à Mexicana Inquisitione ad Supremum Generalis Inquisitionis Tribunal denuo destinatis accepimus, adeo sollicitè huic operi incumbunt, ut præter hujus Supremi Tribunalis approbationem, quæ valde perpendenda est, extent recentes Note quibus Libri quidam in Hispania valdè recepti, possint ac debeant omnino expurgari. Hæc ille ante annum 1598. Nec verò sequentibus annis minus accuratè à Censoribus nostris actum est, agiturque in præsentia. Cathedistica plura & Christianæ doctrinæ explicationis Opuscula condiderunt & Volumina elaboratissima. Concionatoria pulcherrima quidem, & cùm pro formandis moribus, tum pro Deo Cælitibusque colendis & Panegyricis laudationibus efferendis apta & jucunda. Jam si Pontificum jura, Romanorum Sanctiones, & Hispanas Le-*  
\*  
ges



ges intueamur, plurimis isthæc omnia & Theoricis & Practicis Commentarijs, Dissertationibus, Glossis, Allegationibus, & similibus Scriptionibus Mexicanis sunt adornata. Nec Æsculapij alumnos, & hæredes Apollinis in optatis habemus, nostris Medicinam excolentibus opportunis doctisque Tractationibus, quæ non solum Galenica & antiquiora systemata exhibent, sed noviora apud Europæos in pretio habita. Quibus Medicinæ cultoribus id etiam acceptum referimus, quod animalia, herbas, plantas, arbores, & ijs affinia multa, quibus abundant Regionēs nostræ, scrutati fuerint industriè, & ad valetudinem ex arte methodoque advocaverint, quibus res Botanica incrementum multum accepit, Chirurgiam interea Anathomiamque non prætermittentes. Iis jungamus par est eos qui alias professi Scientias operam suam in Historia naturali Indiarum posuerunt, ut subinde è Medicorum cœtu & aliorum Collegijs non unus novi Orbis novus Plinius exierit, non Agriculturæ Scriptores, non rei rusticæ politissimos cultores optemus. Mathematicis disciplinis nostri quoque insudarunt, nec irritò conatu eis se conscribendis dederunt. Jam verò Philosophiam, & si Gasendianam, Carthesianam, & quæ extra Hispaniam ab eruditissimis pluribus colitur, non modò libaverint multi, sed etià ebiberint, & opportunè in Scriptis indigaverint, à maioribus tamen nostris & Peripatu haud deficere: Aristotelique insistentes facillè Principi, ejus Systema juxtà Thomistarum, Scotistarum, & Jesuitarum Scholas plurimis, ut dicimus, Cursibus illustrarunt, in quibus, quod supra de Theologicis



cis annotayimus, multa ingeniosè nova archite-  
ctati fuere, successitque è voto Sanctissimo Pon-  
tifici Thomæ de Villanova, quem adhuc in terris  
agentem. M. F. Alphonsus à Veracruce in Nun-  
cupatoria Physicæ speculationis suæ ita allocutus  
est: *Cum olim, Aristes ornatissime, Provincia Castellæ felici-  
ter præesses, ad hanc novi Orbis Provinciam S. P. N. Au-  
gustini, quæ ab illa, quam gubernandam acceperas, velut ex  
equo Trojano dimanavit, litteras missisti, quibus tuos velut  
Pater admonebas filios, ut in novo Orbe, novaque Provin-  
ciâ, & apud noviter conversos nova fierent omnia: atque tra-  
dendarum disciplinarum instruendorumque discipulorum nova  
esset ratio. Rhetoricam, Grammaticam, Humanio-  
res litteras excultissimis tradidere Codicibus & præ-  
cepta & regulas artemque concernentibus, tum belle  
tornatis Orationibus, Prolusionibus, Inscriptioni-  
bus, Elogijs, & politioris Minervæ Opellis. In  
Poetica Facultate multi etiam fuere qui Scriptis  
Apollini litarunt & Musis, tamquæ præstanti in-  
genio & ad fundendos numeros prono, ut teste  
Illmô. D. D. Bernardo de Balbuena, in *Magna-  
libus Mexiceis* fol. 31. col. 2. fere ab hinc retro ses-  
quiseculo fuerint Mexici in publicâ vatum palæ-  
stra tercentum, qui concinnatis carminibus de  
palmâ certaverint. Unus certe Joannes Ruiz Alar-  
con primos inter censetur à D. Nicolao Antonio  
(quem excribit Mirabelius in Magno Historico  
Dictionario ) Comædiarum apud Hispanos in-  
stauratarum & jucundè reflorescentium Authores.  
Cæteri autem Americani nostri vates usque adeo  
bene audiunt Europæ, ut Censor Hispanus nolissim.  
Poematis de S. Raphaelè editi à P. Bonaventura*



Terrin, Ordinis SS. Trinitatis, seu Author ipse Operis alio personatus nomine, ut scimus, Poetas nostros multis efferat laudibus, subjungatque ( quod nimis aggeratè credimus dictum ) Musas in Hispanos iratas ad Americam transmigrasse, pro ut clarissima edocent Poemata S. Ignatij, Proserpinæ, & alia. Hinc facilè quisque videt delulum fuisse P. Murillo in Geographia Historica lib. 9. Poetas nostros carpentem, quod projiciant ampullas & sexquipedalia verba, quibus magis delectentur & gaudeant, quam acuminatis cogitationibus. Nempe sinistro quodam fato id genus legit aliquot, fugientibus ipsum interea politissimis multis, Sarinana, Rinconio, Cardenas, Villeria, Zamora, alijsque permultis, omnibus numeris in re poetica absolutissimis. Sed ne moremur, ad Historicos gradum faciamus, quos habemus multos & eruditos cùm in totius novæ Hispaniæ rebus memoriæ mandandis, tumetiam in Urbibus, Religionibus, Sanctuarijs, & Insignibus Sanctitate viris narratione traditis opportunâ, & ad posteros commendatis. A Politicis & politico legalibus, à Criticis, à Fabulis quoque & argumentis alijs scripto dandis non abstinuerunt. Nullibi tamen majorem posuere operam quam in excolendis Idiomatibus, multitudine juxtâ & arduitate perquam insignibus. Nam ut habet laudatissimus jure P. Kircherius Œdipi Ægyptiaci tom. 3. cap. 4. pag. 28. *Nova Hispania indigena infinita pene idiomatum varietate inter se discrepant; quæ non tantùm dialectis variant, sed plane inter se dissident. Inter eas verò excellit Mexicana, quæ et vicinis Nationibus, & longinquis, postquam Mexi-*  
*ca-*



cani Imperij sui fines longè lateque propagarunt, tam communis esse cœpit, quam in Europa Latina, & in Oriente Arabica, ita ut in singulis fere Provincijs Interpretes illius habeantur, quos Nahuatlato vocant. E tot porro Linguis permultæ sunt à nostris excultæ, in Artem redactæ, scriptis grammaticis pro unaquaque ipsarum Institutionibus, Dictionarijs amplissimis, Cathechismis Doctrinæ Christianæ, Sermonibus, idque genus alijs pro Christianâ Indorum efformatione. Quæ sane Opuscula quanto ingenio constant, studio, atque labore, nemo non viderit, modò sciat, ut Hispanos genitos in Europa, ita etiam in America natos unum cum lacte à matribus trahere Hispanum Idioma, Americana verò tam ipsis peregrina & ignota esse quam Europæis. Enim verò qui animum intenderit ad incondita Idiomata, pronuntiaturque difficillima & cognitione, majoris Scripta illa operæ atque negotij dicet, quam essent plura, Hebraicè, Græcè, Chaldaicè, & Orientalibus Linguis jam pridem cultissimis concinnata, Librorum ope, & insignium Magistrorum subsidio. Nec ista propterea Idiomata omnes nostri penitus neglexerunt, quorum non paucos ea etiam calluisse docebimus opportunis in Bibliotheca locis, aliquos aut scripsisse, aut typis edidisse Hebræas & Græcas Artes monstrabimus, quibus forte Alonen- sis Decanus, qui Græcanica in primis deperit, illectus, palinodiam recantet, nec omnes ad unum Mexicanos à litteris abhorrentes credere pergat.



## ANTELOQUIUM XIX.

Quid de Indorum eruditione ex quo ab Hispanis excoli litteris cœperunt sit pronuntiandum.

**P**ostquam de Hispanis in America nostratis, & in ipsam adscitis tractavimus, Indos sistere reliquum nobis est, & ipsorum in Minervæ Palatio munera & sedes ut cumque libare. Sacris nostris ex animo addicti non diu post ab expugnatione Mexicea, nec dum Hispanis assueti litteris, avitis industriè Characteribus utebantur, cū pro tradendis memoriæ rebus sua ætate patratis, tum pro alijs rem Christianam & politicam concernentibus. *In confitendo*, inquit laudatus supra Valadesius Franciscanus in Rhetorica Christiana part. 2. cap. 27. pag. nobis 95. *ingeniosiores adhibitâ picturâ demonstrant in quibus Deum offenderint, et calculos ad significandum ejusdem peccati iterationem, ad signum quo vitia vel virtutes denotantur reponunt, & quemadmodum hic viri pii et boni, enumeratione peccatorum contra præcepta divina confitentur, sic illi adjumento & inspectione picturæ.* Valadesio concinit Acosta in Historia Naturali & Morali Indiarum lib. 6. cap. 7. pag. nobis 409 miratus Indorum ingenia figuris & symbolis, quæ ab Hispanis non acceperant, Orationes Ecclesiasticas & Mysteria Fidei, cœteraque Christiana sic exprimētia, vix ut Hispanorum multi imaginibus possent eas explicare res, vel si annum aut decennium ponerent eo in negotio. Ubi verò formari Hispano-

no-



norum more cœperunt, egregiè proficere visi sunt. Nunc verò, scribit ad Paulum III Pontificem Maximum laudatus supra Antistes D. F. Julianus Garces, tanta est ingenij eorum felicitas ( de pueris loquor ) ut & Latinè & Hispanè scribant nostris pueris elegantius. Latinè sciant atque loquantur non minus quam nostri, qui se ejus rei studio dedidere. Nulla sunt obstinatione Orthodoxæ Fidei infensi aut pervicaces ( ut Judæi & Mahumetani ) Indorum parvuli. Christianorum decreta non audiunt modò, sed exaudiunt, ac veluti ebibunt, citius hi & alacrius articulorum fidei seriem & consuetas orationes, quam Hispanorum infantes ediscunt, & retinent quidquid à nostris traditur. Aluntur intra Monasteriorum ambitum per suas classes & contubernia, per scholas & doctriniam ex ditioribus trecenteni, quadringenteni, quingenteni, & sic de singulis ordinatim secundum magnitudinem Civitatum & Oppidorum. Non clamosi, non jurgiosi, non litigiosi, non inquieti, non discoli, non tumidi, non injuriosi; placidi, pavidum, disciplinati, ad Magistros obtemperantissimi, obsequiosi ad Sodales, non querulosi, non mordaces, non contumeliosi, omni prorsus vitio ( quo nostrates pueruli scatent ) liberi. Dein. Rationis optima compotes sunt, & integri sensus & capitis, sed insuper nostratibus pueri Indorum & vigore spiritus, & sensuum vivacitate dexteriori in omni agibili præstantiores inveniuntur. His quæ ab Illmò. & Religiosissimo Viro mutuati sumus, subjungere placet verba Illmî. item & Clarissimi D. D. Joannis Diaz de Arce in Studio Bibliorum quæst. 49 scribentis de Mexicanis Indis: Plurima erant Collegia, in quibus Collega quingenteni & sexcenteni in Christiana Catechesi, varijs Artibus mechanicis & liberalibus, Cantu Ecclesiastico, Rituali divinarum Officiorum, imò & Latinitate & Scientijs erudiebantur.



Hæc inter Collegia eminebat constitutum Mexici, Imperiale à S. Cruce nuncupatum, auspicio Caroli V Cæsaris, ad Tlatelolco, PP. Franciscanorum operâ & diligentia, pro litteraria Indorum institutione in Athenæum illud confluentium, quibus dati fuere ex eodem Ordine Franciscano eximij doctrinâ & virtute Magistri. Nec porro ij oleum & operam perdiderunt elementa litterarum prima tradentes, Grammaticam, Rhetoricam, Dialecticam, Physicam, & alias liberales artes, quod eas omnes Indi citra negotium hauserint, & in singulis mirè profecerint, ac Magistris ipsis & institutoribus Præceptores se dederint Idiomatis Mexicani, & Œdipos egerint pro aperiendis scriptas antiquis Characteribus gentis Historias, & pristinorum monumenta rerum Mexicanensium. Quibus usi subsidijs P. Bernardinus Sahaguntinus magnum Dictionarium Mexicanum Historicum condidit duodecim constantem grandibus Voluminibus: P. Petrus Oroz, & celebres alij ex antiquioribus Franciscanis egregia Opera conscripserunt, ut testatur qui ab Indis quoque se profecisse gaudet P. Joannes Baptista in Proœmio benè longo, quod extat in Libro sermonum ejus idiomate Mexicano scriptorum. Ut enim Indi Hispanè sciebant atque Latinè, & his, & nativo Idiomate utebantur expeditissimè, Versiones adornabant Librorum Mexiceas, seu ex Latijs, seu ex Hispanis fontibus, quod in Bibliotheca nostra constabit, ubi Indos ab istis Translationibus claros laudabimus. Tumetiam PP. Franciscanis simili argumento insistentibus operam suam navabant. Adhæc,  
Ty-



Typographiam egregiè coluerunt, ex quo Mexi-  
ci constituta fuit, æneis characteribus scribentes ex-  
peditissimè cum Mexicano composita Idiomate  
Opera, tumetiam Hispano aut Latino sermone.  
Multos sanè in re litteraria Indi fecère progref-  
sus, maiores enim verò facturi si Mecœnates eis  
adfavissent, & ut in cœptis pergerent ære juvas-  
sent. Quòd tamen reditus Imperialis Collegij te-  
nuiores essent quam oporteret, & infirmis prædijs  
ac possessionibus collocati, sensim absumpti, tan-  
dem aliquando evanuerunt, Athenæumque infre-  
quens factum est, quod & si nostra ætate instau-  
rari cœperit, rursus evanuit numis ad id operis  
deficientibus. Certè, ut est fuitque jam diu mis-  
errima Indorum Natio, nullisque abundans opi-  
bus, imò egestate laborans insigni, vix præter  
Nobiles gentis ejus impendia studiorum causâ fa-  
cienda in Scholis sustinent, queis si juvarentur, mul-  
ti litteras colerent. Non id circo tamen nulli fue-  
re eruditione præclari, quorum scripta proprijs in  
sedibus collocabimus. Sunt etiam in præsentiarum,  
ut jam pridem, non pauci, conspicuo nati gene-  
re, qui studijs & laureis ornati, ea sunt præditi  
eruditione, quæ Parochos decet, cui ministerio stre-  
nuam dederunt operam, dantque etiamnum. Nec  
desunt qui scholasticam etiam Theologiam ebibant,  
in qua non pœnitendos fructus fecerunt aliqui, the-  
ses de ea tota publicè defendentes, mirantibus  
eruditis hominibus, Præceptoribusque plauden-  
tibus, ut nuper memoriæ tradidit politissimus ac  
doctissimus vir P. Josephus Gumilla, Hispanus  
Gandiæ genitus apud Valentinus, Societatis JE-



su, Provinciæ novi Regni Granatensis Provin-  
cialis, in *Orinoco illustrato & defenso* tom. 1. cap. 17.  
pag. 278. Edit. 2. Matritensis apud Emmanue-  
lem Fernandez anno 1745: Quo loci monet, In-  
dos Mexicanos ingenio excellere multum, præ-  
stareque Meridionalis Indis America, quibus usus  
non est natos suos, ut Mexicani de more habent,  
Academijs seu Universitatibus pro Scientiarum  
cultura addicere. Adhæc, plures etiam, quamvis  
ab Scholis extranei, multa ingenij & industriæ  
specimina palam exhibent haud quaquam vulgaria, è  
quibus memoria tenemus non ita pridem vitâ  
functum D. Ignatium Antonium Sandoval, nobili-  
simum genere, quem totos quadraginta annos fere  
quotidie ad Ædes Oratorianas convenientem no-  
vimus, dotibus jure multis laudandum. Musicæ tam-  
erat peritus, ut & Citharædum ageret & Lyricen,  
juxtaque Choraules & Tibicen esset, Organo scitè lu-  
deret, & Symphoniam duceret, sive Diathono uten-  
dum esset, sive Chromatico sono, aut figurato.  
Tum, ut erat pingendi doctus, telis colores indu-  
cere solenne habuit. Sculpturæ operam dabat,  
aurarium agebat, & in hisce omnibus juvenes ef-  
formabat, pijs ipse interea moribus ad senium  
usque & obitum institutus. Nec prætermittendum  
duximus, nuper memoratum Authorem P. Gu-  
millan, opportunè multa subjungere pro Indorum  
constantia in Fide Catholica ab imposturis exte-  
riorum aliquot vindicandâ, signatimque ab eis quas  
& in Hispanos & in Indos scripsit Noblot fol.  
520. tom. 5. Geographiæ suæ & Historiæ Uni-  
versalis, quæ perspecta optamus essent iis qui His-  
pa-



panos unà carpunt & Indos, horum Fidei, illorum  
que nomini invidiam moventes, quos inter Scrip-  
tores sine monumentis & fide dignis testibus isthæc  
effutientes ( ecquis enim ingenuus Vir solennibus  
suffragetur mendacijs?) numeramus Fridericum Sa-  
muelem Bock in succinta Historia Missionis quam  
afferunt Lipsienses in Actis anni 1744 pag. 183.  
ita scribentes: *In America multos populos non tam effi-*  
*caci convictione, quam vi ad christianam religionem traxe-*  
*rant ( Catholicæ Fidei cultores ) adeo ut Hispani 5.*  
*Archiepiscopatus & 44 Episcopatus, imò Seminaria passim*  
*constituerint, ac Inquisitionem Hispanicam introduxerint.* In-  
troduxerunt quidem & constituerunt ista, plurima  
que alia pro Catholica Fide Romanâ docenda, ampli-  
ficandâ, fovendâ in vastissimis hisce regionibus, qua-  
rum incolæ ultro sponteque sua universali Ecclesiæ  
aggregati, quotidie alacriores & ferventiores in ea  
tutandâ, egregia religionis & pietatis monumenta de-  
dere, perguntque in dies illustriora palam & coram  
dare. Nec verò crimen Nationis est, quod ab aliqui-  
bus clam patratû in avitam relapsis idololatriam, ceu  
commune scelus Indis à nonnullis obijcitur: nisi  
detractores isti dedecus credant Nationum, quæ apud  
Europam Catholicæ Fidei laude florent & gloriâ,  
quandoque ab ipsis progenitos Viros nequam, Hære-  
sum architectos, & Dogmatû fabros, quæ cane pejus  
& angue illæ ipsæ Nationes execrantur & oderint.  
At hæc obiter insinuassee sit satis, lectores amit-  
tentes ad Historiographos nostros præclara Re-  
ligionis & pietatis Indorum exempla tradentes,  
Illmûm. que Virum D. D. Joannem de Palafox tom.  
6 Tractatum de Natura eorundem ac Virtutibus  
ad Regem Catholicum nuncupantem. AN-



## ANTELOQUIUM XX.

Titulus Bibliothecæ Mexicanæ aperitur, & ab objectionibus vindicatur.

Cum novus Orbis duas, ut vulgo dicimus, complectatur Americas, Mexicanam, quæ Borealis est, & Peruanam seu Meridionalem, hanc intactam in Bibliotheca nostra dimittimus multis de causis. Principio quidem, quòd cum Alonensis Decanus, qui ut Opus aggredere-mur occasionem præstitit, Mexicanos signatim stylo confoderit, & infectatus fuerit, ipsos pariter vindicaremus æquum existimavimus. Tum etiam quòd Bibliotheca adornari Peruana ab homine Mexici constituto, etiam eruditissimo, sperari non possit, longe à nobis positis non manu exaratis solum Operibus, quæ non ambigimus esse plurima, atque doctissima, verum etiam quæ sint typis commissa, ad Mexiceas oras rarò delatis, obsistente immanissimâ locorum distantia, & infrequenti commercio navium, quæ vix annuatim ad Goatemalenses Portus apellunt multis citidem spatijs ab Urbe Mexicea distantes. Postrema, aliàsque primaria causa est, Peruanorum feracitas ingeniorum, frequentiaque eruditissimorum, quibus floret ac vernat America illa, Virorum, à quibus non locupletior tantum, sed ornatior etiam & elegantior Bibliotheca speramus prodeat, quæ cedro quidem digna Opera exhibeat, & cum litteratis Europæ cæterisque communicet. *Bibliothecam* itaque

fi-



fistimus Mexicanam sive eruditorum Historiam Virorum, qui in America Boreali nati, vel alibi geniti, in ipsam Domicilio aut Studijs asciti, quavis lingua scripto aliquid tradiderunt. Eorum praesertim qui pro Fide Catholica & Pietate ampliandâ fovendâque, egregie factis & quibusvis Scriptis florere editis aut ineditis. Mexicanam cur dixerimus Bibliothecam istam titulus ipse docet & geographicus usus, qui Americam Septentrionalem, ab Urbe ejus Primaria & Inclyta, Mexicanam appellat, cui servientes nos usui, Scriptores daturi in America Boreali florentes, sub Mexicana Bibliotheca conclusos exhibere conamur; in qua Caraqueuses itidem designabimus, coetera ad Meridionalem seu Peruanam Americam spectantes, in Geographia tamen Politica & Ecclesiastica Mexiceis adscriptos, quorum Dioecesis una est diocesis suffraganeis Ecclesiae Hispaniolensis seu Fani S. Domini. Carolinam, Virginiam, novam Angliam, Luyssianam, Canadam seu novam Galliam ab exteris Principibus viris possessas, ferè tacitas praetermittimus, cum quibus ne pererrarum aut nullum habemus commercium, protereaque Libros in hisce, Septentrionalis licet Americae, partibus scriptos, vix non omnes penitus ignoramus. Latet tamen nos minimè, & ab incolis & ab accolis earum, litteras etiam haudquaquam neglectas. Habemus enim Hispanice versam Mexici & typis excusam à P. Joanne de Urta sum S. J. Vitam Catharinae Tekakobitæ Indæ Iroquecianaë, Gallicè editam à P. Francisco Colonec ejusdem Societatis, nec alia, rara quamvis, id genus monumenta deficiunt. Legimus etiam apud Acta eruditorum anno 1724 publicata



Lipsiæ pag. 183 Historiam rerum in America Septentrionali per Gallos gestarum, Authore Debackeville de la Potherie, Gallicè editam tomis quatuor Parisijs apud Johannem Lucam Nion & Franciscum Didot 1722, in 12, cujus Hist. specimen daturi Lipsiensis ita habent. *Author hujus historie natus in Guadelupa Insula ex Americanis & Antillanis una, iter suum & expeditiones, quibus in Septentrionali America interfuit, describens, subinde veterum Poetarum Latinorum flores insperfit, ne nescij esemus scilicet, etiam in ipsa America scholas, quas vocant, humanitatis apertas esse. Ita illi. Et Author quidem Americanus haud frustra flores illos inseruit credimus, amenioris litteraturæ in America etiam vernantis indices Europæis futuros nonnullis, Emmanueli Martino simillimis, qui Eruditionem & Scientias florere posse nunquam extra Scholas suas existimare videntur, quos Peruanus Clarissimus D. D. F. Gaspar de Villaroel, Augustinianus, Archiepiscopus Charcensis in Comm. Evang. 2. part. pag. 254. verbis monitos voluit eximij Evangeliorum Interpretis Patris Joannis Maldonati Societatis JESU in illud Joannis cap. 7: *Quomodo hic litteras scit cum non didicerit? ita scribentis: Sciebant Sacerdotes, Scribae, & Pharisei Scholas suas Puerum non frequentasse, eaque erant arrogantia ut existimarent, nihil extra Scholas suas litterarum esse posse. Cavendum ne nos Phariseis istis similes simus, neminem que putemus quicquam scire posse, nisi sub nostra fuerit ferula; doleamusque juvenes succrescere, qui nescio unde repente emergentes ea sciant, quæ nos senes canoque Doctores capite, ignoramus. Jam verò cur in Bibliotheca Mexicana & natos apud Americam nostram Viros, &*  
ali-*



alibi genitos, atque Domicilio vel Studijs in ipsam ascitos comprehendimus, non una nobis ratio est. Nam & Alonensis Decanus una omnes calumniâ impetivit, & una eos omnes politica societas & respublica litteraria cunjugit, & quod caput est, Hispani in America geniti ut stirpem & genus ducimus ab Hispanis apud Europam natis, ab ipsis itidem litteras primum itraximus & doctrinam, cum Universitatis Mexicanensi condendæ operam dantibus, tum Religiosis Ordinibus constituendis, Fidei juxta ac Pietatis & Litterariæ quoque rei causâ. Aliarum etiam Nationum homines, quos vel studia in nostris Gymnasijs imbibita, vel perpetua aut longa apud nos commoratio Civitate donarunt, quibus etiam nominibus nostrates habentur geniti in Hispania permulti, nefas esset dimittere, aut minus splendide pertractare. Nec hoc absque exemplis facimus à præclaris Bibliothecarum Scriptoribus haustis. Nam Historia litteraria Galliæ, à Sant-Mauranis Benedictinis Orbi sapientum notissimis Viris edita anno 1733 in quarto magno, Eruditis è Gallica gente exteros etiam accenlet, dum quandam modò vitæ partem in Gallia exegerint, fatoque suo ibi sint functi, atque ex ea re Irenæi & Lactantij rationem habet, omiſſis contra Athanasio, Hieronymo & alijs, haud diu satis inter Gallos commoratis. Bibliothecæ item conditor Authorum Lugdunensium P. de Collonia, Societatis Jesu, anno 1730 editæ, propterea agit de Illustri Cancellario Joanne Gersono, quia & si Lugduni non natus, diu tamen ibi vixit. Hinc aliquos missos



facimus in Bibliotheca nostra, de rebus Americæ nostræ præclare scribentes, quos hospites potius habuimus quam cives, cetera de rebus Mexicanensibus benemeritos, ut P. Antonium Remesalium Dominicanum, cujus Historia Provinciae Ordinis sui apud Chiapam & Goatemalam nobis usui est Nationem Scriptorum & Patriam, si quidem fieri poterit, indicabimus, quam multoties præteritam faciemus, diligentia nostræ subductam. Mexicanos Natione quos legeris, scito Hispanos esse in America natos, nisi conceptis verbis expressum videris ab Indis parentibus illos esse procreatos; ut propterea mirum Tibi non esse debeat, apud Bibliothecam nostram Mexicanos Natione dici hos ipsos, qui in alijs Bibliothecis Hispani dicuntur. Utrumque enim è vero credas. Hispani enim sunt, si genus spectes & sanguinem, quod Hispanis genitoribus usi; & infimul Mexicani Natione, quippe natale solum Mexicanum habeant, aut Mexiceam Americam. Jam verò quoniam tria præsertim à nonnullis notanda veremur in Bibliotheca nostra, eam ut ab hisce criminationibus vindicemus, paucis agamus. Primo quidem, vitio nobis vertent, non edita typis solum, sed etiam manu exarata Opera & Opuscula multoties in Bibliotheca recenseri. Secundo, de minutioribus quoque nos Scriptis sollicitos, operam in ipsis indicandis amittere. Tertio, multos nos esse in rebus Scriptorum christianis & religiosi commemorandis, fusiorque quam oporteret calamo in eis enarrandis usos & efferendis. Hæc porro in Bibliothecam nostram objicienda, quoniam  
niam



nam jam pridem in alias à sapientissimis Viris con-  
ditas dicta fuere, & ab eisdem aut alijs gravissi-  
mis item Authoribus dissoluta & nihili facta, non  
est cur nos morentur. Quod enim ad manuscrip-  
tos Codices attinet referendos, exemplo nobis sunt  
omnes ferme qui Bibliothecas adornarunt Natio-  
num, Ordinum, & quorumcumque Cætarum: illos  
recensent D. Nicolaus Antonius in Bibliotheca  
Hispaniæ nova; P. D. Marianus Armellini in Bi-  
bliotheca Benedictino-Casinenfi; PP. Quetif. &  
Echard. in Scriptoribus Ordinis Prædicatorum; P.  
F. Joannes à S. Antonio in Bibliotheca Francis-  
cana. P. F. Martialis à S. Joanne Baptista in Bi-  
bliotheca Carmelitarum nudipedum; PP. Ribade-  
neira, & Alegambe in Bibliotheca Societatis Je-  
su, quos & si imitatus non fuerit ipsorum conti-  
nuator P. Nathanael Sotuelus, causam adjecit vi-  
randi nimiam operis molem, non quod Mss Opus-  
cula suum in Bibliothecis locum haud mereantur  
& sedem; alijque permulti ab referendis id ge-  
nus Codicibus abstinentes minime, quin propte-  
rea Eruditi viri in eorum Bibliothecis displiceant.  
Sistimus itaque lectoribus Mss. Libros aliquos,  
illos scilicet, vel quos laudatos ab Historiographis  
nostris habemus, vel quos ab Academicis tabularijs  
noscimus, vel quos traditione testibusque debemus;  
non quidem omnes, quoniam eos assequi, etiam mo-  
lestissimâ adhibitâ diligentiâ, poterit nullus, coactique  
sumus ea nos abdicare provincia, optantes ut in po-  
sterû à diligentioribus edita locupletior accessioni-  
bus Bibliotheca Mexicana, lucem ulteriorem accipiat.  
Alterum verò caput criminationis, quod secun-  
do



do diximus loco, minutiora tangit Opuscula im-  
merito, ut videtur, in Bibliothecam trahenda.  
Sed & ipsum non absimiliter ac primum evanes-  
cere remur, utimurque verbis Antonij Mongito-  
ris in Præfatione Bibliothecæ Siculæ circa finem,  
ita scribentis: *In nostrorum Scriptorum albo nonnullos in-  
serui qui exigua molis Opellas edidere;... Quos debita lau-  
de minimè fraudandos putavi. Pars enim per sepe magnam  
complectuntur ingeniorum excellentiam, magnamque redolent  
pietatem; sicut enim aliquando (ex Plinio lib. 1. cap. 2.)  
rerum natura nusquam magis quam in minimis tota, ita  
non raro ingenij vis in minutioribus opellis tota elucere vi-  
detur. Sicut etiam Summi Artificis est in exiguo opere artis in-  
dustriam ac elegantiam Myrmicidis ingenio exprimere, ita  
egregij ingenij laus in contractis lucubrationibus ingentium vo-  
luminum materiam perstringere. Nec sine exemplo id effi-  
cere statui, nam S. Hieronymus, S. Isidorus, Gennadius,  
Trithemius, Mireus, Bellarminus de Scriptoribus Ecclesiasti-  
cis, Leo Allatius in Apibus Urbanis, Philippus Allegambe  
in Bibliotheca Societatis JESU, Nicolaus Antonius in Bi-  
bliotheca Hispana (quibus se clypeis etiam protegit D.  
Nicolaus Toppi in Bibliotheca Neapolitana) aliique  
plures inter Scriptores nonnullos recensent, qui vel Epistolam, vel  
Carmina perpauca, aliaque perparvula edidere, quasi ipsis  
dixisset Dominus: Colligite fragmenta, ne pereant. At mul-  
tos fateor, qui parvi momenti libellos, vel versiculos ali-  
quot typis tradidere, nec alia scripsisse comperi, libenter ne-  
glexi. Hæc ille, cujus sententiæ laudatus supra Ma-  
rianus Armelini in Præmonitione suæ Bibliothecæ  
partim repugnans subjungit: At ego ne hos quidem  
negligendos aut omittendos putavi, nam in istis etiam par-  
vi momenti libellis, esto insipidi alicui videri possint, salis ali-  
quid*



quid ac utilitatis vel ad Historiam pertinens persape inesse animadvertum est; Ut enim ( inquit M. Varro in lege Menia ) in bona segete neque nullum est spicum nequam, ita in mala non aliquod bonum... Presertim cum Scriptorum aliqui illos retenseant inter quos Ja. Cinellus ex hujusmodi Opellis & minimis etiam lucubrationibus, ne dum ex melioris notæ opusculis Volantem Bibliothecam magna nominis sui celebritate, nec minori Litterariæ Reipublicæ emolumento conflavit. Astipulantur probatissimi Authores Jo Gerardus Vosius.... Bernardus item Paz in Conspectu Bibliothecæ Benedictinæ generalis &c. Nos autem prioris nominati loco Mongitorij sensui adhærentes, plurimos certè etiam typis excussos libellos præteritos facimus, quibus ( absit jactantia verbis ) Volumen integrum repleremus, nam, quæ dicimus, Novendialia pia tot sunt edita, ut non à vero absint qui mille ea dicunt. Abstinuimus ab hisce narrandis, vixque ab uno altero ve Authore profecta indicamus, quæ multa sunt numero, aut majoris operæ Scriptis juncta.

Postremo ex objectis capiti satis ut faciamus est reliquum, fusiorisque nostri sermonis in enarrandis nonnunquam Scriptorum gestis atque virtutibus rationem demus. Alia porro quamvis non suppetere nobis momenta, sat superque habemus exemplar, quod multi ex laudatis celebratissimis Bibliothecarum scriptoribus coram exhibent. Sive enim Ribadeneiram, Alegambium, & Sotuellium consulas, multoties latè res christianæ ac religiose gestas ab Scriptoribus Societatis accipies; sive Quetif & Echard adeas, invenies similiter enarratas præclaras Dominicanorum Authorum virtutes; sive Nicolaum Antonium & alios legas, unâ



cum Libris acta Scriptorum compaginata non raro cernes. Cujus rei, cætera legentibus id genus Volumina notæ, opportunè satis ad institutum suum meminit laudatissimus jure Criticus M. Feijoo Epistola 18. Tom. 4. Accedit id pro Americanis Scriptoribus, vix in Europa notis, longè convenientius esse & utilius, in primisque Catholicæ Ecclesiæ splendorem & decus nonnullum conciliat, egregia nostratum facta referre pro Fide Catholicâ ampliandâ, & pietate fovendâ, quæ porro gesta minus sunt apud in Europa scribentes Historias obvia, imò nonnullis vix non videbuntur impossibilia. Nam (ut hoc occasione data moneamus) fuerunt Europæi Scriptores tam de rebus nostris ignari, genitisque in America Hispanis Viris usque adeo infesti, ut pessimè de moribus nostris dijudicaverint, totique, qua late patet, Americæ utrique turpitudinis notam, neutiquam tolerandam, inuserint. Quid enim non deblaterarunt impostores aliqui, qui terrarum Orbem pervagati, mendacia pro arbitrato suo cudunt, & scriptis in vulgus spargunt? Impudentissimi ut illi sunt, ganeones ad unum Americanos omnes mentiuntur; mendaces, cunctisque sordibus deditos & flagitijs ubique prædicant; Virosque in primis Ecclesiasticos cujusvis Ordinis cane pejus & angue quod oderint, criminantur, & injurijs afficiunt. Hos inter veteratores nemini secundum habemus Franciscum Corral, aut eum qui ejus in Indias Occidentales peregrinationem Hispanicè scripsit, quæ Gallicè edita est Parisijs anno 1722. Tomo enim primo tam splendida & insignia congeffit mendacia



dacia pro dehonestandis præsertim Mexicanis viris & fæminis, Ecclesiasticis etiam & Religiosis, ut pudeat tædeatque illa aut referre aut refellere, quæ cordato cuique & Americæ non ignaro bilem & stomachum movent. Sed abeat in malam Crucem homo maledicus, unàque cum ipso facessant convitiatores alij, quibus, præter argentum nostrum & aurum, Americana sordent reliqua; qui ex sua natura nostros confingunt, & in veteris invidiam Orbis iniquissimè vocant. At enim, inquires, F. Joannes à Ponte Vir eruditus erat & religiosus, qui tamen nullus dubitavit palam edere, cælum Americanum inconstantiam, lasciviam, & mendacium inspergere, queis apud Indias occidentis geniti notis sordescunt Indi & Hispani, solumque Americæ herbis & metallis proginendis aptius esse quam hominibus generandis, qui, ut optimum etiam semen, agri, cui committitur, vitio, sensim ab insita virtute desciscit, ab Hispanis ingenuis & benè moratis parentibus defleant & deficiunt. Ita quidem habet Author is candore animi laudabilior quam eruditione ac judicio. De quo non inficetus esset qui diceret, cælum unà deturpasse & Americanos, quos & spurcitiam & alia scelera à cælo haurire facili negotio crediderit. Insignem porrò dixeris Virum, & egregie de nostris Indigenis meritum, deque Summis Ecclesiæ Pontificibus & Hispaniarum Regibus, id genus hominum libidine, inconstantia, mendacio sordentium, & ab avita stirpe degenerum, Ecclesijs & Reipublicæ sæpe numero præficientibus & laudantibus. Valeat igitur bonus Vir, & haustas ab



impostoribus fabellas effutiat, quas circumspecti quique explodunt & cachinis excipiunt. Certe si aliquorum, qui in America nati fuere, navos in Nationem universam fas esset refundere, nulla sane toto Orbe terrarum gens esset à libidinis nota & cœterorum criminum experta. Ubi enim isthac hominum portenta non sunt? Hanc ob rem Solorzanus & Murillo Joannem à Ponte non audiendum existimant, nec item suffragantur Josepho de Acosta, minus quam oporteret cautè de Hispanis in America genitis scribenti, cujus, & aliorum, si qui sunt, sinistra de nostratibus edocentium, suspectum testimonium esse Murillus docet, forsitanque à simulatibus & æmulatione natos inter in Europa & America ortum habere. Magni verò faciendum esse Murillij hac in parte iudicium ij pronuntiabunt, qui ab ejus Historica Geographiâ didicerint, Vinum ipsum fuisse non nimis Americanis nostris devotum, de quibus haud consultissimè aliqua scripserit, quæ præterita facimus, ne, quod dicitur, extra oleas feramur. Sed de his satis pro extremo quod objici in Bibliothecam nostram poterit capite.

Hæc ut visa sunt nobis digna animadvertitione, errata pro tenuitate facile Opus ingressa plurima, ab eruditis credimus condonanda, boni & æqui ducentibus studium in gentem nostram & Minervam Mexicanensem pessimè ab Decano Alonensi tractatam, secusque ac Europæi sapientissimi & gravissimi ipsam habuerint. Ad extremum lectores monitos volumus, Bibliothecam nostram hausisse quidem Scriptores Americæ Mexicanæ,




at non exhaustisse, plurimi enim adjiciendi erunt  
cū ex antiquioribus, tum è recentioribus, editis  
& ineditis. Quòd enim nullo adhibito Operis &  
laboris socio id aggressi fuerimus, & ad præsens  
usque ducamus, novis accedentibus, quæ distrin-  
gunt nos, negotijs quotidianam operam expos-  
centibus pro ministerijs nostris gerendis, afflictio-  
rique valetudine indies urgente; integrum non  
fuit nobis Archivia, quæ sunt reliqua, perlustrare,  
& myrothecis scrutandis insistere, ijs contenti quæ  
pridem evolveramus, verentes scilicet, ne absolutis-  
simum & locupletissimū Opus molientes, nullum tan-  
dem daremus, resque prorsus infecta maneret. Certe  
è voto successisset nobis atque sententia, prædivitem  
que Bibliothecam nostram exponeremus, si ma-  
jora nobis otia nacti pro ipsa amplificandâ, ulte-  
rius vestigare & inquirere potuissemus; quamvis  
exploratum certumque habeamus, plurima, & le-  
vi servanda cupressu, Opera Mss irreparabili ja-  
ctura evanuisse, furto sublata, & minus quam opor-  
teret cautè ac sollicitè custodita, illis præcipuè  
temporibus, in queis exhaustâ papyro, ut multoties  
accidit, sero ad nos appellentibus navibus Euro-  
pæis, deficientibusque chartis puris, manu exara-  
tæ plurimi vāniunt, & applicantur illiberalibus  
usibus ac despectis, subindeque & Archivia &  
Bibliothecæ, & id genus alia sæpe expilata fuere,  
& nobilissima parte imminuta, in flammæque &  
fumum abierunt Libri quam plures publicâ dig-  
nissimi luce, atque in crepitacula papyracea quæ  
optimè apud sapientes audirent Volumina. Hanc  
scilicet ætate nostra fortunam Clarissimorum Scrip-



ta Virorum sunt passi, quæ tablina multa diu impleverant. Solvimus itaque, utut possumus, fidem datam, Bibliothecamque sistimus Mexicanam, quam, & nosmet ipsos Catholicæ Ecclesiæ Romanæ ex corde subjicimus, & sapientum itidem Virorum censuræ, qui etsi noverint aliqua ( admodum pauca ) à nobis recensita Opuscula S. Inquisitionis jussu expurgata, historicè dicent scribentis esse, cuncta ad institutum suum pertinentia tradere, quin propterea ijs calculum adjiciat, quæ improbata à Superioribus fuerint.

Sed priusquam hinc abeamus, Eruditos nostros rogatos volumus, suum ut quisque in Opus commune symbolum dignetur afferre, certos nos de ijs facientes Opusculis, editis aut ineditis, quæ vel apud se habent, vel alicubi esse, aut aliquando fuisse certò dignoverint, queis unà cum Authoribus suis opportuna subsellia dabimus, eorum à quibus id officij receperimus, ut par est, memores, grati adversus ipsos animi significatione palam exhibitâ, pro ut hactenus fecimus, ijs præsertim qui à nobis per litteras requisiti, suis nos Syllabis sunt dignati, passim commemoratis.

# Protestatio Authoris.

UM S. D. N. Urbanus Papa VIII die 13 Martij anno 1625 Decretum ediderit, idemque confirmavit die 5 Julij anno 1634 quo inhibuit imprimi *Libros hominum, qui Sanctitatis seu Martyrij fama celebres è vita migraverint, gesta, miracula, vel revelationes, seu quæcumque beneficia tanquam eorum intercessionibus à Deo accepta continentes, sine recognitione atque approbatione Ordinarij, & quæ hactenus sine ea impressa sunt, nullomodo vult censerì approbata; Idem autem Sanctissimus die 5 Junij anno 1631 ita explicuerit, ut nimirum, non admittantur elogia Sancti vel Beati absolute, & quæ cadunt super Personam, bene tamen ea, quæ cadunt super mores & opinionem, cum Protestatione in principio, quod ijs nulla adsit authoritas ab Ecclesia Romana, sed fides tantum sit penes*  
Au-



*thorem*: Huic Decreto, ejusque Confirmationi & Declarationi observantiâ ac revetentiâ, qua par est, insistendo, profiteor, me haud alio sensu quidquid in tota hac Bibliotheca Mexicana refero aut attingo, quod materiam concernit in prædictis Decreto & Declaratione ac Confirmatione contentam, accipere, & accipi ab ullo velle, quam quo ea solent, quæ humana duntaxat authoritate, non autem Divina Catholicæ Romanæ Ecclesiæ aut Sanctæ Sedis Apostolicæ nituntur, ijs tantummodo exceptis, quos eadem Sancta Sedes Sanctorum, Beatorum, aut Martyrum Catalogo adscripsit.





# BIBLIOTHECA MEXICANA.

## A

**A**CADEMIA MEXICANENSIS principio nobis Operis appositè factis occurrit, ut narratio isthæc nostra exordium inde sumat, undè per duo hætenus secula Scriptores benè multi prodire, quorum & Nomina & Scripta suis deinceps locis sunt inferenda. Agmen ergo ducit Alma Parens ipsa, quam turmatim inde Filij haud imbelles sequuntur, sua quisque indutus arma, Scripta videlicet, queis cathafracti singuli, Minervam omnes nobilissimo stipant satellitio. Porro ubi Hispani fortissimi milites, duce inclyto viro laudeque omni maiore, FERDINANDO CORTEZIO, Mexicum Primariam vastissimi Imperij Urbem toto celeberrimam Mundo, opibus, civibus, de-

licijs, temperie, ædificijs, tunc quidem temporis, maximam partem, super aquas solidè affabreque constructis, nobilissimam, atque ut JOANNES HENRICUS ALSTEDIUS scribit, totius Orbis maximam, incredibili penè robore, decumanis laboribus, inflictis acceptisque vulneribus, ac multo hinc inde fusso sanguine subegerunt; Prima illis Religionis cura cum esset, divinæque amplificandæ gloriæ cogitatio plerosque, atque in primis CORTEZIUM teneret, nullum non moverunt lapidem, ut innumeris prope modum Indis tenebris hætenus idololatriæ circumseptis veræ fidei lucem affunderent, sacroque initiatos lavacro ad mores Christianis dignos hominibus, atque ad omnem simul humanitatem efformarent.

A

2 Hæc



2. Hæc ut è voto succederent, & Paræcias & Tempia quantocyus erexerent, & Religiosorum Conven- tus hominum fundavere, & pro in- stituendis rite pueris Domicilia & Collegia cogitare cœperunt; potissi- mum verò amplissimam UNIVER- SITATEM expetere; in quam & ex- terni confluentes & incolæ, Indi pariter & Hispani, Facultates om- nes & Scientias, prout in Europæ Scholis Academijsque insignibus, explicate traditas invenirent, qui- bus, ut quisque valeret, instru- cti, alios deinde, aliosque doce- rent, atque ita fieret brevi, ut plu- rimi Magistri suppetere, cum pro erudiendis in re Christiana Popu- pulis, tum etiam ad eosdem omni disciplinarum genere imbuendos. Quod autem Invictus Imperator simulque Hispaniarum Rex Ca- tholicus CAROLUS V. nulli in his- ce votis concederet, imò maxi- mè optaret ut qui, Ipso Imperante, Novus Orbis Hispaniæ juxta ac- cesserat & Ecclesiæ, ita demum or- natus excultusque evaderet, ut non divitijs modò rebusque pulcherri- mis abundaret, sed verò etiam ho- minibus, qui Catholicam dissemi- nare Fidem & defendere in va- stissimis Regionibus possent, ac Religioni & Nationi delicijs essent atque decori; secum animo repu- tans compendio se usurum, si Uni- versitatem Mexici erigendam præ- ciperet, Regia id jussit Scheda XXI. Septembris MDLI. data, qua insimul annuos quosdam redditus consignavit, quibus cum alijs Re-

gia itidem accesserint liberalitate, Amplissima Academia erigi a fun- damentis potuit, florereque cœpi- statim.

3. Cùm enim is qui Caroli no- mine Imperij clavum Mexicani te- nebat D. LUDOVICUS DE VELASCO, Regijque Auditores mox relatum audissent Decretum, obtemperandum illico existimarunt, nec ullam ne- cientes moram, cunctis quæ pro egregio opere necessaria fuerant, industrie expeditis & promptè, tan- dem XXV. Jannuarij, MDLIII. solen- nissima pompa ac supplicatione, Regia Universitas Mexicana erecta est, potirique incœpit Privilegijs, queis CAROLUS ipsam dignata fue- rat amplissimis, quæ videlicet cun- ctæ Hispaniarum Academia, in pri- mis Salmanticensis toto Orbe prin- ceps, retroactis sæculis coacerva- verant. Nec verò ab Hispaniarum duntaxat Regibus munificentissi- misque Patronis Academia Mexi- cea gratias accepit plurimas, sed à Sede etià Apostolica decorata haud minoribus beneficijs & donis fuit, procurantibus ipsis Regibus, uti Pontificia muniretur confirmatio- ne, liberalitateque Ecclesiæ gran- desceret, quam proprijs nuper sumptibus Universitatem erexe- rant. Nobilis quidem Scriptor M. MARCELLINUS DE SOLIS, Agusti- nianus, ejusdem Rector Academia tunc temporis, cùm Statuta typis excussa sunt, quibus nunc etiam regitur, in Proœmio eis præfixo, non jejuno quidem, sed anti- quorum relatione monumentorum divi-



divite, PAULUM IV. expeditis literis anno MDLV. eam confirmasse scripsit: atque hunc sequutus Authorem idem tradit FR. BALTHASAR DE MEDINA, eruditissimus nudipedum Sancti Francisci Historiographus in Chronicis Provinciae SANCTI DIDACI Mexicanæ, Cap. 24. num. 827. quos refert in Commentarijs ad secundam Academiae Constitutionem egregius earumdem Interpres D. JOSEPHUS DE ADAME ET ARRIAGA num. 43. At quoniam isthæc PAULI IV. Diplomata in Academicis Tabularijs multoties diligenter quæsitæ, inveniri potuerint nunquam, nil in ipsis moramur, alijsque interim Privilegijs Apostolicis supersedentes, Bullam à CLEMENTE VIII. subscriptam nonis Octobris anno Domini MDXCV. præmanibus habemus, cujus Authographum ingredientiæ quotidie Sacellum Universitatis ejusdem suspiciunt, quod palam coramque cernere est chrystallo occlusum, auroque circumseptum. Scilicet, cum Universitas Mexicana honori semper eximio ducat Pontificiam audire, se se Apostolicæ sedi devotam ex animo, demississimeque subjectam, stemmatis loco Bullam appendit, quam à Catholico Hispaniæ Monarcha PHILIPPO II. exoratus Sanctissimus Pater CLEMENS VIII. libenter indulgit, ratam non modò firmamque eandem Academiam statuens, sed SALMANTINÆ, COMPLUTENSIS, & reliquarum, quæ apud Hispanos vigent & celebrantur,

omnibus & singulis Privilegijs frui & gaudere decernens.

4 Jam verò, ut perpauca insinemus è plurimis, quæ Academicam nostram illustrent, nec concludi paginis hisce nostris aliter possent, quam brevi Oceanus concipiat; placet ejusdem initia utcumque libare, ut dein quæ procedente tempore sumpserit incrementa, & quo tandem modo supremum gloriæ verticem ascenderit, summis lineamentis adumbrare tætemus. Juvat porro D. FRANCISCUM CERVANTES SALAZAREM, primum apud Nostrates Rhetoricæ Professore excipere in eo, quæ altero ab incæpta Academia anno, hoc est 1554. edidit DIALOGORUM pulcherrimo Libro. Nam, ut legere est à folio 247. mox conditam Universitatem describit, colloquētibz MESA, ET GUTERRIO, quos illo in Dialogo opportunè satis pro suo inducit institutoque nostro. Et GUTERRIUS quidem sic, post alia, Socium alloquitur: *Sic res habet, sed doce rogo quod ex alio scire noli, quæ sit hæc domus, quæ altero membro, tot ac tantis supra subterque factis fenestris forum, & facie publicam viam respicit: in quam bini modò, modo terni, nunc turmatim veluti Magistrum officij gratia asectantes in pallijs oblongis & quadratis pileis ad aures usque demissis, juvenes ingrediuntur.* Tunc Socius MESA: *Academia est & formativum adolescentum: Qui ingrediuntur sunt Scholastici Minervæ & Musarum amatores.* Post alia verò subdit GU. *Atrium pro frequentia & dis-*



centium numero satis capax. Verum quod est potius, quodque Academiam vere nobilitat, quales habet Institutores? ME. Optimos. GU. Non de probitate rogo, sed de doctrina, & docendi dexteritate. ME. Industrios & in omni scientia versatissimos: vis dicam? Minime vulgares, & quales paucos habet Hispania. GU. Ecquis fuit reitanta author? ME. Caesar cujus auspicijs & ductu multa sunt ubique terrarum præclare gesta. GU. Quibus immunitatibus & privilegijs? ME. Maximis & multis, & in omnibus à Salmaticensibus nihilo dissimilibus. GU. Multo pluribus, ac si fieri posset, maioribus digni sunt, qui & tam procul à Patria docent, & qui in tanta opulentia, & Parentum delicijs discunt. ME. Quinpotius, quod dicere debuisses, eo utrique honore afficiendi sunt, quod novum Orbem sapientiæ fulgore, ignorantia nebula, qua obscurabatur, primi omnium liberent, & Indos in fide cultuque Dei sic confirment, ut ad posteros semper firmior derivetur integritas.

5 Sed ne longum æque ac politissimum Dialogum hîc transcribamus, sat erit honoris ergo Antecessores illos indigitare, quos non sine magna laude, cuius erant dignissimi, CERVANTES recenset; Magistrum scilicet BUSTAMANTIUM, qui cum in Philosophiâ doctus esset & laureâ donatus, Grammaticâ diligenter profitebatur in Academia, cui tradendæ in privatis ædibus strenuâ per annos viginti sex operam dederat, atque ita feliciter juventutem Mexicanam instituerat,

ut vix ullus esset qui aut concionaretur, aut doceret, qui non ejus esset discipulus: JOANNEM GARCIAM, Presbyterum, Artium etiam Magistrum, qui Dialecticam edocebat: Doctorem MORONES, cuius partes in Canonico Jure interpretando primæ erant: Doctorem itidem AREVALUM SEDENUM, qui Pontificum quoque decreta explicabat absolutissime, & quam Salmanticæ maximam dese spectationem facerat, Mexici augebat. His annectit Doctorem FRIAS, & in Artibus Magistrum, & Græcè & Latinè doctissimum, Justinianæ Institutionibus aperiendis incumbentem ex munere: JOANNEM NEGRETE Philosophiæ & Theologiæ Doctorem, in Mathematicis ad admirationem usque versatum, nec Medicinæ ignarum, qui Theologiam Auditoribus exponebat: ALPHONSUM A VERA-CRUCE, Augustinianum, virum jure commendatissimū, Artium infulis & Theologiæ redimitum, quem primum sacrorum Bibliorum Interpretem Academici audiebant. Et ut alijs interim supersedeamus, placet colophonis vice paucula ejusdem verba Dialogi afferre. GU. In nascente Academia magnos mihi & eximios viros narras, & qui in confirmatissima & aucta multis & opimis reditibus jure suo singuli munera sua obire potuissent. Et alijs interjectis, hanc Dialogo suo auream CERVANTES imponit coronidem, GUTERRIUM in hunc dicentem modum adducens: *Vestra tamen Academia in barbarâ,*



*barâ & ante hac incultâ regione posita, modo etiam nascens eiusmodi est inchoata principijs, ut brevi credam futurum, novam Hispaniam ut hætenus argenti copia, ita in posterum sapientium multitudine apud cæteras Nationes optime audituram.* Hercle vaticinanti simillimum nullus non crederet CERVANTIUM nostrum, qui & alios, suis à nobis adducendis locis, diversarum Nationum Doctissimos viros audierit, & Eruditissimum plane Germanum P. HENRICUM SCHERER, Societatis Jesu ibi legerit, ubi postquam sapientissimos ejusdem Societatis Professores in America natos instructosque numerat, totidem quæ sequuntur verbis concludit, in *Atlante novo* p. 4. seu *Geographia Politica* p. 4. cap. 3. propolit. 9. pag. nobis 823. *Atque hæc fere Bibliothecâ Scriptorum Societatis mihi suggestit, quibus si aliquando accedent ea, quæ ab alijs, præsertim Sacrorum Ordinum Religiosis Americanis præclare gesta sunt ( & quorum notitia nunc ego destituor ) satis superque patebit, agrum Americanum non tantum auri & argenti, sed etiam virtutis eximie & scientiarum omnium feracem esse.*

6 Ast quoniam, & quæ CERVANTES haud vanus sibi vates pollicitus fuerat, & quæ SCHERER partim attestatur, & partim optat, bono à nobis in lumine collocanda veniunt in Bibliothecâ nostrâ; nunc in Academia, quæ ejusdem caput & principium agit, morati, præcipua huius ornamenta persequamur

dicendo, è quibus Litterraria Americæ nostræ Respublica mirabiles certe fructus accepit. Et quòd ad scientias attinet, quæ traduntur in ea, Celeberrimas ut imitaretur Scholas Europæ, Fundatores enixè curarunt, egeruntque, ut præter Grammaticam & Rethoricam Philosophia doceretur in Aulis suis, & qua latissime patet à varijs ordinate ac distincte Professoribus dictaretur. Adjectus deinfuit, qui disciplinis Mathematicis præesset, earumdemque candidatos instrueret. Pontificijs juribus enucleandis Antecessores adlecti sunt, qui id officij susciperent, ut adolescentes Ecclesiasticis imbuerent sanctionibus; alij verò eò destinati ut Civilium apices explicarent, nodos exsolverent, praxim traderent. Ad hæc sex pro sacrâ Theologiâ expendendâ designati, quorum unus Bibliorum sacrorum interpretationi, reliqui cæteris amplissimæ Facultatis partibus, pro suo quisque munere, insisterent. Quòd verò ad Idiomata spectat, sapientissime constitutum à Maioribus nostris est, ut quandoquidem tam sunt multa in hisce Regionibus, Hispanis etiam in eis natis ignota, ut pro illis discendis non modò egregiâ opus sit diligentia, sed industrijs etiam Magistris: tamque earumdem usus linguarum necessarius, quam qui maxime ad Indos instruendos in Fide, & in omnibus Christianis juxta ac politicis disciplinis educandis: prudentissime inquam à nostris conditoribus fuit provisum,



ut eorum vice Antecessorum qui in Europæ Academijs Sacras Linguas profitentur, in nostra gemini instituerentur pro duabus tradendis, quæ communius in America nostra tenent, & quodam gaudent veluti principatu, *Mexicana*, ut vocantur, & *Othomia*. Queis factum est omnibus, ut viginti tres Antecessores suam quotidie spartam Academicis in Gymnasijs adornent, totidem præfecti Suggestibus, è quibus frequentissimis auditoribus dictando explicandoque doctrinas instillant, quæ & ipsis, & publico bono sunt profuturæ. Quātus porro Scholasticorum concursus ad Minervæ atria sit, conjici inde potest, quod, ut alia nunc taceamus Collegia pro juvenibus instituta Mexici, florent amplissima duo, in quæ supra quadringenti se recipiunt adolescentes, Regium videlicet S. ILDEPHONSI, quod Societatis JESU Patres moderantur & regunt, plusque ducentos fovet Alumnos; & Tridentinum S. PAULI, AC PURISSIMÆ CONCEPTIONIS, quod Ecclesiæ Metropolitanae Seminarium est, ducentisque fere Socijs ornatur. Queis cū & ex alijs Collegijs adventantes in Academiam jungantur plures, & qui in privatis ædibus habitant oppido multi, fit ut auditorum multitudine ipsa insignis evadat, & discipulorum frequentia Magistri suas abunde partes expleant officiaque.

7 Ut tamen Mater est alma Universitas Mexicana, quæ cū prope adstantes, in Urbeque de-

gentes primaria filios, uberibus admoveat, tum etiam longe positos, & alibi Civitatum, imò Regnorum domicilio gaudentibus lac Scientiarum propinat, medijs scilicet Alumnis strenuis, mirum plane est quanta grandescat sobole, hominumque doctissimorum numero. Nam si Collegijs & Cœnobijs quæ intra Mexicana pomæria sunt, illa omnia adjiciamus, quæ extant in tota Diœcesi MEXICANA, insuper & in ANGELOPOLITANA, item in MICHOCANENSI, & in GUADALAXARENSI, ac demum GOAXASENSI, & DURANGENSI, quæ singulæ patent latissime; subductis bene calculis inveniemus sexaginta haud minus litterarum Domicilia esse, è quibus in Academiam involant studiosi, quæ Regulares, quæ Sæculares, laureas & infulas petaturi, queis præmisso non perfunctorio examine, redimiri discipiunt, & pro cuiusque merito candidati donantur. Hinc fit, ut ingens admodum Doctorum ac Magistrorum numerus in Academico albo tabularioque supputetur. Sunt continuo qui Mexici degunt centum plus minusve; nec pauci qui absunt, longeque sunt positi ac longius, Paræcias regentes, Ecclesijs inservientes, Rerum publicarum causas agentes, salutem, fortunas, animas curantes, varijsque distenti officijs, ac muneribus occupati, in eis omnibus quas nuper insinuavi ditionibus. Nec sane id mirum cuique videri debet hac nostra tempestate, multisque

tisque retro annis usu venisse, cum jam inde ab incunabilis grandis nata fuerit Minerva nostra, tamque multis armata militibus, id est Doctoribus circumcincta prodierit, quam quæ maxime. Huc certe collimavit laudatus supra CERVANTES noster, qui de nuperrime condita Academia GUTERRIUM suum & MESSAM sic verba facientes scribit: GU. *Quantus est Doctorum, & Magistrorum numerus?* ME. *Ex his qui Mexici supremam coronam sunt consecuti, & his qui alibi eadem donati sunt, jam Academia alumni & illorum ordini adscripti, tantus ut vix maior sit Salmantica: Ad quam tanti Gymnasij felicitatem hoc accessit, ut* ALPHONSUS A MONTUFARE *Mexicanus Archiepiscopus, in Sacra Theologia eximius Magister, in serie & classe Doctorum primus reponeretur, sic in litteras & litteratos affectus, ut nihil tam enixe curet, quam quo pacto maiores semper in re litteraria progressus fiant.*

8 Atque id honoris ubi memoratum audimus, quanti per duo secula Academiae accreverint non abs re erit paucis innuere. Agmen duxit mox relatus Antistes Illustrissimus, qui & adscribi Doctoribus Mexicanis voluit, & Cancellarium Academicum agere, ipsumque imitantibus præclaris viris, & nascenti Universitati lucem afferre, & vicissim accipere placuit, ut statim adulta haud minores ipsa ederet filios, quorum lumine ad miraculum usque niteret. Effulsere in primis Archiepiscopi itidem Mexicani D.

JOANNES DE MAÑOSCA ET ZAMORA, qui Bachalaureatus gradum, quem Mexici acceperat, magni etiam faciebat, postquam Salmanticæ Doctoratu, alibique conspicuus muneribus, ac tandem Archiepiscopatu donatus fuerat: Et D. ALPHONSUS DE CUEVAS DAVALOS, qui & ipse Mexicanus Antistes in Academia nostra didicerat, atque ad Doctoris apicem evectus, multis inde auctus Ecclesiasticis Dignitatibus fuit, Diœcesi primum Antequerensi præfectus, post Mexicanæ, ut Patriæ suæ egregijs litteris & virtutibus honori esset eximio. Nec defuere Doctores alij Archipræsules, Præsulesque multarum Ecclesiarum creati, alij etiam & alij qui ad id muneris designati recusarint officium insignne, quorum hinc syllabum retexere nimis esset operosum: satis proinde sit dicere, plusquam octoginta nos memoriâ tenere Mexicanæ Universitatis alumnos, cum è Seculari Clero, tum etiam è Regulari, qui aut Episcopalibus insignibus donati illustriores ob egregie navatam operam reddidere sese, aut quod se subduxerunt amplissimis Dignitatibus minorem nihilo gloriam sunt assecuti. Qua verò plurimi alij Academici viri nituerint, propterea quod optime functi muneribus alijs fuerint, sive Ecclesiam concernentibus, sive Regis negotia, sive Reipublicæ commoda, idcirco missum facimus, quod copiosior seges sit illa, quam quæ possit congregari in his paginis,



ginis, quas non multas patitur institutum nostrum; contenti dicere, Mexiceam Academiam ita sapientum graviumque hominum feracem fuisse, ut & innumeris prope modum Americæ Parochijs Ministros obtulerit, & ad instruendos Populos Præceptores formaverit, & pro Cathedralibus Ecclesijs Sacerdotes, Præbendatos, ut dicitur, Canonicos, & maioribus ornatos Dignitatibus exhibuerit: Tum etiā & Auditores Regios è Doctoribus suis evasisse conspexerit in Senatum *Mexicanensem*, *Guadalaxarensensem*, *Goatimalensem* assumptos, ad eos quoque qui *Dominicopoli*, & apud *Insulas Philippinas* existunt, vocatos, & demum ad Suprema, quæ in ipsa Catholici Regis Curia sunt, Consilia evectos non nullos. His accēsendi veniunt, qui apud æquissima Fidei Tribunalia Quæstorum munera obierunt exacte non pauci; plurimi autem vel in Consultorum vocati numerum, vel Censores adlecti, tam sunt industriæ & sapienter officijs defuncti, ut egregias inde laudes meruerint, quas refert tribuitque ipsis PARAMUS de rebus ad S. Officium spectantibus eruditus Scriptor & diligens, in de *Origine & progressu Officij S. Inquisit. lib. 2. c. 21. num. 20. & 22.*

9 Quid verò quod Concilia Mexicana Americæ huius Episcoporum concursu aliorumque gravissimorum frequentia hominum nobilissima, Theologos ac Jurisperitos ab Academia insignes acceperint, audierint, probaverint?

Quid tandem, quod in Hispaniam quoque Academici Mexicani trajecerint, quorum non pauci in eiusdem Hesperiae Universitatibus creati Doctores, haud vulgares à Sapientissimis illis hominibus laudes rulerunt: aij sublimius evecti Antecessores etiam egerunt diversarum, quas professi sunt singuli, Facultatum? SALMANTICÆ quidem Theologiæ Cathedram D. JOANNES DE CERVANTES moderatus est; MALDONATUS verò Canonici Juris, VEGA, & SUAZUS ad Civilia attinentia rexere. D. JOANNES DE PARADA Philosophicæ præfuit non sine Academiæ Principis laude. Ad COMPLUTENSES abiens CORTEZIUS Philosophiæ tradendæ præpositus memoriam in florentissimis eorundem Aulis excitavit Mexicani alterius Doctoris P. ANTONII RUBII, cuius LOGICA MEXICANA contractior ab Authore suo facta, id assequuta est honoris eximij, ut Universitatis Regijque jussione Consilij auditoribus Philosophiæ candidatis multos continenter annos explicaretur. Apud PINCIANOS Sapientes GUEVARA Jus Canonicum docuit: CERVANTES alter HISPALI Theosophiam explicuit: In GRANATENSIBUS Scholis PADILLA è Suggestu juribus enucleandis incubuit, pro ut adductis historicis monumentis latius aperimus in Nuncupatoria DISSERTATIONIBUS MEXICANIS nostris præfixa.

10 Profectò ambiget prudens nemo, Illustrissimam undique Academiam

demiam Mexicanam fateri, qui unam in ipsam, ceu in profundissimum Oceanum, illustria plurimaeque corrivari flumina animadvertat. Scilicet ornari frequentissime cernet hancce Academiam & Episcopis & multis è Clericali statu ad munera evectis eximia, cum in Ecclesijs Americae nostrae omnibus, tum etiam in aliquibus Europae, nec sine plausu exterorum Sapientum, qui è paucis quos audiunt, Mexicanos alumnos, de cæteris facili judicare negotio valent, & verò laudibus illos efferunt. Cernet Religiosorum coronâ virorum ambiri, qui aut Doctoratu, aut alijs decorati gradibus Academiam ipsi decorant ex Sacris Ordinibus DOMINICANORUM, FRANCISCANORUM, AUGUSTINIANORUM, CARMELITANORUM, MERCEDENSÎUM, JESUITARUM, in quos cætus gravissimos ornatissimosque perlæpe involant Academici, & è quibus in Academiam vicissim adventant homines Religiosi. Cernet itidem delibatissimum Seculariû florem, quos inter Auditores Regios, Provinciarû Rectores, Gubernatores Urbium, Patronos causarum, multosque alios officijs conspicuos inveniet.

II Meritò subinde Academia Mexicanensis elogia retulit haud vulgaria ab exteris Scriptoribus haud obscuris, ÆGYDIO GONZALEZ DAVILA, JOANNE DIEZ DE LA CALLE, ANTONIO DE HERRERA, Indiarum rerum enarratoribus, quorum hîc, brevitatis gratia, præteriens verba alibi à nobis

relata (nempe in Nuncupatoria Tomo primo *Dissertationum Mexicanensium* nostrarum apposita) unum præterire non libet ANDREAM MENDO, Societatis Jesu Theologum celeberrimum, de que Jure & rebus Academicis Authorem notissimum. Is ubi Hispaniæ & Americae Universitates percenset, totidem quæ sequuntur periodis Mexicanam describit: *Mexicana in America, in Orbe novo, seu in Nova Hispania erecta fuit anno MDLIII. regnante in Hispanijs Carolo Quinto Imperatore; & ab eius successoribus Hispaniarum Regibus promota, & aucta, ac Summis Pontificibus confirmata, & pluribus privilegijs munita, præcipue à Clemente VIII. anno MDXCV. Opulenti annuis redditibus gaudet, & viris Sapientissimis in omnibus scientijs floret, qui & Academiam & munerum culmina illustrant. Ornatur etiam Insignibus Collegijs, quorum unum Societatis Jesu regimini subest. Huius Academiae meminerunt eruditissimus ac clarissimus DD. LAURENTIUS RAMIREZ DE PRADO in notis ad Luitprand. p. 424. D. DIDACUS DE LEON PINELO in Hipomnemate Apologetico pro Academia Limensi cap. 20. num. 81. & Doctissimus D. JOANNES DE SOLORZANO de Jure Indiarum lib. 3. cap. 14. Hæc clarissimus MENDO. Et quandoquidem Scriptoribus, quos ipse nominat de Academia nostra memoriam agentibus, adjungi alij possunt, nec obcuri, nec pauci, non abs re erit quosdam hîc dare.*



12. Et sunt illi quidem P. THOMAS BOZIUS Præbyter Congregationis Oratorij, Sancti Philippi Neri discipulus, & de Ecclesia optime meritus cum alijs scriptis, tum egregio Opere de Signis Ecclesiæ Tom. 1. lib. 4. cap. 3. signo 6. ubi *Gymnasium omnium Scientiarum atque Artium Mexici florens*, non ita diu post eiusdem conditionem, alia inter Indiarum Occidentis decora refert. P. VELAZQUEZ, Soc. Jesu de Conception. diss. 8. adnot. 1. P. ALVA Franciscanus, in Militia pro Immac. Concept. verbo *Academia*. M. FERNANDEZ Dominicanus, in Historia Ecclesiæ lib. 1. cap. 36. Illust. D. M. F. JOANNES LOPEZ, Episcopus Molopolit. in Historia generali S. Dominici 4. p. lib. 4. cap. 58. P. F. JOANNES DE SANCTIS, in Chronologia Hospital. lib. 3. cap. 61. D. JOANNES FRANCISCUS GEMELI CARERI, in Gyro Orbis italice conscripto pag. 6. pag. 122. & 127. Nooblot. tom. 5. Geographiæ universalis gallice scriptæ p. 526. D. LUDOVICUS MORERI, in Magno Dictionario Historico gallice dato, tom. 5. p. mihi 318. verbo *Mexique*. MICHAEL ANTONIUS BAUDRAND, in Novo Legicò Geographico in Not. & addit Tom. 2. p. mihi 55. D. BEIERLIN in Theatro Lit. E. p. mihi 122. M. GRAVESON Dominicanus, in Indice Geographico Academiarum Europæ. P. PARTENIUS Societatis Jesu, in Geographia Regni Mexicani. Illust. M. D. F. MARCUS SALMERON, Regij Mercedensis Ordinis,

in Monum. Histor. & polit Monumento 39. p. mihi 224. P. F. JOSEPH A SANCTA THERESIA, Carmelitani t. 3. Hist. Excalceat. Carmelit. lib. 11. c. 21. & alibi. M. F. BALTHASAR A S. CRUCE, Dominicanus tom. 2. Historiæ Provinciæ Philippinarum ejusdem Ordinis Lib. 1. cap. 51. pag. 247. MM. QUETIF, & ECHARD, in Scriptoribus Ordinis Prædicatorum. P. F. JOANNES A S. ANTONIO in Bibliothecâ Franciscanâ. P. SOTUELLUS in Bibliothecâ Societatis Jesu. D. NICOLAUS ANTONIUS in Bibliothecâ Hispaniæ Novâ, qui Bibliothecarum Scriptores, Mexicanos bene multos in Cathalagos suos redigunt, Academiam æque Mexiceam, ac Familias religiosas suas, Nationemque Hispanam concernentes ornantesque. NICOLAUS SAMPSON in suo Atlante minore. P. HENRICUS SCHERER in suo Atlante novo parte 2. pag. mihi 93. Purpuratus P. ALVARUS CIENFUEGOS Soc. Jesu, doctrinâ Eminentissimus juxta ac Dignitate, in Vita S. Francisci de Borgia lib. 5. cap. 6. §. 4. P. FUENTES Franciscanus, in Diario 25. Januarij. P. MORILLO, in Historia Prouinciæ Soc. Jesu Manilensis n. marg. 734. Et ne multi simus, alijs supersedamus elogijs omnibus, ubi maximum transcripserimus à Prudentissimo Rege nostro Philippo II. datum, tunc quidem cum Academia Mexicanensis annos quadraginta duos, non amplius, à sui conditione numeris putabat, agebatque Patronus Serenissimus pro



pro eiusdem confirmatione ac privilegij apud Clementem VIII. pro ut Is in sua Constitutione describit: *Idem Philippus Rex pia meditatione ductus, & jam experientia comprobatum habens, quantum universæ Reipublicæ Christianæ, præsertim apud illos novos Fidei Catholicæ cultores, talis Universitas in dicta Civitate, quæ admodum insignis & frequens existit, utilitatis afferat, plurimum cupit dictæ Universitati per Nos, ut infra indulgeri.*

13 Quod si tantos fructus attulerat non dum semisæculo elapsu à sui initio, condonandum erit profecto Scriptori, extraneo quidè, sed veritatis amatori, qui quos deinceps retulit ager Mexicanæ Minervæ, non modò mirabiles, sed infinitos pia quadam audacia compellat. Plurimos certe eos esse, productis in medium pomis aliquot exquisitis, in ea quam superius indicavimus Epistola nostra Nuncupatoria, monstrare satagemus: quibus id circo in præsentiarum superfedemus, quod legi inibi poterunt, & qui ad scripta spectant Opera in huius decursu Bibliothecæ sunt collocandi. Missis igitur in sua loca, quæ singuli Academici viri laboravere, ea hîc subjicimus, quæ Confessus Doctorum nomine Typis commissa fuerunt.

14 *Testimonium à Regiâ Universitate & pleno eius Confessu Mexiceo Excmo. novæ Hispaniæ Pro-Regi jubenti propositum, de incommodis in Rēpublicā ab immoderatâ indici vini Pulque vulgo dicti, portione manantibus.*

Mexici tacito Typographi nomine anno 1692. in fol. cum subscriptionibus amplissimi Domini Rectoris, Doctorum & Antecessorum, coram Academico tabellario D. CHRISTOPHORO BERNARDO DE LA PLAZA, ET JAEN. Extat tom. 15. Collect. D. LUDOVICI DE MENDOZA.

15 *Regiæ ac Pontificiæ Universitatis solutio 14. questionibus exhibitæ, quas RR. PP. Bethlemiticæ Sôcietatis ipsi retulere pro enodatione.* Mexici Typis V. Michaelis de Ribera 1708. in fol. Extat. tom. 12. dictæ Collect.

16 *Epistola gratulatoria Excmo. Viro ac Doctori clarissimo D. D. DIDACO LADRON DE GUEVARA Episcopo Quitensi, Regio Consiliario, &c.* Mexici tacitâ Typographiâ, anno 1712. in fol. habeturque inter Opuscula non dum compagina à mox dicto MENDOZA.

17 ACADEMIA S. PHILIPPI NERIJ MEXICEA, incunte, quod decessit in præsentiarum, sæculo initium cæpit, & nomen sortita est ab Ædibus Congregationis Oratorij, in quibus condita annos supra 15. egit, donec in Atria Universitatis translata fuit, apud quæ etiamnum viget eodem agnita nomine, & de faventissimo ac Sanctissimo Parente gloriata. Authorem habuit P. ANTONIUM PIGNATELI, Mexici natum, Congregationis eiusdem Præsbyterum, doctrinâ & virtute plæclarum, qui auxilio fuit clarissimo eisdem doctibus viro P. JOANNI ANTONIO C2



DE ESPINOSA, Queretarensi, pro instituendâ Oratorij Congregatione apud Villam Sancti Michaelis magni, Diœcesis Michoacanensem, eximio animarum & studiosorum fructu ad nostram usque ætatem quotidie crescente. ANTONIUS humaniores litteras Philosophiamque alte imbiberat in Collegio Maximo Soc. Jesu Mexiceo, atque ornatus laureâ, Theologiæ operam dederat in Gymnasio Universitatis strenuâ adeo, ut triplicis Scholæ doctrinam Thomistarum, Scotistarum, & Jesuitarum penitissime excoluerit, gradumque retulerit. In Positiva, Morali, Mystica, & Dogmatica Theologia admodum etiam doctus fuit, & omnigenâ pollens eruditione, quam libris intentissime deditus comparavit, patrimonio suo haud exiguo pro copiosissimâ & selectissimâ emendâ Bibliotecâ destinato, quæ vel in Europa multo in pretio & æstimatione haberetur, qua que, ut erat piissimus, minori contentus voluminum numero, abdicavit se tandem, Ecclesiastici, quod meditabatur, extruendi ædificij ergo nummis à divenditâ colligendis, irritum quamvis ad extremum conatu, quod egregium opus adversis obviantibus casibus inter optata manserit. Latinitatem in Collegio Seminario à Divo Paulo, & Purissima Conceptione nuncupato tradiderat, quod etiam vices tenens Rectoris moderatus fuit, concionibus habendis, excipiendisque confessionibus deinceps intentus.

18 Hoc Authore Academia nostra condita fuit, primùm ad culturam Philosophiæ, mox verò pro Theologiæ professoribus, quibus in hebdomada convenientes Scholasticis & Moralibus se se exercent dimicationibus, Panegyrica Sacra statis diebus habent, atque alijs pro amœnioribus litteris excolendis dant operam. Ad hæc, ut solemne est multis sua sponte in Universitatis Aula maxima per diem integrum rotam propugnare Theologiam, additis pro concertatione vespertina, aut ex Canonico, aut ex Civili, aut ex utroque jure titulis sex gravibus scatentes difficultatibus, responsuri in publicâ luce Magistris ac Doctoribus ex omnibus Ordinibus doctissime arguentibus proludunt inter Academiæ Sodales acriter & ad multos dies tractâ concertatione, qua se mire exercent, & expeditiores longe athletas efformant. Porro quam opimos ipsa fructus retulerit, argumento sunt plurimi qui ex ea prodire viri doctissimi, & multis titulis ornatissimi: nam, ut minoribus redimitos laureis taceamus, atque insignes concionatores, doctorales apices multi emeruerunt Mexici, aliqui autem in Universitatibus Salmanticensi & Toletana egregiâ laude. Paræcijs alij præfecti fuere & in Mexicea Diœcesi, & in Michoacanensi, & in alijs, & apud Europam etiam, in Toletana. Sacra in spectatissimis Virginû Monasterijs administrarunt, Antecessores in Universitate Mexicanensi ege-

## AC

egerunt, idiomatis Mexicani, Eloquentiæ, Philosophiæ, Sacrorum Bibliorum, Theologiæque Perpetuos Vespertinos atque Primarios, quas itidem in varijs Collegijs spartas ornarunt, & Collegijs ipsis regendis admoti fuerunt. Censoribus Fidei, Consultoribus & Judicibus Ordinarijs adscripti ex illis sunt aliqui, & inter Examinatores Synodales in multis Diœcesibus relati, quandoque Visitatores agentes & Vicarios Episcopales. Ad Præbendas evocati & Canonici, etiam, ut dicuntur, Officij, eis defunguntur Mexici, Vallisoleti Michoacanensium, & Guadalaxaræ in novâ Gallecia, alijsque muneribus conspicui & honoribus, cum in Religiosis Ordinibus, tum etiam in memorata Oratorij Congregatione, Libris quoque clarent in publicû datis, de quibus sermo nobis in decursu Bibliot. erit. Academia autê nomine extant edita,

*Elogia selecta è varijs quæ Mexicearum Scholarum more ab alumnis Academia Sancti Philippi Neri elaborata sunt, præfixaque thesibus defensatis. Olim sparsim edita, collecta modò à Dre. D. EMMANUELE GARCIA DE ARELLANO, Mexicano, ejusdem Academia Præside, &c. ex Typographiâ editioni Bibliothecæ Mexicanæ destinata. 1754.*

Meminit Academiae erectionis & fructuum P. JULIANUS GUTIERREZ DAVILA in Monum. Histor. Congreg. Oratorij Mexicanensis part. 3. lib. 5. cap. 4. n. marginali 649. & 650. unus ipse è pri-

## AC

mis in illam adscitis tempore, meritoque è primarijs ejusdem professoribus, qui virtute juxtâ & eruditione decus illi peperit immortale. Habes item Academiae Elogium contextum à doctissimo P. NICOLAO ZAMUDIO, Soc. Jesu, in Censura data Panegyrico S. Philippi Neri edito Mexici in Typographia Regia D. Mariæ de Ribera anno 1733. Simileque conscripsit elogium Sapientissimus P. NICOLAUS DE SEGURRA, ejusdem Societatis, in Approbatione præfixa concioni de S. Bernardo excusa Mexici, typis Viduæ Josephi Bernardi de Hogal anno 1741. Ab eadem Academia scripta prostat Nuncupatoria Parenti suo ac Patrono S. Philippo Neri in Prælectione Theologica ad sorte oblatam distinctionem 20. lib. 2. Magistri Sententiarum, quæ excusa est Mexici in Regali summæ administrationis Sacrorumque librorum typographia apud D. Mariam de Ribera 1747.

19 D. ALEXANDER FABIANUS, Natione Mexicanus, Patria Angelopolitanus, Nobilissimis parentibus usus est, genitore ex illustri apud Genuenses Familia; Matre claro inter Hispanos sanguine: Præsbyter Sæcularis, pijsimus juxta ac doctissimus, si fides habenda est Clarissimo Viro P. ATHANASIO KIRCHERO, Societatis Jesu, Scriptori, si ullus alius, Sapientissimo, & Reipublicæ Eruditorum notissimo, ad quem Alexander noster scripsit Romano, nisi fallimur conjecturâ, sermone.

D

Episto-



*Epistolas varias.*

Et quoniam Nuncupatoriam Kircherus ipse præfixit Libro suo excusso Romæ, typis Ignatij de Lazaris 1667. cui titulum fecit: *Magneticum naturæ Regnum*, in qua monumentum Fabiano nostro posuit insigne, cui certè nullus nostrū cogitare posset æquale, aut illo nobilius expetere; opere pretiū duximus virtutes & litteras Alexandri, mutuatis à Kircherō, quæ sequuntur, verbis complecti: Sapiientissimo viro, inquit, Alexandro Fabiano, novi Orbis indigenæ, insigni Theologo, Philosopho, & Mathematico, nec non in Mexicano Regno Congregationis Christi Prasbyterorum Sacularium Institutōi munificentissimo Felicitatem precatur Athanasius Kircherius ē Societate Jesu. Post exordium autem, in quo opportune ad Operis argumentum adludens, amoris Magneticismum se fatetur expertum ubi Alexandri Litteras tam longo terrarum intervallo sejuncti, accepit, ita Ipsum alloquitur: Tu vir amplissime, novi Orbis, ego Europæi incola, ignotus uterque utrique: Tu forsam casu in nonnulla Operum meorum volumina incideras, & dum in tanta argumentorum varietate, eam maiori forsā, quam tenuis mea opera merebatur, veneratione suspiceres, absque ulteriori moræ prolongatione, ad Authorem non solum cognoscendum, sed & quam arctissima amicitia necessitudine Tibi devinciendum, litteras ad me tantā verborum energiā, tot tantisque benevolentia signis exornatas dedisti, ut nesciam quomodo occulta ac

sagaci illa ingenij, morum, studiorumque concitatione, paronymhā Sympatiā tandem acciderit, ut me vel ex remotissimo Orbis Americani angulo Tibi præsentem, potenti illo homæotropias magnetismo attractum stiteris. Mirabar & ego polypediā omniumque bonorum artium cultum in Te novi Orbis indigenā; Imò in peregrinis illis America Regionibus, ignotisque nobis Cæli partibus, virum tot virtutum subsidijs instructum, tot à Deo charismatum prærogativis dotatum reperiri, non mihi persuadere poteram; donec reciproco litterarum commercio, jam ab aliquot annorum curriculis capto, ab omni evolutus ambiguitate, Te non Indum origine, sed ex illustri Genuensium Fabianorum Familiā ortum Hispano insertum stemmati, omni exceptione maiorem inveni: Accessit hisce omnibus innocens & inculpata vitæ Tuae integritas præferendo sociata Christianæ Religionis promovendæ zelo & sollicitudini, qua instimulatus, Angelopoli Mexicani Regni Urbe celeberrima, Ecclesias fundasti, novam Congregationem Prasbyterorum Sacularium, quam Christi vocas, insigni munificentia instituisti, cujus subsidio quam eximia Deoque grata beneficia Ecclesiæ in conversione barbarorum præstiteris, grata aeterno nominis tui cum honore posteritas faurebitur. Et post alia sequitur suam Epistolam ATHANASIUS: Qualis quantusque Alexander ille Fabianus esset, toti Orbi litterario, hoc præsentis Opusculo de triplici Magnete manifestandum duxi, ut vel ex ipso triplex ille insolubilis Magnetismi nodus

AL

*duo quo ego Te, Tu me Tibi adeo  
potenter devinxisti, veluti perenne fo-  
ret inita nos inter amicitia, fœderis,  
amorisque immortalis testimonium.*  
Hactenus KIRCHERUS; qui cum  
effusis adeo laudibus Fabianum  
commendet, non à pietate solum  
alijsque virtutibus, sed ab studijs  
quoque Philosophicis, Mathema-  
ticis, & Theologicis, in quibus in-  
signem ipsum dicere non est ve-  
ritus, quinimo maximopere optavit  
Orbi Litterario palam exponere

AL

virum hunc ornatissimum, quem  
certe non aliunde novit quam ab  
Epistolis, quibus eos inter lon-  
gum intercessit commercium; eru-  
ditas planè fuisse illas & doctas op-  
portet, quas idcirco, & si à nobis  
nullibi inventas, in his nostris ta-  
bulis referendas duximus. Libet  
coronidis loco, hîc tradere Elo-  
gia duo, quæ in calce prædicti Kir-  
cheriani Libri Epigrammaque à  
P. Ignatio Bomplano, Societatis  
Jesu, habentur scripta.

## ELOGIUM I.

Alluditur ad Nomen.

*Ex merito ALEXNADER diceris.**Novus Orbis habet in Te**Alterum Magnum Alexandrum,**Eo maiorem quo meliorem.**Ille sub cruentis Macedonum signis pugnavit;**Tu vicisti sub Cælesti Nominis JESU vexillo:**Ille ambitionem amplificavit;**Tu propagasti pietatem:**Ille arma quocumque circumtulit;**Tu virtutes intulisti:**Ille positis militum castris**Arva Indica oppressit;**Tu instituta Presbyterorum Congregatione;**Mexicana regna recreasti:**Ille habuit Angulum Terra pro Meta;**Tibi meta erit Cælum,**Quia pro Cælo ALEXANDER es.*

## ELOGIUM II.

Alluditur ad Cognomen.

*Non solum ex merito Alexander nominaris,**Sed etiam ex vero diceris cognomine*



AL

AL

## FABIANUS.

*Totus quodammodo ex Fabijs constas.  
 Eam excitasti Sodalitatem,  
 In qua vetus Fabianorum familia revocaretur.  
 Hæc Romanam Rempublicam sustentavit  
 Pugnando et Moriendo;  
 Tua Sodalitas Christianam Religionem sustentat  
 Laborando et Orando:  
 Pugnat in Inferos, qui contra Inferos laborat.  
 Moritur pro Religione, qui pro Religionem orat:  
 Sic Mexicana pietas stat,  
 Quia FABIANUS es,*

## A D E U N D E M.

De Libro Illi ab Athanasio Kirchero dedicato, quo triplex  
 Mundi Magnes continetur.

## E P I G R A M M A.

*Quam bene Kircherus triplici magnete coruscat  
 Virtutisque Tue symbola clara notat.  
 Namque Tibi est pietas, doctrina, et prodiga dextra:  
 Sic hominum longe dissita corda trahis.*

20 ILLMUS. D. D. ALEXAN-  
 DER GERARDINUS, Natione Ita-  
 lus, Patria Romanus, si ÆGYDIO  
 GONZALEZ DAVILA, in Theatro  
 Ecclesiæ Insulæ Hispaniolæ stan-  
 dum est: si verò NICOLAUM AN-  
 TONIUM in Bibliothecâ Hispaniæ  
 Novâ sequamur, in Ameria Um-  
 briæ Civitate natus, ut similis  
 vero videtur: Domicilio Mexica-  
 nus, quòd Episcopus fuerit Eccle-  
 siæ mox relatæ, quæ primas tenet  
 in America Mexicana: Fratrem ha-  
 buit nomine ANTONIUM, natu  
 maiorem, Proto-Notarium Apo-  
 stolicum, & Poetam inter primos

Clarissimum, Laureâ pro illius tem-  
 poris consuetudine jure donatum,  
 quo de Petrus Martyr Anglariën-  
 sis Epistolis 37. & 38. itemque  
 76. Libri 1. Quòd ad Alexan-  
 drum attinet nostrum, ex Italia  
 in Hispaniam advectus, Catholi-  
 cis Ferdinando & Elisabethâ reg-  
 nantibus, ut erat præfervido ani-  
 mo, militiam sequutus, sub Hispa-  
 nis vexillis contra Lusitanos pug-  
 navit; cæterum receptui cecinit,  
 & qui nuper Marti litaverat, Mu-  
 sis & Minervæ se addixit, quas in  
 patrio solo coluerat. Poculis Re-  
 ginæ præpositus, Regis filiabus

AL

Præceptor datus est, tum Apostolicus Proto-Notarius factus, sacrificque initiatus, Regio præfuit sacello: Ab Alexandro VI. Pontifice Maximo renunciatus Episcopus Vulturariensis & Montis Corvini, huic postea dignitati cessit anno 1515. ut ad Episcopalem insulam Dominicopolensem transiret. Cum enim repertæ nuper Americæ Carolus V. Imperator, qui in Hispania proximè successerat Catholicis Regibus, vigilaret, in primisque ageret, ut in Fide & Pietate Barbari tunc temporis Indinuncupati, optime instituerentur; defuncto Garcia de Padilla, Franciscano, qui primus Ecclesiæ illi præfuerat, à se erectæ Apostolica autoritate, viro quidem egregio; sufficiens curavit Alexandrum, haud minorum hominem dotium, omnique virtute conspicuum, qui publicis non ejusdem solum Imperatoris pro jungendis bello contra Turcas Christianis Principibus, sed Pontificum etiam Maximorum Legationibus præclare defunctus, pro re Christiana in novis promovenda Colonis, optimus visus est. Prius verò quam commissam sibi Americæ Ecclesiæ inviseret, Romam gravissimis de rebus acturus, eo tempore accessit, quo ad Lateranensem Concilium sub Leone X. Patres Illustrissimi Ecclesiæ conveniant, quos inter & ipse adfuit, uti cernitur in sessione undecima celebrata 15. decembris 1516. nomenque ipsius vigesimo secun-

AL

do inter aliorum Episcoporum nomina loco invenitur his verbis: *Reverendus Pater Alexander Hieronymus S. Dominici Insula Hispaniarum.* Multa à Pontifice Summo postulasse tradit citatus Ægydius, scilicet, ut Legatum Alexander ageret Sedis Apostolicæ in Americanis Regionibus tunc usque detestis, & quæ deinceps detegerentur: Ut pro quibusdam festis diebus Indulgentias Fidelibus illarum partium benigne Leo Pater concederet, donaretque corpora Sanctorum aliqua, Reliquiasque plures, quibus Insula Hispaniola ditesceret maxime, præsidiumque haberet eximium. Tandem anno 1520. expeditis, quæ sibi demandata fuerant, negotijs, Hispalim reversus, in Americam iter suscepit, quo de pulchram & amœnam scripsit Historiam, infra indicandam. Ubi Hispaniolam apulit, aliaque inter pulcherrimas incolarum ædes conspexit, hortatus homines ut venustiore longe pro Dei cultu excitarent, quæ quantum humana tenuitas potest, Optimum deceret & Maximum Conditorem; rem illis gratissimam facile obtinuit. Strenuam in promovenda Religione operam posuit, verbi divini prædicatione, Sacramentorum administratione, munerumque omnium, quæ ad Episcopum spectant, functione, primusque fuisse dicitur, qui in Orbe novo sacros Ordines tradiderit, quod ejusdem Decessor diem obierit extremum antequam  
E  
epif-



episcopalis consecrationis oleo  
fuisset inauguratus. Hæc inter  
ALEXANDER sanctè officio suo  
functus, Indis juxta Hispanisque  
charus anno 1525. septuagena-  
rius è vivis excessit. Plura scripsit,  
quorum syllabarum texit ÆGY-  
DIUS GONZALEZ DAVILA indi-  
cato superius loco. Videlicet

*Itinerarium ad Regiones sub æqui-  
noctiali plaga constitutas.*

*Epitome Conciliorum.*

*Summorum Pontificum acta.*

*Sacrorum carminum lib. 24.*

*Epistolarum lib. 2.*

*Officia varia Sanctorum.*

*Vitam Sancti Benedicti saphico car-  
mine.*

*Volumen Orationum ad Principes  
Christianos pro bello contra Turcas.*

*De Latij & Romæ laudibus.*

*De Educatione nobilium puero-  
rum librum unum.*

*De Officio Principis.*

*Vitam Catharina Angliæ Regina.*

*Elogia Virorum illustrium Roma-  
norum ab Aenea usque ad Pompeium  
Magnum.*

*De Quantitate Syllabarum & car-  
minum compositione.*

*Invectiva lyrica in malam fæ-  
minam.*

*Monumenta Antiquitatum Roma-  
norum.*

ALEXANDRI meminerunt, præter  
citatos, Vghellus in Italia sua sa-  
cta, & ANTONIUS DE LEON ET  
PINELO in Epitome Bibliothecæ  
Orientalis, & Occidentalis, Tom. 2.  
editionis Madritanæ novissimæ col.  
580. & 781. Nicol. Ant. t. 2. p. 685.

21 FR. ALEXIUS GARCIA;  
Natione, ut videtur, Mexicanus  
& Patria, Instituto Dominicanus  
Provincia S. Jacobi Mexicanensis,  
postquam virtutibus inclaruerat,  
Deoque in salute animarum cu-  
randa egregie servierat, eximie  
specimen dedit patientiæ, lepræ  
morbo vexatus, subindeque in  
Valetudinarium, quod à Sancto  
Lazaro nuncupatur, abductus, ubi  
tandem mortem aspexit anno 1579.  
prout scribit Davila noster lib. 2.  
cap. 92. & qui eum sequuntur  
NICOLAUS ANTONIUS in Appen-  
dicibus Bibliothecæ Hispanæ p.  
314. Altamura ad 1593. Quetif &  
Echard. ad 1579. Scripsit ALEXIUS,  
publicavitque Typis Mexicanis.

*Kalendarium perpetuum.*

D. ALPHONSUS ALAVES PI-  
NELO, Natione Mexicanus & Pa-  
tria, celebris Mexicani Auditorij  
Causidicus, in Universitate ejus-  
dem Civitatis absolutis Humanita-  
tis, Philosophiæ, & utriusque  
Juris studijs, in quibus progressus  
fecit insignes, Doctoris insulâ re-  
dimitus, Rhetoricam professus est:  
alias subinde Cathedras rexit, do-  
nec Primariæ Civilis juris præfe-  
ctus ad tempus, apicem scholasti-  
ci honoris assecutus in Theoria,  
haud sibi dissimilis in praxi, apud  
Judices dicturus frequentissime  
quæsitus à clientibus, pro ipsorum  
tutela, doctas, quas statim adji-  
ciemus, Allegationes typis com-  
misit; Prætoris etiam civilis Me-  
xicei vices tenuit nonnunquam;  
Demum ut erat amcenioribus lit-  
teris



AL

teris politissimus Opusculum solutâ ligatâque numeris oratione pulchrum, & hispano & latino sermone publicæ luci dedit hoc titulo:

*Astrum mythologicum politicum, seu Triumphalis pompa pro excipiendo Mexicano Pro-Rege D. Ludovico Henriques de Guzman, Comite de Alva de Aliste.* Mexici, apud Joannem Ruiz 1650. in quarto.

Juris autem Allegationes, cum excusas, cum Mss. aliquot vernaculo conceptas idiomate sequentibus numeris exhibemus. Sunt illæ.

*Responsio apologetica adversus Anonymum pro Ecclesia Angelopolitana scriptum in causa Decimali, defensionisque juridica Ferdinandi de la Serna Valdès.* Mexici in folio. Habetur Tom. 45. Collectionis D. Ludovici de Mendoza.

*Allegatio pro Sancti Nicolai Michoacanensi Provincia Ordinis Sancti Augustini in negotio cum ejusdem Familiae alumno Joanne de Espinosa.* &c. Mexici in folio. Extat in eadem collectione.

*Appendices ad mox dictam allegationem.* Mexici in folio Tom. 44. ejusdem collectionis.

*Pro D. Alphonso Ortiz de Ora, Vicario Generali Diæcesis Mexicanæ in puncto precedentis.* M. S. in folio. Stat Tom. 14. collectionis mox dictæ.

*Allegatio in favorem D. Francisci de la Torre, à Thesauris S. Cruciatæ, in negotio de ratiocinijs.* Mexici in folio. Tom. 19. Collectionis ejusdem.

*Juridica propugnatio D. Antonij*

AL

*de Aguinaga in re civili contra nitentem D. Antonio Gabiola, S. Inquisitionis Fiscus præfecto.* Mss. in folio. Tom. 25. Collectionis ejusdem.

*Pro Excmo. D. Duce Alburquerque Nova Hispania nuper Pro-Rege, absoluti muneris rationem reddente.* Mexici in folio. Tom. 27. Collectionis ejusdem.

*Pro retentione quarundam Litterarum Rmi. P. Generalis Ordinis Sancti Augustini, Provinciae Sancti Nicolai Michoacanensi exhibitis, Regioque Patronatu.* In folio, tacitis anno & reliquis. Habetur Tom. 3. collectionis Allegat. quæ affervantur in Bibliothecâ Universitatis Mexicæ.

Quoniam verò ea tempestate floruit, scilicet ante integrum seculum, qua non dum in Annales redigi cæperant elaborati à Professoribus Cathedrarum Commentarij, Tractatus, idque genus alia, cogimur lucubrationes pro Aulis Academicis tacitas præterire.

22. ILLMUS. D. ALPHONSUS ALBERTUS DE VELASCO, Natione Mexicanus, Mexici Nobilissimis Parentibus ortus anno 1635. emensis Latinitatis, Philosophiæ, & Jurisprudentiæ curriculum, haud sine Magistrorum plausu & Sodalium, Sacrorum Canonum Doctor in Academia Mexicana inauguratus fuit, atque pro agendis causis apud Regium Senatum admissus, Sacerdos factus, virtutibus, quas à teneris annis coluerat, impensius addictus, Ecclesiastica obire ministeria, quæ provectioribus commit-



tenda sunt viris, Superiorum cæpit authoritate. Parochialem à Sancta Catharina Martyre nuncupatam Ecclesiam intra Mexicanæ Urbis pomæria sitam, antiquitate insignem, rexit accuratissime, curavitque, pro augenda adversus Sanctam ac Sapientissimam Alexandrinam Virginem devotione, pulcher oppido Liber ut excudetur, quo de agemus, cum de Petro de la Vega, Præsbytero Mexicano, nobis sermo erit. Dein Parochum Ecclesiæ Cathedralis totos triginta duos annos egit vigilantissimum, parcisque pro frugali victu emolumentis sibi contentus, reliqua inter pauperes distribuebat. Ovium curæ suæ traditarum saluti invigilans, nullum prætermittere officium satagebat ex his, quæ animarum profectum concernunt: in primis verò catechismum tradere & Christianam Doctrinam, cum per se, tum per alios idoneos Ministros, non modò in Parochia sua, sed in alijs etiam Templis enixe procuravit: Id ut assequeretur facilius, Confraternitatem Doctrinæ Christianæ in Ecclesia Sancti Philippi Neri canonice erigendam è re sua duxit, institutæque Indulgentias Romæ sollicitavit quam plurimas, nempe, quæ ab Archiconfraternitate celeberrima aggregatis sibi Sodalitatibus ubique terrarum Apostolicis Privilegijs communicantur. Quòd autem ex eis etiam habeatur, ut una semel in Diocesi quadam sic condita, cætera ab

Ordinario probatæ, eisdem gaudeant indultis; Albertus noster nullum non movit rudentem, ut in omnibus amplissimæ ditionis Mexicanæ Ecclesijs Parochialibus, quæ certæ sunt plurimæ, istiusmodi haberentur pij Cætus Archiepiscopi fretus præsidio & Litteris encyclicis, ut habemus ex Libro Foundationis Confraternitatis ejusdem, in Tabulario suo à PP. Oratorij servato. Nec absere erit Mexici Sodalitij Doctrinæ Christianæ incrementa paucis indigitare, tractatis in paginas nostras ijs quæ anno 1752. oculis usurpavimus, fuereque perspecta cunctis, jure optimo demirantibus. Nam occasione Jubilæi Anni Sancti, eo, quem diximus, Mexici publicati, institutæ fuere Supplicationes frequentissimæ & pijsimæ à religiosis quibusque cætib, nulla verò numerosior, aut æqualis fuit visa ei, qua Sodales Doctrinæ Christianæ ab Oratoriana Ecclesia ad designatas pro lucrandis Indulgentijs processere, turmatim ductis ab Oratorij PP. 40. ut remur, mille viris & fœminis, è quibus amplius 25. mille præcedentibus octo diebus adscripti inter confratres fuere, quorum & nomina vidimus exarari exarataque, & religionem vix sine lacrymis admirati sumus, & incredibilem confluentium ad Sacramenta multitudinē communi stupore exemploque experti. Sed de his hæcenus.

23 Ad nostrum revertentes, qui præerat tunc temporis Ecclesiæ Mexicanæ Illustrissimus Princeps D.



AL

D. D. Franciscus de Aguiar & Scixas ( à profundissimâ in egenos charitate, atque etiam à zelo divinæ gloriæ, reliquisque virtutibus inter Clarissimos meritò computatus ) tanti ALBERTUM habebat, ut in gravioribus negotijs eundem confuleret, dictisque eius obtemperaret. Ipsius operâ usus est pro erigendo, juxta Sacrosancti Concilij Tridentini sanctionem, Collegio Matricis Ecclesiæ Seminario, cui Constitutiones præscripsit pro regimine aptissimas, ipso illas suggerente pro munere ALBERTO. Ad hæc, ut erat in jure versatissimus prudentissimusque, à S. Inquisitionis Quæstoribus Fidei pro carceratis tuendis Patronus designatus, Fisci etiam partes nonnunquam egit, Consultorisque munus, quod eximij est honoris, annos bene multos obivit. In procuranda V. Servi Dei Gregorij Lupezij Beatificationis causâ plurimam posuit operam, nec calamo duntaxat laboravit & diligentia, sed sumptibus etiam egit ut ædes quas eximius Vir ille incoluerat sanctas rectas servaret. Fuit itè ex primis qui Mexici Congregationi Oratorij proluserunt conditâ pijsimâ S. Philipij Nerij Sodalitate, cui per triennium præfuit, quamvis id temporis nondum Cōgregatio coaluerat juxta quæ S. Philippus dedit, probavitque Apostolica Sedes, Instituta Vallicelana, quæ tandem initio seculi hujus custodiri incæpere, Mexicanâ Congregatione adinstar Romanæ ere-

AL

ctâ confirmatâque ab Innocentio Papa Duodecimo, & eximie florente. Sanctimonialibus Carmelitis regendis præfectus, à Confessionibus alijsque Sacramentis diligentia fuit haud vulgari, totusque, uti insignis miraculo Christi Domini è Cruce pendentis Imago inibi asservata religiosissime, quam de Izmiquilpa vocant ( ab Oppido in quo repente visa est innovata jam inde ab anno 1621. postquam diu cariosa latuerat & temporum injurijs fœdata ) magna licèt tunc usque Religione ab exteris Civitatis & incolis habita, clarior multo esset, Miraculo ab Archipræsule Mexicano, secundum Sacrosancti Concilij Tridentini sanctionem examinato probatoque maximis documentis. Huc Opusculum collimavit scriptum à Nostro, quo de mox memoriam faciemus; declaratoque tandem Miraculo à Judice, atque alio itidem ejusdem Libro apertius exposito, maxima habuit incrementa devotio, indiesque ad tempora usque nostra augefcit, convenientibus quotidie precationis causâ multis & multis, atque in publicis Urbis aut Regni calamitatibus indictis supplicationibus solemnissimis. Pius ad mortem usque exercitijs, & quæ decent Sacerdotem egregie probum, ex animo deditus, præter Deum salutemque proximorum curabat nihil. Hinc meritos fugiebat honores, Sacerdotioque in Cathedrali Ecclesiâ, Præbendam dicimus, præ-

F

ten-



## AL

sentatus à Rege illi se subduxit, quemadmodum non ita pridem recusaverat Metropolitana Ecclesiæ Manilensis episcopales infulas, in quas Regio itidem invitatus decreto fuerat. Demum meritis cumulatus, ab omniumque Ordinū hominibus, gravissimis etiam & sapientissimis, multo in pretio habitus ob conjunctas probitati vitæ insignes litteras, diem clausit extremum 10. Decēbris Anno 1704. videbis P. JULIANUM GUTIERRES DAVILA in Monumentis Historicis Congregationis Oratorij, parte 1. lib. 2. cap. 13. per totum, ubi ejus vitam complexus est. Meminit quoque ejus multā cum laude P. D. JOANNES ANTONIUS DE OVIEDO, in Vita V. P. Antonij Nuñez de Miranda, lib. 1. cap. 5. pag. 21. ubi hujus in Philosophia discipulos recenset insignes, quos inter Nostrum merito leges, & rursus lib. postremo, cap. 19. pag. 209. Scripsit patrio, hoc est hispano sermone, sequentia.

*Miraculosa Christi Domini è Cruce pendentis Imaginis, quam de Izmiquilpam nuncupant, instauratio, facti jurisque fundamentis libratis expensa.* Mexici, apud Viduam Fráncisci Rodríguez Lupercio. 1688. in quarto.

*Divina exaltatio Misericordiæ in ejusdem Assertoris mundi Iconis per miraculum instauratio.* Hoc est, *Pia & salutaria ex Historicis monumentis Sacram Imaginem concernentibus desumpta monita, multisque momentis ornata.* Mexici, Typis D. Mariæ de

## AL

Benavides 1699. Mexici iterum Formis Hæredum Michaëlis de Rivera. 1724. in quarto.

*Apologia pro Sacrarum suspensione Indulgentiarum in Indijs etiam religiose observandā anno Romani Jubilai Sancto 1700.* Mexici, Litteris D. Mariæ de Benavides, anno eodem, in quarto.

*Pia animadversio & expositio arcanorum, quæ innuuntur admodum gravi ac pia ceremonia, Signum vulgo dicta, prout ea utitur Ecclesia Metropolitana Mexicea.* d est, *Sancta Vexillum Crucis, tempore Passionis, in Ecclesijs Cathedralibus Hispaniarum aliquibus, Indiarum forte omnibus, erigi, circumferri, explicari solitum, multis Sacrarum Litterarum, Patrum ac Doctorum testimonijs elucidatum.* Mexici, ex Typographia Viduæ Bernardi Calderon. 1677. in quarto. Peregrini certè Opus argumenti, quod brevissimè attactum legisse Author testatur in erudito de divinis Mysterijs Libro à JOANNE RODRIGUEZ Hispali edito, cap. 7. §. 3. Ipse verò pro dignitate id aggressus, copiosa evolvit eruditione, à Sacris paginis Doctoribusque Ecclesiasticis opportune petita. In quem postea collimavit scopum Illmus. juxtā ac doctissimus Chiapiensis Episcopus D.D. FR. FRANCISCUS NUÑEZ DE LA VEGA, Ordinis Prædicatorum, in Appendice prima ad Constitutiones Diocesanas suas in folio editas Romæ in Officina Caietani Zenobi anno 1702. Appendix verò seorsim à Libro recusa est Mexici, Typis Hæ-

Hæredem Viduæ Michaëlis de Ribera. 1718. in quarto.

*Monita pro examinandis testibus in Causâ Mexicanâ Beatificationis & Canonizationis V. Servi Dei Gregorij Lupezij.* Mexici, tacitis anno & Typographi nomine. Extat Tom. 17. Collectionis D. Ludovici de Mendoza in folio.

Alijs superfedemus minutis Opusculis, quæ in lucem emisit.

24 FR. ALPHONSUS AB ANGELIS, Mexicanus Domicilio, fin minus Natione & Patria, quæ nos fugiunt, Carmelitarum Excalceatorum Instituti in Provincia Sancti Alberti Novæ Hispaniæ professor, utilissimum Americæ hujus incolis Opus scripsit, in quo, præter alia complura, de Aurifodinarum Dominis, Opificibusque, de Indorum Prætoribus, Contractibus usu in regione nostra frequentibus, alijsque similibus ad conscientiæ forû spectantibus egit, totumque in quatuor partes, totidemque tomos, in octavo licet, haud exiguos mole, divisit: Eorum quartum vidimus manuscriptum optimis characteribus, indicibus, etiam rerum notabilium, ad prælum, ut videtur, paratum, quæ nec pretio extorquere potuimus nec precibus à Bibliopola, penes quem erat, qui eo ac similibus oblectari profitebatur. Titulus autem libri ex Hispano in Latinum versus ita habet:

*Quarta pars ultimaque Directorij Confessariorum & Pœnitentium, in qua variæ pertractantur ma-*

*teriæ, multique deciduntur casus, qui ad Prætores, Fodinas, Regij Ararij Prefectos, Religiosorum Privilegia, Testamenta, idque genus alia concernunt.* In octavo.

25 FR. ALPHONSUS AB ANUNCIATIONE, Natione Mexicanus, forte etiam Patria, ut colligere est ex his quæ Davila Padilla de eo refert loco mox citando: Institutum Prædicatorum Ordinis amplexatus, studijs ex animo deditus, Linguæ Zaapotecæ addiscendæ Superiorum jussu diligentiam posuit strenuam, in qua magnos ubi fecit progressus, Indorum instructioni totus incubuit; Concionabatur ad illos, Sacra faciebat, ministrabat Sacramenta, nullumque non exhibebat officiû, ut illorum saluti consuleret propriam insimul quærens, orationi hæc inter insistens stans, quas sibi præfixerat, horis dum Mexici versabatur, singulisque noctibus flagellis se macerans. Cænobijs præfectus multis, Superioris partes ut Religiosum decet virum, explevit. Demum cum in Oppido Etla dictû apud Goaxacenses degeret, Festûque ageret solemnissimum Christi Corporis, indictâ, ut moris est, supplicatione, ad quam Indi alijque confluxerant plurimi, Sacram ipso Pyxidem in Altari, ut sit, deponente, quod in peristyllo constructum fuerat, interea dum scena quædam pia adstantiû oculis auri-  
busque panderetur, Eucharisticum Mysterium aperiens; ecce pergula nuper ex tempore fabricata,



corruit, & cum viginti supra centum homines opprimit, plures alios ferit, elidit, tum Alphonsum pessime luxatum, è vivis post duas horas eximit, cui in primis fuit curæ Christi Corpus, ut qua decet Religione in ea rerum catastrophe servaretur; sibi verò invocare in auxilium Deum & MARIAM, circumque adstantium precibus commendari. Antonius de Leon Pinelo in Epitome Bibliothecæ Orientalis, & Occidentalis colum. 751. tom. 2. editionis Madritanæ 1738. & post eum gradientes Nicolaus Antonius in Bibliothecâ Hispaniæ nova p. 8. t. 1. Parra in Memorialibus Mss. & Altamura ad 1575. testantur reliquisse in schedulis.

*Historiam Sancti Dominici Provinciæ Mexicana.*

Quibus reffragantur Critici Quetif & Echard in *Scriptoribus Ordinis Prædicatorum* ad annum 1575. censentes, nuper dictos omnes delusos, dum hanc Alphonso nostro Historiam consignant, quæ ad DOMINICUM AB ANUNCIATIONE attinet, similitudine agnominis eis imponente. Et quamvis accuratissimi Hispani, qui Bibliothecam Pinelianam multis locupletiore accessionibus Matricti dederunt 1738. his non acquiescant; ut quod verum nobis videtur ingenuè fateamur, rem acutegisse Gallos nuper memoratos existimamus. Qui enim credi potest, ut DAVILA Alphonsi vitam nostri exprofesso describens, ne

verbum quidem hujus Historiæ fecerit, cum alias Scriptores Familiæ suæ Mexicanæ recenscat omnes, ut credere est de Authore diligentissimo? Ad hæc fortius, nisi fallimur, argumentum est nobis, quod in præmio Historiæ suæ Alumnos nominet Provinciæ, qui scribendi ejusdem historiæ jam inde ab initio manus admoverant; ANDREAM DE MOGUER, VINCENTIUM DE LAS CASAS, DOMINICUM AB ANUNCIATIONE, & qui hunc fecit latinum THOMAM CASTELLAR; de ALPHONSO verò nostro altum illi fuerit silentium, quod fecisset nunquam, si & hunc spartam ipsam aliquando adornasse novisset. Silet pariter qui memoriam habet Alphonsi M. FRANCISCUS DE BURGOA Dominicanus, in secundo tomo, partis secundæ Historiæ Geographicæ, seu Provinciæ Goaxacensis Ordinis Prædicatorum, cap. 40. fol. 200.

26 P. ALPHONSUS DE ARRIVILLAGA, Natione Mexicanus, Patria Goathemalenfis, sanguine clarus, Societati Jesu nomen dedit, in qua solemnè quatuor votorum nuncupatione se Deo religavit. Grammaticam docuit & Rethoricam Mexici in Sanctorum Apostolorum Petri & Pauli Collegio Maximo, in quo etiam tradidit Philosophiam multis, qui Rempublicam postmodum illustrarunt discipulis. Quod verò litteris bene cultis cultiores adjunxisset virtutes, prudentiâque emineret & mœurs singulari, Tyronum præ-

## AL

præfectus institutioni, quod primarijs demandari solet officium viris, Collegium rexit de Tepozotlan dictum. Ubi hæc aliaque exactissimè obijisset munera à Superioribus sibi commissa, à Congregatione Provinciali Mexicea Primus Procurator Romam delegatur, quo demum functus industrie munere, Patriam revertitur, Præpositusque Provincialis ab admodum Reverendo Societatis Generali P. destinatus, numeris omnibus absolutum Præsulem egit. Pro Instituti sui ratione ministris deditus sanctis, & sibi magnarum segetem virtutum paravit, & Familiæ clarissimæ decus multum adjecit, & Proximorum bono consuluit, donec plenus dierum, in pace, quam perpetuò servaverat homo mirissimus, quievit. Scripsit dum Rethoricam profitebatur, alia inter, quæ non erant,

*Poeticam Concertationem in recens nati Pueri Jesu plausum & laudem, sub Esculapij symbolo. Anno 1676:*

Pro ut habetur in Libris manuscriptis destinatis ejusdem argumenti operibus multis in Bibliothecâ Collegij Maximi jam dicti. Præterea scripsit suisque auditoribus è suggestu dictavit

*Philosophia Cursus:*

Cujus ubi sint exemplaria nescimus, id scientes, totidem illa fuisse, quot discipuli, qui à Magistro calamis exceperere.

*Conciones item multas, & de San-*

## AL

*ctis, & ad mores* Mss. quæ vel perire, vel adhuc nos latent.

Laudat Alphonsum nostrum P. JULIANUS GUTIERRES DAVILA in *Monumentis Historicis Congregationis Oratorij Mexicana*, p. 3. n. marginali 516.

27 FR. ALPHONSUS DE AVILA, Natione Mexicanus, Mexici ortus, fratrem habuit nomine Joannem in Hispaniagenitum, ut cum de eo sermo erit, dicemus. Institutum uterque Seraphici Patris Sancti Francisci suscepit in S. Evangelij Provinciâ Mexicanâ. Noster Prædicatoris Generalis munus explevit, Emeritosque inter jure fuit numeratus. Præfuit varijs Familiæ Domicilijs, & è plurimis, quas reliquit in schedis, concionibus, aliquas publici factas juris habemus Hispano conceptas sermone, quarum altera

*De Sanctissimâ Deiparente sub titulo del Pilar*, prodijt Mexici, Formis Francisci Rodriguez Lupercio 1679. in quarto.

Altera *De ejusdem Sanctissimæ Virginis Mariæ Transfixione*. Angelopoli, Typis Didaci Fernandez de Leon 1692. in quarto.

Altera *In honorem Immaculatae Conceptionis Virgineæ*. Mexici 1692. Litteris....

Meminerunt Alphonsi tum Betancurt in Menologio Franciscano p. 143. n. 43. tum Fr. Joanne à Sancto Antonio in Bibliothecâ Franciscana tom. 1. p. 39.

28 D. ALPHONSUS DE AZVEDO ET CARBAJAL, Natione Me-



Mexicanus, Patriam in Michoacanensi sortitus Provincia, gradumque Bachalaureatus tum in Philosophia, tum etiam in Sacra Theologia in Mexicana Universitate; typis dedit, quam è suggestu recitaverat.

*Orationem in funere Elisabethæ Borboniæ, Hispaniarum Regina, habitam in Alma Vallisoletana Cathedrali Ecclesia.* Mexici, apud Joannem Ruiz 1645. in quarto.

29 M. FR. ALPHONSUS DE LA BARRERA, Natione Mexicanus, Clarissimis stirpe genitoribus, ære locupletibus, Mexici natus est. In Sacro Prædicatorum Ordine solemni professus ritu, quas optime didicerat, è Cathedra tradidit Religiosis Alumnis, Philosophiam atque Theologiam, Magisterij sub inde gradum meritò adeptus. In Regia Universitate Mexicæ Doctoralem Theosophiæ lauream non sine Academiorum laude promeruit, ejusdemque Rector omnibus in ipsum suffragijs abeuntibus renunciatus fuit 10. Novembris 1665. Nec prætereundum quantifit habitus, quòd in hisce Comitijis Academicis prælatus etiam fuerit eximio cæteroquin Mexicano, & omni quidem laude maiore, FR. ANTONIO DE MONRROY, postmodum totius Prædicatorum Ordinis Generali Magistro, Archiepiscopoque Compostellano, qui secundo post Alphonsum loco Electoribus fuerat datus, ut caput sibi Senatuque suo ex illis unum calculis destinarent. Magistratu

perfunctus, egregie benemeritus de Academia, multis alijs auctus honoribus, demandata sibi negotia industrie peregit. A germana sorore Elisabetha ultimæ executor voluntatis supremis tabulis destinatus unà cū fratre, viro etiam doctissimo, HIERONYMO DE LA BARRERA, Theologiæ Magistro, Ordinis Beatissimæ Virginis de Mercede, commissum sibi officium implevit strenuè. Fœmina illa fuerat multis insignis dotibus, in primisque virtute præclara, juncta conjungio viro æque nobili ac pio SIMONI DE HARO, Cœnobium cū ipso unà condiderat verè amplissimum, & quòd Mexicana inter omnia primatum tenet conceptæ sine labe Deigenitricis nomine insigne, quam ardentissime deperibat: Ut verò haud segniter ferebatur in civem suum BEATUM PHILIPPUM A JESU, Martyrij corona illustrem, strictioris Observantiæ Seraphici Ordinis professorem, Mexicanæque Urbis Apostolica Authoritate Patronum; huic Monasterium voluit esse devotum, quod in proprijs ædibus, ære præterea suo, fabricari constituit, Capuccinisque Virgibus tradi. His Alphonsus intentus, advectas ex Hispania anno 1665. ut exciperet, in Portum Veræ Crucis iter instituit, comitem se illis præbuit, & constitutas Mexici operâ, consilio, omnibusque juvit officijs, curas suas & cogitationes operi impendens pijsimo, Cœnobioque construendo, quod &



AL

& Patriæ & Regno, in quo deinceps Institutum istiusmodi propagatum fuit ac diffusum, decori esset eximio, opimosque sanctitatis fructus daturum, ut subinde egregie de publico meritis fuerit Noster. Apud S. Inquisitionis Tribunal Ordinarij Judicis pro Jucatanensi Episcopo munere ornatus, inter Censores etiam, qui Theologi probatissimi sunt, adscriptus, Fidei Quæstoribus cum primis acceptus, utriusque officij partes explevit. Integerrimo itidem Senatu eodem iusta solemnissime persolvente Magno Hispaniarum Regi Philippo IV. iussus dicere è suggestu paruit, deditque

*Concionem funebrem,*

quæ impressa habetur Mexici in Typographiâ, quâ pro secretioribus schedulis id temporis utebatur Inquisitio Mexicea, Joannis Ruiz anno 1667. in quarto, cū alijs ejusdem funebris apparatus opusculis.

30 Graviores Alphonsi monumenta Theologica & Philosophica temporum injuria perire, nisi latitent in scrinijs vel tabularijs nobis ignotis. Laudat ipsum Illustrissimus Præsul Mexicanus D. D. MATHÆUS ZAGADE BUGUEIRO in Litteris ad Cardinalem de Aragon datis, quas unâ cum Monumentis alijs Cœnobij Capuccinarum legimus in Libro erectionis ejusdem apud ipsas de more servato. Meminit item Nostri Plaza in Chronicis Universitatis. lib. 5. n. 90. Itemque P. Fr. Ignatius de la Peña, Franciscanus, in Thro-

AL

nio Mexicano part. 1. cap. 2. pag. 7. & cap. 10. pag. 37.

31 ILLMUS. D. F. ALPHONSUS DE BENAVIDES, Natione Mexicanus, an Hispanus, scire adhuc non potuimus, S. Francisci Regulam in Provincia Sancti Evangelij sequutus, varijsque distentis officijs, Custos, ut dicitur, in Novam Mexicum destinatus, Regionem illam à veteri Mexico, Primaria Americæ Septentrionalis Urbe, quadrigentas non minus leucas distantem invisit. Superior ut erat exactus, cū Religiosis viris in Colonijs dispersis, Indorumque conversionem procurantibus, ipsis tum etiam, & paganis, & cathecumenis, & christianis invigilabat. Crescebat id temporis res christiana adventantibus Barbaris alijs, Xumanis dictis, quos multæ brevi Nationes sunt imitata, Magistros petentibus, qui ipsos Legem Christi docerent, sacroque lavacro recrearent: Quod scilicet honestissimam se vidisse audisseque Virginem affirmarent, eadem indutam veste, qua illi ipsi utebantur Religiosi quibus cū loquebantur, hortantem monentemque ita agere, si fœlicitati consulere sibi perpetuæ vellent. Porro missis illuc à Superiori Religiosis, ut deprecatores avebant, è voto successisse gratulati sunt per brevi & sibi & Indis, quorum plurimos christianis rudimentis instructos salutaribus Baptismi aquis abluerunt, alios autem, corpore languidos, sacro Crucis signo, ceu præsentissimo pharmaco, infirmi-

G 2

tati-



taribus liberarunt, ut Author est Betancurtius in Theatro Mexicano 4. part. tom. 3. cap. 3. & 4.

32 Interea Noster veterem, Superiorum jussu, Mexicum repetens, in Hispaniam mittitur gravissima acturus negotia, & in primis illa, quæ nuper detectæ Novæ Mexici incrementis in Fide congruebant: Digressus parumper in Graccarim, seu Agredam Villam, Virginem salutavit Abbatissam Monasterij Franciscanarum MARIAM A JESU, cujus egregiæ fama Sanctitatis jam tunc maxime percrebuerat, nec antiquam solùm, verùm Novam etiam Hispaniam pervaserat: à qua tandem Virgine didicit Ipsam illam esse, quæ Xumanas pridem monuerat Indos, Deo sic volente, uti Ecclesiæ Catholicæ aggregari curarent, petitis, qui eos instruerent, Ministris, si fides habenda cùm alijs, tum etiam citato nuper Betancurtio, à quo simul accepimus, nostrum Alphonsum Archiepiscopum Goanum apud Orientis Indos inauguratum fuisse, junctâ scilicet tuncusque Hispaniæ Lusitaniâ, rerumque potente Catholico-Rege cùm Occidentalium Indiarum, tum etiam Orientalium, quarum caput est Goa, Urbs quidem amplissima ornatissimaque. Alphonsus obtulit Magno Regi N. Philippo IV. supplicem Libellum hispanice scriptum, postea à JOANNE GRANEDONC, Franciscani etiam Professore Instituti, latium factum, editumque Salisburgi anno 1634. in 8. Nempe

*Enarrationem de magnis Thesauris spiritualibus & temporalibus Deo adjuvante in Nova Mexico detectis.* Matriti in Tipographia Regia, anno 1630. in quarto. Meminit Authoris & Operis hujus Antonius de Leon Pinelo in Epitome aucto Matriti 1738. tom. 2. col. 609. ubi notat, Geographiam Novi Mexici ab Alphonsio hîc traditam in compendium reductam à Laet lib. 6. cap. finali. Opus etiam & Authorem refert NICOLAUS ANTONIUS in Bibliothecâ Hispaniæ Novâ p. 10. Edidisse præterea nostrum *Libellum alium supplicem ad Regem nomine admodum R.P. Petri de Santander Indiarum Commissarij generalis*, 1630. Author est citatus Pinelus eodem tom. 2. col. 792.

Item scripsit Idiomate Hispano, *Epistolam ad Missionarios Ordinis in Mexicana Conversione S. Pauli missam.* Matriti anno 1631. in octavo:

Quam & JOANNES A SANCTO ANTONIO in Bibliothecâ Franciscana tom. 3. inter Appendices memorat, & perdoctus Capuccinus P. ECIZA affert in Libro, cui titulum dedit: *Murus inexpugnabilis Mystica Civitatis Dei*, cap. 12. fundamento 12. & PINELUS citato supra tom. col. 915. qui monet asservari Manuscriptam in fol. in Bibliothecâ Barciæ.

33 P. ALPHONSUS BONIFACIUS, Natione Italus, Mexicanus Domicilio, in Provinciâ Societatis SESU Novæ Hispaniæ cooptatus, solemni Professione quatuor vo-

torum



torum clarus, ministerijsque ejusdem Instituti deditus multis, cum Rectorem ageret Maximi Collegij SS. AA. Petri & Pauli Mexicci, hispanam edidit Epistolam

*Encyclicam ad Socios de obitu, virtutibus, ministerisque P. Petri Joannis Castini.* Mexici, apud Viduam Bernardi Calderon 1664. in quarto.

34 ALPHONSUS BONILLA, Natione Hispanus, Beacia in Batiæa natus, Mexicanis adscriptus Domicilio, publica fecit vernaculo sermone

*Carmina in honorem conceptæ sine crimine Deiparentis.* Mexici in Typographia Joannis Ruiz 1653. in quarto.

35 ILLMUS. D. M. D. FR. ALPHONSUS BRAVO DE LAGÜNAS, Episcopus Nicaraguensis, Natione Mexicanus, apud Tepēcācam, Diœcesis Angelopolitanæ Urbem, nobilibus parentibus ortus, Ordinem Sancti Francisci in Conventu Mexiceo 28. Martij anno 1619. professus fuit, postquam Universitatis Gymnasia diu frequentaverat, à queis Philosophiam, Theologiam, & Canonicum jus imbiberat, laureasque reportaverat. Cathedris admotus regendis, primùm Aristotelica placita triennio juxtà Scoti mentem illustrata discipulis obtulit, mox duodecim annis in tradenda Theologia insudavit, atque Emeriti Lectoris gradum pro laboribus tenuit. *Magister* ea ætate pro eruditione audiebat egre-

giâ, plurimique à doctissimis & gravissimis viris ducebatur. Mexicci Pro-Reges majoris negotia momenti ad illum referre solebant, Quæsitoresque Fidei Censoris insignitum honore audire amabant. Porro in oratoria facultate & sacris exponendis litteris celebris erat, proque solemnioribus festis Ecclesiastem ut ageret curabatur. Mexiceo Cœnobio non semel præfectus, alijsque, bis Definitorum egit Provinciæ suæ, cui in delicijs erat ab egregio disciplinæ regularis tenendæ zelo, & à religiosis moribus, queis se exemplar præbebat. Anno 1665. Pontifex Nicaraguensis electus, Goatemalæque consecratus, pastoralis statim incubuit officio, Diœcesimque lustrandam suscepit; prius verò quam totam circumiret Provinciam, mortem oppetijt, cujus corpus Granatæ Nicaraguensium conditum, biennio post integrum est repertum, quod tamen anno 1686. Anglis prædonibus locum invadentibus, Templumque Cathedrale impie crematibus Feria V. in Cœna Domini, in cineres abiit. Abiisse quoque scripta ejus facile crederemus fugientes nos, ni spes esset forsan à Sodalibus custodiri. Quæ supersunt nomina traditione, indicare non piget.

*Cursus Philosophicus ad mentem Scoti.*

*Tractatus Theologici ad ejusdem subtilissimi Doctoris mentem instructi.*

*Conciones multæ.*



*Consulta varia.*

Ejus meminit BETANCURTIUS, in *Tractatu de Illustrissimis Provinciæ S. Evangelij Episcopis* post *Mnologium* pag. 136. num. 7.

36 ILLMUS. D. D. FR. ALPHONSUS BRIZEÑO, Natione Peruanus, in America natus Meridionali, insigni Urbe Chilensi, Domicilio Mexicanus, 19. ætatis anno Ordinem Minorum Limæ (quæ Peruanis Civitas est Primaria multisque nominibus Regia) amplexatus est professione. In Philosophicis & Theologicis non tinctus modò, sed imbutus, Lector utriusque Facultatis, alios inter benemeritos istiusmodi petitores honoris, electus, quindecim totis annis expletis in docendi munere, Emeritus jure habitus est, tanti que à sapientibus factus, ut Secundus audierit Scotus. Collegijs, Cœnobijsque multis præfectus, Provincias visitavit non nullas magno ubique Fidei & Religionis incremento, quòd curæ ipsi esset in primis, ut subditi sibi Religiosi Indorum salutem attentissimè quærerent. In Europam à Provincia sua delegatus S. Francisci Solani Canonizationis Causæ Procurator eximius, & pro Comitijs Generalibus suffragator, Romæ gloriam apud Litteratos promeruit insignem, ubi Præsidem egit Scholasticæ Concertationis, speciemque obtulit egregiæ sapientiæ coràm gravissimis, qui aderant, ex omnibus Ordinibus viris. Matritum reversus, inibique

ex meritis notus, à Rege Catholico Philippo IV. pro Episcopatu Nicaraguenfi in America Septentrionali præsentatus, Bullis ab Innocentio X. Pontifice Maximo acceptis, sancteque inauguratus, Ecclesiam illam, qua decet vigilantissimum Pastorem diligentiam, rexit, quousque in eam quæ de Caracas dicitur, translatus, huic moderandæ totus incubuit. Ejus fecere, non sine magna laude, memoriam ÆGIDIUS GONZALEZ DAVILA in *Theat. Ecclesiæ Nicaraguae*, UVADINGUS, verbo ILDEFONSUS, ALVA in *Militia pro Immaculata* col. 676. NICOLAUS ANTONIUS in *Appendice altera ad Bibliothecam Hispaniæ Novam* pag. 315. Et JOANNES A S. ANTONIO in *Bibliothecâ Franciscana* tom. 1. p. 39. scripsit.

*Celebriores controversias in primum Sententiarum Scoti, admixtis potissimum dissertationibus Metaphysicis*, tomis duobus in fol. Matriti ex Typographia Regia anno 1638.

*Apologiam de vita & doctrina Joannis Scoti Doctoris Subtilis, ac B Amadei*. Ibidem, in tomo 1.

37 P. ALPHONSUS CALVO, Natione Hispanus, Mexicanus Domicilio, Societatis JESU Nova Hispaniæ Provinciam adlegit, & quatuor Deo vota nuncupavit: Collegio S. Gregorij Mexico Rector datus, excolendis pro instituti ratione formandisque ad omnem virtutem Indis, cum viris, tum feminis in Templum, eorundem potissimum usui destinatum,

con-

confluentibus, se dedit; optimeque meriti de eisdem Indis, deque Familiæ sanctissimis Institutis, Socij vita functi Encyclicam scripsit sermone hispano

*Epistolam de religiosa vitæ ratione, exatantis laboribus, felicique morte P. Josephi Maria de Guevara. Mexici Typis Josephi Bernardi de Hogal 1727. in quarto.*

38 FR. ALPHONSUS CAMACHO, Natione, ut videtur, Mexicanus, ortusque Goaxacæ, ibidem Ordini Prædicatorum in Provincia S. Hippolyti Martyris nomen dedit, solemnique more professus est 25. Februarij anni 1604. Studijs exactis, initiatusque Sacerdotio, totum se Indorum doctrinæ salutique mancipavit. Uti eminentissimus in Idiomate erat Zaapotecano, Magistrum ejusdem utilissime egit, nec tantum verbis, sed scriptis etiam cum illius Nationis Indos, tum eorundem Parochos & Ministros egregie juvit, concinnato docte juxta pieque Libro, cui titulum dedit hispanum, cæteris omnibus Zaapotecarum pro suo instituto linguâ conscriptis: Ita habet latine:

*Tractatus de septem Sacramentis Zaapotecano idiomate cujus usus in Valle Goaxacæ.*

Hoc in Opere pharmaca pro animarum salute præsentissima exhibet octo, Sacramentorum septem tractationi Dissertationem de Verbo Dei utilissimam jungens, quo de agit in præmio, fuso satis sermone. Agebat in vivis an-

H 2

no 1635. Liber autem Mss anno 1746. usui erat P. Dominico Saens de Miera, ejusdem Provinciæ Alumno, Indorumque memoratæ Nationis Parocho, pro ut habemus in Scriptorum Catalogo ab humanissimis ac Religiosissimis Dominicanis Patribus Goaxacensibus ad nos missio.

39 ALPHONSUS CARRILLO DE ALBORNOS, ET GUZMAN, Natione, nisi fallimur, Mexicanus & Patria, Baccalaurusque in Scholis Mexiceis, scripsit hispanis numeris

*Poeticam enarrationem solemnissimæ pompæ, qua illustris Mexicana Civitas miraculis insignem Imaginem Deiparæ, sub titulo de Remedijs, excepit, è Sanctuario suo in Basilicam Metropolitanam deductam. Mexici, Prælo Hæredum Joannis Ruiz 1678. in quarto.*

40 M. FR. ALPHONSUS DEL CASTILLO, Natione Mexicanus, Goaxacensis Patria, Clarissimo Prædicatorum Ordinis Conditori se filium dedit in Provincia S. Hippolyti Martyris, quæ in tota Diocesi Antequerensi religiosissima viget atque doctissima. Inibi Philosophiam ita excoluit atque Theologiam, ut docere ipsam postea valuerit, Lectorque tot annis tradiderit, quanti pro obtinenda Magisterij laureâ Ordinis statuta præscribunt. Eidem præfectus Provinciæ superioris munus non absque laude gessit. Quod autem eximio adversus Parentem Sanctissimum Dominicam suum

suum



suum flagraret amore, nec segnius in Deiparentem Virginem involaret, hujus ut religionem & illius additis stimulis vehementius incenderet, publicæ luci dedit vernaculo Idiomate

*Conciones duas; alteram habitam in solemnī collocatione Imaginis S. Dominici, Soriani dicti; alteram de Beatissimâ Dei Matre: utramque Formis Bernardi Calderon, Mexici 1636. in quarto. Habemus eas inter collectas à nobis in quarto tom. 13.*

41 FR. ALPHONSUS DEL CASTILLO, Natione Hispanus, Domicilio Mexicanus, quod è Provincia Angelorum Ordinis Seraphici, non dum sacris initiatus, in Collegium Goatemalense de Propaganda Fide, Christo Domino Crucifixo devotum, migraverit, juvandarum zelo animarum, quas Apostolici Instituti professores illius & similium Collegij toto nisu nullique parcentes labori, non modò Fideles inter, verù inter Paganos ipsos perquirunt. Tomum in folio Mss reliquit hispano sermone continentem

*Consultationes Morales varias.*

*Apologiam pro Privilegijs Missionariorum de Propaganda Fide.*

Authographa servantur in Bibliothecâ ejusdem Collegij.

42 ILLMUS. D. M. D. FR. ALPHONSUS DE CASTRO, Natione Mexicanus & Patria, electus Episcopus Ecclesiæ à Conceptione, Chilensis dictæ, apud Americam Meridionalem anno 1637.

Ordinem S. Augustini in Conventu Mexico professus fuerat, apud quæ Magistri in Sacra Theologia lauream retulerat, postquam Philosophiam tradiderat & Theologiam. In Europam, Provinciâ suâ jubente, profectus, cum in Hispania, tum etiam Romæ multi habitus à virtutum & literarum ornamentis eximij, Assistentis pro Hispaniâ munus in Familia primum coram generali Præfecto prudentissime gessit, indeque à Catholico Rege Pontifex, ut diximus, in Peruvia destinatus regna, sacris præ humilitate infulis reluctatus, de Ordine suo benemereri ad mortem usque voluit. Scripsit

*Philosophiæ Cursum,*

Et

*Tractatus Theologicos varios,*  
Quorum præter memoriam habemus nihil.

Meminere ejus ÆGIDIUS GONZALEZ DAVILA, in Theat. dictæ Eccles. Concep. Chilensis fol. 89. col. 1. SALINAS, Franciscanus, in Memoriali suo fol. 110. n. 189. & BASALENQUE, in Chron. Provinciæ Michoacanensis Augustiniana.

43 P. ALPHONSUS DE CASTRO, Natione Hispanus, ortus Toleti, Domicilio Mexicanus, Societatis JESU Instituta suscepit, nuncupatisque quatuor Deo votis, Theologiam Scholasticam Ocaniæ cum P. GABRIELE VASQUEZ, Doctore celeberrimo atque gravissimo, professus est, & Moralem

AL

lem multis annis explicuit, ut verbis utamur Bibliothecæ ejusdem Societatis. Hispalensem Professorum postquam rexerat Domum, Novæ Hispaniæ Provinciam petijt, cui etiam Præpositus datus est. In pristinam reductus, eodemque apud ipsam auctus honore, Hispali ad Episcopum Pacis Juliæ, negotijs maximi utique momenti ita suadentibus, iter arripuit, ex quo laborare cœpit morbo, cui brevi succubuit, exactis que 69. ætatis suæ annis, virtutibus clarus in Collegio Fregalansenfi ad multos abiit. Reliquit in Schedulis tornatum optime Commentarium

*In Constitutionem Clementis VIII. de Largitione munerum utriusque sexus Regularibus interdictâ.*

*Opuscula ad Moralem spectantia Theologiam varia* non ad finem usque ducta elaborasse citatæ Bibliothecæ Societatis Author testatur.

44 D. ALPHONSUS CHICO DE MOLINA, Natione Hispanus, cujus incomperta nobis est Patria, Mexicanum adeptus est Domilium, & Metropolitanæ Decanatum Ecclesiæ non multo post ejusdem constitutionem: Nec diu ab erectâ Universitate Mexicanensi, decennio nempe, ejus in Theologia Doctoribus atque in Philosophia Magistris cooptatus est, quarum insulis Facultatum in Academia Seguntina redimitus fuerat jam pridem. ILLMO. D. D. FR. PETRO DE LA PEÑA, Dominicano, qui primus Antecessor Pri-

AL

maræ Theologiæ Cathedræ fuerat, in Hispaniam abeunti, susceptus, Cathedram ipsam moderatus est triennio, quod dein negotijs ab Archipræsule ipsi commissis distentus, quotidianis adesse prælectionibus se non posse videret; & quod mox ipse quoque navigare ad Hispanos opus habuerit. Quas elucubravit Theologicas pro auditoribus Disputationes hactenus nos fugerunt, invenitur tamen in Bibliothecâ Congregationis Oratorij Mexicanensis tom. 1. variorum Opusculorum Mss in folio, sermone vernaculo

*Judicium de famulatu Indorum & operâ.*

Meminit Authoris Plaza in Chronicis Universitatis Lib. 1. c. 3. num. 10. & cap. 20. n. 177.

45 P. ALPHONSUS CORONEL, Natione Mexicanus & Patria, Societatis JESU, Rhetoricæ Professor in Maximo SS. AA. Petri & Pauli Collegio, scripsit

*Concertationem poeticam in Natalitijs festis Jesu Domini sub jovis schemate.*

Extat in primo ex tribus hujus argumenti Libris in Bibliothecâ ejusdem Collegij ad annum 1677.

46 ILLMUS. D. D. D. ALPHONSUS DE CUEVAS DAVALOS, Natione Mexicanus & Patria, natus est die S. Catharinæ Virgini & Martyri sacra, anno 1590, Parentibus sanguine & stirpe clarissimis, Alphonso item de Cuevas, & Anna Davalos: Genitor originem



nem ad EDONEM usque Cantabriæ Ducem, inclytæque Domus conditorem repetebat; Mater nihilo inferior nobilitate viro, in LUPECIOVELA Aragoniæ Infante, SANCTIJ RAMIREZ hujus nominis primi, Aragoniorum Regum secundi, filio radicem generis habebat eximij. Avitis stemmatibus proprias uterque adjunxit virtutes, quas cum opes haud exiguae comitarentur, magni semper habiti fuere, Familiaque insignis Primarias inter Mexicanas adscripta est omnium ordinum consensione. Nortè optime educatus à teneris, christianos imbibit altissime mores, quos adultus multo coluit diligentius, Sanctorum vestigijs insistent, uti perfectionis teneret verticem. Prius imò quam à Parentibus hæc audire valuerit, præventus à Deo, eximium se virtute futurum portendere visus est: nam triennis ecclesiastici formam jejunijs ferijs secunda, quarta, & sexta servabat. Sexto ætatis anno charismata cœlitus accepit egregia, altissimâ ex tunc infusâ dives contemplatione, orationisque spiritu eximio, quem deinceps mirabiliter augens, Magistrum ejus egit insignem praxi theoricem jungens. Decimum haud egressus annum, Servatorem nostrum pulcherrimi specie pueri conspexit, singulisque diebus per annum integrum, qua illum horâ suspexerat adveniente, ardebat amore, miraque spiritus suavitate perfundebatur.

47 Grammaticam, Rhetoricâ, Philosophiam postquam, primos inter socios numeratus, addidiscit in Collegio Maximo SS. AA. Petri & Pauli Societatis JESU à Magistris cultissimis, Academicamque laurum emeruit, Theologiæ studium totis nervis arripuit, consummatisque ab Scholis præscriptis curriculum, abstinere ab ejusdem infulis constituerat, unique Deo vacare, quæ mundi sunt cumque despiciens; obstitit tamen Religiosus vir, ut videtur, ignotus, qui cum monendi gratia Dei nomine domum ingressus, suavit, uti Doctoratus insignia capefferet, sciretque hac Deo via pro ipsius beneplacito obsequiturum. Itaque inter Alumnos Collegij Majoris Divæ Mariæ & omnium Sanctorum adscriptus, prolusionibus, rigidioribusque examinibus præcedentibus, quæ Universitas Mexicana candidatis præscribit, Doctor in Sacra Theologiæ Facultate fuit creatus. Rector etiam ejusdem in Academicis Comitibus anni 1632. electus, strenuè functus est munere amplissimo, & postmodum anno 1655. Pro-Cancellarius datus, haud exacte minus id honoris obivit insignis.

48 Eo ferme tempore quo Doctoris lauream fuit assequutus, laborabat gravi & diuturna oppressus ægreditudine Primarius Theologiæ Antecessor ALPHONSUS MUÑOZ, vir clarissimus, Rectorisque Academici jussu Noster professionem illam suscepit, fereque se-

xen-



xennio Cathedram moderatus Primariam, auditorum utilitati, quibus erat præditus litteris & virtutibus, exacte prospexit. Fato ubi concessit Alphonsus Muñoz, alios inter Cathedræ petitores. Noster comparuit, atque ut auspicator Prælectionem de more haberet, prius exorandum sibi duxit Supremum Numen. Florebat eo tempore Mexici eximiæ fama Sanctitatis probatissima Virgo AGNES A CRUCE, cum à multis alijs emunctæ naris hominibus, tum à PP. GODINES ET FIGUERA, Mysticæ Theologiæ luminaribus fulgentissimis, plurimi habita, quæ à Regali de JESU & MARIA Monasterio, ubi Regulam, quam Conceptionis dicunt, professâ fuerat, in Fundatricem Cœnobij Carmelitarum primi Mexici Superiorum autoritate translata fuit, pro ut eruditissimus noster CAROLUS DE SIGUENZA, in *Paradiso Occidentali*, seu *Historia politissima Monasterij de JESU MARIA* mox insinuati, longe habet: Hanc Alphonsus Virginem enixe rogavit, ut pro Cathedrâ, quam petebat, negotio preces ad Deum funderet: Tum verò illa deprecatores monuit uti Breviarium, quod habebat præ manibus, aperiret, cuius qui ornandæ Prælectioni oblatam forte requirit materiâ: Paruit ille, & semel, atque iterum, & iterum forte aperto volumine sacro, Evangelica semper illa verba succurrerunt à Servatore nostro prolata: *Ego sum Pastor bonus & cognosco*

*oves meas.* Scilicet, intulit protinus multo afflata lumine Agnes, reposuitque Alphonso: Episcopum, non Antecessorem Academicum destinavit Te Deus. Et porro non prælagisse rem, sed oculis lustrasse eventus docuit. Noster siquidem morbo præpeditus apoplectico simili, pedem referre ab instituto petitionis itinere coactus, ad majora servatus est.

49 Interea vita functo FRANCISCO LOZA, viro multis ornatissimo dotibus, qui quondâ V. GREGORIO LUPECIO comes fuerat, & primus Theresianis Monialibus datus à Sacris Confessionibus, cum is quoque qui ei successerat in eodem munere brevi diem obierit postremam; Noster in ejusdem, reluctantis licet & invitatus, suffectus est locum. Quod enim memorata superius Agnes Monasterium regeret, è re sua judicans Confessarium multis à Deo precibus exorare, qui Religiosarum Virginum instructioni profectuique in virtutibus aptior esset futurus; tandiu institit orationi, quo usque à Deo accepit, unum ad id officij destinatum à se esse Alphonsum. Hunc illa protinus per Epistolam requisivit, obtestataque est multis, uti vellet sese instituendis Virginibus Carmelitis addicere. Ut ille tamen humilimus erat, tanto se imparem oneri esse respondit, aliaque cogitare.

50 Superiores pro inde Agnes convenit, qui cum Alphonso agerent, ut ejusdem obtemperaret sup-

pli-



plicationi. Frustra tamen illis conatibus, ventum est ad prodigia. Nam oranti Alphonso de more, quadam nocte visa est Sanctimonialis Carmelitanis induta vestibus ingredi conclave, auditaque petere, ut Theresianum adiret Cœnobium. Obstupuit Alphonsus, pollicitus que est se Monialibus sistere non tardius quam postera die. Dictis ut staret, mane sequenti egreditur ē domo, petiturus rectā, ut decreverat, Theresianam. In itinere verò obniti adeo repugnareque cœpit, ut mutato consilio in Academiam ierit ē suggestu, cui, ut dictum est, præerat, Theologiam auditoribus traditurus. Rursus cū assuetis meditationibus nocturno, quod exceperat diem hanc, constituto sibi vacaret tempore, ecce Carmelitana Fœmina iterum illi sistitur, loquitur, conqueritur, graviorique aspectu quod pridem postulaverat deprecatur. Stupore correptus, & suavi, quam etiam præcedenti senserat nocte, fragrantia perfusus, denuo fidem adstringit uti proxime nascituro Sole ædes Monialium adeat. Aditurus tempestive pergere incœpit; destitit tamen, ut fecerat pridie, haud minore pressus difficultate, atque in Aulam Academiae se contulit. Vix ascenderat Cathedram, & ignotus sibi juvenis proxime illam accedens, urbanissime sciscitatur, Quid causæ sit ut Carmelitarum iteratæ Virgum petitioni tam se difficilem præstiterit, & adhuc subtraxerit. Hæc

ubi Alphonsus exceperat, continuo ē Suggestu desiliit, & Monasterium petijt, cuius ad loculatam Rotam Agnetem præstolantem ipsum invenit, atque ei socijsque consilio juvandis, Sacramentis fovendis, & omnibus religiosis officijs instituendis se dedit, magno eorumdem compendio, quoad, Deo illum ad Episcopalem apicem vocante, sedem unā solumque mutavit.

§1 Angelopolim, Urbē amplissimam, eo consilio petijt, ut candidatum ageret Sacerdotij, quod *Magistrale* dicunt, erudiendisque Fidelibus ē pulpito in Ecclesijs Cathedralibus est destinatum. Probatus ad id muneris ab Illmō. ornatissimoque Capitulo, propositus que, ut moris est, uā cum duobus alijs etiam in Theologiā Doctoribus, multis & ipsi titulis clari, Catholico Regi nostro, cuius est ē petitoribus unum eligere, destinatus tandem & institutus, ut doctissimus erat, & in adhortando populos fervētissimus, Concionatoris partes omnes implevit, Canonicosque inter multum effulsit. Dein honoribus auctus, à Thesauris fuit ejusdem Ecclesiæ, postmodum Archidiaconus constitutus, donec in Metropolitanam advectus Regiā jussione, Decanatus dignitate, quæ omnium post Pontificalem primas tenet, proximis meritis fuit potitus. Quod verò hæc altius illum evehendum peterent suapte, pro Ecclesia Nicaraguæ Præsul designatus à Rege



AL

ge fuit, cui tamē se honori subtrahit; nec multo post cedere coactus iteratē in Episcopale culmen vocationi, Goaxacentes infulas demum suscepit, egregio vastissimæ illius Diocesis commodo: In eam siquidem ut se contulit, Pastoris officia vigilantissimi omnia quam dici potest cumulatus perfecit: nam, ut prætereamus alia quæ verbo & exemplo quotidie experientibus erant profectui juxta & admirationi, maxima enim verò digna est cōmendatione accuratissima hominis diligentia in asperriima supra fidem Provinciā annis singulis visitandā: Sanē cunctatus nihil, inaccessos propemodum mōtes, præruptos colles, ambagibus difficillimas vias, obviantia sæpe & tumentia flumina, nunc hæc nunc illac petebat, Indos perquirens, edocens, sacro Confirmationis chrismate inungens, elemosynis juvans, cæterisque charitatis officijs, quibus etiam & Hispanos, & aliarum homines Nationum complectebatur; ut propterea Rex Catholicus conficius omnium factus à Comite de Baños, qui ejusdem in Nova Hispania vices agebat, Epistolam ad Nostrum scripserit datam Matrili 30 Augusti anno 1673 grates illi rependens egregias pro navata strenuissime opera in arduo hocce munere, ejusdem zelum plurimi faciens, testatusque nullum se desimilibus dubitare.

52 Hæc aliaque gesta, cū pro Religione servandā, tum pro

AL

Ecclesiasticā disciplinā à Parochis, cæterisque Clericis, ut par est, habendā, conjunctaque zelo mansuetudo singularis, eximia comitas, & pacis studium insigne, facili negotio fecere, ut viduatæ Pastore Metropolitanæ Ecclesiæ Mexicæ Archiepiscopus fuerit datus, quod honoris fastigium nullus antea Mexici ortus conscenderat, nec porro hætenus scandit, novercante plerumque fortunā, dignissimisque sæpè invidente. Redux in Patriam, possessionem nactus incredibili non gentilium modò suorum lætitiā, sed quot quot illam incolebant cujusvis Nationis & conditionis hominum gaudio; quamvis totus fuerit in pascendo commisso sibi grege numerosissimo, mortem, quam non longe aut præcicerat, aut opinabatur dissitam, vigilantius opperiebatur.

53 Menses egerat novem in Mexicana sede, accedenteq̃ pervigilio Assumptæ in cælum Virginis Deiparentis, cui addictissimus erat, proptereaque anniversarium festum Goaxacæ proprio ære dotaverat; diem auspicatorum à vespers, dum hæc solemnissime, de more, cantarentur in Metropolitana, interesse decreverat: Capitulocæterisque expectantibus, principio nunciatum convenire non posse, mox verò repentino correptum morbo Præsulem esse, cui quantocyus Eucharisticum pro Viatico Sacramentum deferretur. Delatum statim augustissimā pōpā,

K



pâ, extemporanea licet, ipsoque supplicationem comitante Pro-Rege, Excmô. Comite de Manzera, qui ut religiosissimus erat, & egregias Alphonsi virtutes agnoverat, ubi audivit ipsum languere, invisit protinus, genibusque positis veneratus discessit, reversurus, Divinissimumque pedes associaturus. Synaxi sacratissimâ devotissime sumptâ, proloqui & si ægerrime posset Noster, conatus est tamen haud paucis adstantes Capituli Alumnos cæterosque monere, uti pacem servarent, Deique promovendæ gloriæ studerent. Turbata præsto Civitas fuerat, cunctis proximam dilectissimi Antistitis mortem dolentibus, Superosque pro ejusdem incolumitate vocantibus. Morbus tamen crescens in dies depositum ægrum suadebat, desperatamque valetudinem, ut subinde Oleo inunctus extremo secunda Septembris inchoante, conflictari propius cum morte incœperit.

54 Aderat in Conventu S. Sebastiani Carmelitarum Excalceatorum PETRUS A S. ALBERTO, qui multas Familiæ gesserat Præfecturas, virtutibus conspicuus, multisque à Deo gratijs ornatus: Is matutinis precibus de more solutis, Chorum egrediens, Superiorem alloquens, instare inquit tempus Archipræsulem adjuvandi in agone supremo, cui non semel adstiterat decumbenti: jussus à Prælato socium sibi adiscere, pergereque in Archiepiscopi ædes,

ubi ad illas accessit, alijs, qui aderant, Sacerdotibus comes datus, statutisque ab Ecclesia orationibus dictis, videre sibi visus est Alphonsum, multis stipatum Angelis alijsque Cœlitibus, per latissime patentem campum incedere, pluribus hinc inde ordinate pauperibus Deum pro illius valetudine ac vita orantibus: Substitère paulisper fulgentissimi comites, ac si expectarent progrediendum ne esset, an regrediendum: Alphonso tamen innuente ut procederent, extemplò perrexere illi, & ipse in Dei manus, cujus unius optabat amplexus, spiritum posuit, hora paulo post quartam matutinâ, qua, ut pie creditur, aurora ei affulsit numquâ interituri luminis nuntia, secunda Septembris anno Domini 1665. ætatis suæ septuagesimo quinto tribus ferme mensibus demptis.

55 Curatum ex arte moreque cadaver, quod, priusquam efferretur, triduo mansit expositum in Palatio, ut & confluentium multitudini fieret satis, optantium manus pedesque osculari dilectissimi Patris ac curatoris, & qua decet mora & solemnitate Sacra pro defuncti fierent anima, & à singulis Familijs Religiosis ex ordine venientibus, & à Clero & Capitulo Ecclesiastico solverentur officia maestissimo cantu, apparatuque spectabili atque magnifico. Multo tamen magnificentius quod demum elatum corpus fuit, concurrentibus cum Capitulo Clericis

AL

cis ferme mille, ut multorū supp-  
ratio tulit ea die: Clerum Religio-  
si ex omnibus, quæ sunt Mexici, Or-  
dinibus cætus frequentissimi, suam  
quisque præferens Crucem: Con-  
fessus Academicus Magistros, Do-  
ctores, Antecessores adferens om-  
nes: Urbis Mexicanæ Rectores,  
Tribunalia quæque Regio insti-  
tuta nomine, Regij Auditores at-  
que Ministri, ipseque Pro-Rex  
funestissimâ æque ac gravissimâ  
coronâ iusta dignissimo Antistiti  
persolventes sunt comitati. Novē-  
dialiā proxime celebrata à Capitulo,  
quod parentationē instaurare de-  
crevit 25 & 26 Octobris, iterum  
excitatâ mole funestâ, multis  
distincta luminibus, invitatisque  
qui nuper convenerant omnibus,  
ut sacris adessent, dicentesque è  
suggestu, vespere latino, mane his-  
pano sermone, ut sit, doctissimos  
Oratores exciperent, IGNATIUM  
DE HOYOS, in Philosophiâ &  
Theologiâ Doctorem, ejusdemq̃  
Præbendatum Ecclesiæ, & FRAN-  
CISCUM DE SILES, Canonicum,  
ut dicitur, Lectoralem, Vesperti-  
numque Theologiæ Academicum  
Professorem, è quorum typis da-  
tis Orationibus multa quæ hæc-  
tenus de Nostro scripsimus, dabi-  
musque deinceps, accepimus.

56. Porro & ij, & quos in-  
fra recensimus, quibus commu-  
nis favet existimatio, egregias Al-  
phonfi Virtutes commendant, quæ  
nascentis Ecclesiæ Patribus ipsum  
non absimilem indicant. Eximijs  
à puero beneficijs præventus à

AL

Deo, ut diximus, tyrocinia pœni-  
tentia ponere visus est, ea in tan-  
tula illa ætate modestiâ, ut incre-  
dibilis videretur, haud minorique  
in omnibus proficiendi virtutibus  
desiderio. Adultus, præter absti-  
nencias communes, multoties pa-  
ne solùm contentus & aqua je-  
junabat. Quandoque rigidissimam  
totos septem dies substinuit ine-  
diam. Sapissime patienti Servato-  
ri, feria sexta, gustato felle, aut  
aquæ vice àloe sumpto, libabat.  
Accedit, quod credi vix posset ni-  
si gravissimis testibus probaretur,  
insigneque austeritatis est argu-  
mentum: totum tres annos po-  
rum sic interdixisse sibi, ut nec  
aquam, nec vinum, nec, quæ est  
usitatissima nostratibus & quoti-  
diana potio, *chocolate* gustaret: at-  
que ut multo difficilius res esset,  
non semel, ceu laxandi animi gra-  
tia, Hortos ingressus, salientes de-  
stinatò intuebatur aquas, fontes  
videbat, idque genus alia, quæ  
incitato appetitui vim multam in-  
ferret. Ter in die flagellis cædi,  
& sæpe usque ad effusionem cruo-  
ris, habuit solemne. Subucula ipsi  
frequentissime horridis hirsutis  
que seris contexta: adjiciebat ci-  
licia, quibus & brachia, & pedes,  
& lumbos præcingebat arctissimè.  
Somnum in nuda tabula necessa-  
rium carpebat; atque, ut alia ta-  
ceamus castigandi corporis instru-  
menta, quæ ipsi fuere usui, pe-  
dum ungues adeo crescere passus  
est, ut curvati digitos penetrarint,  
doloremque continuum induxe-  
rint.



rint. Sane, tot tantisque mace-  
rationibus corpus afflictum, squa-  
lidum, siccisque radicibus haud  
ablimile videbatur. Sub inde haud  
mirum, egregiâ quod laude ca-  
stitatis floruerit, instituendisque  
Virginibus à Deo mirabiliter de-  
stinatus, carnis illecebras fugerit,  
astusque domestici ac fallacissimi  
hostis devicerit.

57 Orandi studium cùm à  
puero coluerit egregie, ad ulti-  
mam usque duxit ætatem, statas  
que sibi horas pro cœlestium me-  
ditatione constanter servavit, à  
decima noctis usque ad undeci-  
mam, & à quarta ad quintam ma-  
tutinam; tametsi adeo illi fre-  
quens fuerit ea, quam à tene-  
ris divitus acceperat, contempla-  
tio, ut diu noctuque Deum co-  
gitaverit ac divina, cœlo etiam in-  
tentus varijs semper implicatus  
negotijs curisque multiplicibus,  
pro earum, quas gessit, Dignita-  
tum & Ecclesiarum sacris mu-  
neribus: multis sæpe lachrymis  
madidus, tantisque affluens cœli  
delicijs, ut obrui eis videretur  
haud semel. Nec propterea deso-  
lationibus caruit acerbis, dura  
passus cruciamenta illa, quæ ac-  
ceptissimis sibi probandis, eve-  
hendisque ad altiora charismata  
permittit Deus. Tentationes ex-  
pertus dæmonum, utique insig-  
nes, pro imperio etiam cum illis  
agebat. Conquista forte Sancti-  
monialis, quòd multis à tetro ge-  
nio technis infestaretur turbare-  
turque animo, dum vacare spiri-

tualibus exercitationibus vellet,  
injunxit Noster uti ad se mitte-  
ret nebulonem. Cum ecce scri-  
benti, quam è suggestu Academi-  
cis dictaturus erat lectionem, si-  
stitur cocodæmon: quem cum  
ille despiciatui haberet, Dei no-  
mine jubet, ut in cubiculi angulo  
expectet, donec ipse ad extremum  
paginam ducat. Volens nolens ob-  
secundat vasserimus, objurgatus  
que dein, tunc demum abscessit,  
cùm ipsi ille imprecatus fuerat, ne  
fœminam, quam toties molesta-  
verat, rursus offenderet: nec por-  
rò infestare illam fuit ausus in  
posterum.

58 Humilitati addictus latere  
sibi constituerat à juventute, de-  
clinareque honores studijs suis &  
laboribus pares: queis & si non se  
subduxerit, Dei ut voluntati fa-  
ceret satis, imò majores quotidie  
inierit ascensus, divinâ illi Provi-  
dentiâ viam sternente, ut ad cul-  
men veniret Archiepiscopatus Me-  
xicei; se tamen hæc inter nihili  
faciebat, in delicijs habens fordi-  
dis in Valetudinario ministrare  
pauperibus, flocci nobilitatem, di-  
vitijs, plausus, terrena quæque fa-  
ciens, & quæ à Dei beneficentia  
acceperat dona insigniora ita tege-  
re studens, ut vel ipsos conjunctos  
laterent & familiares, à quibus cū  
omnibus caveret, vix assequi po-  
tuit, ut non multa observarent &  
nosset. Patriam ingressus Ar-  
chiepiscopatus dignitate functu-  
rus, tota quamvis illa in lætitiâ  
efussa ubique visa fuerit gestire,  
tri-



## AL

tripudiare; *Id* que reperere; *falsus* ipse tamen ingenue est, seu Confessario, seu amicissimo, nullum se isthac movisse cogitantem, dum curru veheretur, nobilibus popularibusque stipatus, instare mortem, finis non longè abesse.

59 Ut est autem animi demissioni mansuetudo conjuncta, tam fuit ille miti lenique conditione, ut etiam corrigens pro munere fontes, objurcationem, quantum fieri posset, condideret, haberetque in usu, quod frequenter in ore oportere absque strepitu agere in his, ut propterea cunctis fuerit acceptus, non Mexici tantum, sed Angelopolis, & Goaxaca, qua de se de promeritum omnes ad unum ejulatus, lachrymis, & id genus alijs doloris signis sunt prosequuti.

60 Primas in hisce omnibus charitas in Deum Proximosque tenebat. Quanto in Deum amore flagraret, conjici inde potest, quod ejusdem deditus contemplationi, unum illum in omnibus cogitaret & coram haberet, cui unice placere studebat. In Proximos egregium fovebat amorem, eorumdem subinde commodis studens, miserijsque sublevandis intentus. In eleemosynas adeo erat effusus, dici ut illæ vix possint. Non dum in Episcopatum assumptus, quandoque pauperi pro eleemosyna ipsum in domum revertentem convenienti, clericale pallium demissit, habebatque in ore unam satis sibi esse tunicam. Quod

## AL

que sanctum haberet, furto haud absumile esse Episcopum aut Clericum superflua non pauperibus erogare, nec necessarijs sibi parcebat. In publicis præcipue calamitatibus ejusdem charitas & misericordia resplenduit.

61 Anno 1629 aquarum eluvionem patiente Mexico, multos ille egenos in suburbijs latentes, vixque non immeritos, delatam alimoniam curavit, cumque conquiriti gratia panis pro Virginibus Carmelitis, quibus tunc præerat, quotidie in Oppidum tria millaria ab Urbe distantem, *Tachibaya*, pergeret, pauperes circum illud degentes, & in itinere mane operientes, ipsum ut conspicabantur, inclamabant, gesticbantque gratulantes sibi de pane, quem libentissime largiebatur. Archidiaconus eo tempore Angelopolitanus, quo favissima pestis Indos invalit, quos publica Xenodochia capiebat minime, amplam ipse domum in Valetudinarium erexit, ubi correptos lue plurimos adduxit, suisque sumptibus cibos, pharmaca, Medicos, Chirurgos, & quidquid pro illorum opus erat valetudine & auxilio, illis supeditavit. Episcopus, Archiepiscopusque inauguratus, multo efusius liberalitati in egentes indulgit, Ecclesiasticos redditus in eos conferens & Dei cultum, quibus cōsanguineos suos ditescere nunquam permisit.

62 Maritandis puellis dotes multis exhibuit, viduis, alijsque clam



clam petentibus, subsidia in mensem, in hebdomadam assignabat; trecentis quotidie pauperibus ad meridiem panes tribuebat: multo quam longissime pluribus minutas ex argento monetas singulis feriis sextis ad januam venientibus conferebat, passus nunquam inopes finire desolatos. Quandoque deficientibus nummis, & pretiosis mobilibus, pauperem bonis tantum verbis datis dimisserat. Sed statim revocavit pannosum, & ablato peristromate de pariete, nec nudum, nec vacuum pergere iussit. A Sede Goaxacensi Mexicum venturum ut comitarentur, eo se contulerant Canonici Mexicani duo, Capituli nomine gratulantes Prælo, urbanissimeque obsequentes, atque ut viaticum abundans, & quæ illi cumque necessaria essent suppeditarent, aliquot argenti cusi millia in promptu & numerato esse dixerunt: Nec ipse moratus, duo milliâ pauperulæ moniali, ut dote completâ, se Deo consecraret, illico destinavit: huic pro victu numinos, alteri pro vestitu haud paucos dedit, ut propterea Deputati Mexiceî festive dixerint, oportere Archiepiscopum domi recludi, ne, si ita pergeret, omni destituti viatico cogerentur longum iter arripere. Sane, Dignitates postquam redditibus copiosas multos obtinuit annos, duasque rexit Ecclesias opibus scatentes, tam omnibus destitutus è vivis excessit, ut vix geminam subuculam,

totidemque sindones in extremis habuerit, viceque argenti & amplæ supellectilis, cilicia, flagella, aliaquæ affligendo corpori, è ferro, chalybe, cuspidata, conspersa que sanguine in scrinijs inventa fuerint.

63 His, alijsque latentibus nos heroycis virtutum exemplis, eximiam Sanctitatis famam ad posterum transmisisse mirum non est, multisque ipsum laudasse, ejus qui memoriam in scriptis fecere, quos inter ex nostris FR. BALTHAZAR DE MEDINA, in Chronicis Provinciæ S. Didaci Mexicanæ fol. 240. col. 1. FR. AUGUSTINUS DE BETANCURT, in Chronicis Provinciæ S. Evangelij, cujus ad calcem adjectus est Tractatus Urbis Mexicæ p. 18. n. 86. P. FRANCISCUS DE FLORENCIA, in Historia Imaginis SS. V. Deiparentis de Guadalupe Mexicanæ fol. 86. n. 178. & fol. 122. n. 240. D. CAROLUS DE SIGUENZA, tum in Paradyso Occidentali fol. 151. n. 374. tum in Triumpho Parthenico fol. 87. ubi Nostri vitam se scripturum promittit, quam tamen nullibi adhuc invenire potuimus. CHRISTOPHORUS BERNARDUS DE LA PLAZA, in Chronicis Universitatis Mexicæ, quæ Mss asservantur in ejus Tabulario lib. 5. cap. 7. num. marginali 89. Ex Europæis FR. EMMANUEL A S. HIERONYMO, tom. 6. Historiæ Reformationis Carmelitarum lib. 26. c. 28. n. 3. D. SALVATOR SYLVESTER DE VELASCO ET HERRERA, in Sca-



Scalā mirabili, seu Vita S. Petri de Arbues, in Nuncupatoria Collegio Majori Mexicano Divæ MARIÆ & omnium Sanctorum, quo loci citat in margine p. 5. ad calcem, post SIGUENZAM in Triumpho Parthenico, ROSAL in Vita nostri, quam scripsisse BARTHOLOMÆUM DE ROSALES compertum habemus, allatamque in Hispaniam, ut typis mandaretur, deficientibus pro editione sumptibus, manuscriptam ad nos rediisse, quam multis conquistam laboribus videre hactenus non valuimus: habemus tamen præ manibus aliquas ad ipsum ROSALES datas Epistolas conscribendæ Vitæ occasione, à quibus non nulla usui nobis fuerunt in præsentiarum. In eis porro mentio fit etiā Epistolæ scriptæ à P. MICHAELE DE GODINES, eximio Theologiæ Mysticæ Professore, Societatis JESU, de Nostri gestis secretioribus, solique forsitan sibi notis, quod Alphonso ab intimis fuerit consilijs, & sacris confessionibus; & hanc credimus Epistolam coram habitam à memoratis supra HOYOS, ET SILES Nostri elogia textentibus in Orationibus impressis Mexici, unā cum obitus narratione, apud Viduam Bernardi Calderon 1666.

64 Alia ejusdem P. GODINES Epistola ad Nostrum data affertur à P. EMMANUELE IGNATIO DE LA REGUERA, Societatis JESU, in Notitia vitæ ipsius P. GODINES, præfixa tomo priori grandis Ope-

ris Romæ editi apud Antonium de Rubeis anno 1740. cui titulus *Praxis Theologiæ Mysticæ, &c.*, seu Commentaria eruditissima in Opusculum celeberrimum de Mystica Theologia à P. MICHAELE DE GODINES, Mexici scriptum. Atqui prætereundum non est, quod memoratus P. REGUERA, Theologus Hispanus egregius, ibidem Nostro textit elogium inquit: *Illmūs. & Rmūs. D. Ildefonsus de Cuevas Davalos, prius Episcopus Oaxacensis, mox Archiepiscopus Mexicanus, vir extraordinariæ virtutis, & singularis perfectionis famā notus in illis regionibus: putatur esse ille, de quo supresso nomine loquitur Author (Godines) lib. 9. cap. 11. penultimo loco: & ad quem suam Epistolam dirigit, de qua mox.*

65 Locus autem ille penultimus cap. 11. lib. 9 sic habet latine apud ipsum P. REGUERA tom. posteriori pag. 560. citati Operis editi Romæ anno 1745. *Annos ultra quinque supra viginti (inquit P. Godines) cum alio communicavi spiritu, qui dono contemplationis infusa præditus erat, dono actuali miraculorum, luce prophetica, summæ penitentiae dono & mortificationis, magnos inter raptus, favores & lumina divina: & cum publico munere teneretur, cujus causā serico, & holoserico indutus; cum doctis & indoctis, cum amicis & inimicis, cum domesticis & cognatis agebat; nemo ullus (præter Patrem spiritualem, cui nota erat ejus anima) plusquam pro bono quodam Christiano illum habuit.*



*O raram humilitatem! sed rariorem prudentiam, & rarissimam simulationem! quæ per annos ultra sex supra triginta potuit tales occulere gratias, quin unquam nisi soli Deo, & Patri spirituali, alicui mortalium innotescerent. Hactenus vir gravissimus.*

66 Et ne hoc dissimulemus, ægre patimur Alphonfi res omnes pœnitius latuisse oculatissimum CARDINALEM DE AGUIRRE, cujus eruditione eximiâ, incomparabilique labore Concilia Hispaniæ omnia, & Americæ fere cuncta bono in lumine collocata auspiciatissime fuere. Debemus Eminentissimi calamo purpurati, post Acta Mexicani Concilij postremi, Cathalogum Præsulum Ecclesiæ Mexicanæ, quorum meminerat ÆGYDIUS GONZALEZ, in suo Theatro, quibus Cardinalis ipse eorum monumenta adjecit, quæ Romæ habuere potuit, ijs misis nominibus quorum rescire gesta nequivit, uti conceptis verbis testatur tom. 4. p. 415.

67 Noster Theologica quavis scripserit plura, quæ suis in Gymnasio auditoribus instillavit, comparent nulla, & quæ fuerint illa nescitur, quòd id temporis nondum moris fuerat Academici, ut novis deinceps statutis cautum est ab anno 1668. in Archivium scripta ab Antecessoribus reponi, & in Libro pro notandis Lectionibus destinato singularum Titulos & Authores inscribi. Edidit idiomate hispano

*Juridicam Allegationem:*

A se elaboratam cùm Archidiaconum ageret Ecclesiæ Angelopolitanæ, diebus aliquot, quos à publica in Choro Officij divini recitatione abstinuit, ob causas in ejusdem Operis procemio relatas. Porro, quantum fuerit versatus in jure Canonico, atque in Theologia doctus, Opus hoc exhibet, excussum, pro illius temporis usu in his Allegationibus imprimendis, tacitis Typographi nomine, & loco editionis, anno 1651 in folio. Extat tom. 45. Collectionis D. LUDOVICI DE MENDOZA.

Aliam à se editam Juris Consultationem in eundem collimantem scopum, Author in præcedenti ipse testatur, quam hactenus nobis invenire non licuit.

Edidit etiam patrio itidem sermone

*Funebrem declamationem in obitu Catholicæ Hispaniarum Regina Elisabeth Borboniæ, à se habitam Angelopoli, ibidem typis Emmanuelis de los Olivos 1645. in quarto: Quæ ingenium viri solidum prodit, nec sine acumine, gravem eloquentiam, Sacrorumque Bibliorum ac Patrum eruditionem minime vulgarem. Extat inter curis nostris compaginas in 4. tom. 26. Scimus scripsisse dictos à se è sacro suggestu plures*

*Sermones panegyricos & morales; An verò sint alicubi, an omnino perierint, deffinire non est in animo.*

68 M. FR. ALPHONSUS DIAZ

DE



AL

DE PRIEGO, Natione Mexicanus, Patriam fortitus est Angelopolim, Patresque claros sanguine: Illmûm S. Dominici Ordinem Prædicatorum in Patriæ Conventu professus, postquam Philosophiam suis & Theologiam alumniis explicuit annos ejusdem Ordinis statutis præscriptos pro his qui Magisterij coronandi sunt insulâ, Magister jure fuit auguratus: Quem etiam assecutus honorem in Regia ac Pontificia Universitate Mexicanensi, ad Cathedram Angelici Doctoris in ea regendam Proprius Moderator allectus est: Cùm verò ea demum tempestate Angelopolitana à Mexicana S. Jacobi Provincia divisa fuerit, concessaque Angelorum Provincia altera in eadem Academia pro tradenda doctrinâ S. Thomæ Cathedra, quæ Vespertina foret, Primariâ manente quam jam diu Mexicanæ Provinciæ Alumni tenuerant; Noster Primarius S. Thomæ Antecessor fuit habitus. Illustrissimi Collegij Dominicani de *Porta-Cali*, quod & antiquitate & Privilegijs, &, quod potius est, sapientiâ Alumnorum & probitate Mexici fulget, Seminariumque est fecundissimum Philosophorum juxtâ ac Theologorum Jacobæ Provinciæ, studia rexit. Egerat Vicarium Familiæ suæ ditionis Mexicæ, non dum, quam mox diximus, divisione secutâ. Inter probatissimos S. Inquisitionis Censores à Supremo Hispaniarum Consistorio Fidei meruit adscribi:

M

AL

Nec tot sine laude gessit injuncta sibi munera, doctrinâ conspicuus atque pietate. Quæ in Sanctum Thomam scripsit Commentaria annua nominare nobis non licet destitutis notitia, pro illius temporis, quam nuper dicebamus, incuriâ: qua non absimiliter præpediti multas, quas in theatris gravissimis habuit, Conciones præmittimus, his contenti, quas prælo datas scimus, sunt porro:

*Oratio panegyrica in funere Hispaniarum Reginae Catholicae Elisabethæ Borboniæ, ipsi parentante S. Inquisitionis Mexiceo Confessu.* Mexici, ex Officina Joannis Ruiz, 1645. in quarto.

*Oratio de SS. Eucharistiæ Sacramento, eidem Apostolico Tribunali nuucupata.* Mexici, Formis Viduæ Bernardi Calderon 1657. in quarto. Prima extat tomo 26; altera tomo 66 Collectionis nostræ in quarto.

69 ALPHONSUS DE ENA, Mexicanus Domicilio, utrum Natione Patriaque incertum: vernaculo Hispanorum idiomate publicavit *Descriptionem advectæ solemnissimâ pompâ è Sanctuario suo, reductæque pari supplicatione, Imaginis Dei-parentis, titulo à Remedijs sumpto, novem milliaribus prope Mexicum culta.* Mexici ex Typographia Joannis Ruiz 1668. in quarto.

70 FR. ALPHONSUS DE ESCALONA, Natione Hispanus, ortus est in sui agnominis Villa prope Toletum celeberrimam Urbem, nactusque, postquam patrium

trium



trium deferuit solum, longum ad mortem usque Mexici domiciliū. Ordini S. Francisci adscriptus in Provincia Novæ Carthaginis, firmissime ab initio decrevit perpetuum Deo agere famulatum, à quo nunquam in ætate benè longa desciuit. Operam dabat audiendæ Philosophiæ in eo ipso Cænobio, ubi Religiosum induerat habitum, cum ad strictiora vocari advertens animo, alium ejusdem Provinciæ Conventum petijt annuentibus Superioribus, in quo orationi virtutumque exercitijs totus aliquibus annis incubuit, donec auditis recens detectis ac subjugatis Mexicanis, quos penes innumeros pauci admodum Apostolici operarij degebant, qui eorundem curarent ad Ecclesiam ingressum, illuc convolare secum statuit, & porro facultate Prælatorum, anno 1531. in Novam Hispaniam accessit.

71 Se ut idoneum edocendis Indis Ministrum redderet, eorum à primis rudimentis idioma perdiscere incœpit, secutusque est admodum fœlici conatu, juvante ipsum memoriâ, qua tenacissima in retinendo præditus erat: tanto quidem successu, ut non multo post Sermones vernacula Mexicanorum lingua conscripserit, qui eorundem Magistris in Fide & Pietate usui fuere primùm, deinde etiam Goatemalensibus, in quorum idioma translati Prædicatores Evangelicos egregiè juvaverunt. Tlascalæ Urbe in Nova His-

pania tunc quidem amplissima, & etiamnum clara (& inde eximia laude digna, multisque à Catholicis Regibus aucta honoribus, quòd Ferdinando Cortesio, inclyto Belliduci, ubi post cruentas congressiones adhæsit, fidelissima hactenus, Hispanisque addictissima fuerit) pueros fere sexcentos singulis diebus destinatis horis in ludum litterarium trahebat, quos legere, scribere, & Christi doctrinam canere etiam docuit accuratissimè, magno Religionis emolumento sese à pueris ad adultos facile propagantis.

72 Quòd verò prudentiam industriamque in gerendis rebus minime vulgarem Prælati in ipso dignoscerent, eundem Novitiorum institutioni præfecerunt non semel, & optimis quidem Familiæ emolumentis, quæ multos frugi viros religiosissime educatos ab illo suscepit, ministerijsque aptavit varijs: Præfecturas etiam Monasteriorum gessit multas, nec semel Definitoribus adscriptus, qui unà cum Provinciæ Præsidente pro rebus ejusdem omnibus accurandis sunt constituti. Quamquam tamen Provincia hæc, dicta à S. Evâgelio, quod latissimè in Americæ Regionibus publicavit, eximio innumerabilium fructu animarum, ejusmodi dedita muneri, tam esset austera, ut observantioribus non concederet; veritus Noster, ne multitudine Religiosorum, qui augebantur in dies, rigor ille primitivus tepesceret, & paupertas, cujus erat cul-



AL

tor eximius, paululum declinaret, novam meditatus est & agressus paucis cum socijs, quam dixere Insulanam, à cognomine Generalis totius Ordinis Franciscani Ministro, Andræa de Insula, cujus suffulti Litteris, & Alphonsus, qui cæterorum Provincialis fuit consentientibus votis electus, & qui ei parebant, omnes duodecim numero, zelo, omnibusque conspicui virtutibus, iter capientes, hæc illà sedem pro nova locanda Provinciâ inquirentes, tot ubique offenderunt dificulrates, ut coacti fuerint in Mexicanam regredi, maximo religiosæ observantiæ incremento, & Indorum quotidie in Fide proficientium solatio.

73 Vertebatur interea annus 1554, & Religiosis, qui apud Goatemalæ Regnum agebant, egentibus auxilio Sociorum, ut copiosam in horrea Dominica messem inferent; Noster ad id laboris oblatu spontè, atque à Prælati Superior datus Sodalibus novem, arduam oppido viam inivit trecentis, ut minimum, leucis constantem, quas nudis omnino pedibus confecit, nihil ipse moratus asperitate, auditu etiam horrenda, montium, anfractuum, & scopulorum, aut fluviorum profunditate, Solis ardore, clymatumque intemperie, queis superatis omnibus Goatemalam pervenit, suamque ibi operam posuit, donec Mexico evocatus, iter pedes ipsum repetijt, comitatus FRANCISCO

AL

GOMEZIO, ejusdem Instituti Professore, & Goatemalensis Provinciæ Alumno, viro quidem Nostro simillimo. Sed ecce non ita multò post uterque jubentur à Commissario Novæ Hispaniæ anno 1562. rursus Goatemalæ se sistere, subsidium Ministris iterum allaturi: Pergunt eadem qua nuper venerant difficillimâ viâ, eodem præparati viatico, id est, nullo, victum mendicatò semper quærentes, sine calceis, baculo, aut galero, incredibiles perpeffi labores, quousque Goatemalam venientes, illos exantlare cœperunt qui & Familiâ concernebant & Indos. Noster illorum ut posset confessiones audire, quamvis ferme septuaginta quinque annos natus, barbarum gentis idioma didicit, totoque sexcennio impigrè hoc in munere alijsque laboravit. Tandem Mexico revocatus, devehâ licèt ætate, nihilo dissimilis sibi, toties repetitum iter eadem ad extremum austeritate perfecit.

74 Minister Provincialis Mexicanæ Familiæ datus, mirum est quanto in gravissimâ annis ætate pro ejus regimine laboraverit: lustravit illam totam, quæ vastissima est, nunquam rheda usus aut equo, sed pedibus nudis, remissâque minime austerissimâ itinerandi, quam nuper dicebamus ratione. Numerosum, cui præpositus erat, gregem heroycis virtutum exemplis efficacius longè quam verbis pascebat. Profectò, quas hætenus habuerat in delicijs vir-



virtutes, Superior factus, funeri que proximus, minore nihilo diligentia fervoreque exercuit. Paupertati addictissimus, etiam Provincialis munere fungens, præter Breviarium, duos tresve asceticos Libros, nihil secum habebat: habitum è vilissimo panno ipse sibi consuebat, lacerisque intus vestibus utebatur, si tamen vestes dicendi sunt panni malè confarcinati, nullaque tunica, quam subuculæ loco cùm induere posset, ipsâ sibi pænitus interdixerat: lectulus nulla super tabulam lodice instructus, in quo vix cubare dicendus, soloque obtegebatur pallio. Unica meridiana refectio contentus, nocturnæ superfedebat, Præsesque Provinciæ dum esset, ea hora qua Fratres in triclinium pro jentaculo conveniebant, ipse abstrusus in cella, verberibus sese acriter multis cruentabat: vino nisi aquâ mixto, aliquando dum iter ageret, Socijs ipsum urgentibus, utebatur nunquam.

75 Feriâ quinta majoris hebdomadæ, in patientis Servatoris nostri memoriam solenne habebat scapula pectoreque nudatis, & fune ad collum alligato, suggestum ascendere, ibique coram spectantium & audientium multitudine Indorum, crudelissime flagellari, ac fustis ubertim lachrymis Jesu-Christi tragædiam dicendo exponere. Eximium illi studium orandi, tanta equidem in Deum reverentiâ, ut horas Ca-

nonicas in itinere persolvere detrectaverit, ipsasque dicturus subfiterit. Media perpetuò nocte priusquam æs campanum sonaret pro vocandis ad matutinas preces Sodalibus, ipse è lecto surgebat, aliosque quandoque excitabat. Vocali orationi adjiciebat mentalem, cùm ea concubiæ noctis hora, tum etiam alijs; atque hac de causâ mirè gaudebat loca ab hominum frequentia remota, incolere, secedens quandoque in aspera collium, uni ut cœlestium contemplationi, castigationi quæ corporis solus vacaret. Nec propterea commercium hominum recusabat, cùm animarum salutem, quarum flagrantissimo æstuabat zelo, congruebat. Ad aras semper devotissimè operabatur, nec unquam nisi invitus à sacrificando abstinuit, deficientibus scilicet in itinere paramentis, aut simili præpeditus impedimento. Tot porro virtutibus cumulatum, alijs etiam charismatibus Deus conspicuum reddidit, ornavitque cœlesti eo lumine, quo arcana humani cordis vestigare, & loco remota intueri non semel est visus, ut testibus exemplisque datis scribit accuratissimus TORQUEMADA, qui & in vivis agentem tractavit Alphonsum, ministravitque ipsi in ultima senectute auxilio indigenti.

76 Id tamen prætereundum non judicamus, quod cùm Dei eximiam in suos Providentiam commendat, tum & spem acuit, & paupertatis professoribus pro

AL

ea colenda stimulos addit. Scilicet Nostro, cum Provincialis esset, iter agente per asperos Zacatlani montes, destitutoque viribus, & pene deficiente praelasitudine, inedia, atque difliculrate; proptereaque Socium interrogante, num cibi aliquid haberet in promptu; nihil secum ferre, ille reposuit, pro ut in mandatis acceperat ( iusserat enim Alphonsus Socio, ne unquam viatici loco quidquam portaret, inhospita quamvis & latissime protracta loca essent peragraturi ) statim verò se illis ignotus homo presentem dedit, qui panem unà vasque plenum aqua ubi porrexit, illicò evanuit, nescientibus illis unde emerisset, aut quò avolasset, Deoque mirabiliter pauperrimos enutriende, curante que eos qui suam in ipsius Providentia spem omnem reponunt. Traditur etiam, nec difficile est creditu, venientem è Goatemala Nostrium miserrimam Indam convenisse, lachrymis madidam super filiolum nuper mortuum defluentibus, quam ille solatus est verbis, moxque fusis ad Deum precibus impetratâ pueruli vitâ, stupentibus qui aderant, Matrem prae gaudio gestientem dimissit.

77 Alijs parcimus, vocante jam nos Alphonsi obitu, quem, Deo revelante, praevisisse creditus est, quòd in Maximum S. Francisci Cœnobium Mexicanum adveniens, quærenti janitori ab eo, Quid hoc esset? conceptis verbis dixerit, instare prope funus.

N

AL

In Valetudinarium Religiosis destinatum delatus, recusatisque mollibus lectuli tegumentis, quod erat indutus, habitu cubabit, totosque quinque aut sex dies venturum Dominum praeistolatus, Ecclesiasticis Sacramentis munitus, orationibus longè protractis, fervidisque virtutum actibus animam egit 10 Martij 1584 ætatis 88, è quibus 70 Deo in Ordine Franciscano egregie servierat, 52 in Novæ Hispaniæ Provincia S. Evangelij traductis; Indorum & Hispanorum, quos doctrina & exemplo informarat, eximijis quidem emolumentis. Cadaver magna quidem, & minime procuratâ frequentiâ, sepulturæ mandatum, concurrentibus ultrò multis ex omnibus Ordinibus Religiosis, ipsorumque Prælati humeros feretro supponentibus, & circumfussâ populi multitudine, quorum tanta erat omnium adversus defunctum reverentia, ut certatim ambierint tumulum, atque in frustrâ partitum habitum surripuerint, tanto quidem conatu, ut cum tertium id fieret, veriti Superiores confussionem & murmur, jusserint nudum terræ mandari corpus, quod & si illa obrutum & calcatum, tertio post die inventum est tractabile pœnitus, & minime læsum, aut odore grave, tumque, ut par erat, mortualibus convestitum linteis, & rursus inclusum.

78 Vitam ejus scripsere citatus TORQUEMADA in Monarchia



chia Indica tom. 3 lib. 20. cap. 48. usque ad 51. BETANCURT in Menologio Franciscano Provinciae suae die 10. Martij. UVADINGUS, p. 14. ARCTURUS in Martyrologio Franciscano 10 Martij: GONZAGA, p. 4. fol. 1240. quibus accedunt ejus memores JOANNES A S. ANTONIO in Bibliotheca Franciscana t. 1. p. 43. FERNANDEZ Dominicanus in Historia Ecclesiastica nostri temporis lib. 1. cap. 13. ANTONIUS DE LEON PINELLO, in Bibliotheca Occidentali nuper aucta col. 720. GRAVINA item Dominicanus in Voce Turturis part. 2. p. 214. penes quos fere omnes scriptas à Nostro habes

*Conciones Evangelicas idioma Mexicano, in Goatemalense postea translatae.*

*Commentaria in Decalogi praecepta.*

Alia verò, quae NICOLAUS ANTONIUS adjunxit Opera, ALPHONSO à Molina debent adjudicari, haberique prae oculis Nicolaum ex duobus Alphonis unum fecisse, deviasseque à vero, contendente ESCALONAM ET MOLINAM unum fuisse hominem, què in duos Scriptores alij fecaverint. Molina siquidem puer in Americam nostram advectus, Mexici studiis incubuit, Religionique Franciscanae nomen dedit; Escalona alibi, ut diximus, litteras & Institutum est amplexatus, orasque nostras legit post quam totos antea annos viginti religiosam vitam duxerat in Hispania: Ille denatus est 31. Martij 1558. hinc

& die & anno longe alijs: Et ne Solem facibus adjuvemus, sat fuerit legere & TORQUEMADAM, ET BETANCURTIUM utriusque Vitas Alphonfi texentes, Escalonæ, quo supra insinuavimus loco; Molinæ verò Torquemadam tomo eodem & libro, alit alio capite, scilicet 59: Betancurrium in Menologio ad diem Martij 31.

79 D. ALPHONSUS DE ESPINOSA ET CENTENO, Natione Mexicanus, in Americae Insulâ Jamaica natus est. Doctorem ipsum nominant ANTONIUS DE LEONE in Bibliotheca Occidentali aucta col. 585. Itemque JOANNES DIES DE LA CALLE in suis Indiarum monumentis fol. 12. & 15. in ejusdem Insulae descriptione; qui scripsisse tradunt

*Supplicem Libellum:*

Seu potius, ut conjicimus ex his quae Pinelus subjicit, Monumenta Descriptionemque Patriæ, quam & si Calle dicat typis excussam, locum editionis & annum reticet, forteque opus prodijt circa annum 1645 quo Acta ab Regio Dominicopolis Auditorio missa dicit ad supremum Indiarum Consilium, Nostri simul & ejus Operis mentionem habens.

80 FR. ALPHONSUS DE ESPINOSA, Natione Mexicanus, ortus est Antequeræ, quæ Urbs Primaria est Vallis Goaxacensis, & universæ Provinciae nomen fecit: Parentes habuit nobili sotos sanguine Hispanos Damianum Sanchez de Espinosa, ex Illustri de los Mon-

AL

Monteros nuncupata familia ducentem originem, & Agnetem de Sossa clara etiam stirpe Fœminam, cives Antequerenses, ex quo patrium in Asturibus solum mutare in Americanum voluere conquirendarum gratiâ opum, quas & sibi polliciti fuerant in Regionibus prædicitibus, & facili coacervarunt negotio, ut pro inde remeare cogitaverint & Patriam repetere. Alphonsum primis litterarum rudimentis instructum secum duxerunt, qui eo tempore quo genitores Tolerti constitere grammaticam inibi didicit: ubi verò Asturum montana incolere illis arrisit, non ita juveni, qui pro suo illa genio neutiquam futura conjectabat, bona Parentum venia discessit, haud exiguâ donatus substantiæ portione, natalitiam quæsiturus terram atque in ipsa degentes propinquos. Se illis junxit annos natus circiter 17. cogitareque occæpit mundi pericula, meditarique æterna, ac subinde caducis valedicens omnibus, Deo ut tutius inserviret atque ferventius, Ordinem Prædicatorum amplexatus est in Conventu Antequerensi Provinciæ S. Hippolyti Martyris, in quo, exacto præfervidè tyrocinio, Religiosis ex animo suffragantibus, votis demum se adstrinxit. Latine cum sciret, statim audiendæ Philosophiæ, & hac absolutâ, Theologiæ, Superiorum jussione applicitus, Cursus exegit solitos pro his qui docturi alios sunt, vel

AL

in Scholarum palestris, vel è sacro fuggestu in Templis. Multis ille progressibus in litteris auctus & in virtutibus pro capeffendo Sacerdotio, auguratus eo fuit, & cum modestiæ comitatem & humanitatem sociaret eximiam, & adjuvandi Proximos, in primis Indos, studium singulare, huic à Prælatis ministerio fuit destinatus, quo ut fungeretur, Zaapotecarum imbibit idioma non absque labore conatuque insignibus, similiter adlaborans ut ritus, caerimonias, & antiqua superstitionis gentis instituta dignosceret.

81. His paratus armis, egregioque potissimum Dei gloriæ & animarum salutis zelo, mirum est quanta pro illis fecerit & pertulerit. Incolit Zaapotecana gens, cui instruendæ Minister datus fuerat, montes oppido asperos, loca que multis difficillima mæandris atque vastissima, in quibus subinde spelæa plura, magnitudine horrida, tenebris fœda, & saltibus circumsepta, Hispanis ferme invia, in quibus idolorum cultores, qui non ita pridem Ecclesiæ se adjunxerant, non quidem omnes, sed multi tamen, mali dæmonis suasu, opportuna colendis ejusdem simulacris invenientes latibula, turpissime in abjurata relapsi nefaria sacra, illis abutebantur. Noster, quâ concionibus præfervide habitis & sæpissime ad Indos, quâ mansuetudine & amore omnique beneficiorum genere in ipsos effusus, sic eorum aliquos



quos emollivit, ut sæpius convenientes ipsum secreto, hæc aperuerint, conscientiam & præteritorum odio jam ducti. Hæc ubi ille resciebat, multis apud Deum precibus cum alias, tum validius ingeminatis dum operaretur ad aras, seductarum remedium animarum sollicitabat, cœlestique communis robore, multos secum deferens Indos, ejusdem forsitan participes criminis, ipsorum nunquam metu perterritus, indicata sibi antra ut tandem inveniret atque lustraret, ardua quæque arripiebat itinera, nullique diligentiae parcebat quo usque illuc accederet. Porro molientem ista pluries tot unum & inermem criminosis circumcinxerunt, ut aperto versaretur in discrimine vitæ, quod tamen Dei Fide zeloque obarmatus contempsit semper, & quandoque mille inter Indos impavidus, speluncas ingressus, idola offendit, magnasque pro nefariis sacrificiis rerum sarcinas, quæ omnia extrahi jussit, & ingenti cremari rogo, multis ex proximo nemore lignorum fascibus ad id ductis, operis adstantium & humeris. Quod verò pœnitentiam delusæ à cocodæmone gentis quærebat, deductis in vicinas Colonias sceleratis hominibus, & ipsos & cæteros in Ecclesiâ convenientes arguebat concionibus, instruebat, agebatque multis, ut totius vitæ Confessione sacra, Cômunionem, & alijs Christianis officiis, se expiant, relapsusque caverent.

82 Ad hæc, & pueris lustralibus aquis tingendis, & non nunquam adultis operam dare, paternam omnes charitate fovere, adesse ipsis in calamitatibus in more habuit. Sanè egregijs exaltantis laboribus, de cunctis illius Nationis Populis benemeritus, ipsis continuo Parochus datus, Conventibus etiam præfuit Religiosorum Vicarius Provincialis. Hæc cum Provinciæ Patres animadverterent, Alphonsusque gradu Prædicatoris Generalis jure donatum, Comitibus pro eligendo Provinciali indictis, hoc illi munus ultrò detulerant, cui tamen se ipse subduxit, agens ut alium, qui dignissimus erat, assumerent. Ipse in Oppido Etra Cœnobij Prælatus, attritus laboribus, biennio languens, morti, quam non longè præsentiebat distantem, se accinxit, cellæ inclusus, orationi insistens, alijsque exercitationibus pijs, quæ ut vacaret, à colloquijs & commercio abstinebat humano: sacra ferme quotidie confessione purgabat animam, ad Aras faciebat madidus lachrymis, & si quando valetudine impediretur sacrificare, pascebat se tamen Eucharistico epulo, quod demum ut pro Viatico acciperet, generali conscientie expiatione præventus fuit.

83 Decumbebat quidem viribus destitutus, sed venientem, qui delitescit in specie panis, Servatorem excepturus, habitum induit, & ad cellæ januam obviam accur-



accurrens, Centurionis verba, *Domine non sum dignus*, repetebat ex animo. In genua provolutus, eximios amoris & demissionis actus tanto ingeminabat fervore & lachrymarum impetu, ut & Religiosos & qui aderant Indos suo ad similia provocaret exemplo. Et quamvis sumpto Viatico, convalescere multis sit visus, neutiquam sibi, captam pro morte præparationem haud intermittenti, imò, quòd quadragenarij tempus Jejunij succederet, ferventius & alacrius urgenti, quo usque ad diem Cenæ Dominicæ, ipsâ devotissimè sumptâ, & quæ proxime sequitur die historiâ patientis JESU similiter auditâ, Sabbato demum quievit in Domino, cum ipso, ut pie creditur, surrecturus magnâ cum gloriâ, effusa inter Ecclesiæ gaudia de redivivo Christo, die secunda Aprilis anno 1616 etatis 54, religiôsæ professionis 35. Vitam ejus fuse describit M. FR. FRANCISCUS DE BURGOA, in Chronicis Provinciæ suæ Dominicanorum de Goaxaca, queis titulus *Palestra historialis* tom. 1. cap. 32. & sequentibus. Scripsit (pro ut habemus ex missâ ad nos notitiâ Scriptorum ejusdem Provinciæ) hispano sermone

*Historicam narrationem multorum, quæ ad Dei gloriam & Indorum Nationis Zaapotecarum salutem, evenere, detectis idolis, eorumque cultoribus profligatis.*

Asservatur Mss in Tabulario Antequerenfis Cœnobij Domini-

cani, citatusque BURGOA non nulla inde in Historiam suam Vitamque infuerit Nostri.

84 FR. ALPHONSUS DE ESPINOSA, Natione Mexicanus, & Patria Dominicopolensis, si verum habet quod de ipso scribit ÆGYDIUS GONZALEZ DAVILA, in Theatro Ecclesiæ Insulæ Hispaniolæ, quæ primatum agit Americæ Mexicanæ, seu Septentrionalis, qua in Insula natum fuisse testatur; si verò cunabula ei Complutum præbuerit, ut MARIETÆ placuit, & eunti post ipsum NICOLAO ANTONIO in Bibliothecâ Hispaniæ novâ, Natione quidem Patriaque Hispanus, Domicilio tamen Mexicanus, quod ad unum omnes de eo memoriam facientes habuisse concedunt apud Goatemalenses, in Provincia Dominicanorum jam pridem inibi florentissima: An in ea Prædicatorum amplexatus sit Institutum, ut ipse NICOLAUS ANTONIUS tenet cum suo MARIETA, an potius in Provincia Baticæ, ut arrisfit Dominicanis ALTAMURÆ ET FERNANDEZIO res est in ancipiti, qua de sententiam ferre noluere Critici Doctores Scriptorum Ordinis Prædicatorum ad annum 1541. hunc illumque nodum nobis exolvendum sinentes: qui tamen, ut est, implicatum, alijs remittimus, instrumenta forsan ad manus habituris pro eo vel extricando, vel etiam rumpendo. Id unum ad notare non piget, arduum nobis videri ÆGYDIUM GONZALEZ DA-



VILAM tam fuisse delusum, aut eos à quibus notitias fuit mutatus pro Historia Hispaniolæ texenda tam cæcos exitisse aut mendaces, ut in unico, quem ex ibi natis laudat, Scriptore, ESPINOSA, turpissimè erraverint. Accedit, facillimo quidem negotio capi Alphonsi ad Fortunatarum Primariam Insulam navigationem, qua de NICOLAUS ANTONIUS non ambigit, ipsum aliosque movere, quem mox dicemus Libro de Imagine Deiparentis in ea Insula satis insigni; si in Hispaniola natus dicatur minùs à Fortunatis dissita, quam si Compluti ortum, aut rectà in ipsas, aut quod acclivius multò, in Goatemalam prius navigasse credamus, rursus que illas, superato Oceano, petiisse. Quod ad scripta attinet, hæc illi à citatis Nicolao & Criticis Gallis alijsque tribuuntur hispano idiomate concinnata

*De origine & miraculis Imaginis Deiparentis, de Candelaria nuncupata.* 1541. in octavo.

*Psalms XLI. Quemadmodum desiderat cervus ad fontes aquarum hispanis carminibus traditus,* pro cuius editione facultatem à Regio Senatu petiisse ijdem testantur; an autè ediderit hætenus ignoramus.

*Commētarius in Psalmum XLIV: Eructavit cor meum verbum bonum;* de quo nil præterea ijdem Doctores tradunt aut Ægydius Gonzalez, indicantes certè esse Mss.

85 P. ALPHONSUS FERNANDEZ, Natione Mexicanus, Societatis JE-

SU Vexillum in hac Novæ Hispaniæ Provinciâ secutus, in Maximo SS. AA. Petri & Pauli Collegio Rhetoricam professus, scriptam reliquit, quæ extat in Libris similis Argumenti multa complectentibus, atque in Bibliotheca dicti Collegij asservato, idiomate patrio

*Concertationem poeticam, Jesum puerum Narcisi symbolo adumbratum Musarum cultoribus exponentem;* anno 1690. in folio.

*Pro Rhetorica addiscenda Artem,* quam Mss penes se retinebat D. D. Nicolaus de Estrada, Medicinæ Professor, ejus Discipulus.

86 D. ALPHONSUS FERNANDEZ OSSORIO, Natione Mexicanus, primam Mexici lucem aspexit, illustriorem redditurus Patriam eximijs plane litteris & pulcherrimis: In ejusdem Universitate Medicinam professus, Doctoratus que redimitus insignibus, Cathedras rexit discipulorum utilitati imprimis attentus, Sapientum que judicio virorum probatus. Philosophiam è suggestu postquâ tradiderat, ad Primarium Medicinæ traductus, perpetuus Antecessor est renunciatus. Hanc ita ipse facultatem excoluit, ut cùm nulli in ea esset secundus, in alijs ita porrò floruerit, ut scribere non dubitaverit gravissimus Magister P. ANDREAS DE VALENCIA, Primarius Sacræ Theologiæ Moderator in Collegio Maximo Societatis JESU Mexiceo, Censor Operis mox dicendi, meritò dici posse



AL

se Musarum filium, ut Aristophanes quondam audiit, omnigenâ & exquisitâ quod polleret eruditione, adjicique citra injuriam valere, Suadæ parentem humanioribus litteris excultissimum, nulli que hinc non notum, similiter & à Medicâ scientiâ, cujus ob peritiam Æsculapio simillimum Andreas illum ipse commendat. Eum id circo sibi à salute elegit Excellētissimus D. D. JOANNES DE PALAFOX, Mexicani clavum Regni vice Catholici Regis tenens, Aristesque electus Ecclesiæ Metropolitanæ. Cum item Decessoris sui optimi, Illustrissimi D. FELICIANI DE LA VEGA, funus amplissimâ pompâ instaurare decrevit, latine dicere Alphonsum iussit (ut moris est Nostrum in Principum & Magnatū iustis) qui vespertino tempore coram frequentissimâ & gravissimâ omnium ordinum assistentium corona egregias defuncti virtutes tornata ad Rhetorum normam oratione cōplexus est. Senatus quoque Academici jussu pro studiorum instauracione non semel, & semper plaudentibus auditoribus sapientissimis, publicè oravit: lufuris in honorem intemeratæ Virginis Conceptionis Poetis festivam Cōcertationem Palestrita designatus est, argumentum qui daret, politissimisque scriptionibus cuncta disponderet; atque id genus opellas amœnissimas faustis sibi Musis, nec invitâ Minervâ multas confecti Gravioribus pro institu-

AL

to & munere incumbens, utilissimos rei Medicæ Tractatus scripsit, discipulisque dictavit è Cathedra, à quibus in alios & alios transcriptionibus propagati, post multos etiam annos usui fuisse Scholasticis & alijs Apollineæ Facultatis Professoribus Author est Plaza in Chronicis Universitatis lib. 4. c. 29. ubi & hominis Opuscula & elogia habet. Ex ijs vidimus apud amici nostri D. Ludovici de Mendoza Bibliothecam

*Tractatum de differentijs, causis, signis, & alijs circumstantijs crifum.* in quarto. Scriptum anno 1650. Extat in tomo cui titulus: *Varia Variorum.*

Præter mox dictos idiomate latino ineditos, scripsit & edidit.

*Orationem funebrem ad posthumam parentationem Illm̃i. D. D. Feliciani de la Vega Archiepiscopi Mexicani.* Mexici, ex Typographia Joannis Ruiz anno 1642. in quarto. Habetur t. 29 Collectionis nostræ.

Hispano sermone dedit *Enarrationem brevem solennissimæ pompæ, quæ in Ecclesiam Metropolitanam Mexicæ elatum fuit corpus Illm̃i. D. D. Feliciani de la Vega, ejusdem Ecclesiæ Archiepiscopi, pridem in itinere ad ipsam denati.* Mexici, Formis Joannis Ruiz 1642. in quarto. Extat in tomo mox dicto nostræ Collect.

In hac narratione quoniâ Poemata in elogium Feliciani à varijs cōposita exponit; ex illis quæ proprio ipse Marte latinè scripsit, sequens placuit Epigramma hîc transcribere in specimen numinis



& ingenij, non ita facile expiscandi in ipsius codice, admodum raro.

*Nil est re felix, quod non sibi duret  
in ævum;*

*Quique perit, solum est nomine  
faustus honos:*

*Felicianus erat felix Pastoris honore,  
Falce sed, ah, secuit mors peracerba decus.*

*Felicianus obiit, fuerat qui nomine  
felix.*

*Non re, dum steterat non sibi jugis  
honos:*

*Nunc sed felici cum duret honore per  
ævum;*

*Nomine reque simul Felicianus erit.*

87 D.D. ALPHONSUS FRANCISCUS MORENO ET CASTRO, Natione Hispanus, Patria Granatensis, Domicilio Mexicanus, clarissimis satus genitoribus, & nobili ingenio præditus, Latinis, Philosophicis, & Theologicis litteris apprime instructus in Patrio Societatis JESU Gymnasio, Salmaniticam profectus, in Majori Conchenfi Collegio Togatus, atque in celeberrima illa Hispaniæ & Orbis Universitate Theologi Doctoris infulis redimitus, in petendis Ecclesiarum Sacerdotijs periculum multâ cum laude fecit, quam à sapientibus reportavit prælectionibus & concionibus de more habitis præfinito pro eis lucubrandis dicendisque tempore. Canonicus, ut dicunt, Lectoralis, seu pro sacris legendis Biblijs, alios inter Candidatos apud Brugentinos electus,

dein Legionensibus Magistralis ad conciones habendas similiter destinatus, & id munus explevit, & insimul alia fatis conspicua, Vicarij nimirum Generalis Episcopi Diœcesis, ipso vivente & designante, Visitatoris & Gubernatoris, atque etiam Synodalis examinitoris. Inde à Catholico Rege pro Ecclesia Metropolitana nostra Mexicea à Thesauris primùm adlectus, deinceps Dignitatibus Mesochori, & Archi-Diaconi, ac tandem Decani auctus, sede etiam plena Gubernatoris Archiepiscopatus onus sustinuit, quo usque Excellentissimus D. D. JOANNES DE VIZARRON ET EGUIARRETA, Archiepiscopus unâque Pro-Rex, hac liber Provinciâ, vastissimæ Diœcesis expediendis negotijs manus iterum admoveere potuit & curas. Suas noster omnes in Ecclesiæ decus impendit, de ipsa propterea multum meritis, nec de Republica minus humanitate erga cunctos insigni & comitate, in miseros præsertim quo tempore sævissima illos pestis invasit anno 1737, excitato S. Archangeli Raphaelis nomine Valetudinario è regione Parochiæ S. Pauli, pro ijs qui mortem effugerant, morboque recreari oportebat, & valentiores fieri: hîc supra duo millia proprijs sumptibus aluit, & omnibus, tam ipsos quam plurimos alios in vicinia ægrotantes aut recidivos, officijs & curis refovit. Mox dicto S. Archangelo anniversarium in Cathedrali Ecclesia se-



festum solenniter agendum ære suo instituit. Multis præterea clarus nominibus nos licet ad totidem inviter ei texendum elogia, superfedemus tamen, quod vivat nos inter, contenti annos eidem apprecari nestoreos, altioresque pro meritis sedes. Edidit, quas jungimus panegyricas Orationes eruditorum haud exiguo plausu susceptas:

*Cathedra S. Petri Mexicea & America Christi luce ab Apostolorum Principe D. Petro primo Ecclesie seculo donata.* Mexici typis Josephi Bernardi de Hogal anno 1735. in quarto.

*Diva Hispanorum agminum dux Italiae petentium; in auguratione Caroli Regis Neapolitanorum.* Mexici ex Officina Josephi Bernardi de Hogal 1734. in quarto.

*Rex pacificus præclare martialibus redimitus trophæis.* In proclamatione Ferdinandi VI. Catholici Hispaniarum Regis. Mexici unâ cum alijs ejus argumenti operibus in Libro cui titulus *Sol in Leone* à P. JOSEPHO MARIANO DE ABARCA edito in Typographia D. Mariae de Ribera 1748. in quarto.

*Momentanea Archi-Seraphini SS. Michaelis vita.* Mexici apud Viduam Josephi Bernardi de Hogal 1750. in quarto.

*Orationes panegyricas & morales, Praelectionesque scholasticas* in schedulis habet.

Meminit ejus CABRERA, in *Gentilijs Insignibus Mexicanis* p.

P

85. num. 190. & p. 433. num. 853. & 854.

88 M. F. ALPHONSUS FRANCO, Natione Mexicanus & Patria, Prædicatorum Ordini in Provincia S. Jacobi Mexicea solenniter nuncupatis votis adscriptus, eandem multis illustravit, continuatâ ipsius Historiâ, cujus primam partem scripsit & edidit Illustrissimus D. FR. AUGUSTINUS PADILLA DAVILA, eximio eruditorum plausu. Optaremus sanè, ut quemadmodum hujus acta diligentissime litteris mandavit Noster in secunda, quam concinnavit Historiæ parte, tertius adjectus fuisset continuator alius, qui secundi gesta memoriæ commendasset: cujus destitutos esse notitia dolemus, interea judicantes virum fuisse haud mediocriter doctum & religiosum, pro ut Libri, quem legisse gaudemus, nec sine fructu pro Bibliothecâ hac nostrâ, stylus ac methodus indicant: sapiunt etenim spiritum hominis Deo devoti, judiciumque monstrant solidum, atque eloquentiam fucatam minime, uti decet scriptorem Historiæ, cujus observare leges sibi proposuisse videtur, & verò etiam servasse. Prædicatoris Generalis infulam, quæ meritò à Familia sua probatis & expertis multos annos viris conceditur, emeruit, tantique est habitus, quanti Acta in Comitijs Provincialibus Mexici anno 1637. celebratis scripta subinducant: Committimus, sic adverbium illa ha-



bent; Nosterque in Proæmio operis sui affert, *Commitimus R. P. Fr. Ildephonso Franco, cujus Religionis zelum sumus experti, ut Historiam hujus nostræ Provinciæ conscribat, & qua poterit diligentia typis excudi procuret.* Navavit ille quidem strenuam pro injuncto sibi munere operam, & octavo post anno, scilicet 1645. Librum absolvit, quem Mss. reliquit, ut fere semper Americanis accidit, ære non suppetente pro impensis edendo magno operi multis, quas ne ipsa ministrare Provincia potuit, nec Author aliunde conquiritas habere. Extat in Tabulario Imperialis Mexicani Cœnobij S. Dominici Liber hispano sermone hunc præferens titulum

*Historiæ Provinciæ S. Jacobi Mexicana Ordinis Prædicatorum in nova Hispania secunda pars.* in fol. volumine julto.

Meminit Authoris & operis P. MICHAEL DE VENEGAS, Societatis JESU, in Vita V. Doctoris & Canonici Mexicani D. JOANNIS GONZALEZ.

89 ILLMUS. D. M. ALPHONSUS GALDO, Natione Hispanus, Pinciarum natus anno 1569. die Junij 17, & ejusdem mensis 26 lustralibus aquis intinctus, Domicilio tandem Mexicanus: Prædicatorum amplexatus fuit Ordinem Salmanticæ anno 1583 die sexta Maij, ut Critici ejusdem Ordinis Scriptorum collectores ÆGYDIUM GONZALEZ DAVILA secuti testantur. Reticent viri gesta totos 29. an-

nos priusquam Episcopalibus fuisset infulis redimitus; illa tamen religiosi admodum & sapientis non dubitamus, quæ Catholicum Regem Philippum III. facile moverint, uti ipsum ad regendam Ecclesiam Comayaguæ, cujus primaria Civitas est Vallisolerum in Regno Goatemalensi, destinaverit. Apostolicis à Paulo V. Pontifice Maximo acceptis Litteris pro Episcopali inauguratione, Americam nostram petivit, Goatemalæque ab ejusdem Urbis Præsule D. JOANNE CABEZAS rite initiatus, ad propriam regendam Ecclesiam se contulit vigilantissimi officia Pastoris adimplens. Diocesim, quæ vasta quidem est, & viarum difficultatibus impedita, decem & octo mensium spatio vix totam peragrarè & inspicere potuit. Sacramentum Confirmationis Fidelibus amplius septem mille & ducentis administravit, alia insimul multa Dei cultû & animarum salutem concernentia gessit atque decrevit, tanto quidem labore, ut ægra subinde valetudine fatigatus nimis & impeditus, Coadjutorem postulaverit anno 1628, nec multo post è vivis abierit. Visitationi, quam diximus, Ecclesiæ suæ intentus, totam accurate descripsit Diocesim, Philippo III. Rege poscente, ad quem misit hispano compositam idiomate

*Narrationem historicam Episcopatus, seu Diœcesis de Honduras.*

Quam à se lectam Matriti testatur citatus ÆGYDIUS GONZALEZ



## AL

DAVILA, beneficio clari Equitis D. FRANCISCI DE LA REGUERA SERNA, Nostri consobrini, schedulas jure magni facientis.

90 M. F. ALPHONSUS GIL, Natione Mexicanus, in antiqua Civitate Cholula ditionis Angelopolitanæ ortus, Ordinem Prædicatorum in Provincia S. Michaelis & SS. Angelorum amplexatus, multa in ea sapientiæ & gestorum laude floruit. Cathedram Philosophiæ strenuè moderatus, qua erat doctrinâ imbutus, alios inter discipulos, egregium eruditivum FR. ANTONIUM LOPEZ CORDERO, gentilem suum, qui postea eidem præfuit suggestui multo cum plausu, ut suo infra loco dicemus. Theologiam deinceps jureque ejusdem redimitus Insulâ Magisterij, obeundis in familia & extra munijs præclaris iter aperuit: in Mexicano S. Fidei Senatu à Censuris Theologicis fuit designatus, & Cœnobiû Ordinis in Provincia sua primum rexit. E multis scriptis ejus superest edita idiomate hispano

*Oratio eucharistica in natali Ludovici Hispaniarum Principis. Angelopoli....*

Inter Mss credimus servatur à suis, quem auditoribus tradendum è cathedra scripsit

*Cursus Philosophiæ ad mentem S. Thomæ,*

Forfanque alia Theologiam concernentia Oratoriamque sacram, quæ nos latent. Meminit ejus BERMUDEZ, in Mss de Scrip-

## AL

toribus Angelopolitanis, & M. VILLA in Vita edita M. Antonij Lopez Cordero, pag. 228.

91 P. ALPHONSUS GUERRERO, Natione Mexicanus & Patria, ortus est anno 1576 nobilissimis sane Parentibus, Augustino Guerrero de Luna, & Mariana de Villaseca filia Alphonfi de Villaseca, viri non à pietate minus reliquisque virtutibus, quam à divitijs notissimi, quarum partem haud modicam erigendo & dotando Collegio Maximo SS. AA. Petri & Pauli Societatis JESU destinavit, eximijs inde fructibus ad Dei gloriam, animarum salutem, & Americæ nostræ decus relatis, in dies que crescentibus. Noster primogenitus ut erat familiæ, atq; hæres non modò multi æris paterni, sed longè plurimarum avopum, quas Mariana mater primogenias habebat; à multis sanguine præclaris & alijs dotibus insignibus fœminis expetitus inconjugem, nuptias constanter renuit, litteris in tanta domus opulentia unice delectatus, pro quibus conquirendis largas quidem fecit expensas, eruditissimos quotidie in suas ædes Magistros conducens, quorum opera maximam sibi eruditionis paravit seggerem, Latinæ non tantum linguæ, sed Hebraicæ etiam & Græcæ Mathematicarum his adjecit studium, in quibus magnos fecit progressus, ingenio & labore discipuli Præceptores egregie juvante. Annos natus 35. prima Februarij



1611. JESU Societatem petivit, unam quæsiturus Dei gloriam, respuensque caducam & fluxam, quæ facili negotio sibi in promptu erat, nobilitate generis, divitiarum copiâ, & ingenij excellentiâ blandientibus. Sacerdos factus, non dum religioso tyrocinio absoluto, dein secunda Februarij 1613. Scholasticorum votis se Deo adstrinxit, & tandem 17 Octobris 1621 quatuor solenni Professorum ritu vota in Collegio suo nuncupavit. Philosophiam per triennium, de more, in eo publice docuit, & Sacrorum Bibliorum postea Interpres datus est confluentibus ad aulam Scholasticis multis.

92 In his alijsq ex obedientiæ præscripto gestis muneribus supra viginti annos inibi traduxit, virtutibus clarior quam litteris, egregias licet ipse possederit gazas eruditionis. Humilitatem ita sibi in delicijs habuit, ut & mundum contempserit & semet, immemor nedum opum, quas dimisserat & commoditatum domus paternæ, sed ipsorum etiam Parentum & sanguine junctorum. Paupertati supra modum addictus, pro victu & vestitu etiam necessaria videbatur stomachari, à superfluis cogitandis dissitus quam longissimè. Parente ad plures abrepto rum temporis cum Alphonsus ipse non dum secuta professione, hæreditaria bona capessere, & disponere de eis pro libito poterat; grandem tamen, quæ ipsi

obtiguit, summam ducentorum mille uncialium argenteorum in manus Præpositi Provinciæ deposuit, ejus sic arbitrio relinquens, ut nec sibi, nec propinquis, aut alijs quidquam voluerit, testatus, si liceret, in id unum propendere, Collegio ut Avi sui pietate & munificentiâ constructo, bona illa cederent, quæ à conditoris potissimum industria fuerant profecta. Quo tamen arbitrio, pro ea qua solet uti modestia Societatis familia, in Alphonsi Fratrem remisso, quartam vix hæreditatis partem, imò minorem longe summam Collegium accepit.

93 Noster his jam diu valedicens omnibus, etiam à semetipso desciscere satagebat, tanta insignis corporis & animi puritate, ut æmulari Angelos videretur, quibus obedientiâ ad nutus & signa Superiorum promptissimâ evaserat quam simillimus. Cubiculi latebras deperibat, haud inde unquam discedens, nisi vel charitas pro invisendis agrotis, vel aliud virtutis officium egredi eum cogeret, ut propterea hæc in parte similem non habuisse in Provincia sua, plurimorum feracissima Religiosorum omnibus pollentium virtutibus, affirmaverit gravissimus ejusdem Historiographus P. FLORENCIA. Scilicet contemplationi deditus rerum ælestium, cujus in secreto quiete fruebatur, ægre ab ipsa divelli poterat aut interturbari: tanto siquidem ignescebat orans fervore,



## AL

ut frequentissimè in aera sublatus visus fuerit, iusseritque proinde Collegij Rector ijs qui promunere circumibant conclavia, quo tempore Socij orationi vacare solent ex regulæ præscripto, ipsumque in extasim raptum conspexerant, silerent id penitus, ei que visitando deinceps superederent. Sanctam porro vitam similis, nec inopina quidem excepit mors: cujus prophetico præcius lumine Sacramentis armatus, inventus est in lectulo mortuus, & perinde ac si quiesceret comparatus, qui obdormierat in Domino die 18 Martij 1639 ætatis 63. Vitam ejus atque virtutes scriptis mandavit præcitatus Florencia, in Historia Provinciæ Novæ Hispaniæ Societatis JESU tom. 1. lib. 5. cap. 5. à pag. 318. Et in Menologio die 18. Martij. Quas scripsit & è suggestu exposuit

*Praelectiones Biblicas,*

Hactenus sine fructu quæsiimus; non ita Philosophica Opera, quorum in Bibliotheca Congregationis Oratorij Mexicanæ extant Mss

*Commentaria in Aristotelis Libros de Physica,* in quarto.

*Commentaria in Aristotelis Libros de Anima,* anno 1622. in quarto.

Et quamvis alia pro integro Philosophiæ Cursu non adsint, dubitare non licet, cuncta, nostratum more, absolvisse, addique inventis debent quæ *Summulas, & Logicam, Librosque de ortu & in-*

## AL

*teritu, de cælo & similibus* Commentaria desiderantur.

94 M. FR. ALPHONSUS GUIRAO, Natione Hispanus, cujus Patria nos lateret, Domicilio Mexicanus, Goatemalæ in Provincia S. Vincentij Ordinis Dominicanorum floruit, in quam se transtulit, habitum in S. Stephani Salmanticensi Conventu clarissimo indutus: Provinciæ de Chiapa & Goatemala præfectus, alijs que religiosis incumbens muneribus, contemplationem in primis coluit, vir extaticus dictus, & qui sanctitatis fama apud suos exterosque clarus obierit. Pijssimos duos Libros scripsit, alterum vernaculo idiomate

*De SS. Rosarij Mysterijs,*

Quem non dum vidimus editum, scimus tamen elaboratum à Nostro ex Sodalium Goatemalensium syllabo ad nos transmissio. Alterum habemus typis excusum in octavo, Mexici, ut videtur (nam exemplar, quo utimur, fronte caret, ubi editionis solet locus patere) annus facile conjici potest ex Approbatione Ordinis data apud Xuxuicapam Goatemalensis Regni Oppidum 8. Julij anno Domini 1625. in octavo. Titulum Operi fecit

*Soliloquia de diffusione divinæ Bonitatis.*

Latino sermone, nec ineleganti, compactum opusculum, redollet viri spiritum admodum religiosi, anhelantisque ad cœlestia, & multo charitatis igne ferventis:



quo Nuncupatoriam etiam aspergit ad Illustrissimum Goatemalæ Episcopum D. JOANNEM A SANDOVAL ET ZAPATA, Augustinianum, qui & ipse multis à Parentis corde flammis mutuatis, haud parum ardebat, prælucebatque insigni Diœcesanis doctrinâ.

95 ILLMUS. M. D. ALPHONSUS HENRIQUEZ DE ARMENDARIZ, Natione Hispanus, Patria Hispalensis, Domicilio Mexicanus & munere. Genus illi præcellens, ut à Navarræ Regibus ductum. Ordini Regio itidem & Militari SS. V. MARIÆ de Mercede professione religiosâ se tradidit. Granatensi postquam Cœnobio præfuit, in Americam missus Vicarij generalis & Visitatoris Provinciarum sui Ordinis apud Peruanos vigentium functus est munere, egregijs relictis monumentis pietatis, quòd idolis etiamnum alicubi vastissimarum regionum stantibus bellum indixerit, comminutisque ipsis, uni Deo Templâ ædificari curaverit, cujus devotus ex animo cultui honorem & gloriam promovit. Redux in Hispaniam, Sidoniæ Episcopus initiatus fuit anno 1603. Dein in Ecclesiam Cubensem Americæ nostræ Septentrionalis assumptus, ejus prospicere bonis, ut Pastorem decet strenuum, nulli parcens labori curavit. Primarium Templum, ipso sedem tenente, constructum fuit, alijsque accuratissimi Præfulis actis inclaruit. Hæc porro Regi ejusque Indiarum Consilio

nota, facile egerunt, ut in Michoanenſis Diœcesis infulas evolaret, cujus clavum tenuit sex annos.

96 Quantum porro ovium suarum bonis consuluerit vivens, conjici hinc valet, quòd post funera quoque earundem vigilaverit commodis: nam ex proventibus annuis aliquot argenteorum millia reservans, parce sibi vivens & religiosè, ea Alumnis sui Ordinis Mexicanis commisit, ut Collegium S. Raymundi Nonnati titulo insigniendum ædificarent, pro alendis octo ex natis in Provincijs Cubensi & Michoacanensi, qui Jurisprudentiæ operam darent in Universitate Mexicana, eo quidem consilio, ut ditiones illæ, ceteroquin Theologis scatentes hominibus, jurisconsultis etiâ haud paucis gauderent, ad varia Reipublicæ sacra & prophana munera non utilibus tantum, sed necessarijs. Impares tanto operi erant pecuniæ ab Illustrissimo Præfulæ destinatæ; sed verò diligentia & industriâ religiosorum Patrum, quibus commendatum negotium erat, jusque Patronatus relictum, nonnullis post Alphonsi obitum annis, faustè tandem ac fœliciter erectum Collegium fuit, quod eximie floruit, vigetque etiamnum, doctissimis ex eo viris quotidie prodeuntibus, qui & illi, & Academiæ, & Patrijs splendorem augent, obeuntque scitissimè officia præclara, Rectoribus perpetuò Primarijs Mexicanæ Provinciæ Mercedensis Patribus, multis in-

## AL

insignibus & in Ordine suo & in Academia nominibus, quorum id etiam providentiæ fuit, ut vetustate prope collabentes ædes nuper instaurare à fundamentisque restituere incæperint. Nostri hercle gloriæ monumentum istud Mexici viget, nec gloriosum minus Hispali aliud perennat, Collegium sui Ordinis à S. Laureano nuncupatum, quod & condidit, & redditibus annuis locupletavit. His haud concedens tertium proprio ipse calamo descriptum reliquit, ut Author est ÆGYDIUS GONZALEZ DAVILA, in Theatro Ecclesiæ Michoacanensis, itemque Cubensis, qui authographum se vidisse testatur anno 1646 accuratissime scriptum, videlicet

*Narrationem historicam rei spiritualis juxta & temporalis Diæcesis de Cuba, vitam moresque Ecclesiasticorum ejus complectentem.*

Meminit Authoris & operis D. NICOLAUS ANTONIUS in Bibliothecâ Hispaniæ novâ, multisque illum commendat meritò M. PAREJA, in Chronicis Mss Provinciæ Mercedensis Mexicæ. Habet quoque memoriam ipsius & scripti LEON PINELUS, in Bibliothecâ Occidentali additâ tom. 2. col. 582 & 587. asserens servari Mss opus, quod diximus in Bibliothecâ Barciæ Madritanâ.

97 D. ALPHONSUS HENRIQUEZ DE VARGAS, Natione, ut videtur, Mexicanus, Patria Goatemalensis, ejusdem Ecclesiæ Ca-

## AL

nonicus, Synodalisque Examinator, publici juris fecit

*Concionem S. Petri Paschæ.*

Habetur cum alijs ejusdem argumenti in Libro edito Goatemalæ, typis Josephi de Pineda Ibarra 1637. in quarto.

98 F. ALPHONSUS DE HERRERA, Natione Hispanus, non longe à Burgenfibus natus in veteri Castella, Domicilio Mexicanus. Juvenis Legum studio civile in celeberrima Salmanticensi Academia se dedit, in quo quavis multum profecerit, subindeque fortunam, ut dicitur, polliceri sibi potuerit ridentem; consultius longe duxit æternam, Dei famulatu, salutem comparare, religiosumque statum capeffere professione factâ solenni in Conventu Franciscanorum Salmanticensi. Inde cum alijs strictioris observantiæ & austeritatis cupidus in Provinciam S. Gabrielis transivit, unde in Mexicanam S. Evangelij nuper institutam, sanctitateque pollentem eximiâ devenit. Quòd, verò timeret sibi dæmon multa quæ in Dei gloriam & animarum salutem bona in America nostra agere poterat vir strenuus, bene in illum fucaram tentationem injecit, pristinæ desiderio solitudinis, qua in secessu Hispani Cœnobij gaudebat, quietiusque orationi vacabat, diu multumque sollicitans, ut ipsam repeteret, quodque deterius erat, Sodales non nullos secum deferret. Illustratus tamen, orans, cœlesti lumine



mine, technasque illas diaboli internoscens, Prælatum adivit, à quo prædicandi ministrandique Indis sacra mandatum postulavit obtinuitque, & deinceps molestiâ & scrupulo liberatus, idiomateque Mexicano optime instructus, totum se Indorum atque Hispanorum procurandæ saluti dedit. Cœnobij præfuit gravioribus, totique Provinciæ, eo biennio quo Apostolicus vir P. MARTINUS DE VALENCIA, Custos ejusdem, negotio tenebatur in Philippi nas nuper detectas Insulas navigandi. Litteris, virtutibus, consilio, & urbanitate, quibus fulgebat, Episcopis Religiosisque cū primis acceptus, eorum evocatus comitijs & consultationibus frequenter intererat, qui ejus multi habebant sententiam. Tandem, vitâ religiosè admodum & sanctè traductâ, in senectute bona, in cœlum, ut pie creditur, evolavit die 6 Aprilis anno 1565. Reliquit scriptos idiomate Mexicano optimos

*In omnes Dominicas & Sanctorum festa Sermones.*

Acta ejus memoriæ commendarunt Arcturus, in Martyrologio Franciscano, atque in Menologio Provinciæ Mexicanæ Berancurtius die 6 Aprilis pag. 41. & Torquemada, in Monarchia Indica tom. 3 lib. 20. c. 36 p. 464. Item Gonzaga, Uvadingus, & Bibliothecæ Hispana & Franciscana, atque Indica Occidentalis Antonij de Leon tom. 2. col. 732.

99 FR. ALPHONSUS DE HITA, Natione, si conjectare fas est, Parriaque Mexicanus, Ordini S. Francisci in Provincia S. Evangelij se dedit, in qua transactis annorum curriculis ab ejusdem statutis mandatis pro Emeriti Concionatoris titulo nanciscendo, frequentissime habitis sermonibus, illam lauream promeruit, Definitoris etiam & Custodis, quæ è primarijs sunt, munera obtinuit. Edidit idiomate hispano

*Panegyrim S. Patris Dominici,*

Quem videre nobis non licuit; referunt tamen Berancurtius in Theatro Mexicano part. 4. post Menologium pag. 143. n. 42. & Bibliotheca Franciscana pag. 45. t. 1. quamvis pro S. P. N. Dominici scripserit S. P. N. Francisci.

*Panegyrim de Immaculata Deigenitricis Conceptione ad Regiam Universitatem Mexicanam.* Mexici ex Typographia Viduæ Francisci Rodriguez Lupercio anno 1692. in quarto.

*Panegyrim de S. Petro Regalato.* 1696. in quarto.

100 FR. ALPHONSUS JOSEPH ARANDA, Natione Hispanus, Patria Saldaniensis, Ordinis S. Francisci in Provinciâ SS. Nominis JESU Goatemalensi alumnus Concionatorque generalis, & Custos ac Parens, anno 1690. Regio S. Jacobi Cœnobio de Momostenango dicto Rector datus, inibi, loci silentio illectus ab hominum turbis longe semoti, opus auspiciatus fuit eruditum & pium, faustè  
que



AL

que absolutum & prælo paratum, indiceque alphabetico instructum, Mexicum transmissit, ut videtur edendum, cujus extat authographum à nobis visum in Bibliothecâ Conventus Primarij Mexice S. Francisci, hocce hispano titulo

*Muse gratiarum in sacro Hispania Parnaso, seu Compendium historicum novem insignium pietate & martyrio sororum, SS. Liberata & aliarum.* in quarto.

101. FR. ALPHONSUS DE LEON, Natione Hispanus, ignota nobis Patria, Observantiæ S. Francisci alumnus in Provincia S. Evangelij Mexicana, Lector Emeritus, & ejusdem Capituli munere decoratus, ac S. Inquisitionis Officij à Censuris Theologicis, typis commissit à se dictam in funeris instauratione Excellentissimi Ducis de Vejar solenni pompâ Mexici factâ,

*Funebrem Orationem, seu ejusdem Ducis Panegyrim.* Mexici, formis Viduæ Michaelis de Ribera 1719. in quarto.

102. ALPHONSUS LOPEZ DE HINOJOSA, Natione Hispanus, Patriam in Diocesi Concheni, Mexici Domicilium fortitus, JESU Societatem amplexatus est in Provinciâ Novæ Hispaniæ anno 1585. quinquagesimum ipse ætatis agens, eo consilio, ut Coadjutoribus temporalibus adscriptus, humilitati in primis deditus, reliquis & ipsâ Deo inserviret virtutibus, quas equidem ad mortem usque religiosè traduxit. Doctus

R

AL

Medicinæ & Chirurgiæ priusquam valediceret Mundo, eisdem etiam Religiosus factus, usus est opportune pro adipiscendo cælo: nam quod Medici ea tempestate non plures essent pro frequentissimâ Civitate, pauperibus ut subveniret ac mederetur visum est charitati maximè consentaneum. Ad hæc, cum Nova isthæc Hispania herbis abundet oppido salutaribus, quarum ille dotes callebat, usui ut essent, scripto medicamenta ex eis conficienda proposuit, morbosque in his regionibus frequentiores descripsit, additis medendi rationibus, quæ cum alijs, tum potissimum Familiæ suæ Missionarijs loca incolentibus remotissima, nullique pervia Medico, utilissimæ sunt pro se suæque curæ commissis Indis. Obiisse pio in Domino majorem sexagenario, mense Martio 1597. scribit Bibliothecâ Societatis JESU, ubi quæ dicimus acta ejus non sine debita laude refert. Meminit ejusdem, immemor Religiosi, quod capeffivit, Instituti, D. NICOLAUS ANTONIUS, in Bibliothecâ Hispaniæ novâ. Liber autem hispano conscriptus idiomate in latinum versus sic habet (quamvis citatus P. SOTUELUS aliter ipsum tradat minus exactâ ductus operis, quàm acceperat, narratione)

*Summa, seu Breviarium Chirurgiæ: Ars pro incidendis venis, & tonsorum Examen.* Ita in editione prima. In secunda verò, *Adjicitur origo rheuma-*

ma-



*matum & plurium aliorum morbo-  
rum.* Mexici typis Petri Valle,  
anno 1595. in quarto.

Editionem istam, tacito nomi-  
ne Typographiæ, refert D. NI-  
COLAUS ANTONIUS, quam vidi-  
mus in Bibliothecâ Collegij S.  
Bonaventuræ Franciscanorum ad  
Sanctum Jacobum de Tlatelolco.

103 FR. ALPHONSUS MAL-  
DONADO, Natione Hispanus, cu-  
jus incomperta nobis est Patria,  
Domicilio Mexicanus. In Provin-  
ciam SS. Nominis JESU Regu-  
laris Observantiæ S. Francisci Go-  
atemalensem è Sanjacobæa ejus-  
dem Ordinis translatus, duos post  
se reliquit Mss. Libros in Biblio-  
thecâ Primarij Conventus de  
Goatemala hætenus custoditos,  
quorum hispani tituli sic vertun-  
tur latinè, primi quidem:

*Loci communes, in quæis alpha-  
betico ordine multa de vitijs & vir-  
tutibus naturalia juxtâ & politica,  
sacrâ prophanâque eruditione conti-  
nentur.*

Alterius verò,

*Panegyrici Sermones 41.* in quar-  
to, ut ab ejusdem Provinciæ Pa-  
tribus, datis humanissimè ad nos  
litteris, certum habemus.

104 FR. ALPHONSUS MA-  
RIANUS DEL RIO, Natione Me-  
xicanus, Patria Angelopolitanus,  
Instituto Franciscanus, quod in  
Provincia S. Evangelij Professus  
est: Magistri, ut vocant, Theolo-  
gorum studentium munere fun-  
ctus, concionandi suscepit pro-  
vinciam, gradumque Prædicatoris

generalis obtinuit egregijs planè  
meritis: nam assiduitati sermo-  
num & facilitati dicendi, zelus  
Dei gloriæ & animarum salutis  
accedebar, doctrinæque & erudi-  
tionis copia, quibus mirè audito-  
ribus arridebat, non popularibus  
modò, sed verò etiam doctis ho-  
minibus. Tertium, quem dicunt,  
Ordinem Pœnitentium Mexici di-  
rigendum suscepit ejusdem titu-  
lo Commissarij, eximio quidem  
Sodalium & Ordinis fructu, pro-  
pterea quòd eorundem in spiritu-  
progressus suis ita procuravit ex-  
hortationibus publicis & privatis,  
ut divino etiam cultui prospexe-  
rit, multisque devoratis molestiis  
egerit, ut Sacellum instaurari à  
fundamentis cœperit, quod deinceps  
magnificum adeò pulchrum-  
que evasit, ut cum elegantiori-  
bus & ditioribus Templis, non  
Americæ tantum, sed Europæ  
etiam componi possit. Quæsitore-  
bus Fidei acceptus ob Theologiæ  
peritiam vitæque probitatem, in-  
ter Censores relatus est. Scripsit  
sanè Conciones multas, ex quibus  
tomi compingi possent aliqui, quas  
tamen habemus impressas idio-  
mate hispano, subjungimus:

*De S. Galliarum Rege Ludovico.*  
Mexici typis Viduæ Michaelis de  
Ribera 1713. in quarto. Extat  
tom. 21. Collect. nostræ

*In Dedicatione primarij Templi S.  
P. N. Francisci Mexicani.* Mox di-  
ctis formis 1717.

*In Anniversario Dedicationis Tem-  
pli Metropolitanæ Mexiceæ festo.* Eis-  
dem



AL

dem litteris 1719. Habetur tom. 11. Collect. nostræ.

*Exclamationem epidiicticam in obitu D. Joannis Josephi de Veitia Linage, Catholicæ Majestatis à consilijs. Mexici in Typographia Francisci de Ortega Bonilla 1723. in quarto.*

*In Funere nobilissima piæque famina D. Franciscæ Antonia de Gorraez Beaumont & Navarra: Mexici apud Viduam Michaelis de Ribera 1717. in quarto.*

*In festo S. Dominici, Prædicatorum Ordinis Fundatoris. In Officina Viduæ Francisci Rodriguez Luperchio 1720. in quarto.*

*De Beato Philippo à JESU, Mexicano, Japonia Proto-Martyre, Urbisque Mexicanæ Patrono. Mexici, Prælo Francisci de Ribera Calderon 1715. in quarto. Extat tom. 60. Collect. nostræ.*

Et hac quidem Panegyri tam fuit cohortatus amicè & vehementer gentiles nostros pro inclyti gloria Martyris adaugendâ Canonizatione, ut multa inde agere incœperint in eum finem, cui assequendo utinam adsint alij fervidi viri, qui ultiores Mexicanis addant faces & ignes. Meminit Authoris D. Antonius de Leon Pinelo tom. 2. col. 925.

105 ALPHONSUS DE MATA, Natione Hispanus, & è primis qui Mexicanum sibi Domicilium plusquam mille vitæ periculis nunquam interituri gloria nominis promeruerunt: Inter Ferdinandi Cortesij, inclyti Imperij Mexice

R 2

AL

debellatoris, fortissimos milites stipendia meruit, gestisque rebus clarus, ut conjectare fas ex paucis quas in tabulas legimus à Torquemada redactas in Monarchia Indica tom. 1. lib. 4. cap. 78: Socios itidem ut bono collocaret in lumine, symbolum quoque suum posuit scriptis mandans paternæ lingua,

*Res gestas in Novæ Hispaniæ expugnatione:*

Ut testes sunt D. Antonius de Leon Pinelo, in Bibliothecâ Occidentali editionis antiquæ pag. 75. Laudans D. Antonium de Herrera: itemque citatus Torquemada cap. 79. mox dicti lib. pag. 523. edit. novissimæ.

106 P. ALPHONSUS DE MEDINA, Natione, ut videtur, Mexicanus, Societatis JESU, publici juris fecit geminum opus, è quibus primum ejusdem in amœnioribus litteris peritiam ostendit, solutâ ligatâque numeris oratione pompam expendens, qua Ecclesiæ Metropolitana Mexicea fornice erecto Pro-Regem Novæ Hispaniæ venientem excepit Marchionem de Villena, Excmûm. D. Didacum Lopez Pacheco, dedit que hunc titulum Libro:

*Speculum catholicorum Principum & politicorum Gubernatorum. Mexici typis Francisci Robledo 1642. in quarto.*

Secundum porrò Authoris opusculum Jurisperitiam, qua mire pollebat, ob oculos ponit in

*Allegatione pro JESU Societate*

18



*in causa ipsam inter & Eleonoram de Ribera verrente. In fol. tacitis pro illius temporis consuetudine in similibus scriptionibus typographo & anno. Habetur tom. 46. Collectionis D. Ludovici de Mendoza.*

107 P. ALPHONSUS DE MENENDEZ, Natione Mexicanus, Patria nobis incerta, JESU Societati ex animo datus, quatuor nuncupatis votis, probatorum non modo in virtutibus religiosum virum decentibus, sed pro Philosophiâ & Theologiâ in publica Universitate tradendis gradum meritò tenuit. Postquam Grammaticâ incubuit edocendâ & Rhetoricâ, Philosophiam in Collegio Queretarensi professus est; alijsque deinceps ministerijs Deum & animas concernentibus in Maximo Provinciæ Collegio operam dedit, ægra etiam valetudine non parum vexatus. Scripsit præter

*Latinas Prolusiones, & Conciones hispanas, hoc eodem sermone,*

*Concertationem poeticam in nascentis JESU plausum Favi Symbolo expressi Anno 1713. Extat in Libro ad id argumenti destinato in Bibliothecâ dicti Collegij Maximi*

*Cursum Philosophiæ, Summulas, Logicam, Physicam, Metaphysicam, Animasticam complectentem. Exemplaria Mss apud Discipulos inveniuntur.*

108 FR. ALPHONSUS DE MOLINA, Natione Hispanus, cujus Patria nos fugit, reticentibus ipsam TORQUEMADA & BETAN-

CURTIO, qui res ejus accurate scripsere: Domicilio & Studijs Mexicanus: Admodum puer in Americam nostram adductus à parentibus, paucis à subjugata Mexico annis, quo tempore innumeros inter Indos Urbem inhabitantes nesciosque idiomatis hispani, Mexicano uterentur necesse erat, qui cum eis agebant Hispani; quotidiana ille facile consuetudine Mexicanorum linguam imbibere potuit, & verò etiam adeo breviter ea uti cœpit & eleganter, ut, teste BETANCURTIO, infusa cœlitus quam usu potius comparata à multis dicta fuerit. Recens appulsi Mexicanas oras Apostolici primi duodecim è Franciscanorum gremio Prædicatores, ubi docendi vastissimos Populos provinciam suscipere, interpretibus cum egerent, Alphonsumque puerulum observarent extranei idiomatis peritissimum, matrem ejus rogarunt, eum ut ipsis tradere vellet, quandoquidem alter sibi filius domi manebat; à qua libentissime oblatus Religiosis deprecatoribus, ductus in Monasterium fuit, habitumque induit Franciscanorum more. Convenientibus in triclinio Patribus lector ipse aderat, exeuntes pro Indorum catechesi comitabatur, Magistros Fidei linguam docebat, ut subinde ab hoc in alium aliumque Conventum duceretur, pro ut ministerio illi opus erat, quoungebatur.

109 Votis suo tempore solenniter nuncupatis in Cœnobio Me-



## AL

Mexico, Religionem professus, doctusque sacras litteras, & Sacerdos effectus, egregie de Provincia S. Evangelij, quæ tunc coalebat, & de tota Mexicana Natione meritus est. Nam & Indos è suggestu sacro supra quinquaginta annos docuit, maximo ipsorum profectu, qui mores Magistri doctrinis admodum conformes cernebant, austeramque vitam admirabantur: Et eorundem Doctores, scilicet Apostolicos viros, pro addiscendo idiomate multis quidem adjuvit, & viva voce & scriptis subsidia ipsis præbens opportunissima, primus omnium qui in Artem redegerunt Mexicanum idioma, Dictionariaq̃ conscripserunt. Orationem in delicijs habuit, humilitatem in tanta doctrinæ copia ex animo coluit, paupertatis amator divitias cæteraque Mundi bona nihili fecit: uni Dei gloriæ inhiabat, salutemque proximorum quærebat, propriæ insimul studio virtutum incumbens. Tandem longâ infirmitate probatus, ad cælum, ut piè creditur, evolavit 31 Martij 1558. ut in BETANCURTIO legimus; sed corrigendum existimamus errorem Amanuensis, aut Typographi, forte pro 1585. scribentis 1558. Nam quod & ipse BETANCURTIUS, & pridem TORQUEMADA constanter teneant, annos quinquaginta Nostrum prædicando insumpsisse, quorum initium ante 1535. vix capi potest, cum venientibus Provinciæ Fundatoribus 1524 pue-

## AL

rulus esset, nec statim Religiosis adscriptus, habitum licet indutus, ut in ætatula illa solet devotionis officio; sit quinquaginta prædicationis annos ante 1585 neutiquam absolutos, emortualemque proinde hunc eundem habendum Nostrum, cujus corpus in Maximo Franciscanorum Mexicano Conventu quiescit. Multa, eaque utilissima scripsit & edidit, videlicet

*Artem linguæ Mexicanæ.* Mexici apud Petrum Valli 1576 in quarto.

Aliam editionem Mexicanam affert Bibliotheca Franciscana, scilicet de anno 1571. in octavo, tacito nomine Typographi, quæ nos later.

*Dictionarium Hispano Mexicanum.* Mexici 1555. in quarto, & ibidem typis Antonij de Espinosa 1571. in fol.

*Dictionarium Mexicano Hispanum.* Eodem Typographo, & anno in folio.

*Confessionale maius.* Mexici, ex Officina Antonij de Espinosa 1565 in quarto.

*Confessionale minus utrâque linguâ Mexicanâ & Hispanâ.* Eisdem typis & anno, in quarto, ut habentur in Bibliothecâ Regij Augustiniani Collegij Divi Pauli.

*Doctrinam Christianam, seu Catechismum idiomate Mexicano.* Mexici Formis Petri de Ocharte 1578. in quarto, & iterum Hispali, ex Typographia Francisci Perez 1584 in quarto cum Approbatione Cardinalis de Quiroga, Archiepiscopi Toletani, Quæstoris Generalis



Fidei in Hispania. Extant in eadem Paulianâ Bibliothecâ. Alias adducit editiones Franciscana, nimirum Mexiceas 1564 & 1606. in quarto. Quæ sequuntur opuscula etiam edita fuisse testatur TORQUEMADA, & ex eo F. JOANNEI A S. ANTONIO, quarum exemplaria non vidimus, scilicet

*Vitam Seraphici Patris Francisci.*

*Pro Eucharistiæ receptione præparationem.*

*Evangelica totius anni.*

*Officium Beatissimæ semper Virginis Mariæ.*

*Orationes precesque multas.*

Meminerunt Authoris, præter citatos & D. Nicolaum Antoniû, Gonzaga, Arcturus, Uvadingus Franciscani, quos in suâ Bibliothecâ adducit citatus Fr. Joannes à S. Antonio, queis addimus Dominicanum P. Fernandez, in Historiâ Ecclesiæ nostri temporis pag. 67. & Abarèam in Orbe terrarum Scriptorum calamo delineato, verbo *Mexicus*. Item D. Antonium de Leon Pinelo, in Bibliothecâ Occidentali addita col. 726 ubi advertit, quod jam Torquemada monuerat, Officium B. V. id circo prohibitum esse, quod vulgari, quæ Mexicanorum est, linguâ verti id non liceat.

110 ILLMUS. D. ALPHONSUS DE LA MOTA, Episcopus Angelopolitanus, Mexici natus est, ut collatitia tenent suffragatione qui de illustribus ortis Mexici viris mentionem fecere, PP. MEDINA, BETANCURTIUS, & alij, quibus per-

petua omnium traditio nostrum adstipulatur, contra sentiente viro clarissimo nobisque arctissimæ vinculis amicitia conjunctissimo, Magistro FR. JOANNE DE VILLA SANCHEZ, Dominicano, in Vita S. Agnetis à Monte Policiano typis excusâ, scribente cap. 27. pag. 137. in ditione Angelopolitana natum Alphonsum, quem admodum puerum Ecclesiæ inservisse illi docet, quam grandævus pavit & rexit, secutus virum itidem nobis charissimum, valdeque eruditum D. DIDACUM BERMUDEZ DE CASTRO, in Theatro Angelopolitano, de quo suo loco non pauca dicemus. Quòd tamen diversa sentire, ut dicitur, incolumi semper licuit amicitia, ab Amicis, eorum pace, hoc in puncto discedimus, cum alijs pergentes, quorum & si nos moveat antiquitas communi juncta existimationi, gravius multo rapit testimonium accuratissimi TORQUEMADA tom. 3. Indicæ Monarchiæ lib. 19 cap. 31. § penultimo scribentis, natum Mexici Nostrum, cui cum esset æqualis, eoque scriberet tempore, quo ille Angelopolitanam sedem regebat, haud simile vero videtur natale ejusdem solum nefcisse, cum Principum Patria, qua præfunt tempestate, solcant esse lippis etiam & tonsoribus notæ. Nec morari in eo volumus, quod Alphonsus puer Angelopolitanæ inservierit Ecclesiæ, quamquam difficile id nobis videatur, scientibus dedisse operam litteris in



## AL

in Conventu Mexicano primario imperialique Prædicatorum Ordinis, ut ejus & Provinciæ Historiographus F. ALPHONSUS FRANCUS monet in citata jam Historia Mss lib. 1. cap. 47. quo loci nobilissimam Alphonfi progeniem, egregiam doctrinam, in regendo prudentiam, multaue alia decora ejus expendit. Nolumus tamen propterea domicilio illum obstinatò subducere per id ætatis Angelopolitano: Ita per nos liceat, sit enim non rarò, ut in teneris annis commigrent aliqui, proque ipsorum severiori educatione parentes curent à patrio in extraneum solum transferri, quo forsità Nostri prospexerint genitores. Nec quòd primigenia familiæ bona in finibus extent Angelopolitanis, argumento est nobis, ut ibidem cunabula Nostri figamus, cum persæpe Mexicani divites fundos hæreditarios longè constitutos habere soleant.

111 Alphonsum porrò D. Antonius de la Mota & Escobar, & D. Francisca de Orduña & Luyando, conjuges nobilissimis conspicui familijs genuerunt; prius verò sororem ejus Paulam, quæ Sanctimonialibus, à Conceptione nuncupatis, professione addicta, à S. Hieronymo fuit appellata. Est quidem Monasterium illud omnibus quæ Mexici florent antiquius, & Paula è primis in id convolantibus fœminis, quas inter tanta effulsit sanctitate, ut propterea quater in Abbatissam electa fuerit,

## AL

ipsa perpetuo reluctante, quæ sibi vilescerat, ineptissimaque videbatur, cæterà columbæ instar mansuetæ fellis expers atque malitiæ, pro ut testatur M. LUDOVICUS DE CISNEROS, in Historia Imaginis Deiparentis, nuncupatæ à Remedijs lib. 2. cap. 4. fol. 94. prope finem. Alphonfus à parentibus nobilissimis pie & liberaliter educatus, litteris operam dedit apud Patres Dominicanos, ut ipsorum Historiographus tradit P. ALPHONSUS FRANCO lib. 1. cap. 47. quibus fuit egregie devotus. Universitatem statutis frequentavit temporibus, exactisque de jure curriculum, Baccalaureatus gradus decerpfit, tantis in Philosophiâ & Theologiâ factis progressibus, ut deesset ipsi nihil pro Doctoratus apice nanciscendo; cui forsitan non inhiavit, quòd sacris initiatus, & pro eximia, qua pollebat, idiomaticis Mexicani facundiâ, doctrinâ haud vulgari, notâque probitate, destinatus fuerit Parochus, quod multos annos munus est prosecutus in Oppido Chiapa, cui ex eo tempore ad usque præsens inditum cognomen *de Mota*, id circo quòd Noster se ibi insignem præstiterit zelo, charitate, cæterisque virtutibus fulgens.

112 In Hispaniam postea se contulit, nec sine plausu à primarijs viris exceptus, Catholici beneficio Regis Decanus factus est Ecclesiæ Michoacanensis, è qua eadem functurus Dignitate in Angelopolitanam, & demum in Me-



xicanam translatus est. Quo tempore Mexici agebat, munere eo post Pontificale primo conspicuus, amicitiam excoluit cum viro Sanctitatis fama notissimo, non longe ab Urbe S. Fidei Oppidum incolente, GREGORIO LUPECIO, quem invisere in pretio habebat, audireque Magistrum divino afflatum Numine paucis multa docentem; ut propterea gravissimum de eo vita functo testimonium scripserit, quod ad ejusdem Causam Beatificationis procurandæ deductum fuit, & habetur in ejus Vita, à P. FRANCISCO LOSA conscripta, & pluries recusa cap. 38. Porro magna cum esset Alphonfi vitæ, scientiæ, & aliorum, quæ in Ecclesiarum ministerijs gesserat, meritorum existimatio, quam Philippus ipse II. Epistola ad Clementem VIII. data exposuit, afferturque ab ÆGYDIO GONZALEZ DAVILA; postquâ Nicaraguæ Insulas recusaverat, pro Ecclesia Guadalaxarensi die 22. Octobris 1597. destinatus Episcopus, deincepsque consecratus, clariorem se multò eo in munere præstitit.

113 Exemplo verbum, moribusque virum decentibus Apostolicum conciones pias juxta doctas que jungebat, quâ hispano sermone, quâ mexicano, pro ut varios in vastissima Diocessi auditores habebat. Ardua aggressus itinera nulli unquam labori pepercit, modò suis se sisteret ovibus deserta & asperrima incolentibus

antra, universamque lustravit Provinciam, quæ barbaros in confinio plurimos habet, eorum iram minasque despiciatus. Non longius erant à Topia dicti, qui barbariem exuti haud ita pridem, gentiumque simulacris calcatis, Baptismi lavacro se intingédos dederant, christiana dein sacra colentes: Quòd verò Hispani quidam Regijs obsistentes mandatis, avaritiæ litantes, miseros in Argenti fodiinis laborantes plus justo vexabant, jugum illi pertesi durissimum, excutere id, & quod suave est, christianæ religionis, voluere, armati que in Hispanos irruerunt anno 1601. Præses Provinciæ Auditoresque Regij milites eò misserunt, rebelles qui compescerent, adigerentque vi ut in violatam utriusque Majestatis fidem revocarentur; frustra tamen & incassum, donec Alphonfus è Curia, in qua residebat, Novæ Galeciæ, destinatis primum ad illos nuncijs, deinde coram, superato itinere multo, egit ut resipiscerent. Mandavit quidem ad desertores strenuos Legatos, unàque, quibus utebatur, Mithram & Annulum, ceu pignora benignitatis remissionisque pro commisso scelere gravissimæ multæ, quas se à Rege obtenturum pollicebatur. Et cessit quidem optimè cogitatio: nam hospitio & humanitate homines barbari excepere Nuntios Episcopi, plurimi ducentes pignora, quæ ille misserat, de ipsis obligata fide securi, maturantesque, gentis more, ad sequen-

AL

quentem Lunam responsum. Hæc inter Alphonsus prope Topiam accesserat sexcentis militaribus per asperrima loca decursis; illi que prodeuntes è latebris, agmine facto, & Mithram in altum sublatam, vexilli ad instar, faustè sequentes, in manus sese tradidere Prælati, à quo humanissimè excepti, & vestibus ac cibis donati, in pristinam obedientiam reducti sunt. Grates ille Deo fecit sacris ad aras cantu operatus, indicatæque gravi supplicatione; tum fervidâ Mexicanorum idiomate Indos concione hortatus, Hispanosque aliâ haud minus vehementi obtestatus, uti singuli se in officijs continerent, ad concordiam omnes attraxit.

114 Hæc ubi felicissime absolvit, ad meridiem progrediens, infesta barbaris, quos Tepeguanes dicunt, robore & ferociâ horribiles, loca decurrens, substitit Oppido Papasquiaro Hispanis jam dedito, Indisque Christianis, qui ibi habitabant, multis proxima solennissima Ascensionis Domini die prædicare decrevit, incredibili finitimarum gentium commotione, quæ Episcopum nunquam aliàs viderant: Accessere propterea non Fideles tantum, sed etiam Pagani multi, hosque inter Proceres quinque, qui Provinciam circum omnem turbabant, bellandi gloria & martialibus gestis suos inter illustres. Alphonsus occurrentis Evangelium festi palam illis exponens Mexicanorum linguâ, Baptismi

AL

necessitatem fructusque declaravit eximios, quibus per interpretem à Proceribus illis, qui nesciebant Mexicanè, ut cumque perceptis, optantibusque salutaribus aquis intingi, Alphonsus reposuit, futuros bono animo; at voti ut fierent compotes, oportere prius instrui in unius veri Dei notitiâ, aliorumque Catholicæ Fidei, & Legis Evangelicæ mysteriorum salutis scientiâ, quam ut illos docerent, liberalissime tractatos, muneribusque affectos remissit ad Societatis JESU Patres non procul adstantes, à quibus tandem edocti, vehementius multò Baptismum aventes, statâ die solenni quidem pompa, suis ipse Alphonsus manibus lustralibus aquis perfudit, quibus efferati barbari mansuevere, per inde quasi lapidei vice cordis carneum fuisset ipsis suffectum, quod jam pridem Deus promisserat gentibus.

115 Cunctis fanè Alphonsus gratissimus erat, non ignaris tantum & ex infima plebe hominibus, sed nobilibus, doctis, gravibusque, omnia sese, Apostolum imitatus, omnibus faciens, singulorumque aut honori prospiciens aut commodo. Comitia per id tempus celebrata sunt Guadalaxaræ (quæ Civitas est Novæ Galiciæ Prima, Regij Auditorij sedes, Præsidis, atque Episcopi) à religiosis Observantiæ S. Francisci Patribus, qui unâ hætenus censebatur Provinciâ Michoacanensi, domiciliaque inter se longissime dis-

fita

T



sita fortiebantur, alijs in Regno Galeciæ Novæ, seu de Xalisco, alijs in Michoacanensi Regno Cœnobijis stantibus; eo consilio, ut quæ in Toletano totius Ordinis generali Confessu sancta fuerat anno 1606. Provinciæ divisio, jure tandem fieret & ordine: qua secuta, electisque utriusque Provinciæ Prælati, festivissimâ utraque & frequentissimâ supplicatione à Franciscanis ædibus ad Cathedralē Ecclesiam processere, sacra in prima Templi ara, Capitulo annuente, facturi, Nostrumque excepturi è pulpito dicentem, qui eruditionis & ingenij gazas explicuit multas, amplissimas commendans Familias, eisdemque ex animo gratulatus, ut memoriæ prodidit in Chronicis Michoacanensis Provinciæ P. ALPHONSUS DE LA REA lib. 2. cap. 1. Anno nuper dicto 1606. Angelopolitano, seu, quod idem est, Tlascalensi Episcopo D. DIDACO ROMANO, Coadjutorem sibi poscente pastoralis officij, quod senectute gravis captusque luminibus, satis illi facere, ut hactenus egerat, ultra nequiret; Noster est datus, futurusque Successor Apostolicâ autoritate. Rebus itaque Guadalaxarensibus expeditis, Angelopolim demum petijt, defunctoque DIDACO ROMANO anno 1607. succedens, totum sese impendit Ecclesiæ nuper sibi traditæ & amplissimo gregi, cujus ut consuleret in christianis juxtâ ac politicis rebus fœlicitati, magnificum à funda-

mentis crexit Collegium, quod à S. ILDEPHONSO appellari voluit, pro JESU Societatis Patribus, quibus alendis redditus consignavit, eximijs inde in universam Diœcesim fructibus promanantibus: Nam docetur in Collegij Aulis, Philosophia, singulis annis Cursum incipiente strenuo Magistro, qui eo per triennium munere fungitur: traditur præterea & Theologia, quæ mores respicit, & quæ ad scholæ palæstram attinet à Primario Vespertinoque Professoribus; Sacris interpretandis Biblijs alius Moderator incumbit, quas insignes semper viri ornarunt spartas, quibus & alij Sodales strenui pro concionibus habendis, excipiendisque confessionibus accedunt præclaro animarum emolumento, nec minori utilitate Reipublicæ Litterariæ multos quotidie doctos inde viros colligentis, atque in Academiâ Mexicæ infulis redimientis haud vulgari Sapientum plausu.

116 Multis præterea Alphonsus nominibus alijs de Ecclesia & Diœcesi sua benemereri pergens, plurima opulentiæ redditibus annuis, parco admodum pro suo familiæque propriæ victu contentus, pijsime unâ liberalissimeque constituit, quæ & Dei cultum, & Provinciæ decorem, & pauperum subsidium concernunt. Ut erga immaculatam Deiparentis Virginis Conceptionem singulari ferebatur amore, ejusdem Imaginem ex puro puto argento fabricatam Ecclesiæ suæ, quæ hoc cohonestatur ti-



tulo, dedit dono, pro cuius festo solenniori pompâ celebrando redditus destinavit, quibus pinguiorres addidit pro singulis quadragesimæ Sabbatis, cantu, concione, & populi frequentia colendis in honorem itidem Deiparentis purissimæ. Ad hæc pro maritandis puellis dotes perpetuas, Beneficia fundavit pro initiandis Clericis, atque ut alia taceamus, sacris vestibus, vasis, supellectilli tam multa Cathedralem & pretiosa ditavit, quinquaginta ut argenteorū octo regalium millibus æstimetur.

117 Latè patentissimam Dicesim circumivit, multâ quidem defatigatione & molestiâ suâ, Dicesanorum nullâ, ut in Guadalaxarenfi ditione etiam usu tenuerat: nam ulli ne gravis esset, aut videretur inurbanus, si quod illi munusculum pauperuli obtulissent, duplo illud humanissimè rependebat, à divitum abstinens donis capiendis, omnium inhians animabus & saluti, atque semper Dei gloriæ. Hæc de causa latitantes in silvis & Oppidorum angulis idololatrias (nec enim per id tempus, scilicet retracto ab hinc integro seculo & fere dimidio, funditus pestis illa fuerat eradicata) diligentissimè conquirebat, inventisq; ferventissime prædicabat egregio fructu, quòd peritiæ in idiomate Mexicano, doctrinæ, & spiritui authoritas Episcopalis robur & vires adderet. Pauperibus subveniebat largissimè, tantâque illos charitate prosequabatur, ut filios

amantissimus pater. Certè tot pro ipsis alendis, regendis, fovendis, sumptus fecit ubique, uti in eos & divinum cultum omnes expenderit, quos Ecclesiæ ipsi suppeditaverant, imò plures; nam numeris putati excedere visi sunt dati acceptis, Deo facile providente, ut ditaret multis eum qui minime post aurum abierat.

118 Anno 1616. Novâ Hispaniâ, quæ feracissima est, laborante sterilitate, & non modò pauperibus fame vexatis, sed divitibus etiam molestijs affectis, Noster grandem in horreis summam indici frumenti repositam ex proventibus Dignitatis habebat, quam si vendere currente ea tempestate pretio voluisset, nempe septem aut octo argenteis uncialibus geminum medimnum, thesaurum sibi coacervasset argenti; ut cœlestibus tamen dumtaxat inhiabat, pro hisce quærendis totum in tabernas frumentum exposuit, pro egenibus, Indis potissimum, sine pretio donandum, pro alijs verò duodecim regalibus argenteis vendendum, hoc est, plusquam sex vulgaris pretij partibus condonatis, ut eo scribens ipso anno testis est citatus supra M. CISNEROS lib. 2. cap. 13. Quanto hinc Dei amore flagraverit conjicere est, qui eximiæ adversus Proximos charitati, zeloque religionis & fidei reliquas virtutes conjunxerit; quas inter eximia animi & corporis eminuit munditia, virginitas scilicet ad extremum usque illiba-



ta diem. Tanti subinde habitus, ut constans fuerit omnium opinio, si Summus Pontifex aliquem eo tempore ex Americanis adscribere vellet Purpuratis Ecclesiæ Patribus, unum ad id honoris assumendum meritò Alphonsum. Demum 16. Martij 1625. incredibili omnium dolore, corporis deposuit exuvias grata Deo anima, quæ tamen cælum priusquam scanderet expiatorijs purgata flammis fuit, si fides habenda D. Josepho Gomez de la Parra, viro gravissimo, Angelopolitano, in Historia Foundationis & primi seculi Monasterij Carmelitarum fœminarum, è quibus vita insignis, visis que illustris cœlestibus Elisabeth ab Incarnatione Nostrum haud semel se vidisse audivisseque testata est deposcentem suffragia, quibus adjutus pœnas evaderet amarissimas, quas propterea lueret, quòd languidijs Dei visionem optasset: mirante verò fœmina, quæ subsidij egeret, postquam orationes & Missas numero plurimas Fundatori suo Collegij Jesuitarum Patres, & alibi degentes, decem mille solvissent; Alphonsus reposuit, inscrutabili justoque Dei Judicio isthæc omnia animabus subditorum suorum Purgatorium subeuntibus fuisse applicata. Quæ cum legentibus timorem incutiant oportet, stimulos addant par est pro levissimis etiam noxis cavendis, quas tanto vir egregiè Sanctus impendio solvit, donec auxilia cumulantibus Virginibus illis,

Patriam demum tenuit cœlestem Angelis associatus, qui Angelorum populum rexerat in terrenis. Corpus ejus celeberrimâ & funebri elatum pompâ in Collegio quiescit à se constructo, atque sequens sarcophago incisum inibi legitur Epitaphium:

*Illustrissimus*

*Dominus Dominus*

*Alphonsus de la Mota & Escobar,*

*Episcopus Tlascalensis,*

*Fundator hujus insignis Collegij,*

*Mota est, nam moritur,*

*Sed mens immota manebit.*

*Dum jacet hic Corpus,*

*Vivit & ipsa Deo.*

Scriptisse, dum visitationi Diœcesis insisteret Angelopolitanæ,

*Itinerarium*, Author testatur Allegationum pro Clero Angelopolitano hispanice excusarum fol. 73. num. 22. Scripsit præterea

*Historiam & Descriptionem Novæ Galeciae, ejus Urbes, Portus, Indos vestigales aliosque exponentem, Marchioni de Sarria D. Petro Fernandez de Castro nuncupatam.*

Servari Mss in folio in Regiâ Madritanâ Bibliothecâ Authores sunt qui Occidentalem Antonij de Leon locupletarunt, tom. 2 col. 610,

*Relationem perduellionis Indorum qui à Topia dicuntur, anno 1601. P. Torquemada edidit t. 1. Monarchiæ Indiæ lib. 5. c. 44. Qui præterea Nostri memorias habet tom. 3. lib. 19. cap. 31 & 32. Ejusdem*

## AL

dem fecere mentionem, citati hactenus M. Villa, loco supra jam dato: M. Cisneros locis itidem indicatis: Gomez de la Parra dicto tomo, Notabili 11. pag. 125. & sequentibus. M. Ægydius Gonzalez in Theatro Ecclesiæ Angelopolitanæ, & P. Augustinus Betancurtius in Theatro Mexicano parte 4. Tractatu de Urbe Angelopolit. pag. 51. num. 33 & 34. in quibus postremo nominatis duobus corrigendum occurrit, quod Alphonsum nostrum conditorem fecerint Xenodochij quodam stantis in Oppido Sanctæ Fidei non longè distito ab Urbe Mexico: item Pasquarensis Valetudinarij & aliorum in Regno Michoacanensi, ac demum Collegij S. Nicolai Vallisoletani, cum tamen omnibus hoc tempore notum sit, monumenta isthæc esse Clarissimi item viri D. Vasco de Quiroga, primi eo in Regno Episcopi multis nominibus colendissimi, cui pro inde jure sunt vindicanda.

119 ILLMUS. D. ALPHONSUS DE MONROY, Natione Hispanus, Nobilibus Parentibus Hispali natus, Dignitate Mexicanus & munere: Institutum Redemptionis captivorum B. V. de Mercede in Patria professus, Burgesem, Vallisoletanum, & Toletanum Conventus rexit, & Bæticiæ Provinciæ Præses electus anno 1601. monumenta in patrio Cœnobio reliquit insignia, ædificato præcipuo ejus cavædio, Templi augustiori parte, & devoto Beatissimæ Dei-

## AL

parenti Sacello picturis ornato nobilibus, argenteâque lampade, adjecto imagini Virgineæ aureo diademate, & pro ejusdem cultu redditibus annuis, quodque his præstat longè, impetratis ab Apostolica Sede gratijs pro Sacellum visitantibus, quas Romana Lateranensis Basilica S. Joannis aggregatis sibi locis communicare solet. Destinatus pro familia sua Vicarius in Regnis Peruvicis Generalis, dein universæ, quâ latissime patet Orbe toto, Religionis Mercedensis Præfectus renunciatus est, quo in munere suorum & virtutes promovit & litteras, earumdem cultorum Mœnas & Pater. Hinc, clavum Regij sui ordinis ipso tenente, Reformatio emerfit, seu Recollectio, pro his qui austerioris vitæ genus optarent, rigidioribus additis statutis, sub ejusdem tamen Instituti Mercedensis vexillo. Demum à Philippo III. Hispaniarum Rege præsentatus Episcopus pro Americanâ Ecclesia Portudivitensi, priusquam Apostolicas Litteras accepisset, è vivis excessit Hispali anno 1614. Scripsit

*Constitutiones pro Reformatis Ordinis Mercedensis Sodalibus:*

Quarum & Authoris meminere Ægydius Gonzalez Davila, in Theatro Ecclesiæ de Portudivite, & Nicolaus Antonius, in Bibliothecâ novâ.

120 FR. ALPHONSUS MONTERO, Natione Hispanus, in Castella natus veteri, novum se in



Orbem transtulit, & Mexici in Provincia S. Jacobi Ordinis Prædicatorum Instituta complexus, ad SS. Rosarij Philippinarum Apostolico zelo ductus commigravit, in qua exaratam reliquit hispano sermone

*Narrationem historicam miraculorum, quæ in primordijs Ecclesiæ Manilensis, & quæ huic subsunt, aliarum operatus est Deus.*

Cujus meminit Aduarte in Historia ejusdem de Rosario Provinciae, lib. 1. cap. 23.

121 ILLMUS. D. M. ALPHONSUS DE MONTUFAR, Natione Hispanus, Logiæ natus anno Domini 1489 pie & liberaliter educatus, adeo à teneris inhiavit statui religioso, ut ea ipsa die, quæ ætatem pro nuncupandis votis explevit, solennem ediderit professionem in Conventu S. Crucis Granatenfi Prædicatorum Ordinis. Dein tanto cum ardore ingenio quæ studijs incubuit, ut non multo post Lector Philosophiæ Theologiæque fuerit renunciatus, quo in munere egregij partes explevit Magistri, ut propterea lauream pro Ordinis statutis & usibus reportaverit. Consulebatur frequentissime in gravibus, quæ occurrebant, negotijs, cum in Regia Cancellaria, tum in Cathedrali Ecclesia, & apud S. Inquisitionis Tribunal, cujus inter Censores electus fuerat. Audiendis confessionibus sacris se dedit, à multis nobilibus, doctis, & alijs conscientiæ moderator expetitus & habitus. Semel

& iterum regendo proprio Cœnobio Prior datus, haud vulgaris prudentiæ specimen obtulit. Quæis Carolus V. motus Archiepiscopum Ecclesiæ Mexicanæ delegit, qui nuper vita functi sanctæ memoriæ JOANNIS DE ZUMARRAGA ejusdem Ecclesiæ conditoris, vestigia, Apostolica certe, premeret. Anno 1553. Catholico ritu inauguratus socijsque ejusdem Instituti duobus adlectis, litteris conspicuis & virtutibus, oceano se tradidit, faustèque ad oras Mexicanas appulsus, demum in Urbe, ceu communis Pater exceptus, omnium commodis providere attentissime cœpit, & verò etiam ad mortem usque sanctè providit.

122 Indos plurimos suis ipse manibus sacro abluit lavacro, cum ex his qui diaboli fraude decepti, de die in diem eo initiari procrastinaverant, tum etiam ex alijs, quibus in tanta multitudine non dum lumen affulserat. Sacramento Confirmationis difficile dictu est quantos inunxerit. Eleemosynis miseros adjuvabat, fontes junctâ severitati mansuetudine corripbat, omniumque salutem nunquam non vigilabat. Annis quamquam multis gravatus, Diocesim, vastissimam quidem & pluribus locis asperissimam, lustravit tamen, oves invisens, & interpretibus usus docens, Parochos admonens, pro ut rerum poscebat status, nihil quæ quod ad Indorum spectaret salutem omittens. Erecta recens fuerat Universitas Mexicana, quæ



AL

è re sua judicans communem Parentem, Magistrumque in Theologia doctissimum, in suum gremium adfiscere, in pleno Doctorum Confessu (jam enim bene multi coaluerant, ut supra in *Academia Mexicanensis* diximus) 28. Augusti 1554. præsenteque Novæ Hispaniæ Pro-Rege D. LUDOVICO DE VELASCO, viro clarissimo, collatitijs suffragijs decrevit, ut condonatis sumptibus omnibus, Illustrissimus se illis Archipræful Doctor conjungeret, cooptatusque inter Theologos non modò antiquioribus, sponte ijs cedentibus, præiret, verumetiam Cancellarium ageret, quo usque aliud Catholico Regi placeret. Sane, ut erat Alphonsus amantissimus litterarum, maximi fecit honoris id & officij munus, pro quo deinceps implendo candidatos omnium Facultatum ab Academia jure probatos, Licentiæ, ut dicitur, & Doctoratus infulis Magistros & Doctores creare perrexit, studiosis subinde mirâ alacritate excolentibus litteras tanto stimulatî forique Meccænate: Quæ bono in lumine collocavit D. FRANCISCUS CERVANTES SALAZARUS, primus Rhetoricæ Antecessor, qui suos politissimos Dialogos perpulchra eidem consignavit Nuncupatoria, cujus quia rarissimus est Codex, fragmentum transcribimus.

123 Clarissimo & eidem omnibus animi bonis ornatissimo sacre Theologiæ Magistro Fr. Alphonso à

AL

Montufare, Archipræsuli Mexicano. Paulò ante quam in hanc Provinciam optatissimus certè, commeasses, Antistes præstantissime: Academia Mexicana, quæ beneficio & liberalitate Cæsaris erecta est, & in qua ipse dicendi rationem regio stipendio trado, Commentaria in *Vivis* exercitationem alumnus Matri dicavi, quòd nihil tam ex officio fore putarem, quàm ipsi, à qua & alitus & educatus sum, quantum in me positum esset, referre paria. Nunc autem felici tuo adventu, qui deinde secutus est, ita & eorum qui enarrant, & eorum qui disciplinas audiunt, animi novis quibusdam aculeis incitati sunt, ut novas vires novosque spiritus sumant, quo alacrius & propensius, hi in discendo, & illi in docendo ulterius pergant: brevi omnes tales evasuri, ut novum hunc Orbem, diaboli & infidelium antehac sedem, omni macula purgatum, Deo Maximo & Vero domicilium faciant. In his ego, etiam si meritis postremus, non minus animatus sum, quòd solent milites fortissimo & felici duce pugnante, ut aliquid non omnino indignum luce pararem. Quæ propter, tam & si gravioribus studijs, Theologicis scilicet, addictus essem, dum maiora molior, nihil antiquius duxi, quam Dialogos hos, quos successivis horis institutum *Vivis* secutus in rem studiosæ juventutis conscripseram, Tibi uni hac in Regione studiorum Fautori & Meccænati consecrare. Alijsque adjectis colophonè imponit, Bene vale Mexicana Ecclesiæ columen, Academia decus, & novæ Hispaniæ maximum ornamentum. Hactenus Academicus



vir Opere excusso eo ipso anno 1554. quo Archiepiscopus nobilitare Academiam cœperat, inter que ejus Doctores censerî.

124 Multa quidem id temporis Nostri curas sollicitabant, quæ ut, maximam partem, expediret, Concilium Provinciale indicare decrevit, quod sequenti anno 1555. & inchoatum & absolutum fuit, typisque descriptum Mexici à JOANNE PAULO LOMBARDO, qui primus ipsa in Urbe Typographus fuit. Quoniam autem de Concilio hoc & cæteris Mexici celebratis fusior pro rei dignitate suo infra loco, verbo *Concilium*, sermo erit, actis nunc ejus supersedemus. Elapso decennio, aliud jungi Concilium Mexici curavit, cujus in Comitibus potissimum actum est, ut Sanctum Oecumenium Tridentinum, quod anno 1563. absolutum jam fuerat, atque toto Orbe Catholico suscipiendum & observandum, in his etiam Americæ Regionibus recens ad Christi ovile aggregatis, publicatione cunctis innotesceret solennissima, in moresque & praxim Decreta ejus, Canones, & Doctrina sanctissimè inducerentur: Quæ in finem 28. in hacce Synodo Constitutiones editæ sunt, Tridentinumque Generale palam omnibus observandum propositum anno 1565. pro ut deinceps semper fuit religiosissime custoditum. Et de hoc etiam Mexicano, quod Mss vidimus legimusque, indicato nuper loco dicemus. Noster his

aliisque functus multis, septuagenarius propè cum esset, auxilio que egeret subinde, Gubernatorem Archiepiscopatus ascivit Sodalium suum virum doctissimum BARTHOLOMÆUM A LEDESMA, Universitatis Mexicæ Primarium Theologiæ Antecessorè, qui duodecim annis in regimine ditionis juit Alphonsum, hocque præcipiente egregiam conscripsit & edidit Summam de Sacramentis. Quòd autem in Provinciali Mexicano Concilio de anno 1555. cautum erat, cap. 4. ut pro uniformi in docendis Indis rei Christianæ ratione Catechismi prodirent gemini, alter brevior, fusior alter, qui in multas Regionis Linguas versi, quibusvis obvii essent & prompti, hanc alijs Dominicis Patribus operam injunxit, qua illi defuncti, doctrinam, & præso & largiori tradiderunt stilo, typisque vulgarunt. Pariter, cum ejusdem altera Concilij sanctione 67. cap. cautum fuisset, uti pro ministrandis Sacramentis Manuale cuderetur, cunctis unum Ministris futurum, hanc Noster provinciam commisit JOANNI BUSTAMANTIO, Augustiniano, & JOANNI DE SALCEDO, tunc Baccalaureo, dein Doctore egregio, quo de plura suo loco: Ejus quòd ad præsens attinet, juvat Epistolam afferre Manuali præfixam edito Mexici in Officina Petri de Ocharte 1568. quòd Alphonsi zelum, cæterasque virtutes subindictet. Et ita illa habet, adduciturque



AL

que hîc, quòd rarus admodum etiam sit Liber.

125 Joannes de Salcedo, sacro Diaconatus ordine insignitus, in fure canonico Baccalaureus, Christiano & perito Lectori sinceram in Domino optat felicitatem. Est fuitque semper colendissimi nostri Archipastoris in oves custodiæ suæ commissas adeo acris vigilantia, huiusmodique studium, ut noctes diesque nihil aliud ageret, nihil aliud cogitaret, quam quo pacto animarum æternæ saluti diligentissime prospiceret; tuncque suis rationibus consultum impense existimat, cum suis est ovibus ex animi sententia provisum; quod vel ex hoc perspicias, benignissime Lector, quod ad Sacramenta ministranda Manualia (sic enim vulgò vocant) desiderari ratus, ad hæc animadvertens, quæ Sacrosancto Concilio Tridentino in Sacramentorum administrationem statuta leguntur, Fratri Joanni Bustamantio designato, mihi que tametsi (quod ingenuè fateor) enerudito illiteratoque viro, huius Manualis examen duxit committendum, fecitque copiam, ut quæ necessaria nobis fore viderentur suis in locis non vereremur adjicere, ea præsertim quæ in Sacra Tridentina Synodo definita deprehenderemus, rejectis ac sublati è medio, quæ de jure antiquo minimè hodie observantur: Paruimus libenter &c.

126 Parcimus his quæ in Epistola subsequuntur, alibi forsan convenientius transcribendis, quandoquidem eo hætenus exarata consilio tradidimus, quòd Alphonsi conatus erga sibi commissos populos palam offerant. Bonus cer-

AL

tè Pastor suis ita ovibus vigilavit, ut sibi interim haud dormiret, in tanta licèt positus Dignitate, religiosi vitam exacti servans, quo usque diurnâ purgatus ægritudine, obiit in Domino die 7 Martij anno 1569. ætatis octogesimo, regiminis Mexicanæ Diocesis 17 sepultusque fuit, prout ipse in supremis ordinaverat tabulis, in Cœnobio Dominicanorum Imperiali Mexiceo, in quod gravissimâ deductum fuit pompâ, & totius Civitatis in funere dilectissimi Parentis mœstitiâ. Scripsit, quod sciamus, patrio sermone

*Alphabetum seu Regulas in Choro Ecclesiæ Metropolitanae Mexicæ servandas.*

Mexici tertium editas 1710. quæ usu hodieque tenent, sanctè que servantur, in octavo.

*Proœmium ad Concilium Provinciale Mexicanum.*

Cujus id circo mentionem facimus, & si folium non impleat, quòd tanti viri etiam fragmentum multi sit habendum, & unguis instar Leonem subinducantis. Cætera quæ in Concilio uno alteroque leguntur, ijs qui ea scripsere suis locis reservamus. Alphonsi vitam complexus est brevi & succulento cap. 47. lib. 2. Historiæ Provinciæ Jacobæ Mexicanæ Illmus. Davila: Accedit Ægydius Gonzalez Davila, in Theatro Ecclesiæ Mexicanensis. Meminerunt ejusdem Betancurtius in Theatro Mexicano part. 4. tractatu Urbis Mexicæ p. 23. n. 112. Et quòd



res spectat academias Plaza in Chronicis lib. 1. cap. 13. num. 135. & cap. 17. n. 161.

127 ILLMUS. D. ALPHONSUS DE MUÑOZ, Natione Mexicanus, claris sanguine genitoribus Mexici natus, apprimèque eruditus, tanto plausu in Sacra Theologia Doctor est creatus in Mexicanensi Academia, ut non multo post ejusdem regendis Cathedris fuerit admotus, donec omnium tenuerit apicem Primariam Theologiæ. Hanc aliasque postquam totos viginti sex annos moderatus egregiè fuerat, & viginti quidem spatio annorum Ante cessorem Perpetuum egerat, ut statutis cautum est pro eo qui Emeriti honorem eximium optaverit, id tandem decretum fuit Nostro à Confessu academico die 23 Augusti anno 1613. nec sine multa laude, quam ob præclarè navatam operam promeruisse, Judices ipsi testati fuere. Cæterum & si eo in primis privilegio gaudeant Emeriti, ut quiescere deinceps possint, & emolumenta percipere, ceu retroacti fructus vicenarij laboris, eo Noster uti detræxit, quotidianasque prælectiones intermisit numquam, quo usque ægra præpeditus valetudine Regens ipsi suffectus est vir amplissimus D. ALPHONSUS DE CUEVAS DAVALOS, qui Archiepiscopus Mexicanus evasit, ut suo scripsimus loco. Noster quòd peritiæ in Theologia summæ, haud vulgarem in rebus gerendis pru-

dentiam conjunxerit, virtutibusque & moribus fuerit conspicuus, multis etiam fuit auctus honoribus, Academia ipsi Pro-Cancellario datus est, & Canonatu & alijs in Metropolitanâ Ecclesiâ dignitatibus fulsit, primamque Decanatus emeruit, è qua in Ecclesiam Chiapensem Episcopus à Rege Catholico destinatus, atque à Sede Apostolica electus, priusquam sacrari pro Pontificali munere quiverit, diem obiit extremum. Scripsit quidem multos

*Ad Scholasticam Theologiam Spectantes Tractatus*, quos tamen indicare signatius impedit qui tenuerat ea ætate mos, parum equidem accuratus, quo de meminimus in V. Alphonsus de Cuevas Davalos. Harum Lectionum, ut dicunt, Nostri multa cum ejusdem laude Plaza scripsit in Chronicis Universitatis lib. 3. cap. 16. n. 80 & 163. Ipsum præterea commendant M. Petrus Salguero, Augustinianus, in vita V. M. F. Didaci Basalenque fol. 10. col. 2. Balthasar à Medina in Chronicis Nudipedum Provinciæ S. Didaci Mexicanæ fol. 239. col. 2. Ægydius Gonzalez Davila, in Theatro Ecclesiæ de Chiapa fol. 200. Author Allegationum pro Clero Angelopolitano fol. 80. col. 2.

128 F. ALPHONSUS DE NOREÑA, Natione Hispanus, Patriam, ut conjectura est Criticorum qui Scriptores Prædicatorum Ordinis adornarunt, in Urbe No-



AL

reña Ovetensis Diœcesis in Asturibus, Domicilium tandem in regione Mexicanensi sortitus fuit. Apud Pincianos Jurisprudentiæ operam dedit ante quam nomen Dominicanis, quibus ibidem professione se adjunxit. Sacro Diaconatus ordine initiatus, F. BARTHOLOMÆO DE LAS CASAS, ejusdem Ordinis viro clarissimo, Episcopo Chiapensi, Apostolicos milites conscribente pro nuper Ecclesiæ deditis illius regionis Indis, eis qui se itineri accinxerant socium se addidit anno circiter 1544. Eo apulsus, & in Provinciâ S. Vincentij adoptatus, idiomatibus addiscendis conatus & ingenium applicuit, tanto quidem fructu, ut præter Mexicanum, tria, ut minimum, exactè calluerit, loquereturque expeditissimè. Nec propterea Theologicis se studiis subduxit, imò eximios ea potissimum in parte progressus fecit, quæ ad dirigendos mores spectat, quòd excultus utriusque sanctionibus juris late patentissimam Facultatem uberius cursitarit & fusius. Socius Vicarij Provinciæ F. THOMÆ DE CASILLAS, qui ad insulas dein Chiapæ promotus fuit, regendis & ipse Cœnobijs varijs admotus Definitorque in Comitij multis electus, demum in his quæ Goatemalæ coacta sunt 18. Januarij anno 1580. Provinciæ caput renunciatus, diligentissime eidem invigilavit. Vir erat sane doctissimus, adeò ut in arduis quibusque negotijs Indiarum con-

AL

suleretur, allegareturque non sine laude ab id temporis scribentibus, & posteris etiam, quamvis nulla typis vulgaretur opera, multo in pretio habitis ejusdem Mss à nobis recensendis.

129 Nec religiosæ observantiæ vitæ minus erat conspicuus, ut subinde ardens unà & lucens omnium in se amorem pertraxerit, Indis, quorum saluti egregiè prospexit, acceptus, Hispanis haud ingratus, dignusque qui, Ecclesiâ Chiapensi vacante obitu nominati supra CASILLAS, ipsam rexit toto septennio ab anno 1567. ad usque 1574. annuente Capitulo, Catholicoque Rege indicante, quo usque ILLM. PETRUS DE FERIA Episcopus ei fuerit datus. Hinc delusus ÆGYDIUS GONZALEZ DAVILA, in Theatro ejusdem Ecclesiæ fol. 195. ejus inter Prælatos Alphonsum censer, qui tamen id muneris haud obtinuit, ut animadvertunt Scriptorum Ordinis Prædicatorum Collectores accuratissimi, anno 1590. p. 295. satisque sit liquidum non à silentio tantum diligentissimi Remessalis, qui ejus acta affert in Historia dictæ Provinciæ pp. 697. & 698, sed ex his clarius quæ de ejusdem morte tradidit ibidem. Annis siquidem proventus, in Conventum Civitatis regalis, quæ primaria est regionis, recepit se, libris vacaturus legendis scribendisque, per inde quasi vegetæ & florentis ætatis. Gravi tandem pressus infirmitate ad proximam



ximam se mortem ut pararet, generalem totius vitæ exomologesim instituit, atque in Templum è cella descendens, Sanctissimo muniri Viatico postulavit, quo sumpto, & gravissimâ Hispanos adstantes concione, de fluxis Mundi rebus despiciendis, vehementer admonitis, conclave repetijt, quas præ manibus habebat scripturus opellas: tum paulatim viribus destitutu se sentiens, extremo inungi Oleo sacro petivit, quo Ecclesiastico Sacramento donatus, rursus è lecto scripturus surrexit, monentibusque ut isthac jam finiret, quibus præsens agendis tempus opportunum haud esset, dignam religioso juxtâ ac sapienter viro sententiam protulit: Oportere Dominicanum, cui Deus indulgeret spatium, Libris immori, seque Apostolo Paulo studere, reputareque mori lucrum. Tandem decumbens viribus destitutus, cum Socius ab ipso quæreret, num signo facto Religiosos pro eo juvando in extremo agone vocaret, tres adhuc reliquas sibi esse horas reposuit, seque, ne molestus esset Fratribus, opportuno tempore vocaturum: quo accedente, ipse ut deducerentur indixit, quibus lectum ambientibus, & secundò preces pro morituris recitantibus, Deo, pro cuius honore laboraverat, animam tradidit. Multa quidem, ea quæ pro eo tempore Indis utilissima, scripsisse refert Remessalius, quæ apud se stare Mss. addit, &

è quibus nos quæ extant modò in Bibliothecâ Antequerensi PP. Prædicatorum notabimus. Latino sermone quæ sequuntur sunt exarata:

*Quæ in Capitulo Provincia sua de Chiapa anno 1568 die 23 Januarij in Cenobio de Cobân Vera Pacis sub Fr. Dominico de Lara Provinciali, communibus suffragijs fuerunt circa varios conscientie casus agitados conclusa & determinata, collecta & notis illustrata. Incipit Tractatus his verbis: Zelo animarum accensi, &c. apud Remessalium & Scriptores Ordinis Prædicatorum.*

*De Privilegijs in communi: Cujus exordium ita habet: De privilegijs Fratrum in particulari tractaturus, convenientissimum duxi aliqua notare de privilegijs in communi. Scribebat Tractatum hunc anno 1568. apud Remessalium.*

*Recopilatio, Compillatio, aut Collectio privilegiorum, quæ ab anno Domini 1493. usque ad annum 1562. Pontifices Romani concesserunt Fratribus mendicantibus, Prælatisque eorum in Indiarum Provincijs Ecclesiam hanc novam adjuvantibus. Tractatum hunc scripsit in Conventu Mexicano, absolvitque in per vigilio assumptæ in cælum Virginis anno Domini 1568. pro ut ipse annotavit in calce Libri, qui extabat anno 1746. Antequeræ Goaxasencium in Conventu S. Dominici apud M. Fr. Leonardum Levanto.*

*Collectio privilegiorum quæ ab anno 1532. Magistri Generales Ordinis*



## AL

*nis Prædicatorum concesserunt Prælati Fratribusque in Capitulis Provincialibus Provinciæ S. Jacobi Novæ Hispaniæ dicti Ordinis usque ad annum 1560.*

Extat apud eundem M. Levanto. Et hos ut Author Tractatus adornaret è Chiapa Mexicum petijt, aspero & longissimo itinere superato, eo consilio ut & Dominicanorum & Franciscanorum Archivia evolveret, è quæis privilegia transcripsit omnia.

*Dubia quædam circa Breve Pij V. concessum Fratribus Mendicantibus ad petitionem Philippi Regis. Apud Remessalium.*

*Decreta Concilij Tridentini quæ expresse contrariantur privilegijs Fratrum Mendicantium. Apud proximè citatum & Scriptores Ordinis Prædicatorum.*

Hispano sermone quæ subjicimus composuit Opuscula. Formularium pro scribendâ licentiâ, quæ Prælatus suam subdito facultatem committit, quam vocant Omnimodam. Apud Remessalium.

*De electione canonica, juxta S. Concilij Tridentini decreta, & statuta Capituli Generalis Bononiæ 1564 habiti. Apud Remessalium & Scriptores Ordinis Prædicatorum.*

*Tractatus de causis criminalibus.*

*Alter de causis civilibus.*

*Alter de testamentis. Apud ipsum Remessalium.*

*De Arte Rhetoricæ. Iridem apud ipsum.*

Ex his verò quæ asservantur in Bibliothecâ Dominicanâ Ante-

## AL

querens primū ita habet Opusculum: *Incipit Tractatus de aliquibus resolutionibus à R. P. Fr. Alphonso de Noreña: Complectitur 18 decissiones; terminaturque sic: In Conventu de Chiapa die 6 Decembris 1578. &c.*

Secundum: *Alia dubia resoluta ab eodem Fr. Alphonso de Noreña 1576. Continet soluta quatuor, & definit: In hoc Conventu S. Dominici de Chiapa O FF PP. 12. Aprilis 1578: hispano utrumque sermone contexuit.*

His adjici debet hispano idiomate conscriptus tractatulus: *Memoriale privilegiorum quæ Cænobium hoc S. Dominici Mexicanum habet, & eorū quæ ipsa complectuntur.* Post, quindecim affert privilegia, quibus proprias ipse Notas apponit, ut cernitur in Codice Antequerensi, quo anno 1746. utebatur M. Leonardus Levanto, in quo itidem, post alium Tractatum latino sermone conscriptum, ex his qui supra à nobis descripi manent, subjunxit 55 privilegia de quibus sermonem in eo Tractatu fecerat.

130 D. ALPHONSUS DE OJEDA, Natione Hispanus, incomperta hætenus nobis Patria, Mexicanus ab exantlatis decumanis in Expugnatione Mexicea laboribus, non is credendus est, qui Christophoro Columbo comes fuit datus pro novi detectione Orbis, in quemque sæpius enavigabit, gestis rebus clarissimus. Jam enim inde ab anno 1510. obierat ( nisi



si fallitur qui ejus acta conscripfit D. Ferdinandus Pizarro, in Viris novi Orbis illustribus à pag. 41. ad 64 cap. octo comprehensa ) Noster verò posterioribus annis floruit, ut qui Ferdinandum Cortezium ducem secutus est in Mexicanensibus expeditionibus discriminibusque gravissimis. Egregio comparatus animo, & ad ardua quæque belli usu quotidiano expeditior atque paratior, eximiam, si quis alius, operam contulit vastissimo subjugando Mexiceo Imperio Cortezij sub signis, cui acceptissimus erat. Tlascalensibus, qui non absque multo utrimque fuso sanguine, Hispanis demum sacrosancto amicitiae fœdere adhæserant, arctissimè devinctus, eorum non multo negotio idiomatis callens, facile hæc insinuabat quæ è Cortezij nostrumque omnium re erant, quibus illi sincera obsecundare fide promptisque manibus satagebant. Hinc enata opportuna Nostris in difficillimis quibusque subsidia, atque illud in primis, quod omnium instar habendum est, quo sine, aut nunquam, aut diutissimo fereque desperato conflictu Hispani Mexicanos aqua terraque obsessos in deditionem coegissent. Scilicet, ducenta millia ferè peditum Tlascalenses in auxilium Hispanis dedere, illorumque 180 millibus Cortezij jussione præfectus Ojeda, mirum est quam viriliter & industriè, atque ad triumphum apposite se illi gesserint. Nec verò id

honoris & gloriæ gratis Nostro iuclytus Bellidux Cortezius imposuit, eo recens nomine insigni, quòd Portum à Verâ Cruce dictum quinque millibus Tlascalensium stipatus petierit, secumque tormenta bellica Tezcucum amplissimam Urbem detulerit, quibus, expeditis circum Mexicicum lacum navibus tredecim, ex arte milites uterentur. His multisque conspicuus facinoribus alijs, de quibus sparsim, pro ut res ferunt & varij casus, Torquemada meminit tom. 1. Monarchiæ Indicæ; scriptis quoque monumentis inclaruit, videlicet:

*De Nova Hispania Expugnatione,*

Uti ex memorato mox Joanne de Torquemada & Antonio de Herrera tradit Antonius de Leon Pinelo in Bibliotheca Occidentali tom. 2. col. 603. Editionis novissimæ Madritanæ.

131 F. ALPHONSUS DE ORTEGA, Natione Hispanus, cujus nos Patria latet, è Provincia S. Francisci Granatensi in ejusdem Ordinis Goatemalensem SS. Nominis JESU translatus, Domicilium adeptus est Mexicanum. Publici Juris fecit, quam hispanè dixit

*Concionem de Sancto Petro Paschasio Ordinis B. V. de Mercede:* In ejusdem Cœnobio de Goatemala cultus inclyti sui Instituti Alumni festivâ & solemni pompâ non unâ tantum die celebrante. Goatemalæ typis Josephi de Pineda Ibarra 1673. in quarto.



AL

AL

132 D. ALPHONSUS DE LA PEÑA PERALTA, Natione Mexicanus & Patria, Metropolitanæ Ecclesiæ à Ratiocinijs, ut numeris nedum arithmeticis ageret, sed poeticis etiam luderet, unà cum Petro Fernandez Ossorio, ejusdem Ecclesiæ Præsbytero, pro adornando fornice triumphali Illmô. Archipræsuli D. Fr. Payo Enriquez de Ribera, Poematâ conscripsit, quæ postea edidit, juncto eorum glossario oratione solutâ argumentum omnibus numeris explicante, pandenteque latentia in credito quondam numine, quod *Pan* antiqui dixere, symbola, laudando opportuna Principi suo. Titulum Opusculo fecit:

*Mysticus Pan, numen symbolicum, & politicum simulacrû: pompa triumphalis ab Ecclesiâ Metropolitana Mexicâ Illmô. ac Rmô. D. D. M. Fr. Payo Enriquez de Ribera, Archiepiscopo suo ornatissimo, erecta, dicata. Mexici ex Typographia Viduæ Bernardi Calderon. 1670 in quart.*

132 D. ALPHONSUS RAMIREZ DE VARGAS, Natione Mexicanus, Mexici nobilissimis Genitoribus usus est. Christianis à tenera ætate imbutus moribus, & non solum humanioribus litteris, sed etiam divinis apprime doctus, & ingenio acutissimo atque ad omnes scientias aptissimo, omnigenâ floruit eruditione, qua sub inde, & moribus clarissimum virum decentibus, spectabilem se primarijs quibusque & eruditif-

simis, sive ex utroque Clero, sive ex profanorum statu, ipsis etiam exhibuit Principibus. Multa ingenij & doctrinæ monumenta reliquit, quorum nobis nota sequentia damus, pleraque cum hispano, tum etiam romano sermone conscripta, & partim ligatâ, partim oratione solutâ.

*Sacrum monumentum erecti à fundamentis Mexicani Templi Monasterij Virginum à S. Bernardo nuncupatarum.*

In quo & Sacram Ædem magnificentiâ D. Josephi de Retes Largache & hæredum pulcherrime & solide constructam describit, & octiduû solennissimum in ejusdem Dedicatione amœnissimâ ob oculos ponit narratione. Mexici Formis Viduæ Francisci Rodriguez Lupercio 1691. in quarto.

*Zodiacus illustris, triumphalis moles Excmô. viro D. Josepho Sarmiento Valladares, Comiti de Mottezuma & Tula, Pro-Regi Mexicano excitata ab Ecclesiâ Metropolitana ipsam solennissimè recipiente;*

Atque in hacce opella Principem obumbrat præclarum solarijs radijs, queis Herculeos depingit labores, ceu gradientis per Zodiacum Solis progressus. Mexici Litteris Joannis Josephi de Guillena Carrasco 1696. in quarto. Extat tom. 86. Collect. nostræ.

*Simulacrum historicum & politicum Principis sub enigmate Cadmi latentis, pro inaugurando Novæ Hispaniæ.*



*pania Pro-Rege Excmô. D. D. Gaspare de Sandoval, Silva & Mendoza, Comite de Galve, Metropolitana Ecclesiæ Mexicæ sumptibus erectum. Mexici, Formis Viduæ Francisci Rodriguez Lupercio 1688. in quarto. Habetur tom. 63. Collect. nostræ.*

*Elogium panegyricum, atque Inclyti adumbratio Aneæ, amplissimi scilicet viri Comitis de Mancera, Pro-Regis Mexicani, ab Urbe iidem Mexicanâ, faustissima ei optante, suscepti. Mexici, ex Officina Viduæ Bernardi Calderon 1664. in quarto. Extat tom. 92 memoratæ Collect.*

*Enarratio historica, allegoricaque descriptio spectaculorum Mexicanensium, quæ in Caroli II. Hispaniarum Regis exordio in Monarchiâ administratione instituta fuere. Mexici ex typographia Viduæ Bernardi Calderon 1677. in quarto. Extat tom. 56. Collect. nostræ.*

*Descriptio festivissimi adventus reditusque miraculis claræ SS. Imaginis V. Deiparentis sub titulo de Remedij. Mexici anno 1668. Et Gadium apud Hieronymum de Peralta 1723. editionem hanc procurante, sumptibusque agente D. JOSEPHO DE BARREDA, in Asturibus nato, Mexicanis adscripto, erudito satis & studioso, Alphonsoque nostro in primis, & Dotis quibusque addictissimo. Habetur tom. 63. dictæ Collect.*

*Poetica descriptio ludorum, qui Mexici publicâ letitiâ sunt habiti die nataliia Catholici Hispaniarum Re-*

*gis Caroli II. Mexici, ex Officina Joannis Ruiz 1670. in quarto. Legitur tom. 76. Collect. nostræ.*

133 FR. ALPHONSUS DE LA REA, Natione Mexicanus, Patria Queretarensis, Instituta Regularis Observantiæ Seraphici Patris Francisci sectatus in Provincia SS. AA. Petri & Pauli Regni Michoacanensis, postquam multam illi lucem affudit Philosophiæ Cathedris & Theologiæ præpositus, alijsque rite obitis Superiorum jusu muneribus, Superior etiam ipse meritò præfectus Familiæ splendorem adauxit. Ut verò abundantius multò totam illustraret, gravissimos ejusdem viros jam pridem vita functos jusus est facere redivivos, Vitis scriptis, quas diligentissimè litteris consignavit. Veritati conscribendarum rerum, quæ primas tenet in Historia partes, adeo inhæsit, ut nihil nisi penitus exploratum in Librum conjecerit. Stilo illum fluído composuit & eleganti, ac nullas, quæ lectorem morentur & stomachum moveant, digressiones in opere offendimus, queis subinde dotibus est dignum pretiò: hispano ei sermone titulum dedit

*Chronica Ordinis Seraphici Patris S. Francisci in Provincia SS. AA. Petri & Pauli Michoacanensi Novæ Hispaniæ. Mexici, in Typographia Viduæ Bernardi Calderon 1643. in quarto. Alias, quas Bibliotheca Franciscana Joannis à S. Antonio tom. 1. pag.*



AL

50. hujus Historiæ editiones commemorat Mexicanas de anno 1635. & 1651. itemque Matriensem, cujus reticet annum, non vidimus, putamusque illam de anno 1635. positam Amanuensis aut Typographi errore, quod facultas imprimendi Librum facta fuerit Authori anno 1639. Edidit quoque

*Panegyrim de S. Clara Virgine.* Mexici mox indicatis typis anno 1646. in quarto. Authorem laudat, testaturque præfuisse suæ Provinciæ Michoacanensi, accuratissimus nudipes P. Balthasar de Medina, in Chronicis Reformatorum S. Didaci Provinciæ Mexicanæ fol. 255. col. 2. Meminit etiam Authoris & Chronicorum Leon Pinelo, seu additores ejus Bibliothecæ Occidentalis tom. 2. col. 754. qui tamen, & in cognomine errant scribes Roa pro Rea, & in anno editionis Mexicanæ signantes 1635. qui quadriennio præcessit cum quo pro publicando Libro data fuit facultas Authori. Rursusque sunt delusi col. 760. alterum adducentes Alphonsum de Larrea Chronographum Michoacanensis Familiæ Franciscanorum; cum tamen unus idemque sit Author.

134 FR. ALPHONSUS RANGEL, Natione Hispanus, cujus natale solum reticent qui ejus memorant acta, Domicilio Mexicanus, quod è Provincia S. Jacobi Ordinis Seraphici in hanc, quæ tunc quidem coalebat, S. Evangelij

AL

Mexicanensem anno 1529. faustè devenerit. Doctrinâ pro instruendis recens subjugatis Indis, qua præditus erat, & eximio eorundem salutis zelo statim usurus, se totum perdiscendis Mexicanæ & Othomiensi idiomatibus, quæ latius in his regionibus dominantur, felicissime dedit: nam utrumque reduxit ad artem, & primi quidem concinnavit absolutissimam, & quæ multis profuit ejus discipulis, eoque Sermones pro totius anni cursu composuit optimos; secundi verò, scilicet Othomiensis, barbari sanè & difficilimi, adeò fuit conscius, ut in Provincijs de Xilotepec & Tula nuncupatis, earumque confinibus, hujusce Nationis hominum admodum feracissimis, primus Dei verbum nunciaverit, tanto quidem fructu, ut innumeros ipsorum ad Christi Domini Fidem traductos, sacris aquis intinxerit, cunctis deturbatis idolis, eorumque aris everfis, templisque solo æquatis. Fremebant ad hæc dæmonis sacrificuli, qui non semel necem machinati sunt Nostro, intulissentque indubiè, ni Deus, cujus agebat causam, eis obstitisset. Cæteri propterea se Christo credidisse postea dicebant, quod Ministri ejus & palàm coram frequentissimâ gentis multitudine sua tradere dogmata haud vererentur, de quibus rationem dabant sciscitantibus, expendentes cuncta & firmantes; & quod sacra mundissimè facerent, pulcherrimo

Z



rimo apparatu, & politissimò ordine rebus dispositis, quæ Dei cultum concernunt; suos contra Sacerdotes fœdissimo omnia ritu peragere, atque in tenebris delitescere, deque à se dictis rationem dare nullam. Alphonsus traditis sibi populis deditus, eos ut lucrificeret Deo, se ipsum sanctitatis præbebat exemplar, austeritate vitæ, paupertate & patientiâ insigni, quibus fatebantur Indi, non secus ac reliquis, quæ mox insinuavimus, ad amplexandum Evangelium adactos fuisse.

135. Non semel Religiosis in triclinio sedentibus, flagellis se crudelissimè cœdens apparuit, sæpius humilitatis, moderationis, charitatis, & aliarum exempla virtutum præbere solitus. Pluries regendis Cœnobijs admotus, religiosè functus munere fuit, & Tulæ pro magnifico extruendo Templo jecit fundamenta, quæ dein egregiam substituere ornamque molem. Universam quoque S. Evangelij Provinciam Minister regendam suscepit electus in Comitij de anno 1546. Hinc ad generalia totius Ordinis, Assisij cogenda, destinatus, ut gravissima nascentis Americanæ Provinciæ suæ & Ecclesiæ negotia tractaret, ingenti tempestate, qua vehebatur, Navi concussâ absorptus, ad Cœlum, ut pie credere est, apulit die 15 Junij ejusdem anni 1546. vel sequentis.

136. Vitam ejus atque scripta referunt Torquemada in Monar-

chia Indica tom. 3. lib. 20. cap. 45. & Betancurt in Menologio Franciscano Provinciæ suæ p. 63. n. 15. Meminerunt ipsius Joannes à S. Antonio, in Bibliothecâ Franciscanâ tom. 1. pag. 50. referens & Nicolaum Antonium & Uyadingum præter citatos, quibus addimus Antonium de Leon in Bibliothecâ Occidentali tom. 2. col. 720. qui edita affirmat, quæ subjungimus Opera, ab relatis etiâ Scriptotibus recensita, scilicet

*Mexicani idiomatis Artem.*

*Artem & Doctrinam Christianam Othomitemsum linguâ.*

*Sermones per annum Idiomate Mexicanensium.*

137. P. ALPHONSUS RUIZ, Domicilio saltem Mexicanus, nam nos Patria latet & Natio, Societatis Jesu Instituta secutus, Collegium ejusdem Familiæ regebat, quod in Urbe est à Verâ Crucæ dicta, Portuque Novæ Hispaniæ celeberrimo, cum eò Hispana Classis appulit circa annum Domini 1585. è qua clarissimæ femina Beatrix & Anna Nuñez ex-cedentes, receptæ à germano fratre Ferdinando Nuñez de Montalvan, nobili viro juxtâque Medicinæ Professore, qui jam pridem in Novam Hispaniam advenerat, quæsitisque opibus haud exiguis, ut es secum fruerentur sorores vocaverat; ipsæ ut erant devotissimæ, protinus Templum Jesuitarum frequentare cœperunt, Nostrumque conscientiæ arbitrum delegere. Earum prima



AL

ma Matrimonio juncta viro fuit è primarijs ejusdem Urbis; secunda Virginitatem custodire decrevit, & Deo quantum posset inservire diligentissimè. Paucas sibi præsto aggregavit eodem ferventes spiritu socias, quæ cum à Nostro, tum ab alijs ejusdem Instituti Sodalibus, ut Christianæ perfectionis viæ insisterent, regerantur. Tanto dein ardore succensæ fuere, ut Angelopolitanum Antistitem D. D. Didacum Romanum, rerum Veræ-Crucis Ecclesiasticarum potentem, Epistolis rogarent, dignaretur ut, facultatem ipsis concedere vota emittendi castitatis, clausuræ, & obedientiæ, quam ipsi Prælo spondebant, habentes in animis semetipsas Domi contineri perpetuò, munditiemque corporis & animæ itidem colere. Moratus non nihil Episcopus fuit, grave ut maturaret negotium, donec certior factus de ipsarum indole atque virtute, postulatis annuit, erectumq; canonicè Sodalitium, non multo post, anno videlicet 1604. evasit in eximium Terefianarum Virginum Monasterium, quod Angelopoli fuit erectum, convolantibus illuc pijsissimis fœminis, quæ Carmelitarum instituta sanctimonialium primæ in America nostra sectatæ sunt, cujusque initia & progressus per integrum seculum, egregiæ scilicet & religiosissimæ perfectionis, justo in folio Volumine complexus est vir amplissimus D. Josephus Gomez

AL

de la Parra, qui Dei admiratus consilia, advertit, ipso aflatum Spiritusanto Nostrom Alphonsum Regulas illis fœminis præscripsisse, non dum Carmelitanas professis, quæ istis consonant mirè, decabantque strenuum Directorem, qui ipse erat, doctumque Magistrum; cujus & si alia latitent scripta, hoc unum insinuasse suffecerit, exiguo quidem corpore multos fovente egregios spiritus. Leges Gomezium de la Parra citatum in Libro *Erectionis & primi seculi Canobij admodum Religiosi S. Josephi excalceatarum virginum Carmelitarum Urbis Angelopolitanae*, cum alibi à principio, tum signatim p. 27. ubi à Nostro scriptas commemorat

*Regulas pro Sodalitio Virginum in antiqua Veræ Crucis Civitate, Ordinarij facultate, instituto.*

138 D. ALPHONSUS RUIZ DE LA LIMA, Natione Mexicanus, Patria Angelopolitanus, atque, ut videtur, ejusdem Diocesis Ecclesiastici Fiscus defensor, & Causarum Patronus in Regia Mexicanensi Cancellaria, edidit pro illius temporis consuetudine in hujusmodi Opusculis publicandis, tacitis loco editionis, typographo, & anno, Codicem in folio juridicum, qui ex rei gestæ atque in ipso enarratæ epocha, colligitur excussus anno Domini 2647. & in ipsa Urbe Angelopolitanâ, uti characteres, qui tunc inibi erant usui, indicant satis. Porro titulus Opusculi ex hispano



no in latinum versus ita habet:

*Pro Ecclesiastico Fisco declaratio, defensioque Edicti à Doctore Joanne de Merlo Canonico Doctorali, Vicario que generali Angelopolitani Episcopatus, publicati, circa Facultates & Privilegia Societatis Jesu Patrum ad excipiendum sacras secularium confessiones, & Dei verbum nunciandum.* Extat tom. 2. Allegationum à nobis collectarum.

139 FR. ALPHONSUS DE SOLANA, Natione Hispanus, cujus & Patriam & Parentes latere sibi dicit Cogolludo, qui omnium fusi-  
us ejusdem res gestas scribit in Historia Jucatanensi lib. 9 cap. 15 à pag. 150. conjectante D. Nicolao Antonio pag. 39. tom. 1. Bibliothecæ Hispanæ, à Solana Toletanæ Diocesis Oppido oriundum; Domicilio Mexicanum habemus. Salmanticæ Canonico juri addiscendo operam dedit, laureamque reportavit ea mente, ut honores inde ac opes conquire-  
ret: Quod verò Apostolicum vi-  
rum concionantem audierit, periculumque amittendæ salutis æternæ expendentem illorum, qui segnius confectantur cœlestia, caducis avidius inhiantes; consule-  
re sibi decrevit, & Sancti Francis-  
cisci Institutum amplecti. Voti compos factus, in Provincia Castellæ Regularis Observantiæ Con-  
ventuque S. Joannis à Regibus professionem emisit. Inde in ejus-  
dem Provinciæ Cœnobium de la Salceda, ut dicunt, Recollecto-  
rum, austerioris desiderio vitæ

translatus, cùm Pro Jucatanensi Provinciâ supplementum quære-  
retur Religiosorum, qui conver-  
tendis & juvandis Indis adlabo-  
rarent: quamvis ad id invitatus muneris fuerit, subire illud recu-  
savit, propterea quia imparem se tanto operi sentire dicebat. Alios inter accinctos itineri eminebat sodalis ejus P. Didacus de Lan-  
da, qui postmodum Episcopus Jucatanensibus datus fuit: Is ubi ad illas appulit gentes, in quibus No-  
strum optimos relaturum fructus opinabatur, urgere illum litteris cœpit, Deumque exorare qui bonam ei mentem miseros adju-  
vandi instruendique injiceret. Nec porro irritæ preces fuere vi-  
ri religiosissimi: siquidem Fr. Laurentio de Bienvenida, itidem Franciscano, Hispaniam petente, ut secundo pro Jucatanensi Familiâ Socios vocaret, eos inter, Noster ultrò invitanti se dedit.

140 Facili quidem ipse ne-  
gotio gentis idioma calluit, cujus tandem fuit Magister egregius. Vitam instituisse cœlestem Socij testabantur, mirantes de cœlestibus semper agere, austerum quidem sibi, parcum, & humilem, cœteris benignissimum, queis, ut in quotidiana consuetudine utilis esset, festivè agebat, sale condito, quod Apostolus monebat, sermone. Indos singulari amore prosequabatur, peccatores quosque Deo satagebat ut reconciliaren-  
tur, pauperibus stipe erogata pauper ipse ut subveniret, Monaste-  
rio-



AL

riorum, quibus pluries Superior est datus, cellas aperiebat penurias, & quòd subesse quam preesse magis amaret, Prælaturis statim renunciabat. Integras fermè noctes traducebat orando, mirantibus Fratribus, qui quando ille dormiret se nescire dicebant. Dies lectioni, scriptioni, idq̃ religiosis & apostolicis alijs operibus destinabat, atq̃ his deditus amplius quadraginta annis, circiter 1600 cursum felicissime consummavit Emeritæ, quæ primaria est Civitas Jucatanî, in Conventu suo, ubi jacet, magnâ Sanctitatis opinione ad præsentem usque diem perennante. Multa Jucatanensium linguâ scripsit & utilia eleganti sermone, quorum textit indiculum allatus supra Didacus Lopez Cogolludo p. 511. & ipsum secuti Nicolaus Antonius in Bibliothecâ Hispanâ p. 39. & Joannes à Sancto Antonio in Franciscanâ pag. 51. Sunt illa porrò.

*Dictionary idiomatis Maji & Hispani.*

*Sermones eodem Jucatanensi idiomate continuati, & seorsim multi.*

*Notas seu Excerpta sacra & historica.*

Multaque præterea antiquitatis & gentis illius monumenta, quæ perire juxta citatum Didacum, apud quem P. Lizanam, itidem Franciscanum ( de quo nobis sermo erit ) Nostri laudatorem invenies.

141 FR. ALPHONSUS DE TRIANA, Natione Hispanus, incomperato nobis Baticæ loco na-

AL

tus, Provinciæ S. Vincentij de Chiapa & Goatemala, Ordinis Prædicatorum alumnus, apud Verapaz eo insignis fuit nomine, quòd strenuum egerit Parochum pro ministrandis sacris genti, cujus eloquio, cæterà non omnibus obvius, Cocchi dicto, pollebat, quoque usus eorundem prospiciens institutioni, & adversus Deiparentem pietati, librum scripsit

*De SS. Rosarij mysterijs:*

Quem Ministrorum manibus teri memoratæ Provinciæ Sodales suis nos litteris edocuerunt.

142 FR. ALPHONSUS TRUXILLO, Natione Mexicanus & Patria, ex antiquioribus Provinciæ S. Evangelij Regularis Observantiæ Franciscanorum alumnis, vir fuit admodum religiosus, & qui in procurandâ Indorum præcipuè salute gloriosè in Domino laboravit. Quà enim viva voce illis ut prodesset, quâ scriptis sermonibus eorundem idiomate, sex supra viginti & amplius annos inlumpfit. Vastum quidem aggressus est opus, quod juvante Stephano Brabo, Indo latinè satis docto ( de quo suo loco sermo nobis recurret ) ad finem deduxit, Sermones videlicet quatuor aut quinque in singulas anni Dominicas, itemque totidem in singula Festa. Eos ut publici fierent juris tradidit omnes Provinciæ Præsidi Fr. Petro Oroz, viro ornatissimo, qui ut erat etiam in idiomate Mexicano satis excultus, lectos probavit, & trascribi ita jussit,



jussit, ut prælo apti essent: Ipso tamen ad plures abeunte, editione frustratâ, Author Codices eximio communicavit Fr. Joanni Baptistâ, qui & ipse eorum aliquos edidisset, ni morte quoque præventus rem infectam reliquisset. Ne tamen Nostri memoria excideret, ipsius & scriptorum texuit elogium in Proœmio ad *primam partem Concionum*, quas edidit Mexici anno 1606. ex quo Betancurtius in *Theatro Mexicano* part. 4. Tractatu post *Menologium, de Illustribus Provincia sua Scriptoribus* p. 104. n. 25. profecit, & ex hoc Joannes à S. Antonio in *Bibliothecâ Franciscanâ* tom. 1. p. 52. recensentes Nostri scriptos

*Sermones in singulas anni Dominicas & singula Festa idiomate Mexicano.*

143 P. ALPHONSUS DE VALENCIA, Mexicanus Domicilio, finminus Natione & Patria, quas nescimus, JESU Societatis alumnus in Provincia Novæ Hispaniæ, Mss reliquit sermone vernaculo

*Narrationem historicam eorum quæ Gaspari de Alvear Novæ Cantabriae Governatori, sociisque ejus evenere in itinere versus Indos Tarahumares dictos anno Domini 1619.*

Quæ asservantur in Bibliothecâ Congregationis Oratorij Mexicanensis tom. 1. *Variarum historicarum enarrationum.*

144 D. ALPHONSUS DE VARGAS, Natione Patriaque Mexicanus, in Regia Mexicanensi Cu-

ria Patronus causarum, conscripsit opusculum hispano sermone

*Pro juris defensione quo Didacus de Puga Villanueva asciscendo sibi Majoratu, ut dicunt, seu Primogenijs bonis, potiri contendebat.*

Extat Mss in fol. tom. 24. fol. 48 Collectionis D. Ludovici de Mendoza.

145 ILLMUS. M. D. FR. ALPHONSUS A VERA CRUCE, Natione Hispanus, Patriam habuit in Regno Toletano Caspuenâ dictam, Domicilium Mexici & Nomen admodum clarum, Cognomenque Illustre: Nam genitore usus Francisco Gutierrez, matre que Eleonora Gutierrez, hoc ipsi à cunabulis natum cognomen deposuit, ubi ad Urbem Americæ nostræ à Verâ Cruce nuncupatam accessit, quo insigniri placuit, habitum unâ avitumque signum familiæ commutans. Ingenio & virtute conspicuus à teneris, piè quidem educatus à Parentibus, Christianis conspicuis moribus æreque non angusto pro liberaliter tractandâ familiâ, Clarissimam Complutensium Academicam pro addiscendis Grammaticâ & Rhetoricâ excoluit: Inde in Celeberrimam Salmanticensium Universitatem translatus Philosophiæ & Theologiæ operam dedit. In qua Præceptorem audivit Franciscum de Victoria, Dominicanum Clarissimum, Academicæ Antecessorem insignem, & Hispaniarum decus Illustre, quod Mystagogus fuerit, & instau-



## AL

staurator Theologiæ Scholasticæ, ad miraculum deinde & invidiam Nationum in ipsis quotidiano incremento florentis. Ab hoc, cui gratissimus erat Alphonsus, Magisterij gradum accepit: atque ut egregius evaserat Philosophiæ & Theologiæ cultor, brevi pro regendâ Arrium Cathedrâ destinatus Professor fuit, tantâque cum litterarum & virtutis laude munus obivit, ut is unus à præclarissimo Duce del Infantado electus fuerit, qui filiorum ipsius, Salmanticæ studiorum causa missorum, curam ageret, eosdem que in moribus & doctrina instituendi provinciam, splendido stipendio, susciperet.

146 Vertebatur annus 35 sæculi XV cum hæc Noster Salmanticæ ageret, quò, Deo sic res disponente, accessit Venerabilis Fr. Franciscus à Cruce, Augustinianus, ab America nostra, in quam biennio ante ipse cum Sodalibus navigaverat, in Hispaniam reversus, eo consilio, ut gravissima tractaret negotia, secumque Religiosos defferret, qui Socijs juveni forent, & Indis auxilio. Delegit ille quidem egregios è Familia sua viros, præter quos Clericum optabat virtute exornatum & litteris, qui tradere eas ipsis posset expeditissimè. Ubi amicis suggerentibus agnovit nullum ad id muneris aptiorem Alphonso, rogare illum cœpit, dignaretur comitem se in Occidentis Indias suis Fratribus jungere, & quam-

## AL

vis non statim, brevi tamen ei paruit Noster, commodisque post habitis suis atque spe honorum & opum, vocantem secutus est Deum. Hinc obiter animadvertendum, lapsum fuisse D. Nicolaum Antonium, quòd existimaret Alphonsum è Complutensi Arrium Professore delatum ad Indos, cum Salmanticæ eo fungeretur munere dum Augustinianus Procurator suis eum adscivit. Ut verò instituto etiam ipsis jungeretur & habitu navigantem versus Mexicum sollicitavit, renitentem eo nomine, quòd Dei, quæ opus erat, vocationem non sentire se diceret; quam ut mox cognovit, sese totum dedit sancto Dei viro, qui hæc illi datâ dexterâ prænunciaverat.

147 Portum Veræ Crucis tenentes, Alphonsus veste nomine que mutatis, se illis addixit, atque expleto in Conventu Mexicanensi tyrocinij anno, solennia nuncupavit Deo vota. Tanta jam ex tunc virtus & dexteritas elucebat in eo, ut statim Præfectus fuerit Novitiorum institutioni, quam trienno curavit, egregijs religiosæ & admodum reformatæ Provinciæ SS. Nominis JESU incrementis. Hinc ad docendum litteras evocatus, quo primum apertum est Provinciæ gymnasium anno 1540 apud Tiripitium, Regni Michoacanensis Oppidum, tribus insimul incubuit muneribus: nam & Philosophiam alijs, & alijs Theologiam tradebat Soda-



dalibus, & exteris etiam (quos inter Regium habuit discipulum, Calzonczi, Regis scilicet filium) & Magister ipse idiomatici gentis Tarasco operam dabat perdiscendo, adeo quidem strenuam, ut deinceps ipso uteretur in concionibus & Sacramentorum administratione, quibus se pijs exercitationibus feriatis ab studio diebus impendebat. Per hæc ipsa tempora tantum erat Alphonsi nomen, ut agentem & legentem Tiripitij Regia Caroli V schedula invenerit, ipsum Ecclesiæ Leonis de Nicaragua Episcopum destinantis, quam ut secretò legit, audientibus, qui aderant Religiosis, inquit: *Ab ore Leonis libera me Domine*, & ingressus cellam scripsit, Imperatori grates rependens, se tamen infulis delatis cæteris que, queis se indignum credebatur, subducens. Non potuit tamen quin id honoris tunc etiam obiret, quod Michoacanensis primus Episcopus D. D. Vasco de Quiroga in ipsum detulit. Convocaverat Summus Pontifex Paulus III Catholicos toto terrarum Orbe stantes Episcopos, uti ad Generale Concilium, quod Tridenti agebatur, concurrerent; atque ut eo se conferret Michoacanensis, Diocesim suam Nostro gubernandam dimissit, quam novem ipse menses prudenter rexit, perrexissetque ulterius, ni Illmûs. Vasco coactus fuisset regredi è Portu Veræ-Crucis, quod aqua in Navem per rimas influens naufraga-

giû facile auguraretur, nec tutior suppeteret navis. Alphonsus quamvis definitum pro Philosophiâ & Theologiâ auditoribus instillandâ tempus eo loci absolverit, alibi quoque eandem rursus spartam ornavit, ministerio juxtâ sacrorum incumbens Tacambari, unde in Atotonilcum Scholam transferri author fuit Prælati, ut quietius studijs vacarent discipuli eo tempore scilicet, quo Ministrorum pro sacris excreverat numerus, pro quibus non ita opus erat tyronibus.

148 Nec penes suos tantum docendi professus est munus, quo solennius multò defungi cœpit anno 1553. cum Regia & Pontificia Universitas Mexicana condita fuit. Quod enim in doctrinâ & virtute publicâque existimatione nulli esset secundus, primos inter illius conditores adlectus est, cooptatusq̃ Doctoribus in Theologiâ, atque in Philosophiâ Magistris ab Academico Cancellario viro Clarissimo Alvaro de Tremiño, coram Illmô. D. D. Ludovico de Velasco, Novæ Hispaniæ Pro-Rege, Joanne de Negrete, Scholarum Rectore, & Gravissimis alijs Minervæ cultoribus, ac primus pro Sacris exponendis Biblijs Interpres est datus, dein Primarius Theosophiæ Antecessor, quibus regendis Cathedris undecim annos invigilavit, donec Hispaniam repetere, & totidem in ea ponere opus ei fuit. Quo autem in pretio habitus ab Academia



mia fuerit, paucis docet D. Franciscus de Cervantes Salazarus, ejus æqualis, & primus Rhetoricæ Professor, in eo quem de Academia conscripsit Dialogo, fol. 251. col. 2. hunc in modum Gutterrium & Messam suos inducens colloquentes. G V. *Quem tot Augustiniani Monachi, unâ cum alijs Presbyteris audituri Theologicum gymnasium ingrediuntur? M E. Fratrem Alphonsum à Vera-Cruce, Artium & Theologiæ, si quem habet Provincia nostra, Magistrum doctissimum, Primum sacratissimæ ac divinæ Scientiæ Interpretem, variæ & multijugæ eruditionis hominem, in quo virtus eximia cum singulari & admirandâ doctrinâ contendit. G V. Felicissimum virum mihi narras, & tantâ, præter cætera, sicuti audio, modestiâ, ut omnes admiretur, contemnat neminem, modicè semper de se sentiens. Ita ille.*

149 Noster verò eximios statim edere fructus cœpit, & cùm Academiam, tum etiam Provinciam suam datis in publicum libris doctissimis illustrare, integro videlicet *Philosophiæ cursu* justo volumine in folio, & *Speculo conjugiorum* in quarto excussis; atque ut se & Provinciæ & Academiæ & utriusque Protectori faventissimo gratum exhiberet, *Summulis* quidem nuncupatis Augustinianis Religiosis Provinciæ suæ, *Dialecticam* Universitati dicatam voluit, & *Speculum conjugiorum* Pro-Regi. Sic porro Academiam alloqui incipit: Cùm sæ-

*pe mecum præmeditarer, Rector magnifice, Doctores clarissimi, Magistri que gravissimi, cui Resolutionem dialecticam, quam in utilitatem eorum quibus brevi ad veram sapientiam, & Scientiarum Reginam Theologiam pervenire in animo est, dicarem; spontè sese obtulit vestrum hoc auspiciatissimum Collegium & Schola, ex vobis veluti ex vivis quadratisque lapidibus nuper erecta. Cumque in eodem albo simus adscripti, in idemque dignissimum Sodalitium admissi: quàm promptus sim in vestrum quoque obsequium, & communis ac floridæ Academiæ emolumentum, ne ingratitude nota inurar, opere testari & ostendere consentaneum duxi atque decorum, &c. Ad Pro-Regem verò Illustrissimum D. Ludovicum à Velasco ita in Nuncupationis calce scribit: Caroli Imperatoris & Hispaniarum Regis locum tenens, hanc Mexicanam Academiam instituisti, & prima jecisti Tu fundamenta, ut non solum primitiæ tibi meritò, sed fructus laborum debeantur. Recipe ergo ex clientulo, Patrone Illustrissime, ex hac Academia primitias Speculum conjugiorum; &c.*

150 Sanè plurima licèt, quæ insinuavimus, & oppido gravia virum negotia sollicitarent, unum videbatur diu noctuque agere litterarum: vix quatuor somno horas dabat, per sæpeque suis repetebat: *Habete rationem temporis*, quo ipse usus strenuè, & in virtute eximios, & pene incredibiles in litteris fecit progressus. Insignem in Collegio S. Pauli Mexiceo, cu-

jus fuisse conditorem dicemus, Bibliothecam construxit, quam sexaginta grandioribus capsis librorum locupletem illicò fecit, è quibus, ut sunt oculati testes M. M. Grijalva & Basalenque, ne unus est quidem, quem scriptis ad marginem notis non signaverit à prima ad novissimam usque paginam. Idem de omnibus voluminibus, quæ stant in Bibliothecâ, non exiguâ quidem, quam ipse in Conventu suo apud Tiritipitium opportunè constituit, ijde Scriptores testantur. Quod similiter cernere esse in altera, quæ Tacambari est, haud spernenda Libraria, memorat Basaléque, qui illius regionis, quam incoluit, res perspectas habebat, quarumque multæ Grijalvam distantem laturunt. Uterque tamen in eo consentiunt, quod major librorum numerus Bibliothecæ Cœnobij Maximi Mexicani, quæ Paulianæ ea tempestate non concedebat, eadem referat signa Nostri efformata manu. Certè, quoties novi ex Europa Mexicum libri deferebantur, quos nunquam legerat, avidissimè quæsitos à capite percurrebat ad calcem, & si quid censura dignum offendisset in eis, denuntiabat, ut expungeretur, cœtera Sodalibus in privatis colloquijs, in triclinio, in cathedra, ubi opportunitas adesset communicabat. Atque hac etiam via eorum consulebat eruditioni, quoties aut in nova, aut in antiqua Hispania, vel alibi dubium

aliquod grave emergebat, solitus eo super scribere, & pro utrâque parte rationes expendere, conclusionemque adjicere, & cum Socijs communicare.

151 Quæ porrò eo mirabiliora sunt omnia, quòd plurimis ipse & magni moliminis rebus continuò studuerit. Nam & Provinciam suam Mexicanensem primum biennio, deinde semel & iterum iterumque, diversis temporibus rexit & triennijs; ac postmodum undecim apud Hispanos infumpsit annos, à Philippo II Catholico Rege vocatus, quòd Indis addictus, ipsos à solvendis Episcopalibus decimis eximere contenderit, quos suæ satis obligationi facere propugnabat, alimentis quæ proprijs singuli dabant Parochis. Hac ipse occasione vocatus à Rege, & ut de alijs coràm negotijs ageret, totos, quos diximus, annos in Hispania demoratus, magnam apud Philippum & Proceres, Conciliarios Regios, & sapientes quosque comparavit sui opinionem. Quòd enim spectabat ad Indos in re decimarum, Regia schedula cautum fuit de quibus, paucis equidem, oporteret easolvere, in alijs miseros judicare hâc solutos obligatione. Majus certe facescebat negotium, quod concluso nuper Generali Concilio Tridentino, Regulares viri, qui apud Americanos Parochorum obibant munera, ne in ipsis pergerent, prohibebantur; atque ut is opportune Alphonsus

suc-



succurreret, apud Regem ejusque Consistorium egit, ut à Sede Apostolica Privilegium instantissime postularet, quod demum, quinquennio in hisce componendis insumpto, obtinuit à S. Pio V, cujus Constitutionem Regiumque unà Decretum typis edi curavit. Cùm insuper in eo ipso OEcumenico Concilio novum circa Matrimonia clandestina constitutum jus fuisset, ut huic à se scripta in egregio suo *Speculo conjungiorum* aptaret, doctissimam ei Appendicem adjecit, excussumque decennio ante librum, his ditiorum accessionibus recusit Mantuæ Carpentanorum anno Domini 1572. *Cursum*, itidem *Philosophicum*, quem Mexicanis typis ediderat anno 1554. Hispanis rursus publici fecit juris Salmanticæ 1573. quo etiam anno repetijt Americam. Ad hæc S. Thomæ de Villanova, Archiepiscopi Valentini, atque sui Ordinis ornamenti clarissimi, Sermones edidit, egregio rei Christianæ & Litterariæ bono. Tanti idcirco habitus fuit ab omnibus, ut Augustiniani Matritenses cooptatum sibi Priorem elegerint Regalis S. Philippi Monasterij, & Generalis Familiæ Magistri jussione Visitatoris Provinciæ Castellæ Novæ partes expleverit, fueritque destinatus Vicarius ejus ac Visitator Provinciarum cùm Septentrionalis, tum etiam Meridionalis Americæ & Insularum Philippinarum; quod insigne ille munus non re-

cusavit quidem, sed nec eo quo ad vixit est usus, existimans opportunius, nuper institutas & etiamnum ferventes Provincias finire quietas, præsertim re arbitrio permisâ suo, quod prudentissimum esse consuevit. Nec minori æstimatus ab exteris multis, augeri honoribus potuit facillimè, quæ se omnibus ultrò subduxit: Nam Regij Indiarum Consilij Præses eo tempore Ovandus, Episcopatum illi Michoacanensem detulit, insuper & Angelopolitanum, quos æquæ constanter renuit ac Nicaraguensem pridem rejecerat. Ad hæc Præses ipse Alphonsus meditabatur instituere regijs stipendijs Matriti Indiarum Commissarium generalem, pro ut Franciscanorum Ordo pro Americanis suis constituerat: cui tamen cogitationi restitit Noster, quam pro Familia quidem sua expedire neutiquam judicaverat. Expeditis itaque quæ hætenus in Curia detinuerant ipsum negotijs, in Indias profectus, anno demum 1573. ad Portum Veræ Crucis accessit, cunctisque dein lætantibus Mexici fuit exceptus unà cùm 17 professionis suæ Socijs Mexicanensibus aggregandis.

152 Anno deinceps 1575. quartum fuit Provinciæ præfectus regendæ, quæ & eximiam sibi pollicebatur felicitatem eo duce, quam diu expertam habebat, & verò etiam rursus agnovit. Hercle, ejusdem natus bono juxta ac Michoacanensis, quæ è Me-

## AL

xicana jam quidem amplissima, & ipsa clarissima evasit; sic illas constituit, ut vix insigne quidquam, post biennium exordij, aut magnū habuerint, quod non ipso gestum fuerit Authore. Multas ipsis & Mexici & Michoacani Parochias adjunxit, Conventus addidit, Aedes expolivit, & cū religio-  
sissimæ observantiā vitæ multa huic colendæ necessaria bona conjunxit. Hæc inter caput effert Regale Mexicum S. Pauli Collegium, quod egregiā Provinciæ suæ & litterariæ Reipublicæ utilitate, offendiculis bene multis superatis, erexit anno 1575. Tradita ei fuit Regis mandato, quam antea curaverant Clerici, Indorum, titulo Sancti Pauli, Parecia, quam Augustiniani deinceps Alūni regerent, uterenturque emolumentis pro alendis ijs qui litteris essent operam navaturi. Magnum, tunc etenim viginti capiendis Præceptoribus ac Discipulis, Collegium extruxit, latos tamen adeo ipsi contiguos fundos comparavit peropportune, ut procedente tempore Aedes inibi fabricatæ fuerint amplissime. Collegio indies à principio hactenus eximio florente, Mexicanum idioma, Philosophia in eo Theologiaque à quinque vel sex Lectoribus inter multos electis, perpetuò traduntur, ijs scholaribusque Rectori subjectis gravissimo, & cunctis observantiæ regulari non minus dediti quam studijs, in quibus mirè semper floruerè. Pro-

## AL

dierunt inde prodeuntque quotidie cultissimi viri, qui Provinciam illustrissimam reddiderunt, Magisterijs ornati, Academicis que infulis redimiti, quorum ut syllabum prætereamus nimis prolixum, eorum duntaxat numerum iniens qui primo floruerant semiseculò, quindecim Cathedrarum Professores recensuit eruditus admodum & doctus Chronologus Grijalva, qui & ipse Mexicanis pridem Doctoribus jure fuerat adscriptus. Noster Collegio suo Regulas dictavit Scholæ juxta ac Religioni accommodatissimas: Bibliothecam, ut diximus, condidit libraria supellectile, & eruditorum cimelijs, globis, chartis, idque genus alijs ornatam multis, quæ Rectorum & Provinciæ Præsidentum aliorumq̃ insignium Magistrorum curâ in dies excrevit, estque inter Mexicanas amplissima. Tantus erat Alphonso adversus litterarum cultores amor, tanta in fovendis promovendisque Facultatibus diligentia.

153 Sed majores longè pro virtutibus, cū ab alijs, tum à se colendis conatus semper posuit, & ferventius studium; quod & si alia deficerent testimonia, palàm fieret ex illis Monitis, quæ Discipulis suis, absoluto Cursu, tradebat scripto, servarique ab ipsis non modò in codicibus, sed maximè in moribus discupiebat. Legere est ea penes citatum Grijalva loco inferius à nobis notando, quæ & prudentiam viri, & eru-



AL

eruditionem, & virtutes in primis spirant. Certè, eximio illas prosequutus amore fuit, seque illarum exhibuit exemplar. Humilitati addictus, præclaras, quas diximus, renuit Dignitates accipere, & queis in Familia sua auctus fuit, ita uti consuevit, ut omnium se exhiberet ministrum, mortique proximus testatus fuerit, nunquam se consultò cuique è sibi subditis gravem fuisse sermone aut opere. Paupertatem multò adamavit, pecunijs abhorrens, cæterisque caducis, his tantùm contentus, quibus opus habebat pro austerâ satis vita, è communi penu depromptis, ipsisque, qui unice ei chari erant, libris è Cænobij aut Collegij Bibliothecâ petitis. Jejunabat frequenter, tantâque erat parsimoniâ, ut vel Provinciam regens pro lautioribus epulis indurata aliquot ova depolceret. Numquam linea indutus fuit veste, sed cum interna, tum etiam exteriori laneâ: pro lecto tabulam lanceis etiam stragulis opertam habebat, vixque quatuor horas cubabat. Castitatem sic coluit, ut in extremis versatus, dum sacro renes inungeretur oleo, gratias Deo egerit, quòd propriam nunquam polluisset tunicam.

154 Ad hæc, eximia in proximis, Indosque præcipuè miserrimos, charitate flagrans, eorundem spiritualia temporalia que bona curavit. Quo tempore versabatur Tiripitij, pedes cali-

AL

diffima circum climata prædicandi ac instruendi illos causâ lustrabat. Cum fere omnes ea ætate Evangelij in America nostra Ministri, homines ceteroquin doctrinâ virtuteque illustres, ea essent formidine & opinione, ut à sacra Mensâ Indos arcerent, Noster uni inter Franciscanos notissimo P. Jacobo de Dasia ex opposito contendenti admittendos ad Communionem esse, totus adhæsit, felici adeò successu, ut cuncti dein collatitia suffragatione iverint in eandem sententiam, pascereque illos cœperint Eucharisticis dapibus, magno eorum emolumento honoreque Dei. Hunc porrò tam diligenter coluit & adamavit, ut suscepturus Viaticum, palam, coràm ipso adstantibusque Fratribus candidè testatus fuerit, nunquam se consultò Deum graviter offendisse, ex quo se ei professione mancipaverat religiosâ, id est, ante quinquaginta annos; reliquos autem cum etiam pie admodum traduxisset, sit, quanti semper Deum fecerit. Biennio priusquam obiret, cum in Paulianum se Collegium recepisset, moriturus in eo, quem paraverat sapientissimè, nidulo, molestissimâ presus infirmitate, præclara patientiæ dedit exempla, toleratâ acerba dysuria, quæ cum vehementius urgeret, ipse ad Deigenitricem clamabat: *Maria Mater gratiæ.*

155 Valetudine desperatâ, Medicoque ei dicente, fore ut

Cc

pro-



xima nocte cum Deo cœnaturus esset in Cœlo, reposuit ille: *Et ibi non erit nox.* Accedente autem qui Sanctissimum afferebat Viaticum viro eximio P. Joanne Adriano, Siste, inquit Alphonsus, siste Pater, & oculis in Christum, sub panis latitante sipario, defixis, applicatis ad pectus, postulantis demississime in morem, manibus, sic eum affatus: *Veniat dilectus meus in hortum suum: omnia poma nova & vetera, dilecte mi, servavi tibi,* ferventissimo orationem contexuit spiritu, testatus, omnia se in JESUM, pro ipsius misericordia, deduxisse; amoris fiduciam, cœterasque virtutes annectens, quibus paratus ac Sacramento ineffabili præmunitus, extremo dein Oleo inunctus, Cœnobij Priori, ipsum roganti ut Provinciæ causam suæ apud Deum ageret, id sibi curæ esse respondit. Quas verò pro animæ habuerat negotio, conjici inde est, quòd singulis Provinciæ Fratribus litteras reliquit scriptas, postquam ad plures ipse abiret, cuique tradendas, in quibus collata à se eis beneficia memorabat filijs charissimis, idcirco ut præter debita ipsi Missarum suffragia, alijs ultrò succurrerent. Obijt igitur plenus dierum octoginta annos natus, Religionis 50, mense Julio (cujus diem funestissimam reticere Chronographi) anno 1584. Corpus ejus magnificentissimâ, quæ tantum decebat virum, pompâ, sepultum fuit in

Conventu Maximo, confluentibus Archiepiscopo Mexicano unaque Visitatore & Governatore D. D. Petro Moya, Auditoribus Regijs, Canonorum Capitulo, Civitatis Collegio, Universitatis Confessu plenissimo, Religiosis Familijs omnibus, Nobilium & plebis confertissimâ multitudine, dolentibus communis jacturam Parentis, ejusdem osculantibus pedes virijs Primarijs, quos inter Commissarius Franciscanorum colendissimus P. Petrus de Oroz, qui adstantes è Populo alloquens multos, propterea se isthæc facere dixit, quòd sciret hominem esse Sanctum, qui Deum pro omnibus precaretur. Acta ejus conscripsit M. Didacus Basalenque in Historia Provinciæ Michoacanensis lib. 1. cap. 8. à fol. 35. col. 2. & fusiori sermone M. Joannes de Grijalva in Chronicis Ordinis S. Augustini in Provincijs Novæ Hispaniæ, signatim ætate quarta cap. 11. & sparsim per omnem librum, pro ut gesta Alphonsi multa in varijs temporibus postulant. Plurimi certè sunt qui ejus nec sine laude meminerunt, quorum, ne longiores simus, dimissis alijs, sat fuerit indicare Illustrissimum nostrum D. Joannem Diaz de Arce in Proximo Evangelico tom. 2. fol. 76. itemque in Quæstionarij expositivi lib. 4. quæst. 97. fol. 219. col. 2. Signuam in Triumpho parthenico fol. 89. col. 1. qui, ut etiam alijs, Venerabilem pleno ore Nostrum



## AL

strum appellant: P. Torquemadam in Monarchiâ Indicâ tom. 3. pag. 70. & alibi: D. Nicolaum Antonium in Bibliothecâ Hispaniæ Novâ pag. 42. D. Antonium de Leon Pinelo in Bibliothecâ Occidentali tom. 2. col. 761. & Plazam in Chronicis Universitatis lib. 1. cap. 4. à n. 21. & alibi. Ægydium Gonzalez Davila in Theatro Ecclesiæ Mexicanæ pag. 32. Fr. Hieronymum Roman in Chronicis Ordinis Heremitarum S. Augustini Centuria 12. ad annū 1532. fol. 119. col. 1. Ad scripta quod attinet, Noster in publicum emisit *integrum Artium Cursum* varijs partitum tractatibus quorum hi sunt tituli.

*Recognitio Summularum cum textu Petri Hispani, & Aristotelis.* Mexici excudente Joanne Paulo Briffensi 1554. in fol. Rursus Salmanticæ 1573. & 1593. etiam in folio, quarum editionum Hispanarum meminit Nicolaus Antonius.

*Dialectica resolutio cum textu Aristotelis.* in folio, eisdem typis Mexicanensibus, & Salmanticensibus, dictis mox annis.

*Physica speculatio, cui accedit speculatio super libros de Generatione, de Metheoris, de Anima, & de Cælo.* Mexici eisdem typis 1557. in folio. Et apud Nicolaum citatum, Salmanticæ 1573. Formis Joannis Baptistæ de Terra Nova in folio.

*Speculum conjugiorum.* Mexici, Formis Joannis Pauli Briffensis

## AL

1557. in quarto magno. Salmanticæ apud Andream à Portonaris 1562. in quarto, & rursus Compluti ex Officina Joannis Graciani 1572. in quarto.

*Appendix ad Speculum conjugiorum juxta diffinita in sacro universalis Concilio Tridentino circa Matrimonia clandestina.* Mantuæ Carpentanorum, excudente Petro Cofin 1571. in quarto.

*Speculi simul & Appendicis* stat editio Mediolanensis Typographi Pacifici Ponti 1599. in quarto. De hoc libro sic Nicolaus Antonius scribit: *Doctum valde atque utile opus.* Et nos subdimus, probatum illud esse à gravioribus quibusque Doctoribus de Matrimonij Sacramento tractantibus, qui sæpissime illud allegant, ipse que P. Thomas Sanctius, qui in hac materia Princeps merito habetur, tertio quoque verbo nostrum Magistrum citat.

Scriptis his operibus, quæ Nicolaus Antonius aliique adducunt, superaddere oportet sequentia:

*Constitutiones Religiosissimi Collegij Divi Apostoli Pauli ex Ordine S. Patris nostri Augustini.* Habentur editæ à Grijalva in præcitatæ suis Chronicis à fol. 154. Prodiere Mexici, litteris Joannis Ruiz 1624. in folio.

Idiomate hispano scripsit,  
*Monita pro Scholaribus Theologis.*  
*Epistolam de Privilegijs Regularium,*

Quam affert Fr. Gaspar à S.

Augustino in Expugnatione Insularum Philippinarum. part. 1. à pag. 395. usque ad 409. dicit que transmissam ad Episcopum Manilem, cujus que memoriam fecerint P. Sicardus in Historia Mexicanensi, & Fr. Joannes Baptista Franciscanus.

Hispanice itidem conscripsit  
*Historicam rerum Novæ Hispaniæ plurium enarrationem,*

Cujus meminit Grijalva fol. 80. col. 4.

Romano sermone composuit præter edita,

*Commentarium in secundum Magistri sententiarum librum,*

Quem Mss vidimus in quarto magno asservatum in Bibliothecâ Regalis Augustiniani Mexicci Collegij S. Pauli.

*Relectionem de Libris Canonicis, super illud Pauli 2. ad Titum: Omnis scriptura divinitus inspirata utilis est ad docendum, &c.*

Hujus invenies memoriam in ultima pag. *Speculi conjugiorum* editionis Complutensis de anno 1572 ubi etiam sequentia memorantur opuscula.

*Apologia pro Religiosis commorantibus & evangelizantibus verbum Dei in partibus maris oceani.* De qua etiam Pinelus loco citato. Pro eisdem etiam elucidatum Privilegium Leonis X & Pauli III.

*Clementina Religiosi, de Privilegijs exposita.*

*Compendium omnium indultorum, quæ iisdem Religiosis à Summis Pontificibus sunt concessa. Compendium*

hoc multoties citat Fr. Joannes Baptista, Franciscanus, in doctissimis suis *Monitis pro Indorum Confessarijs*, esseque præ manibus apud omnes ferè Regulares, quamvis Mss testis est Grijalva fol. 188. col. 3. habetque mentionem citatus Pinelus.

*Commentaria in Epistolas S. Pauli, in Universitate Mexicea è Cathedra dictata,*

Quorum mentio est apud eundem Grijalvam ibidem, ipseque Alphonsus in *Speculo conjugiorum* isthæc reminiscitur commentaria,

*Relectio de Dominio infidelium & justo bello,*

Quam Author in margine p. 172. *Speculi Compluti editi*, scilicet 8. conclusione articuli 32. primæ partis à Lectore videndam monet.

S. Thomæ de Villanova, Archiepiscopi Valentini, *Sermones ex hispano in latium idioma conversi & editi*, ut alios inter, testatur M. Fr. Stephanus Garcia, in ejusdem S. Villanovani Vita cap. 35. fol. 85. col. 2. Editionis Mexicæ apud Viduam Bernardi Calderon 1657. in quarto.

156 FR. ALPHONSUS DE VILLALVA, Natione Hispanus, cujus nescire nos Patriam cogit Scriptorum de ipsa silentium, testantium Pinciæ Dominicanis Patribus se religiosâ professione junxisse, indeque in Mexicanensem translatum Americam, apud eorundem Provinciam S. Vincentij de Chiapa & Goatemala constiti-



AL

stitisse. Ab anno 1544. quo primum fuit condita, cum ceteris electissimis utique Religiosis, eo appulsus, ad usque annum 1563. omnium sese exemplar virtutum exhibuit. Theologiam suos jussus docere, paruit, dimissis eo tempore charissimis sibi Indis, quorum ex animo incumbibat eruditioni: Superiorum autem jussione eos repetens, suas in edocendis illis delicias habebat, frequentibus concionibus, colloquijs, & sacrorum administratione. Cœnobijs Prior datus, totique etiam Provinciæ, commissa sibi munera exactissimè implevit. Omnibus ornatus virtutibus adeò fulgebat, ut adstantes Goatemalæ pro agendis Provinciæ Comitij, gravibus quibusque ejusdem hominibus, de Nostro eligendo consulentibus, mira singuli de ipso dicerent: Alius scire se affirmabat, rigidissimum semper fuisse paupertatis, quam violasset numquam, custodem: Alius constare sibi certò dicebat, castitatem à puero hætenus inviolatam coluisse: Tertius, isque Alphonsus de Vaillo, vir notissimus, adjicebat, tanta illum præditum obedientiâ, ut ab ea ne in minimis quidem descivisset; alij demum, ne levissimi notatum aliquando mendacij, similiaque candidè fatebantur, quem subinde Præfulatû omnes judicarent dignissimum. Certè, ea erat humilitate, ut etiam Superior factus, omnibus se comitem præberet &

AL

humanissimum, superbiæ signa quæque vel levissima cavens, ut propterea elogia quædam sua in Adversarijs Provinciæ offendens, expunxerit. Hinc mitis admodum, quamquam multis tentatus, iras nescire videbatur, molesta æquo animo ferens plurima. A propinquorum affectu tam erat dissitus, quam ipsi corpore, in Hispania nempe degentes, quorum in Deû curam adjecerat, cui cordi sunt pauperes.

157 Cœlites multos eximiâ devotione prosequabatur, atque ipsorum pervigilia jejunio, sæpe in pane & aqua, agere solebat. Erga Sanctissimam Dei Matrem multò ferventius ardebat amore, numquam ejusdem suspiciens Imaginem, quin Angelicâ ipsam salutatione veneraretur. Sacras Indulgentias tanti faciebat, ut nullius occasionem lucrandi elabi sibi pateretur. Ad aras faciens, aut orationi incumbens, aliàsque multoties lachrymis madidus, Deum pro Ecclesiâ precabatur, Paganorumque & Hæreticorum conversionem avidissimè postulabat. Quamvis totum se divinis mancipasset obsequijs, cuncta verebatur opera sua, mortique propinquus, timore percitus & formidine, numquam se Deo inservisse credebat, cujus tamen honorem sedulus procuraverat, animarumque salutem annos supra 18 egregio labore quæsierat, adeò ut alperrimos de Cuchumatlan montes repetito vicibus undevigin-



ginti itinere pedes transiisset, quos similiter ambulasset proximè mortem obiturus, ni coactus fuisset à Fratribus equum ascendere, quòd penè deficientem illum viderent, postquam prolixâ quatuor menses infirmitate laboraverat Chiapâ. Ubi verò Goatemalam accessit, ægritudine patientissimè toleratâ, ad mortem se proximâ quotidianâ ferme synaxi sacrâ se præparabat, egregio in ea suscipiendâ fervore. Recurrente solennissimo Pentecostes festo, cum morbus & periculum ingravesceret, sacerrimum tanta fide & devotione Viaticum sumpsit, ut cernere oculis Christum Dominum videretur. Litanis, cæterisque ab Ecclesia statutis precibus pro morti proximis à circumstantibus Fratribus recitatis, additisque Paraclyti Spiritus, cujus eo die adventus memoria recurrebat, hymnis; moriturus Noster petijt, ut eos qui in honorem Beatissimæ Virginis dici solent, adjungerentur; pluriesque à se repetito versu illo: *Maria Mater gratia, Mater misericordia, tu nos ab hoste protege, & mortis hora suscipe*, efflavit animam die 30 Maji circa horam tertiâ anno 1563. cujus salutem & qui aderant & qui noverant hominem, nulli ambigebant. Acta ejus, quæ hætenus innuimus, memoriæ mandavit Remessalius in Historia dictæ Provinciæ pp. 613. 615. & uberius 642. 643. 644. ubi testatur scripsisse

*De varijs de quibus consulebatur juris ecclesiastici & conscientia casibus Responsa.*

*Tractatus pietatem redolentes varios.*

Qui propterea suis perierint quòd isti extraneis faciliè commodaverint.

Asservantur etiamnum

*Ad sodalium dubia 16 Responsa certa & Consilia:*

Quæ in Comitijs, ut vocant, Intermedijs apud Cobiam habitis 23 Januarij 1562. expedit. Ejus nomen & acta atque scripta brevius habes apud Scriptores Ordinis Prædicatorum tom. 2. p. 182. ad annum 1563.

158 FR. ALPHONSUS DE ZEPEDA, Natione Mexicanus, Zatecanus Patria, Franciscanus fuit Professione in Provinciâ S. Evangelij & Conventu Angelopolitano edita die 14 Februarij anno 1592. Virum fuisse egregijs ornatum virtutibus, orationique multò deditum, Author est Betancurtius in Menologio dictæ Provinciæ ad diem 29. Novembris; queis cum eruditionem in Theologicis & alijs multam adjungeret, Prædicator insignis evasit, atque tanto id muneris executus est zelo, ut multos ad meliorem frugem traduxerit. V. P. Sebastiano Apparicio, cujus de Beatificatione causa jam diu in Romana Curia agitur, fuit à sacris confessionibus. Podagrâ plurimum laboravit, gravioresque, quos patientissime terebat dolores, studijs levabat, etiam tunc scri-



AL

scribendis, quos dicemus, libris intentus. His absolutis, vitæ quæque suæ, religiosè admodum traductæ, sanctam in Domino coronidem posuit die 29 Novembris anno 1638. Angelopoli, in eo ipso Cœnobio ubi se Deo consecraverat votis, ibidemque sepultus, post multos annos integer est inventus, atque statim à morte pulcherrimus splendentique similis. Epistolam sigillatam, post ejus obitum à Prælatiis resignandam reliquit, multis ipsos rogans, ut vilissimum humuncionem extremo sepeliendum loco curarent, tanto illam conscriptam spiritu, uti audientes tenere lachrymas haud potuerint. Scripsit tomos quatuor, in Bibliotheca Angelopolitani Conventus, ut conjicimus, asservatos, Betancurtio reticente Cœnobium, cujus in Libraria illos stare docet, quam primum est intelligere Angelopolitanam, ubi Author descessit. Sunt autem illi.

*De B. M. V. Conceptione.*

*De ejusdem B. V. M. Nominum excellentiâ.*

*Catena de Servatoris nostri Jesu Christi Passione.*

*De Christianâ Religione, & S. P. N. Francisci stigmatibus.*

Meminit Authoris & operum Bibliotheca Franciscana tom. 1. pag. 53. ubi verba transcribit Illustrissimi Bosnensis cap. 24. Vitæ V. Fr. Sebastiani de Apparicio, Romæ editæ anno 1696. Nostrium à doctrinâ, prudentiâ,

AL

& virtute commendâti, insignemque scriptis tribus ( quarto Bosnensem latente ) voluminibus, nuncupantis.

159 D. ALPHONSUS ZORITA, Natione Hispanus, Domicilio Mexicanus, biennio ab erectâ Universitate Mexicanensi, ipsam regente viro admodum Venerabili, Doctore Joanne Gonzalez, Metropolitanæ Ecclesiæ Canonico, convenientibus cum Pro-Rege Illmô. D. Ludovico de Velasco, Auditoribus Regijs unâ cum Doctoribus & Magistris, hos inter cooptatus est. Unus is erat ex ipsis Senatoribus Regijs, atque in Jure Civili Doctor in Hispania creatus, cujus Academiam sive Chronographus Plaza: Alia inter, quibus pro munere incubuit negotia, demandatam sibi à Rege scribendi non nihil provinciam suscepit, atque eruditissimum pro Americanis Antiquitatibus dignoscendis opus ornavit, cujus ex hispano in latinum sermonem versus titulus sic habet:

*Brevis summariaque enarratio Toparcharum & aliorum in Nova Hispania atque conterminis Provinciis quondam rerum potentium, Legumque & Consuetudinum, quibus id temporis regebantur Indi, Tributorum, Vectigalium, & similium, quæ populares pendebant Regibus ac Principibus suis.*

Habetur Mss in folio in Bibliothecâ Collegij Maximi Mexicani S. JESU, inter octo volumina,



quæ inibi vidimus, ex his quæ clarissimus D. Carolus de Siguenza congeffit, notanturque in ejusdem Indice Bibliothecæ hoc nomine: *Historia Mexicana*. Meminerunt Authoris Plaza in Chronicis Universitatis lib. 1. cap. 15. n. 148. Betancurtius in Catalogo Authorum, cum Editorum, tum Mss, quem præfixit Theatro Mexicano, in quorum syllabo Nostri opus inseruit, quod authographum sibi commodaverat Siguenza. Item Eques Laurentius Boturini in Museo Historico Indico suo § X. p. 21.

160 D. ALVARUS GOMEZ DE ABAUNZA, Mexicanus saltem Domicilio, cujus & Natio nos latet & Patria, apud Regium Goatemalensem Senatuum Auditor, post inter Mexicanos adscriptus Togatos, criminum Vindex: Egregium valde opus, quod Mexici inchoaverant L. D. Antonius Maldonatus, & D. Vascus de Puga, Regij itidem administri, Collectionis Legum Indicarum, commodiori secutus est methodo, scribens hispano sermone *Repertorium Regiarum Schedulingarum*,

Duobus tomis magnis, qui hodieque extant Mss, testibus Antonio de Leon & ejus Additoribus in Bibliothecâ Occidentali tom. 2. col. 821.

161 M. F. ALVARUS DE GRIMALVA, Natione Mexicanus, Patria Antequerensis, seu Goaxacensis, à nobilibus & pijs parentibus

christianè & liberaliter educatus, Grammaticæque satis peritus, ac prompto insignique donatus ingenio, Ordini Prædicatorum in patrio Conventu nomen dedit, nuncupatisque votis, majoribus traditus studijs, tum ibi, tum in Angelopolitano celebri ejusdem Ordinis S. Ludovici Collegio, eximios quidem fecit progressus. Hinc Lector Philosophiæ in Cœnobio Goaxacensi, pro egregijs litteris & nomine, destinatus, initiatusque Sacerdotio, munus cum obijisset strenuè, Theologicis præpositus Cathedris, tantâ eas rexit omnium approbatione, ut exteri doctissimi viri, qui publicis ejus concertationibus scholasticis aderant, in multo illum haberent pretio, & Provinciæ Patres, absolutis pro suo jure & usu curriculum, ad usque apicem Magisterij ipsum evexerint.

162 Nec in palestrâ duntaxat Scholæ versatus, sed etiam in sacro suggestu, graviter & doctè ad populum dicere solebat hispano sermone, & coram disertis auditoribus ac conspicuis. Ut verò miseris etiam Indis procul degentibus prodesse valeret, exemplum observandum sibi proposuit Magistrorum Provinciæ suæ, qui eo donati gradu neutiquam quiescere, sed novis se mancipare solent laboribus; factusque pro capeffendo Zaapotecanorum idiomate discipulus, brevi illud calluit, gentemque instruere cœpit optimis concionibus, & ad ipsarum captum



AL

captum accommodatis, perspicuitate, zelo, & reliquis oratoris christiani partibus, quas etiam in omnibus expleverat à se habitis sermonibus. Humanissimus etiam ijs qui ipsum offendissent, facile irrogatas condonabat injurias, pariebaturque minimè, ut coram ipso quis detraheret proximo. Prior datus Primario Conventui futuris destinato comitijs Provinciæ, quòd obierat Provincialis Fr. Petrus de la Cueva, ipsi Provinciæ Vicarius præfuit ab extremis Augusti anno 1614. ad usq̃ sequentis Majum, egregiâ humanitate unâ cum Religiois disciplinæ observantiâ. Secundum Superior ejusdem Cœnobij haud secus se gessit exemplo præiens Fratribus, quo absoluto munere, annis licet gravatus, ministrare perrexit Indis, quo usque febris correptus in Conventum deferri Antequeræ curavit, ut extremum stipatus Fratribus diem obiret: Priusquam verò ædes ascenderet, Templum ingressus, ante Aram Sanctissimæ Deigenitricis sub appellatione Rosarij demississimè provolutus, multis illam lachrymis obtestatus est, ut pro benignitate piensissimæ Matris adesse sibi in agone vellet, qui propterea se ejus clientelæ dederat, suumque ex animo Rosarium frequentaverat. In cellam delatus, post habitis medicinis, quamvis assuetus animam sacrâ confessione mundare, generalem instituit exomologesim, tantâ quidem la-

AL

chrymarum copiâ, humilitate, amore, cœterisque christianis virtutibus, ut fieret palam, mox emissas ad Deigenitricem preces irritas fuisse minimè. Longè tamen ferventius Christum in Eucharistia pro Viatico excepit, Oleoque inunctus extremo, animam Deo reddidit. Scripsit præter *Philosophicos* Tractatus & *Theologicos*, quos retinet Historiographus, tradidit autem suis Noster Discipulis;

*De SS. Virginis Mariae Rosario, atque ejusdem miraculis:*

Ut Author est, qui ejus vitam scripsit M. Burgoa in Palestina Historicâ Provinciæ Ordinis Prædicatorum de Goaxaca tom. 1. cap. 69. pp. 231. 232. 233.

163 FR. ALVARUS DE PAZ, Natione Mexicanus, Goatemala ortus est nobilissimis genitoribus Petro de Paz & Quinones, & Lucia de la Cueva, à quibus optimè in tenera ætate institutus, atque studijs applicatus latinæ, terciodecimo anno tam erat in illa provectus quam qui maximè. Statim evocatus à Deo in Franciscanorum Ordinem, in cujus patriâ SS. Nominis JESU Provinciâ multi ex sua stirpe clarissimi viri floruerant, Superiores adiit, ut voti compos fieret, qui tamen & si bono illum animo esse jussissent, verentes puerilem fortasse fervorem, quòdque præfinitos pro suscipiendo habitu religioso non dum annos attingeret, tum quidem temporis repulerunt.

Ec

Ille



Ille contrà insistere postulatis decrevit, atque è domo aufugiens paterna, in Conventum se recepit Goatemalensem, & perinde ac si vestem indutus esset Franciscanorum, in omnibus ipsos, sive in choro, sive alibi, quantumvis molestis & arduis exercitationibus, die comitabatur & nocte, super terram in cavædio cubans ut somnum carperet. His commoti Prælati, tyronibus illum, pro ut optaverat, adjunxere, quos inter biennium fermè eximio conatu peregit, quousque quinto decimo anno completo, destinatum ad inchoandam probationem tempus accessit, quo etiam alacriter actò, & omnium exemplo, solenni se Deo tradidit professione. Philosophiam dein & Theologiam, quo erat ingenio, & ad laborem comparatus animo, à Magistris accepit, tantis quidem progressibus, ut eisdem docendis Facultatibus judicatus fuerit aptissimus. Sacris initiatus, non dum tamen Sacerdos, Concionator electus, non sine plausu à Goatemalensibus est auditus; postquam verò ad Aras faciebat, procurandæque Indorum salutimaturus erat, hoc sibi negotium impigrè tractandum assumpsit, quod ut faustè perageret & uberimè, quatuor gentis idiomata (scilicet *Cakchiquel*, *Quiche*, *Zutugil*, & *Mexicanum*) ita didicit, ut in eorum singulis non doctus modò fuerit, sed eximius, neminique secundus; & in prima qui-

dem quam diximus linguâ, Magisterio functus, multos eam docuit Sodales, librumque, mox laudandum, conscripsit. His instructus dotibus, peritiâque insigni in omni Theologiâ, sive quæ ad palestram attinet, sive quæ mores concernit, sive quæ ad ascetas spectat, sive quæ sacras interpretatur litteras, instruendis Populis sese dedit multis in locis, pro ut Superiorum jussu fuit destinatus. Frequentibus concionibus, confessionum auditione, cæteris que muneribus sacris intentus, pro Dei amplificandâ gloriâ, & salute animarum promovendâ, benè longam vitam traduxit, obiitque septuagenarius anno 1610. in Conventu de Monostenango, ubi corpus ejus, post multa tempora, construendi Sacelli majoris causâ, effosum, integrum fuit repertum. Scripsit idiomate *Cakchiquel* insignem pro Indis in via spiritus deducendis librum, cui titulum fecit

*Scala Cæli:*

In quo mysticam sic tractare Theologiam affirmat Chronographus statim citandus, ut opus, & praxim Nostri in cœlestibus rebus spiret, & doctrinam, qua erat imbutus, egregiam. Habetur etiamnum in pretio & præ manibus à Socijs & alijs. Quæ retulimus acta dedit typis excussa Fr. Franciscus Vazquez in Chronicis dictæ Provinciæ de Goatemala tom. 1. lib. 3. cap. 48. pp. 614. 615. 616.



164 FR. ALVARUS DE SORIA BRIVIESCA, Mexicanus Domicilio, qua Natione fuerit & Patria nescimus: Regalis Ordinis Beatissimæ Virginis MARIÆ de Mercede alumnus, edidit idiomate hispano

*Concionem de S. Petro Nolasco.* Mexici, typis Viduæ Bernardi Calderon 1661. in quarto.

165. D. AMBROSIUS DE LIMA, ET ESCALADA, Natione Mexicanus & Patria, inter egregios Mexicæ Academiæ cultores Medicinæ multum efulsit, non modo popularibus & nobilibus charus, sed verò etiam Principibus viris, qui eum sibi à salute esse voluere. Quòd autem annis superioris seculi 91 & 92. terræ ceteroquin feracissimæ Novæ Hispaniæ sterilitate laborarent, pro egentium præcipuè sublevandâ miseriâ cogitantibus Urbium Rectoribus in posterumque timentibus, exagitatum jam pridem dubium anno 1677. de frumento quod *Albulum* dicunt, rursus exortum fuit: cumque adversus illud Protomedici eo tempore Mexicani sententiam tulissent, per inde quasi valetudini infensissimum esset habendum, ut sub inde publicis cautum fuisset Decretis, ne usui adhiberetur humano, imò ne quidem terræ commendaretur, Nostro contra sentiente; è re sua atque Reipublicæ bono credidit, causam prohibiti agere & extorris frumenti, palamque facere haud

noxium illud esse, imò verò utilissimum, proptereaque seminari oportere, eoque citra periculum & formidinem vesci homines posse, tunc in primis, cum nobilioris copia non suppetebat. Et porro obtinuit, ejus defferente opinioni Excmò. Comite de Galve, D. Gaspare Sandovalio, qui ad clavum Pro-Rex aderat Regni Mexice, cuique nuncupatum voluit Ambrosius Opusculum ea de re antehac à se compositum hispano sermone, scilicet

*Spicilegium de natura commodisque frumenti, quod vulgo dicunt Albulum: unàque ad fundamenta contra ipsum à Proto-Medicis allegata Responsum.*

Editum Mexici, apud Hæredes Viduæ Bernardi Calderon 1692. in quarto, in quo quidem cum de re Medicâ, tum etiam de rusticâ eruditè & doctè ad propositum agit. Habemus illud t. 59 Collect. nost.

166 FR. AMBROSIUS MARTIN, Domicilio Mexicanus, fin minus Natione & Patria, quas subticet is qui ejus nobis copiam fecit Fr. Alphonsus Franco in Historia Provinciæ S. Jacobi Mexicanæ Ordinis Prædicatorum. Ex hac in Familiam ejusdem Instituti apud Insulas Philippinas à SS. Rosario dictam, commigravit, atque ut gentilium in christianis institutionibus provideret utilitati, eorum qui Cagayani audiunt, idioma penitissimè callere constituit secum atque rimari, felici adeo successu, ut libros, quos sub-



jungimus, ea usus linguâ conscripserit:

*Artem pro ipsa addiscendâ.*

*Dictionary ejusdem Idiomatis.*

Quæ & si Franco opera inter typis excussa numeret in Catalogo Scriptorum Mexicanæ Provinciæ, hætenus latent nos, & faciliè quidem, cum rari admodum sint Mexici libri typis dari Manilæ.

167 FR. AMBROSIUS A MATRE DEI, Natione Mexicanus, ortus est Goatemalæ, & Mexici Dominicanorum Ordinem amplexatus in Conventu Imperiali, è quo, zelo ductus lucrandarum apud Philippinas Insulas animarum Fide carentium, in Provinciam SS. Rosarij se contulit anno 1595. Ubi accessit, delegatus à Superioribus fuit in Novam Segoviam, recens detectam, & adhuc Paganismi tenebris obvolutam, ut lumen in eam Catholicæ Fidei invehiret. Constitutus in eâ, totum se ad gentis idioma noscendum vestigandumque intimius dedit, idque ingenio afsecutus est & labore, ut elegantius ac rectius omnibus, qui id calluerunt, loqueretur & scriberet; Magisterque fuerit omnium, peritissimorum etiam in difficillima Lingua, Sodalium, quibus instruendis atque juvandis libros scripsit infra dicendos. Virum fuisse exemplis religiosæ vitæ conspicuum, eximio prædium dilatandæ christianæ religionis zelo, & multâ clarum virtu-

re author est Illmûs. D! Fr. Didacus Aduarte, Novæ itidem Segobiæ Episcopus, ejusdem Provinciæ Chronographus lib. 2. cap. 29. p. 190. editionis Manilensis de 1640. quam præ manibus nunc unam habemus.

168 Inde etiam accipimus multa, quæ Deum suum illustriorem Ministrum reddidit, mira, ejus oratione interventuque, in confirmationem, quam prædicabat, Fidei patrata. Aderat in Oppido *Avulva* dicto, cum prægrandis clibani pro cremandâ calce machina cadens, incautum oppressit inibi agentem hominem; nec tamen occidit, quod suis Noster fufis ad Deum precibus intercesserit. Mirabilius verò habitum est ibidem, quod nuntiantibus ei Indis, sceminam infidelem obiisse in agro, Ambrosioque ut eam sibi afferent mandante, ubi defunctæ pridie cadaver aspexit, in sepulchrum, quod effosum erat, proximè conijciendum, dolore correptus, precatusque ex intimis Deum, moveri cœpit scemina & loqui, deinceps roborari; quam Fidei Christianæ elementis institutam baptizavit, atque in vivis reliquit. Haud absimile quod subjungimus. Peregrè agebat apud Abulugios Indus quidam ex Provincia de llocos, quem graviter ægrotantem, omnique destitutum auxilio, quæ erat Noster charitate, secum in Ecclesiam deduxit, brevique, ut qui aderant omnibus



AM

visum est, mortuum christiano more suffragijs juvans, aquâ lustrali semel & iterum ac tertio aspergens, indicia defunctus vitæ dedit, qua donatus, restitutus que valetudini, suis se restituit, Ambrosio gratus, multò verò gratior Deo, devotiorque aquæ lustrali, cui Noster beneficium acceptum retulit, pro ut, Superioribus jubentibus, fassus est, alia que permulta miraculis quidem simillima, quæ ut plurimi Christo jungerentur fide & amore, Servator ipse operari dignatus est. Certè, quòd isthæc suis barbari homines oculis cernerent, multotiesque morientes penè Indos sanitati restitutos haud alio pharmaco quam Baptismi Sacramento, & his paria, de quibus citatus Aduarte lib. 1. à p. 157. multis sequentibus; Christianis se, quòd pridem nimis recusaverant, aggregarunt. Noster porro, constructo in Dei honorem Templo sub invocatione S. Thomæ Aquinatis Doctoris Angelici, Doctor & ipse commissæ sibi gentis, ad Dei ipsam cultum, idolis proculcatis, deduxit, sacrisque deditam ecclesiasticis, egregiè fovit, concionibus publicis, privatis hortationibus, exemplisque vitæ apostolicis, ut subinde mira Indi pietate floruerint. Hanc postquam supra triginta annos provinciâ substinuit, anno 1627 mense Aprili decessit. Varia pro Evâgelicis Operarijs inibi laborantibus admodum proficua reliquit scripta, nempe

AM

*Artem pro Nova Segoviæ idioma-  
te addiscendo.*

*Ejusdem idiomatis Dictionarium.*

*Evangelia eo etiam explicata ser-  
mone, & exempla varia.*

*Articulorum Catholicæ Fidei de-  
clarationem.*

*Jesu-Christi Servatoris nostri  
Passionem, aliaque per utilia, dictio-  
nis elegantia proprietateque ab  
illius peritissimis commendata,  
pro ut legere est in supra nomi-  
nato Illmò. Aduarte pag. 190.  
Nostri pariter meminit Fr. Al-  
phonfus Franco in 2. parte Hi-  
storiæ Provinciæ S. Jacobi Me-  
xicanæ lib. 3. à cap. 5. & Pine-  
nelus in Occidentali Bibliothecâ  
col. 724.*

169 D. AMBROSIUS MEL-  
GAREJO ET APONTE, Natione  
Mexicanus, apud insignem Ha-  
banensem Insulam natus nobilif-  
simis genitoribus, lucem generi  
ipse suo addidit. Primis in nata-  
li solo transactis annis & per-  
actis studijs, majoribus operam  
navaturus Mexicum petijt, at-  
que ut Academiam nostram fre-  
quentaret candidatus Jurispru-  
dentia, Collegis Commendato-  
rum S. Raymundi adscriptus, eo-  
rum etiam pro tempore Præles  
fuit. In utroque versatus jure,  
laureâque redimitus, nec praxi  
minus pro Judicum subsellijs,  
quam Scholarum doctus velitatio-  
nibus, pro causis protegendis  
apud Regium Mexiceum Sena-  
tum probatus, strenuè munus est  
executus. A Catholico Rege in  
Goa-



Goaternalense Forum adlectus rerum capitalium Prætor, tum etiam Fisci Procurator, ac demum Auditor, his egregiè functus muneribus, dein Mexicanis coopertus Togatis Regijs, primum Criminalis Quæstor, tum etiam pro Regis Arario ac Jure Defensor, ac demum Auditor, ardua quæque negotia, pro ut Sapientem decet hominem expedit. Collegij Majoris Mexice S. Mariæ & omnium Sanctorum Protector, de nobilibus & litteratis Alumnis benemeritus fuit. Reipublicæ quoque, humanitate, pietate, alijsque acceptis dotibus, multi à Principibus viris est habitus, constitutusque à Rege ut ab Excmo. Duce de Arion, Marchione de Valero, ipsiusque nuper vices gerente rationem obiti amplissimi muneris posceret; suo functus est ritè, ut & cæteris curæ suæ demandatis. Multa quidem pro his scripsit & varia, quorum cum nobis nos sit copia, quòd in schedis manserint, typis datam afferimus.

*Allegationem in Causa Immunitatis Ecclesiastica, quam falsario cui-dam Regiæ Subscriptionis atque Sigilli minime suffragari contendit.* Mexici, apud Hæredes Viduæ Michaelis de Ribera 1730. in folio.

170 D. AMBROSIUS MELGAREJO, clarissimi, quem præcedenti dedimus loco, Togati filius, Togatus & ipse, è Trium viris Mexiceis, Natione Mexicanus, Goatemalæ agentibus genitoribus

lucem aspexit, primasque disciplinarum hausit institutiones. Parentem in Mexiceum Atcopagum à Rege promotum secutus, nomen Academiae nostræ dedit Jurisprudentiæ operam navaturus, strenuè adeo & feliciter, ut & utriusque laureas juris retulerit, & sua spontè theses in majori Aula, coram frequentissimâ doctissimorum hominum multitudine propugnaverit, cum ad Canonicam Facultatem spectantes, tum etiam ad Civilia præscripta, è 24. titulis erutas, numero 200. graviores & difficiliore, problematicè ad arguentium placitum manè & vesperè, versatili & promptissimo ingenio, multaque & variâ sententiarum dives eruditione, modò affirmantem, modò negantem opinionem, pro ut concertatoribus arridebat, sustinens, & ab oppositis objectionibus vindicans, dignus propterea quem eruditissimi quique mirati fuerint, multumque laudaverint à doctrinæ ubertate sibi adhuc tyroni studiosissimè comparatâ. Oratoribus Regij Auditorij adscriptus, causas ubi egerat, Mexiceaque Præturâ defunctus, in Hispaniam profectus, & à Sapientissimis viris probatus, Catholicoque Regi nostro commendatus, pro Mexicanâ Curia Triumvir adlectus, demandatam sibi provinciam ad præsens usque tenet, ut æquissimum decet Judicem, Regiumque Consiliarium. Edidit vernaculo hispano



AM

*Propugnationem juris Metropolitanae Ecclesiae Mexicae decimalis. Mantuae Carpentanorum. ..*

171 D. AMBROSIIUS FRANCISCUS DE MONTOYA ET CARDENAS PONCE DE LEON, Natione Mexicanus, Angelopoli nobilissima ortus stirpe, atque ut ipsam decebat, studijs omnique institutus humanitate, postquam Regi inservierat atque Reipublicae claris gestis Præturis, statui se Ecclesiastico addixit, initiatusque Sacerdotio, litteris, quas pridem coluerat, prophanis & sacris multas pro animarum regimine adjunxit, & Paræciæ de Topoyango Curio datus, reliquum vitæ tempus in pascendo commissio sibi gege transegit. Non nulla ingenij monumenta reliquit, in primis idiomate hispano

*Narrationem historicalem solennis Angelopoli celebratæ Proclamationis Philippi IV Hispaniarum & Indiarum Regis, Angelopoli....*

*Apem mysticam, seu S. Ambrosij Doctoris vitam paneyricis illustratam commentationibus,*

Quam prælo paratam habebat nuncupandam Marchioni de la Laguna Novæ Hispaniæ Pro-Regi, ut testis est D. Didacus Bermudez de Castro in Syllabo Angelopolitanorum scriptis illustratum ad nos transmissio, qui Didacus apud se Authographum esse fatetur; atque multa alia, cum poetica, tum etiam oratoria Mss. Nostrum reliquisse addit.

AM

*Symbolum vitæ Christianæ, ordine dispositum alphabetico,*

Quem Mss in quarto se vidisse Author est nobis Presbyter Tlascalensis D. Vincentius Joseph de Torija, cruditus omnique dignus fide.

172 D. AMBROSIIUS DE ZAYAS BAZAN, Natione Mexicanus, Patria Habanensis, nobili natus genere, gestisque illustris, pro ea qua pollebat cruditione destinatus ab Insulæ Gubernatore D. Gregorio Guazo, ut secundum Catholici Regis nostri mandata totam Cubæ Insulam, Urbemque ejus insignem, Habanam, libro complecteretur, paruit, strenuamque in eo concinnando operam posuit non absque Regis, cui traditus liber fuit, beneplacito & laude. Titulum illi hunc fecit

*Descriptio Urbis Habana, Insulae que Cubensis:*

Mss transmissus fuit ad Regium Indiarum Consilium, uti litteris ad nos datis asseruit admodum Reverendus M. Fr. Joseph Gonzalez Afonseca Dominicanus, de quo suo infra loco sermo erit.

Meminit hujus operis D. Antonius de Leon Pinelo in Bibliothecâ Occidentali editionis novissimæ tom. 2. col. 585. asserens, tres in eo Historicæ haberi narrationes, alteram Gubernatorum Insulæ ab anno 1549. ad usque 1725. secundam ejusdem Pontificum, postremam autem Mexicanensium Proregum, sta-

reque Mss. authographum apud Bibliothecam Barciæ.

173 D. AMBROSIUS DE SOLIS, Mexicanus, ad minus Domicilio, nam Patria & Natio nobis est in ambiguo; musicæ doctus, ejus in Metropolitanâ Ecclesiâ deditus usui sacro, Musas egregiè coluit, atque etiam ad numeros opportune nonnunquam cecinit, hispanis complexus carminibus Heroum acta celebrium, ut scriptis reliquit his titulis:

*Brevis summa vitæ, obitus, & funeris Illmi. D. D. Feliciani de la Vega Archiepiscopi Mexicani.* Mexici, ex Typographia Joannis Ruiz 1643. in quarto.

*Monumenta Dei Servi Gregorij Lupecij.* Mexici ex eadem Officina 1663. Extat tom. 36 Collect. nostræ.

*Altare Sacellumque in Ecclesia Metropolitana Mexicea Deiparentis Imaginis de la Antigua dictæ numeris descriptum majoribus.* Mexici, apud Hippolytum de Ribera 1652. in quarto.

174 FR. ANASTASIUS ANTONIUS PEREZ, Natione Mexicanus & Patria, Provinciæ S. Evangelij Seraphici Patris S. Francisci filius, Apostolicus Notarius Sanctique Inquisitionis Officij, pro expurgandis libris destinatus ab eodem Tribunali Revisor, Prædicatoris in Conventu Primario munus exercuit, Parochiamque Indorum Antiquiorem S. Josephi pro tempore rexit, ut qui Theologicis, quibus ornatus

erat, doctrinis Mexicani peritiâ idiomatis adjugebat. Multas quidem scripsit conciones, edidit autem hoc titulo insignem:

*Dei vices pro Aurificibus tenens S. Eligius, Noviomagi Episcopus.* Mexici, apud Josephum Bernardum de Hogal 1729. in quarto. Habetur tom. 4. Collectionis nostræ.

175 M. FR. ANDREAS DE ALMAZAN, Natione, ni fallimur, Patriaque Mexicanus, Heremitarum S. Augustini in Provincia SS. Nominis JESU Mexicana alumnus, atque in Sacra Theologia Magister, Conventus Regij Priorem agebat, cum Societatis JESU Patres festivâ egregiâque atque omnigenâ pompâ relatum inter Sanctos universæ Familiæ suæ Generalem quondam Præpositum S. Franciscum de Borgia (qui primos in Mexicanam Provinciam Sodales invexerat) octiduo celebrarent; religiosi in Ecclesiam Domus Professorum sacris Ordinibus, suo quisque die, confluentibus; destinataque pro Augustinianis, è sacro ipse dixit suggestu, atque Oratio ejus unâ cum cæteris ejusdem argumenti edita est:

*Concio in Apoteosi S. Francisci de Borgia, Societatis JESU.* Mexici, litteris Joannis Ruiz 1672. in quarto.

176 ILLMUS. D. D. ANDREAS DE ARCE ET MIRANDA, Natione Mexicanus, in Urbe Huexotzinco Diæcesis Angelopolita-



AN

liranæ claris sanguine & virtute Parentibus natus est. Educatuſ ingenuè, ut litteris informaretur Angelopolim tranſlatus, poſt optimè cultam latinitatē in Collegio S. Ignatii cui fuerat addi-ctus, ad S. Ildeſonſi Societatis Jeſu, Magiſtris inſigne, Philoſophiâ & Theologiâ nedum fuiſſe tinctum, ſed verò etiam imbutum, palam fecit, cū ibi publicis concertationibus habitis, & præcipuè univerſâ ſcholæſticâ Theologiâ, additis aliquibus jurisprudentiæ titulis, per diem integrum propugnata, quòd non niſi ijs qui eminent inter ceteros, eſt con-ceſſum; tum etiam Mexici, quò ſe contulit in Univerſitate laureâ donandus Baccalaureatus: nã & hîc periculo factò doctrinæ, haud vulgarem laudem promeruit, & in Regali S. Ildeſonſi Collegio multos inter Trabeæ petitores Theologiæ, quæ prævio rigidiori examine publico, digniori tradenda erat, unus ipſe reliquis prælatus, & honorem multum à ſapientibus habitum, & ſtipendia, ut inibi ſtudijs incumbere, conſecutus eſt. Tum pro utroque jure funditus addiſcendo ſeptennium in Academia poſuit ſub optimis, quos audivit, Antecelloribus, bona adeò fruge, ut inter cauſarum Patronos Regij Mexicani Judicijs allectus fuerit meritò. Interea Doctoratum in ſacrâ Theologiâ nacltus, eximiam Doctorum exiſtimationem obtinuit, quòd ejus ubertatem

AN

Facultatis cum multa amœniorum litterarum eruditione altiorique ac puriori latij ſermonis elegantia ſociaret. Sacris initiatus, Cathedrisque & Canonicatibus petitis egregiâ cum laude, Diœceſim ſuam repetens, quòd præter ſcientiarum, quas diximus, culturam, Linguae etiam Mexicanæ peritiâ, Indorum Paræcijs neceſſariâ, gauderet, ei quæ à Sancta Cruce dicitur intra Angelopoleos mœnia præfectus eſt, & in tota ditione Examiner Synodalis creatus. Suo ſtrenuè functus munere, poſt multa in re litteraria pro Cathedralis Eccleſiæ ſuæ Canonicatibus emerendis ſpecimina eximiè data, pro Concionibus in ea habendis à Catholico Rege electus, dein canonicè inſtitutus, huic totum ſe muneri obeundo dedit, eruditus juxta & chriſtianis inſiſtens exercitationibus. Hæc dum edimus ad Episcopales inſulas Portuſidivitenſis Eccleſiæ evehitur, pro ut ſuis nos docent litteris amici Madritani fide quidem digniſſimi: Quòd verò authentica ea de re inſtrumenta opperiamur, nil præterea ſubjungimus, Noſtro interea Dignitatem gratulantes ex animo, cui priſtinâ ſumus & intimâ neceſſitudine conjunctiſſimi. Alias quamvis aſſervet Mſs Conciones plurimas, totum publicæ luci dedit in quo 16 omnigenâ reſſertas eruditione, ſtilo nutidas, & omnibus ex artis Oratoriæ præceptis inſtructas dotibus, ac bellè tor-

Gg

na-



## AN

natas, compaginavit hispano sermone, hoc titulo.

*Sermones varij. Mexici, in Typographia Regia D. Mariæ de Ribera 1747. in quarto.*

Adjectus est libro appendicis loco Epistola ad Regium data Auditorium Mexicanum pro erigendo Angelopoli Collegio S. Francisci Xaverij, & Jesu Societatis Alumnis tradendo, Indorum spirituali bono invigilaturis.

Tomus alter argumentis, mole, stylo, & cæteris dotibus prioris gemellus, vix non totus typis jam est excussus, proximè in lucem dandus, eodem titulo.

*Sermones varij. Mexici, ex Typographiæ editioni Bibliothecæ Mexicanæ destinata 1754. in quarto. Seorsim autem ediderat.*

*Cælum ad nostras per Ignatij & Societatis suæ manus deductum. Mexici, typis Viduæ Josephi Bernardi de Hogal 1751. in quarto.*

In Schedis habet

*Praelectiones Prolusionesque academicas varias.*

177 FR. ANDREAS DE AVENDAÑO, Natione Hispanus, ex Provincia Burgenfi Ordinis S. Francisci in Jucatanensem advectus, in eaque Definitoris munere insignis anno 1705. Tomum in folio scripsit, quæ sequuntur Opuscula complectentem:

*Dictionaryum Linguae Jucatanorum.*

*Brevius Dictionaryum, adverbia temporis & loci ob oculos ponens.*

*De varijs corporis humani languoribus.*

*Dictionaryum alterum de proprijs*

## AN

*Personarum nominibus, Idolis, Chorreis, & alijs priscis & enigmatis Indorum Provincia.*

Et hæc quidem liber ille in folio habet; duos verò in minori forma alios composuit, scilicet

*Artem pro addiscendâ Jucatanensium Linguâ.*

*Expositionem vaticiniorum, quæ antiqui à suis Indi acceperant.*

His quatuor alij adjiciuntur variorum libri, quos ad calcem Dictionaryi Authorem ipsum scriptos à se dicere testes nobis sunt ejusdem Provinciæ Sodales litteris ad nos datis.

178 D. ANDREAS BERNAL DE SALVATIERRA, Natione Mexicanus & Patria, Regiæ ejusdem Universitatis Alumnus, Parochusque Ecclesiæ de Iztlahuaca, ut animarum salutis iter agentium, quo erat ipsarum zelo inflammatus, doctrinæque imbutus, Ductorem se præberet, idiomate hispano librum in lucem dedit, cui hunc titulum fecit:

*Verum iter: Colloquium Dulcissimum inter Jesum & ejus Sponsam animam:*

In quo pio & constanti carmine tribus actibus tres spiritus vias, incipientium, progredientium, & perfectorum expendit. Mexici, typis Francisci de Ribera Calderon 1718. in octavo.

179 M. F. ANDREAS DE BORDA, Natione Mexicanus & Patria, Provinciæ Sancti Evangelij Franciscanorum filius, decusque eximium: vir fuit cum in Philosophia,



phiâ, tum etiâ in omni Theologiâ doctissimus, atque etiam in Jure, præsertim Canonico, versatissimus. Scholasticam multos annos professus altissimè imbiberat, Moralem quoque tam enixè curaverat, ut duos supra viginti in eâ & Canonico ac Regulari jure posuisse fassus ipse fuerit in præmio operis pro Confessarijs Monialium instruendis à se editi. Hinc, ejusdem in difficillimis negotijs consilium quærebatur etiâ à Doctis hominibus, multique fiebant quæ interrogatus dabat responsa. Nec in Sacrorum Bibliorum studio segnior, operam in eo posuit, doctasque & graves sæpissime habuit conciones. Excelluit verò in Polemicis, & argumentis omnibus, quæ apud S. Inquisitionis Tribunal, pro rerum & librorum mirandâ varietate disquiri solent, eaque propter à Censuris Theologicis fuit, Fideique Quæstitoribus acceptissimus, atque in id negotij labore assiduus. In Provinciâ suâ, quòd plures secundum ejusdem Leges annos Philosophiâ & Theologiâ docendis impendisset, bis Emeriti laurum, & Patris titulum reportavit. Academia verò Mexicana alumni, & in Sacra Theologia Doctor, totos viginti annos subtilissimi Cathedram Scoti Magistrî Perpetuus Antecessor ut rexerat, Emeriti etiam honores nactus & privilegia, plurimi jure est habitus: tanti quidem, ut plenus Doctorum Confessus in unum

conspiraverit ipsum, qui Academia nomine Fratribus Bethlemitis multa ab ipsâ quærentibus, & oppidò gravia, responderet, opusculo suo atentissimè lecto, suffragrantibus universis. Nec à doctrina tantum insignis, sed à religiosæ vitæ exemplis probatissimisque moribus clarus, obiit sepultusque fuit in Cœnobio Ordinis sui Mexicæ Primario, cunctis religiosis Familijs, & Academico Confessu funus cohonestatibus, gravissimique ac ornatissimi jacturam Magistrî dolentibus. Multa quidem scripsit, quorum aliqua typis edita manent, habenturque in pretio, reliqua Mss. majorem partem desiderantur. Typis evulgavit conciones vernaculo sermone à se dictas, his nominibus:

*Objectio, retorsio, & ad argumentum solutio adversus Christi Domini honorem à Phariseorum nequitia facti.* Mexici typis Lupercianis 1683. in quarto. Legitur tom. 66. Collect. nostræ.

*Imago Seraphica Jesu Christi plangenti, ab ipso in monte Alvernia in corpore expressa S. Francisci.* Mexici, in Officinâ Viduæ Francisci Rodriguez Lupercio 1688. in quarto. Habetur tom. 96 Collect. nostræ.

Responsum verò, quod Academia nomine, ut diximus, concinnavit, ita habet

*Regiæ ac Pontificiæ Universitatis Mexicana solutio 14 questionibus exhibita quas RR. PP. Bethlemi-*



*rica Societatis retulere pro enodatione.*  
Mexici, typis Viduæ Michaelis de  
Ribera 1708. in folio.

*Praxis pro Monialium Confessa-  
rijs, seu Dialogus explicandi gratiâ  
quatuor illarum vota,* Mexici, Litte-  
ris Francisci de Ribera Calderon  
1708. in octavo.

Ex his quæ in Academia è sug-  
gestu dictavit, sequentia habe-  
mus à libris pro censendis an-  
nuis Lectionibus destinatis, quâ-  
quam casu aut incuriâ multa ex  
eis prætermissa sint opera.

*Selecta è varijs Theologiæ tra-  
ctatibus controversiæ.*

*Disquisitio Theologica de quali-  
tate qualificabilium propositionum.*

*Commentaria in Quodlibeta Scoti.*

*Dissertatio de Sacris Apostolorum  
Canonibus.*

*Tractatus de Sacramentis in ge-  
nere.*

*Tractatus de Fide Theologica,*  
quem nos alios inter discipulos  
calamo excepimus, Nostri eo tem-  
pore auditores.

Fama quamvis sit in Sacra Bi-  
blia itidem elucubrationes varias  
elaborasse, quales tamen & quan-  
tas nescimus. Pariter latent nos  
opera alia Theologica & Philoso-  
phica, quæ certò certius est con-  
didisse, & si injuriâ temporum  
non periire, nostris se adhuc co-  
natibus subduxerunt.

180 FR. ANDREAS DE CAS-  
TRO, Natione Hispanus, Bur-  
gensis Patria, nobilibus Parenti-  
bus genitus, atque ritè litteris  
& christianis moribus institutus,

ubi per ætatem licuit Ordinem  
S. Francisci in Provincia Conven-  
tuque patrijs profectus est. Phi-  
losophiæ consuetos & Theologiæ  
curlus postquam exegit ibi, No-  
vitiarum præfectus educationi,  
egregijs religiosæ vitæ exemplis  
omnique sollicitudine tyrones for-  
mavit. Dein Superiorum permis-  
su instauravit Salmanticæ studia,  
quatuor rursus aut quinque an-  
nis strenuè positus in quatuor  
Sententiarum libris, quos à Do-  
ctissimo Magistro Fr. Andrea de  
Vega explicatos accepit, profi-  
ciens insimul doctrinâ F. Fran-  
cisci del Castillo, & Alphonsi de  
Castro, tribus quidem Ordinis  
Minorum luminaribus fulgentis-  
simis. Quòd verò longè latèque  
ea tempestate sanctitatis fama  
volaret nuper apud Mexicanos in-  
vectæ Franciscanæ Familiæ, quæ  
se totam lucrandis Indorum ani-  
mabus devoverat, excitatus, ut se  
Operarijs Evangelicis Noster co-  
mitem adderet, unà cum egre-  
gio viro Fr. Jacobo de Testera  
in Americam nostram transivit  
anno 1542. Mexicanam gentis  
Linguam exactissimè didicit, nec  
minus accuratè *Matlatzincanam*,  
quæ barbara erat & scitu diffi-  
cillima, coluit, adeò ut libros eâ  
usus utilissimos perbellè conscri-  
pserit, à Mexico Toluca delat-  
tus, qua in Urbe illius Nationis  
homines & in finitimis locis de-  
gebant Mexicanos inter Hispa-  
nosque multos. Hic porrò ille  
substitit, annosque quadraginta  
in



AN

in hac excolendâ vineâ consumpsit.

181 Mirum sanè est quanto laboraverit zelo, quantaque virtute Apostolicum munus obiecit. Primus fuit qui barbaris illis suo Evangelium nuntiavit idiomate, quod nullus Religiosus calluit ante ipsum; atque ut illos sacro fonte expiaret, ablutosque cæteris Sacramentis foveret, difficile est dictu quanta egerit. Montes adibat sæpè, loca que impervia ferè, & pedes semper, nisi in ultima senectute, quærendi eos & instruendi gratiâ. Singulis diebus festis tres de more conciones habebat tribus illas Linguis auditoribus varijs accommodatas: primùm *Mexicano*, deinde *Matlatzincano*, demum *Hispano* sermone, ut à singulis caperetur agebat: sæpissime sermonibus Missam cum cantu adiciebat, pueros, multos enim verò, sacro abluebat lavacro, mortuos, si qui erant, Ecclesiæ ritu sepeliebat, & ad isthæc omnia jejunos, aquaque contentus, vino abstinebat, quòd cum in pretio esset multo, dedecere pauperes, ut erat rigidissimus ejus votu custos, credebatur. Sacris suis excursionibus Indos perquirebat monendi de re christiana, & juvandi gratiâ, quorum confessiones sacras audiendo diem multoties totum in agro subdio, ardente nimis Sole, impendebat: eorundem ut corrigeret vitia prætermitebat: nihil quod eorum in-

AN

doli opportunum existimabat; cumque gratissimus illis ipse haberetur, minabatur recessurum se ab eis abiturumque ad Mexicanos ni resipiscerent. Tum rogare illi, deslere, & multis obfistere, alijs eum complectentibus brachijs, alijs muri instar obstantibus, alijs egredientem in humeros refferentibus, & in propria revocantibus. Orationi deditissimus, tempus, quod ab Apostolicis curis supererat, libens ei dabat. Abstinenciam sic coluit, ut semel in die vesceretur. Humilitati addictus Cœnobijs præesse recusavit, vixque, obedientiâ coactus, mensem unum Superiorem egit. Diffinitoribus, ut dicunt, adscriptus Provinciæ, Apostolicis non propterea se munijs subduxit, queis in Dei gloriam ad extremum perductis, vivere desit in Conventu de Toluca die 14 Decembris anno 1567. Scripsit

*Artem pro Linguâ Matlatzincanâ perdiscendâ.*

*Dictionary ejusdem.*

*Sermones pro toto anno, & Doctrinam Christianam eodem idiomate.*

Quorum & Authoris meminerunt Arcturus in Martyrologio Franciscano, & Illust. Gonzaga relati à Bibliotheca Franciscana tom. 1. pag. 62. itemque Uvadingus & Nicolaus Antonius: è Nostreis Torquemada tom. 3. lib. 20. cap. 65. pag. 539 & seq. editionis Madritanæ 1723. & Betancurtius in Menologio Provinciæ suæ pag. 125. die 14.

Hh

D.



182 D. ANDREAS DIAZ DE RABAGO, Natione Hispanus, in Villa natus de Saldaña in Montanis Legionensibus; apud Philippinarum Insulas, postquam Parochum egit in varijs Ecclesijs Provinciae dictae Nova Gereae, Mexicanis Domicilio se adscripsit, & quam dixit è suggestu sacro, edidit,

*Orationem panegyricam in honorem S. Annae genitricis purissimae Desparentis.* Mexici, apud Hæredes Joannis Josephi de Guillena Carrascoso. 1718. in quarto.

183 ILLMUS. D. D. ANDREAS FERNANDEZ DE HIPENSA, Natione Hispanus, apud Arnedo Villam ortus, Compluti Collegio adscriptus Trilingui fuit, & sacris Canonibus operam dedit. Doctoratus verò apicem Abulae in antiquâ Academia suscepit. Illmum. D. D. Franciscum Manso, Archiepiscopum Mexicanum in Americam contendentem sequutus, ejusdem pro Indorum negotijs Vicarium egit, Judicem quæ Testamentorum & Piarum causarum, atque ratiocinijs ecclesiastica bona concernentibus institit. Archiepiscopale Hispaniam ad tempus petente, tandiu Vicariatu ipse generali Diocesis positus est, donec Sedes vacaverit. Redux in Hispaniam, institutus quæ Toletanus Fidei Quæstor, mox à Catholico Rege Jucatanensis Episcopus destinatur anno 1643. desuperque à Romano Pontifice Apostolicis litteris ex-

peditis pridie 9 Octobris ejusdem anni, paucis post diebus, Toleti humani exemptus rebus fuit, ut Author est M. Aegydius Gonzalez Davila in Theatro Ecclesiae Jucatanensis pag. 218. Scripserat Mexici degens:

*Instructionem brevem pro sacris Confessionibus ritè agendis à cujusque status hominibus.* Mexici, apud Franciscum Salvago 1635. in octavo.

184 M. FR. ANDREAS FERRER DE VALDECEBRO, Natione Hispanus, apud Teruelam Aragoniae Regni Urbem notissimam ortus, Mantuae Carpentanorum adolescens Prædicatorum Ordini solenni sese professione adstrinxit. Statim eximijs inclarescere coepit animæ dotibus, christianis scilicet & religiosis moribus, ingenio pro litteris nato, multaque eum in Philosophia & Theologia laude, tum etiam dicendi facundia & peritiâ. Americanis, ad quos devenit, adscriptus Domicilio, in Ordinis sui Collegio S. Ludovici Angelopolitano, seu Tlascalensi, quod, tunc quidem temporis, inter Mexicanæ Sanjacobeae Provinciae gremia censebatur, moderandæ Theologicae Cathedrae praefectus, hujus ita partes implevit muneris, ut insimul Ecclesiastes curas minimè prætermiserit, quod apud nostrates frequentissimo in usu est. Varia itidem ea tempestate lucubravit atque edidit opera, quibus plura deinceps adjecit typis in Europa, quò se con-



## AN

contulit in Hispaniæ Provinciam reversus, facile doctissimum invitantibus hominem, non immodicis sumptibus, quem Americani pro editionibus incredibiles deterruerant. Compluti apud Sodales suos annis 1662 & 1664. Moralis Theologiæ professione illustris, multâque aliâ dives eruditione, Magisterij demum laureâ conspicuus fulsit, atque in Supremo Hispaniarum Senatu pro rebus Fidei Censor adlectus fuit, semperque dicendo è suggestu gratus disertis & eruditis etiam auscultatoribus. Plura quidem & cedro digna scripsit à Criticis Gallis Scriptorum sui Ordinis Historiographis multi habita, & recensita ad annum 1675. tom. 2. pag. 658. Sunt autem hispano illa sermone, quæ subdimus, exordientes à cussis in Americâ nostrâ Authore in ea degente.

*Lamentatio Apologetica pro R. P. Abrahamo Bzovio* 1650. in quart.

*America discrimina & Catholica Religionis arumna.* Tlascalæ 1650.

*Constructio sacra augustioris Americæ Templi adversus Cromuuel Angliæ tyrannum.* Tlascalæ 1654.

*Anticertamen: Musarum æstimatio, & ultio Parnasi contra Palestream Sacram dictam.* Tlascalæ 1655.

*Honestæ lachrymæ justique triplicis status dolores, Ecclesiastici, Religiosi, & Prophani.* Tlascalæ 1657.

*Orator Catholicus.* Matrity, apud Didacum Diaz de la Carrera 1658. in quarto.

## AN

*Virga vigilans, obligatio & munus ecclesiastici Principis.* Matrity, ex Typographia ejusdem Didaci Diaz de la Carrera 1659. in octavo, pro ut extat in Bibliotheca Collegij Maximi Mexicani Societatis JESU. Aliam in quarto editionem Madritanam Critici Dominicani recensent.

*Jesu-Christi tormenta.* Compluti 1659. in quarto.

*Panegyris dicta Congregationi à SS. Trinitate nuncupata.* Angelopoli 1651. in quarto.

*Regimen generale, morale, atque politicum in feris repertum & incultis animantibus, ex eorundem naturis erutum & ingenijs.* Matrity, typis Didaci Diaz de la Carrera 1658. in quarto cum figuris. Editio altera ibidem 1668. in quarto.

Atque hætenus memorata lucem aspexere Nostro agente Angelopoli, quæ subnectimus edidit redux in Hispaniam.

*Secunda pars generalis Regiminis moralis & politici in avibus inventi nobilioribus.* Matrity 1670. in quarto. Editio altera Madritana est Bernardi de Villa Diego 1683. in quarto, cui accessere additiones variæ & liber 19. à S. Inquisitione emmendatus, cum figuris.

*Superior, seu Politica pro omni Prælatorum genere.* Compluti, literis Joannis de Valdes 1664. in quarto.

*Clavis aurea æternitatis.* Ibidem in quarto.



*Historia admirabilis vitæ secun-  
di Pauli, Valentia Apostoli S. Vin-  
centij Ferrerij. Matrity 1682. in  
quarto, & post alias editiones, Va-  
lentia, Formis Ludovici de la  
Marca 1702. in quarto, & rur-  
sus Valentia in Typographia Ar-  
chiepiscopali 1729. in quarto.*

*Historia admirabilis vitæ Vene-  
rabilis Matris & Inclyta Virginis  
Rosæ de Santa Maria è Tertio Or-  
dine S. Dominici. Matrity in Offi-  
cina Pauli del Val 1666. in quar-  
to. Iterum ibi, in Typographia  
D. Mariæ Rey 1669. in quarto.  
Rursus ibi Prælo Viduæ Didaci  
Diaz de la Carrera 1670. in  
quarto.*

*Vita Fr. Joannis de Vasconcellos  
Ordinis Prædicatorum. Matrity,  
mox dictis litteris Viduæ de la  
Carrera 1668.*

Quæ sequuntur Author prælo  
parata habebat anno 1664. ut,  
ipso teste, Galli Critici sæpius  
laudati dicunt.

*Pharus sacer, Orator Catholicus,  
cum additionibus.*

*Historia Darocæ addita & aucta  
vitis trium Ordinis S. Dominici  
Sanctorum ejus indigenarum.*

*Historia generalis Ordinis Prædi-  
catorum ab anno 1373. ad usque  
1650. Tomis 6 grandibus.*

*Problemata Aristotelis moralibus  
animadversionibus pro exercitio vir-  
tutum.*

Relatis hætenus à nobis ope-  
ribus, præter Panegyrim n. 9 si-  
gnatam, quæ enarratores latuit  
Gallos, ipsi de Nostro subjun-

gunt: Hic scriptor inter eos sanè re-  
censendus est, qui puriori & elegan-  
tiori Linguâ Hispanâ scripserunt,  
& utinam Annales Ordinis, quos  
post Ferdinandum de Castillo scripse-  
rat (nam à Joanne de Lopez scri-  
ptos ei saltem ratione styli ferunt non  
placuisse) typis ederentur, præsertim  
quæ dicuntur ab eo scripta de Ge-  
nealogia S. Dominici ex antiqua stir-  
pe Guzmanica. Hætenus illi. Qui-  
bus subnectimus similia PP. Bo-  
llandianorum vota, quorum Epi-  
stola sollicitandi gratiâ Mss No-  
stri de hoc argumento insertam  
gallice in Monumentis Trebol-  
tians de anno 1729. asserunt  
Authores Diarij litteratorum His-  
paniæ tom. 5. pag. 202.

185 D. ANDREAS GOMEZ  
DE MORA, Domicilio Mexicanus,  
cujus Natio Patriaque incerta  
nobis, Doctor in jure, atque in  
Regio Mexiceo Senatu Fisci Re-  
gij Curator, edidit hispano ser-  
mone

*Actionem contra D. Franciscum  
quendam Turresum Excmò. D. D.  
Joanni de Palafox, Pro-Regi ac Vi-  
sitatori Mexiceo oblatam. Mexici  
tacitis & anno & Typographi no-  
mine. In folio. Habetur tom. 26.  
Collectionis D. Ludovici de Men-  
doza pag. 402.*

186 FR. ANDREAS DE HER-  
RERA, Natione Mexicanus, cu-  
jus nos Patria fugit, Ordinis Bea-  
tissimæ V. Mariæ de Mercede,  
Redemptionis Captivorum Me-  
xiceæ Provinciæ in Sacra Theolo-  
gia Magister, quam ut & Philo-  
so-



sophiam Sodales docuit, reliquit  
Mss.

*Cursum Philosophicum:* Qui ex-  
tat in Bibliotheca Primarij Me-  
xicei Cœnobij ejusdem Regij &  
Militaris Ordinis, atque in Indi-  
ce librorum, qui ibidem servan-  
tur, refertur ejusdem Authoris

*Tractatus theologicus de peccatis.*

187 F. ANDREAS A SANCTO  
MICHAELE, Natione Mexicanus,  
Angelopoli ortus est Parentibus  
genere & virtute præclaris D.  
Didaco Philippo de Mora, & D.  
Maria de Cuellar, insigniumque  
liberorum gloriâ illustrioribus,  
quorum quatuor JESU Societa-  
tem amplexati fuere; Noster nu-  
dipedis se Carmelitis adjunxit;  
alter Præsbyter secularis & Juris  
Doctor, Canonicatum, ut dicunt,  
Doctorem promeruit Valliso-  
leti Michoacanensium, & post  
Dignitates inibi obtentas, Præ-  
bendam in Metropoli Mexicana;  
reliqui duo Matrimonio æquali-  
bus fœminis juncti honestè vi-  
xere: è filiabus, duæ itidem no-  
bilibus datæ conjugibus, altera  
monialibus Mexicani Monasterij  
S. Laurentij addicta, mirum in  
modum virtutibus claruit, atque  
ejus vita typis commissa multis  
admirandisque scatet exemplis.  
Noster sub optimâ disciplinâ pri-  
mos ubi peregit annos, Latinita-  
te instructus & Philosophiâ, Theo-  
logiam in Universitate Mexicea  
audivit, cum ab alijs, tum etiam  
à clarissimis viris D. D. Joanne de  
Butron, Primario sacræ Facultatis

Antecessore, & Isidoro de Sa-  
riñana Sacrorum Biblorum In-  
terprete, post Episcopo Goaxa-  
censi, quibus usum fuisse Magi-  
stris gloriabatur jam senex, ut ab  
ipso non semel accepimus. Nec  
Theologiam dumtaxat excoluit,  
sed etiam Jurisprudentiam, inge-  
nio scilicet comparatus ad omnia,  
& tempestivè dedito Minervæ la-  
boribus. Laureis itaque Academicis  
redimitus, Deo ipsum ad subli-  
men vitæ statum vocanti respon-  
dit, nudipedum Carmelitanorum  
Institutum professus, quo in Or-  
dine & perfectioris vitæ exem-  
plis ita refulsit, ut Præfecturas  
egerit in Monasterijs varijs etiam  
Mexicano, quod Provinciæ ca-  
pud est; & Magisterio potitus  
trinam Sodalibus Theologiam è  
Cathedris dederit, Scholasticam,  
Mysticam, & Biblicam, in qui-  
bus & in Morali quoque insignis  
erat.

188 Adhæc in Historia ec-  
clesiastica satis doctus, Criticæ  
peritus, & Poescos cultor egre-  
gius, latinis æque ac hispanis  
Musis admodum familiaris, nu-  
mineque donatus prompto jux-  
tâ & acuto: Præter Principes, &  
clariores inter editos Poeticæ Au-  
thores, & audierat & legerat in-  
signes Mexicanos, quorum, ut  
se dabat occasio, epigrammata re-  
citabat, uti sæpe colloquentes au-  
divimus, ut subinde doleamus  
vita eum excessisse priusquam de  
Bibliotheca nostra cogitarentus,  
quam auctiorem credimus prodi-



turam, si viveret, multa priscorum scripta nostratum eo nobis suggerente, quæ modò nos latent. In concionando facillimus erat, pro multa qua pollebat eruditione, quam ingeniosè & ex artis præscripto adhibebat in præfixa sibi argumenta tornatasq; bellè orationes. Ex tempore etiam dicebat per inde quasi præmeditatò, acciditq; in Cathedrali Ecclesiâ Mexicæ, ut casu tardante Sodali sui Ordinis Sermonem habituro coram Capitulo frequentissimâque coronâ, ipse, qui aderat inter auditores, suggestum ascenderit sacrum, tamque scitè diceret & ad rem, quam à doctissimo sperari posset non imparato. Ob hæc, gesta que religiosæ vitæ præclara Sapientibus & gravibus hominibus multo erat in pretio, ipsisque etiam Principibus, in primis autem Excellentissimo D. D. Ferdinando de Alencastre, Duci de Linares, Novæ Hispaniæ Pro-Regi, qui cum viros disquireret coleretque eximios, Nostro addictissimum sese dedit. Obijt in Angelopolitano Conventu. Scripsit librum, quem Augustini de Mora, germani fratris nomine obtectum edidit, pro ut in ejus Censura opportunè & disertè detexit vir amplissimus D. D. Joannes Ignatius de Castorena, postmodum Episcopus Jucatanensis, in quo libro & Funerem pompam in Metropolitano Templo Mexiceo institutam justis persolvendis Catholico Hispaniarum Regi Carolo II histo-

ricè aperit, & Poemata cum hispana, tum latina, quæ ipse honorario Tumulo ornando composuerat, datis symbolis, & incisis laminis explicat. Titulum autem hispano sermone operi hunc fecit:

*Deficiens Sol priusquam ad meridiem ascenderet.* Mexici, typis Joannis Josephi de Guillena Carrasco 1701. in quarto.

Aliam edidit narrationem historicam solennissimâ, quæ per dies octo habita est Mexici, pompæ pro Sancto Joanne à Cruce, Carmelitarum Excalceatorum Patre, Sanctorum fastis adscripto, quæ, quoniam cèpta est eximio Urbis gaudis, & gestientibus omnibus, decima quinta Januarij die, quæ quondam funestissima, indeque toto Orbe notissima fuerat à tumultuante plebe; occasionem auctori dedit opusculum sic inscribendi:

*Secunda quinta decima Mexicana Januarij.* Mexici, litteris Josephi Bernardi de Hogal 1730. in quarto.

Alter etiam ejusdem liber

*Sermones complexus varios,* editus est ab Amico D. Joanne Garciaarena de Iturieta, qui Mss secum cos in Hispaniam asportaverat sibi commodatos, voluitque restituere typis commissos, Gadibus apud H Christophori de Requena 1724. in quarto.

Alias itidem publicavit conciones, nempe ijs nominibus:

*Fatigatio & quies Christi in mulieris à Samaria conversione Principi christi.*



AN

*christiano juxtà ac politico in exemplum exhibita. Oratio habita in Regio Palatij Mexicani Sacello coram Pro-Rege & Regalibus Auditoribus, cæterisque curiæ Ministris. Mexici, Formis Michaelis de Ribera 1703. in quarto.*

*Gratiæ abyssus: Panegyris Sancti Francisci Assisatis. Mexici, typis Viduæ Bernardi Caldron 1699. in quarto. Extat tom. 74. Collectionis nostræ.*

*Solutæ melioris manus Abneris Excmi. D. D. Ferdinandi de Alencastro Noroña & Silva, Ducis de Linares, Novæ Hispaniæ Pro-Regis. Funebris declamatio habita in ejusdem anniversaria parentatione in Conventu S. Sebastiani Carmelitarum Mexicanensi.*

*Adjicitur Descriptio honorarij tumuli ibidem erecti, quam unàque ejusdem Poemati Author ipse disposuit. Mexici, apud Hæredes Viduæ Michaelis de Ribera 1718. in quarto. Habetur t 27 Coll. nost.*

*Ponderator animarum egregius S. Michael Archangelus. Mexici, in Typographia Joannis Francisci de Ortega 1721. in quarto. Extat tom. 2. Collectionis nostræ.*

*Eximie succus sanctitatis, S. Teresia à Jesu. Mexici, in Officina Joannis Josephi de Guillena Carasco 1720. in quarto. Legitur tom. eodem.*

Graviora quidem, & numero plurima mansere opera Mss è quibus prætermitimus

*Theologicas Disputationes, suis è Cathedra Discipulis traditas,*

AN

quòd ipsarum argumenta nos fugiant, itemque pulcherrima varij generis carmina latio & patrio concinnata sermonibus, commendantes memoriæ

*Duodecim Concionũ tomos in quarto.*

Quos vidisse testamur unàque nobiscum Doctores alios, qui rusticabamur prope Cuyuacanensem Villam, in Oppido Santangelano Carmelitarum insigni, in quo degente eo tempore Nostro qui cum familiariter agebamus, visendi & colloquendi cum gratiâ non semel convenientes, litterariam scrutantes suppellectilem, in mox dictos libros incidimus, queis hinc inde curiosè lustratis, mirati sumus non tam optimos characteres & apices, quam nullibi castigationibus & lituris notatos, cum tamen Authographi essent, fatente nobis ingenuè Authore, numquam se usum adversarijs, aut trascriptionibus aliquando vacasse: Credimus aservari Codices in Angelopolitano Conventu ubi vivere desijt Noster. Placet adjicere è multis, quæ fudit, carminibus, visam à amico

*Vitam S. Mariæ Magdalena dimetris hispanicis alternis versibus assonis pulchrè conscriptam.*

Et eodem idiomate

*Conciones plures in obitu Mariæ Aloysiæ Hispaniarum Reginæ.*

189 F. ANDREAS A SANCTO MICHAELE, Natione Hispanus, Assedoniæ natus anno 1577. Domiciliũ Mexicanos inter sibi constituit anno 1598. quo Angelo-



poli in Conventu nudipedum Carmelitarum Institutum amplexatus in statu Laicorum, omnium exemplis virtutum & Sodalibus & exteris profuit. His eximiam in Mathematicis peritiam disciplinis adjunxit, quæ juxta ac religiosis moribus admirandum se præstitit quoad vixit, scilicet annis 46 optimè in familiâ Beatissimæ Virginis de Morte Carmeli transactis. Abijt ad plures Salvaterræ anno 1644. Pro ea qua erat instructus doctrinâ Architecturæ, à Superioribus destinatus fuit, ut ædificandis sacris Ædibus ibidem pro Familia sua insisteret, remque ut ex arte fieret & operas ritè moderaretur. Egredia lucubrasse opera Authores sunt nobis qui *Historiam reformati Carmelitarum Ordinis* conscribere tom. 6. lib. 23. cap. 39. & P. Martialis à S. Joanne Baptista in Bibliothecâ Scriptorum ejusdem Ordinis nudipedum p. 17. penes quos habemus sequentia, quæ in Tabularijs servantur Angelopolitani Cœnobij.

*De Architectura, in folio magno.*

*De modo exhauriendi subterraneos latices.*

*De motu Cælorum.*

*De Merito Beatissimæ Virginis Mariæ mathematicè comprobato.*

190 F. ANDREAS MOGUER, Natione Hispanus, inter Bæticos in Oppido à quo accepit cognomen, lucem aspexit, genitus à Parentibus minimè obscuris, à quibus christianè educatus, Sal-

manticam missus est studiorum causâ. Ubi Grammaticæ operam dedit in Academia, Conventum S. Stephani Dominicanorum insignem adivit, Ordinique eidem votis adscriptus, Philosophiam & Theologiam coluit egregio fructu. Quod verò multa virtutum specimina daret, aptusque natus juvandis proximis videretur, à Superioribus in montana haud multum dissita missus, ut rusticos incolas doctrinam christianam doceret, libens & pedes cum socio, emendicato victu, eo functus est munere, ceu velitatione quadam Apostolici quod apud Americanos non multò post erat obiturus officij. Nam zelo divinæ amplificandæ gloriæ ductus, illectusque observantiâ Mexicanæ Ordinis sui Provinciæ, cujus nomen celebre jam erat Europæ, anno 1535. comitem se dedit Fratribus eam petentibus cum Patre Dominico de Betanzos. Mexici constitutus, gentisque donatus idiomate, cui addiscendo strenuam dedit operam, majorem ut posuit regulari disciplinæ ad unguem servandæ, Deoque inserviendi diligentissimè, dignum se præstitit, qui præcipua reget Cœnobia, Deffinitorque Provinciæ fuerit electus, & demum Provincialis 8 Septembris anno 1550. Ad hæc Præsentatis, ut dicunt, adscriptus pro meritis, & à primo Novæ Hispaniæ Pro-Rege D. Antonio de Mendoza à sacris Confessionibus allectus, &

S.



## AN

S. Inquisitionis Censor destinatus, omnibus isthæc numeris explevit officia, Deum semper præ oculis habens, uti in ipsum omnia dirigeret.

191 Mexicano, Angelopolitano, & Goaxacensi Cœnobijs, quæ deinceps trium capita Provinciarum nobilissima fuere, tunc cùm Mexicanæ S. Jacobi subiciebantur Prior datus, nullum non movit lapidem, ut ab ea qua florebant observantiâ & austeritate mirabili, deficerent minimè, clariora imò illustrioraq̃ evaderent. Canonicis diurnis juxtâ nocturnisque horis persolvendis in choro aderat, semper in eam curam intentus, ut devotissimè dicerentur, cantuque ad sui Ordinis constituta accommodatissimo, libris optime ad intentum paratis, numeroque multis, qui pluteo in singulis choris dictorum mox Conventuum ornatui essent & usui. Perpetuum otio bellum indixit, se nunquam à labore feriari passus, aut suos à præscriptis operibus, quorum transgressionem, prudenter licet, non sinebat inultam. Orationi, quam dicunt mentalem, quatuor singulis diebus horas destinatas habebat, queis cœlestia attentissimè meditabatur. Jejunium exactissimè ad Ordinis regulas, imò supra ipsas servabat, somnum breve admodum capiebat, nunquam illud non rumpens ut media nocte precibus matutinis adesset, adeo ut cùm Provincialis esset,

## AN

& longè dissitos Conventus visitaret, chorum tamen media peteret nocte sacras cum socijs preces dicturus, lassitudine ex itinere molestissimo detentus nequitquam, quod pedes semper agebat, totos quinquaginta annos non usus equo vel rheda, quamvis plurima in Hispania & America, istiusque difficillima loca perambulaverit.

192 His in Deum officijs pictatis plurima in proximos adjungebat, frequentissimis concionibus ad populum habitis, auditisque confessionibus, sive Hispanorum, sive Indorum, quos inter libentius versabatur, & quibus multo tempore sacra jussu Superiorum administravit. Diligebat ipsos tenerrimè, & non modò christianis imbuendos disciplinis suscipiebat, sed comitem se dabat & ducem in via perfectionis, per quam eorum multos deduxit. Injurias facilè eis illatas à potentibus, nitebatur propullare, Sodalesque ad similia miseris ferendum subsidia scriptis hortabatur & voce. Qua erat apud omnes, in primis autem apud Pro-Regem existimatione, pro Dei gloria in hominum salute utebatur, quamvis id non nullorum invidiam moverit, qui insidias ei propterea perstruxerint, ut & bono detraherent nomini, & gratia ipsum Principis, imò & ipsius Dei spoliarent. Quòd enim Authore Andrea Pro-Regem à se postulatis



ris obstitisse intelligerent, qui iniqua ausi petere fuerant, conjunctæ ipsis sanguine fœminæ, nobili insimul & impudentissimæ persuaserunt, illius ruinam ut moliretur. Simulavit ægram se expiari sacrâ confessione velle, quam ut exciperet vocavit Andream, quem accedentem, & sine testibus, quod & Socius & domestici recessissent, è lecto, in quo decumbebat, fucatissimis advenerem provocavit illecebris. Exhorruit quidem ille his auditis, qui eximiè semper castitatem coluerat, multisque facinus detestatus, ut ipsam delicti pœniteret conatus est; at ut insilere vasserimam vidit, admirandum in modum elusit hanc, per inde quasi lipsanothecam Socio traditurus, ne Dei in se iram excitaret, si minus religiosè sacra haberet, egrediensque è cubiculo, è domo etiam aufugit, Deo, qui victoriam concesserat, grates referens multas, adversarijs ipsis mirantibus, remque, ut fit, amicis secretò dicentibus, ut sub inde paulatim ad plurimos notitia deveniret, Nosterque longè illustrior evaserit.

193 Porro tot inter virtutes charitas hominis eminebat, qua Angelopolim ductus, Indis Cœnobio suo concreditus, seu Parochiæ, in ultima licèt constitutus ætate, diligentissimè ministrabat. Vertebatur annus 1576. à sævissimâ peste Indos devastante infestus, nigroque signatus lapi-

llo, atque conjunctâ languori eximiâ quidem ægrotantium fame, nec minori rerum inopiâ, mirum fuit quanta pro eorum auxilio ille egerit. Paupertatis amator bonis orbatu reliquis, libros tantum Superiorum licentia pro suo & statu & usu ut habebat, omnibus valedixit, venditisque, pretium in alendos miseros posuit. Mane casus eorum & mappalia circumire incipiebat, totumque ad noctem usque, hinc inde discurrendo, diem jejunos transibat, paratos eisdem cibos operâ suâ, distribuens, confessiones excipiens, ægros sacrâ inungens unctione, cæterisque misericordiæ operibus curans. Cum verò Angelopoli lues cessasset, & in Mexicanis confinijs latius scripsisset, Azcapuzalcum petijt, similibus ægros officijs curaturus, tanto quidem labore, ut morbum ipse alium contraxerit, tam illum gravem, ut qui nescius fuerat cedere multis, huic demum cesserit, & permiserit in Conventum deferri Mexicanum, in quo sacris munitus omnibus, diem clausit extremum, suis & Urbi mœsticiam, posteris autem nomen æternâ dignum laude relinquens, & digna cedro opera scripta, quorum aliqua Dominicanorum Bibliotheca novissima PP. Echard, & Quetif tom. 2. ad annum 1576. pag. 236. recenset ex Nostro Davila Padilla Andreæ acta lato calamo conscribente in Historiâ Provinciæ Mexicanæ à cap. 83.



AN

83. pag. 262. & sequentibus. Sunt autem illa hispano sermone.

*Historia S. Dominici Provinciae Mexicana.*

*Sermones de Tempore & de Sanctis duobus tomis.*

*Liber Exemplorum.*

Præter hæc asservantur alia in Bibliotheca primarij Conventus Goaxacensis Ordinis Prædicatorum, quæ ab ejusdem accepimus PP. subnectimusque, majore etiâ luce donatis quæ mox dedimus, opera.

Scilicet tomus unus in quarto ejusdem Authoris manu notisque brevitate causa multis conscriptus 400 folijs constans, in quibus tercentum Sermones breves de Adventu, Quadragesima, Mysterijs & Sanctis: item que 34. Exhortationes diversi argumenti inveniuntur.

Tomus alter etiam in quarto folijs ad calcem mutilus pluribus, *Lectiones complectitur breves, veluti succum operum S. Gregorij Magni in Ezechielem, Jobum, atque in Libros Regum, item Epistolarum è duobus primis libris ejusdem Gregorij.* Folia hic tomus habet supra tercenta septuaginta novem minutissimi characteris. Ex his quæ Author ipse in Proœmio mox dicti tomi scribit, habemus ab ipso alia itidem lucubrata, nempe

*Decem aut undecim Codices. Pro Novitiorum eruditione duos, quorum unum inquit stare Mexici, Angelopoli alterum, propriâ conscriptum manu. Accedit alter Epistolarum ad Superiores Provinciae suæ,*

AN

*aliqua antiqua afferens monumenta pro juvandis in omnibus miseris Indis.* Post hæc adjicit *Lectiones* quas diximus *Gregorianas*; & folio 303. notat illuc usq̃ scriptis finem imposuisse 15 Maji 1567. Tandem annectit *Epistolas ad viros destitutas egregios*, usque ad folium 379. eruditione gravitateque divites.

Meminerunt Andreæ, præter citatos, Antonius de Leon Pine-lo in Bibliotheca sua addita tom. 2. col. 715. Nicolaus Antonius in Bibliothecâ Hispaniæ Novâ, Torquemada in Monarchia Indica tom. 3. lib. 15. cap. 17. p. nobis 41.

194 D. ANDREAS MORENO BALA, Natione Mexicanus, nobilibus Mexici Parentibus genitus, atque honestè educatus, latinis instructus litteris, & in Collegio Maximo Societatis JESU Mexiceo Philosophicis, laureâque Academicâ in Universitate redimitus, Jurisprudentiæ professoribus se adscripsit, & Scholæ cursus ac tentamina exegit multa inde donatus eruditione, laudeque conspicuus, ut subinde & in Foro Mexicanensi Causarum Patronus renunciatus fuerit, & in Academico Doctor in Jure Canonico constitutus, & in Ecclesiastico Archiepiscopatus pro ejusdem Fisco tuendo Promotor dictus. Hoc egregiè functum munere fuisse argumento est, in tanta candidatorum multitudine, Sedeque Mexicanâ, & plenâ V. D. D. Francisco de Aguiar & Sei-



xas ipsam tenente, & eo mortuo vacante, & iterum, suffecto D. D. Joanne de Ortega Montañez, plenâ; ab officio remotum minime, atque Superioribus dictis & Reipublicâ perplacuisse. Certè mansuetudini insitæ sibi zelum ita junxerat & prudentiam, ut intricata quæque facili negotio componeret, gratus subinde non modò ecclesiasticis Principibus, sed etiam Pro-Regibus, qui eorum etiam operâ uti amabant. In Jucatanensem Provinciam à Metropolitano delegatus, ut causas ibi pendentes admodum arduas in gradu, ut forenses dicunt, *Appellationis* absolveret, itinere terrâ marique peracto, illas omnium plausu expedit, reversusque ad propria, iterum Angelopolim missus Sedis Apostolicæ Delegatus in negotio insignis S. Ludovici PP. Dominicanorum Collegij, muneri satis fecit citra offensionem: nec aliter & Mexici & extra commissa sibi alia munera explevit. Dein, quòd & in Universitate pro Cathedris petendis egerit candidatum, & in Ecclesiâ Mexicanâ pro Canonicatibus & Parochijs, regendisque animabus à litteris & exemplis visus fuerit aptissimus, Curio designatus est ditioni de Tenango, quam plures annos Pastoris diligenter obitis munijs administravit, quo usque ibidem è vivis decessit. Scripsit quidem multas & doctas pro suo munere juris Allegationes, è quibus typis datam invenimus.

*Defensionem pro Josepho de Lombeida* in folio, tacitis anno & Typographo, ut in his fieri tunc usque solebat.

195 FR. ANDREAS DE OLMOS, Natione Hispanus, propè Occaniam inter Burgenses pijs & honestis Parentibus natus, primis transactis annis intra eorundem lares, adultior factus, Olmos dictum locum prope Valli- soletum, unde ipsi cognomen inditum, in Sororis conjugatâ domum transivit, atque studijs se dedit Jurisprudentiæ ad annum usque ætatis vigesimum, quo valedicere Mundo secum constituit, Deoque famulari in Ordine Minorum. Itaque Franciscanis adscriptus in Conventu Pinciano Provinciæ Conceptionis, virtutem, quam semper coluerat, impensius excoluit, ipsi devotus & sacris litteris addiscendis. Cœnobio per id tempus del Abrojo nuncupato præerat P. Joannes de Zumarraga, vir litteris & religiosis exemplis oppidò clarus & insignis, destinatusque à Quæstoribus Fidei, Carolo V. Cæsare unâque Catholico Rege insinuante, pro veneficis sagisque à Cantabriæ finibus propulsandis, socium sibi Nostrum in id negotij delegit; cùmque mox ab eodem nominatus Carolo fuerit Episcopus pro Mexicanensibus nuper detectis ac subjugatis, feudalem itidem ipse Andream sibi voluit in eas regiones, qui trahendis in causam Domini innu-  
me-



## AN

meris ovibus eterno præparatus fuerat consilio.

196 Ex quò, anno 1528. Noster Mexicum petijt, virum acturus Apostolis quam simillimū, se ad labores exantlandos durissimos comparavit, & quòd vix Evangelij semen jaci in vastissimis Regnis cœperat, asperiora que & longissimè dissita, nullo prædicationis lumine essent donata, ea sibi peragrandia imperterritus sumpsit. Prius autem quam operi se accingeret, Linguis potioribus latiusque in Provincias effusis instrui decrevit, & certè, Deo ejus annuente votis, quinque non minus exactissimè calluit, quas Torquemada censet, scilicet, *Mexicanam, Totonacam, Tepehuanam, & Guaxtecā* (quamvis Berancurtius præterierit tertiam) adeò ut libros infra indicandos tribus usus conscripserit. Interea verò atque hæc sibi parabat subsidia, multis se in Proximorum bonum addixit laboribus, quos inter meritò computandus Lectoris, quod gessit munus, Latinitatis in Collegio Imperiali de Tlatelolco à Sancta Cruce nominato, pro Indis erudiendis, magno quidem fructu, constructo. His præmunitus armis, in primisque eximio amplificandæ gloriæ Dei zelo, & Indorum salutis promovendæ, mirum est quot terras, pedes semper, inambulaverit, inaccesa montana subierit, valles amplissimas fuerit emensus, fluvios tranave-

## AN

rit, antra transilierit & inhospita rescua. Ad hæc, non carnem aut triticeum panem, non vinum & nobiles cibos, aut deferbat secum, aut mendicabat, cum ea quidem tempestate, & etiamnum in remotissimis illis vijs & locis lautitias cogitare quidem possis, invenire etiā decumano pretio non possis. Insuper, climata in his sæpe varia offendeat, Sole valdè propinquo adusta, animalculis plena molestissimis, multisque alijs refferta incommodis. Nullum tamen gravius aut periculosius gente illa, *Chichimecas* vocant, penitus barbarâ, Thraciæ, & quavis aliâ feroci meritò comparanda. Quamquam enim infamibus hisce notis inurendæ minimè sint Mexicani, Tlascalenses, Michoacanes, & multorum aliorum Indi Regnorum, qui superstitioni licet deditissimi, ut Romani quondam & Nationes multæ aliæ, humanasque simulacris suis hostias mactaverint, ceterà instructi erant artibus, & moribus donati politicis; haud ita remotissimi homines illi, istis etiam infensi, qui veluti à furijs aut bestijs oriundi nulla contineri causa, nullis claudi penatibus, nullo nisi ferino depasci cibo amant, arcu perpetuò & sagittis armati, ut exterum quemque configant.

197 Noster tamen hæc veritus neutiquam, regiones adivit, ceu belluarum latibula, circum oras maritimas, Panucum, Tam-



picum, & Floridae confinia, plusquam quadringentas leucas à Mexico distantia: cicurare Barbaros omnibus curavit officijs, ipsosque & humanitatem docere & Evangelium, Dei protectus favore, quo sine brevi de ipso actum fuisset. Multoties sagittis in eum jaculatis, in sagittarios recidentibus, eorum ipse bono servatus, Christo illos dein lucrificavit. Ignita quandoque in ædiculam à se è palea constructam pro sacris agendis, malo dæmone instigante, jacula Indi missere, ut flammam fugientem confoderent; quin propterea aut domuncula confligaret, aut ipse mali quid pateretur: queis obstupentes se illi dedere, audiendæque, quam prædicabat, Fidei. Certè ex illis multos, & ex alijs plurimos Jesu-Christo filios genuit per Evangelium, quos pascere modis omnibus satagebat: in quem finem septem varijs atque inter se diffitis in terris Conventus, ut ut res ferebant, construxit. Tanta certè Barbaros admiratio viso eo auditoque, & quæ diximus portenta, ceperat, ut è longinquis montibus & silvis quadraginta circum leucis venientes, monita salutis exciperent & sacrum lavacrum, magno habentes in honore Dei servum, adeò ut, eo vitâ jam functo, Religiosum quemque Franciscanum videntes, se illi, positis sagittis, submitterent, interea dicentes, Andreas, perinde quasi hujus ipsos nomen recrearet, cogeretque mæ-

suescere. In Rempublicam coactis doctisque cum pietate humanitatem, gravior erat in dies, christiana inculcans, Sacramenta ministrans, & omnibus omnia factus.

198 Mexico deductum ut Provincialibus adesset Comitijs, tenere eum in Urbe Fratres cogitabant, miserti hominis ægra valetudine afflicti ob assiduos labores & climatum intemperies, queis tamen ipse obstitit, solenne sibi & frequenter repetitum intonans apothegma: *Progrediamur cum Cruce*. Interea peragi curavit in frequentissimâ hominum multitudine confluentium ad Primariam Mexicanorum Parochiam à S. Josepho nuncupatam, coram Pro-Rege D. D. Antonio de Mendoza, & Episcopo D. D. Fr. Joanne de Zumarraga Comædiam sacram, quæ postremi Judicij diem graphicè à Prophetis & PP. delineatam ob oculos poneret, eximio quidem adstantium fructu, qui salutaris perciti horrore, abstinere à vitijs, & virtutem sectari sibi metipsis facile persuasere. Nec diu ipsi subsistere Mexici licuit asperrima cogitanti aquilonis loca *Chichimecarum*, imò verò statim ea petenti, quòd infausi venientes inde nuntij firmarent, illos rebellasse in Hispanos, resque propterea omnes præsentissimo esse in discrimine. Nil cunctatus Andreas, infirmitatibus præpeditus iter arripuit, quo usque Indos transfugas & in montibus obfirmatos convenit,



AN

nit, & ferventissimâ monitos oratione reduxit, atque ad pristinam cum Hispanis amicitiam attraxit. Nempe, Deo ipsi opitulante, ardua quæque vincebat, egregijs virtutum exercitijs semper intentus, & cœlestibus donis cumlatus. Nam multis fuisse ornatum eximijs, inconfesso fuit omnibus acta viri noscentibus.

199 Præter linguarum peritiam, sapientiam, & scientiam, prophetico quædam lumine vidit atque prædixit, scilicet, nepoti cuidam suo eventura perinde narravit & flevit coram Socio, ut deinceps visa sunt contigisse; & ægroti confessionem excipiens, se quoque post horam eum morientem sequuturum edixit, vaticinio statim impleto. Atque, ut alia prætereamus, bono collocare in lumine oportet illud, quod cum esset in Tampico, mortem suam coram multis palam denuntians, repente lux globi instar igniti circum ipsum ambivit. Ubi verò extremum sibi diem instare cognovit, vomica ipsum jam diu malè torquente, convocatis familiaribus domus, in qua degebat hospitio acceptus, gratitudinis ergo suppellectilem omnem suam illis divisit, coronam piacularem, grana quædam benedicta, flagella & cilicium, quibus macerari consueverat, pronuntiansque Symbolum Fidei, animam Deo reddidit 8. Augusti, si Martyrologio standum Franciscano; si Torquemadam

AN

verò sequamur, 8. Octobris anno 1571. quadraginta tribus in Apostolico munere sanctissime collocatis. Illico vultus ejus splenduit, adstantesque miro recreati odore fuere, qui nuper putidum vix ferre aposthema potuerant: audita fuit cœlestis harmonia, quæ multos per annos die obitus Servi Dei recurrente percipi solita, multos in sepulchrum ejus, devotionis, alios curiositatis gratiâ trahebat.

200 Fuerant non nulli qui viventi Andreæ detrahentes, Dei in ipsos provocaverant iram, quorum unus, eo defuncto, facti pœnitens in cadaverem provolutus, ejus pedes deosculabatur, lachrymisque & suspirijs veniam petebat, Sanctum plenis buccis eppellans hominem, & insuper palinodiam recantans, publico instrumento exarato; qui tamen pro Dei in ipsum misericordiâ penas in hac vita luiturus, passus est cancerum, labia, quibus in Dei servum fuerat abusus, corrodentem & vultum, quo purgatus morbo, ad similes destinata Mexici Domo, obiit. Alter verò, qui Andreæ nomini propterea obtrectaverat, quod ejus ferre monita salutaria nolebat, atque in malo perstitit obstinatus, ad extremum deveniens, expiari sacra confessione non potuit, etiâ præsentibus Sacerdotibus, pessimâ peccatorum morte post luem contagiosam multatus. Alia legenda dimittimus volenti Lectori



ri apud Torquemadam in Monarchia Indica tom. 3. lib. 20. à cap. 40. pag. 472. & Betancurtium in Menologio pag. 83. die 8. Augusti, qui scripta ejus sequentia referunt.

*Artem Linguae Mexicanae,*

Quam admodum singularem & eruditam nuncupat Torquemada, seque ea usum pro idiomate funditus addiscendo & Religiosis tradendo.

*Dictionary Linguae Mexicanae.*

*Judicium extremum Linguae propositum Mexicanâ, seu sacra ejus argumenti comedia.*

*Documenta à Mexicanensibus Dominis suis filiis exhibita.*

Quem forte Tractatum indicare voluit Nicolaus Antonius Nostro adjudicans *Problemata quaedam doctissima eâdem Mexicanâ Lingua.*

*Librum de septem sermonibus eodem idiomate.*

*Tractatum de septem peccatis capitalibus & ex eis natis, eodem idiomate.*

*Tractatum de Sacrilegijs, eodem sermone.*

Scimus eorum aliqua à Nicolao Antonio aliter tradita, cui tamen reffragamur autoritate Torquemadae præ manibus omnia habentis, atque pro dignitate expendentis. Præterea Noster composuit

*Artem pro addiscendâ Lingua Guaxtecâ.*

*Dictionary Linguae Guaxteca.*

*Doctrinam Christianam eâdem Lingua.*

*Methodum pro Confessione sacra eodem idiomate.*

*Sermones varios, Lingua itidem Guaxtecâ.*

*Artem adipiscendi Linguam Tonacam.*

*Dictionary ejusdem Linguae.*

His operibus Americanis Linguis compositis, adjunxit hispano alia sermone,

*Librum de Hæresibus à P. Fr. Alonso de Castro conscriptum latine, hispanis translatus carminibus, multo, ut Torquemada loquitur, artificio, eruditione, doctrinâ & curiositate.*

*Duas insignium Rabbiorum Epistolas ( quarum una inserta habetur inter Theologica S. Antonini de Florentia ) hispanè conversas.*

Præterea conscripsisse Opuscula alia quorum argumenta non explicant, testantur Torquemada & Betancurtius, quibus Opusculis meritò addendum venit ab Antonio de Leon Pinelo in Bibliotheca sua Occidentali col. 711. Editionis Madritanæ novissimæ relatus

*Tractatus de Antiquitatibus Novæ Hispania.*

Meminerunt Nostri, præter jam dictos, Uvadingus, Arcturus in Martyrologio Franciscano, Fernandez Dominicanus in Historia Ecclesiæ nostri temporis lib. 1. cap. 17. pag. 65. Avarca in Orbe terrarum Scriptorum cala-



## AN

lamo delineato, verbo *Mexicus*; Franciscus Gonzaga, Antonius Daza in Historia Ordinis Minorum, & ejusdem Ordinis Bibliotheca tom. 1. pag. 68. & tom. 3. in Apendice, ubi hæc habet: *In Ecclesiæ Toletanæ Bibliothecâ, pluteo 17. n. 7. extat hujus Andreae Ars, & Vocabularium Mexicanum Mss. ac editum Mexici anno 1555. in quarto, vidi. Addimus, & nos vidisse in Bibliothecâ Conventus Franciscanorum de Tlanepantla Authographum hujus Artis Mexicanensis Linguae in quarto, & ad calcem Colloquia Mexicani parentis filium suum ut virtutem sectetur hortantis: Colophonis loco hæc hispano sermone leguntur: Esta Arte fue echada en el Monesterio de Sant Andres de Uvitalpalm, à gloria de Nuestro Señor Jeshu Christo año de su nacimientto 1547. Nempe: Ars ista facta fuit in Monasterio Santandreaano de Uvitalpalm ad gloriam Jeshu-Christi Domini nostri anno ab ejus natiuitate 1547. Forte is quem vidimus liber ipse est, quem penes se habuisse testatur Betancurtius, qui de Guaxtecanâ Linguâ conscriptis asseuerat stare in Opido Ozoloama dicto, apud Tampicum, Bibliopecti confutos operâ, ut à testibus oculatis acceperat. Ita ille in de illustribus Provinciæ suæ Scriptoribus pag. 138. num. 9.*

201 D. ANDREAS DE ORTEGA VALDIVIA, Mexicanus saltem Domicilio ( quoniam Natio ejus & Patria nos præterit ) flo-

## AN

rult apud Michoacanenses, Doctoris gradu insignitus, & in Ecclesia Vallisoletana dignitate Cætoris ornatus, S. Inquisitionis Commissarius, & pro Cruciata expeditione subdelegatus, dignus majoris premij, ut inquit Aegydius Gonzalez Davila in Theatro illius Ecclesiæ pag. 135. Ipso referente, composuit vernaculo sermone

*Descriptionem actorum Illmi. D. D. Fr. Marci Ramirez de Prado Episcopi Michoacanensis, & illustrium ejusdem Ecclesiæ Virorum.*

202 P. ANDRES PEREZ DE RIBAS, Natione Hispanus, Cordubæ natus anno 1576. postquam Sacerdotio initiatus fuerat, Institutum JESU Societatis amplexatus anno 1602. ut scribit P. Ribadeneira in Bibliotheca sua, nondum absoluto tyrocinio in oras appulit Mexicanas, Provinciam Familiæ suæ in Nova Hispania florentissimæ petens, ut Sodales in salutis Indorum negotio iuvaret. Et sanè sua Deus vota ex animo edita cumulavit, quòd in longinquas dimissus Orbis novi Nationes, à Mexicanis multis distitas parasangijs, 16. annos in barbaris edocendis Fidem & Pietatem christianam posuerit. Dein Præfecturas egit, subditis acceptissimus, tum Collegij Maximi Mexicani, tum Domus Professæ, tum etiam universæ Provinciæ, à qua Romam Procuratoris titulo fuit delegatus. Coaluit eo tempore Congregatio Generalis octava Socie-



cietatis, cui ipse interfuit cum Jure suffragij. Mexicum repetens iterum Professorum Domui Præpositus, pristinos redorsus labores pro Dei gloria & animarum lucris, ad mortem usque illis incubuit, quam propè octogennarius oppetijt die 26. Martij 1655. Edidit hispano sermone

*Epistolam de morte & virtutibus P. Joannis de Ledesma, qui obiit Mexici anno 1636. Mexici anno eodem in quarto.*

*Historiam de Triumphis S. Fidei inter gentes barbaras Mexicani orbis per Missiones PP. Societatis Jesu. Item Superitionum, Portuum, Climatum, & variorum quæ ibi evenire. Matriti, apud Alphonsum de Paredes 1645. in folio.*

His à Bibliotheca Societatis adductis, itemque à D. Nicolao Antonio in Bibliotheca Hispanâ (qui duos ex Nostro uno facit Andreas) subjungimus Mss quæ ipsos in tanta distantia latuerunt.

*Historia Societatis Jesu in Provincia Nova Hispania.*

Hanc citat P. Florencia cum in Historia à se composita & edita ejusdem Provinciæ pag. 138. n. 144. tum in *Origine de insignibus novæ Galliciæ Sanctuarijs*, signatim pag. 5.

*Æstimatio eterna Beatorum gloria, ad quam Deus hominem destinavit, quam que ipsi cruoris sui pretiosi effusione emit. Extat idiomate hispano in quarto in Bibliothecâ Collegij Maximi Mexicani SS. AA. Petri & Pauli.*

Meminit etiam Nostri Ægydius Gonzalez Davila in Theatro Ecclesiæ Novæ Cantabriæ p. 243. Itemque Antonius de Leon Pinelo in Bibliotheca Occidentali addita, qui & si cognomen de Ribas prætereat, opinamur, Nostrium & non alium indicare, dum col. 151. P. Andreæ Perez recenset Authorem duplicis alterius opusculi, hispanicè editi in folio, scilicet,

*Responsi ad Proposita V. D. D. Joannis de Palafox, de redditibus Collegiorum Mexici & Angelopolitani Societatis Jesu.*

Columna vero 808 Mss. A qui in Bibliotheca Barciana asservatur Mantuæ Carpentanorum, etiam hispanicè

*Responsorum ad varia de rebus Indiarum quesita sibi facta à Joanne Diaz de la Calle, cum aliquibus monitis.*

Nam Chronologiâ inspectâ temporum, quibus & Noster in Europam profectus est, & Joannes Diaz de la Calle sua elucubrabat Indica Monumenta, & negotium vertebatur reddituum Collegiorum Societatis JESU, rectâ trajectione isthæc à Nostro opella fuisse scripta conficitur.

Demum P. Joseph Cassani in de Glorijs secundi Societatis Jesu seculi, seu de Illustribus ejusdem viris tom. 2. qui ordine ad Eusebianos 8 est, in vita P. Thomæ Basilij, Nostri memoriam habet pp. 452. 453.

203 ILLMUS. D. D. F. ANDREAS



DREAS QUILES GALINDO, Natione Mexicanus, in Provincia de Zelaya, Diœcesis Michoacanensis nobilissimis genitoribus ortus, pro imbibendis litteris in Mexicæ Universitate ejusque Collegijs, violacæ apud Regium & Antiquius S. Ildelfonsi trabecâ insignitus, inde Gymnasia Maximi SS. AA. Petri & Pauli Societatis JESU, Academiæque nostræ frequentavit, à quæis Latinitate doctus atque Rhetoricâ, Philosophiam postquam & Theologiam excoluit, laureas retulit minervales haud pœnitendis eruditionis fructibus. In Patriam reversus, Seraphici Ordinis alumnis adscribi discupiens, voti compos effectus est in Provinciâ Michoacanensi, quæ à SS. AA. Petro & Paulo cognominatur. Ubi religiosa nuncupaverat vota, ita moribus & doctrinâ probari Superioribus & Sodalibus perrexit, ut opportuno jussus tempore fuerit Palæstram inire, instituereque & Philosophicis & Theosophicis disciplinis tyrones, Cathedris utriusque Facultatis præpositus, quas totis annis 15. strenuè moderatus est, atque inde honestissimâ donatus missione, Emeriti Lectoris privilegia retulit & honores. Alijs in Familia claris muneribus, & apud Mexiceum Fidei Consistorium à Censuris Theologicis destinatus, in Europam Pro-Minister Provincialis à Michoacanensi mox dicta dimittitur, curæque suæ & in agendis

rebus peritiæ negotia mandantur, ceu Indicarum Provinciarum Generali Procuratori; quibus industriè & sapienter tractatis, nomen sibi comparavit egregium. A Catholico Hispaniarum Rege Consiliarios inter adscriptos suos, unâque Pontifex Nicaraguensis Ecclesiæ Americæ nostræ electus, hanc itidem aggressus Provinciam strenuè, pastoralis se officio mancipavit. Porro vastissima loci distantia, infrequensque commercium, ejus in Episcopatu actuum nos destituit notitia, quæ subinde, inviti licet, necesse est prætereamus. Edidit hispano sermone

*Apologiam pro conservatione Apostolici Collegij Urbis Queretarensis.* Matriti, in folio anno 1714. cujus meminit Bibliotheca Franciscana tom. 3. inter Appendices littera A.

Eadem linguâ publicavit

*Absolutam Descriptionem Provinciarum, Climatum, Montium, Fluviorum, Portuum, ac Littorum Novæ Hispaniæ Excmô. Comiti de Frigiliana Regij Indiarum Consilij Præsidi nuncupatam.* Anno 1707. in quarto. Quam & si dicta Bibliotheca tacito loco & anno editionis prodijse in lucem dixerit; Pinelus tamen in Bibliotheca Occidentali col. 772. annum 1707. designat.

His addimus

*Supplicem libellum ab Authore Regio Consilio oblatum de earum negotio Parochiarum Iucatanensium, quas Ordinis Sodales Franciscani te-*



*ment ac regunt.* In folio, tacitis loco editionis & anno, habeturque in Bibliotheca D. Ludovici de Mendoza inter Opuscula nondum compaginata.

Ineditis *Philosophicis, Theologicis, & Oratorijs* elucubrationibus cēsendis prohibemur, quod ipsarum tituli latent nos.

204 D. ANDREAS SAENS DE LA PEÑA, Natione Canariensis, apud Fortunatas Insulas natus, in Americam Mexicanam profectus, Collegio Majori Divæ Mariæ & omnium Sanctorum Mexici adscriptus, atque ejusdem Rector, Doctoris pileum in Universitate nostra promeritus, Domicilium sibi constituit Angelopoli, regente Ecclesiam illam V. D. D. Joanne de Palafox, cui à secretis fuit: Parochiam celeberrimā ac fidelissimā Urbis Tlascalensium administravit, Pastoris curas in commissas sibi oves sedulò exercens, unde inter Canonicos ascitus Angelopolitanos Dignitate Archidiaconatus effulsit. Munere cum vacaret Curionis, Præsulis sui ac Domini D. Joannis de Palafox mandato composuit, atque publici Juris & usus fecit

*Manuale SS. Sacramentorum juxta Pauli V. Rituale formatum.* Mexici, ex Typographia Francisci Robledo 1642. in quarto.

Archidiaconus autem majoris operæ librum à se conscriptum suo justis de causis tacito nomine typis commissit hispanis, nomine Didaci de Lemus Parochi

Villæ de Pedraza apud Segovientes, scilicet

*Vitam V. M. Mariæ de Jesu Angelopolitana, in Monasterio Purissimæ Conceptionis professæ.* Anno 1683. in quarto, pro ut tradit Antonius de Leon in Bibliotheca Occidentali addita col. 846. quamvis nulla Nostri mentione factâ, cujus divinare latens nomen haud poterat.

205 F. ANDREAS DE TORDEHUMOS RIBERO, Natione Mexicanus & Patria, S. Augustini in Provincia SS. Nominis JESU Novæ Hispaniæ clarissima Institutum sectatus, Magistrum audit in theologicis, juridicis, & multis alijs eruditissimum Fr. Alphonsum à Vera-Cruce, Universitatis Mexicæ Theologiæ Professore Primarium, à quo optimè institutus, egregius ipse Theologus evasit, Juris haud imperitus, latinèque non mediocriter elegans, & propterea viris gravissimis meritò acceptus, ut ex Epistolis ad ipsos datis, & ab eisdem acceptis cernere est in libro, quem statim indicamus à se conscripto, videlicet

*Apologia Theologica de interioribus animæ actibus & libertate voluntatis humanæ, applicationeque Sacrificij Altaris. Accedit Dissertatio luculenter juxta Sacri Tridentini Concilij sanctionem agitata, de contrito & non confesso, habitâ copiâ Confessoris idonei, Sacramentum Altaris sumente.*

Approbatus à Mexicanis Academicis



AN

demix & alijs Antecessoribus Liber editus est hispanis typis Merina anno 1581.

Authorem & Opus in sua Nicolaus Antonius Hispania Bibliotheca novâ recenset pag. 70.

206 P. ANDREAS DE VALENTIA, Natione Mexicanus, apud Michoacanenses in loco Argentifodinis insigni Guanajuato illustribus genere parentibus ortus, anno ætatis suæ 19. & salutis nostræ 1597. Societati JESU sese junxit, unus futurus ex illustrioribus doctrinâ & virtute viris, quibus Novæ Hispaniæ Provincia scater. Postquam Philosophiam tradiderat, aliasque Theologiæ Cathedras moderatus fuerat pro egregiâ in Scholasticis, Moralibus, & Positivis rebus eruditione, successor datus fuit in Primariâ Collegij Maximi Cathedrali clarissimo P. Joanni de Ledesma, Mexicanensi. Eiusdem in Moralibus Responso sæpius petita, magni à doctis sunt habita, & prætermisso ejus nomine, ab alijs in publicum data, ut legimus in Bibliotheca Societatis JESU à P. Sotuelo aucta pag. 60. Consulebatur frequentissimè à Pro-Regibus, Archiepiscopis, Cathedralium Capitulis, & Ordinibus religiosi, tantique ejus opinio fiebat, ut nonnumquam Pro-Rex quidam ab ea quam conceperat sententia commodisque suis non parvi momenti propterea recesserit, quòd oppositam à Nostro probari rescijisset. Ad hæc

AN

virtutum ornamentis efulsit, præsertim demississimæ humilitatis, paupertatis egregiæ, obedientiæ eximiæ, & castitatis admodum claræ. In extremâ constitutum infirmitate insignis moribus femina Dei nomine docuit, miraculo hætenus inter vivos servatum ut Novæ Hispaniæ consilio esset, brevique decessurum, qua propter se ad extremam horam pararet. Supremo ipse Numini addictus ex animo, ejus se voluntati commisit, & egregiâ animi quiete ad mortem aptavit, quam pijsime aspexit Rectorem agens Angelopolitani Collegij à Spiritu sancto nuncupati die 11 Januarij 1644 ut legere est in Menologio à P. Oviedo edito anno 1747 à quo memorata discrepat Bibliotheca Societatis JESU, emortualem Nostri diem 12. Januarij, annum verò 1645. assignans. Edidit hispano sermone, quæ Bibliotheca ipsa recenset opera, scilicet,

*Vitam P. Joannis de Ledesma Societatis Jesu.*

*Vitam P. Alphonsi Guerrero ejusdem Societatis.*

His addimus sequentia:

*Pro Apostolico ac Regio S. Cruciatæ Tribunali Mexiceo, è quo, ceterâ contentione remotâ, ad Supremum ejusdem Hispaniarum Consilium unice liceat in disceptatione qualibet tendere & provocare.* Extat tacitis, ut usus ætatis ferebat, nomine Typographi & loco editionis, excussum opus anno 1636. in folio, tom. 2. cui titulus, Con-



*rentiones de Jurisdictione & Auxilio, Collectionis Mendozianæ.*

Graviora, quæ elucubravit opera, injuria licet temporis non compareant, prætermitti tamen omnia haud debent, cum exploratum sit scripsisse etiam, ut solenne est cunctis in hac Provincia Artium Professoribus,

*Cursum integrum Philosophiæ, Summulas, Logicam, Physicam, Metaphysicam, Animasticam, de Ortu & Interitu Cæloque libros complexum.*

E Theosophicis, quos dictavit, Tractatibus habemus inter cymelia nostra egregium Mss constans dispp. 24

*De Incarnatione Verbi Divini.*

Alios libenter indicaremus, quos inviti prætermittimus, quod eorum nos præterierint nomina & fugerint.

207 FR. ANDREAS DEL VALLE, Natione Hispanus, Vallisoleti natus, in Portu Brigantino Dominicanorum habitu assumpto, atque solenni emissâ professione, in Americam demum translatus, ferventius inserviendi Deo in lucrandis animabus Indorum zelo, Provinciam instituti sui de Chiapa & Goatemala maximè illustravit egregiâ sanctitatis opinione, quam religiosissimæ vitæ exemplis meruerat, & post se reliquit. Scripsit hispana lingua

*Sermonum tomos 3.*

*In Bullam Adriani VI. Indiarum Provincialibus religiosis privilegium, quod Omnimodam dicunt, concedentis, Opusculum.*

*De generatione & corruptione totum latinum.*

Asservari omnia Authographa in Bibliotheca Conventus Dominicanani de Goatemala ejusdem PP. datis ad nos litteris attestantur.

208 ILLMUS. D. D. F. ANDREAS DE UBILLA, Natione Hispanus apud Cantabros in Provincia de Guipuscoa, Urbe aut Villa nobis incomperta natus, subindeque nobilis genere, studijs & Domicilio Mexicanus, vir fuit clarissimus. Adolescens Mexicanum advectus, dotibus egregijs instructus, atque ære non exiguo ditatus, nuntium dare mundo speique in eo proficiendi, ut uni Deo vacaret famulareturque studiosissimè, secum constituit, atque Ordinem Prædicatorum in Conventu Mexicano professus est 23. Julij anno 1559. Excultus litteris admodum accuratè, quas ibi à Sodalibus accepit, dein è Cathedra docuit Philosophiam atque Theologiam, inter Magistros Ordinis tempore suo ex jure relatus, & in Universitate Mexicæ Theologi laureâ Doctoris cinctus 16. Septembris 1678. ejusdem Facultatis Vespertinum egit Antecessorem. Imperiale Mexiceum Cænobium, quod Sancti Jacobi Provinciæ Primarium est, bis tam rexit prudenter & religiosè, quam qui maximè. Præibat exemplis cunctis, seu in choro Dei laudes canentibus, seu prandentibus in triclinio, seu alia alibi agentibus



AN

tibus. Officinas quotidie invisebat, Fratribus tam ægrotis, quam valentibus, benè ad victum, vestitum, & cœtera quæ illa cumque necessaria suppeditabat, vigenti subinde regulari in omnibus observantiâ. Ædes quoque Cœnobij ipsas amplissimas pro multorum numero Sodalium ædificavit. A Goaxacensibus, qui unâ adhuc cum Mexicanis Provinciâ tenebantur, Prior Conventus præcipui sui electus, peræque se gessit, magno cum religiosæ disciplinæ emolumento. Nec secus Angelopoli Collegium à S. Ludovico nuncupatum, primus ei Rector datus, studiosissimè procuravit. Tandem Provincialis institutus canonicè, late patentem ditionem suam omnibus ut in dies florentiorem dotibus & virtutibus redderet, perdius & pernox cogitabat, laboribus semper intentus multisque negotijs, valetudine nequiquam firmâ.

209 In Hispaniam ad Philippum II. publici desiderio boni profectus, ut Gubernatorem his in partibus non admodum opportunum compesceret, Regem adivit, Crucifixi, quam è collo suspensam Imaginem tulerat, ob oculos ponens, ejusque obtestatus nomine, uti Mexicanensibus eo in negotio rebus occurreret; quem ut Prudentissimus Hispanorum Monarcha excepit, Visitatorem destinavit Episcopum Tlascalensem, ac non multo post Novæ Hispaniæ Pro-Regem con-

AN

stituit D. D. Ludovicum de Velasco ( cui Noster à sacris confessionibus fuit secundò Mexicanum tenenti clavum ) Novem non amplius mensibus in itinere ac negotio eundo & redeundo insumptis, redux in nostra Andreas, postmodum anno 1592. die 5. Martij à Rege in Episcopum de Chiapa præsentatus, atque ecclesiastico ritu inunctus, Ecclesiæ suæ regendæ totum se dedit, quam cum in concernentibus spiritum rebus auxit, tum etiam in cœteris. Sacellum majus, id est, principem Templi partem longiorem fecit, sacra pro decentiori altaris ministerio paramenta donavit, argenteam item lampadem, è qua jure coram Eucharistico Sacramento lumen fulgeret, idque genus alia ultrò in Dei gloriam detulit. Charitate conspicuus in omnes, Indos potissimum recens Fidei aggregatos complectebatur maximo rei christianæ incremento. Regionem de Soconusco dictam Ecclesiæ suæ adjunxit, quam etiam ornavit, erecto pro Virginibus nobilibus & egenis, Cœnobio ab Incarnatione nuncupato anno 1595. ære quidem alterius, proprijs tamen officijs & curis: nec enim tot sumptus ferebant Ecclesiæ suæ redditus, quos insu-mebat omnes in Dei cultu & pauperum subsidio, ipse tenui mensâ contentus & habitu, undantaxat Pontificali reformatis dissimilis Religiosis, primitivos



redolens Ecclesiæ Prælatos. An-  
nos ubi novem exegerat Chia-  
pæ, in Michoacanenses infulas  
destinatus, priusquam Litteras  
translationis acciperet, in Cœlum,  
ut piè credimus, transferendus  
obiit mense Majo anno 1602.  
sepultusque fuit in Ecclesiâ sua  
Cathedrali hac ejus sarcophago  
incisâ hispanâ inscriptione:

*Hic jacet*

*D. Fr. Andreas de Ubilla  
In Sacra Theologia Magister,  
Hujus Cathedralis Episcopus annis  
novem.*

Scriptit tomos duos, quorum  
primus est

*In Primam secundæ Divi Thomæ  
à questione 49 usque ad quæst. 89.  
Extat Mss. anno 1572. operâ &  
calamo P. F. Dominici à Cruce,  
in Bibliothecâ Conventus Domi-  
nicorum de Goaxaca, in quarto.*

Secundus verò tomus hunc  
præfert titulum: *Prima pars D.  
Thomæ Doctoris Angelici dignissimi  
cum annotationibus R. P. Fr. An-  
dræ de Ubilla, Lectoris optimi: à  
questione 1. usque ad questionem 43.  
anno 1575.* Habetur in eadem  
Bibliothecâ Dominicanâ de Goa-  
xaca, ut compertum nobis est  
litteris inde ad nos datis. Autho-  
ris meminere Ægydius Gonzale-  
z Davila in Theatro Ecclesiæ  
de Chiapa pag. 197. P. Alphon-  
sus Franco in Historiâ Mss Pro-  
vinciæ Dominicanorum Mexica-  
næ lib. 1. cap. 42. & Magister  
Burgoa in Geographica descriptio-

ne, seu Historia Provinciæ Præ-  
dicatorum de Goaxaca tom. 1.  
qui est secunda pars ejusdem Hi-  
storiæ ( si quidem primam Pa-  
læstræ titulo donavit ) cap. 19.  
fol. 87. Plaza in Chronicis Mss  
Universitatis Mexicanæ lib. 2.  
cap. 3. n. 27. & cap. 25. n. 233.

210. P. ANDREAS DE VE-  
LASQUEZ, Natione Mexicanus,  
Patria Goatemalensis, adoles-  
cens JESU Societatem in-  
gressus, & Scholasticorum votis  
emissis, humanioribus litteris  
apprimè excultus, magnos in Phi-  
losophicis & Theologicis fructus  
est consequutus, gradumque Pro-  
fessorum quatuor nuncupatis vo-  
tis adeptus. Angelopoli in Colle-  
gio S. Ildefonsi triennium po-  
suit tradendæ publico in Thea-  
tro illo auditoribus multis fre-  
quenti, Philosophiæ Aristotelicæ,  
quam rursus triennio altero ex-  
hibuit in Collegio Maximo Me-  
xicano confertissimæ multitudi-  
nis. Sexenium aliud Theologicis  
in eodem Collegio Cathedris mo-  
derandis incubuit, Provinciæ So-  
dales in primis imbuens, & Mo-  
rali doctrinâ, & quæ ad Scholæ  
palæstram attinet indeque dicitur  
Scholastica. Majoribus eo iti-  
dem in Gymnasio præfuit studijs,  
donec Præfecturis Collegiorum ab  
admodum Reverendo Familiæ  
Generali Præposito destinatus,  
Angelopolitana cœpit incolere &  
moderari, in quibus ad obitum  
usque cum laude religionis & pru-  
dentia versatus sui desiderium



AN

Socijs alijsque doctissimis viris reliquit. Opera ejus quæ versantur in Discipulorum manibus recensemus. Sunt autem illa

*Integer Philosophiæ Cursus constans*

*Summulis.*

*Logica.*

*Physica.*

*Metaphysica.*

*Animastica: Libris de Ortu & Interitu &c.*

*Theologia verò ita habent.*

*Tractatus de Visione Beatifica.*

*Tractatus de Beatitudine.*

*Tractatus de Divini Verbi Incarnatione pars prima.*

*Tractatus de Divini Verbi Incarnatione pars secunda.*

*Tractatus de Justitia & jure.*

*Tractatus de Mutuo, in quarto.*

His accedunt Conciones multæ & ad mores & panegyricæ hispano sermone, Prolusionesque variæ & Carmina latino idiomate.

Rectorem agens Collegij Angelopolitani à Spiritus sancto dicti, edidit

*Vitam Joannis Gomezij, ejusdem Societatis Coadjutoris, ut dicunt, temporalis formati, religiosisque conspicui virtutibus.* Anno 1748. Angelopoli ut characteres indicant, in quarto, quam habemus in Collectaneis nostris t. 71 in quarto.

211 FR. ANDREAS VICENTE, Natione ut videtur Mexicanus, Provinciæ Sancti Evangelij Franciscanorum alumnus, scripsit hispano sermone

*Testimonia pro viris Religiosarum*

AN

*ejusdem Instituti apud Cænobium de Atrisco pridem florentium.* Anno 1682. Mss ut legimus in Pine-liana Bibliotheca novissimæ editionis tom. 2. col. 840.

212 D. ANDREAS DE VIVAR, Mexicanus Domicilio, fin minus Natione & Patria nos prætereuntibus, causarum Patronus apud Regium Novæ Hispaniæ Senatum, edidit

*Allegationem pro semetipso in favore fundatam,* tacitis & anno & Typographo, ut quondam in hiscriptionibus fiebat, extatque in folio tom. 13. Collectionis D. Ludovici de Mendoza.

213 P. ANDREAS XAVIERIUS GARCIA, Natione Hispanus, Patria Bituricensis Diocesis, è Provincia Societatis JESU, cui juvenis se addixerat, in Mexicanam ejusdem Instituti trajecit. Quatuor nuncupatis Deo votis professus, multis in Familiâ & Republicâ ministerijs insignis est. Philosophicis & Theologicis ornamentis, quibus scatet, egregiam in Mexicano idiomate peritiam jam diu addidit, cujus linguæ usum & elegantiam non nullos docuit. Indorum apud S. Gregorij Mexicæ Collegium confessionibus excipiendis quondam multumque deditus, egregio eisdem in sacris fuit adjumento & concionibus & alijs officijs. Plura & primaria quidem rexit Collegia, totique Præpositus Provinciæ Novæ Hispaniæ, religiosè juxta & prudenter mun-



nera gessit. Illmô. Archiepiscopo Mexicano D. D. Fr. Josepho de Lanciego & Eguilaz, viro doctrinæ & sanctæ vitæ dotibus, Ecclesiæ antiquioribus Patribus comparando, acceptissimus, comes fuit in vastissimæ Diœcesis iteratis visitationibus, in quibus Archiepiscopus consilio ejus utebatur & operâ, cum ad Indorum aliorumque eruditionem atque solatium, tum etiam pro id temporis occurrentibus varijs & arduis. Illmûs. pariter D. D. Joannes de Lardizaval & Elorza, Angelopolitanus Episcopus, mox laudato Archiepiscopo vitæ & doctrinæ, cœterisque decoribus dissimilis nihilo, peræque illum habuit, sociumque sibi itidem lustraturus ditionem adhibuit. Præpositum Domus Professæ in præsentiarum agit. Habitam à se Orationem in obitu V. Angelæ Xaveriæ Joannæ Mariæ Josephæ, Capuccinarum Cœnobij Virginum Angelopoli Fundatricis & Abbatissæ, Illmô. Angelopolitano, quem mox memoravimus, Principi exposcenti, typisque datur, commisit, qui addita ad easdem sacras Virgines Nuncupatoriâ publici juris fecit,

*Sermonem in Exequijs ductis R. M. Angelæ Xaveriæ &c.* Angelopoli, litteris Viduę Michaelis de Ortega 1733. Extatque in Collectaneis Nostreis tom. 67. in quarto. Author habet præterea Mss non pauca à se elucubrata.

214 ANGELOPOLIS, Urbs

Americæ nostræ nobilissima & fidelissima, ac, post Mexicani Imperij caput & principem Civitatem Mexicum, prima & insignis, condita dicitur frequentissimè ab historiographis anno 1530. Præsede Mexice Auditorij Illmô. Episcopo D. D. Sebastiano Ramirez de Fuenleal, quibus tamen meritò reffragatur Magister Fr. Joannes de Villa in Vita S. Agnetis de Montepoliciano c. 27. p. 134. eo ductus momento gravissimo, quod Episcopus Fuenleal nominatus Præsides Mexice Conventus juridici Mexicum advenerit anno 1531. ut in confesso est eruditissimo Torquemadæ lib. 5 cap. 9. à quo Angelopolitanam epocham cœteri sunt mutuati, Urbis erectionem anno 1530. censentes. Id circo doctissimus ipse Villa, à D. Michaeli Zeron Zapata in Mss Angelopolim conditam anno 1531. scribente, jure pariter optimo abscedens, quoniam anni ejusdem mense sextili Illustrissimus Fuenleal auspicatus fuit Præfecturam, constat autem jacta fuisse Angelopolis fundamenta 16. Aprilis; probabilius sibi habet initam Urbem fuisse anno 1532. idque ab ejusdem primis libris confirmat, anno 1533. primos itidem ordinarios Magistratus nominatos fuisse docentibus. Sita est illa 22. à Mexico leucis ad Orientem in amplissimo solo, quod ea erat tempestate diuque retro infrequens, belli inter ejus quondam incolas Indos & con-

ter-



## AN

terminos causâ. Ea Urbs ut extrueretur optantibus ac petentibus Apostolicis Ordinis S. Francisci viris, qui rem christianam unâque politicam eximio procurabant zelo & labore, concessum fuit, atque eorum unus vir magni nominis P. Thoribius à Motolinia Sacris operatus, immortalis quidem operi initium dedit, confluentibus è non longe dissitis Populis, Indis numero 16 millibus, à quibus lutea id temporis Civitas fuit extructa, optimis tamen lineamentis, & appositissimo ordine ædificata, quæ postmodum omnibus evasit numeris absoluta, interque insignes novi Orbis connumerata, siue nobiles familias amemus, & insignes litteris ac virtutibus viros, siue Ædes prophanas contemplemur expolitissimas, siue magnificentissimas sacras intueamur. In eam anno 1550. translata fuit Cathedralis Ecclesia jam inde ab anno 1526. Tlascalæ condita. Est quidem Angelopolis magnitudine, artificio, ornamentis, & quæ cæteris cumque ambiri decoribus possunt religiosis & politicis, spectabilis & gravissima, atque Ecclesiastico Capitulo admodum clara, ac plurimorum egregij meriti hominum fecundissima. Ad hæc 5 Parochiales Ecclesiæ conditæ fuere, quibus aliæ in subsidium sunt additæ. Religiosa virorum Regularium Cœnobita & Collegia 12. quibus Oratorianæ S. Philippi Neri Ædes accedunt; Sacrarum

## AN

autem Virginum Monasteria sunt 11. & Puellarum Collegia 4: Male nuptarum domus, Pœnitentium alia mulierum, & pro expositis Horphanotrophium: Sodalitia plurima & Congregationes, ac pro exercitationibus S. Ignatij habendis Domus amplissima ad S. Spiritus Collegium Soc. JESU. Athenæis floret omni litterarum genere instructissimis, Reg. SS. AA. Petri & Joannis Collegijs secundum Tridentini sanctiones erectis, in quibus Grammatica, Philosophia, Theologia Scholastica, Moralis, Positiva, & utrumque Jus traditur & accipitur pro Academicis gradibus in Universitate Mexicæ ferendis. Illustre etiam Theologorum Collegium habet majoribus simile. Gymnasia ad S. Ildephonsi Societatis JESU ornatissima, in quibus Grammatica, Eloquentia, & Philosophia, & qualate patet Theosophia omnis exponitur auditoribus pluribus, cum à S. Hieronymi Collegio, tum etiam è S. Ignatij, Societatis JESU regimini subditis, & extraneis alijs in Ildefonsianas Aulas confluentibus. Demum, S. Dominici Martyris nomine Collegium est aliud pro puerulis Grammaticâ efformandis & Musicâ ad Cathedralis Ecclesiæ obsequia, & Ecclesiastica in choro officia agenda destinatis. Xenodochia, idque genus alia pietatis & politicæ argumenta sunt multa, & ornatissimam Urbem decentia. Quæ ad Diocesim, cujus ipsa est caput, spectant



stant quoniam instituti nostri non est ea narratione prosequi, indicare sat erit, latissimè porrectam 168 Ecclesias Parochiales complecti, multaque, præter superius indicata Cœnobia & Valitudinaria, Templaque, Sacella, Oratoria publica pro divinis erecta, ut conjectura non levi putetur numerum 1500 excedere; incolarum autem summam quindecim centena millia hominum superare, eximiâ Dei gloriâ Catholicæ Romanæ Ecclesiæ fide jam diu illis infixâ medullitus, & christianis operibus cultâ. Angelopoleos Urbis nomine habemus edita hæc Opuscula hispano sermone, in quibus latina item legere est Poemata.

*Inferia, seu lugubris pompa ab Illustri, augusta, & admodum fideli Angelorum Civitate habita in obitu Elisabethæ Borbonicæ, Hispaniarum Reg. Angelopoli, apud Emmanuelem de los Olivos 1645. in quarto. Extat tom. 26. Collect. nostræ.*

*Palma nescia marcescere, Symbolum Excmi. D. D. Melchioris Fernandez Portocarrero, Comitum de Monclova, Mexice Pro-Regis, Triumphali excipiendi apparatu ab Urbe Angelopolitana. Mexici, formis D. Mariæ de Benavides 1686. in quarto.*

*Testimonium & Allegatio pro Angelopolitana Urbe in causa de Raciocinijs circa vectigalium administrationem. Tacitis anno editionis & Typographi nomine, in fol. Ejus meminere Urbis Tor-*

quemada in Monarchia Indica lib. 3. cap. 30. Betancurtius in de Urbe Angelopolitana post Menologium à fol. 45. Balthasar de Medina in Chronicis Provinciæ S. Didaci Mexicanæ à fol. 242. n. 835. & seq. Ægydius Gonzalez Davila in Theatro ejusdem Ecclesiæ, Joannes Diaz de la Calle in Memoriali & notitijs Sacris Imp. Indiæ Occid. & plures alij.

215 FR. ANGELUS GARCIA DUQUE, Natione Hispanus, cujus Patria nos latet, Ordinis S. Francisci de Observantia in Provincia S. Jacobi, inde in Apostolicum S. Crucis Collegium de Propaganda Fide Queretarense ejusdem Ordinis advectus, Lectoris Theologiæ munere, Guardianique, ut dicitur, effulsit honore, longe tamen exemplis illustrior & virtutibus fuit, quas prætiosa consequuta mors est 11. Januarij 1725. uti P. Fr. Isidorus Felix de Espinosa in Vita V. Fr. Antonij ab Angelis Bustamante scribit pag. 184. Incœperat ejusdem Bustamantij Vitam Noster ornare, quam morte prohibitus initiatam reliquit. Ediderat tamen à se habitam in ejusdem funere Orationem hispano sermone, scilicet

*Elogium sepulchrale pijs manibus V. P. F. Antonij ab Angelis, Collegij Queretarensis alumni. Mexici, apud Hæredes Viduæ de Lupercio 1712. in quarto.*

216 ILLMUS. D. M. D. FR. AN-



AN

ANGELUS MALDONADO, Natione Hispanus, Patria Occanienfis, Domicilio Mexicanus & muneris, poſtquam in clariffimo S. Bernardi Ordine emiffâ profeſſione Monachum egerat religioſiſſimû, & in ampliffima Complutenſium Univerſitate Moralis Philoſophiæ præpoſitus Cathedræ, cûm in ea expedite Facultate tradenda egregiam laudem tulerat, tum etiam in omni optimè excultus & verſatus Theologiâ; ſecundo hujus ſæculi anno Episcopatum tenuit Antequerenſem, ſeu de Goaxaca ad id muneris deſtinatus à Catholico Rege Noſtro Philippo V, & à SS. Clemente XI Pontifice Summo Apoſtolicis litteris inſtitutus. Paſtoris vigilantiffimi curas zelo, prudentia, charitate, cœterisque virtutibus omnes explevit. Diœceſim admodum amplam, obviantibus montibus diffiſſimam peragratu, intercurrentibus fluminibus periculoſiſſimâ, & multis ab ardente climate incommoditatibus ſcatentem, univerſam non ſemel luſtravit, Paſtoſos exemplis hortatus & verbis, atque oves ipſorum demandatas ſolicitudini prædicatione, confirmationis Sacramenti unctione, cœterorumque pro chriſtianâ vitâ ſubſidiorum miniſtratione paſcens diligentiffimè. Paupertatis cultor, vix neceſſarijs ſibi pro morigeratâ contentus familiâ, redditus Eccleſiæ ſuæ omnes egentibus deſtinaverat & Dei gloriæ, hanc enixè procurans. In-

Pp

AN

de, ſi quos irrepere abuſus in ditionem ſuam aliquando videret, eos illico cohibiturus, cûm modis alijs, tum etiam doctiſſimis agebat concionibus, ut legere eſt in his quas edidit 35. 36 & 37. in quibus de vectigalibus, & inter ſe diſſidentibus negotiatoribus multo tractat ſpiritu & doctrina perutili. Argumento eſt pariter editum à Nicolao de la Barrêda, Parocho ſtrenuo & docto, Reſponſum Noſtro datum, in quo hujus pro Indorum inſtructione & ſalute multa ſe legentibus offerunt ſpecimina.

217 Certè, traditum ſibi à Deo gregem Antequerenſem tanti eſtimabat, ut oblatas ſibi à Rege infulas Orolienſis Eccleſiæ in Regno Valentino conſtanter recuſaverit, ruſusque pro Eccleſia Michoacanenſi, quæ inter Americæ primarias cenſetur, deſtinatus, ei ſe ſubduxerit, litteris cûm hispano, tum etiam latino ſermone datis anno 1726. grates ei eximias rependens pro munere egregio, teſtatus pro conſcientiâ ſua, proprias, quas jam diu noverat oves, hauç dimittere poſſe; & ſi valeret, non aliter niſi cûm diſcrimine vitæ præ dolore deferendum, quas 24 retrò annis paverat, & tenerâ charitate dilexerat. Nec ſegniori in Philippum ipſum Regem amoris flamma & pietatis exarſerat, cujus igniculi promicant in concionibus plurimis legendis in tomo quem infra dabimus, à ſe habitis eo tem-

po-



pore, quo rebus Hispaniæ turbatis, multi à debita Regi nostro fide desciverant; quod icelus longissimè licet ab America abfuerit, huic in juratâ Philippo fide incredibilique erga ipsum amore confirmandæ Orationibus doctissimis institit. Porro, ut gregi suo quotquot posset modis provideret, non se durum ac difficilem in Dispensationibus exhibebat, atque urgente periculo animarum in mora, gravibusque datis momentis, pro ea qua erat in Theologicis rebus peritia, aut solitis à Sede Apostolica Facultatibus sibi traditis utebatur, aut Episkia benèque Romani Pontificis præsumptâ in arduis negotijs voluntatè. Frequentissimè, nec minus erudite ac graviter quam ad auditorum profectum utiliter, nedum in Quadragesimis, sed per annum concionabatur, in hoc reliquisque pastoris muneribus quam diligentissimus. Tandem meritis & laboribus cumulatus in pace quievit, postquam viginti & sex annos suam Ecclesiam optimis curis administraverat. Multa doctrinæ & pietatis monumenta reliquit, quorum indicem exhibemus sequentem. In primis edidit tomum vernaculo idioma- te Orationes complexum 48 hoc titulo

*Orationes Evangelicae.* Mexici, apud Hæredes Joannis Josephi de Guillena Carrasco 1721. in folio.

Ad calcem adjecit *Directorium*

*Spirituale*, jam pridem à se editum seorsim. Mexici, in Typographia Hæredum Viduæ Michaelis de Ribera 1717. in octavo.

Ex his quas in tomo mox laudato legimus Orationibus doctissimis quidem, aliquas etiam seorsim habemus editas, quas subjungimus, plures alias addentes, quas frustra in eo libro quæsiveris. Sunt autem omnes à nobis visæ

*Oratio de S. Terefia à Jesu, Carmelitarum Matre nudipedum.* Mexici, typis de Carrasco 1703. in quarto.

*Oratio de S. Thoma Doctore Angelico.* Angelopoli, ex Officina Sebastiani de Guevara 1703. in quarto.

*Oratio in solennitate S. Crucis de Huatulco apud Antequerenses nominata.* Mexici, è Domo Francisci de Ribera Calderon 1703. in quarto.

*Oratio de Proto-Parente Divo Petro cum gratiarum actione pro Philippo V. salute.* Angelopoli, litteris Didaci Fernandez de Leon 1706. in quarto.

*Oratio habita in Antequerensi Sanctuario, à Solitudine dicto, die SS. AA. Philippo & Jacobo sacra in Regis obsequium.* Mexici, formis de Carrasco 1707. in quarto.

*Oratio habita in nativitate Ludovici I. Hispaniarum Principis.* Angelopoli, litteris Didaci Fernandez de Leon 1708. in quarto.

*Studia in Deum, & Regem septem*



rem *quæsitæ orationibus Evangelicis*. Angelopoli, Prælo Didaci Fernandez de Leon 1709. in quarto.

*Oratio Evangelica de S. Francisco Xaverio*. Matrili ex Typographia Didaci Martinez Abbad 1711. in quarto.

*Exhortatio ad Reformatas Antequerenses Virgines Augustinianas*. Angelopoli, ex Officina Michaelis de Ortega & Bonilla 1713. in quarto.

*Oratio Evangelica habita in actione gratiarum pro victoria à Philippo V. relata apud Viruegam*. Mexici ex Typographia Hæredis V. Michaelis de Ribera 1715. in quarto.

*Oratio habita Mexici in funere sollemnissimè instaurato D. D. Mariæ Aloysiæ de Sabaudia, Hispaniarum Reginae*. Extat edita in libro cui titulus *Luctus Floræ* à P. Luca del Rincon Societatis JESU concinnato. Mexici, apud Hæredes Viduæ Michaelis de Ribera 1715. in quarto.

*Oratio Evangelica, dicta in gratiarum actione pro Philippi V. felicitate*. Ibidem 1716. in quarto.

*Oratio Evangelica de magno Parente & Patriarcha S. Dominico de Guzman*. Mexici, apud Hæredes Lupercij 1716. in quarto.

*Oratio Evangelica de Seraphico Parente S. Francisco*. Mexici, Typis Viduæ Michaelis de Ribera 1716. in quarto.

*Oratio Evangelica in Festo SS. V. Mariæ de Mercede*. Mexici, apud Hæredes Viduæ Francisci Lupercio 1718. in quarto.

*Testimonium ad Regem Mexicanum Senatū probandi ergo aque in Ecclesia Antequerensi auctas fuisse Præbendas quatuor*. Mexici, apud Franciscum de Ribera Calderon 1720. in folio.

*Epistola brevis hispana, latina longior ad Philippum V. Regem Catholicum data, ubi Noster Michoacanenses insulas recusavit*. Mexici 1726. in folio, tacitò Typographi nomine. Extat tom. 5. Collect. D. Ludovici de Mendoza.

*Oratio Evangelica de Magno Ecclesiæ Doctore S. Augustino habita apud Recollectas ejusdem Sanctimonialis Antequerenses*. Mexici, ex Officina H. F. Lupercio 1726. in quarto.

*Exhortatio Catholica: ad Indos Goaxacenses*. Mexici, apud Carrafcolo 1708. in octavo.

218 FR. ANGELUS SERRA, Natione Mexicanus, ortus apud Michoacanenses, Provinciæ Franciscanorum ejusdem Regni à SS. AA. Petro & Paulo nomen fortitæ Alumnus, quondamque, ut dicitur, Custos, Parochusque canonico titulo Pagi de Charapan primum, mox inclytæ Urbis Queretarensis institutus, Tarascanorum idiomatis Magister peritissimus, communisque boni sollicitus, pro juvandis Indis Michoacanensibus ea linguâ utentibus, atque eorum Parochis, edidit

*Manuale pro ministrandis Sanctis Sacramentis hominibus Hispanis & Indis trilingue, scilicet, Latino, Hispano, & Tarasco idiomatibus*. Mexici,



xici, typis D. Mariæ de Ribera  
1697. in quarto.

Porro huic operi utilissimum  
aliud subjunxit à fol. 107. ad fi-  
nem tomi complectens hispano  
& tarasco idiomate

*Catechismum brevem, quondam à  
P. Bartholomeo Castaño, hispanice  
editum. Item*

*Methodum quadruplicem, Taras-  
canum & Hispanum pro excipien-  
dis Confessionibus sacris.*

Paratum habebat geminum  
opus aliud, quod an typis dede-  
rit, nescimus,

*Artem pro imbibendo Tarascorum  
idiomate.*

*Dictionary ejusdem idiomatis.*

Pro ut testatur Fr. Joannes de  
Avila, S. Officij Censor, & Pro-  
vincia S. Evangelij Pater in Ap-  
probatione libri à nobis indicati.

219 D. ANNA MARIA A  
LATERE CHRISTI, Natione Me-  
xicana, Patria Tlascalensis anno  
1650. vel circiter nata, indeque  
Mexicum advecta, atque habitum  
induta Tertij Ordinis S. Francis-  
ci, eximiae virtutis nomine ad  
mortem usque floruit quam op-  
petijt 5 Novembris 1710. Ad-  
modum R. P. Fr. Joannes de  
Luzuriaga, Lector Emeritus, Cón-  
cionator Apostolicus, è Provincia  
Cantabriae, Commissarius Gene-  
ralis omnium quæ in America  
nostra vigent Franciscani Insti-  
tuti, vir multis præditus litteris  
& virtutibus, Directorem se præ-  
stitit & ducem Nostræ in spiri-  
tus via, tot inter muneris am-

plissimi turbas negotiorum ei au-  
diendæ tempora opportunè refer-  
vans, à quo & ejus Acta plurima  
conscripta fuisse testes nobis gra-  
vissimi fidem jam diu fecere.  
Quod verò librum ad manus ha-  
bere non licuerit optantibus, nil  
præterea de insigni referre Mu-  
liere valemus, nisi quod ab eis-  
dem accepimus testibus, attinet  
que ad scripta, quæ proprio ca-  
ractere ipsa reliquit, consignavit  
que R. admodum P. Commissa-  
rio Generali S. Francisci, qui has  
moderabatur Provincias eo tem-  
pore quo ipsa è vivis exivit. Erat  
autem huic intentus muneri R.  
P. Fr. Joannes à Cruce, cui illi  
ipsi qui nobis horum fuere Au-  
thores, universos Codices statim  
ab Annæ obitu tradiderunt. E  
multis, quæ in tot chartarum  
mole, argumentis memoria illi  
tenebant, hæc nostræ succurrunt.

*Vita morsque Jesu-Christi Do-  
mini nostri.*

*Vita immaculata Virginis Dei-  
parentis.*

*Vita Præcursoris Sancti Joannis  
Baptiste.*

*Vita Seraphici P. S. Francisci.*

*Vita inclytæ Virginis Sanctæ  
Clare.*

*Vita Subtilissimi Doctoris Jo-  
annis Duns Scoti.*

Alia præterea multa, quæ si  
Bibliopecti operâ consuerentur  
tomos supra viginti quinque in  
folio conficerent, quoniam varie-  
tati argumentorum & multitudi-  
ni acceperant Gorticæ queis ute-  
ba-



## AN

batur, litteræ. Ubi autem isthæc delitescant nescimus, relinquentes Sodalibus Franciscanis illa disquirere in Tabularijs suis, otium pro eo nobis opere multa quæ nos sollicitant non faciente.

220 D. ANNA MARIA GONZALEZ ET ZUÑIGA, Natione Mexicanensis, Mexici nata, honesto que conjugii juncta, ex quo & filium Sacerdotio initiatum, & filiam suscepit Virginibus Capucinis adscriptam, censeret ipsa meruit inter Parnasi indigenas, bonis instructa litteris, evolvendis dedita eruditorum libris, numineque felici ditata, quo affante multa facili negotio carmina frequenter scribit, non ex artis duntaxat præscripto normæque tornata, sed acumine etiam & eruditione pro rebus idoneâ, opportunè bellèque prædita. Hinc pluris habita à Doctissimis viris primarios inter Poetas comparuit in gravioribus Theatris, quæ Mexici trigesimò retro ab hinc anno, plaudentibus Musis ipsæque gestiente Minerva, nec Apolline invito, suavissimis cantibus insonuere. Nam & in poetica Concertatione, quam Regia Universitas Mexicana indixit pro Ludovici I. Catholici Hispaniarum Regis inauguratione, lauream Anna reportavit promeritam; & in Palæstra Musarum cultoribus à Collegio Majori Mexiceo apud Carmelitarum Templum oblata plaudendi ergo S. Joannis à Cruce Apoteosim, haud sine laude in-

## AN

terfuit & præmio; ac rursus Mexicanâ Academiâ Vates publicis evocante cœneatoribus Ferdinandi VI. Catholici Regis nostri fausta qui pro communibus votis canerent & avibus dextris omnarentur; Poetria nostra gravibus audiendam se numeris dedit, plausibus iterum redimita; ut legere est in libris argumenta, quorum meminimus, ab ovo narrantibus, in primo quidem cui titulus *Litteræ laureatæ* pag. 180. in altero qui *Secunda quintadecima Januarij Mexicea* habet, pag. 664. & in tertio *Colosi eloquentis* nomine insigni pag. 99. in quibus Poetriæ numeri nostræ habentur. Edidit præterea amœnissima opuscula sequentibus titulis prænotata.

*Floridus ramus ab Imperiali Mexicea Civitate SS. Mariæ Guadalupanæ in ejusdem ludis spectaculis que solutus.* Mexici typis D. Maria de Ribera 1748. in quarto.

*Exsiccatæ Melpomenæ lachrymæ in solenni Ferdinandi VI. proclamatione.* Mexici eisdem formis 1750.

*Suscitata pulchræ Caliope gloriæ in publicis spectaculis habitis Mexici pro Ferdinandi VI. inauguratione.* Mexici, in eadem Officina, sed tacita.

221 D. ANTONIUS DE ALCALA ET MENDIOLA, Natione Mexicanus, Angelopoli ortus, Sacerdotioque insignis, in Mathematicis disciplinis doctissimus, supputandis Monialium, quæ Episcopo Decæcesis subsunt, omnium



nium reddituum numeris destinatus, annis quinque supra triginta Diaria pro Ecclesiasticis persolvendis Officijs edidit, variasque tabulas pro anni tempestatibus alijsque conjectandis ex arte tradidit; graviora ad Mathematicas spectantia relinquens Mss, quæ cujus signatim argumenti fuerint, prætermisit diligens cæteroquin Scriptor D. Didacus Bermudez de Castro, in Syllabo Angelopolitanorum scriptis illustrium ad nos dato.

222 D. ANTONIUS DE ALDERETE, Natione Mexicanus, cujus patria nos fugit, in Academia nostra Sacræ Theologiæ infulam Doctoris adeptus, Sacerdotio, quem Canonicatum dicimus, in Ecclesia Guadalaxarensi Novæ Regni Galliciæ capite, aliquando potitus, pro Mexicano ad Conciones habendas destinato in Palestra Sapientum concertaturus aderat, cum Illustris Clericorû sub Protoparentis Divi Petri nomine militantium Congregatio nuper defuncto Goatemalæ Episcopo, qui eos inter censebatur, viro clarissimo Doctori D. Bartholomæo Gonzalez Soltero, Mexicano, quondamque Apostolico Fidei in hacce Hispania Nova Questitore, ut justa persolveret præsentibus S. Inquisitionis Proce-ribus; injunxit Nostro uti Funebrem laudationem intexeret, atque è sacro suggestu diceret, quam etiam edidit hispano sermone, atque ita habet

*Concio habita in exequijs ab Illmâ. Congregatione S. Petri Mexicea coram S. Inquisitionis Tribunali peractis, pijs manibus Illmi. D. D. D. Bartholomæi Gonzalez Soltero Goatemalensi Episcopi. Mexici, typis Viduæ Bernardi Calderon 1650. in quarto.*

Noster in Ecclesiam suam Guadalaxarensensem reversus, auctusque Dignitatibus, primam tandem post pontificalem adeptus fuit, ibidemque non inglorius supremam diem egit anno 1678. mense, ut videtur, Januarij, cujus memoriam habet Robles in Diario fol. 106. col. 2.

223 F. ANTONIUS ALEXOS, Natione Mexicanus, apud Chalchiguites, Coloniam à fossili argento celebrem, ortus, Franciscanis de Observantia dictis in Provincia Zacatecanorum religiosâ professione sociatus, à Philosophiæ & Theologiæ Cathedris, quibus regendis quindecim annos posuit, Lector Emeritus, dein Minister Provincialis anno 1613. solennibus Comitijs destinatus, eo defunctus strenuè fuit munere. Scripsit,

*Philosophiæ Cursum ad Scoti mentem, & Theologiæ Tractatus varios.*

Præterea tomum 300. folijs, hispano sermone, constantem, cui titulum dedit:

*Homilia in Evangelia totius anni.*

Argumenta porrò ejus multa variaque esse, cum ad Cœlites elogijs colendos multis, tum ad for-



## AN

mandos mores, testis nobis est R. admodum P. Fr. Josephus Arlegui, in Cathalogo Scriptorum Provinciae suae, nobiscum communicato, à quo etiam accepimus, asservari librum in Cœnobio Frâciscanorum ad Villam à Dei nomine nuncupatam.

224 D. ANTONIUS ALVAREZ, Natione Mexicanus, cujus nos Patria latet, Præbyter à virtute comendatus & litteris, Philosophicis Theologicisque satis excultus, atque Academicis laureis redimitus, primum in Collegio Divi Pauli & Purissimæ Conceptionis Metropolitanæ Ecclesiæ Mexicanensis Cathedram Philosophiæ publicè rexit, dein Parochijs Curio datus varijs, singulas accuratè quidem administravit, & postremò de Maninaltenango dictam, in qua præmaturâ morte obiit. Scripsit

*Philosophiæ Cursum, Summulis, Logica, Physica, Metaphysica, cæterisque Tractatibus Aristotelicorum usu constantem.* Extat Mss in Discipulorum scrinijs.

225 F. ANTONIUS AB ANUNCIATIONE, Natione Hispanus, Patria Cordubensis, Domicilio Mexicanus, Excalceatorum Carmelitarum Institutum in Cœnobio patrio Provinciae Baticæ à S. Joanne Baptista nuncupatæ professus, dein Nostri adscriptus, cum reformatæ, quam colebat, vitæ virtutibus, litteris tum etiam efforuit, Prælaturasque gessit insignes: asperrimum unâque am-

## AN

plissimum Mexicanæ Provinciae Desertum Vicarij nomine moderatus, & Angelopolitano Conventui præfectus Prior, fortèque alijs clarus muneribus, quæ nos fugiunt. Reliquit Mss idiomate hispano

*Descriptionem historicam S. Mexicanæ Provinciae Deserti*, in quarto, cujus exemplar transcriptum anno 1703. vidimus in Bibliotheca Collegij Cuyoacanensis, seu S. Angeli Carmelitanorum.

*Devotionarium pro gerendis in vitâ horaque mortis.* Mss in octavo. Extat ad S. Angeli.

Authoris & operis primi meminit Doctor Gomez de la Parra in Historia primi seculi Terefianarum Angelopoli florentium pag. 3.

226 P. ANTONIUS ARIAS, Natione Hispanus, Mexicanus Domicilio, Societatis JESU Labaro nomen dedit, sub quo optimè meritis quatuor se Deo votis mancipavit. Egregium ejus paucis elogium verbis contexuit vir incomparabilis P. Antonius Nuñez de Miranda, ejusdem Instituti lumen clarissimum, quod nostras infra multas illustrabit paginas. Is scilicet Doctor clarissimus Sanctimonialibus, quarum in cœlestia dirigebat spiritus, dono dedit à Nostro compositum librum pro religiosâ Virgine instruendâ, cui proprio Nuñez caractere & subscriptione solita Authoris notitiam præfixit, testatus fuisse primum Sacrorum Biblio-

rum



rum Interpretem, qui divinas e Cathedra litteras in Collegio SS. AA. Petri & Pauli Mexico tota que Provinciâ Societatis JESU Novæ Hispaniæ tradiderit: Doctissimum plenis bucis apellat, & admodum sanctum, atque Purissimæ Deiparenti Virgini additissimum, quæ se illi multoties dederit conspiciendam, signatim que aliquando vernantibus rosis redimitam. Ad hæc, P. Floren- cia in Menologio Provinciæ No- væ Hispaniæ 10. Junij ijs suffra- gatur, testatus, quidquid illi tem- poris superesset, totosque feriatos ab Scholæ laboribus dies oratio- ni tradidisse in loco à strepitu longe sejuncto. Ter singulis an- nis pedes adibat Sanctuarium 9. à Mexico milliaribus distitum, ab insigni miraculis icone Deiparen- tis Virginis de Remedijs nuncu- patum, à qua postremò inibi sa- lutatâ pretiosam in conspectu Do- mini mortem obrinuit, domesti- cis unâ & exteris lachrymabilem, quòd ante 40. ætatis annos eve- nerit, hominemque egregiè pium ac doctum substulerit. Præfectum egerat Congregationis Anuncia- tæ, id temporis florentissimæ, non discipulis tantum, sed Præ- byteris etiam & Magistris doctis- simis, ut in loco dicemus, quæ propterea Parenti suo & Duci amantissimo justa solenni appa- ratu persolvit Oratione funebri latinè habitâ à M. Damiano Gon- zalez de Cueto, quæ edita fuit Mexici apud Henricum Marti-

nez eodem anno 1603. Æqua- lis fuit V. Gregorij Lupezij apud Oppidum S. Fidei florentis, quem convenire sæpe solebat, & de dif- ficilioribus sacrorum Bibliorum controversijs consulere, ut testis est D. D. Joannes Diaz de Arce in Quæstionario expositivo lib. 4. quæst. 103. fol. 234. col. 4. colligiturque ex allatis à P. Francis- co Losa in Vita Gregorij cap. 12. pag. 54. editionis Madrita- næ 1727. Noster, cum multis ad animarum lucra spectantibus pro suo deditus instituto esset, ut ex Libro mox laudato ejusque In- troductione fit palam; tum etiam inspiratis à Deo litteris enu- cleandis optimè insudavit ex mu- nere, postquam Philosophicas enucleatissimè etiam tradiderat, ut ex operibus quæ supersunt ab ipso elucubratis satis apparet. Sunt autem quæ vestigantibus occur- rere nobis sequentia.

*Illustris explanatio Commentario- rum P. D. F. Toleti de Physicâ auscultatione.* In hoc opere multo donata splendore exhibet egregia ab eruditissimo Cardinali in Ari- stotelis libros Phyllicorum edita Commentaria pro Philosophiæ cultoribus utilissima.

*De Generatione & Corruptione.*

*Tractatus de Sphæra Mundi, tum ex veterum Astronomorum, tum ex Recen- tiorū doctrinâ & observatione collectus.*

*In libros Aristotelis de Cælo Scho- lia & præcipuæ Quæstiones.*

*Brevis summa de rebus Metheo- rologicis. in quarto.*



AN

Extant hæcenus recensita Mss in Bibliothecâ Congregationis Oratorij Mexicanensis. Tractatus verò de Sphæra invenitur etiam apud Carinelitanam S. Angeli.

His annectimus tomos in octavo tres eodem idiomate, quorum primus est,

*Expositio in Cantica.*

*Secundus: De originali Lingua.*

*Tertius: De instructione Sacerdotis.*

Habentur Mss in Bibliothecâ Collegij Societatis JESU apud Tepozotlan. Idiomate autem hispano opus reliquit, quod hoc titulo prænotatur.

*Apologia pro Christianâ veritate contra præsentium temporum Judæos duabus divisa partibus, quarum in prima ostenditur, Christum Jesum verum esse Messiam; in secunda objectionibus in contrarium respondetur.* Extat Mss in quarto ad SS. AA. Petri & Pauli.

Eadem usus Hispanâ Linguâ conscripsit doctissimas

*Epistolas*

Ad Magistrum Fr. Antonium à Delgadillo datas de rebus Biblicis, quas se legisse testatum reliquit citatus supra D. D. Diez de Arce dicta quæst. 103.

Eodem hispano sermone librum condidit pro sorore sua in Hispaniâ degente, & religiosam vitam professâ, in spiritu instruenda, cui titulum dedit

*Perfecta Sanctimonialis, in caput 31. Proverbiorum.* Atque in hoc libro ipse Author meminit alterius

AN

à se ejusdem capitis Commentarij è cathedra dicti; quod hæcenus nos fugit, ut & alia, quæ non ambigimus scripsisse. Hunc quem ultimo nominavimus locum librum habuimus, ex instructissima Bibliotheca Doctoris & Magistri D. Josephi de Elizalde, nostri in Metropolitana Ecclesia Socialis.

227 P. ANTONIUS DE ARIAS, Natione Mexicanus, & forsan Patria, JESU Societatis alumnus, & quatuor votorum nuncupatione Professor, litteris claruit & virtutibus, quas docendo, concionando, cæteraque Apostolici ministeria Instituti peragendo, strenuè exercuisse nominis ejus delata ad nos fama testatur, cujus etiam ingenij monumenta invenimus in Bibliotheca Collegij Maximi Mexicani in libris Mss Opuscula complectentibus quæ singulis annis à Rhetoricæ Professoribus elucubrantur pro Natalitia Assertoris Nostri die celebranda, inter quæ ad annum 1685 transcribitur à Nostro laborata

*Concertatio Poetica in nascentis Jesu laudem.*

Meminimus ad hæc vidisse quadraginta retrò ab hinc annis apud Regale S. Ildefonsi Collegium Mexiceum multo cum fructu diurna noturnaue manu versari à Doctore & Magistro D. Joanne Jordan & Valle

*Cæpendium Scholasticæ Theologiæ, in quarto,*

Quod à Nostro pro suo quondam

Rr

dam



dam usu compositum fuisse ille enarravit.

228 F. ANTONIUS DE AROCHENA, Natione, nisi fallimur, Mexicanus, & Goatemalensis Patria, Ordinem S. Francisci in Provincia SS. Nominis JESU professus, Scholasticis diu multumque Palæstris incumbens, Philosophiâ Sodalibus tyronibus & Theologiâ è suggestu traditâ Lector Emeritus renunciatus est. Ad hæc, in Regia & Pontificia, quæ Goatemalæ viget, insigni Academia Doctor inauguratus, multa præterea varia pollet eruditione. Ejus diligentia debemus & curæ multorum notiam Scriptorum Provinciæ suæ, gratesque subinde neutiquam silentio premendas. Quod verò se non Authoribus, quorum texuit Indicem, inseruerit, modestiæ viri damus, ægre cæterâ sustinentes, opera à se elucubrata tacita præterijisse. Porro, nobiscum communicatum Catalogum memoratum, operâ admodum R. P. Fr. Marci Linares, Provinciæ id temporis capitæ, cui itidem nos fatemur adstrictos; inter scripta meritò duximus reponendum, quòd non Indicem duntaxat operum præferat & nominum, sed Authorum quoque gesta non nulla exponat, omniaque ex ordine, in tres distributis clasibus Scriptoribus, pro ut Indorum, Hispanorum, & Romanorum linguis sunt usi. Titulus verò opusculi apud nos stantis idiomate hispano, latinè sic habet

*Narratio de præcipuis Provinciæ SS. Nominis JESU Goatemalensis Regularis Observantiæ N. S. P. S. Francisci Scriptoribus, &c. in folio.*

229 D. ANTONIUS DE ARTEAGA, Natione Mexicanus & Patria, clara natus stirpe, fratres habuit Sacerdorio conspicuos & moribus, alterum S. Augustini Institutum Heremitarum professum; alterum natu majorem Præbyterum sæcularem Blasium nomine, de quo infra dicemus. Noster & ipse Præbyter admodum religiosus, & Christianis atque Ecclesiastico viro dignis moribus clarus, in Seminario S. Pauli & Purissimæ Conceptionis Collegio Grammaticam docuit, proque suæ commissis Pueris institutioni edidit

*Explicationem generis Nominum & Verbi præteritorum, &c. Mexici, apud H. V. Michaelis de Ribera 1716. in octavo.*

230 FR. ANTONIUS AB ASCENSIONE, Natione Hispanus, Patria Salmanticensis, ubi Comographiæ operam dedit, Mexici apud PP. Carmelitas Excalceatos habitu Deiparentis assumpto, & emissâ professione, magna ex inde virtute floruit & scientiâ. Potiebatur id temporis rerum Mexicanorum, nomine Philippi III. Catholici Hispaniarum Regis D. Gaspar de Zuñiga & Acebedo, Comes de Monte-Rey 5. Novembris 1595. Mexici inauguratus: cùmque multa, Regis jussione, expeditissimè moliretur, qua erat



## AN

erat christianâ virtute conspicuus pro Indis juvandis, & amplificandâ Fide Catholica; alias inter arduas, quas feliciter auspiciatus fuerat expeditiones, maritimæ institit ad detegendas Insulas Californias, quatuor navibus, ducen-  
tisque in eis militibus & nautis, Duce clarissimo viro Sebastiano Viscaino. His nostrum adjungi voluit cum alijs ejusdem instituti Socijs duobus, ut qua eminebat in geographicis rebus peritiâ, mari, terraque Cosmographi munere fungeretur, cunctaque ignota tunc usque accuratè describeret. Nec falsus Pro-Rex fuit, aut segnis in officio suo Noster, qui exactissimam & itineris & Insularum Descriptionem confecit, quam D. Nicolaus Antonius hoc hispano in sua Bibliotheca nova proposuit titulo tom. 1. pag. 76.

*Iter pro nova terrarum apertione institutum in Nova Hispania è Per-  
tu de Acapulco per pacificum mare  
in extremum Mendoxinum anno 1602  
Clasem ducente Sebastiano Viscaino.*

Testatur Mss fuisse in Bibliotheca clarissimi viri D. Laurentij Ramirez de Prado: Vidimus nos quoque exemplar ejusdem in libro Mss cui titulus: *Lumen pro terra ignota*, cap. 23 à D. Joanne Mange composito, qui extat in Bibliotheca Indi in paucis insignis D. Patricij Lopez, de quo suo loco multa trademus. Authographum hujusce operis Mangeliani penes tabularium suum esse testatur eques Laurentius Boturini in

## ANA

Cathalogo Musei Historici Indici sui pag. 22. n. 3. Nostri Descriptionem, licet partem impugnet, laudat D. Andreas Medina Davila in opusculo argumentum id concernente, qui legitur in eodem Mangeliano libro capp. 22 & 24. Meminit etiam Nostri & operis P. Martialis à S. Joanne Baptista in Bibliothecâ Carmelitarum Excalceatorum pag. 37. n. 38. Item Leon Pinelo in Epitome Bibliothecæ Indicæ col. 611. Editionis Madritanæ novissimæ: Et Author Historiæ Reformationis Carmelitanæ tom. 6. p. 389.

231. FR. ANTONIUS AB ASCENSIONE, Natione Hispanus, Hispali ortus, & à primis annis in Mathematicis eruditus in Collegio pro Nautarum institutione ibi constructo, tandem Magister in illis disciplinis insignis est habitus. Ad Americam nostram non sine ingenti labore & multo discrimine advectus, tutissimum sibi Portum elegit Carmelitarum Nudipedum Ordinem, quem amplexatus fuit in Conventu S. Sebastiani Mexiceo, in quo solennem anno 1602. professionem emisit. Bibliothecæ Author mox citatus Carmelitanæ, ubi isthæc refert n. 39. pag. 37. subjungit, Nostrium Martyrij cupidum in Californias Insulas navigantem adversa plurima sustinuisse. Scilicet, ut facilis est conjectura, statim ab nuncupatis votis destinatus aperiendis illis regionibus fuit, datusque Socius alteri, quem di-



ximus, Antonio etiam ab Ascensione, quo cum eo ipso anno classem petivit. Nam duos ejusdem Cognominis fuisse Carmelitas Antonios Mexicanos alumnos per id tempus Oenobij, argumento est diversas eis Patrias constitui, Scriptaque distincta, quamvis non multum imparia, imò in idem propositum ex parte collimantia. Siquidem inter opuscula Nostri eminere dicuntur, quæ Cosmographiam attinent. Omnia autem esse Author ipse inquit

*Varia eruditionis duodecim volumina,*

Quæ asservantur in Conventu Angelopolitano, in quo Noster ætatis suæ anno 63. cumulatus meritis terras deseruit, in cœlum, ut pie est credere, perventurus.

232 P. ANTONIUS DE ASIAIN, Natione Mexicanus, Patria nobis incerta, Societatis JESU quatuor Deo votis nuncupatis professus, vir fuit clarissimus. Postquam in Maximo Collegio Mexicano Philosophiæ Cursum & Sodalibus & exteris tradidit egregiâ cum laude, mancipatus Apostolicis ministerijs ætatem ad mortem usque gloriose duxit. In concionando assiduus, & accerrimus erat in vitiorum objurgatione, luxum multis impetens feminarum in vestitu, eas ut ad honestatis normam revocaret atque decentiam. Confessiones sacras domi & extra diu noctuque excipiebat nullis præpeditus incom-

moditatibus & laboribus. Extremo afficiendos supplicio egregiâ charitate comitabatur, nullum non movens lapidem ut ad scelerum eos contritionem ceteraque christiana permoveret officia, quibus in cœlum deducerentur. Sodalitati Bonæ mortis in Ecclesia Mexicæ Domus Professæ, procurante Excmo. Duce de Linares Pro-Rege Novæ Hispaniæ, excitatæ, Præfectus datus fuit unâ cû Socio P. Nicolao Zamudio, cui meritas in suum locum laudes servamus. Sodales ferventibus ad omnem virtutem exhortationibus è sacro suggestu singulis hebdomadis alternatim cum Socio incendebat. Consultationibus in arduis conscientiæ negotijs frequentabatur, queis, ut erat in omni Theologia doctissimus, accurata responsa dabat. Apud Sacrum Inquisitionis Tribunal Censores inter adscriptus Theologos maximi est habitus. Denique his alijsque pijs operibus ex instituto deditus, felicem, quam toties docuerat operiri mortem, aspexit, immortalis nominis sui gloriâ relictâ. Scripsit

*Aristotelicæ Cursum Philosophiæ,*

Cujus exemplaria non ambigimus fuisse multa pro discipulorum numero, è quorum manibus ad alios transierint.

*Conciones item & panegyricas & morales plures:*

Quas ut composuisse certum, ita incertum nobis ubi servantur.

233 M. FR. ANTONIUS DE

AYA-



## AN

AYALA, Nazione Mexicanus & Patria, Ordinis Heremitarum S. Augustini in Provincia SS. Nominis JESU Mexicea alumnus, à teneris annis quòd fuxit à parente religiosissimâ juxtâ & doctissimâ litterarum & virtutum lac, uberius multis & cumulatus filijs impendit Pater ipse multorum factus. Nam eximiâ eruditus doctrinâ Cathedras Philosophiæ moderatus est & Theologiæ, Primariam quoque, in Regali Divi Pauli Mexicano Collegio, cui postmodum Rector datus & studiorum Regens multum profuit, non in religiosis tantum rebus & scholasticis, sed verò etiam in æconomicis, quas omnes curavit, Aulamque in primis majorem, seu Palæstram pro concertationibus publicis illustrium imaginibus virorum ornatam. Magistri gradum pro meritis in Ordine tenuit, atque in Universitate Mexicanensi Doctor in Theologia creatus, pro ejusdem Cathedris aliquando, obedientiâ duce, certavit Prælectionibus, quas audivimus, eruditissimis, sive Philosophica còcernentibus, sive Theologica; & porrò obtinisset, ni candidatum ulterius agere detrectasset, cum sibi per Superiores licuit receptui canere. Ingenio & studio comparatus ad plura & gravia, in maximis Theatris plures habuit conciones, & in S. Inquisitionis Officio Censor Theologus negotijs extricandis incubuit. Cœnobium Regium

## AN

Mexiceum Augustinianum Prior rexit, in quo haud absimilia monumenta reliquit his quæ in Pauliano Musæo posuerat. Comitij Provincialibus quandoque præfuit, & Provinciam ipsam, cujus inter Deffinitores adscriptus fuerat, Rector administravit, dignus qui majora gereret munera. Plurimi à gravissimis viris habitus fuit, quos inter nominamus Illmum. D. D. Fr. Josephum de Lanciego & Eguilaz, Archiepiscopum Mexicanum, qui pro eximio quo flagrabat commissarum sibi ovium salutis zelo, libros aliquot conscribi voluerat de rebus Indicis à tribus Doctoribus, è quibus Nostrium destinaverat unum, qui ut alij, morte dilectissimi Præfulis quo minus aggredierentur opera fuere impediti. Tandem, vitâ ut religiosum decet virum exactâ, diuturnâ licet ægritudine divexatus, vegeto erat & valente pro studijs capite, 74 annos dimensus, donec 12. Julij 1752. Sacramentis obarmatus cæterisque Ecclesiæ præsidij diem clausit extremum. Funeri ejus religiosi omnes Ordines interfuere unâ cum Senatu Academico & Proto-Parentis D. Petri Clericorum Congregatione, cui jam pridem adscriptus fuerat. Edidit hispano sermone

*Deprecationem pro terramotibus, conflagrationibus, & incommodâ valetudine arcendis, nomine Provinciæ SS. Nominis JESU Augustiniana, Imagini Deiparentis Virginis Guadalu-*



*dalupia factam.* Mexici, typis Francisci de Ribera Calderon 1712. in quarto.

*Altare novum S. Joanni à Cruce Carmelitarum Excalceatorum Patri dicatum.* Extat pag. 372. in libro *Secunda quintadecima Januarij Mexicana*, edito Mexici, apud Josephum Bernardum de Hogal 1730. in quarto.

*Transitus corporis solaris expensi in magni Parentis S. Augustini Corporis invēione, aperta ritē, & solennissimè celebrata.* Mexici, ex Officina Josephi Bernardi de Hogal 1729. in quarto. Extat t. 4 Coll. nostrę.

Multas inter opera Mss. *Conciones* habet,

*Praelectiones & Tractatus Philosophicos & Theologicos,*

Quos inter caput effert quem scripsit

*De Beatissimā Virgine Maria.*

234 FR. ANTONIUS DE BAÑOS, Natione Hispanus, in Belmontio natus, Prædicatorum Ordini in Conventu SS. V. Complutensi habitu suscepto, & emissā professione, se dedit: Inde in Provinciam S. Vincentij de Chiapa & Goatemala delatus, magnæ in ea perfectionis religiosæ & litterarum effloruit laude, cujus apud Sodales haberi hispanâ linguâ confectos,

*Sermones varios,*

Fidem nobis ijdem fecere litteris ad nos datis, addentes nesciri quot ex illis confici possent tomi, quòd multos inter Religiosos dispersi fuerint.

235 D. ANTONIUS DE BELVIS, Mexicanus Domicilio tantum an etiam incunabulis fuerit, ambiguum nobis est: Doctorem ipsum appellat D. Antonius de Leon Pinelo in Epitome Bibliothecæ Occidentalis, editionis novissimæ Madritanæ tom. 2. col. 815. testaturque edidisse opusculum in quarto propugnandi ergo

*Epistolam Pastoralem encyclicam à V. D. Palafox Episcopo Angelopolitano typis commissam anno 1642 in quarto ad Parochos in primis Tlascalenses, Tepeacenses aliosque suæ Diæcesis,*

Quam encyclicam oppugnaverat F. Ludovicus de Orduña, Dominicanus: Et hunc quidem Noster scripto petit eo potissimum collimante, ut acta ab Illmō. Angelopoleos Præsule in Clericos advocante Parochias ab Religiosis administratas, bono in lumine posita, vindicet, historiæque ad amusim reducat.

236 D. ANTONIUS DE BONILLA GODINES, Natione Mexicanus, Angelopoli natus, in Collegio SS. Petri & Joannis Latinis, Philosophicis & Theologicis litteris eruditus, Cathedras Philosophiæ rexit & Moralis Theologiæ: Inde Parochijs Curio destinatus successive varijs, Tepeacæ eodem fungens munere obiit, reliquit que editam pridem à se habitam Orationem latinam, hocce titulo prænotatam.

*Funeris ad posthumam parentationem laudatio, quam Regalis SS. AA.*



AN

*AA. Petri & Joannis Angelopolitana Academia sacravit cineribus Illmi. Rmi. atque Excmi. D. D. Didaci Otorio de Escobar & Llamas, ejusdem Patroni & Antistitis dilectissimi. Angelopoli, ex Theca & Graphiario Viduæ Joannis à Borgia & Gandia 1674. in quarto. Scripsit*

*Cursum Philosophiæ ad mentem PP. Thomistarum,*

Et

*Tractationes theologicæ morales, Quarum exemplaria credimus à gentilibus suis servari.*

237 FR. ANTONIUS A S. BONAVENTURA, cujus Natio & Patria nos latent, Mexicanus ut minimum Domicilio, Collegij Apostolici Queretarenfis Franciscanorum de Propaganda Fide, Guardianus, scripsit idiomate hispano

*Diarium seu Ephemerides itineris à flumine, qui Magnus audit, versus Aquilonem in Nova Hispania ad terminos usque Tequarum: vulgo Tejas: Describuntur in eo cum telluris amœnitas & feracitas, tum etiam Nationum, quæ illam incolunt, varietas, & alia ab Authore lustrata. Mss vidimus, & forte fortuna distracti, Bibliothecam aut Tabularium ubi opus deteximus, in adversaria retulimus minimè.*

238 F. ANTONIUS DE BRIONES, Natione Hispanus, cujus nos latet Patria, è Provincia Ordinis Minorum Burgensi, quo tempore Theologiæ addiscendæ operam dabat, in Provinciam Or-

AN

dinis ejusdem Zacatecanorum trajecit, in qua demum absolutis scholæ curriculum, Ecclesiastes Emeritus, Notarius Apostolicus, Conventus Urbis Potosinæ Guardianus, alijsque muneribus clarus, ad clavum etiam sedit, & Censoris Theologi à Fidei Quæstionibus Mexicanis titulum habuit. Typis dedit hispana lingua à se dictam è suggestu

*Orationem Funebrem justis D. Mariæ de Uresti. Mexici, apud Hæredes Viduæ Francisci Rodriguez Lupercio 1727. in quarto.*

239 D. ANTONIUS DE CARDENAS ET SALAZAR, Mexicanus equidem Domicilio, & Goaxacensis munere, cujus nos fugiunt Natio & Patria, Archidiaconum egit Antequerensem, in memorato nuper de Goaxaca Valle Diocesis Visitatoris munere insignis, & Doctoratus infulâ, edidit que idiomate hispano,

*Juris allegationem in negotio Parochiarum administrationis à Regularibus cum Seminario Collegio decertantibus. In folio, tacitis anno & Typographo pro antiquorum in hisce more.*

240 D. D. ANTONIUS CARDOSO ET COMPARAN, Natione Mexicanus, Vallisoleti Michoacensis genitus, ibidemque apud Societatis JESU Gymnasia Latinis litteris eruditus, Mexici majoribus studiis incubuit. Philosophiâ hausit ab optimo multisque nominibus claro D. P. Petro Fernandez Zorrilla, ejus Facultatis in



Collegio Maximo Societatis JESU Professore, laureâque Academicâ redimitus, præcipuâ inter coetaneos laude, in Theologorum album exceptus, strenuam huic scientiæ operam dedit cum in Aulis Universitatis, tum etiam in Academia S. Philippi Neri, quam diu frequentavit, scholasticis, moralibus, oratorijs, & amœnioribus exercitationibus sic intentus, ut nomen sibi apud sapientes viros pepererit, Doctoratusque apicem tulerit. Conciones haud vulgari plausu habuit, sacras confessiones excepit, Cathedrasque petivit. Apud Tridentinum Seminarium Collegium Mexicæ inuito de more pro suggestu Philosophiæ regendo concursu, solitisque præmissis scholarum concertationibus, Moderator renunciatus, triennium in ea adornanda sparta reposuit. Patrios ubi lares repetijt, multi ab Illmô. Michoacanensium Præsule cœterisque viris perdoctis habitus, ad Paræcias expetitus regendas, insignem tenuit Urbis S. Ludovici Potosini, quæ primarias inter Regni censetur. Huic jam pridem obeundo muneri deditus, etiamnum incumbit, ægrâ licet valetudine divexatus, qua ut liberetur, D. O. M. pro antiquâ nostra amicitia & consuetudine deprecamur. Scripsit

*Cursum Philosophicum 3. aut 4. romis distinctum.* in quarto,

Cujus apud Discipulos ejus sunt exemplaria.

*Praelectiones Philosophicas & Theologicas varias.*

Hispanicè autem

*Poeticam pro recens nato JESU Academico ritu laudando concertationem, dato varibus symbolo.*

*Sermones panegyricos & morales.*

Authographa apud ipsum credimus asservari.

241 M. F. ANTONIUS CASIMIRO DE MONTENEGRO, Natione Mexicanus, primam Mexici lucem aspexit, & primis litterarum ac Latinitatis rudimentis instructus in Regio S. Joannis Lateranensi Collegio, quod jam inde ante annum 1549 in fundo Lateranensis Ecclesiæ, quæ Mater est omnium Urbis & Orbis, constructum fuit, eximijsque privilegijs munitum, cum ab Apostolica Sede, tum etiam à Catholicis Hispaniarum Regibus, qui pro convictoribus sumptus adhuc usque ministrant: Inde clarissimum Ordinem Prædicatorum quæsivit, in quo fausto quidem Parentis sanctissimi fidere effulgente professus, studijs traditus Artium atque Theosophiæ, utrâque familiarem sibi Facultatem tam fecit, ut suo à Superioribus tempore destinatus Lector earundem, non perfunctoriè docuerit discipulos. Sacris insimul pro suo Instituto concionibus & se exercere, & prodesse auditoribus haud omisit, doctrina ad id muneris etiam, cœterisque talentis ornatus. In Civitatem Guadaluaxarensis, Novæ Galleciæ amplif-



AN

plissimi Regni potiozem, obedientiâ duce profectus, Magister datus est & Director illustri non ita pridem erecto in Dominicanorum Cœnobio Tertij eorundem Ordinis & Christi Militiæ Sodalitio, cujus officij partes ut impleret numeris omnibus, multis è superiori loco Sermonibus hortationibusque egit doctis & fervidis, nec pias alias prætermisit exercitationes, quibus demandatos sibi filios instrueret, Ordinemque illustraret. Hinc in cœlos abeunte, ut pium est credere, ejusdem Sodalitatis Priore Venerabili viro sæculari Præsbytero Joanne Gonzalez de Villa-Verde, Mexicano, qui primus id munus obierat; justa ei ut solennissimè agerentur curavit, honorarium poematibus tumulum & hispanis & latinis instruxit, Orationemque habuit eruditam & doctam, virtutes emortui Sacerdotis complexam, quam hocce donatam titulo typis obtulit.

*Moses Dominicanus V. P. & Præsbyter D. Joannes Gonzalez de Villa-Verde primus admodum Venerabilis Tertij Ordinis & Christi Militiæ S. P. N. Dominici Prior: Oratio habita coram Regio Auditorio Guadalaxarensi, Nobilique ejusdem Civitatis Senatu, atque religiosis Familijs, in Prædicatorum Templum confluentibus honoris ergo viri, quem viventem omnes suspexerant. Mexici ex Typographia Josephi Bernardi deHogal 1735 in quarto. Extat t. 56. Collect. nostræ.*

AN

Ediderat ante duos annos alteram à se dictam Concionem funebrem in Exequijs ductis admodum R. M. Josephæ Mariæ à Christo, Carmelitæ Excalceatæ Cœnobij à S. Josepho Granatensis, ab ejusdem nepote D. D. Josepho Messia de la Zerda & Vargas, Consiliario Regio, Auditoreque Guadalaxarensi; cui titulum fecit Lamentationi

*Judith Religiosa. Mexici, formis Hæredum Francisci de Lupercio 1733. in quarto.*

Ediderat itidem habitam à se Panegyrim

*In Canonizatione S. Joannis à Cruce, apud Excalceatas Virgines Carmelitanas Guadalaxarenses solennissimè celebratâ. Mexici, in Chalcographia H. Viduæ Francisci Rodriguezz Lupercio 1729. in quarto. Et habetur in Libro ejus Argumenti conscripto à D. D. Lucas de las Casas, mox dictis formis & anno excusso. Habet etiam Mss Sermones plures.*

242 F. ANTONIUS CASTRILLON, Natione Mexicanus, ortus est Zamoræ Villa apud Michoacanenses illustri, Mexicumque translatus ut studijs vacaret, apud Regale S. Ildefonsi Collegium, ejusdem cohonestatus trabeâ tandiu substitit, quo usque factis multis in Philosophia & Theologia progressibus lauræas sibi Academicas meruit. Sectatus Ordinem Seraphicum in Provincia SS. AA. Petri & Pauli Michoacanensi, sacro deditus indefessè

Tt

fug-



suggestui, Prædicatoris Emeriti gradum tenuit, Custodisque ejusdem Provinciæ munus insigne, & Præfecturas alias. Edidit à se habitam vernaculo idiomate

*Orationem funebrem panegyricam, justa persolvente inclytâ Queretarensum Urbe munificentissimo Benefactori suo D. D. Joanni Antonio de Urrutia, Arana, Cuerrero & Davila Equiti Ordinis Alcantarensis, Marchioni Villa del Villar ab Aquila nuncupata.* Mexici, typis Viduæ Josephi Bernardi de Hogal 1744. in quarto. Habetur t. 31 Coll. nost.

*Poemata cum hispana, tum etiam latina pro ornando Cenotaphio eidem Marchioni erecto, à Nostro disposita unâ cum molis & apparatus funebris descriptione.* Extat in eodem mox indicato Codice.

His ut Mss adjiciantur optimus.

243 P. ANTONIUS DE CAZES, Natione incerta nobis, Jesu Soc. alumnus, Rhetoricam dum profitebatur in Collegio Maximo SS. AA. Petri & Pauli Mexiceo, amœnissimum scripsit opusculum, cum multis alijs in eundem scopum collimantibus diversorum Authorum reservatum in libris Annalium hujus argumenti in Bibliothecâ ejusdem Collegij. Scilicet

*Natalis Jesu-Christi Domini nostri sub Cupressi symbolo.* Anno 1686. Alia hujus Scriptoris nos fugiunt.

244 D. ANTONIUS DE CHAVES ET LIZARDI, Natione Mexicanus, Patria Queretarensis, nobilibus

ortus Parentibus, Latinitati addiscendæ incubuit & Philosophiæ in Collegio Societatis JESU ejusdem Civitatis, quæ nativis, quibus abundat floribus fructibus quæ pulcherrimis, cultiores addit & sapidiores sub illis Magistris, ceu amœnissimi Horti accuratissimis olitoribus. Mexicum transplantatus pro majoribus audiendis Facultatibus, Regium S. Ildefonsi Collegium incoluit annos 16. Nam, quod in Civili juxtâ & Canonico Jure egregiè profecerit, laureasque Minervæ propterea retulerit; atque alios inter candidatos Regiæ, ut vocant, Trabæ, seu Præbendæ ejusdem Musæi horarijs prælectionibus & concertationibus id honoris & commodi postulantes, eminuerit palamque retulerit, substitit ibidem decennio, sibi juxtâ ac Sodalibus studio & dissertatione egregias eruditionis comparans opes. Triginta, quibus constat secundus Decretalium liber, titulos, multis & gravissimis onustos quæstionibus, præside Illmô. viro D. D. Carolo Bermudez de Castro, Primario Canonici Juris Antecessore in Universitate, per diem integrum propugnandos coram exhibuit, & egregiè, plaudentibus auditoribus sapientissimis, propugnavit. Doctor in Jure Canonico creatus, & apud Senatum Mexicæ Regium institutus causarum Patronus, atque apud Quæsitores Fidei pro carceratis tuendis insignitus Defensor,



## AN

for, his ritè muneribus functus est. Pro regendis Universitatis Cathedris certans, varias victor obtinuit, scilicet Decreti, quam ad quadriennium est moderatus, dein Clementinarum, cui præfuit sexennio, hinc Institutionum Justinianarum quadriennio itidem frequentatam, postmodum Vespertinam Juris canonici Perpetui Antecessoris regendam titulo: tandem similiter Primariam Juris civilis, cujus Facultatis Doctorali laureâ donatus, in ea Emeriti tenet honores, postquam totos 27. annos docendo posuit strenuâ quidem operâ, sive quotidianas prælectiones requiras, sive privatas & publicas quæras in Palæstra concertationes. Nec accuratè minus Academiæ præfuit Rectoris munere, Pareciæque à Sancta Catharina Martyre perpetuò titulo, è qua in Primariam Cathedralis Ecclesiæ Parochiam translatus, huic in præsentiarum curandæ incumbit. Ad hæc, Ecclesiastici Fisci Promotorem duodecim amplius annis egit exactè, multis intentus & arduis negotijs, cùm ex his quæ munus id suoapte petunt, tum etiam particulari sibi junctis delegatione. Hæc licet nimis operosa implicataque sint, nihilo tamen minus expeditum fecere ut Carmelitanis Virginibus in Cœnobio à S. Josepho degentibus sacra promptissimè ministraverit Capellani defungens onere annis retro 19. quam etiamnum provinciam in-

## AN

sequitur. Jam, ne amico adblandiri videamur, ad ejus scripta veniamus quæ ex Academicis Libris eruuntur, sunt autem Commentaria

*In Causam 3. Q. ultim. Decreti Gratiani.*

*In Causam 2. Q. 6 ejusdem Decreti.*

*In Titulum 2. Lib. 1. Clementinarum: De Rescriptis.*

*De Hæredibus instituendis.*

*De Vulgari & Pupillari substitutione.*

*De Regulis Juris in 6.*

*De Renunciatione.*

*De Procuratoribus.*

*De alijs selectis ad jus civile spectantibus controversijs.*

Præterea habet penes se Mss

*Prælectiones varias canonicas & civiles,*

Et

*Allegationes fiscales.*

245 FR. ANTONIUS DE CIUDAD REAL, Natione Hispanus, ortus in ea Urbe quæ ipsi cognomen dedit, estque in Oretanis; Institutum S. Francisci sectatus in Conventu Toletano à Regibus dicto, Latinitate egregiè instructus & Philosophia, nondum Sacerdotio initiatus, eo tempore Americam petijt, quo ejusdem Ordinis vir insignis D. F. Didacus de Landa, Jucatanensi se restituit ditioni ejusdem destinatus Episcopus anno 1573. secum deferens consecrato triginta ejusdem Seraphici Regulæ Sodales, quos inter advexit Nostrum. Is animum pro juvandis Indis statim appli-



applicuit idiomati Provinciæ ad-  
discendo, quo tam fuit imbutus  
& doctus, ut peritissimis quibus-  
que facilè anteiret. Ecclesiastem  
egit multo cum neophitorum  
fructu, atque ut erat egregiâ pru-  
dentiâ, & in gubernando peritiâ,  
ascitus à multis Familiæ Præsidi-  
bus Socius à secretis, apud Com-  
missarium in America nostra Ge-  
neralem Fr. Alphonsum Ponce,  
eo functus munere, ipsum com-  
mitatus fuit in adversis, quorum  
extant penes Torquemadam mo-  
numenta in Monarchia Indica  
tom. 3. lib. 19. cap. 28. Hac de  
causa in Hispaniam eo cum de-  
latus, ubi extremum ille diem vi-  
dit, Noster Jucatanum repetijt  
suo Indos fovendi proposito in-  
sistens. Provincialis electus, res  
opportunè pro infita sibi man-  
suetudine administravit atque  
prudentiâ, qua cum non emine-  
ret is qui prophanarum potieba-  
tur ea tempestate, locum dissi-  
diis eum inter & Nostrum dedit.  
Semi seculo fere postquam Juca-  
tanum coluerat, nec voce dun-  
taxat, sed christianis etiam exem-  
plis gentem docuerat, religiosæ  
& exemplaris vitæ laude conspi-  
cuus obiit 5. Julij anno 1617.  
ætatis 66. & religiosæ vitæ 51. Ex  
his, quadraginta magnæ molis  
operi scribendo dicavit, adeo ut  
ne quidem negotijs Commissa-  
rij Generalis, quibus intendebat,  
multisq̃ districtus itineribus illud  
dimiserit, uti ex ejus ore accepisse  
testatur P. Lizana relatus à Co-

golludo loco mox dando. Fuit  
quidem opus id *Magnum Linguae  
Maya seu Jucatanicae Dictionarium*,  
quod appellavit

*Calepinum ejusdem idiomatis sex  
grandibus voluminibus constans*, quo-  
rum quòdque quadringenta fo-  
lia, octingentas subinde comple-  
ctitur paginas, tam illud copio-  
sum & dives, ut elegantias Lin-  
guæ cunctas ditissimæ exhibeat,  
& ne quidem vocem unam fru-  
stra in eo quæras. Extare Mss  
apud librariam techam Ducis In-  
fantatus tradit D. Nicolaus An-  
tonius in Bibliothecâ Hispaniæ  
Nova pag. 86. ex P. Lizana qui  
idem in sua Historia Jucatanum testa-  
tur c. 16. Nos verò addimus habe-  
ri etiam aut integrum, aut ma-  
jorem partem, cariosum blattis-  
que transfixum, in Bibliotheca  
Cœnobij Franciscanorum Emeri-  
tæ Civitatis, quæ caput est Ju-  
catanæ Provinciæ, ut ab ejus So-  
dalibus jam pridem accepimus.  
Præterea Noster condidit

*Dictionarium Hispano Jucata-  
num.*

*Dictionarium Jucatano Hispan-  
num.*

*Sermones de Sanctis & per an-  
num integrum*; uti citati hætenus  
tradunt.

His annectimus opus aliud,  
quod Bibliothecas Hispanam  
Franciscanamque fugit, & affer-  
tur à Cogolludo lib. 9. cap. 16.  
pag. 514. Scilicet

*Tractatus de Nova Hispania  
magnalibus, & eventibus in ea quam  
Com-*



## AN

*Commissarius suus lite traxerat.* Non tamen scriptum hoc effugit Antonium de Leon ejus memorem col. 606. aliorum verò col. 730.

246 M. F. ANTONIUS CLAUDIUS DE VILLEGAS, Natione Mexicanus, incunabulis usus Mexiceis, & optimè traductâ pueritiâ, Prædicatorum Ordini in San-jacobea patria Provincia sese dedit. Philosophicis apprimè informatus atque Theologicis, utriusque Cathedras Facultatis in Perillustri & celebri de Porta-Cœli Collegio ejusdem Ordinis Mexicano tenuit egregiâ laude, quòd insignes instituerit discipulos, qui postmodum evasere Magistri doctissimi, & assuetis publicis scholæ certaminibus majora & non ita usu frequentia indixerit, quibus interfuisse nos quoque, & symbolum posuisse meminimus. Hinc & alios Palæstre honores, & Magisterij gradum adeptus, Procuratorem egit generalem Provinciæ, & Cœnobijs præfectus fuit nobilibus Queretarensi, Guadalaxarensi, multisque alijs, ac demum Mexico, quod totius primum est & caput Provinciæ, quam etiam Rectoris munere administravit defuncto ejusdem Priore Fr. Emmanuele Ximenez de Zifneros; Indictis verò pro familiæ jure comitijs, Provincialis est renunciatus, quod in præsentia onus non absque communi emolumento gerit & laude. A Quæstoribus Fidei Censor adlectus, huic exactè munceri incum-

## AN

bit, pro ut in Diœcesi Guadalaxarensi Examinatoris Synodalis onus explevit. Concionatoris partes jam diu susceptas, nempe ab eo tempore quo Aulis Academicis sese addixit, etiam nunc implet, doctis sanè & ex arte atque eruditione multa factis sermonibus, ex quibus prælo dedit aliquos his prænotatos titulis.

*Phœnix triplex in triplici singularissima Deiparentis Martyrio.* Mexici, typis Josephi Bernardi de Hogal 1737. in quarto. Extat tom. 19. Collect. nostræ.

*Mysticus Jacobus.* Oratio funebris habita in Exequijs Mexici ductis à Provincia Prædicatorum S. Jacobi Excmò. ac Rmò. Magistro suo Generali Fr. Thomæ Ripoll. Mexici, litteris D. Mariæ de Ribera 1749. in quarto. Legitur tom. 34. Collect. dictæ.

*Ethites Mexicana.* Oratio habita in Cathedrali Ecclesia Proto-Parenti Sancto Petro die sacra. Mexici, mox dicta Typographia 1750. in quarto. Habetur tom. 69. Coll. nostræ.

*Major gloria Maximi inter cælestes Spiritus, primique majores inter Principes Archiseraphini S. Michaelis.* Mexici, prælo V. D. Josephi Bernardi de Hogal 1751. in quarto.

Quòd spectat ad Mss, & Sermones & Theologicas Philosophicas que Tractationes Author-reservat, è quibus tomos edere posset, quos non sine laude eruditi perlegerent.



247 M. FR. ANTONIUS DE CORDOVA, Natione Mexicanus & Patria, post strenuè navatam Philosophiæ operam, Medicinæ alumnum se præstitit, cujus Facultatis infulam Doctoralem fuit affecutus, & è multis candidatis Cathedræ Primariæ ejusdem Moderator ad tempus adscitus, cui tandiu infudavit, donec vocatus ad sublimiora, ipsam ultrò deposuit, & cæteris etiam relictis, Ordinem S. Francisci in Provincia S. Evangelij professus est, & Sacerdotio initiatus. Tum sacram excoluit Theologiam, ægrotisque animabus medendis se dedit, religiosi incumbens officijs, auctus que etiam honoribus: quos inter Commissarij, ut dicunt, Hierosolymitani titulum multis annis ad mortem usque tenuit, libentissimè curans uti Sodales loca sacra Redemptoris nostri sanguine insignia incolentes, & religiosâ pietate frequentantes, Americanis juvarentur subsidijs. Obijt plenus dierum in Conventu Maximo S. Francisci Mexiceo, in quo celebri pompa sepultus fuit, concurrente cum religiosi Familijs Academiâ Mexicæâ Decani sui Medici funus prosequente. Alia quamvis scripserit ad rem Medicam attinentia, unius duntaxat in Libris Academicarum Lectionum Commentarij,

*De Sanguinis missione,*

Memoriam invenimus, propterea quòd eo tempore consuetudo cœperit redigendi in tabulas Pro-

fessorum Lectiones, quo Noster illis subductus in Seraphicum se gremium recepit.

248 F. ANTONIUS CORREA, Natione, ut videtur, Mexicanus, ignota nobis Patria, Seraphici Ordinis alumnum in Provincia S. Evangelij, Tertiarijs in Villa de Carrion, Vallis de Atrisco Commissarius, atque in spiritu Director datus, vir fuit non modò in sacris & theologicis doctus, sed adeo in amœnioribus litteris eruditus, Oratorque insignis, ut de ipso scribere haud dubitaverit emunctæ naris homo Fr. Balthasar de Medina & ipse eruditissimus, in Censura mox indicandæ Concioni data, quod de ejusdem nominis & cognominis Lusitano D. Nicolaus Antonius in Bibliothecâ Hispaniæ Novâ tom. 2. p. 242. scripserat: *Insignis enim Rhetor & Poeta in eloquentiæ laude unum aut alterum parem, superiore verò habuit neminem.* Nec immeritò: Nam, ut legentibus, quas subdimus, Orationes palam fit, judicio ille fuit in cogitando disponendoque, acumen in dictione præferret, & undique artem spirat, nisi quod aliquando (ne hoc dissimulemus) violentiam fere periodo inferat, quod seculi magis vitium præteriti proximè quam Authoris dicendum. Edidit hispano sermone

*Annulum Salomonis, seu de Augustissima Triade panegyrim.* Mexici, ex Typographia Viduæ Bernardi Calderon 1682. in quarto. Habetur tom. 36. Collect. nost.



AN

*Syllogismum Sacramentalem atque Marianum, seu panegyrim de Immaculata Beatissimæ Virginis Conceptione.* Mexici, formis Francisci Rodriguez Lupercio 1683. in quarto. Extat t. 60. Collect. nost.

*Funebrem panegyrim pijs manibus nobilissimi ac pientissimi civis Didaci del Castillo in Cœnobio Excalceatarum à S. Elisabetha Virginum.* Mexici, ex Officina ejusdem Lupercij 1683. in quarto.

249 P. ANTONIUS CORTEZ ET PUEBLA, Natione Mexicanus, ortus Mexici prænobili gente, litterarum à teneris studium arripuit, & cum Maximum SS. AA. Petri & Pauli Societatis JESU Collegium frequentavit, tum etiã Mexiceam Academiam, in qua, post absolutos Philosophiæ cursus, pro laureâ decerpendâ præscriptos, eaque donatus, egregios audivit Magistros D. Joannem de la Peña Butron, Primarium Theologiæ Antecessorem, & D. Isidorum de Sariñana, Sacrorum Bibliorum Interpretem, atque alios Minervæ id temporis subsellia tenentes. Societatem inde JESU in Provincia patria ingredi optavit, composque voti factus, talis tantusque evasit, celebriores inter ut computetur ejusdem alumnos. Nam & Collegia rexit nonnumquam, & diu incubuit Cathedris moderandis, Philosophiam primùm publicè tradens, deinde Theologiam in Goatemalensi Musæo, quod insigne meritò habetur, concurrentibus in

AN

ea Urbe, amplissimi capite Regni, viris doctissimis omnium Ordinum, florentequè Universitate, à S. Carolo dicta, illustri admodum, & omnium scientiarum Magistris ornatâ. Hanc postquam non perfunctoriè obierat provinciam, in Mexicum Superiorum destinatione translatus, è cathedra in suggestum sacrum transiliens, Præfectus institutus fuit Congregationis Salvatoris, quæ antiquitate & multis clara nominibus viget in Domo Professâ Mexicæ. Hoc in theatro magnam sibi, Dei gloriam quærens, laudem paravit, communi satisfaciens expectationi, quæ fuerat eximia hominis, cujus fama jam diu Mexici percrebuerat, & qui sufficebatur viro incomparabili P. Joanni Martinez de la Parra, scriptis suis toto orbe notissimo, nuper extincto, dum eidem præesset Congregationi, singulis Dominicis diebus Sodales & confertissimam, etiam eruditorum hominum, multitudinem instruens egregijs pro suo more Concionibus. Nostrum, Atlantem dixeris, qui demortui partes Herculis tulerit, Sodalitio cœlesti suis admoto humeris; & redivivum in Cortezio Parram auditores demirabantur, gratulati sibi metipsis talem Sodalitio obtigisse Præfectum, qualis sperari vix posset decessoris suis hæres ex asse. Erat enim verò Cortezius eximiâ præditus eloquetiâ, multâ imbutus doctrinâ, & perrara dicendi gratiâ, quibus faciliè dotibus audi-



tores trahebat, delectabat, movebat, ut propterea avidè audiretur, & à popularibus, & verò etiam à Sapientibus, quæsitus Orator pro Festis & diebus tota Urbe insignibus. Ubi suæ per aliquot annos Præfecturæ munus implevit, alijs à Superioribus destinatus, rursus ad scholasticam revocatur Palæstram, jussus studijs majoribus præesse in Collegio. Maximo Mexicano, donec per ætatem gravatus & valetudinem, aliò commigrans, inde ut pie credimus, migravit in cælum. Quamvis ediderit nulla, quæ sciamus, opera, reliquit tamen Mss plura & egregia, quæ uti scripsisse sumus certissimi, ita incerti quo in præsentiarum scrinio contineantur, aut Bibliothecâ. Sunt illa porro

*Cursus Philosophiæ, Libros complexus Summularum, Logicæ, Physicorum, Metaphysicorum, aliorumque de quibus Aristotelici tractant nostri.*

*Theologiæ Scholasticæ Tractatus varij.*

*Salvatoris Vita,*

Quæ non uno claudi posset, magno licèt, volumine, quoniam Conciones fert omnes, quas habuit eo tempore quo illustri, quam diximus, præfuit Congregationi,

*Sermones varij morales & panegyrici,* qui similiter tomos implere possent aliquos.

*Responsa Moralia.*

250 F. ANTONIUS DAVILA PADILLA, Natione Mexicanus & Patria, germanus Fratræ Illm<sup>i</sup>. D. D. Augustini, Ordinis Prædi-

catorum, Archiepiscopi Dominicanensis, quem elogio deinceps, vulgari minimè, excipiemus egregiâ ob acta & scripta; idem seclatus est Institutum S. Dominici in patrio Monasterio, cui splendorem addidit haud exiguum. Reliquis à se compositam

*Artem pro Mexicanâ Linguâ addiscendâ:*

Ejus elegantias, quæ oppido multæ sunt, faciliorem in methodum redigens, maximo studentium emolumento, ut Authores sunt citatus Augustinus in Historia Sanjacobeæ Provinciæ lib. 2. cap. ultimo. D. Nicolaus Antonius in Bibliotheca Hispaniæ Novâ pag. 81. allegans Historiam Ord. Præd. lib. 4. cap. 55. quæ alia certè est à mox à nobis dicta, & duobus, non quatuor libris absoluta. Meminit etiam ejus Fernandez in Historia Ecclesiæ nostri temporis lib. 1. cap. 31. pag. 122. & Leon Pinelus in Bibliothecæ Occidentalis Epitome col. 720. editionis novissimæ Matritensis.

251 FR. ANTONIUS DAVILA, Natione Mexicanus, Patria Goatemalensis, Vexillum Seraphici Patris S. Francisci in Provincia SS. Nominis JESU secutus, vir fuit non doctrinâ tantum, sed pietate etiam illustris, quas ipse dotes scriptis à se libris palam exhibuit, suas eò curas intendens, ut Redemptori nostro dira pro nobis passo, ejusdemque dolentissimæ Genitrici honor & amor



AN

amor penderetur egregius, animæque in virtute proficerent. In hunc finem tres in quarto tomos idiomate hispano composuit, è quibus primus continet

*Sermones de Virgineis Doloribus, de Passione Domini, & de quinque Vulneribus.*

Secundus: *Sermones de septem Jesu-Christi verbis in Cruce morientis.*

Tertius: *Exhortationes pro Monialibus, & Tertiarijs, cum excerptis ordine alphabetico pro Festis omnibus.*

Asservantur Mss in Bibliotheca Conventus Præcipui Franciscanorum de Goatemala, ut eorumdem Litteris docti sumus.

252 M. F. ANTONIUS DELGADILLO, Mexicanus ut minimum Domicilio, Ordinis S. Augustini in Provincia SS. Nominis JESU Mexicea alumnus, in Sacra Theologia Magister, & Universitatis nostræ Sodalis, Cathedram Sacrorum Bibliorum in ea rexit ad tempus nomine Perpetui ejusdem Antecessoris M. Fr. Melchioris à Regibus, sui itidem Instituti, quo tempore per se illam moderari haud poterat gravissimis curis distentus ab Academiâ jure probatis. Florebat ea tempestate apud Oppidum S. Fidei Venerabilis Gregorius Lupecius egregiæ nomine sanctitatis atque doctrinæ, in Scripturis potissimum cœlitus nobis traditis, quo cum Noster agebat sæpe consulendi gratiâ de difficilimis

AN

pro suo munere Bibliorum locis, atque etiam in spiritu proficendi, quem certè Gregorius facili conspectu suo, & paucis admodum verbis afflabat & incendebat. Nec minus familiariter utebatur P. Antonio Arias, Societatis JESU, viro gravissimo, qui primus in Gymnasio Collegij Maximi Sacras publicè Litteras interpretatus est, in unum uterque collimâtes scopum, & simul quandoque invisentes Gregorium, rogantes ipsum, excipientes dicentem cœlestia, cœlestemque inter homines vitam mirantes, ut Author est nobis vir item mirabilis electusque Dominicopolensis Archiepiscopus D. Joannes Diaz de Arze Primarius itidem Sacrorum Interpres Mexicanus, in Quæstionario Expositivo suo, lib. 4. q. 103. fol. 234. col. 4. ubi etiam testatur se legisse Nostri ad P. Antonium Arias, & hujus ad illum scriptas doctissimas

*Epistolas.*

Commentaria verò, aut opera alia ab ipso elucubrata nos fugiunt, quòd ea ætate vixerit, nempe ante nonagesimum proximè lapsi seculi annum, qua non dum lex invaluerat Academica notandi in Annalibus Professorum Lectiones. Meminit etiam Nostri M. Grijalva in Chronicis suis f. 81. col. 3.

253 D. ANTONIUS DELGADO BUENROSTRO, Natione Hispanus, ortus Hispali, atque ut ipsius utamur sententia, Angelo-



polititanus itidem Patria, namque sic ipse in Urbem hanc gratissimus publicè testatum voluit in Nuncupatoria, quam præfixit Sermoni de S. Rosa Peruana à se edito, apud Hispaniam eo tempore agente, ac memorante quæ retrò acceperat Angelopoli, Senecamque adducente, qui cordatè satis scripserat: *Patria est ubicumque bene est.* Ab Hispalensibus in tenera ætate laribus in Americam nostrâ deductus anno 1640. Angelopoli, celeberrima Urbe, constitit, & exorsus à Grammatica, Philosophiam, Theologiam que optimè didicit inter ephēbos V. Præfulis D. D. Joannis de Palafox, tum sacris initiatus, & Concionatoris munere functus, magnum sibi peperit nomen, literis mores utique probatissimos socians. Propterea Illmūs. D. D. Joannes Garcia de Palacios, è Canonico Angelopolitano Habanensis creatus Episcopus, eum sibi à secretis delegit tulitque in Ecclesiam illam, eo usus cū ad peragenda negotia alia, tum etiam pro examinandis ijs qui Ordinibus initiandi essent, Confessionibus audiendis exponendi, aut ascensuri sacrum suggestum, aut Parochias recturi. Hinc natale solum brevi repetijt, in quo multas habuit, audientibus cultissimis viris, Conciones, nonnullas etiam edidit, probantibus ipsas Magistris doctissimis, eximijs pro earumdem merito elogijs. Ille tametsi multi, ut par erat, factus

à gentilibus suis, quam elegerat Patriam cogitans Angelopolim expetensque, in Americam se reduxit Domiciliumque pristinum, ubi sermonibus denuo habendis traditus, & auditorum fructu, & Doctorum plausu susceptus, haud absimiliter Mexici fuit auditus, non numquam tempore quadragesimali statis diebus argumentum, ut fit, singulare secutus ex Historijs petatum sacris, ordinatè ad mores expensum atque partitum. Certè, magnum erat ejus in oratoria Evangelica nomen, nec immeritò comparatum: Ut enim operum, quæ typis dedit, Censores accuratissimi, & in eadem Facultate primarij testantur, & ipsa se legentibus scripta exhibent, egregia sunt, quòd gravitatem rerum subtilitati sociatam, ingenium unà ac judicium, dictionis elegantiam fucatam minimè, dispositionem ex arte, cæteraque christiani Ecclesiastes decora præferant. Fama est apud Angelopolitanos, ipsum memoriâ Biblia Sacra universa tenuisse. Ad Patres & Doctores quòd attinet, satis fuisse eruditum, cū panegyrici ejus Sermones, tum etiam morales ostendunt, in quibus quadraginta fere annos posuerat 1693. verrente, quo tomus in folio multi voluminis prodijt idiomate hispano hoc titulo:

*Historia varia canonica ad mores traducta in Conciones.* Angelopoli, ex Typographia Didaci Fernan-



AN

andez de Leon 1693. in folio.

In quo, præter Evangelicas Orationes, à pag. 753. ad 948. varijs in Festis dictas, leguntur,

*Jobi nobilitas sex concionibus illustrata. Mors Patriarchæ Josephi totidem expressa sermonibus. Arca noetica allegorica, eluvionisque moralis historia in sex item orationes partita. Thronus Salomonis æquali & ad ejus gradus respondente numero expressus. Sex majora, quæ à Mundo prodierunt scandala. Præclara animæ gesta justæ, in Muliere Apocalypica designata. Septem Angelicæ tubæ. Amplificationes expositivæ in Dominica Passionis historiam. Elogia Deiparentis Virginis ex Antiphona Salve Regina eruta & explanata.*

Alium item in folio tomum emissit sub titulo:

*Panegyrici sacri,*

Qui Orationes continet 35. de Christo Domino, de SS. Deiparente, de Cœlitibus varijs, ac de piacularibus ignibus addictis animabus. Hispali, ex Chalcographia Hæredum Thomæ Lopez de Haro 1696. in folio.

Scorsim præterea ediderat tomum in quarto alium simili ferè nomine:

*Panegyrici sacri apud Indias Novæ Hispaniæ dicti varij argumenti.* Hispali, ex Officina Thomæ Lopez de Haro 1679. Item 1680. in quarto. Extant etiam.

*Oratio evangelica in laudem S. Caietani Tiennæi.* Angelopoli typis Didaci Fernandez de Leon 1695. in quarto.

AN

*Oratio sacra in septimum Psalmi 50. versum.* Angelopoli, formis Joannis de Villareal 1696. in quarto.

*Poema hispanum acta describens laudansque egregia Illm. D. D. Emmanuelis Fernandez de Sancta Cruce, Episcopi Angelopolitani.* Extat ad calcem Panegyrici funebris ejusdem Præfulis editi à D. Josepho Gomez de la Parra. Ibidem ex Officina Hæredum Joannis de Villareal 1699. in quarto.

254 F. ANTONIUS DIAZ, Natione Mexicanus & Patria, strictiora S. Francisci Instituta sectatus in Provincia Excalceatorum S. Didaci Mexicana, à religiose & preclarè gestis, atque à litteris etiam meritò commendandus, Lector primùm Philosophiæ, dein Moralis Theologiæ Sodalibus datus, optimè functus Magisterio, alijs dein incubuit muneribus, cum domesticis, tum etiam extraneis, quæ doctrinam hominis & vitam commendant. Apud Episcopatum Antequerensem, seu de Goaxaca, cujus in primaria Urbe nudipedum Franciscanorum Cœnobium insigne viget, Synodalis Examiner est renunciatus, & ab Apostolico Fidei Senatu Mexiceo inter Theologos censendis propositionibus destinatos adscriptus. A Socijs verò Guardianus, ut dicunt, in præcipuis Conventibus habitus, tum etiam Definitor, & Provinciæ caput seu Minister electus, Paterque sub inde Familiæ, quam optimis exemplis

&amp;



& prudentissimâ regulari disciplinâ informavit. Scripsit

*Philosophia Cursum ad Scoti mentem Aristotelisque sensum, seu Libros Summularum, Logica, Physica, Metaphysica, &c. in quarto.*

*Varia ad Theologiam spectantia Moralem. in quarto.*

*Sermones item varios. in quarto.*

Quæ omnia penes suos Mss stare censemus. Edidit autem

*Sermonem panegyricum in Apoteosi S. Joannis à Cruce, à Carmelitis Excalceatis octiduo Mexici solennissimè celebrata. Extat in libro ejusdem argumenti Conciones alias opusculaque id concernentia junctim amplectente. Mexici, apud Josephum Bernardum de Hogal 1730. à pag. 346.*

255 F. ANTONIUS DIAZ DEL CASTILLO, Natione Mexicanus & Patria, Ordinis Seraphici in Provincia S. Evangelij filius, Philosophiâ donatus atque Theologiâ, bonisque litteris eruditus, Prædicatoris multa cum laude munus plurimis annis, & alibi & Mexici exercuit, quòd aptus natus ad dicendum esset, stilo minimè fucato, fluidâ oratione ad artis præcepta, judicioque polleteret & facilitate, non exiguâ dives Scripturarum atque Interpretum eruditione. Sermones quidem condidit vix multis voluminibus comprehendendos, è quibus aliquos typis datos habemus, statim indicandos, ubi tomum à se historicum editum dixerimus idiomate hispano sequenti titulo

*Manus religiosa, seu Descriptio Sacrarum Parochia Tolucensis. Mexici, ex Typographia H. V. Michaelis de Ribera 1731. in quarto.*

*Panegyris in dedicatione ejusdem Sacrarum dicta ab Authore. Ibidem sub eodem codice.*

*Oratio funebris habita ab eodem in Exequijs ductis D. Gaspari de Villalpando Centeno. Mexici, mox datis typis 1722. in quarto. Habetur tom. 34. Collect. nostræ.*

*Concio moralis in Sacello Regio Mexiceo dicta coram Senatu Regio secunda Feria sexta quadragesima. Mexici, litteris Hæredum Viduæ de Lupercio 1724. in quarto.*

*Panegyris in dedicatione Templi Deo sub nomine S. Bartholomæi Apostoli apud Oppidum de Ozolotepec excitati. Formis Hæredum Michaelis de Ribera 1729. in quarto.*

*Panegyris de S. Patriarcha Dominico in novi Altaris dedicatione Deo ejus nomine consecrati. Mexici, eisdem litteris 1722. in quarto. Habetur tom. 74. Collect. nost.*

256 P. ANTONIUS DIAZ DE GODOY, Natione Mexicanus & Patria, Latinitate instructus & Philosophia in Collegio Maximo Societatis JESU Mexiceo, Aulis itidem Academicis frequentatis, laureâ donatus, Theologicas etiam excoluit magno cum fructu, quem ut ferret multo uberiores, Academiae se adjunxit tum coalescenti apud ædes Congregationis Oratorij, proptereaque à S. Philippo Nerio etiamnum dictæ; in quacum Theosophiæ referendis arcanis,



AN

nis, tum etiam Orationibus construendis panegyricis, numeris que poeticis concinnendis incubuit. Tum mox dictæ Oratorij addictus Congregationi, & Sacerdotio initiatus, ad mortem usque annos fermè 40. in ea substitit, atque pro Instituto, quod suscepserat, laboravit. Potissimum verò sacro à Superioribus destinatus suggestui, hanc alacerrime obeundam provinciam assumpsit, & strenuè quidem excoluit: nam frequentissimè è superiori loco dicebat, & domi & foris, etiam exiguo sibi tempore dato, imò multoties extempore ferè, quòd casus ita tulerint multi, multum que ipse huic muneri vigilaverit. Duodecim extremis vitæ annis in Oratorio ad fratres dixit alternatim cum Socio diebus Dominicis, multa quidem Scripturarum & Patrum atque Interpretum eruditione, quam usu sibi comparaverat & studio quotidiano, suas in libris delicias & otia reponens, ac subinde assiduus in Bibliotheca, cujus perpetuam curam gessit, communi, cui moriens multa & selecta legavit volumina. In historiâ versari sacra etiam amabat, & in Theologia mores dirigente pro consulentiũ utilitate, quibus & in confessione sacramentali & extra providere multis satagebat. Ad hæc librorum Censor à Quæstoribus Fidei designatus, hanc itidem ornavit spartam. In Congregatione multis fulsit muneribus, nam &

AN

Præfectus Oratorij non uno fuit triennio, & unus è Deputatis, qui Superiori adsunt pro Congregationis regimine, & Præpositus eisdem, ut sit per triennium. Hæc inter piè vitam duxit christianis conspicuam virtutibus, & multis erga SS. Deiparentem, potissimum sinu complexam suo mortuum Filium, amoris argumentis insignem, quam deposuit anno 1743. die 27. Maji, non dum absoluto solenni, quod agitur quotannis in honorem S. Parentis Philippi, triduo, quem in cœlestibus laudaturum, pro ut in terra fecerat, speramus. Scripsit

*Compendium vitæ S. P. N. Philippi Nerij pro meditationibus traditæ italo sermone à P. Francisco Amadeo de Ormea, è Congregatione Oratorij Augustæ Taurinorum, hispanâ donatum versione. Mexici, typis Hæredum Viduæ Michaelis de Ribera 1714. in octavo.*

*Sanctorum spiritus Fundatorum in S. Philippi Nerij spiritu expressum. Idiome hispano. Mexici, in eadè Typographia 1727. in quarto. Habetur tom. 4. Collect. nostræ.*

*Instauratum Altare: Sanctus in conversione sua Apostolus Paulus. Hispano sermone. Mexici, typis D. Mariæ de Ribera 1742. in quarto. Extat dict. t. Collect. nostræ.*

Alia quæ edidit opuscula minuta prætermittimus. In Schedis autem reliquit latino sermone

*Commentaria in librum Job; sed non absoluta, in folio.*

*Commentaria in caput primum*



*Geneleos*, duodecim codicibus, quos ferè omnes legimus, Authore vivente, multa cùm ex sacris Biblijs & Doctoribus eruditione refertis, tum etiam ex Theologiâ Scholasticâ, quæ sex dierum primordialium opera expendit, in quarto.

Hispanâ linguâ, *Exercitia S. Antonij Patavini, degentis in solitudine, id est, Christianæ meditationes ex Scriptis S. Antonij desumptæ, verbis ejusdem & sentijs per totum deductis opusculum*, quod itidem legimus.

*Sermones item panegyricos & morales*. Tomis 5. eodem etiam idiomate.

*Monumenta pro historiâ Congregationis suæ Mexicæ texendâ*. In quarto. Quæ omnia Mss extant apud Symmistas suos.

257 FR. ANTONIUS ESCARAY ( Non Escaroy, ut bis legitur in Bibliotheca Franciscana, nempe tom. 1. pag. 103. & tom. 3. in Appendice post Indicem alphabeticum ) Natione Hispanus, ortus apud Mantuam Carpentanorum, in Americam nostram deductus ab Illmô. viro D. D. Fr. Bartholomæo Garcia de Escañuela, ejusdem Instituti, Episcopo Portudivitensi, ut à secretis sibi esset & sacris Confessionibus, eo usus est etiam pro Testamentorum & Piarum causarum Judicio, proque ejus nomine Visitatoris titulo invisendâ Provinciæ parte. Promotus Antistes in Ecclesiam Novæ Cantabriæ, vul-

go dictam de Guadiana, Nostrum secum transtulit eisdem institutum muneribus, si unum excipias Judicis Testamentorum & Piarum Causarum. Undecim apud Episcopum annis moratus, Mexicanæ se adjunxit Provinciæ Regularis Observantiæ S. Francisci, nuncupatæ à S. Evangelio, cui à secretis fuisse anno 1681. habemus ex Oratione in laudem immaculatæ Virginis in Universitate Mexicanensi ab eo recitatâ, Doctoribusque plaudentibus edita. Certè multo cum Sapientum plausu sæpe per id tempus è superiori loco dicebat, quamvis non defuerint obtestatores, plagij ipsum nota inurentes, perinde quasi Domini quondam sui D. Bartholomæi de Escañuela, notissimi Concionatoris & celeberrimi, partus asciceret, Æsopicumque Graculum ageret. Hanc ut à se propulsaret calumniam, eidem Illmô. Præfuli nuncupavit concionem, quam & dixit & edidit de *Compensandis Assertoris nostri ac vindicis dilectissimi injurijs*, Meccenatem obtestatus, uti ea clientem liberaret criminatione, palamque diceret, quot & quales sibi suggessisset sermones, aut scriptos, ut eisdem uti posset, unquam communicasset. Fatetur quidem Magistrum auscultasse Patronum suum, à quo didicisse profecisse que multum, quod hominis est ingenui, haud erubescit; cæterum Corniculæ instar alienis implumescere calamis, furtoque orna-



AN

nari, pro sui nominis honore de-  
rectat. Sanè nulli deinceps du-  
bium ea de re hæsit, experienciâ  
cunctos docente, quantum in ora-  
toria Facultate emereret, quod  
elarius multo patuit atque difus-  
sius, brevi eo Collegium Querent-  
ianse à S. Cruce nominatum pe-  
tente, quod nuper erectum fue-  
rat, & de Propaganda Fide insti-  
tutum profiteretur, Sodalibus ejus  
expeditionibus spiritualibus, non  
modò Fideles inter, sed verò etiam  
inter Paganos deditis.

258 Eò ubi se Noster rece-  
pit, concredita sibi à Deo talen-  
ta in animarum procurandâ sa-  
lute collocavit, & quòd non dum  
liceret infidelibus evangelizare,  
Fideles duobus comitibus lustran-  
dos suscepit in vastissima Diœce-  
si Guadalaxarensi, seu Novæ Ga-  
llecix, quam peragravit totam, an-  
no 1685. solido in expeditione  
illa consumpto, eximijs conquisi-  
tis pœnitentiæ & reformationis  
innumerabilium penè christiano-  
rum lucris, quæ recenset diligens  
æque ac eloquens Chronographus  
eorundem Collegiorum Fr. Isi-  
dorus de Espinosa lib. 1. cap. 20.  
& 26. Nec minori profectu res  
in ipsa Urbe primaria, Episcopi &  
Regij Auditorij Sede, successit,  
Nostro primâ hebdomade singu-  
lis alternatim diebus ad frequen-  
tissimam multitudinem è sugge-  
tu dicente, & vicissim clarissimo  
Pontifice D. D. Joanne Jacobo  
de Leon Garabito, qui in Anto-  
nij suffectus locum hebdomade

AN

sequenti, quòd ægrotasset, tri-  
bus continenter diebus ejus vi-  
ces sustinuit. Hinc versus Za-  
catecas Noster iter instituit, qua  
in Urbe difficile dictu est, quan-  
tum verbo & exemplo profecerit,  
jactis ex tunc seminibus, ut tem-  
pore procedente amplissimum ibi  
Collegium instituti de Propagan-  
da Fide surgeret, quod à Guadalupe  
dictum jam diu eminet. Reliquum  
erat ut Paganis eandem prope  
ditionem huc illucque vaganti-  
bus, ad littora fluminis Blanco di-  
cti in Novo Legionis Regno, Ca-  
tholicæ Fidei dies illucesceret,  
quam ut illis Noster afferet, mul-  
tis egit ac multis, donec doctus  
experimento post non paucos mē-  
ses, immaturam adhuc segetem  
novit, nec mitescere posse fu-  
gientes barbaros, à quibus subin-  
de recessit, alia in Collegio suo,  
quod repetijt, acturus, quæ quo-  
niam nos fugiunt, ea tacente Hi-  
storiographo, & in alterum To-  
mum, qui non dum est editus,  
reservante, filere & nos cogimur,  
scripta jam hominis relaturi se-  
quentia

*Doloris voces ex scelerum multi-  
tudine nata, quæ luxus causâ vestium  
oriuntur.*

Hispano sermone liber intex-  
tus est multis & gravissimis ad-  
versus prophanorum habituum  
luxuriam objurgationibus, quam  
egregio infectatus est Author ze-  
lo, & fructu haud minori in con-  
cionibus suis, plurimas ab istius-  
modi vanitate fœminas revo-



## AN

cans. Hispali, typis Thomæ Lopez de Haro 1691. in quarto.

Vernaculo item idiomate Sermones publicavit, quos subdimus.

*De Immaculata SS. Mariæ Virginis Conceptione.* Mexici, litteris V. Bernardi Calderon 1681. in quarto. Legitur tom. 17. Collect. nostræ.

*Vindiciæ pro Christo Domino injurijs affecto.* Mexici, eisdem formis & anno. Extat t. 15. dict. Collect.

*Panegyrica oratio in solenni B. Virginis sub invocatione de Aranzazu festivitate.* Ex eadem Typographia 1683. in quarto. Habetur tom. 75. ejusdem Collect.

*Oratio panegyrica habita pro Comitibus Provincialibus Mexicana S. Evangelij.* Ex eadē Officina 1683. in quarto.

*Oratio pro Christi Domini funere prosequendo apud Queretarenses dicta.* Eisdem itidem typis Mexicanis V. de Calderon 1682. in quarto. Clauditur tom. 66. dict. Collect.

Cætera ejusdem opera latent nos.

259 D. ANTONIUS ESPEJO, cujus Natio & Patria notitiam adhuc aufugiunt nostram, Mexicanus fuit ut minimum Domicilio, novæque Mexici novus item Columbus, si fides adhibenda est diligentissimo Torquemadæ tom. 1. Indicæ Monarchiæ lib. 5. cap. 51. testanti primum fuisse eum qui vastissimam Provinciam detexerit, tot tantisque insignem dotibus, ut nova propterea Mexicus audiat. Nec verò Betancurtius, vir itidem admodum eru-

## AN

ditus, sic à Torquemada dissentire hac videtur in re, uti nullo conciliari fœdere possint. Quamquam enim jam inde ab anno 1540. hanc Franciscus Vazquez Coronado conquiendam regionem susceperit, & ut cumque aperuerit, in quam rursus anno 1581. Franciscani à Betancurtio nominati, inquisierint; Nolter verò sequenti 1582. eidem accinctus operi fuerit; stare quidem optimè potest, hunc demum explicatè aperuisse Provinciam, citraque hæsitacionem res ejus, fin minus omnes, plerasque bono in lumine collocasse. Profectò Nolter, uti idem Torquemada Author est nobis, peritior instructiorque omnibus qui ad ea usque tempora novam perlustraverant Mexicum, in his quæ concernunt ipsam, meritò est habitus. Nec ea tantum gloria conspicuus quòd amplissimam aperuerit ditionem industriâ, consilio, & militari robore insignis, in quam mox Evangelium delatum fuit multo cum animarum fructu, quotidie ad nostra usque tempore germinante; sed verò etiam, quòd proprijs militaverit stipendijs, secumque equos in expeditionem illam centum, armatosque milites duxerit multo in his omnibus ære suo expenso. Tandem obicibus benè multis superatis strenuè, mense Novembris proximè consequentis anni 1583 comite F. Bernardino Beltran, Seraphici alumno Ordinis, in



## AN

in optatam devenit regionem, cuius, idiomate hispano, construxit historiam brevem, seu

*De Nova Mexico narrationem historicalem*, prout monet præcatus Torquemada loco supra indicato pag. 708. editionis Madritanæ de anno 1723. Betancurtius verò nostri meminit in Theatro Mexicano part. 4. tract. 3. pag. 95. editionis Mexicanæ anni 1697.

260 D. ANTONIUS FERNANDEZ LECHUGA, longo ad minus domicilio apud nostros habito Mexicanus, ut ex Nuncupatorijs præfixis editis opusculis ejus conjectu est facile, Natione item & Patria an fuerit ambigimus: Vir fuit 36. annorum curriculum lectioni deditus & studio cum historiæ aliarum, tum præcipuè earum, quæ Genealogijs intextendis subserviunt, Familiarum Stemmata indicant & Insignia, illustres ob oculos majorum imagines Nobilibus exhibent, avos atavosque clarissimos: hinc Nobiliaria, ut dicunt, præ manibus semper ferebat, deque stirpe & gente consultus, pro ea qua pollebat eruditione, respondebat, imò & discipulos, quos novimus, in his quidem instructos, post se reliquit. Poeticam etiam coluit hispanis numeris, quibus publici juris fecit opusculum hoc insignem titulo

*Nulla ad bonos mores fera vita est*, christianis peccatores admonens documentis, non ut ad Ka-

Zz

## AN

lendas Græcas, quod dicunt, penitentiam cunctentur, sed de suis promptè sceleribus conterantur. Mexici, typis Joannis Ruiz 1671. in quarto.

*Pia ad Jesum-Christum Dominum columnæ alligatum lamentatio*. Mexici, eisdem litteris, anno 1675. in quarto.

261 FR. ANTONIUS DE FIGUEROA, Natione, ut conjectura est, Mexicanus, inter Goatemalenses natus, atque Regij & Militaris Ordinis Beatissimæ Virginis Mariæ de Mercede Institutum professus, ut ab ejusdem Sodalibus per litteras docti sumus, Apostolicus Prædicator, totum conscripsit vernaculo idiomate, cui titulus:

*Sermones varij*,

In folio, an in quarto, vel aliter, nescimus, qui apud suos in Conventu de Ciudad Real habetur.

262 P. ANTONIUS DE FIGUEROA VALDES, Natione Mexicanus, Mexiceis ortus laribus, majorum imaginibus clarus, illustriorem multo sibi delegit Familiam, ubi per ætatem licuit, Societatem JESU, in qua votis se quatuor Deo religavit, & eximijs ac præclaris dotibus fulsit. Omnium ornamenta Scientiarum egregio potitus ingenio, studioque æquali, facile comparavit; eminuit verò, cum amœnioribus litteris, Oratoria & Poesi latinis, adeo ut extempore diceret tanta sermonis eloquentia proprietateque,

que,



que, quanta Docti alij cuperent eloqui meditatio; tum etiam in Philosophia, & qua latissime patet omni Theologia, atque etiam civilis & canonici Juris sapientia: nec in hispana dictione sermonibusque sacris habendis inferior sibi fuit, cunctis in ejus labijs manibusque Musis ultrò insidentibus, quarum subinde illicitis tracti non vulgares modò, sed etiam homines eruditi audire illum sæpe cupiebant. Quæ eo majori laude sunt omnia, quòd singulis insimul incubuerit, multis Antecessorem annis agens in palæstra Gymnasij, cœtera minimè prætermittens, imò eis plura pro instituto conjungens ad animarum attinentia salutem. Philosophiam Angelopoli docuit, in qua discipulum habuisse gloriamur nostrum in ipsa Magistrum P. Marcum de Somoza, egregiè eruditum, aliosque haud absimiles.

263 Theologiæ itidem in eodem Collegio scribendæ & dictandæ tandiu institit, quo usque in Maximum Mexicæ traductus Primariam moderatus fuit Cathedram. Interea Provincialibus comitijs indictis pro delegandis ad Europam Procuratoribus, suffragante plaudenteque gravissimorum PP. Congregatione, destinatur, Socio ei dato egregio viro P. Petro Ignatio de Loiola. Quòd verò ad Primarium Theologiæ Professore spectet Conclusionibus eo tempore præsidere

eidem nuncupatis Congregationi honoris causâ & officij, per diem integrum, mane Theologice decem & octo titulis, è quibus singuli graviores & multas id argumenti exhibent propugnandas; vespere autem sex ad Jura attinentibus, & similiter gravidis; hanc Noster spartam ornavit multo cum sapientissimorum, qui aderant, plausu: nam cum gratissimus ijs esset Doctoribus Jurisque Antecessoribus in Universitate Mexicanensi, qui de more, tempore vespertino erant disputaturi D. D. Carolo Bermudez de Castro, Primario Canonici Juris Magistro, postmodum Archiepiscopo Manilensi D. Josepho de Torres & Vergara, Primario Juris Civilis Doctori multis titulis ornatissimo, alijsque similibus Academiae Proceribus, continere se non valuerunt, quin ante quam theses scholarum ritu argumentis tentarent, latina singuli Prolusione Delegato ad Europæ Curias Præsidi, ipsumque destinanti Provinciae Mexicane multa eruditione gratularentur. Tum ille, qua erat in dicendo facundia, extemporanea reposuit oratione, tam ad proposita sibi nata, quam quæ multo fuisset studio quæsitæ.

264 Iter suo tempore arripuit cum Socio multis instructam navibus classem in Hispaniam reducem petiturus, quæ feliciter quidem ad Habanensem appulit Portum, sed inde solvens versus

que



que Europam tendens, ad frictum Bahamae & Floridae littora luctuosissimo casu naufragium fecit die S. Ignatio Loiolensi facto anno 1715. plurimis nautis & vectoribus pereuntibus, Nostroque & Socio, qui egregio morientibus fuerant auxilio, hortantes momentesque perfervide cunctos, uti contritione scelerum misericordiam Dei invocarent, animasque ad Sacramentalem absolutionem opportunè disponderent, Jesu Christi, cujus Imaginem è Cruce pendentis ferebant, Sanguine pretiosissimo confidentes. Jacturam certè maximam Provincia Mexicana Societatis JESU passa est, imò & universa, quā latissimè porrigitur, Hispania Nova hincce viris orbata, quos ad maturitatem usque insignes & litteris & religiosis moribus duxerat. Quod ad Nostrum spectat, placet ejus hic elogium innuere, quod Amicus noster P. Vincenzus Lupecius, ejusdem Societatis, vir in paucis eruditissimus, Magistro suo in Theologia contexit data occasione, in aureo opere quod Miss nobiscum communicavimus, à capiteque ad calcem, perlegimus, *Secula immaculata Conceptionis Mariana* inscriptum: seculo itaque 18. pag. 873. Periculum jure nominat & Americanae Oratoriae fulmen, in utraque Theologiam clarissimum, & delibatum amoenissimum omnium ferre scientiarum florem: In scholae arena Martem robustum Hercu-

lemque vincendis natum monstris difficultatum: In defendendis Problematibus admodum facilem, ac demum talem hominem tantumque, quo in uno locupletiore multo nova Hispania thesaurum habuerit illis omnibus quibus fecundissima auri argentique venae ejus ditescunt. In hunc haecenus sensum ille. Et verò elucubrata à Nostro opera gemmis non injuria nobilissimis comparanda dicet qui legerit, quamvis majorem earum partem vel amissam doleamus vel absconditam thesauri instar ritu & gemmarum. Recensere nihilominus possumus & quae in scrinijs habemus nostris, & quae non visa licet à nobis, indubiè ab eo profecta novimus, accepimusque à fide dignis testibus. Habemus quidem Theologicas elucubrationes in quarto.

*De necessitate Scientiae Mediae.*

*De justificatione impij.*

Scimus è suggestu Scholae distasse

*Tractatum de Ente supernaturali.*

*Tractatum de Merito just.*

Quibus si alios & Theologicos & Theojuridicos adderemus nobis ignotos, aequè multi ac nobiles essent. Philosophici verò, quorum itidem exemplaria multa sunt oportet, nostratum more censentur

*De Summulis.*

*De Logica.*

*De Physico auditu & auscultatione.*



- *De Metaphysicis.*  
 - *De Anima.*  
 - *De Ortu & Interitu.*  
 - *De Cælo, Mundo, & Metheoris.*  
 Tandem è Latinis Prolusionibus, Sermonibusque Hispanis pulcherrimis omnibus, aliqui compingi possent Tomi, quos fortè editos cum alijs Operibus legeremus, ni avarum juxtà invidumque Oceanum cuncta unà cum Authore absorbuisset.

265 D. ANTONIUS FLORES VALDES, Natione Mexicanus, è Michoacanensi Diœcesi oriundus, Latinitate instructus, Mexici, alumnus Regij S. Ildefonsi Collegij, Philosophiam, moxque Theologiam tam avidè hausit & faustè, ut ipsarum academicis laureis insignis, Academias in eodem Collegio pro utriusque Sophiæ exercitatione pridem destinatas rexit Præses; tum canonico Juri haud minorem operam enucleando possuit, gradumque subinde meritò tenuit. Ubi, absolutis studijs, egregio plausu sibi comparato ab perspicuitate, amœnitate, & sublimitate ingenij, multâque & floridissimâ eruditione, patriam remeavit, sacris initiatus, Præfecturam Scholaris Sodalitij pro Moralis Theologiæ nodis solvendis adeptus in Urbe Potosina, Illmô. decreto Pontificis ejusdem, eo ita defunctus est munere, ut insimul Oratoriam sacram concionibus pulcherrimis excoluerit, è quæis nuncupatam mox insinuato Antistiti

D.D. Martino de Elizacochea, publicæ dedit luci hoc hispano titulo

*Cælestis conceptio & nativitas Mexicana Imaginis Guadalupæ SS. Deiparentis. Mexici, ex Chalcographia D. Mariæ de Ribera 1750. in quarto. Extat tom. 19. Collect. nostræ.*

266 D. ANTONIUS DE FOLGAR ET AMUNARRIS, Natione Mexicanus, nobili admodum stirpe Mexici ortus, à PP. Societatis JESU ad SS. AA. Petri & Pauli Grammaticam ut acceperat, Philosophiam ex eodem fonte hausturus, Regium S. Ildefonsi Collegium adivit, violaceâque decoratus trabeâ primos inter æquales suos habitus meritò, insignitusque gradu in Universitate, ejusdem albo Theologorum voluit adscribi, in quorum Aula multum profecit, adeo ut exacto statuto quadriennio reportatâque laureâ Baccalaureatus, sponte sua theses ex omni Scholastica Theologia decem & octo divisas titulis, ut sit à provectoribus, defensandas mane palam posuerit multas & graves, ad vesperam autem Theojuridicas ad sex reductas titulos propugnandas pariter dederit in amplissimo Universitatis Theatro publicis destinato concertationibus, non absque Magistrorum ex omnibus Ordinibus plausu. Hæc inter S. Philippi Nerij Academicis cooptatus, eorundem pensa multa variaque exsolvit, cum Scholastica & Mo-



AN

ralia, Poetica tum etiam & Oratoria. Doctor publicè inauguratus, insignitusque Sacerdotio, confessionibus excipiendis, habēdisque se dedit concionibus, quas ingenio confectas & arte, juxtā quæ sacra pulchras eruditione Docti viri probarunt. Constitutā Regiā & insigni Ecclesiā Collegiatā propè Mexicana Pomaria apud Sanctuarium à Guadalupariā SS. Mariæ Virginis Imagine ante duo secula miraculo depicta notissimum, is unus fuit è primis Canonicis, qui à Catholico Rege Patronatus sui jure destinari, ecclesiastico ritu instituti fuerē pro Dei cultu & Purissimæ Deiparentis. Huic in præsentia muneri vacat, Censoris Theologi honore à Trium-Viris Fidei Mexiceis adauctus. Pridem in publicum dederat à se conditos Panegyricos habitos his titulis vernaculo idiomate:

*Fortuna America potior, scilicet, Instauratio Imaginis Servatoris nostri è Cruce pendentis divinitus facta.* Mexici, apud Franciscum de Ribera Calderon 1731. in quarto.

*Contentiones amoris Patrem inter æternum & S. Josephum.* Mexici, in Regia Typographia D. Maria de Ribera 1734. in quarto. Extat tom. 7. Collectionis nostræ.

Nuper verò hispanis formis & eosdem recussit & alios primùm edidit Codice hunc in modum scripto:

*Sermones panegyrici, in Mexicæ Urbe Imperiali recitati, &c.* Man-

AN

tuæ Carpentanorum, apud Antonium Marin 1753. in quarto.

Mss reservat multos luce publica haud indignos, brevique edendos; itemque pro suo paratum usu

*Compendium Theologiæ Scholasticæ, variarumque juris disputationum,* quod nonnumquam habuimus præ manibus.

267 D. ANTONIUS DE GAMMA, Natione Mexicanus, clarissimo Lusitanorum sanguine Mexici genitus, alumnusque Regij S. Ildefonsi Collegij, apud Maximum Soc. Mexicæ Latinæ ad discendæ operam dedit & Philosophiæ, Theologiæ autem in Academia, cujus inter Doctores suo tempore eminuit, Decanumque egit multis nominibus venerabilem. Totos quadraginta annos Theosophiam docuit, biennio quidem sacra interpretatus Biblia, dein Vespertinæ, & tandem Primariæ Antecessor Cathedræ, in qua demum Emeriti honores geminatis utique titulis retulit. In quotidianis prælectionibus tam erat assiduus, ut ne gravissimis causis eas prætermisserit: nam ut ab ejus discipulis jam pridem audivimus, accidit, ut quadam illi die omnes abfuerint, quod Magistri Sororis an Matris ambigimus defunctæ corpus ea ipsa die publicâ effendum pompâ novissent; proximè verò sequenti luce Gymnasium ille ingressus quæsit, quæ præteritro vespere eorum venisset nullus, coactusque ipse recesserit: quæ



queis reponentibus in causa fuisse domesticum funus, quo cum judicaverant præpeditum, Minime enim verò, inquit, quamvis namque Civitas ruat, si tamen Academia consistat, ægrâque valetudine non impediar, Gymnasium petam. Et porro ita ferè tandem evenit: Anno siquidem 1692. populari excitato tumultu, fusque deque Urbe omnibusque actis, Regio conflagrante Palatio, publicisque Ædibus, & alijs permultis ardentibus, die tamen subsecuta luctuosissimam noctem in qua isthæc contigerant, ille perinde quasi quieta esset Respublica, funestumque nihilum passa, Aulam adivit, consuetam traditurus lectionem.

268 Academia Rectorem egit postquam regendis Cathedris supersederat; quamquam transacto quadriennio (quo datus per octo virorum suffragia Emerito Professori Vicarius secundum Statuta nostra Cathedram est rector) ipsam repetijt, cui ad mortem usque sedulo incubuit, quam & si octogenarius aspexerit, tam fuit compos sui, & in Scholarum apicibus promptus, ut cum satis frequenter Præses adesset conclusionibus, tam quæ Cathedræ nomine ipsi obtingebant, quam quibus Decani titulo jure destinabatur, de tot tamque varijs tricis & difficultatibus sæpe occurrentibus, expeditissimè loqueretur, egregia ut decebat eruditione, qua de testes nos ipsi sumus, qui

ipsum audivimus, signatim in concertatione gravissima, quæ indicta fuit in Aula maxima Academica coram frequentissimâ doctissimorum hominum multitudine pro excipiendo salutandoque recens advecto Archiepiscopo Mexicano Illmò. D. D. Fr. Josepho de Lanciego & Eguilaz, ipso cum perillustri Metropolitana Capitulo adstante argeunteque: Præerat Noster, ut cui secundum Scholæ statuta, vices inter Antecessores pro hujusmodi actibus distribuite Primarios inter Facultatum omnium & Vespertinos, ea obtigerat: Reminiscimur enim verò quamvis 37. retrò ab hinc annis res evenierit, perdoctè illum è Cathedra de Divina Scientia Media, de Merito, de Maternitate Dei, deque similibus in disceptationem positus, inter respondendum dixisse.

269 Alijs item illustris muneribus fuit, Abbas Congregationis Clericorum gravissimè Proto-Parentis Divi Petri ab ipsis electus, Examiner Synodalis à Præsulibus Mexiceis destinatus, & post Præbendam in Metropolitana Ecclesiâ habitam, Penitentiarij Sacerdotium doctos inter retulit candidatos, cui fuit immortalis. Ad hæc insitâ mansuetudine & humanitate omnibus charus, pauperibus in primis acceptus, quibus alendis redditus obvenientes undique impendebat ex animo, in propriamque domum multos tra-



AN

trahebat miseros, utique sublevandos. Pœnitentibus Pater pro officio aderat amantissimus: Capuccinas Virgines statutis temporibus Confessarius datus eisdem extraordinarius, fovebat, solabatur, instruebat, nec Sanctimoniales cœteras præteribat. Denique christianis & Sacerdote dignis moribus clarus obit in Domino anno 1715. Mense Januario. Ex his quæ laboravit Operibus, extat edita latino sermone

*Oratio funebris habita in Ecclesia Metropolitana Mexicea pro Caroli II Catholici Hispaniarum Regis parentatione,*

In Libro ejus argumenti opuscula nectente sub titulo hispano *Sol deficiens, &c.* Mexici, apud Joannem Josephum de Guillena Carrascolo 1701. in quarto.

Quæ porro expiscari nobis licuit Mss ex Academiæ Annalibus hæc sunt:

*Tractatus de Scientia Dei.*

*Tractatus de Divina Scientia Media.*

*Tractatus de SS. Trinitatis Mystério.*

*Tractatus de Angelis.*

*Tractatus de Virtutibus.*

*Tractatus de Peccatis.*

*Tractatus de Gratia actuali.*

*Tractatus de Divini Verbi Incarnatione.*

*Tractatus de BB. Virgine Maria.*

Reliqui, quos è suggestu dixit, nos prætereunt, libros evolventes Scholæ, ab anno 1670. ad 1715. è quibus relatos ha-

AN

stenus aucupati sumus. Nec à se duntaxat elucubratis profuit Opusculis, sed verò etiam alienis, de re publicâ multum propterea meritis: Curavit siquidem ut opus immortale à Ludovico Bezerra Tanco eruditissimè concinnatum atque editum, postea verò auctum, nec cum additionibus adhuc excusum, *De mirabili Guadalapana Mexicea Deiparentis Virginis Apparitione*, eo è vivis abeunte, typis denuò prodiret Mexicanis, cui etiam Nuncupatoriam Proemiumque dedit, in quibus quanto adversus Purissimam Deiparentem afficeretur amore indicat satis. Prodiit liber ex Officina Viduæ Bernardi Calderon 1675. in quarto, de quo multa in *Ludovicus Bezerra Tanco* habemus dicenda.

Meminit Nostri P. Julianus Gutierrez Davila in Vita P. Barciæ pag. 231. n. 194. & Plaza in Chronicis Universitatis multis in locis. P. Florencia in Historia Guadalupanæ Virginis, cum alibi, tum num. 186.

270 D. D. ANTONIUS GARCIA, Natione Mexicanus & Patria, apud Regium Divi Ildefonsi Collegium, quod regimini subest Societatis JESU, alumnus, & Maximum ejusdem Societatis, & Universitatem frequentavit, institutusque Romanis litteris, atque Aristotelicis disciplinis, Philosophicâ insignis laureâ, albo discentium Jura adscribi voluit, sedulam amplissimæ Facultati operam



ram navaturus. Ingenio præditus haud exiguo, magnoque adversus sapientiam amore, quam auspiciatus fuerat, exegit feliciter viam, cujus ad metam apices Doctoratus in Jure canonico petivit tenuitque, plaudentibus Academicis Magistratibus, nec secus ipsum excipientibus Senatoribus Regijs, pro agendis apud Mexiceum Arcopagum causis fuit destinatus. Fori juxta assuerus negotijs & Scholæ dissertationibus, dignus habitus est Octovirorum judicio (qui dignitate præstantes & literis, pro Cathedralium honoribus ad justam distribuendis lancem à Rege instituti sunt) ut Primariam Juris civilis quadriennio regeret, cui subinde cogitationes suas impendit & conatus, non pœnitendo auditorum profectu. Porro altiora occupaturum pro meritis subsellia mors intercepit, demersitque uberiorum fructuum spem. Scripsit quod à Codicibus Academicis erutum exhibemus,

*Commentarium in titulum de Legitimis Successionibus.*

Reliquitque in Schedis

*Juris Allegationes Prælectionesque varias.*

271 F. ANTONIUS GODINES, Natione Mexicanus, Zamoræ Michoacanensium ortus, nudipedis S. Francisci alumni Provinciæ, quæ à S. Didaco nominatur, Mexicæ, professione junctus, literis & moribus clarus, triennium posuit in docendâ Philosophiâ,

mox verò totis annis 12. Theologica Cathedræ incubuit regenda. Provincialis etiam munere clarus fuit, teste Medina in ejusdem Provinciæ Historiâ pag. 66. n. 216. Scripsit

*Cursum Philosophiæ,*

Et

*Tractatus Theologicos,* à Sodalibus inter manu exarata Opuscula requirendos.

272 ILLMUS. D. D. ANTONIUS GONZALEZ DE ACUÑA, Natione Peruanus, Limæ ortus insigni Americæ Meridionalis principe Civitate, ad Septentrionalis tadem Americæ Domicilium translatus, quod secundum politicam Geographiam ad Nostros spectet Provincia de Caracas in Insulâ Venezuela appellata, cujus Ecclesiæ Pontificalibus fuit infulis initiatus: Apud natale solum Ordinem Prædicatorum in Conventu SS. Rosarij Limensis Provinciæ nuncupatis votis sibi delegit, Doctorisque in Sacrà Theologiam apice insignitus in percelebri Universitate Limæ florente, ejusdem Cathedras moderatus, in Catholici Regis nostri Curiam Procurator dimittitur. In ea dum ageret, Definitor Provinciæ à Sodalibus destinatur, proptereaque Romam transfertur. Eximiâ ut erat in negotijs tractandis peritiâ, & cum Scientiâ alijs florebat dotibus multis, statim ab Ordinis Generali Magistro admodum R. P. Joanne Baptista de Marinis tanti est habitus, uti socium



AN

cium ipsum adlegerit pro rebus ad Indiarum Occidentis Provincias opportunè expediendis, quam itidem ornavit spartam Dominicanorum clavum tenentem M. Joanne Thoma de Rocaverti, viro meritis æque ac purpurâ deinceps Eminentissimo, qui proximè Marinis successit. Comitij Ordinis generalibus bis interfuit cum jure suffragij Limensium nomine Sociorum. Vertebatur per id temporis in Romana Curia arduum de Canonizatione florentissimæ Virginis S. Rosæ à Sancta Maria, Limensis, negotium, quod ut faustè & ocyus expediretur, institit profuitque multum pro Dei gloria Americæque eximio decore. Ubi hæc egerat, à Catholico Rege destinatus Episcopus Caracensis, initiatus Romæ Mense Novembris 1670. anno sequenti iter arripuit Ecclesiæ demandatæ sibi invigilaturus. Alia inter, quæ in ea gessisse ambigimus minimè, nos tamen latent, admodum clara, id compertum habemus, institutum à se Collegium à Sancta Rosa Limensi nuncupatum, quod ætate demum nostra, unitum sciimus Regiæ ac Pontificiæ Universitati eximio Reipublicæ bono inibi conditæ, procurante in primis id operis D. D. Francisco Martinez de Porras. Noster typis exhibuit, quæ subnectimus opera latio sermone.

*Compendium admirabilis vitæ Rosæ de Sancta Maria Limanæ, Or-*

AN

*dinis S. Dominici, ex prolixiori vita à Fr. Leonardo Hansen anno superiori edita contractum. Romæ typis Tinaassij 1665 in 32. pp. 148. Editio 8. prodijt Romæ 1672. in octavo. Eadem gallice reddita prodijt Avenione 1668. in 16.*

*Ejusdem S. Virginis vitam hispano fuffiore scriptam stilo paratam habuisse apud D. Nicolaum Antonium in Bibliotheca Hispaniæ Novâ pag. 96. tom. 1. & Scriptores Ordinis Prædicatorum legimus ad annum 1681. pag. 692. tom. 2.*

*Bullarium Confraternitatum Ordinis Prædicatorum. Romæ typis Cameræ Apostol. 1668. in quarto pp. 207. apud Scriptores ejusdem Ordinis mox citatos.*

*Summarium Privilegiorum Ordinis Prædicatorum à S. Sede Apostolica concessorum ab anno 1216. quo ordo fuit confirmatus, ad 1669. Romæ eisdem typis 1670. in quarto. Accessit*

*Status Causarum Beatificationis & Canonizationis Servorum Dei & Beatorum ejusdem Ordinis è Registris S. Rituum Congregationis excerptus, pagg. 212. Huc usque relata extare Romæ in Casanatensi Dominicanorum testantur Authores Ordinis ejusdem Scriptorum annales texentes. Hispano autem idiomate publicavit*

*Testimonium ad R. P. Ordinis Prædicatorum Generalem Fr. Joannem Baptistam de Marinis. Matricti, 1659. in quarto pagg. 447. quod asservari Parisijs apud Dominica-*



nos ad S. Honorati iidem sunt Authores.

Paratam prælo habuisse

*Historiam Generalem Provinciae S. Joannis Baptista Ordinis S. Dominici*, testis est D. Nicolaus Antonius citato loco, & ipsam Mss allegare Fontanam in Theatro pag. 606. Critici Galli citati hactenus docent.

Italico idiomate, ejusdem Nationis usus Interprete, ut Socios suos Missionarios instrueret, Visitatorem agens & Vicarium Generalem Provinciarum Regni Neapolitani, edidit

*Brevem S. nostræ Fidei Catholicæ explicationem*. Neapoli, ex Officina Novelli de Bonis 1662. in 12.

D. Nicolaus Antonius meminit Operis alterius hispana lingua, quod subterfugit citatos Gallos, nempe,

*Compendium Historiæ Provinciæ de S. Joanne Baptista Peruvienfis, Ordinis Prædicatorum*. Matriti 1660. in quarto.

273 F. ANTONIUS GONZALEZ, Natione Mexicanus, in Oppido Janhuitlam Episcopatus de Goaxaca, parentibus Andrea Gonzalez, & Maria de Zepeda legitime genitus, & christianis moribus educatus, ad S. Dominici de Antequera Prædicatorum Ordinis institutum ambibit, religiosque votis se Deo mancipavit 11. Junij anno 1689. Liberalibus artibus eruditus & Sacra Theologia, ubi Presbyter ordinatus eva-

fit, pro instituendis Indis Nationis Mistecæ à Superioribus fuit electus. Callebat quidem gentis idioma, cui cum observationes junxerit accuratas, strenuamque praxim, primos inter Magistros habitus est. Prædicatoris generalis titulo in ea lingua insignis, multas familiæ Domos Prior Vicariusque rexit. Ut quam nactus fuerat spartam multis ornaret, librum in octavo conscripsit hoc titulo hispano, cæterà idiomate Misteco:

*Versio Catechismi hispani P. M. Hieronymi de Ripalda Societatis Jesu in Linguam Mystecam. Accedit Epitome præcipua exhibens nostræ Catholicæ Fidei Mysteria, & methodum pro sacro Viatico Indis in eo idiomate ministrando*. Angelopoli, ex Typographia V. Michaelis de Ortega 1719. in Octavo.

274 D. ANTONIUS GONZALEZ LASO, Natione Mexicanus, Angelopoli natus, Parochiam Urbis admodum claræ & fidelissimæ Tlascalsensium jure proprio ex collato sibi titulo rexit, quo usque in Capitulum Cathedralis Angelopoleos à Rege vocatus, ejusdem insignitus Præbenda fuit. S. Inquisitionis Officij Commissarium egit. In dicendo è superiori loco conspicuus, frequenter, nec sine plausu, conciones habebat, è quibus nonnullæ evulgatæ sunt typis idiomate hispano conceptæ, scilicet

*Oratio panegyrica in translatione cinerum V. viri Didaci à Sanctis*



## AN

*Etis Ligero, apud defferta Tlascala heremiticam vitam professi, cui Author fuerat à sacris Confessionibus. Angelopoli, ex Officina Viduæ Joannis de Borja 1657. in quarto.*

*Oratio panegyrica de Purissimâ Deiparentis Virginis Conceptione.*

*Oratio panegyrica de Proto-Parente Divo Petro.*

*Oratio panegyrica S. Philippi Neri.*

*Oratio panegyrica B. Rita de Casia.*

Authoris unâ cum datis Opusculis certos nos fecit D. Didacus Bermudez de Castro in Mss de Scriptoribus Angelopolitanis, testatus istos sermones typis excussos, è quibus præter primum, cæteros invenire non potuimus.

275 ILLMUS. D. D. F. ANTONIUS GUADALUPE LOPEZ PORTILLO, Natione Mexicanus, in Diœcesi Guadalaxarenfi, seu Nova Gallecia, parentibus, multis familiæ stemmatibus admodum claris genitus, piè juxtâ & liberaliter educatus, Mexicum amittitur litteris excolendus. Alumnus Collegij S. Ildefonsi Grammaticam haurit Philosophiamque à Magistris Societatis JESU apud SS. AA. Petri & Pauli Maximum Gymnasium eas profitentibus: Academiam insimul frequentat, & exactis præscriptis curriculum laureâ donatur, anno ætatis 12. bienniumque proximè consecutum Theosophiæ inchoandis studiis impendit. Ad propria reversus, brevi ita se eis abdicat om-

## AN

nibus, ut ne quidem illustria reservet stirpis cognomina, nobilissimum longè adiscens sibi à Deigenitricis Imagine, veteri apud nostrates religione signisque præclarissimâ, nuncupatâ de Guadalupe. Tum Seraphicam Provinciam Divi Jacobi de Xalisco Guadalaxarensem conceptis sacris votis aggreditur, moxque data ulterius Theologicis operâ talis tantusque evadit, ut, post Philosophiam, ipsam è Cathedra doceat Sodales (è quæis multi insignes doctrinâ, Familiæ plures annos ornatui fuere) donec Emeritus renunciatur. Interea prudentiam moresque Religioso dignos doctrinæ ita sociat, ut Custos & Prominister Romam destinetur ad Comitæ Ordinis generalia, coram Sanctissimo Patre Innocentio XIII cogenda. Interest ipsis cum jure suffragij, tantique à Superioribus dein habetur, quod multis in Ordine augeatur honoribus: Romæ quidem à secretis Curie deligitur, hinc Indiarum in Hispania, & totius familiæ Franciscanæ: ad hæc omnibus Provinciis Pater datur, quæ eximia quidem domestica decora.

276 Porro extraneis quoque fulget clarissimis, sacri Pontificij Solij Princeps, Domini nostri Papæ à SS. P. N. Benedicto XIII Domesticos inter Prælatos adscitus, & à Catholico Rege nostro Philippo V pro dirione Comaiguenfi Episcopus præsentatus, & à Consilijs assumptus. Muneri ut



fatifaciat, Americam repetit, suæque Ecclesiæ regendæ sistitur, nullumque non movet rudentem, ut ipsam ad antiquorum Patrum normam exactissimè moderetur. Horis canonicis in choro Cathedralis Ecclesiæ persolvendis adest ita assiduè, ut qui nihil præterea curare videatur, cum tamen procurandis innumeris rebus totus incumbat. Singulis dominicis diebus populo catechismum tradit, solennioribus autem festis, & quadragenarij jejunij tempore concionatur: pœnitentiæ aliaque Ecclesiæ Sacramenta & sanis & lue etiam correptis ministrat. Templâ eggressus ædificare quatuor, mirum quantum & laboraverit & expenderit in tantâ proventuum inopiâ, qui vix pro alenda fâmilâ sufficerent, Deo ipsi opes pro his ministrante, quæ gloriæ suæ, & publico profutura erant commodo; nempe Ecclesiâ eique juncto Valetudinario S. Joannis de Deo; Cœnobio Parentis sui S. Francisci, quod in Oppido Theusigalpa corruerat, atque ejus Templo; item quod pro augenda adversus Beatissimam Deiparentem religione, sub titulo Charitatis à se excitato, multa argentea suppellectile dives fecit; atque etiam Collegio Seminario, juxtâ sacrosancti Tridentini Concilij sanctionem pro instituenda juventute à se itidem erecto, & cum Sacello sacrisque paramentis ornato, tum etiam Magistris instructo, qui & virtu-

tem & litteras Discipulis traderent.

277 Nec propterea minus adornandi sollicitus Cathedralē suam, egregijs ex argento donarijs pro Dei cultu augendo insignivit eam, multisque constructis operibus locupletavit. Quod verò nil antiquius haberet, quam idoneos docendis populis ministros excolere, Clericos juvenes aliosque efformandos litteris sic suscepit, ut quotidie in Palatium convenientes, aut Grammaticam doceret, aut in Philosophicis erudiret, aut Moralis Theologiæ fundamentis doctrinisque imbueret, è quibus multos deinceps Præceptores Diœcesis egregio fructu sibi gratulata est, Collegiumque nactus. Familiars sic instituit, ut religiosi illos tyronibus quam simillimos diceret, quibus cum quotidie meditationibus sacris vacabat dimidiâ, priusquam ad aras faceret, hora; alterâque Mysterijs peractis, dimidiâ; nocturno autem tempore unâ omnes virginum dicebât Psalterium. Commune & ipsi triclinium & cœteris, pia semper conditum lectione, cui opportunas subjungebat animadversiones. Erga Deiparentem amore fervens, oviumque demandatarum sibi salutem procurans, has in illam devotas ut redderet, publicas instituit precanendo Rosario supplicationes, quibus & ipse intererat, exemplo præiturus in his quæ docebat. Longè tamen operosius agebat



## AN

visitationi deditus Provinciæ, quam, nulli parcens labori, lustravit, Paganos attingens conterminos, donis genti pergratis ipsam allectans ad sacra nostra moribusque humanissimis. Singulis in id locorum diebus conciones ad populum habebat morales, excipiendis venientium ad se sacris confessionibus aderat in Parochia, languentibusque animabus dexterrimè medebatur.

278 Publica ut averteret offendicula, nullum non movebat lapidem, paternis hortationibus, cum negligeretur à fontibus, reprehensiones addens, & severè in illos animadvertens. Pauperibus subveniebat, invisebat ægrotos, miseros solabatur, nullisque auxilio deerat, quod impendere cunctis solenne habebat, seu in Urbe & sede sua quiscere videretur, sive Provinciam undique circumiret. Atque istis deditum luctuosissima suis, sibi verò felicissima mors invenit, quam ominari licet ex transactâ religiosissimè vitâ, die 6. Januarij 1742. Parentatum ei fuit non modò in Ecclesia sua, & in Provincia de Xalisco à Sodalibus Franciscanis, quorum nomine & voto floridissima juxtâ & funebris habita declamatio, typis est edita; sed etiam Goatemalæ in Collegio Societatis JESU, Magistris ex ipso sapientissimis & latina & hispana oratione res ejus gestas graviter prosequentibus, ejusdemque nepote D. Francisco Lopez Portillo, Gua-

## AN

temalensis Urbis Senatore perpetuo, pompam solennissimam accurante, quæ unâ cum dictis orationibus prodijt Mexici, typis Viduæ Josephi Bernardi de Hogal 1743. E multis porrò, numeris omnibus absolutis elogijs, queis ornatus patuit tumulus, placet transcribere pulchrum, quod subjungimus

## EPITAPHIUM:

*Quos clausit moriturus ARGUS,*  
*aperi, Viator, oculos.*

*Una centum nocte occupante:*

*Mille uno quoque specula clarent*  
*admirationi.*

*Tanto funeri præfata adstant VIR-*  
*TUTES.*

*Omnes regnarunt in vivo, omnes la-*  
*mentatur in mortuo.*

*Prima hac lege lachrymas indicit*  
*JUSTITIA,*

*ut in justis solvendis.*

*Injustus nullus sit mæstitiæ, aut luctûs*  
*excessus.*

*Privatus sæpe cum vitio, bonus Prin-*  
*ceps cum virtute lugetur.*

*Medium in lachrymis exulat à PRU-*  
*DENTIA,*

*Cum si aliæ Virtutes Principem,*  
*lugeat ipsa perdidisse Magistrum.*

*Pastoris exitum sine fletu stupor præ-*  
*fert, minimè Fortitudo:*

*quo sapius hac steterat, in tumulto*  
*plorat cadentem.*

*Et nisi ab illo armata,*

*Vires vel ipsi Virtuti præ dolore de-*  
*ficerent.*

*Temperantia, quæ in alijs Virtus,*  
*ita in Pastore natura visa est,*



ut de cardine exiliens tumultu conse-  
pulta videatur.

Exanimis Argus cunctorum fletu dig-  
nus cum sit,

ne Temperantia quidem temperare  
valet à lachrymis.

Nec ideo in vitium virtutem dege-  
nerare existimes:

Temperantia enim est  
pro tanto amisso Principe vel ipsius  
fletus intemperantia.

A Pietate authoratum ne dubita,  
qui in tanta casuum redundantia  
non alios quam pietatis hostes sibi  
legerit impugnandos.

Deo devinctissimus Princeps,  
ita illi omnes suos agglutinavit af-  
fectus,

ut nullus nisi in Deum.

Illatis læsus injurijs eum ubique re-  
veritus presentem,

quotidie ad Aras immolabat Sacerdos.

E Seraphico Ordine Comajagua evo-  
catus ad infulas,

nescias an Monachi partes accura-  
tius expleverit,

an Episcopi.

Æque namque Monachos inter ac  
Episcopos docuit,

omnia virtutem agere, omnia posse  
etiam tolerare.

Usque ad naturæ negligentiam  
propriæ oblitus fortunæ, memor virtu-  
tum

Divinitati propiores sic dilexit,  
ut eas non tam induisse, quam in has  
abiisse totus sit visus.

Unde meritis plenus cælesti Regno  
jam maturus,

duos supra sexaginta annos agens,  
Ecclesiasticis Sacramentis munitus,

ac larvis infernalibus factus terribilis,

Æternè victurus

ingentem Virtutum exercitum

secum duxit in Cænotaphium.

Illmūs. scilicet, ac Rmūs. D. M. D.

Fr. Antonius de Guadalupe Lopez

Portillo, Regalis & Antiquioris D.

Ildefonsi Imperialis Mexici Urbis

Societatis Jesu Collegij olim Alum-

nus: jubilat. Lector, Custos, Pro-Mi-

nister D. Jacobi de Xalisco Guada-

laxarensis Provinciæ Parens; Ad Ge-

nerale Capitulum, quod Romæ coram

Sanctissimo P. N. Innocentio XIII.

Universa Seraphica Familia congre-

gavit, Vocalis: In eodem Orbis Ca-

pite à Secretis Curia, deinde India-

rum in Hispania, & totius Ordinis:

Cunctorum Provinciarum Pater, Re-

gis à Consilijs, Sacri Pontificij So-

lij Princeps, Domini Nostri Papæ à

SS. P. N. Benedicto XIII. Do-

mesticus Prælat. Comajaguensis Ar-

tistes, Fidei, Spei & Charitatis suæ

æternam mercedem hoc sub lapide

præstolatur.

Scripsit, quod sciamus, quam

P. Nicolaus Prieto Societatis JE-

SU in Oratione funebri à se ha-

bita & edita, typis excussam fuisse

testatur

Epistolam ad Sanctissimum, cu-

jus hætenus copia nobis non fuit.

Constitutiones pro regimine Semi-

narij Collegij Comajaguensis,

Quarum meminuit R. admo-

dum P. Fr. Franciscus de Tor-

res, Seraphicæ alumnus Familiæ,

in Concione funebri à se habita

pro exequijs Nostro ductis à So-

dalibus Guadalaxarensibus; quæ

Ora-



## AN

Oratio unà cum mox citata P. Nicolai Prieto, & latina à P. Joanne Garcia de Alva elucubrata, res ab Illmò. gestas nobis suppeditavit. Scripsit præterea

*Philosophia Cursum ad Subtilissimam mentem Scoti elaboratum.*

*Tractatus* itidem *Theologicos varios*, Mss à Discipulis suis & Socijs habitos in scrinijs.

*Conciones* similiter Mss.

279 P. ANTONIUS GUAXARDO, Natione Mexicanus, in Oppido Diœcesis Guadalaxarensis vulgo Saltillo apud Novam Galleciam natus, Societatis Jesu Instituta professus, in ejusdem Collegio Urbis S. Ludovici Potosini denatus, alios inter à se elaboratos Codices ibi relictos Mss, condidit idiomate hispano

*Tractatum de Mirabilibus Christi Domini è Cruce pendentis Imaginis apud Zacatecanos eximia habita religione*, ut Author nobis est D. Josephus de Ribera Comes S. Jacobi de la Laguna in *Descriptione Urbis Zacatecana* à se edita Mexici, typis Josephi Bernardi de Hogal 1732. in quarto, Nostri memoriam faciens pag. 80.

280 P. ANTONIUS GUILLEN DE CASTRO, Natione Mexicanus, in celebri Zacatecanorum Civitate ortus, Mexici floruit Præbyter Congregationis Oratorij, vir multis commendandus nominibus. Latinitate instructus in Patria, pro addiscenda Philosophia solum mutavit, quam hausit à

## AN

P. Alphonso de Arrivillaga Societatis JESU, cum proficiente in Maximo Collegio Mexiceo, cui charus admodum fuit ob insignes in illa progressus virtutum exercitationibus associatos. Theologiæ operam navavit in Universitate, Præceptoribus, alios inter utique claros, D. Joanne de la Peña Butron, Primario, & D. Joanne de Narvaes, Sacrorum Bibliorum Interprete, in quorum studio non minus quam in Scholasticæ Theosophiæ apicibus abundè profecit, adeo ut destinatus fuerit pro defendendis Scripturarijs thesibus in maxima Academica Aula, pro quibus parandis multum operæ posuit, quam & oleum, ut dicitur, non amissit, & si adversis præpedito casibus qui futurus erat Præses Narvaes, frustrata res fuerit. Insignitus gradu Baccalaureatus, Doctoris etiam infulas accepisset, ni è vivis ereptus is fuisset qui æs suppeditaturus erat, quo ille abundaverat nunquam.

281 Sacerdos factus, virtutibus excolendis unà cum libris deditus, Concionatorque, invitatus licet, factus, Oratoriæ excolendæ per diu pernoxque incubuit, dies noctesque traducens uti ad praxim Artem revocaret, quam sibi exprimendam proposuit editam ab insigni Peruano Fr. Martino de Velasco, Seraphici Ordinis, & majorem partem ad regulas conformatam, quas ingeniorum vertex S. Augustinus præ-



præfixit. Hercle, rem è sententia & voto ei successisse scripta indicant plurima, quæ ad normam istam delineata reliquit, subindeque pulcherrima se legentibus offerunt. Multo cum Sapientum plausu è sacro suggestu dicens exceptus, à P. Doctore Joanne de la Pedroza, qui id temporis Congregationi S. Philippi Nerij, præerat expetitus rogatusque ut se illi Instituto conjungeret, non quidem statim acquievit, sed opportuno dein tempore, quo illi sufficiens erat in tradendâ è superiori loco sacra doctrina: nam Venerabili viro Pedroza ad cœlestia translato, quam multis retrò annis provinciam obierat concionandi singulis Dominicis diebus, in se suscepit, totoque decennio lustravit, egregijs sermonibus habitis pro Christianarum rerum elucidatione; siquidem & Orationem Dominicam, & Salutationem Angelicam, & Symbolum Apostolorum ita explanavit, ut plurima posuerit ob aures, quæ oculis lectorum summam infra à nobis innuenda sunt scripta ejus enarraturis. Sanè, quòd ut edita, similiter inedita cuncta, quæ multoties evolvimus, tanta scateant eruditione, arteque consistant egregiâ, ingenium hominis magnum quidem, & studium non minus ostendunt.

282 Quidquid supererat temporis ab audiendis confessionibus & alijs PP. Oratorij exercitijs

lectioni dabat & scriptioni. Et quòd ad sacras attinet Litteras, quamvis multos occasione data Patres consulere & Interpretes, unum sibi Magistrum quotidiano studio præfixerat P. Cornelium Cornelij à Lapide, Societatis Jesu clarissimum fidus, cujus multa mole volumina omnia semel iterumque à capite ad calcem perlegit, evolvevatque quam sæpissimè, adeo ut Indicem fermè ageret animatum pro tantis tamq̃ diversis & disitis rebus invenendis, quantæ in omnigenâ rebus eruditione voluminibus continentur. Gravioribus istis studijs matutino tempore collocato, vespertinum haud ita difficilibus constituerat, quod subinde Historiæ dabat cùm Ecclesiasticæ, tum etiam Prophane, quam indictis sub noctem colloquijs cum Sodalibus aliquibus communicabat, propterea eruditissimus ea etiam in parte. Quòd autem Theologiam spectat reliquam, fuit nulla in qua non multum floruerit, ejus ut scripta indicant, passim dogmata moresque & spiritum concernentia, atque scholæ controversias, ubi oportet, indigitantia, in quibus tamen adeo erat vel in ultima promptus ætate, ac si quotidie ageret palæstritam, cujus experimentum fecimus in Academia apud Congregationis ædes vigente, cùm indictis gravioribus solito & solennioribus dissertationibus, invitatus ad dicendum & ipse, presse



& subtiliter ratiocinabatur apicibus, quos Logici præscribunt, observatis atque minutijs pro fillogismis, queis arietibus conclusiones quatiebat, gravi quidem & negotium facessente momento.

283 Porro stylum, pro concionibus familiaribus etiam, abjectum adhibere in usus haud poterat, qui cothurnis assuetus pedes ire ferebat ægrè; ut tamen arte eminebat atque prudentiâ, sublimi utens pro argumentorum majestate, medium infimumque suis apte collocabat in locis, nunquam passus citra Rethorum normam eloqui, qua de causa, & si frequentissimè dixerit è suggestu, numquam non paravit scripto dicenda, nisi cum impedito Sodali qui per novem continuos dies in honorem Servatoris nostri erat concionaturus, in ejusdem locum suffectus pridie fuit, nec licuit in angustijs tantis scribere; cætera bi-duo conscribebat, quem Dominica die habiturus erat sermonem, succurrente promptè memoriâ suggerenteque eruditionem, quam sibi in penu ditissima reposuerat. Tot litteris politissimis pretiosiores longè virtutes adjunxit, quas à juventute cultas, multo magis Sacerdotio insignis & Oratorij instituta sectatus excoluit. Hæc ut inducerentur in mores pro ut in Vallicellana PP. Congregatione à S. Parente Philippo fuerant induta, egregiè juit clarissimum virum P. Petrum de Arellano &

Ddd

Sossa, quo Mexicanam regente ab Innocentio XII Pontifice Maximo ad instar Vallicellanae fuit constituta. Quotidie ad aras faciebat devotè quidem, at non prolixè; orationi alijsque nocturnis pijs exercitationibus aderat; confessiones excipiebat, concionabatur, cæterasque quas Regulæ præscribunt functiones agebat, Dei in omnibus gloriam animarumque salutem procurans. Hinc eximio in illis ad pietatem formandis zelo emicabat, eductis à peccatorum vinculis instructisque in Fidei mysterijs, quæ satis explicatè & doctè trahebat. Consulebatur à multis de conscientia negotijs, quibus, qua erat & doctrinâ imbutus & ornatus prudentiâ, eximiâque præditus comitate satisfaciebat. Assiduus in laboribus, semel per dies aliquot in anno inducias capturus & quietem, in Sanctuarium Guadalupanæ Deigenitricis imagine celeberrimum Mexico proximum secedebat, suas in colendâ Dei Matre delicias reponens, Clericis interea Oppidi familiaris, & utilis in solvendis sibi pro enodatione propositis dubijs. Honestos semper præ se tulit mores, quotidianâ consuetudine nulli gravis, dilectus, ut dicebatur, Deo & hominibus. Paupertatem adamavit, exiguis, quæ sibi obtigerant, contentus redditibus, veste cæterisque religiosum decentibus virum. Humilitati verò tam fuit addictus, ut quamvis alia Congregationis munera obie-

obie-



obierit, Præpositus ejusdem electus, id honoris illico recusaverit, nec ullis precibus ut acquiesceret suffragantibus, adduci potuerit. Tandem febris correptum, quæ multoties ipsum in vitæ discrimen deduxerat, mortalem cum æterna luce piè credimus commutasse, Sacramentis munitum, die Sanctis omnibus devotâ anno 1716 ætatis suæ 54 ab adita Congregatione 16 mœrentibus in primis Sodalibus, à quibus acta demore parentatione, subter aram maximam collocatus fuit.

Scripta quamvis sua prælo subduxerit, Amico ejus & Congregationis amantissimo, viro nobili juxtâ ac diviti D. Joanne Baptista de Arozqueta, sumptus offerente pro editione eorum, quæ in Catechismi illustrationem tradiderat; posthuma excudi cæperunt quo tempore benefactor ille ad plures abierat, duobusque tomis evulgatis operâ Sodalitatis Doctrinæ Christianæ in Ecclesia Oratorii jam pridem stantis, Præfecturam ejus agente P. Josepho Hurtado de Mendoza, Congregationis quondam Præposito, viroque pijsimo; ære deficiente reliqui in Schedis mansere. Porro universum Opus Catechisticum in tomos 8. partitum est, quorum indicem exhibebimus incipientes ad editis hispano sermone & hocce titulo.

*Excitator Catechisticus, dogmatica moralisque Christianæ Doctrinæ expositio. Tomus primus Conciones am-*

*plexus Orationem Dominicam, Salutationem Angelicam, & tres priores Symboli Apostolorum Articulos explanantes. Mexici, typis D. Mariæ de Ribera 1734. in quarto.*

*Tomus secundus continet primam partem Concionum pro aperiendo articulo quarto Symboli Apostolici & Passionis Dominice ab oratione Servatoris in Horto ad Calvaria radices usque. Mexici, ex eadem Officina 1736. in quarto.*

Extant etiam impressæ Conciones novem paginis 144. quæ priores sunt tomi 4. quarum exemplaria sunt aliqua, admodum tamen pauca, quoniam cum progredi ulterius non valuerit editio æris defectu, fragmentum illud libri publicare minimè visum fuit ijs qui illum cæterosque Authoris curabant, & qui existimantes operæ pretium fore in festinatione, quartum aggressi sunt tomum in alterâ Officinâ alteris typis cudere, ut simul cum tertio prodiret, his ipsis edendo litteris quibus cudebatur secundus, qui ut absolveretur in proximo erat. Extant tom. 46. Coll. nostræ.

*Tomus tertius exhibet secundam partem Concionum pro eodem articulo quarto explanando, & Passione Dominica ab Ascensu in Calvaria montem usque ad Sepulchrum Domini, ponderatis unâ Purissimæ Virginis & Matris doloribus, quos passa est juxtâ Crucem Filij, ejusdem funus prosequuta, ipsoque orbata. in quarto.*

*Tomus quartus amplectitur pro*  
ex-



AN

exponendo articulo quinto *Conciones*, in quibus quatuor subterranei recessus, seu Inferna loca luce donantur, & latius Purgatorium expiandis animabus cætera justis destinatum ostenditur, ac demum redivivus Christus Dominus salutatur. in quarto.

Tomus quintus explicandis sexto & septimo articulis parat *Conciones*, in quibus *Ascensio Domini*, ejusdem in Cælo thronus, novissimus in terras pro *Universali Judicio* adventus, *Anti-Christi tempora*, *Mundique consummatio* explicantur. in quarto.

Tomus sextus ut octavum articulum *Fidei* expendat, totus in *tertia Augustissimæ Triados Persona* insumitur: *Spiritus sancti Donis* explicatis & *Fructibus*, & quæ contra ipsum peccata nominantur ob oculis positis. in quarto.

Tomus septimus idemque pars prima declarationis articuli noni, *Sanc-tam Ecclesiam*, ejusdem signa mysteriaque plurima bono in lumine collocat, & deinceps *Sacerrimum Misse Sacrificium* minutatim aperire incipit. in quarto.

Tomus octavus isque Pars secunda explicationis ejusdem articuli noni, quæ reliqua sunt *sacrosanctæ Misse* arcana ad finem usque referat. Tum *Sanctorum Communionem* expendit, ac demum qui supersunt *Symboli Apostolorum articulos* expensos lectoribus offert. in quarto.

In singulis porro concionibus Christiana ita dogmata explicat, ut ex ipsis argumentum ad instituendos mores deducat, quod eloquenter juxta & doctè profe-

AN

quitur *Rhetorum ornamentis* & flosculis amœnissimis, *Ecclesiasticum Oratorem* decentibus, in primisque *Scripturarum testimonijs* & *Sacrorum Interpretum sensibus*, sic ex arte dispositis, ut delectet suavissimè, in simulque potentissimè moveat ad virtutes sectandum, fugiendumque vitia.

Prædictis annectendi sunt tomi sequentes.

*Sermones panegyrici de Mysterijs Christi Domini*, de *Beatissimâ Virgine Deiparente*, & de *Sanctis*. Tom. duo in quarto.

*Conciones multiplicis argumenti ad efformandos mores*. in quarto.

*Exhortationes ad Sodales domestica in Congregatione*, ut dicunt, *culparum sub uno omnes themate à Rationali prisci Sacerdotis Aaron deprompto*. in octavo.

Codices istos Mss omnes multoties evolvimus, Authoris eruditionem & eloquentiam semper mirantes, sineque fastidio, imò cum voluptate aliquas tertium etiam legentes conciones. Habentur in *Tabulario Congregationis Oratorij Mexicanensis*. Authoris vitam erudito delineatam calamo invenies apud *Monumenta historica dictæ Congregationis*, à P. Juliano Gutierrez Davila elucubrata parte 3. lib. 4. à capite 4. ad nonum, à pagina 209. ad 225. Ejus quoque, nec sine debito elogio, meminit in *Descriptione Urbis Zacatecanæ* p. 61 eruditus Comes S. Jacobi de la Laguna D. Joseph de Ribera Bernar-dez,



dez, qui tamen sex tomos operis Catechistici enumerat, ductus notitiâ, quam eo tempore accēpit, quo nondum recognitæ fuerant omnes schedæ, quibus dein scrutatis, omnes quas enumeravimus, inventæ sunt, plures autem distractæ, vivente mortuoque Authore, desiderantur.

284 F. ANTONIUS DE HARI-  
ZON, Natione Hispanus, Patria nobis ambigua, Mexicanus Domicilio, quod in Provinciam S. Evangelij Ordinis Seraphici sese dederit, in qua, post emensos Lectoris Philosophiæ & Theologiæ curriculum, Emeritus audiit, & Guardianus ut dicunt, datus multis Cœnobijs, Provincialis electus, suoque muneri incumbens obiit, reliquitque patrio scriptas idiomate conciones.

*De Verbi Divini Incarnatione & conversione Mariæ Magdalena.* Mexici, typis Michaelis de Ribera 1706. in quarto.

*De Sancto Parente Dominico Ordinis Predicatorum Institute.* Mexici, ex Officina Viduæ Michaelis de Ribera 1712. in quarto. Extat tom. 100. Collect. nostræ Mss quæ non ambigimus plura fore, latent nos, quibus enarrandis admoveremus calamum libentissimè.

285 D. ANTONIUS DE HEREDIA, Natione Mexicanus, Patria Angelopolitanus, Professione Medicus, eruditione multâ conspicuus & variâ, in Poetica præsertim effloruit, pluraque com-

posuit, è quibus publicam aspexere lucem.

*Triumphalis machina Angelopoli erecta pro excipiendo Novæ Hispaniæ Pro-Rege D. D. Ferdinando de Lencaſter Noroña & Silva, Comite de Linares, seu Pax armata Aristei Pastoris prudentiâ.*

*Enarratio velitationum, quas Angelopoli milites in plausum recens nati Ludovici Hispaniarum Principis instituerunt.*

Edita isthæc opuscula docet D. Didacus Bermudez de Castro in Scriptoribus Angelopolitanis, quæ Mexici hætenus latent nos. Alia insuper multa Mss esse idem testatur, quæ vidisse nobis in comperto est.

286 FR. ANTONIUS A S. HIERONYMO, Natione Hispanus, apud Almanſam novæ Castellæ Villam exortus, austerioris S. Francisci Observantiæ Provinciæ S. Didaci Mexicanæ alumnus & Definitor, Lectoris functus munere Philosophiæ, & per annos aliquot etiam Theologiæ, ætatis suæ 39. Primarium agens Antecessorem in vivis esse desiit, reliquitque apud Discipulos Mss.

*Cursus Philosophicum,*

Et

*Tractationes Theologicas.*

Ejus meminit F. Balthasar de Medina in Chronic. memoratæ Provinciæ nudipedum S. Didaci fol. 66. n. 216.

287 M. F. ANTONIUS DE HINOJOSA, Natione Mexicanus, seu, ut legitur in Scriptoribus Ord. Præd.



AN

Præd. tom. 2. ad annum 1627 pag. 446. origine Hispanus, per inde enim est, ut monuimus suo loco, quoniam natos in Americâ nostrâ omnes, de quibus sermo nobis in hacce Bibliotheca est, subindeque Mexicanos natione, ab Hispanis genitos parentibus compertum legentibus volumus, nisi quando conceptis verbis scripserimus, *Natione Mexicanus Indis ortus parentibus*, aut ex alterâ genitores natione apertissimè dixerimus: cæteri enim verò suam ab Hispanâ gente & familiâ originem ducunt, tamque Hispani sunt quam qui Mantuæ Carpentanorum nati. Noster in Americâ nostrâ genitus, & forsitan Mexici, quod nobis ambiguum, Provincian Sanjacobæam Ord. Præd. Mexiceam petivit, emissisque votis adeptus, multis in ea litteris & dotibus floruit, Theologiæ Cathedras moderatus Magisterij laureâ conspicuus evasit, & à supremo S. Inquisitionis Consilio Hispaniarum inter Consultores dato titulo est habitus. In Universitate etiam Mexicanensi Doctores inter Theologos recensitus, alijsque muneribus cumulatus fuit. Edidit hispano sermone amœnissimū opus, quod jure dixeris Viridarium, in quo præter ab ipso Authore pulcherrimè lucubrata, invenies itidem variorum florentissima poemata, acumen, eruditionem & artem, latinâ hispanâque linguâ, redolentia undique & spi-

AN

rantia. Titulum Libro dedit:

*Vita & miracula gloriosi S. Hyacinti Confessoris, ex Ordine Prædicatorum; Ejusdem Bullæ Canonizationis, atque eorum quæ in ejus plausum festivè Mexici gesta sunt enarratio.* Mexici, è domo Petri Balli 1597. in quarto.

Idiomate latino conscripsit & publicavit

*Directorium decissionum Regularium circa ambiguitates Constitutionum, Consuetudinum, Actorum generalium, & Sanctionum Apostolicarum, concernentium Sacrum Ordinem Prædicatorum.* Matricti, ex Officina Joannis Gonzalez 1627. in 4. pp. 790.

Subdunt Critici Scriptorum ejusdem Ordinis Annalistæ: *Opus minus accuratum, ut patet Tit. Conversus, ubi dicit conversos habere vocem in contractibus capituli: & subinde fingens Conventum ex solis conversis professis constantem, jus eis tribuit sibi Prælatum eligendi, nisi obstet consuetudo: quod non solum præxi Ordinis, sed & constitutionibus adversatur è directo.* Hæc illi. Nos verò, qui Historiam Scriptorum teximus, non Crisim instituimus rerū quas ipsi Scriptores tradiderint, id unum in præsentia monemus, quod si minus acuratum dicendum est opus propterea quòd sententiam Author sibi visam probabilem, aut fortè probabiliorem docuerit, quæ falsa judicetur ab alijs; Opera enim verò etiam accuratissima minus accurata audient, in quibus nonnumquam pro ingeniorum diversitate facili

Ece

lè



l: invenire est quæ istis subja-  
ceant.

In Nuncupatoria ejusdem *Directorij* Author testatur habere à se compositos

*Sermonum tomos duos.*

Polliceturque *Clypeum Thomistarum ex questionibus Metaphysicis & Theologicis adfabrè compactum.*

An autem in lucem prodierint libri isti nescimus. Authoris meminit Fernandez in *Historia Rosarij* pp. 11. & 22.

288 F. ANTONIUS HYACINTUS SUASO, Natione incerta nobis, Prædicatorum Ordinis in Provincia S. Jacobi alumnus, ab ipsa Definitor Procuratorque Generalis in Europam destinatus, apud Apostolicum Hispaniarum Nuntium Examinatoris & Theologi honores promeruit, atque in Archiepiscopatu Galleciano Synodalem egit. Typis tradidit hispanâ linguâ

*Speculum amoris divini in vita V. M. Sororis Mariæ Villani, Sacri Prædicatorum Ordinis institutum nuncupatis votis professa.* Matriti, ex Typographia Joannis Garcia Infanzon 1692. in quarto. Extat ad S. Philippi Nerij Mex.

In procæmio *Historiæ* hujus Author ipse testatur aliam iridem se conscripsisse de S. Catharina Senensi, polliceturque tertiam de Proto-Parente suo S. Dominico.

289 FR. ANTONIUS A JESU MARIA, Natione Hispanus, ortus Matriti, Institutum Excal-

ceatorum Carmelitarum Ordinis in Provincia Mexicana professus fuit. Ejus & ingenium & doctrina præsertim enituit in detegendis Michaelis de Molinos erroribus, quos statim sagacissimè agnovit, imò proscriptorum postea operum virus primum è Theologis detexisse Author est (& penes ipsum fides) in Bibliothecâ ejusdem Ordinis P. F. Martialis à S. Joanne Baptista pag. 38. num. 48. quamquam alij palmam retulerint pestem illam editis scriptis exagitantes, quam fusso in Mss sermone multis ipse & gravibus momentis insimulat. Scripsit itaque

*Contra Quietistarum errores.*

Præterea, in *Boetium* Libros duos, apud citatum P. Martialem, Mss.

Typis verò commisit

*Vitam Eminentissimi Balthasaris Moscoso & Sandoval.* Matriti 1680 in folio.

Transtulit ex Anglica in Hispanam Linguam volumen

*De insectationibus quas in Anglia Catholici sunt passi:* ut in eadem legimus Bibliothecâ.

Meminit Authoris Scriptor *Historiæ generalis Carmelitarum Reformationis* t. 6. lib. 26. cap. 29.

290 P. ANTONIUS IGNATIUS MAYORGA, Natione Mexicanus, & ut credimus, Mexici ortus, Societatis JESU alumnus quatuor professione votorum insignis, dum Sodalitium ab Assumptâ Dei-



AN

Deiparâ nominatum regeret in Collegio Urbis S. Ludovici Potofini, à se habitam in publicum dedit vernaculo idiomate

*Concionem funebrem pijs manibus D. Mariæ Victoriæ de Uresti & Bustamante. Mexici, apud Hæredes Michaelis de Ribera 1728. in quarto.*

Non ambigimus multas scripsisse doctasque Orationes hispanas, latinasque Prolusiones, & Poetica opuscula, quæ distinctius recensere ulteriori destituti notitiâ prohibemur.

291 D. ANTONIUS JOACHIMUS DE RIBADENEIRA ET BARRIENTOS, Natione Mexicanus, Angelopoli natus è gente multis stemmatibus clarâ, Latinitate imbutus & Philosophiâ ad S. Ildefonsi Jesuitarum patria Gymnasia, Academicis se Mexiceis adjunxit lauream accepturus, natusque strenuam utrique operam Juri, cujus item insignis gradibus à Regio Togatorum Senatu pro tuendis in foro causis institutus Patronus fuit, & à Fidei Quæstoribus destinatus Orator qui auxilio esset carceri mancipatis. Majoris Veteris & Insignis D. Mariæ & Omnium Sanctorum adscriptus Collegio, venustioribus non minus studiis quam legalibus culturam animi, nec absque multâ fruge, procuravit ac tenuit. In Hispaniam se contulit, notumque propè virum sanguine & doctrinâ conspicuum, cæterisque pro judicandi munere

AN

partibus clarum, Rex Catholicus pro Auditorio Guadalaxarensi in Novæ Galleciæ Regno Judicem destinavit, intereaque loci ipsi copiam fecit typis committendi, quod scripserat hispanis opportunè numeris Opus, admodum eruditum, cui nomen dedit

*Relaxatio animi, seu delicia, hispanicè El Passatiempo, ad usum Excmi. D. D. Emmanuelis Bernardini de Carbajal & Lancaster, Ducis de Abrantes & Linares, &c. Poema didacticum Edecassylabum tribus divisum voluminibus XIV canticis totidem Epochas comprehendentibus insigniores, cum sacros eventus, tum etiam prophanos à Mundi conditione ad usque pacis tempora generalis instituta Catholico Rege nostro Ferdinando VI in Hispaniâ Regnante: Cum varijs pro rerum luce & intellectu animadversionibus. Mantuæ Carpentanorum, apud Antonium Marin 1752. in quarto.*

Quanti Opus hoc ab eruditissimis Hispanis sit habitum, Censuræ ipsi præfixæ docent, libetque paucis indicare judicium, quod Supremi commissione Indiarum Consilij exposuit vir clarissimus & cum Jurisprudentiæ laude conspicuus, tum etiam omnigenâ insignis eruditione D. D. Antonius Joseph Alvarez de Abreu, Marchio à Regalia, ejusdem Consilij fulgentissimum lumen, ut legitur in Facultate pro editione concessâ ab eodem amplissimo Conventu, extatque Operis tom. 1. Scilicet fatetur doctissimus vir



Nostri in rebus Historicis Sacris & Prophanis, Chronologicis, Politicis, Civilibus, Moralibus, Juridicis, Canonicis, Religiosis, & Publicis egregiam accuratamque eruditionem, opportunè & prudenter in universo Opere extantem, quæ *infinite* cõmendat ipsum, & cui in labenti seculo hæcenus non viderit simile.

Opera alia à Nostro elucubrari, mox laudatus Marchio in eadem Censurâ se accepisse testatur, quæ pariter utilia ac præcedens sibi meritò pollicetur, optamusque ut in nostras quantocyus paginas deducantur, Authore proprijs laribus restituto, quem nuper Rex noster in Mexicanense Auditorium transferri voluit Criminalem Quæsitorem, honorificentissimo commendatum Decreto, nec tantùm à litteris & doctoribus alijs laudatum, sed verò etiam Regio ære instructum. Faxit D. O. M. ut ampliores tanto viro gratulemur honores.

292 D. ANTONIUS JOSEPH MARIA GUERRERO, Natione Mexicanus & Patria, anno 1689. è nobili exortus familia est, quæ alia inter gentis stemmata gloriæ ducit eximiæ, Eximium doctorem Franciscum Suarez ex ea genus traxisse. Humanioribus litteris operam dedit & Philosophiæ in Collegio Maximo Societatis JESU Mexico: statimque Ludum litterarium aperuit, cui totos annos 47. diu noctuque institit multa pluribus discipulis tradens, quo-

rum alijs prima litterarum rudimenta & Aritheticæ initia dedit, alios Grammaticam totam & Rhetoricam docuit, Philosophiis alios instituit atque Moralibus, plures Diatono aptavit, Rubricas pro divinis Officijs ritè celebrandis expendit, Artemque concionandi. Nil verò antiquius habuit quam ut in omnes instillaret pietatem, & Beatissimam Deiparentem ejusdem Psalterio quotidie recitato unà cum omnibus illis percoleret. In his ætate ductâ, Discipulos plurimos numerat. Sacerdotio initiatos, cum in Clero, tum etiam in Ordinibus religiosis. Mirum porrò est, tot ipsum annis & rerum vicissitudinibus à Ludo suo paucis supra unum mensem diebus abfuisse, consuetasque Scholarum longiores ferias haud observasse, his etiam diebus cum Pupillis exterisque auditoribus in studio transactis. Matrimonio junctus honestissimæ & nobili fœminæ, susceptis ex ea filiis duobus sacris initiatis, altero in Ord. Præd. Sacerdotio item prædico gaudet, quartoque Beneficium Ecclesiasticum præstolante: filias sic latinè instituit, ut earû una novennis Panegyrim, decennis Prolusione coram multis dixerit Romano sermone, è quo in Hispanum vertere scripta, & de Grammaticæ tricus interrogata respondere appositè sciebat. Ad hæc, Noster litteras graphice hodieque annos natus 64 pingit, cæteraque malè habens, oculorum acie valet quam



## AN

is qui maximè, spartamque adornat. Scripsit idiomate hispano

*Sermones panegyricos & morales*  
ferè 400.

*Conciones 10. adstrictâ numeris latinis & hispanis oratione convertit.*

*Poemata multa scripsit utrâque linguâ, Labyrintos & id genus alia construxit.*

Authographa penes Authorem sunt, cujus extant editi

*Paramophrones in Colofo Eloquenti pag. 137.*

293 D. ANTONIUS LASCA-  
RI, Natione Mexicanus, cunabu-  
lis Goaxacensis, Parochus Oppi-  
di Tautepec ejusdem Diœcesis,  
edidit à se habitam

*Orationem Funebrem in Paren-  
tatione Philippo IV Catholico His-  
paniarum Regi apud Antequerenses*  
*indictâ. Mexici, ex Typographia*  
*Viduae Bernardi Calderon 1667.*  
in quarto.

294 FR. ANTONIUS LINAZ A  
JESU MARIA, Natione Hispanus,  
in Baleari Insula Majorica, apud  
Villam de Arta nobilibus, nec pau-  
peribus ortus parentibus, ab ipsa  
pueritia christianis & politicis  
disciplinis instructus, ut latinas  
excoleret litteras PP. Franciscanis  
eas in Patria docentibus traditus  
est. Eorumdem Seraphica Insti-  
tuta sectari cupiens, in Cœnobio  
S. Mariæ Angelorum à Jesu Pro-  
vinciæ Majoricensis solennibus  
se votis adstrinxit. Philosophiam  
à suis hausit atque Theologiam,  
sacrisque initiatus Prædicator  
est institutus, non minorem

## AN

inter hæc operam virtutibus po-  
nens quam litteris. Procuratori  
Michoacanensis SS. AA. Petri &  
Pauli Provinciæ supplementum  
pro illa paranti adjunctus, ut ad  
Americam nostram accessit PP.  
que adivit Michoacanenses, ab  
ipsis probatus, Lector Philoso-  
phiæ pro Conventu Queretaren-  
si destinatur, ubi eam non So-  
dalibus tantum explicavit, sed  
exteris multis, quod non dum  
ea in Urbe aperta fuissent Jesui-  
tarum Gymnasia, quæ dein pro  
utrâque Sophiâ docendâ patue-  
runt eximio incolarum emolu-  
mento. Absoluto multâ cum lau-  
de Cursu, in Collegium de Ze-  
laya ejusdem Provinciæ traduci-  
tur alium continuaturus, cujus  
Modérator spiritu abreptus Apo-  
stolico in Novam perrexerat Me-  
xicum. Hinc Theologiæ profi-  
tendæ apud Vallisoletum prima-  
riam Regni Michoacanensis Ur-  
bem Præceptor constitutus, pri-  
mo etiam suggestui præfuit, at-  
que Emeriti lauream, quindécim  
evolutis annis legendo, tandem  
obtenuit.

295 Interea verò ab instituto  
non nihil desciverat, tepefactusq̃  
spiritu vanitati nimis indulserat.  
Quod enim ad fides canere, ho-  
nesto quidem studio, juvenis di-  
dicisset, atque in dies musices pe-  
ritior factus esset, voceque suavi  
ad modulandum potiretur, huic  
multo quam par erat oblectatio-  
ni deditus, non intra cellam  
tantum, sed etiam extra, malè  
qui-



quidem audierat quòd benè caneret: nam & si non propterea Veneri unquam litaverit, vanitati tamen & luxui in vestitu & victu cubiculiq̃ ornatu facili prolapfione plus iusto dederat. Deus tamen, qui ad magna ipsum pro fui gloriâ & salute animarum destinaverat, ab his terribili revocavit fpectro: Nam nocte ad quietem comparato larva quædam morti quam fimillima ciperca induta veste conspiciendam se dedit, quæ tametsi præstò evanuerit ab oculis, firma hæsit animo, qui admodum conterritus, quid sibi illa velit haud obscure dignovit, atque Deo excitanti momentique ut à socordiæ & mundi somno exurgeret, obtemperandum illico secum constituit. Sub mâne Cœnobij Rectorem accessit, cui se omniaque hætenus quæfita submittit, multis exorans, ea ut unicè sibi permitteret, quæ expoliatum omnibus decent. S. Francisci alumnum. Ex inde totius vitæ maculas sacrâ confessione eluit, vitæque renorem aggressus est qui hominem egregiè Sanctum & Apostolicum præsignificaret Parentem, eximijs Seraphici Ordinis Proceribus meritò comparandum.

296 Lacrymis totos annos quatuordecim ubertim effusis prioris jacturam temporis flevit: jejunis, vigilijs, cilicijs, flagellis, idque genus alijs asperitatibus jugiter, quo ad vixit, in se pia crudelitate deservijt: orationi & cœ-

lestium contemplationi rerum incubuit: prædicationi pro extirpandis vitijs, etiamnum Lectoris detentus onere, multo cum animarum lucro invigilavit, tanraque virtutum specimina dedit, ut exemplari ijs esset, quibus forsàn pristina levitate fuerat scandalo, jamque inde portenderet quanta olim per se sectatoresque suos bona esset populis traditurus.

297 Destinatus à Provincia Custos pro Comitijs Ordinis generalibus, suffragia daturus in eis, Hispaniam anticipatò, Superioribus annuentibus, petijt, ut quod moliebatur in Dei gloriam opus insigne, maturare & disponere posset. Eò deductus, & facultatibus pro re obtentis amplissimis, Apostolicis per integrum annum concionibus Baleares perlustravit Insulas multis relatis fructibus, è quibus redux, Barchinonæ & alibi Catalauniæ idem munus obivit, cui etiam institit apud Mantuam Carpentanorum peregregiâ è sermonibus habitis, auditis confessionibus, pijs alijsque exercitijs, segete in Dei horreum relatâ. Hæc inter, multa peregit alia, Comitijs Familiæ, quæ Toleti fuerant indicta, suffragator interfuit, & quod primas ferebat in animo negotium faulstè expedivit, facultatibus pro instituendo in Americâ de Propagandâ Fide Collegio obtentis amplissimis, proque ad id conqui- rendis 24 Sodalibus. Hos ut deli-  
ge-



AN

geret multas Ordinis lustravit Provincias, atque ultrò sibi oblatos macæ virtute homines secum tandem in Americam duxit. E Portu Veræ-Crucis pedes Mexicum petijt frequentissimâ itinere prædicatione, confessionum auditione, & mirabilis exemplo vitæ populis utilissimus perque gratus. Collegium apud Queretarenses è Cœnobio, quod Provinciæ SS. AA. Petri & Pauli Michoacanensi suberat, à *Lapideâ Cruce* multis clarâ prodigijs insigni, Constitutionibus ab Apostolica Sede approbatis, sub titulo de Propagandâ Fide faustè instituit atque feliciter, uti ex eo fecundissimo Seminario viri prodirent Apostolico nutriti adque spiritu, cum pro Infidelibus ad Ecclesiam traducendis, tum etiam pro Christianis revocandis à vitijs, quæ furtim irrepunt, & virtutibus instituendis, Apostolicis excursionibus, quas Missiones dicimus.

298 Rebus Instituti prudentiâ exemploque viri dispositis, qui & Dei in Choro Ecclesiâque cultum, & Proximorum salutem assiduè curabat; omnia ut solidius componeret, & alia institueret Collegia, quæ eodem regerentur spiritu, extrahendisque in colonias Socijs Seminaria essent, iterum in Hispaniam se contulit, inde Romam adivit, ubi è voto succedente negotio, Hispaniæ restitutus, sex, prout optaverat, in varijs Provincijs Collegia consti-

AN

tuit, factus sub inde Institutor & Parens septem Collegiorum, quibus postquam ipse ad superos evolaverat, alia accessere multum insignia, uti Goatemalense, Zatecanorum, & Mexicum in India nostra, ut interim taceamus forsitan Europæ addita. Quæ porro in Dei honorem, & salutem animarum inde emanaverint, multis vix dici Libris possunt, iustoque volumine nuper edito à P. F. Iñidoro de Espinosa cœpta sunt bono in lumine collocari, quorum post Deum Author fuit Noster.

299 Sanè, ut ardentissimo Dei flagrabat amore, & eximiâ ignescebat adversus Proximos charitate, hoc homines igne corrumpere satagebat. Frequentissimè Provincias circumibat sacris ut concionibus sceleratos argueret, frugique auditores in officio contineret, deduceretque in cœlestia quam plurimos. Hinc apud Mexicanos & Michoacanenses dixit cum Sodalibus Apostolico more pluries, & multas Hispaniarum Urbes, Villas, Oppida prædicando lustravit tanto conatu, ut in una regis Curia centum viginti continuis diebus sermones ferventissimè habuerit. Multoties inter concionandum admirabiles extases patiebatur, stupentibus qui aderant, indeque proficientibus, ipso dein propriæ demissioni impensius addicto. Erat enim despicientiâ sui insignis, æquaque patientiâ, mortificatione,



pertate, oratione, cæterisque egregius virtutibus. Adhæc prophetico illustratus lumine, alijsque divinis ornatus charismatibus, multis in Dei gloriam perfunctus laboribus, in Cœlites, Deique in primis Genitricem labis expertem religiosissimus, Apostolicam vitam sanctissimè clausit sacris ritè munitus in Regio S. Francisci Madritano Cœnobio 29. Junij anno 1693. ætatis 58. & religiosæ vitæ 40. fuitque ipsi, cùm in ea Curia, tum etiam Majoricæ, & Americæ apud Collegium Queretarense suum solennissimè parentatû. Ejus vitam floridissimo, quo pollet, stylo, latè & eruditè redegit in litteras præcitatus P. Isidorus de Espinosa in Chronicis Apostolicis Seraphicis Collegiorum de Propagandâ Fide Franciscanorum de Observantiâ Regulari in Novâ Hispaniâ, parte prima integris duobus libris 2. & 3. à pag. 93. ad 250. Quo teste scripsit

*Philosophiæ Cursum,*

Quem Discipulis è Cathedra dictavit, conservantque Sodales authographum.

*In primum Sententiarum Subtilissimi Doctoris Scoti librum,*

Quod opus non deduxit ad finem.

*De SS. Eucharistiæ Sacramento.*

Hispanâ verò linguâ composuit exhibuitque Regi

*Libellum supplicem,*

Cujus multa citatus P. Isidorus fragmenta opportunè suis inserta locis transcribit, reservat

que penes se integrum. Meminit ejus, nec sine multa laude P. Julianus Gutierrez Davila, in Monumentis historicis Congregationis Oratorij Mexicanæ part. 1. lib. 1. cap. 9. pag. 36. n. 79. & part. 2. lib. 2. cap. 18. n. 234.

300 P. ANTONIUS LIZARDI, Natione Mexicanus, Patria Goaxacensis, Regalis & Antiquioris D. Ildefonsi Mexicani Collegij alumnus, Latinitate imbibitâ & Philosophiâ apud Maxima Soc. JESU Gymnasia, Aulasque Academicas, lauream coætaneis prætulit, quâ donatus, utriusque professioni juris incubuit tam insigni conatu, diurnâque defatigatione ac nocturnâ, ut eximio superaddita ingenio, admirabilem sapientioribus Magistris scholarem ipsum præstiterit. Præter Scriptores, quos evolverat, nobilissimos, Canonica ex officio enodantes jura & Civilia, Theojuristas clarissimos PP. Ludovicum de Molina, Thomam Sanctium, & Ferdinandum de Castropalao, Societatis JESU egregia luminaria, ita sibi studio familiares reddiderat, ut ipsorum ad litteram doctrinas referre consueverit, non modò in publicis palæstris, sed verò etiam in consuetudine cum Sodalibus familiari, Leges sacras juxtâ & prophanas extempore memoria plurimas pro diversissimis materijs enarrans. His comparatus ad Scholastica certamina admirandis subsidijs, totos 48 titulos innumeris scatentes & in-



AN

intricatisimis controversijs, in Academia Mexicanensi per diem integrum defendendos exposuit, coram delibatissimo Sapientissimorum hominum flore, Præsidente Illmô. D. D. D. Carolo Bermudez de Castro, Primario Pontificij juris Antecessore, Archiepiscopo postmodum Manilenfi, qui in ultimâ etiam ætate, discipuli hujus cum primis memor, ejus in laudes profundebatur, testatus, non absque admiratione ipsum in collationibus quotidianis dicentem excepisse, argumentantem respondentemque, atque habentem in promptu non modò 48 disputationi expositos titulos, sed longè plures, quos arbitrio suo eligendos pro disceptatione tradiderat. Academicis cohonestatus gradibus, Regiam in Collegio suo trabeam, prælectione, idque genus alijs, petivit tenuit que pro meritis alios inter non exigui nominis candidatos. Magnam licèt honoris & lucri spem isthac afferent Minervam colenti; unum tamen cælum ambiendum sibi constituit, & caducis valedicere rebus. Ingressus ergo Soc. JESU potiores curas suas in virtutibus posuit omnibus excolendis, quamvis Theologica nullus ipse studia prætermiserit pro Instituto suo, in queis, ægrâ etiam valetudine fatigatus, multum profecit. Tantum porrò ab humano commercio secessit, in conclave abditus, silentijque tenax, ut Secundus Gregorius Lupecius

AN

audierit, quòd insignem istum Indiarum Eremiticam imitari visus fuerit. Denique Angelopoli Ministrum agens Collegij à S. Ildefonso nuncupati, decessit 28. Junij anno 1744. ætatis 50. initæ Societatis 25. & amplius: Professionis quatuor votorum 11 supra dimidium; egregiæ famæ Sanctitatis relictâ. Scripsit

*De varijs ad utrumque fuis uttinentibus arduis controversijs compendium.*

Quod usui suo pro celeberrimis thesibus, quas memoravimus, propugnandis, confecisse multo volumine, à fidelissimis accepimus & oculatis testibus, fortèquæ apud suos schedæ manebunt cedro dignæ & levi servanda cupressu.

301 D. ANTONIUS LLERENA LASO DE LA VEGA, Natione Mexicanus, apud Antequeram præcipuam Goaxacensium Urbem nobilissimis Parentibus natus, quamvis ad Primogenia bona, satis quidem ampla, & ibi sita & in Villa de Esla, materno sibi quærenda jure destinatus, subindeque in statu victurus prophano, ne dum Christianis institutus fuit & Politicis rudimentis, sed Latinis etiam & Philosophicis disciplinis, in quibus tam floruit, quam qui maximè, ut indicio est, secundum inter Condiscipulos locum tenuisse, qui non nisi provectoribus honos & in Academia Mexicanâ, & in ejus Collegijs decernitur. Absoluto Philo-



## AN

lophiæ curriculo, Aulis se subduxit, libris tamen excolendis strenuam dedit operam, in primisque Poetis delectatus, cum latinis, tum etiam hispanis, quanta potuit ipsorum Opera conquisivit, ac diurnâ nocturnâque manu versavit. Nec sanè avelli à litteris potuit, multis quòd muneribus incubuerit, quæ equidem decebant amplissimum virum, & obita exactissimè gloriam homini cumularunt. Senatorem bis egit. Antequerensem, novennio prius, dein haud exiguo tempore, donec id oneris recusavit. Ter Ordinarius renunciatus Judex in annum, egregie fuit de Republicâ Patriâque meritis. Totos triginta annos Instructor Legionum militiam professus, sub Pallade stipendia sic meruit, ut Minervæ donarijs affluerit, togatusque & armatus insignis evaserit. Conjugio junctus fœminæ multis stemmatibus claræ, à Marchione de Torre Campo D. Thurbio Cosio, quondam Goatemalensis Regni Præsides per decennium, dein Insulis Philippinis dato Governatore, equestri Ordinis Calatravenfis, Aureæque clavis insignibus decorato, legitimè genitæ, non propterea Musis valedicit atque Parnasso: faterurque, nullam sibi diem sine poetica linea prolapsam annis triginta, tot tantisque Opusculis cõditis, ut compacta tres in quarto tomos conficerent. Optandum quidem à cultoribus Facul-

## AN

tatis, ut publicam, qua dignissima sunt, lucem elimata carmina aspicerent. Religione adversus Seraphicum Parentem Franciscum ductus eximiâ, ejusdem Vitam ab Illustrissimo Cornejo eleganti relata stylo, redegit ad numeros, litterisque mandavit

CCLX *Epigrammata hispana, quæ Decimas audiunt, quorum singulis latinum præfixit lemma, & in unoquoque Epigrammate integrum, ceu in indice, Vita caput conclusit.*

Haud absimili tractus officio composuit hispanis item numeris, quos *Octavas* dicimus, pangendis heroycis aptissimis,

*Vitam S. Ludovici, Episcopi Tolosani, ex Ordine S. Francisci.*

Opus hoc, quod Author commodavit Amico legendum eunti in Hispaniam, nec restituenti, dicitur typis traditum fuisse plagio, nullâ Nostri mentione, ceu profectum ab eo cujus nomine prostat editus.

Pro honorario exornando tumulo in Cathedrali Ecclesiâ Antequerensi constructo pijs manibus Hispaniarum Regina D. D. Mariæ Aloysiæ metaphoram rosæ sectatus concinnuit

*Poemata latina & etiam hispana.*

Parentantibus viro claro qui fuerat à secretis Illustrissimo D. Fr. Angelo Maldonado Patriæ Antistiti, morem gerens, machinam Funebrem, Silentij umbram securus, Defuncti expressit vitam,

*Carminibus utrâque linguâ datis.*

For-



## AN

Fornicem Triumphalem pro excipiendo ab Ecclesiâ suâ Illmô. D. D. Didaco Philippo Gomez de Angulo, ejusdem Diœcesis Episcopo, illustraturus, conscripfit

*Poemata & hieroglyphica Heroem adumbratum Sole expendentia.*

Tandem CL Epigrammata hispana S. Mariæ Magdalena nuncupata, pœnitentem fussis lachrymis animum exprimentia.

Et hæc quidem Mss quæ à testibus omni majoribus exceptione suscepimus, Lectoribus citra scrupulum nostris communicamus.

302 M. F. ANTONIUS LOPEZ CORDERO, Natione Mexicanus, propè antiquam & celebrem Urbem Cholulam Angelopoleos ditionis in lucem editus, honestis nec obscuris parentibus, piè ab ipsis & laudabiliter educatus, animum applicuit ad litteras, & latinas quidem ut disceret, Collegium S. Petri quod Tridentino Seminario à S. Joanne dicto adjacet, Angelopoli frequentavit multo cum fructu; pro Philosophiâ autem audiendâ in Regio S. Ludovici Dominicanorum Collegio discipulis se junxit Magistri Alfonfi Gil, ejusdem Ordinis viri doctissimi, atque unâ cum sisthemmate Aristotelico Thomistico, quo optimè fuit imbutus, pium erga Institutum Prædicatorum amorem imbibit. Sacro cum habitu induit in Conventu Primario Angelopolitano Provinciæ S. Michaelis & SS. Ange-

## AN

lorum, ejusdem Prior Cœnobij, electusque Episcopus pro Novâ Segoviâ Illmûs. M. D. Fr. Didacus Gorospe 16 Octobris anno 1696. Absoluto, multâ cum laude observantiæ & virtutis, tyrocinio, professioneque emissâ, pro excolendâ Theologiâ in suburbanum S. Pauli Conventum, qui ea tempestate in Collegium fuerat institutus, cum alijs selectis juvenibus ingenio & spe nobilioribus ceteris, fuit dimissus. Porro quantum in ea Facultate profecerit argumento fuere theses, quas, plaudentibus Magistris Sapientissimis, non semel publicâ in palæstrâ sustinuit: nam pro recens constructâ Aulâ Collegij maximâ scholastico ritu initiandâ 24 titulos Theosophicos Theojuridicosque mane & vespere defendendos proposuit, quorum multas singuli quæstiones complectebantur; & ut Provincialibus eodem more Comitij gratularetur, publicas itidem obtulit conclusiones, à quibus strenuè & eruditè propugnatis, haud vulgarem nactus honorem fuit. Sacerdos factus, atque ad regendam Cathedram à litteris & virtute præclarus, Cursum Philosophiæ semel & iterum tradidit, ita quidem, ut scripserit geminum, primum fusiorem, secundum contractiorem, exactum tamen adeo, ut nihil Sodales in illo desiderent, mirenturque claritatem brevitati sociatam, paucisque omnia, quæ pro instituto opus sunt, compre-



prehensa, asservantque sub inde egregio pretio.

303 Hæc inter, laudes non à doctrinâ tantum sed à modestiâ tulit eximias, quod in Academicis ita se gesserit certaminibus, ut aculeatas pro arguendo difficultates ita proponeret, ut eas docti quique & tyrones caperent, citra tamen strepitum & conclamationem, queis, ardore perciti scholastico, abutuntur non nulli, ipse verò mansuetudine & humilitate ab eis abhorrebat. Porro nihil habuit antiquius, quàm ut has coleret cæterasque virtutes, quapropter ipsarum etiam Magister à Superioribus institutus fuit novitijs ad Religiosam vitam formandis. Collegium itidem studiorum ita rexit accuratissimè, ut scholarium in scientijs juxtaque moribus profectui totus invigilaverit. Ut verò natus fuerat ad plura, cunctisque obtemperare consueverat Superiorum jussionibus, Valetudinarij Præfectus eo huic libentius muneri incubuit, quod & humilitati & charitati exercendis copiam faceret: Agrotis siquidem præstò aderat, mortique proximos industriè pro recipiendis Sacris parabat, corporum curæ majorem pro animabus adfocians. Adhæc, exteros etiam in spiritualibus juvandi causâ, conciones habebat doctissimas ferventissimasque, id unicè curans, ut in Dei gloriam & auditorum salutem cederent.

304 Cæterà, vitam sic tra-

duxit, quoad sibi licuit, alijs, quæ subierat, levato oneribus, ut rarò per annum Martem invisurus egrederetur è Monasterio, quam tamen ad januam quandoque venientem alloquebatur, cuique his subveniebat, quæ à Missarum stipendijs, pensisque religiosis sibi obtigerant. Cellam libens inhabitabat, è qua nisi pro communibus Cœnobijs functionibus, aut spiritus negotio recedere religioni sibi erat. In eam receptus, aut etiam in chorù, quo tempore noctis aliò Sodales aderant, cœlestium vacabat meditationi, & pijs alijs exercitationibus incumberebat. Hinc, pietate in Deum resplenduit eximiâ, tum in primis cum ad aras faciebat, observantiâ Ecclesiasticorum rituum exactissimâ, devotissimâque preparatione. Erga Deiparentem multo erat amore, cujus Rosarium ferventissimè prædicabat. Regulas Instituti observabat ad unguem, omniumque exemplis virtutum vigeat, patientiæ, obedientiæ, mortificationis, abstinentiæ, aliarumque. Eminuit verò in colendâ paupertate, adeò ut etiam Provincialis munere insignis, cellâ omnî destitutâ ornatu, vel eo qui Religiosos decet egregiè reformatos, nulli in paupertate concederet, præterque nullius pretij per necessaria utensilia, eo mortuo, inventum fuerit nihil: peræque coluit humilitatem, tantâ sui despicientiâ, ut indignum crede-



AN

deret se qui urbanè tractaretur vel ab infimâ plebe. Non nunquam Sodali suo familiariter percunctanti, cur Magisterij lauream pro suis in Ordine laboribus dato in Comitij libello non peteret; statim evangelicum illud reposuit: *Nolite plures Magistri fieri.* Nec vero honorem illum tandem aliquando fuit nactus, nisi definitioribus pro eo apud Ordinis Generalem Magistrum agentibus.

305 Tantis propterea allec-  
toribus PP. in Comitij Provin-  
ciæ anno 1728. habitis, relu-  
ctantem Præsulem sibi volue-  
runt, nolentemque volentem,  
domesticis exterisque plaudenti-  
bus, Provinciam salutarunt at-  
que Parentem. Statim Ordinati-  
onibus prudentissimè conditis, ijs  
proludit, quæ deinceps magno  
cum Familiæ emolumento pere-  
git. Universam, quæ latissimè  
patet, Provinciam, ne uno qui-  
dem Cœnobio relicto, dilato  
quamvis aut exiguo, bis perlustra-  
vit, biennio & quinque mensibus  
potitus officio, viribus destitutus  
ægrâque valetudine afflictus. For-  
titudinem verò zelumque Dei  
gloriæ, & ecclesiasticæ ac religio-  
sæ disciplinæ, occasione datâ, mul-  
tis ostendit: nam Clarissimo vi-  
ro, & à quo beneficentissimè fue-  
rat tractatus, quandoque peten-  
ti quod citra piaculum se non pos-  
se concedere judicabat, abnuît,  
multorum propterea subiens in-  
vidiam, criminationesque pas-  
sus acerbas, ne Apostolicis contrai-

AN

ret Decretis, aut quod idem esset,  
contortis interpretationibus ipsa  
eluderet. Gravius tamen fuit illi  
domestica, sub indeq̃ ecclesiastica,  
negotia à prophanis subsellijs ope-  
rosè subducere, nihil interim fa-  
ciens honoris jacturam proprii,  
exilium, cui ferendo præstò erat,  
aliaque permulta, quæ subijt  
amara, donec positus in aperto  
rebus, sua omnibus innotuit inte-  
gritas. Demum, in suburbanum S.  
Pauli strictioris observantiæ Con-  
ventum receptus, per inde qua-  
si mortem opperiretur, nedum  
Choro cum sodalibus intererat,  
cæterisque exercitijs, verùm alijs  
etiam incumbibat, quæ funus  
prælagire sibi indicabant, quod  
non multo post, insperatò reli-  
quis, fuit indictum: nam quam-  
vis gravari ægritudine senserit,  
non propterea decubuit, nec à  
Choro absuit, vel abstinuit à sa-  
crificando, donec 3 Octobris ma-  
ne inventus est è vivis abiisse, an-  
no 1730. ætatis 51. merentibus  
unà cum Dominicanis PP. om-  
nibus Angelopolitanæ Civitatis  
Ordinibus, iustaque persolven-  
tibus, qua decebat pompâ gra-  
vissimâ, certantibus cum è So-  
cietate Jesu, tum etiam è Clero  
Seculari, & alijs eruditis homi-  
nibus tumulum eximij cumula-  
re & ad numeros conceptis elo-  
gijs, Franciscanisque alumnis &  
latinâ Oratione & hispano Ser-  
mone 5. & 6. Novembris defun-  
cti virtutes actaque plaudentibus.  
Porro, elaboratum à M. Fr. Joan-

Hhh

ne



ne de Villa Sodali suo pro funebri  
mole Epitaphium ita habet.

Voces Piorum Manium R. Admo-  
dum P. Mag. Fr. Antonij Lopez  
Cordero & Leon, S. Inquisitionis  
Officij Qualificatoris, hujus S. Mi-  
chaelis & SS. Angelorum Predica-  
torum Eparchiae desiderati Parris  
ac Praesulis.

Siste Viator, & Audi,  
En affor extinctus, qui vivens filui.  
Sedi, quoad vixi, solitarius, & tacui;  
quia levavi me supra me.  
Facundum me mors nunc facit,  
qua & stravit subtus, & levavit me  
supra te.

Siste, & audi; quæ vera sunt non  
diffitear.

Agnum apellasti? Me nosti:

Cognomine definiebas.

Agnus quidem, non è grege, sed  
egregius; mitissimum me natura:  
humillimum gratia fecit.

Patre Agno, Matre Leana prognatum  
vel monstrum diceres, vel miraculum.

Dic mysterium.

Nomina & omina:

Ut qualis futurus essem, etiam  
gentilitia monstrarent.

Vide cui similis.

Leonem is nexuit & Agnum,  
qui Deum & Hominem.

Hoc solo ( ut ille ) Leo victor,  
quod nullum codicem

non aperui;

nullum difficultatis sigillum non  
reſeravi.

Cæteroquin semper Agnus.

Nihil mihi præter vellus, nil charius,  
nil pretiosius;

ne Phrixæum quidem.

Si quando ad insontes aureis mordax  
forceps striduit,

Agnus obmutui, & non aperui  
os meum.

Ut innoxia pecudis victimam  
litarem Deo,

me Agnum obtuli, & quidem  
immaculatum.

Pro ara conscientiam, pro cultro legem,  
Sensum pro jugulo, mentem pro  
Flamine,

pro flamma amorem habens,  
juge cremabar Numinis holocaustum,  
quotidie moriens.

Et quid ( rogas ) tam celeris mors  
me sustulit?

Parum opera impendit in Agno  
tamquam occiso.

Num moraretur ut unum tolleret  
Tanquam?

Pepigeram fœdus cum morte,  
ut Mundo me prior perimerem.

Facto: residuum facile absolvit.

Vis scire quid?

Mundo spiritui exiguum pulveris  
momento temporis quassit.

Nec dicas celerem mortem, quæ unum  
supra quinquaginta  
annis maturuit.

Spiritum solitum superos advolare,

Mors non abstulit; sed stitit.

Non hoc egit ut migraret, sed ne  
rediret.

Spiritus sæpe vadens, semel non rediens.

Audisti viator & perge;

& ne luge; sed invide.

Beati mortui, qui in Domino moriuntur.

Anno à Christo nato MDCCXXX.

Scripsit hispanâ linguâ



AN

*Vitam præclara Virginis & dulcissimæ Sponsæ Jesu-Christi Domini nostri S. Agnetis à Monte Policiano.*

Prodiit posthuma curis & additionibus eruditis præcitati M. Villa, qui & Authoris vitam ad calcem adjunxit à p. 226. ad 260. Angelopoli, ex Typographiâ Viduæ Michaelis de Orrega & Bonilla 1744. in quarto.

Et si plures doctasque conciones conscripserit, unâ in honorem ejusdem S. Agnetis reliqua est, quod statim ac illas dixerit è suggestu, flammis tradiderit, nihili elucubrationes suas habens.

Latino sermone condidit

*Geminum Philosophiæ Cursum, primum latiore, contractiorem secundum, quem sub inde magni habent doctissimi Magistri, servant que Mss, ut in Authoris vita legere est.*

306 FR. ANTONIUS DE LUNA, Natione Mexicanus, & ni fallimur, Patria, Ordinis S. Francisci in Provinciâ S. Evangelij alumnus clarissimus fuit, æquè ab utriusque suggestus peritiâ meritò commendatus: nam sic Philosophiam Theologiamque ad Scoti mentem in palæstrâ Scholæ tractavit, ut absolutâ quindecim annorum periodo, & Emeriti gloriam retulerit, & egregium sibi nomen, quod etiamnum celebratur, apud Minervæ cultores & Proceres cōparaverit. Quod verò ad pulpita sacra spectat, non minori laude donatus ab æquissimis rerum æstimatoribus adhuc

AN

habetur. Discipulos instituit egregios, quos inter caput extulit in Oratoria Evangelica paucis comparandus Fr. Joannes Antonius Perez, qui, ut & alij, haustam ab illo multam eruditionem dicendo scribendoque fatebatur. E pluribus scriptis ejus, vidimus tantum habitas à se vernaculâ linguâ conciones

*De S. Didaco, Angelopoli, ex Officina Hæredum Joannis de Villareal 1700. in quarto. Habetur tom. 54 Collect. nostr.*

*In Dedicatione Novi Franciscanorum Templi Mexice.* Mexici, typis Hæredum Joannis Josephi de Guillena Carrasco 1717. in quarto. Extat eodem tom. Collect. nostræ.

Opramus ut à Socijs ejus adjiciantur

*Tractationes Philosophicæ atque Theologicæ Opusculaque reliqua.*

Meminit ejus Bibliotheca Franciscana tom. 1. pag. 111.

307 D. ANTONIUS MALDONADO, cujus Natio latet & Patria, Mexicanus ut minimū Domicilio, & in Regiâ nostrâ Cancellariâ pro juribus regalibus tuendis Fiscalis, unus ex his fuit, & primus quidem, qui egregio Collectionis Legum pro Indijs datarum Operi manus admovit, cui ut Rex noster faveret, suas anno 1556. litteras expedit: fuit autem illud hispano sermone

*Repertorium Scedularum, aliarumque Sanctionum Regalium America regimen concernentium.*

H2

Ut



Ut ex D. Antonio de León in Epitome Bibliothecæ Indicæ titulo 22 Occidentalis partis refert D. Nicolaus Antonius in novâ Hispaniæ Bibliothecâ tom. 1. p. 112. In Editione verò novissimâ Madritanâ Leonis Pineli habetur tom. 2 col. 819.

308 F. ANTONIUS DE MANCILLA, Natione Mexicanus, in ipsa Imperiali Americæ nostræ Urbe à clarissima stemmatibus gente duxit originē. Genitor ejus inter Civitatis Rectores adlectus, avito sanguini nobilissimo novum decus adjecit, alijque ex Familiâ non absimiliter. Noster litteris & virtutibus initiatus à puero, Franciscanis PP. Provinciæ S. Evangelij, emissis solenniter votis, Sodalem se adjunxit, & adeò spectabilem fecit studijs & gestis, ut Lectoris Philosophiæ primùm, deinde Theologiæ munus junctum sibi, multo & sui & Familiæ splendore sit executus, optimèque audierit apud Doctores, sive Præses adfuerit in Aulis, sive concertator dixerit è subfellijs. Hac de causa exactis statutis curriculis Emeritus est renunciatus, & à Fidei Quæstoribus Theologus pro ferendis Censuris adlectus. Magistri quotidianis pensis admodum gravibus, additis sermonibus frequentissimis, peræquè his illisque satisfecit, tamque in Oratoriâ insignis est habitus, quam in Theologicâ Facultate: suas ita conciones ad artis præscripta tornatas sapienti-

bus exhibens, ut ab illiteratis etiam celebrarentur, & porro argumentorum gravitate, sententiarum pondere, eruditionis ad res natæ copiâ, dicendi facundiâ, styli proprietate, cogitandi acumine, & cæteris ita dotibus erat præditus, jure ut maximi fuerit habitus. Prudentiâ itidem & regulari disciplinâ conspicuus, pluribus & primarijs Cœnobijs præpositus, non sine laude manus exegit, ut propterea toti etiam à Comitijs Provincialibus Familiæ Mexicanæ regendæ Præsul fuerit electus, Paterque postmodum multis annis audierit. Libris ad extremum usque vitæ, forsan septuagenariæ majoris, deditus, Oloris instar morti proximus dixit è superiori loco die 9 Junij 1747. & ut se gravatum valetudine senserat, funus propè sibi prædixit, concionem, quæ edita est, sic auspicatus: *Ergo ne tandem dicturus veni? Certè veni dicturus tandem. Scilicet, affecta me valetudo corporisque imbecillitas movent, futurum hunc sermonem novissimum.* Quod dein exordium nobilissima excepit Oratio in Jesu Christi Cordis elogium amoremque, eximiâ & religione & eruditione composita. Ipse verò quam opperiebatur prælagieratque mortem, non multo post aspexit, Sodalibus & exteris sui desiderio relicto.

In extremâ, quam mox insinuavimus, concione habitâ & edita, Censuram legimus datam à

Pro-



AN

Procuratore Generali omnium quæ vigent in Novâ Hispaniâ S. P. Francisci Provinciarum, viro admodum docto F. Sebastiano de Gama, testante Nostri elucubrationes typis commissas supra quinquaginta esse, futurosque totidem tomos, ni ipse præ humilitate obstitisset. Nec Censorem à verò recessisse suspicabuntur, hominis qui acta & doctrinam noverint. Res sanè è voto nobis accideret, si videre Mss & recensere licuisset; ex editis quamvis plura hætenus nos effugiant Opuscula, quæ invenire potuimus sunt sequentia.

*Panegyrica Oratio in solenni Altaris erectione S. Nicolai Episcopi nomine insignis apud Templum Religiosorum Bethlemitarum.* Mexici, apud Michaellem de Ribera Calderon 1703. in quarto. Extat tom. 100. Collect. nostræ.

*Panegyrica Oratio de S. Jacobo Hispaniarum Patrono.* Mexici, typis Hæredum Francisci Rodriguez Lupercio 1708. in quarto. Extat tom. 94. Collect. nostræ.

*Panegyrica Oratio habita in solenni Indulgentiarum publicatione quæ Sodalitio à SS. Trinitate Mexiceo beneficiâ Sedis Apostolicæ concessa fuere.* Mexici, eisdem litteris 1709. in quarto. Habetur tom. 12. dictæ Collect.

*Panegyrica Oratio de Proto-Parente Seraphico S. Francisco.* Mexici eisdem formis 1714. in quarto. Legitur t. 21. dictæ Collect.

AN

*Panegyrica Oratio de Patrocinio SS. Josephi Deigenitricis Sponsi.* Mexici, ex eadem Officinâ 1714. in quarto. Invenitur tom. 68. memoratæ Collect.

*Panegyrica Oratio de Immaculata SS. Virginis Conceptione.* Mexici, ex eadem Typographiâ 1719. in quarto. Habetur tom. 70. Collect. nostræ.

*Panegyrica Oratio de Proto-Parente Divo Petro in Ecclesia Metropolitana Mexicea.* Mexici, apud Ortega Bonilla 1722. in quarto. Extat t. 20. ejusdem Collect.

*Panegyrica Oratio de insigni miraculis Imagine Deiparentis sub titulo Vallis-Venarij.* Mexici, è Domo Josephi Bernardi de Hogal 1725. in quarto. Habetur tom. 17. Collect. nostræ.

*Panegyrica Oratio de S. Joanne de Deo.* Mexici, formis Lupercianis, eodem anno. Extat tom. 4. ejusdem Collect.

*Panegyrica Oratio in Visitatione Virgineâ.* Mexici, operâ Typographorum Lupercij 1726. in quarto. Legitur tom. 95. Collect. nostræ.

*Panegyrica Oratio de S. Antonio Patavino.* Mexici, è torculis Josephi Bernardi de Hogal 1727. in quarto. Habetur tom. 74. nostræ Collect.

*Panegyrica Oratio de SS. Jesu Corde.* Mexici, signis D. Mariæ de Ribera 1747. in quarto. Extat tom. 11. dictæ Collect.

His adjiciant Sodales amabimus Mss



*Cursum Philosophicum.*

*Tractationes Theologicas, & alias  
Conciones.*

Meminit ejus Bibliotheca Franciscana tom. 1. pag. 111.

309 FR. ANTONIUS MAZO, Natione Mexicanus, Patria Zelaiensis apud Diocesim Michoacanensem; strictiora S. Francisci Instituta professus est in Provincia Mexicæ nudipedum à S. Didaco nuncupatâ. Philosophiâ imbutus atque Theologiâ, utraq; Facultatem in domesticis Gymnasijs edocuit, triennio posito in Aristotele juxta Scoti mentem interpretando; duodennio autem in Theosophiæ recessibus penetrandis duce Magistro Subtilissimo. Adhæc sacras conciones frequenter habuit doctas & eruditas, Præfecturis inclaruit, Definitoremque agit in præsentiarum. Habet penes se Mss, quæ subdimus opera. Sunt autem

*Cursus Philosophicus*, in quarto.

*Tractatus de Deo ut Uno*, in quarto.

*Tractatus de Deo ut Trino*, in quarto.

*Tractatus de Deo intelligente & volente*, in quarto.

*Tractatus de Visione beatifica*, in quarto.

*Tractatus de Beatitudine*, in quarto.

*Tractatus de Providentia divina, Prædestinatione & Reprobatione*, in quarto.

*Tractatus de Angelis*, in quarto.

*Tractatus de Opere sex dierum*, in quarto.

*Tractatus de primo Parente*, in quarto.

*Tractatus de Divina gratia*, in quarto.

*Tractatus de Justificatione*, in quarto.

*Tractatus de Merito*, in quarto.

*Tractatus de Dominica Incarnatione*, in quarto.

*Tractatus de Diversis Theojuridicis Questionibus ad Regulares spectantibus*, in quarto.

Hispanicè autem *Sermones Pænegyrici atque Morales*, in quarto.

310 D. ANTONIUS MELENDEZ BAZAN, Natione Mexicanus, apud Insulam S. Dominici, quæ Americæ nostræ primas habet, ortus illustri gente, Jurisprudentiæ daturus operam Mexicum petijt in juventute, & Academico adscriptus albo, egregiâque imbutus doctrinâ Doctor Juris Civilis creatus, atque apud Senatum & Cancellariam Regiam Causidicus titulo, re etiam adeo insignis evasit, ut nulli sua ætate concesserit. A Quæsitore Fidei pro carceratis tuendis Patronus delectus multi est habitus; nec minori à tribus successivè Mexicanis Pro-Regibus, qui eum sibi voluere Consiliarium, Assessoremque juris dicendi causâ, quo etiam munere multis functus annis splenduit apud Consules Mercatorum pro litibus & negotis, quæ ab ipsis expediuntur commercij ratione, ad le-



## AN

legum normam regulamque absolvendis. Sanè, præter omnigenam juris eruditionem, qua eminebat, atque in historiâ & amœnioribus litteris peritiam, iudicio ac prudentiâ conspicuus erat, atque in consulendo & iudicando æqui rectique tenax, quamvis invidos passus qui Herculi, ut ajunt, calumniam extruxerint apud Regni Visitatorem, qua demum à Supremo Indiarum Consilio liberatus suisque sedibus restitutus, & pro tempore, Universitatis, cui Rector præfue- rat, Decanus in Facultate sua, Sapientum calculis probatissimus, ætateque provectus obiit 24 Novembris 1741. E multis scriptis ejus publicâ fuere luce donata quæ sequuntur patrio sermone.

*Libellus supplex pro D. Maria Anna Philippa de Cantabrana, hæreditatem quandam ab intestato nepote sibi debitam postulante.* Mexici, ex Typographia Viduæ Francisci Rodriguez Lupercio 1714. in quarto. Folijs 87. Extat tom. 17. Collectionis D. Ludovici de Mendoza, & nostrarum tom. 60. in quarto.

*Expositio Juris Regij Tribunalis Consulatus Mexici pro exigendis certis vectigalibus.* Mexici, apud Hæredes Joannis Josephi Guille- na Carrafcoso 1718. in fol. Extat tom. 9 Collect. nostrarum.

Meminit ejus multa cum lau- de Sapientissimus P. Nicolaus de Segura Societatis JESU in Tom. suo de Contractibus in genere &

## AN

Testamentis p. 581. ubi fragmen- tum Epistolæ satis in jure do- ctæ pro instituto suo adducit à nostro conscriptæ.

311 D. ANTONIUS MELO, Natione Mexicanus & Patria, Col- legij Seminarij Metropolitanæ Ecclesiæ à S. Paulo & Purissimâ Conceptione nominati alumnus, atque Philosophiæ & Theologiæ laureis in Universitate Mexicæ insignis, ejusdem Pauliani Athe- næi Cathedras rexit Latinitatis primùm, mox Philosophiæ, quam triennio auditoribus publicè di- xit, conscripto ad id muneris Philosophiæ Cursu juxtà PP. Thomistarum Systhema comple- ctentem

*Summulas & Logicam, Physi- cam & Metaphysicam, Librosque de Ortu & Interitu, de Cælo & Mundo.*

Circumfertur Mss Discipulo- rum Authoris manibus.

312 EXCMUS. D. D. ANTO- NIUS DE MENDOZA, Natione His- panus, longo 17 annorum domi- cilio & multo merito Mexicanus, Eneci Mondexarensis Marchio- nis filius, D. Didaci de Mendoza frater, primus fuit qui Pro Regis titulo Novæ-Hispaniæ clavum te- nuit, & verò etiam auspiciatissimè gubernavit. Anno 1535 eo quem diximus nomine & Ducis Genera- lis insimul thesaurâ, Mexicû adve- ctus, detectis nuper vastissimis Re- gnis in politicis unâ & christianis ritibus instituendis mirum ad- laboravit. Prudentiâ erat insi-

gni,



gni, singularique probitate, quibus præditus dotibus, & se dilectum Indis atque Hispanis exhibuit, & Regis Catholici dominia firmavit & auxit, ac, quo nihil habuit antiquius, Dei gloriam animarumque salutem admirabili zelo promovit. Geminas in hos fines Classes instruxit, è quibus alteram ad Philipinas Insulas anno 1545. quamvis infelici successu, infido, nec satis agnito mari commisit; alteram versus Californias ad anno 1539 ad 1541. quas Franciscus de Alarcon navium Imperator invisit, scripta que narratione Americanis palam dedit & Europæis; eodem tempore Francisco Vasquez Coronado rem terrestri itinere procurante, atque in veterem per novam Mexicum revertente. Turbatis Peruvicis gentibus, earumque Gubernatore à Mexicanis suppeticas postulante, eas ut præstò ferret, Legiones supplevit, sexcentisque militibus D. Franciscum de Mendoza filium suum præfecit, quamquam in procinctu omnibus, receptui cecinerit, quòd pacatas in Meridionali America res agnoverit, ipso qui auxiliùm postulaverat Præsidi id per litteras enunciante.

313 Americam quòd attinet nostram curæ suæ demandatam magna ex parte lustravit, totique fovendæ protegendæque incubuit. Pecuaria, armenta, idque genus alia, ex Hispanijs adducta, in optimis Regionibus, & eis alendis

augendisque aptissimis, diligentissimè curari sategit, felici adeò successu, ut credi vix possit quantum deinceps excreverint, tantum expatiata ut non Provinciæ modò sed Regna conditi multa possint his in agris & latifundijs, quæ pecudibus sunt destinata. Monetam ex ære primùm cudi mandavit Mexici, quæ cum displiceret assuetis auro & argento familiariter uti, rejecta ab ipso fuit, cussaue argentea, mox etiam aurea, tantâ in posterum copiâ, ut non Europa tantùm, sed totus propemodum Orbis Mexicanis nummis, argenteis uncialibus, alijsque pretiosis monetis abundaverit, atque etiamnum incredibili opulentia ditescat. Multæ ea tempestate argenti fodinæ detectæ fuere; nec ipsæ tantum Nostri vigilantia decretisque excultæ, sed Officinæ quoque, textrinaque pro laneis vestibus in primis, usum incrementumque habuere. Sævislima pestis Indos invasit anno 1545 quæ latissimè serpens absumpsit innumeros, & Antonius ægrotantibus quidem præstò fuit auxilio, paternâ miseris charitate subveniens. Omnia, hercle, circûspiciebat, opportunisque operibus Reipublicæ commodis vigilabat, propterea optimè de ipsa meritis. Ut litteris etiam excoleretur, apud Cæsarem Carolum V. Hispaniarum potentem egit, quantum & Religioni & Regno profutura foret exponens Universitas Scientiarum, si instar Salmanticens-



AN

centis & aliarum Europæ florentium, Mexici erigeretur, quæ non multo post dextero sydere instituta est. Prius verò disertissimus homo curaverat Typographiam in Novum hunc Orbem ex antiquo deferri, primumque Typographum Mexici instituit, cujus formis multi statim libri excudi cœperunt. His multisque incumbentem Nostrum alijs, postquam 17 annos pace justitiâque florentem Mexicanam moderatus fuerat ditionem, anno 1551 Pro Regem in Americam alteram destinatum nostra multis abeuntem lachrymis profecuta est, uberioribus autem longè ipsum biennio post flevit, quòd postremam obierit diem. Ejus, egregiâ cum laude, meminere Torquemada in Monarchia Indica tom. 1. lib. 5. à cap. 11. à pag. 608. editio- nis Madritanæ 1723. Medina in Chronicis Provinciæ S. Didaci fol. 233. n. 815. Betancurt in Tractatu Civitatis Mexicæ pag. 7. n. 27 & seq. Ægydius Gonzalez in Theatro Ecclesiæ Mexicanæ pag. 23. corrigendus quòd dixerit adductam Typographiam primam in Mexicum anno 1532 à Nostro, qui non dum rerum potiebatur Americæ hujus. Alios prætermittimus, ut afferamus & D. Nicolaum Antonium in Bibliothecâ Hispaniæ Novæ tom. 1. p. 113. & D. Antonium de Leon in Occidentali. Et Nicolaus quidem Nostrum propterea Scriptorum albo infertum existimat,

AN

quòd conscribi fecerit, non ipse conscripserit librum hispano sermone

*De naturalibus rebus & mirabilibus Novæ Hispaniæ*, cujus Operis meminit Leon Pinelus. Hic verò præter hoc Opus quod Mss refert col. 873. edit. novissimæ, col. 827. recenset ab illo profectas

*Ordinationes legumque collectionem pro Conventu Juridico Mexicano.* Mexici 1549. in fol. Quibus accedunt. *Epistola* quas citata col. 873. insinuat non tamen aperit. Invenimus verò apud Laffor. Avarea in Orbe Terrarum Scriptorum calamo delineato T. 2. verbo *Nova Hispania* p. 267. Litteram ex hispano in italum versam idioma, quæ sic habet latino

*Epistola ad Imperatorem de recens apertis Regionibus in Hispaniâ novâ Aquilonem versus.* Venetijs 1565.

314 F. ANTONIUS DE MENDOZA, Natione Mexicanus, cujus natale solum inclyta Equitum Civitas Goatemala, Parentes & ipsi nobilitate clari, Ordinem S. Francisci inijt in patriâ Provinciâ à SS. JESU nomine nuncupata, in qua statim lumine prophetico insignis est habitus, proptereaque à multis consultus in arduis, quòdque cœlesti, quo videbatur afflatus æstro, peritiam in moralibus minimè vulgarem adjunxerit. Ægrè quidem ferebat honorem his sibi nominibus

Kkk

da-



## AN

datum, ut qui propriæ demissioni addictissimus esset, ceterâque conspicuus virtute. Ex his quas elaboravit Responsionibus inquisitus de Theologicis practicis difficultatibus, extant pleræque

*Consultationes Morales,*

Bibliopecti operâ compaginatæ alias inter variorum, quas octo Tomis comprehensas habent Sodales in Bibliothecâ Cœnobij præcipui Goatemalensis, uti ipsi ad nos humanissimè detulerunt. Ibidemque conservant præterea hispano itidem sermone ejusdem Authoris

*Summam brevem Theologia Moralis.*

Meminit ejus Fr. Franciscus Vasquez in secunda parte Chronicorum ejusdem Provinciæ lib. 4. cap. 73.

315 FR. ANTONIUS MICHAEL DE GALICIA, Natione Mexicanus & Patria, Ordinem religiosum de Charitate S. Hippolyti Martyris ingressus, & solenni professione amplexatus, Presbyteratu insignis, pius equidem & moratus, satisque instructus, pro ministrandis Ecclesiæ Sacramentis ijs præcipuè qui ad Familiæ suæ Valetudinaria confugiunt ægrotis, ut horum & Sodalium prospiceret commodis, atque Sacrorum agendorum reverentiæ & pietati, edidit hispano & latino sermone

*Manuale ad præscripta SS. PP. NN. Pauli V & Urbani VIII pro usu & regimine Sacræ Religio-*

## AN

*nis de Charitate S. Hippolyti Martyris in Provincia Nova Hispania, atque Cœnobijs ejus & Xenodochijs. Mexici, ex Officina Francisci de Ribera Calderon 1716. in quarto.*

316 P. ANTONIUS DE MILLAN, Natione Mexicanus, fortassis & Patria, alumnus Societatis JESU, in Maximo SS. AA. Petri & Pauli Collegio Mexico Rhetoricæ Cathedræ Moderator cum esset, pro inolito florentissimæ Scholæ suæ more, Puerum Jesum nascentem ut exciperet festivis poeticisque numeris, atque pulchrâ etiam oratione solutâ, Sodalesque proposito themate invitaret ad latinè & hispanè pangendum, condidit

*Poeticam concertationem recens natum Jesum sub Mannæ Symbolo prosequentem.*

Habetur in Libris consimilis argumenti apud dicti Collegij Bibliothecam extantibus, ad annum 1728. in folio.

316 D. ANTONIUS DE MIRANDA ET VILLAIZAN, Natione Mexicanus, apud Guexotzingo Urbem quindecim ab Angelopolitana lapidibus distitam, natus est 4. Novembris 1657. è gente clarissima, parentibus D. Antonio de Miranda, & D. Augustina de Villaizan, à quibus procreati fuerant Mathias & Josephus, multis & ipsi litteris titulisque conspicui, pro ut de utroque opportuno scripturi sumus in loco. Noster latinè satis cultus, Philosophiâ Theologiamque adeo altè



AN

altè imbibit Angelopoli in Regalibus SS. Joannis & Petri Collegijs, ut laureis in Academiâ Mexicanâ donatus, pro aperiendo è Cathedra Aristotele in mox dictis Gymnasijs Professor renunciatus fuerit, discipulosque philosophicis doctrinis imbuerit, quibus deinde sacram etiam Theologiam Magister & ipse ibidem aperuit, atque Rectoris vices gessit. Auditores in Philosophia suos, peracto Cursu, de more subditurus examini in Universitate, Mexicum petit, suisque alumnis gradu insignitis, tam ipse probatur Doctoribus, ut procedente nonnullo temporis spatio in Academia destinetur. Procuratorem, ejusdem apud Regis Curiam negotia acturum. Nec sanè, quam conceperant, spes, eos fefellit: nam demandatam sibi provinciam præfervidè arripuit, tamque industriè & è votis Academicis obivit, quantum à diligentissimo fieri poterat, Apostolico in primis Rescripto egregijs indultis & privilegijs gravido, tum etiam Regijs pro Universitatis decore Schedulis opportunè transmissis.

317 Hæc inter pro Ecclesiâ Guadalaxarenfi in Novâ Galleciâ Præbenda à Rege donatus, Americæ sistitur, & gradatim ad apicem usque Decanatus perillustri Capiruli ejusdem Cathedralis evadit. Theologiam quidem in Aulis professus fuerat, sed tamen studijs etiam haud vulgarem utriusque juris peritiam comparaverat,

AN

qua Superiores invitati, & viri prudentiâ ac zelo, Vicarium Episcopatus generalem octennio voluerunt, nec semel Episcopatus Gubernatorem, atque omnibus ipse atentissimè invigilans, spectabilem se meritò reddidit. Ecclesiâ suam ornare perpolireque aggressus, multis insignem operibus, pretiosis supellectilibus divitem, & ornatu pulcherrimam, Angelopolitanam, quæ sanè Basilica est cultissima, imitari eximiâ religione conatus est. Adhæc Musicorum peritiam pro divinis officijs adjecit, & cum proprio æretum etiam aliunde quæsito, annuos sumptus paravit, ut festi dies conceptæ & assumptæ in cælum Virginis Deiparentis, natalesque ejusdem Sponsi Josephi, & Proto-Parentis Petri celebriores haberentur decantatis insolitâ pompâ sacris precibus, quas in pervigilijs Sanctorum Ecclesia observat. Erga pauperes multa erat charitate præditus, quibus subveniebat quotidie, eorum aliquo ad mensam secum prandente, & multis datâ opportunè stipe solatis, largiores nonnunquam in religiosas Virgines elemosynas erogans, ut præscriptâ pro alimentis dote expeditâ, uni vacare Deo possent & inservire. Dissidentes in Republicâ ad pacem revocare solenne habuit, ægrotos solari, deque cunctis benemereri.

318 Tot inter Christianæ Virtutis officia pietas adversus Deiparentem Virginem emicabat, cui,

K2



cui, ut alijs interim devotionis parcamus indicijs, Novendialia indixit in Ecclesiâ suâ sollemnissima, ad aras canentibus Sacerdotibus, ipsoque pueros & populares non hortante modò ut publicè precarentur, sed exemplo eis præeunte, quo Purissimam Matrem sub titulo de Rosario multis colerent, & gravissimâ per Urbem supplicatione devotissimè salutarerent. Hæc ubi absolvit, Sabbato proximè ad finem novendialium secuto, sacra ipse mysteria cum cantu in honorem cœlestis Reginae peregit, & ecce apoplexiâ corripitur, in ædes ejus Imago sacra cui tot cultus detulerat, ut suppetias præstet, deferretur, illicò, ceu proctetricem expectans, obit in Domino die 24. Maji anno 1713. ætatis 55. eximio nedum Civitatis & Curia, sed totius Novæ Galleciæ Regni dolore, qui Parentem ipsum & benefactorem egregium coluerat. Capitulum Ecclesiæ suæ parentandum ipsi, præter solitam, graviori multo pompâ decrevit, & Panegyricâ virtutes ejus Oratione è suggestu sacro laudari, quam doctissimè intextam & habitam à Viro multis quoque dotibus ornatissimo P. Joanne Gonzalez de Villaverde, Mexicano, & PP. Oblatorum Præfecto, Frater natus major Clarissimus Mathias à S. Joanne Baptista, Carmelitanus, edidit curavit Mexici typis Lupercianis eodem anno. Ad scripta quòd attinet Nostri, habemus publici

juris factum hispano sermone.

*Elogium funebre Illm. D. D. Joannis de Santiago de Leon Garavito, Episcopi Guadalaxarensis. Mexici, formis Joannis Josephi de Guillena Carrasco 1694. in quarto. Habetur, & seorsim, & unâ cum Vita ejusdem Antistitis edita à P. Michael de Castilla, Societatis JESU, in Typographia Viduæ Bernardi Calderon 1698. in quarto.*

Reliquit in Mss

*Tractatus aliquot Theologicos.*

*Cursum Philosophicum, à Summulis ad finem usque nostratum more,*

Quem discipulis dictaverat, cuius propterea fuerunt multa exemplaria, quæ nos fugiunt in præsentiarum.

319 M. FR. ANTONIUS DE MOLINA, Natione Mexicanus, incunabulis Goatemalensis, Ordinis Prædicatorum in Provincia S. Vincentij de Chiapa & Goatemala alumnus strenuus, & in asserendâ regulari observantiâ insignis, à se lucubrata reliquit Opera, quæ statim exhibemus, asservanturque Authographa in Archivio Goatemalensi ejusdem Provinciæ, ut litteris ad nos inde datis accepimus.

*Vita illustrium Dominicanorum Provinciae de Chiapa & Goatemala Fr. Andreae del Valle, & F. Petri à S. Maria laici, qui apud Ciudad-Real de Chiapa effloruit, aliorumque Sodalium. Hispanâ linguâ & grandi volumine.*

*Excerpta è Sacris Biblijs pro illustran-*



AN

*strandâ S. Rosæ à S. Maria Virginis Limensis Vitâ. Eodem idiomate.*

*Chronologia rerum Provinciae S. Vincentij Ordinis Prædicatorum, patrio itidem idiomate.*

320 ILLMUS. D.M.D. F. ANTONIUS DE MONROY, Natione Mexicanus, in florentissima Urbe Queretaro ortus est, genitoribus præclaris stemmatibus insignitis D. Antonio de Monroy, Civitatis Mexicanæ Decurione, & D. Maria de Figueroa & Hijar, è quorum Familijs multi alij conspicui admodum dotibus viri prodierunt. A natali solo Mexicum deductus, ut litteris ad humanitatem informaretur, inter alumnos Regij Christi Domini Collegij adscriptus, inde ut moris est, in Maximo SS. AA. Petri & Pauli Societatis JESU strenuam Grammaticæ operam dedit atque Rhetoricæ: tum Philosophiam apud idem Gymnasium hauriens, Universitatisque albo conscriptus, ejus Aulas frequentans, Baccalaureatus lauream promeruit haud perfunctorio subiectus examini, qua 6. Februarij anno 1652. donatus evasit. Theologiæ professoribus Academicis nomen dedit eo ipso anno, cui excipiendæ incubuit, quo usque mense Junio sequentis, è Collegio suo in Cœnobium Imperiale Mexicum S. Dominici, in Prædicatorum Ordinem vocatus, transivit, præfinitoque tempore nuncupatis votis se Deo

AN

mancipavit. Hinc perillustri Familiæ Collegio de Porta-Coeli, quod Provinciæ Sanjacobeæ Seminarium est doctorum hominum fecundissimum, & religiosę observantię laude præclarum, addicitur, ut cœpto litterarum itineri insisteret, donec ad Theologici cursus metam accederet. Eam ubi tenuit egregio fructu, cum doctrinæ, tum etiam virtutis, se ad Magisterium ita studijs comparavit & usu, Philosophiam ut & Theologiam Sodalibus è Cathedra tradiderit in eodem Lyceo, itemque in Maximo Mexiceo Cœnobio, atque infusulâ propterea, exactis præfinitis ab Ordine annis, redimitus fuerit.

321 Adhæc, Universitatem repetens Mexicanam pro capefendo Doctoris in Theologia apice, periculum facit, plaudentibusque Academicis Viris, Doctores inter amicitur, & jure censetur, ac demum pro regendâ Cathedrâ Divi Thomæ Perpetuus Antecessor renunciatur. Quod verò scientijs excultus, juxtâque in utroque suggestu versatus, moribus observantissimi Religiosi conspicuus esset, prudentiâque præditus haud vulgari, domesticas jussus est Præfecturas subire, Collegio supra dicto Rector datus, dein Primarij Monasterij Provinciæ Prior institutus, observantiæ semper invigilans, quam exemplis, Sodalibus ut doceret, prius quam ver-



bis agebat, præibatque in arduis, adeo ut obdormiente fortè qui media cæteros nocte erat excitaturus pro sacris in choro precibus recitandis, ipse id officij subiret, & propria æs campanum manu agitare & voveret. A Provincia sua Romam Procurator delegatur Definitorque, ubi casus accideret, qui certè, eo in Urbe agente propterea evenit, quod assumpto in Archiepiscopum Valentinum Viro Clarissimo F. Joanne Thoma de Rocaberti, qui universo Prædicatorum Ordini Magister præfuerat, Magistratus vacaverit. Indictis pro sufficiendo Generali Præfecto Comitij, habitisque 5. Junij, Sabbato Pentecostes, anno 1677 Noster eligitur. Porro vix dici potest quantum ipse fuerit ab ambitu diffusus, qui pridie comitiorum Suffragatoribus quibusdà eum uti Candidatum se daret suadentibus, palam reposuit, cogitare se id minimè, nullumque tot inter gigantes haberi. Ubi autem ad id fastigij evectum se vidit, semel iterumque coràm Pontifice Maximo Innocentio XI egit, ut insigne munus rejiceret, plura causatus, & tanto se imparrem oneri ingenuè professus. Bono tamen animo jussus esse à Sanctissimo, viresque à D. O. M. præstolari, tandem acquievit, ad puppimque sedit vastissimæ navis, quam, Deo auspice, rexit novennio. Curæ quamvis primæ ejus fuerint amplissimi per totum terrarum Orbem diffusæ Ordinis

splendori in Domino, & bonis omnibus providere, alias inter urbanissimum & gratissimum virum decentes, habemus Litteras ad Academiam Mexiceam datas 14 ejusdem mensis annique, quibus Parentem dilectissimam sibi certam Officij sui redderet, testareturque egregium, quo adversus ipsam esset, amorem. Eum certè quo in Deum & Familiam suam egregiè fervebat, testata sunt opera & virtutes eximæ.

322 Regularis zelo disciplinæ erat insignis, vir ceterà mansuetus, acerrimus tamen sanctionum pro observantiâ latarum vindex: & quod optime nosset, exempla Superioris efficacius longe subditos movere quam verba, præibat illis in vestitu, victu, choro, cæterisque exercitationibus religiosis, tot inter negotiorum turbas nihil moratus quo minus adesset cum Fratribus. Justitiæ litaturus, merita subjectorum appendebat ad trutinam, ut quæ munera cumque, gradus, & alia æquus arbiter distribueret: & ut paucis omnia dicamus, adeo integrum se gessit Regularum exactorem, & ab assentationibus studiisque partium alienum, ut multorum propterea subierit invidiam, nec immerito fuerit veritus ne quid sequius accideret sibi, quin subinde ab instituto umquam defflexerit, aut segnius Dei gloriam curaverit. A Catholico Rege Carolo II destinatus Episcopus apud Michoacanenses seu



AN

seu Vallisoletanos Americæ nostræ, eis se subduxit infulis, Patriâ nihil ipsum movente uti eis inauguratus ipsam reviferet; & porro Archiepiscopatum Compostellanum cum primis insigne in Hispania, recusasset similiter, ni Summus Pontifex Innocentius XI, cui obtemperaverat pro incundo Ordinis Magistratu, id etiam oneris ut ferret jussisset, ea tamen lege, ut Dominicanam Familiam moderari intereâ pergeret, quo usque Comitia haberentur generalia die 1. Junij anno 1686. Successore sibi dato ornatissimo Viro P. Antonio Cloche, itineri se versus Hispaniam dedit, Ecclesiam aditurus suam, cui ita adhæsit, annos ut unum supra triginta ipsam rexit. Primævos imitatus Ecclesiæ Patres, omnium se virtutum exemplar exhibuit, religiosæ tam tenax vitæ quam qui maximè.

323 Opulentâ quidem multis annuis proventibus ditatus Ecclesiâ, nulli in paupertate Religioso concedere videbatur ijs qui in ædibus ornatum, in mensa dapes, interius quo tegebatur ipse vestimentum animadvertent: nam laneis contentus & habitu & cæteris ad subuculam usque pro Ordinis sui usu indumentis, lineis perpetuò abstinuit, carnibus parcens, ni ægra secus valetudo deposceret, piscibus vesci solitus, quibus quandoque ovum addebat, chartaceas in cubiculo & pias è pariete suspensas

AN

Imagines devotioni quam ornatui potius habebat, nullaque pro arcendis hibernis injurijs peristromata alia nisi è rudi impolitâ lanâ contexta. Ceterà in Dei cultum, & subsidia pauperum efusissimus, nullis parcebat sumptibus, de Ecclesijs propterea, Monasterijs, locis pijs, egentibusque omnibus in ditione sua benemeritus. Cathedralem multis & pretiosis ditavit muneribus, Pyxide scilicet ostensoriâ ex puro puro argento conflata, & hominis staturâ non inferiore: politissimâ pro S. Jacobi Hispaniarum Apostoli & Patroni corpore orlando, ex auro, argento, pretiosisque lapillis supellectile: Organo affabrè adeò & ad musicum concentum elaborato, primaria ut inter Hispaniarum insigne jure audiat; alijsque & materiâ & artificio multi habitis donis. Dominicanorum Compostellanæ Civitatis Cœnobium illustri Peristyllo, Triclinio, Dormitorio, Exedrâ, seu ut dici solet, Capitulo, Scalâque in primis famosa, multum nobilitavit. In Monasterio S. Francisci Valetudinarium pro ægrotantibus, & pro cæteris Religiosis magnam cellarum partem adauxit. Sanctimonialibus, cum Mercedensis Ordinis, tum etiam Dominicani egregiè profuit, quòd earumdem altius evexerit Templâ, ædificaverit Dormitoria, Sacella crexerit, Ædes muris concluderit. Bibliothecam suam Societatis JESU Patribus dono dedit, idque



genus alia in Dei cultum & piorum locorum decus effecit. Erga miseros verò tanta fuit charitate, ut ipsos præter, nil cogitare videretur, aut in pretio habere: eis ut abundè subveniret, sibi domesticisque suis parcissimo sumptu contentus, redditus Ecclesiæ peramplos destinaverat, adeò ut religioni duxerit in consanguineos suos pauca erogare.

324 Hospitabatur in Palatio suo nepos ejus ex Sorore D. D. Antonius de Villa-Sñor & Monroy, Sacerdotium præstolatus Mexicanense, cui ubi à Rege Catholico datis litteris fuit præsentatus, quantocyus navigaret injunxit, ne imposterum pane vesceretur pro Compestellanis pauperibus destinato. Adeò fuit longè à gentilibus suis distans & Familiæ conquirendo splendore. Clavum eo tempore Mexicani Archiepiscopatus tenebat Illmûs. D. D. Franciscus de Aguiar & Scixas, eximiâ & ipse in pauperes liberalitate & omni virtute ornatissimus, cujus in natali solo Gallecia sanguine juncti plures degebant; datisque vicissim & acceptis epistolis à Nostro, quibus erant Mexici consanguinei, alter alteri suos commendare placuit, neuter ut propriæ Diœcesis pauperibus alimenta surriperet, atque ut utriusque familia, sanguine quidem & avitis honoribus admodum dives, cæterà satis inops, suppetias acciperet. Quotidianis eleemosynis

largiores multò tunc adjecit, cum non ita usu frequentes casus majorem longè misericordiam & charitatem expostularunt. Pestifero Galleciam morbo invadente serpenteque quam latissimè, præsto adfuit ægrotis, quibus omni auxilio fovendis Xenodochia è Cœnobijs facta lectulis instruxit, proque decumbentibus necessaria subministravit. Turbas quandoque tumultuatus populus excitaverat, atque quieti ut consulcret & paci Reipublicæ, apertis suis horreis inquietos compescuit, & concionibus hortationibusque sedavit. Cum verò fames urgeret, quòd deficiente pluvia, segetes evanuisent, publicam, cui interfuit ipse nudis pedibus Deum exoraturus, supplicationem, alijs hætenus, ut videbatur, absque fructu peractis, instituit, tam felici quidem eventu, ut festinato gradu incedendum fuerit deprecatoribus, ne copiosissimo imbri jam jam imminente, mox verò cadente, maderent perfunderenturque.

325 Accuratus tamen animis quam corporibus vigilavit, enixè procurans uti Christiana in Diœcesi sua disciplina vigeret, atque hanc ob rem multorum invidiam passus gravesque obtrectiones, quòd desistere ab instituto pro conscientia sua haud posse videret, tæderetque ipsum tot inter fluctus inquietum pergere, Archiepiscopalibus subduci infulis cogitavit, & Angelopolita-



AN

litanas à Rege Catholico postulare, eo quidem consilio, ut brevè omnibus valediceret, his quòd non dum ipsarum possessionem captasset; illis autem quòd se subtraxisset; possetque subinde cellam repetere, ceu nidum in quo, gravis ætate & languore, imminentem mortem opperiretur. Ubi verò Compostellani hæc olfecere, statim cursores arcessunt, qui mutatis subinde equis pervolent litterasque quam ocysimè ad Regem deferant, quibus Senatus Populusque & Ecclesiæ Capitulum demissimè rogant, multis que obtestantur momentis, ne Archiepiscopo annuat, incredibili totius dolore Diœcesis, maximam passuræ in illo jacturam. Voti compotes, dici vix potest quanta dederint signa lætitiæ, perinde quasi redvivu Parentem susciperent, denuòque inaugurato Principi ac Domino fausta acclamarent, ac sibi omnibus fortunas & vitam gratularentur.

326 Profecto Regi Carolo sic erat acceptus Antonius, ut Sanctus apud ipsum audierit, quo illum honestavit cognomine scripto Decreto, ne alius à Rege de negotijs illius judicaret, cavens nimirum molestijs ita eum eximere, quas propterea tulerat, quòd pro Ecclesiæ suæ & Dignitatis juribus vindicandis certasset. Philippum autem V qui proximus Carolo II successit, statim pro insita Americanis in Reges suos observantiâ & pietate,

Mmm

AN

fidelissimè Noster coluit, nutanteque in pluribus fide, quam juraverat ipse legitimo Hispaniarum atque Indiarum Domino, mordicus asseruit, & Legiones nonnullas, solutis stipendijs, accire quandoque, ut in pertinacis fervore belli inservirent Philippo, è re sua duxit. Cœterum, ut ab impostoribus Catholicum ac pijssimum Regem eximeret, Litteras ad ipsum Magnatis Hispani deferendas manu dare haudquaquam est veritus, queis eruditione juxtà ac pietate plenis, antiquoque Ecclesiæ Patre dignissimis, lucem in maximo, quod agebatur, negotio, pro Dei gloria & Catholicæ Religionis affunderet.

327 His multisque intentum alijs pro munere suo Compostellani suspiciebant & mirabantur, multo tamen justius stupebant totos viginti annos lecto defixum, media sui corporis parte exanimem, integrâ quidem mente, patientiâ incredibili, ceterâque virtute Deum cogitantem laudantemque, nec pastoralis curas officij, quas gerere ibi poterat, unquâ intermittentem. Quoniam verò & isthæc, & quæ diximus plura, aliaque bono in lumine collocata legimus in Encyclica, quam ejus in Ordinis Magisterio successor admodum Reverendus P. Antonius Cloche ad suos toto terrarum Orbe effusos scripsit, placet quidem fragmentum ad tabulas nostras revocare, quod in suis transcribunt eruditissimi

Galli



Galli Critici Annales Scriptorum Ordinis ejusdem elucubrates. Et ita quidem illud habet ad annum 1677. pag. 668. § 2.

328 Sanè Fratres dilectissimi, si tot beneficia quibus Illustrissimus ac Reverendissimus Dominus Antonius de Monroy Archiepiscopus Compostellanus, sacri Ordinis Prædicatorum olim Magister, sibi devinxit Ordinem, dum illius per novem annorum spatium præfecturam gessit, in memoriam revocetis, omni proculdubio gravem jacturam, quam tanti viri decessu patimur, nobiscum unà dolebitis, nec committetis unquam, ut apud vos intercidat fidelis rerum ab eo gestarum memoria. Recolite quæ illius fuerit in ponderandis negotiis maturitas, in gerendis cautio & integritas, in consciendis diligentia, in providendo nequid religio detrimenti caperet singularis prudentia, in promovendâ observatione disciplinæ regularis vigilantia. Vestris obversentur oculis avita illius pietas cum solida eruditione conjuncta, sincerus animi candor, sermonis ingenuitas, grata in moribus, in habitu, in cultu, in incessu modestia, ab omni fastu pompæque ambitiosa abhorrens. His virtutibus ornatus secunda omnium gratulatione ordinem nostrum felicissimè rexit, & ex umbraculis vitæ religiosæ eductus atque Archiepiscopali dignitate inauguratus, nihil de pristino cursu, quem in ordine jugiter tenuerat, immutavit, palamque ostendit omnes virtutes, quibus in religione antehac præfulserat, modestiam, frugalitatem, parcimoniam, & nobi-

lem caducarum rerum contemptum non honore imminutas, sed magis auctas, novoque sacrarum insularum splendoris incremento fuisse decoratas. In eo prorsus summa erant omnia, ex quibus undique fuit perfectus, & detractis quibuscumque vitijs Episcopus cumulari debet. Sed præsertim in ipso eminebat excimia charitas, quæ sese totam ad alienas utilitates ita porrexit, atque semper explicuit, ut nullus sit in amplissimâ Diœcesi Compostellana locus, quo non ille curarum & cogitationum partem derivaverit. At enim boni & omnibus partibus absoluti pastoris munia obiens illustrissimus Archiepiscopus, ea quæ jam injuria temporum delapsa defluerant, æquissimis legibus vinxit, mores emmendavit, restituit disciplinam, cultum Dei excitatis passim adibus sacris instauravit, & ad veterem sanctimoniam omnia suis exemplis revocavit. Erga pauperes parens adeo munificus fuit, ut sui oblitus ac planè immemor, omnes suas opes in eorum sinum benignè & liberaliter effunderet: nihilque secundum Deum antiquius haberet, quam ut sublevaret pauperum indigentiam, & remotâ plerumque hominum conscientia, caloque teste honestarum familiarum angustijs & pudori consuleret: Quo factum est, ut obtentâ à summo Pontifice facultate, pauperes ex asse suos hæredes moriens instituerit, nihilque alijs reliquerit, nisi summum sui desiderium, & heroicæ beneficentiæ memoriam.

329 Sic pius ille Antistes per triginta annos in Archiepiscopatu Com-



AN

Compostellano ab anno videlicet M. DCLXXXV ad annum M. DCCXV semper sibi constanti vitæ ratione vixit omnibus charus, & de singulis benè meritus: sed potissimum de Ordine nostro, in quem ita se propensum exhibuit, ut Monasterium jam vetustate collapsum suis impensis omnino refarciendum curaverit, & ad seram usque posteritatem curas suas & cogitationes convertens, collegium instituerit dotaritque are suo ubi religiosi juvenes sanioris theologiæ tyrocinia ponerent, atque germanam haurirent pietatem, quæ se quaquaversum latissimè propagaret. At quantus quantusve vivens fuerit religiosus noster Antistes, maior tamen se ipso moriens visus est. Non mens ei senio fracta, non oppressa morbo, non extincta languore. Per viginti annos integros media sui corporis parte exanimis lecto defixus decubuit; nullus interea gemitus, ac ne doloris quidem signum ullum, impatientia nulla, eadem vultus hilaritas, animus cælesti lætitiâ delibutus, plenus divinarum laudum sermo, idem intrepidus ad extremam usque vitæ periodum in vindicandis Ecclesiæ suæ juribus vigor. Sic ab annis & infirmitate vires accipiens, non cessabat grates immortales Christo servatori amantissimo rependere, quod ipsi crucis particulam impertiret. Deo quot quot habebat corporis partes, centotidem victimas immolabat, lætusque cernebat se in dies aliqua sui parte Christo configi cruci. Demum eternitatis candidatus, cælo jam maturus, & in sua quam religiosa pau-

AN

peratis amans elegerat, abjectissima cella, solis cælestibus bonis inhians, mortem serena fronte aspexit, quam omnibus Ecclesiæ sacramentis munitus, tranquille inter manus Fratrum suorum oppetiit ineunte anno ætatis suæ LXXXIII die VII Novembris anni æræ christianæ MDCCXV. Hactenus ornatissimus P. M. Cloche; subdunt verò pereruditi Critici.

330 Quæ in his litteris de singulari & eximia Archiepiscopi nostri in victu parsimonia, summa verò erga exteros liberalitate leguntur, experti sunt & comprobarunt classis Gallicæ duces & milites omnes in funesta illa ab Anglis ad portum Vigo accepta clade. Tum enim in Galliciam ingressi, & palantes rebus omnibus spoliati, ab eo lautè & oppiparè accepti sunt, & necessarijs omnibus abundè suppeditatis omnium officiorum genere divincti. Hinc in Franciam reversi magnificentiam Archiepiscopi unà & sanctitatem ubique & in aula ipsa Ludovici XIV prædicaverunt, seseque verum Ecclesiæ pastorem vidisse gloriati sunt. Hæc illi.

331 Ad nostrates ubi luctuosissimi funeris nuntiæ ex Hispanijs litteræ sunt delatæ, egregio omnium ordinum homines dolore de gentili suo perciti, ijs graviores acutioresque mœstitiæ aculeos infixit, qui propius Heroi è vivis sublato, aut sanguine fuerant, aut institutis, à quibus subinde justa fuere soluta, qua decebat undique Illmum. Vi-



rum pompâ. In Metropolitana Ecclesia Parentationem accuravit ejus ex Sorore nepos, quem diximus D.D. Antonius de Villaseñor & Monroy, qui id temporis Archidiaconum agebat, dein verò in Decanum evectus fuit, multis alijs obitis egregiè muneribus clarus, Diœcesis Vicarius Generalis, & Sanctæ Cruciatæ Regij & Apostolici Tribunalis Commissarius Generalis Subdelegatus, excitatâ funestâ mole, atque invitatis unâ cum Archiepiscopo V. D. D. F. Joseph de Lanciego & Eguilas, atque Ecclesiæ Capitulo gravissimo, moxque dicto ornatissimo Tribunali, Academiâ Mexicanensi, omnibus Religiosorum cœtibus, Primariisque & Nobillissimis Civibus Mexicanis, quibus & dolori fuerunt & admirationi Compostellani virtutes Præfulis optimè ad oratorios ornata numeros Oratione propalam factâ à D. D. Luca de Verdiguel, Canonico Magistrali, usu multo & pari eruditione ad dicendum eximiè comparato, prodijtque concio typis Lupercianis anno 1716. Universitas dein Mexicea Doctori suo cum primis insigni & Antecessori quondam spectatissimo supremi diei indixit solennia lugubria, frequentissimâ Academicorum, Religiosorum, Collegiorum, Scholarium que omnium concione, qui vespere convenientes, post Ecclesiasticas cum cantu preces auditas, latinâ dicentem Oratione ex-

cepere D. D. Joannem Hernando de Gracia, infulatum Magistrum, dein Metropolitanæ Ecclesiæ Præbendatum, & deinceps Canonicum; mane autem rursus coactâ florentissimâ eadem coronâ, ad aras solennissimè est actum, atque è superiori loco elogium vita functi Archiepiscopi, hispano quod sermone texuerat, eloquentissimè recitavit D. D. Bartholomeus Philippus de Ita & Parra, Antecessor & ipse Academicus, postmodum Canonicus itidem à Concionibus, atque typis procussâ utriusque Doctoris Orationes exiere formis annoque nuper dictis. Nec porrò Dominicani Mexicei in colendo Magistro Generali suo atque Parente, hujusce Sanjacobeæ Provinciæ filio ornatissimo decore que eximio, cœteris concessere, exequijs ejus maximâ ductis pompâ & æquali mœstitiâ. Quod ad scripta attinet ejus, cognita fuere Criticis Ordinis jam laudatis alia nulla præter

*Registrum ejus litterarum, dum Ordini præfuit, Romæ servatum;*

*Et Ordinationes pro recto Ecclesiæ Compostellanae regimine.*

Quibus comperta nobis adjicimus & typis data & Mss sequentia.

*Laudatio Funebris ad Regias Augustissimi Philippi IV Magni Hispaniarum Regis & Indiarum Imperatoris Exequias habita in Regali Conventu S. P. N. Dominici die 25 Mensis Augusti anno Domini*



AN

1666. coram gravissimo S. Officij Inquisitionis Confessu extincto nuper Regi parentante. Mexici, ex Typographia Viduæ Bernardi Calderon 1667. in quarto, extat que in libro id argumenti alia à Quæstoribus Fidei curata eruditissimè ob oculos proponente sub titulo hispano: *Honorarius tumultus, &c.* Nostri verò, quam diximus, Oratio idiomate concepta latino est.

Patrio sermone, dum Còpostellana potiretur Ecclesiæ publicavit

*Epistolam Pastoralem ad Rectores, Beneficiarios, cæterosque Diocesis suæ Ecclesiasticos viros*, quos gravissimè hortatur omnes ad strenuam in erudiendis populis suis operam dandam, & eleemosynam impendendam egenis, assumpto Psalmographi themate: *Propter miseriam inopum & gemitum pauperum nunc exurgam*; eo que eloquentiâ juxta & sacrâ eruditione ad propositum tempestivè explanato paginis 24 in folio, hispanis formis, Officinæ tamen, ut fit non nunquam in similibus, & Typographi nomine tacito.

Adhæc, è multis latinis, quas sedens ad clavum Familiæ, dixit Romæ ad Fratres, Orationibus, quinque habuimus ad manus à D. D. Villa-Señor, Mexicum allatas, tres quidem authenticas, duas autem ejusdem nepotis manu transcriptas, qui & adjecit in codice, nullas se præterea nancisci potuisse, reliquis pluribus aliò dilapsis. Sunt illæ porro

AN

*Prima habita Feria quinta in Cæna Domin. Anno 1678.*

*Secunda dicta in Feste S. Parentis Dominici, Anno 1683.*

*Tertia recitata in Pervigilio Nativitatis Servatoris nostri Jesu Christi. Anno 1684.*

*Quarta pro Vigilia itidem S. Dominici. Anno 1684.*

*Quinta panegyrico moralis in honorem Deiparentis Virginis, quam SS. Trinitatis Complementum appellat, multisq̃ doctissimè probat. Extant in Scrinijs D. D. Josephi de Garaicochea, stirpis Illm̃i. viri germen, cui subinde consignatæ fuere à Domino Decano Villa-Señor avunculo suo.*

Præterea extat *Epistola ad SS. D. N. Innocentium XI supplex pro Beatificatione Servi Dei V. Sebastiani de Apparicio*, edita Romæ in Typographia Reverendæ Cameræ Apostolicæ, tacito anno, habetur que in Libro, cui datus Italicè titulus: *Summarium in Causa Mexicanâ Venerabilis Servi Dei Sebastiani de Apparicio* in fol. cujus copiam nobis fecit D. Joannes de Imaz Esquer, à Secretis Universitatis Mexicæ, Causidicus que doctissimus.

In Tabularijs Dominicanis Americæ nostræ asservatur *Epistola ad universam Familiam data tum temporis cum Magisterio Noster potiri cœperat, cujus exordium Ad Ordinis apicem, Romæ ad Minervam 1. Augusti 1677.*

Item *Acta seu ordinationes pro singulis Indiarum Provincijs; quas*

Nnn

sic



sic condivit ordinationes, utile ut dulci opportunè miscuerit.

Demum legimus *Epistolam* hispanâ linguâ datam ad Marchionem de la Mexorada paginas plus viginti adimplentem, ut scriptis Regis nomine, & titulo *Expositiones* vulgo *Manifestos* anno 1709. publicatis, faceret satis, Principemque suum ab impostofibus liberaret. Sunt ejus Mexici & alibi exemplaria quam plura.

Scripta Theologica, quæ docendi partes explens & in Academia Mexicea & in domesticis Gymnasijs pro erudiendis juvenibus concinnavit, silètio propterea involuta relinquimus, quòd eorum nos tituli fugiant & argumenta, uti codices ipsi Academicum Archivium Librumque pro signandis annuis prælectionibus effugerunt, non dum missis in possessionem statutis hæc præscribentibus.

Nostri, nec sine elogijs debitis, meminere Clarissimus D. Carolus de Siguenza, tum in Libro de Queretarensis Urbis decore & gloria pag. 6. tum in Triumpho parthenico fol. 89. col. 1. P. Balthasar de Medina in Chronicis Provinciæ S. Didaci MexicanæFranciscanorum nudipedum fol. 255. n. 887. P. Franciscus de Florencia in Historia Societatis JESU Provinciæ Novæ Hispaniæ pag. 82. num. 86. P. Julianus Gutierrez Davila in Monumentis Historicis Congregationis Oratorij Mexicanensis parte

1. pag. 30. n. 65. ubi & brevem nostri ad Oratorienfes PP. Epistolam affert, & pro eximio ad eosdem transmissio dono, particulâ scilicet ex præcordijs S. Philippi Nerij deprompta, grati testimonium animi exhibet; & pag. 87. num. 216. è Mss. Plaza in Chronicis Universitatis lib. 5. to. to cap. 24.

332 D. ANTONIUS DE MORALES PASTRANA, Natione Mexicanus & Patria, amœnioribus unâ & sacris litteris delectatus, cùm hispanis, tum etiam latinis, nec minus solutâ doctus quam ligatâ oratione, multi ab eruditis habitus ut ex eorumdem censuris Opusculo 1. mox laudando præfixis fipalam; doctrinæ specimen & faciendâ juxtâque pictatis exhibuit, publicatis, multa imbutis eruditione, hisce Opellis, idiomate hispano.

*Solennis, plausibilis, & festiva pompa pro Beatificatione plaudendâ Gloriosæ Virginis Limensis Rosæ de S. Maria. Mexici, ex Typographia Luperciana 1671. in quarto.*

*Sanctissimæ Virginis Deiparentis Dolores metro expositi. Mexici, ex Officina Joannis Josephi de Guillena Carraasco 1694. in octavo.*

333 D. ANTONIUS MORELOS, cujus Natio nobis & Patria sunt in ancipiti, apud novam Gallectiam Actuarius Regius, non ita publicis conficiendis deditus instrumentis, ut in amœnioribus litte-



AN

litteris non ipse instructus satis esset atque eruditus; nec forum sic quotidie frequentans, ut non itidem Parnasum adiret; suæ adversus Musas unâ Præsidentemque Regij Goadalaxarensis Conventus juridici gratitudinis & observantiæ testimonium scripto dedit, quod nobilissimæ ejusdem Civitatis nomine posuit, hispanis versibus prosequens debitas viro laudes illustri, qui insignem flumini magno dicto Tololotlan, pontem super induxerit, aliaque in Reipublicæ commodum monumenta egregia posuerit. Titulus opellæ sic habet hispanicè scripte.

*Grates à Nobilissima Fidelissima que Urbe Goadalaxarensi relata illustri admodum D. Thomæ Teran de los Rios, Gubernatori suo, quòd Pontem fluvio magno Tololotlam egregium dederit, aliaque, ipso rerum ponente, opera utilitati accesserint publicæ.* Mexici, apud Joannem Franciscum de Ortega 1721. in quart.

334 FR. ANTONIUS MORENO, Domicilio quidem Mexicanus, finminus Patria & Natione, quorum incerti sumus, Provinciæ S. Evangelij Franciscanorum PP. alumnus, Conventus que Mexice Guardianus, Primarius Sacræ Theologiæ Lector, & apud S. Inquisitionis Officium à Censuris, concionem à se habitam in Templo S. Joannis de Deo Hospitalitatis Parente, pro ipso in Cœlitum album recens scripti heroicâ virtute laudibus ef-

AN

ferendâ, typis excudendam tradidit cum alijs per octiduum id loci dictis, cæterisque sollemnissimo in festo religionis juxtâ & ingenij monumentis. Extat hispano sermone

*Panegyris in Canonizatione S. Joannis de Deo.*

In Libro de Apoteosi S. Fundatoris Mexici celebrata ab ejus Instituti Provinciâ Sancti Spiritus, Authore D. Joanne Ramirez Santibañes. Mexici, ex Typographia Luperciana 1702. in quart.

Mss Nostri

*Tractationes Philosophicæ & Theologicæ, Concionesque*

Si in has paginas adducantur à Socijs grates ipsis habebimus.

335 D. ANTONIUS DE MORGÀ, cujus Natio nobis incomperata est & Patria, Domicilio Mexicanus, ad Philippinas Insulas id temporis trajecerat, cum primum Senatus Regius ibidem institueretur; ad quem evehctus quòd & Doctor esset juris peritus & cæterâ pro munere virtute polleret, non eo tantum nomine insignis evasit, sed quòd etiam Gubernatoris non ita pridem detecte Regionis vices strenuè gesserit, non minus bellicis expeditionibus clarus, quam prudentiâ & consilio in Reipublicæ negotijs agendis illustris. Inde Mexicum delatus, Togatis ijs adscriptus Regis imperio fuit, qui Vindices criminum audiunt, atque interea loci edidit idiomate hispano librum scriptum,



*Eventus Insularum Philippinarum.* Mexici, typis Hieronymi Balli 1609. in quarto.

Meminere Authoris & Operis D. Nicolaus Antonius in Bibliothecâ Hispaniæ novâ tom. 1. pag. 115. & D. Antonius de Leon, in Occidentali tom. 2. editionis novissimæ col. 635. P. Fr. Josephus de Torrubia Franciscanus, amicus noster, in Dissert. Histor. Politic. de Mahometismo in Philippinas Insulas propagato, pag. 66. edit. Madritanæ 1736. ubi & Authoris elogium texuit & Operis.

336 P. ANTONIUS NUÑEZ DE MIRANDA, Natione Mexicanus, in Oppido Fresnillo, argenti fodinis insigni, prope inclytam Zacatecarum Urbem, ad multa & magna gerenda natus est 4. Novembris anno 1618 Parentibus nobilitate claris, pietate illustrioribus, Didaco Nuñez de Miranda, qui mox dictum Oppidum detexuerat, & D. Hieronyma de Valdecañas; à quibus christianè institutus atque politicè, ut imbueretur Latinitate in proximam JESU Societatis Scholam apud Zacatecas florètem transmissus, egregium jam inde virtutis & doctrinæ, quibus futurus erat dotibus ad stuporem eximius, specimen dedit. Mexicum deductus pro Philosophicis litteris addiscendis, P. Petrum de Prado, multa eas laude in Maximo SS. AA. Petri & Pauli Societatis JESU Collegio profiten-

tem, Magistrum audiuit, cui etiam ob ingenij, memoriæ, & assidue in studio ac virtute exercitationis dotes præclaras, in primis arrisit, à Sodalibus interea magni habitus, quod & eruditione ipsis præiret, & christianæ pietatis exemplo, ut subinde audiret Gregorius Lopez, per inde quasi hujusce Clarissimi Anacoritæ modestiam referret & probitatem, nil moratus juvenum sensa dictaque, ut globulos precatorios ad collum appensos gestaret, non clam, sed palam & super Clericalem, qua induebatur, vestem (Erat enim jam tum Ordinibus minoribus initiatus.) Baccalaureatus laureâ in Universitate Mexicæ donatus eo loco fuit & honore, qui provectionibus in Cursu tribus jure decernitur.

337 A JESU autem in suam Societatem vocatus, huic se totum Familiæ devovit, se que instituendum in omnibus dedit, quam eximiâ in posterum gloriâ coronaturus erat. Probationis annis non sine egregiæ virtutis specimine religiosè transactis, emissisque votis quibus se Deo religavit & Societati, mansuetioribus litteris excolendis traducitur, annum, de more, in eis positurus; semestri tamen studio & exercitatione adeò eruditus promptusque invenitur, pro eo quo pollebat ingenio penitus singulari & simili conjuncto memoriæ, ut supervacaneum Magistri Superioresque judicantes tempus dif-



AN

discédo terere quod utilius longè docendo impenderet, Grámaticæ Præceptorem Vallisoleti Michoacanensium constitutuunt, quæ strenuè usus spartâ, Mexicum advocatur Theologicis ut incumbat studijs. In his porro ita diligenter versatur, primas ut inter Sodales facile tulerit, atque unâ cum strictiori Regularum observantiâ, & virtutum exercitio planè mirando, amœnorum Opuscula litterarum sociarit, ab exteris requisitus, ut quâ soluta, quâ ligatâ versibus oratione, cùm hispanâ, tum etiam latina pro varijs argumentis quotidie fere luderet. Absoluto quadriennio, theses per diem integrum publicè in Collegio Maximo propagavit, mane quidem decem & octo divisas titulis ex universa Scholastica Theologia depróptas, vespere autem ex utroque jure petitas sex alijs propositas titulis, adstantibus Auditoribus Regijs, Doctoribusque arguentibus sapientissimis, ac mirantibus hominem Theologum juris peritorum adita penetrasse, atque in alienam, quam studio & ingenio propriam fecerat messem, falcem multa sibi fruge misisse. Et ex tunc quidem ad nostra usque tempora mos invaluit, ut in hisce Majoribus, ut dicuntur, concertationibus vespertina themata è Canonico ac Civili Jure petantur magno certè Magistrorum & discipulorum compendio, qui his jactis fundamentis, insignia

AN

superextruunt opera Theojuridica, consulentibus valde utilia. Hercle, Noster hinc parare eruditionem illam juris cœpit eximiam, de qua mox sermo recurret.

338 Interea loci Sacerdotio ipse jam consecratus, ad plura que natus, multis applicitus munij à Superioribus, omnibus eam numeris religiosè juxta & industriè ad Dei gloriam gessit. Quinquies Ministrum egit, Angelopoli ad S. Spiritus, Mexici ad Maximum, & ter in eo quod Tepozotlami pro Novitiorum institutione destinatum est, quibus sic semel in spiritu formandis incubuit, ut insimul ijs qui vota jam emisserant, inibique morabantur humanioribus disciplinis imbuen-di, has tradiderit politissimè. Tum repentè Philosophiam professurus vocatur, quod ægrâ prædicto valetudine Præceptore qui Cursum Mexici incæperat, pro eo que alijs ad tempus substitutis & alijs, integer præterlapsus jam fuerat annus, vererenturque Collegij & Studiorum Moderatores, malè tot doctrinæ centones auditoribus cessuros; quòd verò nostri & ingenium noscerent, & eruditionem perspectam haberent, & diligentiam ac promptitudinem in arduis quibuslibet singularem fuissent experti, spem in eo omnem collocarunt, fore ut unus his mederetur resque tandem auspicatò eveniret. Certè, neutiquam falsos fuisse successus do-

Ooo

cuit:



cuit: nam Physicam aggressus conscribere pro quotidianis prælectionibus, ut partitis horis Logicam etiam traderet, discipulos à varia quam texuerant tela liberaturus, nocturnam sibi quietem fere omnem subtraxit, dedit que elucubrandis angustissimo tempore omnibus, quin propterea ullam ex destinatis pro instituto orationi & sacris functionibus horam intermitteret, Deo in primis ac divinis vacans; quo mirè propitio & favente, res è voto successit, discipulis egregiè eruditis, qui eximia dein laude claruerunt, Patriæque honori fuerunt & ornamento minimè vulgari: quos inter caput extulere Illm<sup>i</sup>. D. Isidorus de Sariñana, Episcopus Antequerensis: D. Alphonsus Albertus de Velasco, qui Archiepiscopalibus Manilæ Insulis se subduxit: M. Fr. Augustinus Dorantes, Prædicatorum Ordinis decus sua ætate eximium, notissimus apud Quæsitores Fidei Censor: M. F. Paschasius Treto, Mercedensis Ordinis alumnus à litteris & virtutibus commendatus, alijque clari dotibus viri.

339 Ubi Cursum absolverat, interstitio Tepozotlami, ut diximus, factò, iterum Philosophiam tradere jubetur Angelopoli, quam à capite exorsus ad calcem deducit, auditoribus nihilo doctrinâ minoribus, è quibus munere etiâ conspicuus evasit D. Joannes de Urquiola, Regij Guatemalensis Auditorij Togatus, Mexicanus

deinde Triumvir. Adhæc intermissâ ad exiguum spatium palæstrâ, eidem ulterius sistitur in eo ipso Angelopolitano Collegio, mox in Goatemalensi, ac demum in Mexicano Theologicis præpositus Cathedris, cùm alijs pro Sacrorum interpretatione & Bibliorum & Moralium tractatione difficultatum, tum etiam Vespertinæ ac Primariæ, quæ extricandis speculativæ & Theosophiæ modis sunt destinatæ: & in his quidem Mexici annos undecim posuit, queis si alibi Gymnasiorum impensos addas, supra viginti supputabis in docendi munere insumptos ab ipso. Ut tamen & eruditione prævalebat omnigenâ, & nulli unquam labori parcebat, atque unius Dei gloriæ multis augendæ modis inhiabat, ita demum Scholarum negotia peragebat, simul ut multis deditus alijs, nulla præpeditus difficultate rerum, aut detentus multitudine & varietate, singulis expediret se facilè, & feliciter cuncta absolveret: nam & domi & foris frequentissimas juxtâ & doctissimas conciones habebat, confessiones non modò ad Templâ Collegiaque, in quibus morabatur, adventantium excipere jucundum sibi erat & familiare, verùm etiam languentium, queis opem ferre in delicijs ducebat, quosque in Valerudinarijs vivebat ac solabatur.

340 His, responsa adjiciebat consultus de rebus gravissimis,



AN

ceū Oraculum undique requisitus, atque in primis à Fidei Quæstitoribus, qui eo usi fuere supra triginta annis Censore, ipsis cæterisque ornatissimis ejusdem Consistorij Ministris probatissimo. Tanta siquidem ejus erat apud Sapientes quosque viros existimatio, ut muneris Socij consultandi gratia convenientes & disquirendi apud Sacrum Tribunal, audire illum in primis vellent compendij ergo, quòd unus ille omnia affluentissimâ doctrinæ copiâ, quæ optari in re posset, exhaurire soleret. Supremum quoque S. Inquisitionis Consilium Hispanum tanti eum meritò fecit, ut degentem Mexici, in arduo equidem puncto consulendum duxerit, & verò etiam in ejusdem sententiam respondentis abierit. Prudentes sanè viri & doctissimi in ea fuere estimatione, ut si eo tempore Concilium Generale à Romano Pontifice indiceretur, dignissimus ille esset qui primarios inter Theologos compareret, Ecclesiæ Dei admodum profuturus.

341 Scilicet tantâ prædives erat eruditione cū sacra, tum prophanâ, ut nisi Proceribus in litteraria Republica eruditissimis, qui Phenice, ut est in proverbio, rariores sunt, comparari haud posset: rarò enim conjungi in uno solent homine dotes eximiæ, quæ is illum D. O. M. ad stuporem usque locupletavit: facili in primis adeò felicique & tenace memo-

AN

riâ, semel ut lectum librum, perinde quasi ære incisum perpetuò teneret, mirareturque subinde eos qui secundò ejusdem lectioni voluminis operam darent: quæ recens in lucem prodijssent scripta diligenter quærebat legebatque à capite ad calcem, tum verò quid in eis novi invenisset Socijs indicabat, reliqua penes talem & talem Authorem reperiri jam pridem: nec sententias duntaxat librorum, sed folia etiâ & paginas, sub quibus ille continebantur, promptè indicabat, ut experti sunt pluries qui cum eo agebant, fidemque facit qui ejus conscripsit vitam accuratissimus P. Oviedo. Hinc cecutienti in extremis annis, & per integrum morti proximum luminibus penitus capto, integrum tamen erat conciones multis & longis Patrum testimonijs referas Amanuensi dictare, dicereque è superiori loco, angustijs nunquam temporis impedito, socijque auxilio libros, quos è re petebat, & quorum indigitabat opportuna argumento suo loca, afferentis: hujus itidem ministerio pridie legentis, Missam quamlibet recitabat citra prolapsionem exactè, longèque facilius currentis diei Officium Ecclesiasticum persolvebat, Breviarium, quâ late patet, omne memoriâ tenens. Huic par nactus ingenium acutissimum & promptissimum, judiciumque præstans & acre, aliduitatem & propensionem ad lit-



teras incredibilem jūxit, ut ne momentum quidem temporis præterlabi pateretur, quin aut divinis, aut quæ ijs concernunt rebus, aut lectioni scriptionique daret, atque adeo animatam ageret Bibliothecam, ne dum humaniorum litterarum & Philosophiæ Theologiæque Scholasticæ, sed etiam Positivæ & Moralis, in qua quidem parte fassus ipse est, nunquam audivisse Scriptorem esse ullum, quin hæc illaque conquistum comparasset, ac totum legisset. Quod autem persuasum haberet, Theologum, consummatus ut sit, oportere juris esse valdè peritum, huic se vastissimæ Facultati excolendæ dedit impensè, eo quidem profectu, ut vel ejusdem Professores doctissimi, Patronique causarum exercitatissimi illum consulerent in difficultioribus Fori punctis, mirati semper hominis etiam in extraneâ Scientiâ copiam, & mirabilem cogitandi ac loquendi feracitatem & proprietatem. Nec Historiam pretermisit & Criticem, facili quidem negotio familiarem homini in tantâ memoriæ felicitate, lectionis assiduitate, & maturitate Judicij, ut propterea calamum nonnumquam hisce admoverit, interque à se edita extent quoque Historica Critica fanè pulcherrima, quæ suis infra sedibus collocabimus.

342 Tot porro deditum ministerijs, nec dum Scholarum absolutum oneribus, quæ Magistri

ferunt studiorumque Præfectus, præfecere Superiores Insigni admodum Sodalitio, quod à conceptâ citra labem Virgine Deiparente Purissimâ nomen habet, nuperque operâ Venerabilis Patris Petri Joannis Castini in eodem Collegio Maximo conditum fuerat. Viget quidem, illud & floret etiamnum centenario antiquius, tantâ undique gloriâ conspicuum, illustriori ut nulli concedat, æquetque primaria ex innumeris quæ toto Orbe regit clarissima JESU Societatis Familia: Ecclesiasticis unâ ac prophanis coalet hominibus, clarioribus ex utroq; ordine illuc confluentibus, scilicet Metropolitanæ Ecclesiæ Canonicis, Universitatis alumni, Doctoribus Antecessoribusque, & è Clero plurimis pietate & doctrina conspicuis, nec semel ex Ordinibus Regularibus viris præclaris, Auditoribus Regijs, Patronis causarum, ac multis Curia administris, Equitibus, alijs que multis, nullo tamen qui non ex honesta domo prodierit, atque hispano fatus sanguine expersque deturpantis famam maculæ fuerit; demum, ipsis quandoque Mexicis Pro-Regibus.

343 Jecerat quidem hujusce fundamenta Congregationis pijssimus P. Castini, supraque vicennium eam foverat egregio, quo æstuabat, zelo Dei gloriæ salutisque animarum, atque ut ipsam fervaret promoveretque & illustriorem redderet longius Noster,



AN

ster, is ut in ejus decumbentis locum sufficeretur author fuit, demortuique partes ut impleret Familiæ Rectorum imperio. Mirum profectò est, qua ipse alacritate munus arripuerit, qua totos triginta duos annos constantiâ tenuerit, & quantâ Sodalitij gloriâ & utilitate in spiritualibus temporalibusque illi præfuerit. Quod enim Sodales convenirent pro institutis exercitijs agendis in Sacellum vetustate fatiscens, sepeliendis defunctis in Collegio Patribus destinatum, & cum alijs incommodum nominimus, tum etiam angustum, nec tot capiendis viris aptum; Noster augustissimū plane aggressus est aliud à fundamentis, Dei in-nixus providentiæ, qua sibi propitiâ biennio illud absolvit tam amplum quidem, ornatum, & pulchrum, ut templo par dixeris haud ignobili, quinquaginta mille argenteis uncialibus demum expensis, cum tamen quinquaginta duntaxat, ex divendito talari palio sibi donato, pro auspiciando magnifico opere in pròptu habuerit. Altaria præterea, picturas, sacra vasa, lampades, multaque his affinia ex argento & auro conflata, vestimenta secundum ecclesiasticum morem multa & pretiosa, cunctamque supellectilem pro divinis mysterijs cōficiendis insigni pompâ, plurimo ære adjicienda curavit. Adhæc contiguum Sacello cubiculum ita scitè disposuit, ut & Patrem Con-

AN

gregationis Præfectum commodè caperet, & asservandis mobilibus præstò inde deducendis in usum inserviret: Bibliothecam itidem satis instructam condidit, ne Collegij communem Sodalitij Rector pro tempore, hujus quidem impendio, cogeretur quotidie repetere, cum pro disponendis concionibus, tum etiam pro studijs alijs ordinarijs aut occurrentibus.

344 Potiores tamen curas suas instruendis in spiritu Sodalibus posuit, ad quos semel in hebdomada concurrentes è suggestu dicebat sapientissimè juxtà ac pijsimè, id unum præ oculis semper habens, ut à vitijs quam longissimè distitos auditores suos perpetuò servaret, & Christianis deditos exercendis virtutibus alacriores ferventioresque faceret: in quem itidem finem plerosque excipiebat in conclave venientes, privata monita & responsa publicis adjiciens exhortationibus. In Valetudinaria & Carceres, statutis diebus, suis præibat, à quibus subsidia pro juvandis miseris illis sic postulabat, multi ut sua sponte illa suppeditarent, conditos domi cibos secum defferent, ac multis charitatis officijs illos complecterentur, exemplo æquè ac verbis omnes ad isthæc peragenda prævalidè urgens. Et quamvis nullum ex his quæ sunt Mexici Xenodochijs præteriret, quin, ut mox diximus, visiteret; frequentius tamen, scilicet



licet ter aut bis ut minimum singulis mensibus domum pro tenendis amentibus destinaram, quam à S. Hippolyto dicimus, atque ab ejusdem nominis Religiosis de Charitate regitur, cum Sodalibus adibat, quam sibi ij provinciam strenuè, haud minus quam ante memoratas, eximiâ haftenus charitate subire neuti- quam destitère. Nec his ille con- tentus, perpetuos quæsitiv obti- nuitque reditus, ut jentaculum cœnaque mente captis per dies singulos administraretur. Quan- ta porrò hæc ipse pietate & mi- sericordiâ moliretur & ageret, difficile est dictu, cum ad exa- ctam perfectionis normam omnia dirigeret, ad quam pariter ut So- dales reduceret, minimè irritò conatu gestiebat.

345 Sanè, tanti Sodalitium sibi à Deo commissum faciebat, Deiparentemq, cujus cohonestatur titulo, deperibat amore, di- velli ab ipso nunquam ut passus fuerit, quamquam & Rectoris Maximi Collegij munus obierit, & ipsam Novæ Hispaniæ Pro- vinciam suam rexit, Congrega- tioni intentus perinde ac si nil præterea cogitandum haberet. Multa quidem mente volvebat, atque irrequieto semper motu varia curabat, tam illa inter se dissita quam quæ maximè; nihil tamen cum haberet antiquius quam omnia in Dei gloriam & animarum salutem, suæque in primis perfectionem eximiam re-

ferre, sanctè singula peragebat, inque cunctis Deum cogitabat.

346 Theologicas indefessè colebat virtutes, moralibus insi- mul cunctis exercendis intentus, deque augenda in dies christiana perfectione sollicitus, ad quam avidius prosequendam singulis annis per decem dies aut octo se- cedens, Exercitijs spiritualibus va- cans, inflammabat se, nec segnius quotidianis & longis meditatio- nibus perurgebat. Fidem fre- quentissimâ Dei, quem præ ocu- lis semper habebat, cogitatione ac reverentiâ exultam auctam que recreabat, cui igniculos bre- viusculis orationibus adjiciebat. Spe verò pollens egregiâ, nihil non moliebatur arduum deduce- batque ad finem, Deo ipsius vo- tis obsecundante: & hac quidem arte, paupertati, quam voverat, summo opere addictus, quatuor in Dei honorem Tempa construxit, ampla scilicet & pulcherrima. Nam & Sacellum Purissimæ no- mine clarum, quod diximus, Templo haud inferius à funda- mentis condidit, gravissimis di- ficultatibus superatis; & Basilicam S. Gregorij, Collegij Societatis JESU Mexici destinati Patribus Indorum vacaturis doctrinæ, si- militer extruxit; & Santandrea- nas Ædes tyronum institutioni ejusdem familiæ non ignobiles certè instituit; & à S. Lauren- tio nominatum Templum erexit pro Monialibus quæ ab ipso di- cuntur, jam pridem eò agentibus,



AN

bus, quòd antiquitate & angustia pristinum laboraret: adhuc aliud etiam pro sacris Virginitatibus à Beatissimâ Deiparente Vallis venariæ dictis, sin minus integrum, se majorè tamen partem ipsi in acceptis refert, cujus interventu multa argenteorum millia ejus destinata fuisse fabricationi. Alios enim inter pietate juxta opibusque florentes Mexicanos, quibus volupe erat consilio manuque Nostri erogare pecunias, eminere viri Clarissimi D. Joannes de Echavarria Equestris Ordinis S. Jacobi, qui litteras in juventute coluerat, Consiliariumque Universitatis nostræ egerat, & D. Andreas de Carbajal & Tapia, quorum præter hætenus enarrata, extant monumenta Religionis amplissima, à quibusque delectus Noster egregijs ut intenderet machinis, nullum ipse non movit lapidem, politissimæ ut evaderent moles, & omnibus numeris absolutæ.

347 His similibusque Patronis adjutus, inexplebili adversus Proximos deditus charitati, pauperibus per hebdomadas multis subveniebat, in primis foeminis egestate periclitantibus facileque lapsuris, ijs etiam qui erubescerent mendicare, quòd nobili sanguine sati quondamque abundassent divitijs: carceratis hominibus, quibus ut Collegij Patres Mexicani stipem ferre possent haud rarò, reditus consignavit perpetuos: multis etiam

AN

sacris Virginitatibus alijsque egentibus, adeò ut supputatione ad quinquenium factâ, septem unciam argenteorum millia minutatim erogasse fuerit inventus, neque facile ea putari valeant numeris, quæ in largiores eleemosynas posuit, vel in dotandis puellis religiosam in Monasterijs vitam acturis, vel in similibus. Et quamvis ab eis, quos superius nominavimus, alijsque divitibus viris nullo ipse negotio pecunias in hos impendendas usus acciperet; multoties tamen egregio eas mendicabat rubore, repulsam passus atque convitia, quæ deterrebat minimè quominus insisteret sublevaturus proximorum miseriam, Deique voluntati consulturus & gloriæ.

348 Hinc suam potissimum operam collocabat in spirituali subsidio, confessiones quotidie plures excipiens domi, forisque vocatus ab ægris, maxima etiam sui defatigatione, adeò ut in ultimâ ætate septuagenariâ longè majore, quo tempore lues Urbem invaserat, captus licet jam esset luminibus, hinc inde discurrere focij juvamine non vereretur demississimos inter imbres, perque lutulenta loca cespitans, Deo tamen favente, prorsus incolumis. Sanctimonialibus nullis non curabat officijs, ipsas ut alacriores in statu suo redderet, Deo que egregiâ pietate famularentur: frequentissimas spirituque redundantibus conciones ad illas dicebat:



scriptis etiam libris hortabatur, viamq perfectionis monstrabat: aderat confessionibus audiendis, dirigendisque in cœlum ipsis, quibus inter effloruit magnum nomén Joanna Agnes à Cruce ad S. Hieronymi, quæ eo duce religiosam vitam fuit amplexata, studiisque deinceps, ut suo scripturi sumus loco, ad stuporem usque sapientum insignis, ad extremum eis se abdicans omnibus, atque uni vacans Deo, non tam currere in arduo Perfectionis itinere, quam volare Nostro visa est.

349 Atque his erga Proximos dilectionis officiis, qua in Deum exæstuabat, mirabilem charitatem intentius fovebat, Dei in omnibus gloriam procurans, cui inservire diligentissimè satagebat. Nec mirum tantis ipse amoris divini flammis corripere-  
tur, quas & quotidianis meditationibus, & frequentissimis precationibus, & exactissimis conscientiae discussionibus, & repetitis in die religiosis ad SS. Eucharistiae Sacramentum obsequiis, & plurimis pietatis exercitiis vegetiores habebat & vivaciores. Quater & decies ad minus singulis diebus proximum cubiculo suo Sacellum adibat, è superiori choro, latentem ut Christum sub panis speciebus veneraretur factâ oratione, coram quo flexis humi genibus multoties & Horas Canonicas & Marianum Psalterium, aliasque recitabat pias

preces. Ad Aras facere nunquam destitit nisi admodum gravi valetudine præpeditus, adeo ut viam quæ ducit Mexicum è Goatemala conficiens, trecentis non minus leucis constantem, ne uno quidem die à sacrificando abstinuerit, egregiâ defatigatione locum procurans, in vastâ illâ solitudine montibusque inaccessis, dicatum sacris hisque peragendis idoneum. Ipsâ itidem ductus religione multis Mexici annis ad SS. AA. Petri & Pauli Ecclesiastica celebravit Officia feria sexta in Parasceve & Sabbato Sancto, ne istis quidem diebus Communione Jesu-Christi Corporis orbaretur: atque ut in ejus se laudes Sacramentum instituentis & amores effunderet, Feria quinta in Cœna Domini concionem, quæ inter Missarum habetur solennia, annuentibus Superioribus, sibi arrogaverat. Frequentem communicandi usum, ea qua par est reverentia, promovit maximè, quam in rem, cum alios Tractatus emissit, tumetiam doctissimum Librum pro Innocentij XI Decreto ea de re exponendo. Tragediam verò patientis JESU, cum multis per annum meditationibus secum animo reputaret & volveret, tum potissimum tempore Quadragesimæ, quo Sodalibus suis sic eam palam proponebat concionibus, ut interim à gemitibus & lachrymis nullus ipse temperare potuerit, quas uberiores longè fundebat ea die



AN

die quæ recolendæ Servatoris morti destinata est in majore hebdomadâ, & per tres solennissimè unâ ac funestissimè horas ejus in Sacello Purissimæ memoria fit.

350 Deiparenti Sanctissimæ jam inde à primis annis deditus, ad extremum usque vitæ famulatus est demississimè, ceu Matri suæ ac Dominæ, quam nullis non colere officijs studuit, atque ut similiter à Sodalibus suis haberetur, & ab his quibuscum agebat omnibus, semper conatus est. Longiores ne simus, alijs prætermittis pietatis in Beatissimam Virginem documentis, argumento sit ejusdem amoris, integrum quod recitabat quotidie Psalterium Virgineum, hoc est, quindecim decades Salutationum Angelicarum, quas Rosarium dicimus, quodque ter in die reperebat eo tempore, quo, casus luminis, lectioni vacare & studio librorum prohibebatur: hinc etiam prima quoque mensis Dominica die Ecclesiam adibat Patrum Prædicatorum, Supplicationem comitaturus, quæ ab ipsis & Rosarij Confratribus instituitur. Cœlites egregio profecutus amore, ijs addictius se dederat, quos Deiparenti noverat conjunctiores: SS. videlicet JOSEPHO, JOACHIMO, ET ANNÆ, atque hujus Vitam admodum eruditè conscriptam à se, justo in quarto volumine edidit; id hoc Opere intendens, quod multis conabatur sermonibus,

AN

pietatem nimirum adversus sacram Familiam excolere, populos que docere. Parentem suum Ignatium eximio religionis sensu venerabatur, cæterosque Familiæ suæ Divos, quibus & S. Teresiam à Jesu, Laurentium Martyrem, egregium Ecclesiæ Doctorem Augustinum, S. Blasium, Apolloniam V. Divum Michaellem Angelorum Coryphæum, alios que sociabat, nec exiguis obsequijs colebat. Demum, in Animas piacularibus flammis addictas egregiè misericors, multis eas juvabat suffragijs, quibus ut à Fidelibus etiam magis levarentur & magis, Librum ejus argumenti procussit eruditione peræque redundantè atque pietate.

351 Mortificationi deditus ab eo potissimum die, quo se in Societatem recepit, totos quinquaginta octo annos constantissimè eam tenuit: ter quater ve in hebdomada flagellis se cruentare solenne habuit, pluriesque insuper, scilicet in pervigilijs Festorum, quos ferventiori religione excolebat, qua etiam in triclinio usus est corporis castigatione, quousque Rectores Collegij obstitère, benemeriti ac gravati annis, & ærumnis viri curam, ut par erat, habentes. Nec minus frequens ipsi fuit usus cilicij, quo, vel ipso teste Antonio, discruciabatur se nimis, quòd hinc inde motus pro ijs quæ continuò gerebat ministerijs domi & foris, altius multò & acerbius cuspidat-



tæ corpori telæ hærent. Multoties jejunabat solo pane contentus & aquâ, jejuniique formam servabat etiam cum, valetudine coactus ægrâ, carnibus vesceretur, imò quotidianum dici jejunium ejus poterat, parvissimo victu assueti, vixque non semper recusantis id ferculum, quod pro concionantibus, ea qua dicunt die, condi sapidius in Societate solet. Multò impensius se dedit animi mortificationi, pro suimet victoriâ strenuè & continuo decertans, vim sibi inferens quotidianam: nam temperiem sortitus biliosam, & egregiè vivacem animum, multas faciliè occasiones iræ & similium offendere erat, in tanta præcipuè cum diversis hominibus consuetudine, quibus cum pro muneribus suis agebat; ut tamen sibi temperare studuerat, mirum in modum naturæ impetus retardabat, & ne quidem prode se, insigni quidem conatu & merito, permittebat.

352 Hinc insignis erat illa, qua fruebatur, adversus conviciantes modestia & misericordia, tanta quidem, ut publicè jactatas in ipsum audientem injurias non modò patientissimè tulerit, sed verò etiam pro maledicente intercesserit ita validè, ut nulla demù mulctatus pœna fuerit, cui gravissimam Prælatus decreverat. Humilitatem sic habuit charam, ut in tantâ doctrinæ, virtutum, & laudum copiâ, sibi admodum

vilesceret, proditore Judâ deterior se existimaret, aliorum sensa, per inde quasi ignarus, in arduis requireret (quibus spontè limatissima subiciebat Scripta sua) invitus elogia honoresque sibi præstitos pateretur, ageretque multis, ut nihili cum homines ducerent, vel fatuis vilissimis aggregarent. Hinc cum Bibliothecam evolvens Scriptorum Societatis JESU, in hæc sibi alia inter ab Authore data incidisset elogia: *Pater Antonius Nuñez de Miranda, Natione Mexicanus, virtute ac litteris insignis*, cohibere se non potuit, quin ea statim deleteret, quorum loco suffecit ista: *Pater Antonius Nuñez, frater natu major dementium ad S. Hippolyti* (hoc enim nota est titulo Mexici destinata pro mente captis domus) Paupertatis egregius cultor habitu eam referebat semper atrito, omnibusq̃ indumentis, quibus delectabatur veteribus, multisque commissuris confarcinatis: nec adduci poterat novis ut uteretur, nisi Superiorum mandato; quorum expressam, & quæ usum præcederet omnem in re qualibet paupertatem concernente, licentiam, exactissimus requirebat.

353 Certè, egestatem in delicijs habuit perpetuò, & postquâ decem centena millia & amplius uncialium argenteorum in pios secundum Dominorum voluntatem usus expenderat, testatus est Confessario suo in postremâ generali exomologesi, ne minimo qui-



AN

quidem scrupulo vexari vel quadrantis in suum unquam ulum accepti. Dicere autem solebat, castitati fovendæ paupertatem maximoperè deservire, ut, contrà, luxum vestium & aliorum, impudiciæ, ut propterea animi corporisque munditiem eximiè coluerit, tanto paupertati devotus studio, cui cæterarum officia virtutum adjecit, omnesque conatus & vires. Modestiâ fuit semper insigni, à colloquijs fœminarum abhorrens, ni quæ necessaria forent & brevია, cavens que ne oculos in ipsas intenderet, ac nulli parcens diligentia & labori, ut suo se & aliorum tactui subduceret & aspectui; verbis, etiam cum opus erat de venercis ea facere, parcissimus, paucis negotia & consultata Matrimonij atque id genus alia concludens, quamvis cæterâ diffundi soleret in responsis suis, pro eximiâ qua pollebat eruditione eloquentiâque.

354 Postremo neutiquam in loco obedientiam habuisse, imò præ reliquis coluisse virtutibus ad senectam usque visus est, perinde quasi tyrocinium nondum egressus, Superioribus semper obtemperans, dura licet juvenibus & admodum ardua, itinera scilicet difficillima, plena laboris opera, muniaque, ut videbatur, dedecentia, quin musitaret unquam, & vel, Deo sic permitente, graviter objurgatus ac sine causa, quòd ipsum in Supe-

AN

rioribus coleret Deum, à cujus voluntate vel in minimo defflectere duxerat religioni, atque ea de causa nec jota unum, nec unum apicem ex præscriptis à Societatis Regulis præteribat. Tot tantisque cumulatam virtutibus, donis itidem alijs Deus exornavit, quæ decori esse solent egregiè Sanctis: Prophetiæ lumine futura ut non rarò præfageret ac cerneret, abdita humani cordis rimaretur, intuereturque arcana, & loco posita remotissimo haberet ob oculos: piacularibus addictas cruciatibus animas interdum videret audiretque, atque à mutata facie Imaginis Purissimæ Deiparentis, Sodalitij sui tutelaris, portenta sæpius auspicaretur verereturque insignia.

355 Ætate quidem gravis, nempe septem annis septuagenariò major, continuisque attritus laboribus, ac malâ subinde valetudine afflictus, cæcutierat jam diu, suffusionibusque laboraverat, queis ut Ophthalmicus mederetur, Prælati, quorum Noster nutibus & signis parebat, jusserrunt; optato fane postliminio restituti luminis oculorum, sed verò etiam infauitissimo ceterà eventu, quòd pleuritidem læthalem sit passus. Exhorruebat multis retro annis incertam mortis horam recogitans, singulis que præstolatus ipsam diebus ac noctibus, nam priusquam iret cubitum, sacrâ se expiabat Confessione,



ne, perinde quasi moriturus, maneque facto simili pramunitus cogitatione ad aras faciebat, omnem sibi diem supremam existimans; qua tandem veniente, Sacerdotē accersivit, penes quem totius vitæ Confessionem inchoaverat, ut absolveret, sacroque Viatico munirerur, quamvis ea ipsa die Sanctissimum Jesu-Christi Corpus sumpsisset. Ubi ipsum heroyca plane Fide suspexit, coram Patribus Collegij, qui aderant omnes, grates ex intimis egit precordijs, quod intra Catholicæ Romanæ Ecclesiæ finem, & in Societatis JESU gremio constitutus obiret. Recreatus dein Imaginis præsentia Virgineæ, cujus diu exæstuarat amore, Oleoque sacro inunctus, & solitis Ecclesiasticis precibus à Socijs adjutus, animam Deo reddidit, post septimam noctis horam, 17. Februarij anno Domini 1695. ætatis fere 77. Religionis 58. Sacerdotij 51. Professionis quatuor votorum 39. Præfecturæ Sodalitij Purissimæ 32. Omnium Provinciæ suæ Patrum, qui quatuor Deo nuncupaverant vota, Decanus.

356 Sequenti proximè die corpus ejus insigni concursu Nobilium, & omnium religiosorum Ordinum, multorumque è Clero seculari Virorum frequentia elatum fuit, Officia peragentibus Ecclesiastica Dominicanis Patribus, qui ultrò se ad ea obtulerant amoris ergo & gratitu-

dinis in devotissimum Ordini suo Antonium, cujus manus pedesque osculabantur gravissimi ex omnibus sacris cætibz viri, in laudes Defuncti sanctitate juxta & doctrinâ conspicui ultrò se se effundētes. Quievit tandem apud Sacellum à Purissima nuncupatum, quod & ejus, quam diximus, Sodalitatis exercitijs peragendis institutum est, & in Sepulchrum pro morientibus in Collegio Patribus destinatum, Quod verò Sodales, seu Parentem illum intimo dilectionis sensu prosequerentur, cui acceptum referebant decus eximium, augmentumque Congregationis planè mirabile, solennissimam decreverunt parentationem in Ecclesiâ Collegij Maximi, erectâ mole funebri magnâ, invitatis religiosis Familijs, Clero Magistratuque Mexicano, quibus unâ cum Excmō. Comite de Galve, Novæ Hispaniæ Pro-Rege, adstantibus, ad aras fecit, cantu mœstissimo Musicis suas partes agentibus, Clarissimus D. D. Alphonsus Albertus de Velasco, qui Archiepiscopatu se subdlexerat Manilensi; & è Sacro suggestu dixit Pater Josephus de Porras, ejusdem Societatis Theologus gravissimus, successorque in regendo Sodalitio Defuncti, cujus tornatâ Oratione laudes complexus est. Elogium verò hîc subjicimus, quod ejus appensum Tumulo sic habebat.



AN

*A*ternitati.

Siste gradum hospes.

Clamat hic vel voce carens

V. P. Antonius Núñez de Miranda Societatis Jesu. Nimirum encomia sua Virtus & Sapientia tunc maxime prædicant, cum maxima tacent, & ubi tacens sapientia laudabit Antonium, laudabit sapientia animam suam.

CUI

Nobile metalis Oppidum, vulgo el Fresnillo, natale dedit solum, ut abundans auro cum Antonium edidit, florem dixeris aureum edidisse.

QUI

Ad uberrimum Societatis Jesu viridarium translatus, flos licet aureus, suavissimum Christi odorem exhalavit.

QUI

Primas Scientiarum Cathedras uti flos sapientiae condecoravit Moderator egregius, prima Mexicana Provinciae munia, Provincialis nimirum ac Maximi SS. AA. Petri & Pauli Collegij Rectoris dignissimum caput, aurum optimum, vigilantissime obivit.

QUI

Secundus nemini, secundus praefuit Illmo Conceptionis Purissimae Sodalitio Praefectus ac Parens, ut ejus omnia Apostolici instituti ministeria non nisi secundo semper omine promoveret.

QUI

Omnibus omnia factus ( quid enim

Rrr

AN

ex auro non fiat? egenorum subsidium, agra laborantium valetudine medicina, incarceratorum auxilium, viduitatis asyllum, & vel amentium quoque levamentum fuerit, miranda charitatis aureae perennitate, ex ijs quae miranda nomen praefert, nomen sibi acquisivit immortale.

QUI

Sibi despectus post aurum non abiit; nec enim in suimet abiit aestimationem; & totus Deo deditus, virtutum florens operibus, ignito charitatis auro impense salutis Proximorum incubuit, ut manus quidem aureas hyacinthis plenas habere videretur.

QUI

Seculo tandem mortuus ( flos enim erat ) obiit die 17 Februarij anno 1695. Aetatis suae 77. Religionis 58. Sacerdotij 51. Professionis 39. Purissimae Virginis Sodalitij accuratissimae directionis 32. Sed perennitamen ( aurum enim erat ) aeternitati vivit.

Huic ergo Parenti suo colendissimo ut rite parentaret idem Conceptionis Purissimae Sodalium, in memoriae ac gratitudinis monumentum, hoc erexit caenotaphium.

357 Multum equidem moraremur, si quanti fuerit habitus à gravissimis omnium Ordinum viris enarrare contendemus, quo ut Lectores tedio liberemus, sat fuerit nomina duntaxat aliquorum Principum recensere, quibus eximia fedit Antonij reverentia dilectioque.

Excm<sup>i</sup>.



Excm<sup>i</sup>. Novæ Hispaniæ Pro-Re-  
ges, quotquot eo vivente isthac  
moderati sunt Regna, ipsum, ceu  
virum Sanctum sapientiâque  
plenum, suspexere consuluere  
que in majoris momenti ne-  
gotijs. Ex illis, Comes de Ba-  
ños, Comesque de Galve ejus ut  
hortationibus pascerentur, mul-  
toties Sodalitiam Purissimæ fre-  
quentabant. Marchio de Man-  
cera cum sibi elegit à sacris Con-  
fessionibus, in Hispaniamque re-  
dux datis salutabat Epistolis, Fi-  
liumq<sup>ue</sup> se & Amicum Antonij con-  
ceptissimis verbis profitebatur.  
Conjux itidem ejusdem Pro-Re-  
gis clarissima juxtà & pijsissima  
fœmina, simili illum profecuta  
veneratione, cum Tepeacæ, Pa-  
go 30 leucis diffito à Mexico, iti-  
neris causâ versus Hispaniam age-  
ret, lathali tentata morbo accer-  
sivit Antonium, cui morienti  
adstitit hortator ipse qui ante hac  
fuerat Confessarius atque Dire-  
ctor. Illm<sup>us</sup>. unà Excm<sup>us</sup> que  
Mexicanus Pro Rex & Archiepis-  
copus D. D. Joannes de Orte-  
ga Montañes cæteris in eo co-  
lendo haud impar fuit, cui neu-  
tquam concessit V. D. D. Fran-  
ciscus de Aguiar & Seixas, Præ-  
sul itidem Mexicanus, multis ejus  
commendans operam, quam in  
ovium suarum salute ponebat,  
virtutes litterasque miratus egre-  
gias. Excm<sup>us</sup>. pariter Illm<sup>us</sup>. que  
D. D. Emmanuel Fernandez de  
S. Cruze Episcopus Angelo-  
polcos, & destinatus Pro-Rex Me-

xiceus, egregijs & ipse dotibus  
admodum clarus, quas in Anto-  
nio egregias agnoverat, sæpe in-  
signiter commendabat. Illm<sup>os</sup>.  
porro viros D. D. Isidorum de  
Sariñana Antequerensibus infu-  
lis decoratum, & D. D. Alphons-  
um Albertum de Velasco, ad  
Archiepiscopales destinatum Ma-  
nilæ, ejusdem retrò in Philo-  
sophicis Aulis discipulos, eo li-  
bentius ijs accensimus, quòd  
propius Antonium tractaverint,  
intimiusque noverint, cujus sub  
inde gloriæ sinceri fuerint buc-  
cinatores.

358 Nec involvendi silentio  
sunt Viri, qui præcipuo Sanctitatis  
nomine eo tempore insignes sunt  
habiti, quorumque perstat etate  
nostra posthumus honos: Quòd  
enim Antonium in asceticis Ma-  
gistrum vel optaverint, ut Pater  
Dominicus Perez de Barcia, Col-  
legij Bethlemitici à S. Michae-  
le dicti, Fundator, ut in ejus Vi-  
ta lib. 1. cap. 7. n. 30. & ali-  
bi scribit P. Julianus Gutierrez  
Davila; vel etiam habuerint, uti  
D. Joannes Perez Gallardo, &  
P. D. Petrus de Arellano & Sof-  
sa Congregationis Oratorij Me-  
xiceæ Præpositus, prout de pri-  
mo affirmat nuper citatus Author  
n. 31. ejusdem capitis, de secun-  
do verò Nos in ejusdem Vita  
tradimus lib. 1. cap. 5. n. 27.  
& alibi; quibus adjungi possunt  
P. Fr. Joannes à S. Bernardo,  
Presbyter Ordinis Hospitalitatis  
S. Joannis de Deo, similesque  
alii;



AN

alij; primum promptumque colligere est quanti Noster sit æstimator. Acta ejus accuratè sapienterque scripsit P. D. Joannes Antonius de Oviedo, ejusdem Societatis lumen præclarum, ediditque Mexici typis Lupercianis anno Domini 1702. in quart. atque hunc Librum, seu fontem, signamus, unde cuncta à nobis relata hausimus & imbibimus.

Multa quidem scripsit, & vernaculâ, hoc est, hispanâ linguâ, cujus abundantiam & divitias, qua erat ipse affluentiâ, palam ubique facit; & latinâ, è quibus omnibus edita prius redigemus in syllabum, quæ nobis hæcenus innotuerunt, & quorum pleraque tacito suo nomine publicavit; pluribus curas nostras fugientibus.

Hispano sermone habemus frequentia.

*Colloquium de Actu contritionis.* Mexici, typis Viduæ Bernardi Calderon 1664. in octavo.

*Compendium obligationum communium, generaliumque, pro eis implendis, mediæ, praxi junctâ brevi facillique orationis & examinis, quæ præcipua sunt duo Sodalibus Purissimæ Conceptionis proposita.* Mexici, eisdem formis & anno, in octavo. Iterumque Mexici, in eadem Officina 1668. in 16.

*Praxis Stationes in majore hebdomade peragendi, &c. in primis Sodalium à Purissima usui disposita & utilitati.* Mexici, ex eadem Typographia 1665. in octavo. Et

AN

post alias editiones, novissimè anno 1754. in Typographiâ Bibliothecæ Mexicanæ destinata. in 16.

*Praxis generalis pro meditandâ Passione Dominica.* Mexici litteris V. Bernardi Calderon 1665. in octavo.

*Exercitia spiritualia, & pro prima eorum hebdomade praxis secundum methodum regulasque S. P. N. Ignatii.* Mexici, eisdem prælis 1665. in octavo spisso volumine egregijs Notis aut Glossis in textum Ignatianum.

*Praxis frequentis Communionis & Confessionis. Documenta continet utilia pro facili utilique horum usu Sacramentorum. Pacantur scrupuli ea de re nonnulli, & quæ eorum obstant fructui amoveantur. Subjiciuntur septem pro totidem hebdomadæ diebus considerationes.* Mexici, eisdem typis anno 1665. in octavo multo volumine.

*Mysteria Nazareni Jesu in acerba Calvaria via lapsi.* Mexici, eisdem formis 1665. in octavo.

*Honorarius Tumulus in Exequijs ductis Magno Hispaniarum Regi Philippo IV à Sacro Inquisitionis Tribunali Mexici erectus in Ecclesia S. Dominici.* Mexici, eisdem litteris 1666. in 4. Opus hoc, cujus subscripta est Nūcupatoria Nostri nomine Sodalisque sui P. Francisci de Uribe, Theologiæ Antecessoris, solutâ constans ligatâque numeris oratione, ab ambobus videtur scriptum, ita quod Poemata, quæ impensè laudantur à Nostro,



Socium habeant Authorem; historia verò, Nostri, cujus redolet stylum, calamo disposita fuerit.

*Mysteria funebria Deiparentis orbata Filio, hujusque pretiosissimi Sepultura.* Mexici, ex eadem Typographia 1670. in octavo.

*Concio ad mores in cujusdam Professione Monialis ad S. Laurentij.* Mexici, mox indicatis litteris 1679. in quarto.

*Summaria Meditationes de his quæ videntur potiora & efficaciora pro juvandis animabus in Purgatorio detentis motiva.* Mexici, toties repetitis litteris 1776. in octavo. Et Angelopoli, formis Francisci Xaverij Morales 1726.

*Praxis devotionis erga gloriosum Patriarcham Sanctum Josephum Deigenitricis Sponsum.* Mexici, typis Francisci Rodriguez Lupercio 1681. in 16. operâ D. Joannis Josephi de Miranda Presbyteri Mexicani Fundatorisque Sodalitij ejusdem Deigenitricis Sponsæ in Ecclesiâ S. Laurentij.

*Epitome historica Historique moralis de virtutibus ac dotibus S. Annæ Parentis Deigenitricis, unâ cum magnalibus S. Joachimi ejusdem Annæ conjugis, Mariaque D. nostræ genitoris.* Mexici, dictis formis 1682. in quarto, volumine multo, in quo & pietatem & eruditionem & criticem ad Historiam sacram lector inveniet.

*Oratio habita in funere Clarissimi Viri D. Joannis de Echavarría, Equestris Ordinis S. Jacobi, Ecclesiæ Monasterij ad S. Lauren-*

*tium conditoris.* Mexici, è domo Viduæ Bernardi Calderon 1684. in quarto.

*Oratio altera itidem funebris in Exequijs ductis Equiti eidem nobilissimo in Templo S. Gregorij Societatis Jesu, quod suo ære fundaverat.* Eisdem formis & anno.

*Methodus orationis mentalis pro instructione & usu Sodalium à Purissima.* Prodiit accurante editionem P. Martino de la Llana, Presbytero S. Philippi Nerij Mexiceo. Mexici, è Domo V. Francisci Rodriguez Lupercio 1684. in octavo.

*Tractatus de ritu & perfectione qua Hora canonica persolvenda sunt, ad arasque agendum.* Prodiit nomine D. Joannis de Olivares, Sodalitij à Purissima Præfecti. Mexici, apud D. Mariam de Benavides 1685. in octavo.

*Praxis pro obeundis Feria sexta Stationibus ad normam V. M. Mariae de la Antigua.* Mexici, ex Typographia Viduæ Bernardi Calderon 1681. in octavo.

*Expositio theorica, & practica adaptatio libri quarti de Contemptu Mundi seu de Imitatione Christi ad preparationem, fructuosamque gratiarum actionem in frequenti communione.* Angelopoli, apud Didacum Fernandez de Leon 1691. in octavo, volumine multo, Illmò. Antequerenfi Episcopo D. Sarniana quondam Discipulo suo, nuncupata.

Huic Opusculo Dissertationem præmittit valdè eruditam de Au-



Authore aurei Libelli de *Imitatione Christi*, quem suo, ut defendit, Authori vindicat Thomæ à Kempis, Canonico regulari, contra quam multi Critici sententiam propugnant Joanni Gersen illum adjudicantes, multis hinc inde editis hac de re Opusculis doctissimis, quorum meminit novissimè eruditissimus unàque modestissimus Criticus P. Michael à S. Josepho Excalceatorum SS. Trinitatis Superior Generalis multis itidem titulis & nominibus meritò suspiciendus. Vide sis ejus Bibliographiam Criticam in *Joannes Gerson vel Gersen*, & in *Eusebius Amortius*, & in *Fronto pronomine Joannes*.

*Testamentum mysticum anime religiosæ*. Prodiit posthumum Mexici, typis Michaelis de Ribera 1707. in octavo.

*Expositio ascetica theórica & practica orationis Vocalis ad regulas 13. 15 & 24 Sodalitij à Purissima*. Mexici, typis Lupercianis 1685. in octavo.

*Expositio mystica regulæ 18 Sodalitij à Purissima, quæ Sacramentalem præscribit Confessionem Synaximque Sacram, cum theoria & practice eorum quæ ad facilem & utilem concernant frequentiam horum Sacramentorum*. Mexici, apud Viduam Michalis de Ribera 1714. in 8.

*Expositio litteralis summariaque Decreti Eminentissimorum Cardinalium S. C. T. Interpretum Jussu SS. D. N. Innocentio XI 12 Februarij 1679 publicati circa frequen-*

Sss

*tem Communionem*. Mexici prius dein Lugduni apud Anisson, Posuel, & Rigaud 1687. in octavo.

*Concio habita in Canonizatione S. Francisci de Borgia Societatis Jesu*. Extat cum alijs ejusdem argumèti in Libro Mexici typis dato apud Joannem Ruiz 1672. in quarto.

*Panegyris in Dedicatione Templi S. Bernardi*. Prodiit unà cum alijs ejus solennitatis, Mexici typis Lupercianis 1691. in quarto.

*Exercitia spiritualia S. Ignatij, statui & professioni religiosæ deditarum sponso Christo Virginum adaptata*. Mexici, apud Viduam Bernardi Calderon 1695. in octavo spisso volumine.

*Regule Sodalium à Purissima Mexici ad SS. AA. Petri & Pauli florentium unà cum Indulgentiarum pro ipsis compendio*. Mexici, eisdem formis 1684. in octavo & sæpius alijs typis.

*Concio de S. Michael Archangelo*. Mexici, in eadem Officina in 8.

*Piæ animadversiones, & meditatio jacturæ, et multæ quam afferre possunt perniciæ Sanctimonialium cōmercia vulgo Devociones nuncupata*. Ibi- dem 1685 in octavo.

*Dies bonus & integer, cum omnibus Operibus, Regulis & Obligationibus Sodalium à Purissima*. Mexici, formis Viduæ Bernardi Calderon 1667. in octavo, & hujus ac Regularum pro eisdem Sodalibus mentionem facit Bibliotheca Societatis dum de Nostro adhuc vivente sermonem instituit.

*Distributio ordinariorum in die*

ope-



operum, itemque evenientium extra ordinem, ut perfectè ad V V Religiosarum statum fiant: duodecim constans solidis documentis pro religiosa & spiritali vitâ ducendâ. Opus posthumum, instantibus à JESU MARIA Monialibus Regijs, editum Mexici, apud Viduam Michaelis de Ribera 1712. in quart.

*Abecedaria tabella doctrinae religiosæ.* Mexici, typis Viduæ Michaelis de Ribera 1708 in octavo. Anteriores editiones missas facimus, quas in promptu non habemus.

Præter quæ hætenus dedimus edita, multo plura & majoris moliminis reliquit inedita, quorum & si magnam partem desideremus, sequentem indiculum damus.

*Compendium historicum de Purissima Virginis Sodalitio ad SS. AA. Petri & Pauli erecto,* in quo libro res à cap. Congregationis expendit omnes. Meminit ejus P. Oviedo in Vita Nostri pag. 46.

*Rituale ejusdem Sodalitij, in quo cuncta quæ ejusdem concernunt regimen, prudentissimè elucidat & scitissimè.* Extat Mss in quart. in Bibliotheca dicti Sodalitij & habetur præ manibus à P. Præfecto.

*Sermones Concionesque plurimæ, cum de Christo Domino, Purissima Deipara, & Cælitibus multis, tum etiam ad mores.* Mss è quibus multos plane Tomos esset conficere.

*Conciones ad Sodales suos à Purissima nuncupatos habita ab ipso totos 32. annos, totidem compagi-*

nata voluminibus apud Bibliothecam Congregationis ejusdem servantur.

Latino Sermone Theojuridica isthæc habentur uno in volumine apud Bibliothecam Collegij Tepozotlami Societatis JESU.

*Tractatus de Legibus.*

*Tractatus de Censuris.*

*Tractatus de Restitutione.*

*Theologica verò Scholastica, & Philosophica,* quæ è Cathedra tradidit, & numero minimè exigua & pretio maxima, nullibi hætenus invenire potuimus præter sequentia fortè fortuna à nobis comparata, quæ possidemus inter pretiotiora cimelia nostra.

*Tractatus de Scientia Dei explicans doctrinam Angelicam q. XIV primæ partis cum sequentibus contentam,* anno 1667. 19 Octobris incaptus. in quarto.

*Tractatus de Scientia media & Auxilij,* anno 1669. in quarto.

Ejus in editis Libris meminit egregia cum laude P. Julianus Gutierrez Davila, è Congregatione Oratorij Mexicea, tum in Vita, quam seorsim edidit P. Dominici Perez de Barcia, loco supra à nobis indicato & alibi: tum in *Monumentis Historicis ejusdem Congregationis* sæpe quidem, ut in Indice Alphabetico verbo *Pater Antonius Nuñez de Miranda,* obvium cuique erit: sæpius autem in Opere toto, quod cum acta complectatur PP. Oratorij, qui Nostro quam qui maxime addicti fuere, hujus & me-

morias



AN

morias & laudes passim multas legentibus objicit. Nos demum (ne hoc prætermittamus) in memorata supra P. Petri de Arellano Vita, nunquam licet pro meritis paria, Antonij contexuimus elogia, crasa quidem & rudi, non tamen invita Minervâ, quod libentissimo illa animo scripserimus. Ejus extat memoria in Menologio Provinciæ novæ Hispaniæ edito anno 1747.

359 D. ANTONIUS DE OCHOA, Natione Mexicanus, Angelopoli natus, bonisque litteris eruditus, OEconomum egit Monasterij à S. Hieronymo dicti, & Collegij à JESU MARIA nuncupati in eâdem Urbe, cujus historicam narrationem ingeniosè contexuit, fabellâ scitè confictâ cui titulum fecit hispanâ linguâ *Casus Ferdinandi*.

Meminit hujus Mss D. Didacus Bermudez de Castro in suo ad nos misso de Scriptoribus Angelopolitanis Catalogo. num. 147.

360 P. ANTONIUS DE PAREDES, Natione Mexicanus, in Angelopolitana Diœcesi natus, Societatis JESU Theologus Clarissimus, quatuor nuncupatis Deo votis, Magistros inter Provinciæ suæ egregios, & pridem illuxit, & hæcenus fulget. Ad utrumque suggestum natus, Palæstram, quâ juvenis alacriter adierat, Scholæ, dein repetijt Moderator Eloquentiæ Cathedræ, tumetiam Philosophiæ. Non minori in Orato-

AN

ria Facultate nomine insignis pulpita sacra in primarijs Regni theatris multo cum doctorum hominum plausu subijt & frequentavit, dignus qui Mexici per antiquo & illustri Sodalitio à Salvatore nostro nuncupato, quod in domo Professa situm est, Præfectus datus fuerit; cui strenuam muneri operam tandiu navavit, donec ad regendum Queretanenſe Collegium, studijs, etiam Philosophiæ & Theologiæ, clarum, fuit destinatus, cujus in præfentiarum insistit regimini, multa interea pro Instituto suo in Dei gloriam & salutem animarum exactè curans. Edidit habitam à se Panegyrim pro solennissimâ Immaculatæ Deiparentis Virginis sub titulo de Guadalupe in Mexici Regni Patrocinium, Sacramento præstito, evocatione: cui orationi materno titulum idiomate dedit:

*Authenticum Patronatus Mexice SS. Virginis Mariæ sub Guadalupanâ latentis mirabili Imagine. Mexici, formis D. Mariæ de Ribera 1748. Extat in Collectione nostra tom. 18. in quarto.*

Habet enim verò Mss plura, quibus oratoriam sacram admodum illustraret, si, qua sunt dignissimâ, publicam aspicerent lucem.

*Cursum itidem Philosophiæ,  
Summulas & Logicam:  
Physicam & Metaphysicam:  
Animasticam & cetera Aristotelica expendentem.*



361 D. ANTONIUS DE PAZ ET SALGADO; Natione Mexicanus, inclytam & prenobilem Goatemalæ Urbem Patriam fortitus, in ejusdem insigni Universitate cum alijs eruditionis ornamentis excultus fuerit, tumetiam Jurisprudentiæ operam navavit strenuam, cujus subinde lauream arripuit, & apud Regium Auditorium ejusdem Regni causarum Patroni gradum munusque tenuit, nec sine multa laude gessit. Multijugæ, qua vernat, doctrinæ monumenta habemus erudita satis & varia, quæ hîc annectimus hispano sermone conscripta.

*Flabellum pro stupidis, importunis, & molestis hominibus abigendis agendisque procul ab ijs qui litteras prostentur.* Goatemalæ 1742. Iterumque ibidem eodem anno cum additionibus, quas Opusque non vidimus, & propterea typographiam, è qua prodire, reticemus, quam Index ad nos Goatemalensium datus non indicavit.

*Magni veritates momenti pro omnium genere personarum: Scilicet, Apothegmata varia Moralis Philosophiæ à P. Bluteau Lusitano è diversis coagmentata Doctoribus, hispano donata sermone.* Goatemalæ 1741. tacitis, quod diximus, typographi nomine & cognomine.

*Instructio litigatorum....In duas partes divisa, quarum prima continet prudentiæ regulas pro meliori rerum gerendarum methodo; secunda verò brevem ordinis judiciarij doctrin-*

*nam pro singulis causis, seu civilibus seu criminalibus expediendis: unâ cum apologiâ pro causarum Patronis.* Goatemalæ 1724.

*Cæli lucæ ecclesiæ in Goatemala emisphærium diffusæ, ejus in Metropolitanam Ecclesiâ erectâ, primoque Archiepiscopo instituto Illmô. ac Reverendissimo M. D. F. Petro Pardo de Figueroa. Seu Enarratio historica ejusdem Ecclesiæ rerum ab ipsius conditione ad usque in Archiepiscopalem exaltatione.* Mexici, apud D. Mariam de Ribera 1747. in quarto.

*Institutiones ab Eminentissimo de Luca italicè editæ, hispanæ factæ Mss.* Extant in Bibliothecâ demortui Illmî. Nicaraguensis D. D. Isidori Marin Bullon.

362 F. ANTONIUS DE PAZ, Natione Mexicanus & Patria, Ordinis S. Augustini in Provincia SS. nominis Jesu professus, cum à dicendi peritiâ è sacro suggestu, tum etiam ab Scholæ palestra egregio fuit nomine. Philosophiam postquam triennio docuerat, Theologiæ in Angelopolitano Conventu tradendæ Scholasticæ Moraliq̃ue incubuit, donec expletis de jure curriculis, Emeritus Lector est renunciatus. Hæc inter, & postmodum in Primario Mexiceo Cœnobio frequentissimas & doctas conciones plaudentibus sapientibus insipientibusque habuit. Conventibus aliquibus præfuit, deque arduis consultus negotijs, responsa dabat. Vivere desijt die, ni fallimur, 25.



Novembris anno 1710 vel circiter. Ineditos reliquit, à nobis ex parte visos, ipso vivente,

*Sermones panegyricos & morales.*

E quibus aliquot compaginari libri possent, eruntque apud Symmistas suos, forsanque Tractatus è Cathedra dictatos Sodalium aliquis asservabit.

363 D. ANTONIUS DE PERALTA CASTAÑEDA, Natione Hispanus, Angelopoli Domicilium fixit, postquam Doctor Complutensis Americam petijt, in qua multis claruit nominibus. V. D. D. Joanni de Palafox illius Urbis & Diocesis Antistiti à sacris Confessionibus fuit, ordinariusque Consultor Theologus designatus. Ecclesiam Parochialem de Cholula diligenter administravit, è qua in Cathedralē evectus, pro habendis concionibus Magistrali, ut dicitur, Canonicatu potitus, deinde auctus Dignitate, Thesaurariū egit & Episcopatus Governatorem. Ut erat in Theologiā Doctissimus Primariam ejus Cathedralē moderatus in Regijs SS. AA. Petri & Joannis Collegijs, eorum etiam Studia rexit. Censor seu Qualificator S. Officij apud Hispanum Tribunal Conchenſe, eodem etiā à Mexicanis Quæſitoribus munere ornatus fulſit. Pietate conspicuus cæterarumque virtutum exemplis, à Præſbyteris Oratorij S. Philippi Nerij Angelopolitani Præpositus electus, illustri eorum Familiæ præfuit, quæ cūm

ea tempeſtate non dum ad inſtar Romanæ Congregationis Oratorij ſe gereret, exteros clariffimos viros præponere ſibi uſu tenuit Dignitatibus Eccleſiaſticis decoratos, reſidentesque in Cathedrali Eccleſiâ, quos tamen arcent Inſtituta Vallicelana, quæ S. Philippum Authorem agnoſcunt, tandemque aliquando Angelopoli florere cœperunt. Doctis Noſter Scriptis inclaruit, cūm hispanis typis, tum etiam americanis palam expoſitis vernaculo idiomate, ſuntque

*Hiſtoria Tobie politicis & moralibus commentationibus illuſtrata, Patrono ſuo colendiſſimo SS. N. Clementi IX Romano Pontifici nuncupata.*

In hujus Proœmio Operis Apologiam intexuit ingenuam juxta & doctam pro Americanorum ingenijs, quæ ſibi conſuetudine bene nota, longoque uſu perſpecta commendat multis, vindicatque ab injuſtis calumniatoribus. Ejus habet memoriam in Theatro Critico eruditiffimus jureque laudatiſſimus Pater M. F. Benedictus Feijoo in Diſcurſu de Americæ ingenijs.

Hiſtoriæ, quam mox diximus, Censor D. D. Joannes Ibaffo Malagon Regius Concionator, & Canonicus Malacitanus teſtis eſt in Cenſura libro præfixa, Noſtri ſub prælo gemere

*Vitam S. Martini.*

*Commentaria in Eſtherem.*

*Theologiæ Scholaſtica Tomos duos in Divum Thomam.*



Quæ an exierint Opera lateat nos.

*Concio de S. Parente Philippo Nerio. Mexici, apud Hippolytum de Ribera 1652. in quarto. Extat in Bibliotheca Oratoriana Mexicea inter collectos variorum Sermones.*

*Concio de purissima Deigenitricis Conceptione Angelopoli habita cum juramentum de ea propugnandâ à Canonorum Capitulo jam pridem emissum instauraretur. Angelopoli, ex Typographia Joannis de Borja 1654. in quarto. Extat tom. 104. Collect. nostræ.*

*Concio de SS. Patriarcha Josepho, adversus tempestates Patrono Angelopoli ascito.....*

364 P. ANTONIUS DE PERALTA, Natione Mexicanus, intra Mexiceum lacum amœnissimè vernans inædificatis super ipsum Oppidis floridissimis, ortus in eo quod Zumpango dicitur, ubi tum temporis genitor Pratorem agebat, totam demum Mexicanam ditionem floribus unâ sapientiæ ornavit ac virtutum fructibus. Moribus, genere, ingenio, multisque instructus dotibus Societatem JESU professus, egregiè cum in venustioribus litteris eruditus, tum etiam in Philosophicis eminuit atque Theologicis, quibus multa Jurisprudentiæ decora adjecit. Mexici in Domo Professâ Apostolicis Instituti sui ministerijs incubuit, insignisque est habitus in permovendis è Pulpito audientium animis ad vitiorum

detestationem, seriamque in Deum conversionem, quam egregio procurans zelo, damnatis ad supplicium fontibus aderat, salutisque viam sternebat. Inde in Collegium Maximum traductus Philosophiam ut profiteretur, multis eam Discipulis tradidit, è quibus non pauci infulis & muneribus insignes postmodum evasere. Theologiam Scholasticâ multis annis docuit & Angelopoli & Mexici primarijs præpositus Cathedris, magnumque sibi nomen meritò comparavit apud cujusvis Ordinis palestras, acumine, perspicuitate, & soliditate doctrinæ, quam docendo, arguendo, scribendo coram exhibuit.

365 Mexicanis Studiis præfuit Collegijsque Angelopolitanis, ei quod à S. Ignatio titulum habet, estque pro Secularibus institutum, & à Spiritu sancto dictum Societatis alumnis destinatum, atque è nobilioribus Provinciæ Novæ Hispaniæ. Regulari observantiæ deditissimus, exactam semper temporis rationem habebat, distributis diurnis nocturnisque horis pro exercitijs instituto suo & muneri convenientibus, à quæis ne latum unguem discederet, domi semper continebatur, ni ipsa eum ministeria aut grave negotium aliò deducerent. Intentus animarum saluti, sedulo incumbere audiendis confessionibus, nihilo ipsum Scholâ ejusque officijs morantibus, quo minus sacro illi se ministerio addi-



AN

diceret, delectatus in primis directione Scholarium, quod diceret horum fecundam olim virtutem futuram, quam Sacerdotio aliquando initiati in alios facile propagarent. Provincialis Præpositus à Generali totius Societatis constitutus, suas egregiè partes explevit quo ad vixit, nam non multo post ab initâ Provinciæ visitatione lethali correptus morbo, in Coilegio Pasquarensi occubuit, sui que desiderium Sodali- bus atque exteris multis reliquit.

Edidit

*Dissertationes Scholasticas de Sacratissima V. Maria Genitrice Dei, nostraque etiam dilectissima Matre ac Domina, brevi & perspicuâ methodo ad Scholasticorum captum accommodatissimâ, dispositas.* Mexici, apud Hæredes Michaelis de Ribera Calderon 1721. in octavo. Recusæ sunt Genuæ operâ Matthæi Carbizza 1726. multis erroribus typographicis deformatæ. Rursusque politissimè cusæ prodierunt Antuerpiæ apud Joannem Baptistam Verduſſen 1734.

*Dissertationes Scholasticas de Divina Scientia media.* Mexici, typis & sumptibus Josephi Bernardi de Hogal 1724. in octavo. Prodierunt etiam Antuerpiæ mox dictis formis & anno.

*Dissertationes Scholasticas de Divinis Decretis.* Mexici, ex Typographia ejusdem Hogal 1727. in octavo. Rursusque typis Antuerpiensibus memoratis 1734.

*Dissertationes Scholasticas de S.*

AN

*Joseph unigeniti Filij Dei Putativo Patre, Deique Gonitricis Sponso dignissimo.* Mexici, dictis nuper literis 1729. in octavo, itemque Antuerpianis 1734.

Reliquit Mss sequentia, è quibus aliqua penes nos extant, alia penes varios vidimus. Sunt illa porro

*Dissertationes Scholasticæ de Scientia Dei absoluta,* in quarto.

*Appendicis loco accedit Compendium de Scientia media, in quo paucis multa de Systhemate doctrinæ Societatis in puncto Divinæ Gratiæ & creata Libertatis complexus est,* in quarto.

*Dissertationes Scholasticæ de Providentia & Prædestinatione,* in 4.

*Dissertationes Scholasticæ de Divina Voluntate,* in quarto.

*Dissertationes Scholasticæ de Angelis,* in quarto.

*Dissertationes Scholasticæ de Ente supernaturali,* in quarto.

*Dissertationes Scholasticæ de Divini Verbi Incarnatione. Pars prima,* in quarto.

*Dissertationes Scholasticæ de Divini Verbi Incarnatione. Pars secunda,* in quarto.

*Dissertationes Scholasticæ Theo-juridicæ duodecim ut minimum divisa titulis, de Pollicitationibus, &c.* in quarto.

*Dissertationes Scholasticæ de Summulis,* in quarto.

*Dissertationes Scholasticæ de Dialectica,* in quarto.

*Dissertationes Scholasticæ de Physica,* in quarto.



*Dissertationes Scholasticae de Metaphysica*, in quarto.

*Dissertationes Scholasticae de Animastica, de Ortu & Interitu, de Caelo*, in quarto.

*Conciones panegyricae*, itemque *morales hispanae, Prolusiones* quae & *Orationes latinae*, in quarto.

Laudant virum gravissimum P. Nicolaus de Segura passim in Tractatu suo de Beatissimâ Virgine, & P. Vincentius Lopez in Opere Mss, quod legimus, Secula Conceptionis Marianae, Seculo 18. pag. 817. nosque in Tractatu nostro de SS. Josepho multoties.

366 D. ANTONIUS DE PIMENTEL ET SOTOMAIOR, Natione Mexicanus, in famosa Habanæ Civitate Clarissimis ortus Parentibus, Mexicum translatus in tenera ætate, ut litteris imbueretur Collega factus in Regio S. Ildefonsi, brevi in Latinitate profecit abundè, ex inde haud minores in Philosophia fecit progressus, mox grandes ad eò in Theologia nactus, nulli ut æqualium concesserit, destinatusque à Collegio suo fuerit pro majoribus, ut dicimus, Conclusionibus propugnandis per integrum diem, scilicet, decem & octo matutino tempore Theosophiæ Scholasticæ titulis, sex vero vespere ex utroque jure petitis, singulisque quæstionibus multis scatentibus & gravioribus, Mecenatem agente Illmò. D. D. D. Joanne Ignatio de Castorena & Ursua, ejusdem

Collegij ornamento clarissimo, ad Jucatanenses Insulas evecto, cui subinde Scholarum ritu Socij gratulabantur. Theologicis Studiis Jurium professionem adjecit, laureasque reportavit in Academia Mexicanensi, è qua tandem Doctor Theologus multo cum Minervæ plausu meritò evasit.

367 Apud Collegium suum Regiam, quam Oppositionis trabem dicunt, obtinuit, cui argumentis, prælectione, & similibus viam stravit. Cathedræ præfectus erectæ in Universitate pro Magistro Sententiarum interpretando ab alumno dicti Collegij, suas industriè partes implevit, non secus ac expleverat officia Candidati horariâ relectione idque genus alijs certans honorique eximio proludens. Interea sacris initiatur, & à Fidei Quæstoribus Censor deligitur; venienti autem pro regendâ Michoacanensi Ecclesiâ Præsuli D. D. Francisco Matheos, viro Doctissimo, percharus fuit, quòd ingenuis ornatus moribus, & omnigenâ inventus fuerit dives eruditione, cum in amœnioribus litteris, historiâ, & criticâ, tum in universâ Theologiâ ac Jurisprudentiâ, interque sibi intimiores adlectus, Diocesi visitandæ destinatus, deinde Ecclesiæ Parochiali Vallis S. Francisci præpositus, huic tandiu muneri invigilavit, quousque vacante in Cathedrali Vallisoletanâ ejusdem ditionis Canonatu Lectorali, ut ajunt, seu pro sacris



sacris Biblijs exponendis, facto  
que Doctorum concursu, eodem  
Regia præsensatione poti-  
tur ad præsens. Scripsit Anteces-  
soris munus adimplens,

*Commentaria in selectas libri pri-  
mi Magistri Sententiarum distinc-  
tiones; ut è libris Academicis pro  
Lectiõibus signandis eruimus.*

*Descriptionem totius Provinciae  
Michoacanensis, quam Mss servat,  
cum Sermonibus, Praelectionibus, mul-  
tisque cultoris litteraturæ opellis.*

368 FR. ANTONIUS DE POS-  
SADA, Natione Mexicanus & Pa-  
tria, Ordinis Minorum alumnus  
in Provinciâ S. Evangelij, Eccle-  
siastem agebat Cœnobij sui apud  
Urbem Portumque Veræ-Crucis,  
cùm defuncto nuper Catholico  
Hispaniarum Regi Carolo II ju-  
sta perfolvit inclytus Ordinis Ja-  
cobæi Eques Ductorque Classis  
ibidem reditum in Hispaniam  
præstolantis D. Emmanuel de  
Velasco & Texada, jussusque No-  
ster è suggestu sacro coram flo-  
ridissimâ coronâ vita functi Ca-  
roli enarrare præclara gesta, Pa-  
negyrimque funebrem institue-  
re, dixit quidem appositissimè,  
typisque excusus prostat ejus

*Funeris Sermo in exequijs habi-  
tis ad S. Francisci Civitatis de Vera-  
Cruce magno Regi nostro Catholico  
Monarchæ D. Carolo II. Mexici,  
apud Joannem Josephum de Gui-  
llena Carrasco 1701. in quarto.  
Habetur tom. 89. Collect. nost.*

369 F. ANTONIUS DEL PO-  
ZO, Natione Hispanus, apud

VVV

Utreram, quæ Villa est Diocesis  
Hispalensis, natus, Domicilium  
totos 28 annos Mexicanum te-  
nuit, quod è Provincia Bœtica  
Prædicatorum, in qua Professio-  
nem emisserat, in Goaxacensem  
à S. Hippolyto Martyre, ejusdem  
instituti anno 1595. devenerit,  
cum hæc à Sanjacobæâ Mexicæâ  
tandem fuit separata. Ut Indis  
regionis prodesset in sacris mi-  
nisterijs, idiomata duo exactè di-  
dicit, Mistecum, scilicet, & Za-  
apotecanum, in quo potissimum  
excelluisse, & Sodales testantur,  
& conscripta ab ipso opera osten-  
dunt, ac junctum ei munus &  
honos Prædicatoris Generalis in  
ea lingua declarat. Quantum ve-  
rò in Theologia doctus extite-  
rit, inde conjicimus, quod à Que-  
sitoribus Fidei Mexicæis, ne dum  
pro expurgandis libris institutus  
fuerit, sed etiam Qualificator, ut  
dicitur, seu à Centuris Theolo-  
gicis: palamque sit monumentis,  
quæ edita reliquit, atque ut so-  
cius ejus in Missione exaravit P.  
Præsentatus Petrus Romero: *Verè  
erat vir Doctus & Apostolicus, &  
inter Zaapotecos primus.* Vicarium  
agens Conventus à S. Anna Zee-  
caahhe, denatus est die 22. Apri-  
lis anno 1623. ætatis fere sexa-  
gesimo, & ab induto habitu 40.  
Edidit librum latino sermone  
hoc titulo

*Monastica Theologia, continens  
Dubia & Acroamata circa Leges  
& Statuta, quibus Prædicatorum  
Familia Professores adstringun-  
tur:*



*tur: nec non circa tria vota Religionis essentialia, &c.* Mexici, ex Typographia Baccalauri Joannis de Alcazar 1618.

Hispano sermone in lucem dedit

*Sermonem de S. Joannis Evangelistæ laudibus.* Mexici, eisdem litteris 1621. in quarto. Extat in Collect. nostra tom. 57.

Inter Mss habent Sodales Goaxacenses

*Artem idiomatis Zaapotecani,*

Quæ anno 1746. extabat apud Patrem Prædicatorem Fr. Josephum del Castillo, Vicarium & Parochum Monasterij & Paræciæ de Teutitlam del Valle.

Præterea multos in eadem linguâ *Sermones, curiosasque ejusdem observationes.*

Meminerunt ejus, qui Scriptores Ordinis Prædicatorum in annos redegerè, quos tamen relata à nobis scripta latuerunt omnia, interim afferentes Opus aliud quod nos fugerat, nempe,

*De Authoritate Vicariorum & Parochorum Novæ Hispaniæ.* Vide sis tomum secundum pag. 395. ad annum 1615. ubi Dominicanum æqualem & gentilem Nostrum Fernandez asserunt ejus memorem in Historia Rosarij lib. 9.

369 F. ANTONIUS RAMIREZ DE UTRILLA, Natione Mexicanus, Goatemalensis Patria, Provinciæ Franciscanorum Observantium à SS. Nomine JESU nuncupatæ nomen dedit, atque ab ejusdem Magistris Philosophiâ

imbutus atque Theologiâ, loquendi etiam & scribendi peritiâ in idiomate Goatemalensibus Indis vulgari, non vulgari floruit eruditione, quam ut Sodalibus libens communicaret, qui illarum vacant gentium institutioni sacræ, librum conscripsit spisso volumine in quarto complectentem,

*Decora laudesque Sanctorum; item de Animabus expiatorum ignem patientibus, & de ultimo affectis supplicio Sermones, ac tandem methodum Indis auxiliandi in extremâ vitæ periodo.*

Opus hoc teri Mss Parochorum Seraphicæ Familiæ manibus, humanissimi PP. datis ad nos litteris testes sunt.

370 D. ANTONIUS RAPHAEL NUÑEZ DE OLAECHEA, Natione Mexicanus & Patria, post imbibitam Latinitatem & Philosophiam, laureâ redimitus, utrique Juri operam strenuè navavit, gradibusque insignis minoribus, majora propterea, quibus oppidò dignus erat, non tulit, quòd eris angustia pro sumptibus necessarijs ipsum cohibuerit. Patronus Causarum, non sine laude Senatorum, ritè institutus; sacris tamen addictior muneribus initiatusque Sacerdotio, Ecclesiasticis se totum exercitijs impendit. Academiæ Domi propriæ à se in Studentium commodum Clericali inhiantium statui constitutæ, præfuit, egregio sociorum profectu, qui accuratâ Moralis Theologiæ disquisitione com-



AN

comparabant se, cū ad subeunda publica examina, tum etiam ad ministrandum, qua decet peritiā Penitentiae aliaque Sacramenta. Divinas industriē & ex animo litteras coluit, & ut erat ingenio ac cæteris dotibus, in primisque eloquentiā ad dicendum apertissimus, facili negotio, & fermè extempore sapienter ac felicissimè concionabatur, doctis quibusque viris facundiam ejus & eruditionem mirantibus. Ad hæc optimis erat moribus, & insigni adversus Sanctissimæ Deiparæ Genitorem JOACHIMUM pietate, quam ut propagaret in plures multis agebat, editisque opusculis procurabat. Obijt præpropere hoc, quo scribimus, anno 1751. præterito Aprilis mense.

Edidit hispano sermone

*Iridem pacis nuntiam, seu pium Deum inter & homines mediatorem D. Joachimum.* Mexici, typis D. Mariæ de Ribera 1749 in octavo.

*Auream Coronam in mensium anni circulo efformatam: hoc est, Pie in S. Joachimum pro singulis mensibus devotiones.* Mexici, eisdem litteris 1750. in 16.

*In ejusdem S. Nomen devotionem.* Mexici, dictis mox formis 1747. in 16.

371 F. ANTONIUS DE LOS REYES, Natione Hispanus, Octoduri genitus, & Salmanticæ ad S. Stephani Dominicanorum ijs se Professione jungens, Mexicanæ S. Jacobi ejusdem instituti

AN

Provinciæ anno 1555. se adscripsit, in qua ad obitum usque Domitium defixit, tenuitque annis 48, ejus ad posteros virtutis magno nomine perennante, uti Author est F. Alphonsus Franco in Historiâ Provinciæ suæ Mexicanensis Mss. Lib. 1 cap. 47. ubi etiam tradit litteras imbibisse in Universitate Salmanticensi; atque hujus standum narrationi sentimus, qui res propius Familiæ Prædicatorum Mexicanensis intuitus est, exterisque enucleatius aperuit, proptereaque ab *Scriptoribus Ordinis Prædicatorum* in præsentia recedimus, Antonium Mexicanum ortu & professione existimantibus tom. 2. pag. 320. Scripsit publicique juris fecit

*Artem Linguae Mistece*, Vicarium agens Monasterij de Tamazulapa in qua Arte uti advertit Davila pag. 654. n. 16. præter ad idioma perdiscendum monita, plura inveniuntur pro annorum ab Indis factâ supputatione, proque ipsorum Historijs scitu dignissima. Mexici, typis Petri Balli 1593. in octavo, uti vidimus ad Paulianum S. Augustini Mexicanum. Quamvis D. Nicolaus Antonius in Bibliotheca Hispaniæ Nova tom. 1. p. 123. aliam referat editam à Nostro

*Artem Linguae Mexicanæ;*

Opinamur tamen delusum fuisse, quoniam credere haud valemus, cam latuisse oculatissimos Historiographos D. F. Augustinum



Davila Padilla, & citatum F. Alphonsum Franco, qui non diu à Nostri morte scribentes, altum de Mexicana Arte silentium habent laudantes interea Mistecam. Meminerè quoque Antonij Laffor Avarca in Orbe terrarum Scriptorum calamo delineato, verbo *Mexicus* Libri editionem afferens anni 1594. in quart. & Leon Pinelus in Epitome Bibliothecæ Occidentalis additæ tom. 2 col. 725. qui Artis itidem Mexicanæ mentionem habet, afferens D. Nicolaum Antonium ambigere, an hujus idem Author fuerit ac artis Mistecæ, cum tamen dubius ille hæserit non circa Authoris identitatem, sed penes Operis unitatem. Altamura itidem Dominicanus ad 1597. Nostrum commendat.

372 F. ANTONIUS DE LA RIBA, Natione Mexicanus & Patria, Instituta Dominicana in Provincia S. Jacobi professus est; ab utroque suggestu ritè & appositè frequentato jure laudatus, Theologicisque litteris doctus, & oratorijs instructus partibus, quâ in majori Seraphici Patris Mexicano Conventu, die eidem Sancto devota, dixit coram amplissimâ Sapientum & Nobilium coronâ, edidit

*Panegyrim de S. Parente Francisco.* Mexici, apud Hæredes Viduæ Francisci Lupercio 1712. in quarto.

373 P. ANTONIUS DE RIBADENEIRA, Natione Mexica-

nus, cujus Patriam ambigimus, stirpem nobilissimam scientes, JESU Societatis alumnus, egregiè amœnioribus litteris eruditus, juxtâque Philosophicis clarus ornamentis atque Theologicis, ingenij sui & eruditionis specimina reliquit edita, alterum latino sermone, hispano alterum, scilicet his titulis:

*Discursus Apologeticus Sapientia vindex: habitus in Scholis Societatis Jesu fundatis in Collegio SS. AA. Petri & Pauli, præsentæ Excmò. D. D. Duce de Alburquerque, &c. pro studiorum instauratione.* Mexici, ex Typographia Joannis Ruiz 1653. in quarto.

*Concio habita in festo Juramento que præstito à Sodalibus Purissima Conceptionis in eodem Collegio, incontaminatam à primo instanti Deiparam propugnandi.* Mexici, litteris V. Bernardi Calderon 1654. in quarto. Legitur tom. 95 Collect. nostræ.

374 D. ANTONIUS DE RIBERA, Natione Mexicanus, incunabula apud Urbem Potosinam à S. Ludovico dictam in ditione Guadalaxarenfi Novæ Gallicia nactus, Academiam Mexicanam, litteris ut incumberet, præcipuè que utriusque Juris peritiam imbiberet, à teneris petijt, donec egregiè doctus, nec ab Scholaribus modò probatus, sed verò etiam à Senatoribus & forensibus, Causidicos inter multi nominis floruit & gloriæ. Edidit vernaculo idiomate



AN

*Fundamenta pro definitiva sententia, quam, i pso juris dicendi causa assidente, pronunciavit ordinarius Iudex in causa hereditatis, &c.* Mexici, typis Viduæ Michaelis de Ribera 1714. in quarto. Extat opus tom. 8. Collectionis D. Ludovici de Mendoza.

*Allegationem Juridicâ pro D. Joanne Baptista Lopez in negotio civili contractus.* Mexici, Litteris Francisci de Ribera Calderon 1716. in folio. Habetur eodem tomo Mendoziano.

*Juris Allegationem pro D. Francisco de Aguirre Gomendio de Prælatione in concursu creditorum, &c.* Mexici, formis H. V. Michaelis de Ribera 1718. in folio. Extat tom. 9. Nostræ Collectionis.

*Accusationem coram Ecclesiastico institutam Mexiceo adversus Josephum de Estrada Tuñon in causa Immunitatis, &c.* Mexici, apud Franciscum de Ribera Calderon 1720. in quarto. Habetur tom. 16. Collectionis nostræ, & tom. 7. Collectionis Mendozianæ.

375 P. ANTONIUS DEL RINCON, quem Bibliotheca Societatis Hispanum natione dixit, quod ab Hispano parente genitus, quo etiam titulo Hispani sunt nominanturque omnes fere (exceptis videlicet quos ab Indis profectos apertissimè scribimus) quos Mexicanos natione in Bibliotheca nostra leges; Natione dicimus Mexicanum, propterea quod natus fuerit in America Mexicanâ, non quidem Angelopoli, ut in

AN

citatâ Bibliothecâ Societatis habetur, sed in Urbe non longè à Mexico dissita, olimque Regibus & multis dotibus præclarissimâ, Texcuco, quæ etiamnum clara viget & fidelissima. Hispano quem traxit sanguine à genitore, nobiliorem maternum junxit è Regiâ Texcucanorum stirpe ductum, ut Author est P. Florencia lib. 3. cap. 8. num. 143. Historiæ Provinciæ Novæ Hispaniæ Societatis JESU, quam Antonius 18 annos natus ingressus est, vertente anno Domini 1573. in quaque opportuno tempore quatuor nuncupatis Deo votis professus est, gradumque subinde expectatus in Familia sua indeptus. Decorum fuisse magno Provinciæ suæ, cui exactissimè deservivit, idem Historiographus attestatur, polliceturque plura se de eo propria locaturum in sede. Quod tamen alterum Historiæ tomum in quem Nostræ aliorumque Acta reservaverat, non ediderit; latent nos quidem illustria, quibus has libenter paginas implemus, contenti eis interim, quæ habemus comperita, laborasse nimirum egregiè ad mortem usque pro juvandis Indis in negotio æternæ salutis, quod Apostolicum virum decebat maximè, sacris ita expeditionibus deditum, ut etiam dimidio paralyticus corpore, duodecim tamen annis, statuto sibi tempore eisdem agendis constanter institerit. Denatus fuit prope



pe Angelopolim anno 1601. die 2 Martij. Theologicis quibus emittunt litteris Philosophicisque, insigni adjectâ idiomatis Mexicanæ peritiâ clarior evasit longè, multisque utilior, qui è Discipulis Magistri item ipsi Indorum in spiritualibus creati sunt ab ea quam edidit,

*Grammatica Lingua Mexicanæ.* Mexici, typis Petri Balli 1595. in octavo.

Hanc profecto Artē, in qua se non minus decennio posuisse Author testatur in Nuncupatoria; quotquot è Societate, & multi exteri Mexicanæ Linguae hauriendæ se dederunt ad annum usque 1647. propositam sibi habuere, ut expeditissimam brevitateque commendabilem; cui deinde superfederunt, alteram insequuti, quam uberiores condidit Nostri discipulus P. Horacius Carocho pro ut indicato loco tradit Florencia, Antonij Elogium brevi complexus, itemque in Menologio die 2 Martij: quem etiam laudat P. Rivas in Triumphis Nostræ Sanctæ Fidei Lib. 12. cap. 10. D. Nicolaus Antonius in Bibliothecâ novâ pag. 123 & Bibliothecâ Societatis pag. 83.

376 F. ANTONIUS DEL RINCON, Natione Hispanus, Patria Hispalensis, Domicilio Mexicanus, Instituto Franciscanus, Jucatanensis Provinciæ alumnus, scripsit

*Sermones varios,*  
Quos admodum utiles dicit

Historiographus P. Cogolludo, & ex eo Epitome Bibliothecæ Occidentalis Pinelianæ tom. 2. col. 722.

377 FR. ANTONIUS RIZO, Natione Mexicanus, incunabula apud S. Ludovici Potosini Urbem sortitus, Provinciæ S. Francisci Zacatecanorum alumnus, optimè in Theologicis rebus instructus, suggestui sacro multis ex munere annis incubuit, donec Prædicatoris Generalis titulum reportavit. Domi forisque magni habitus, Examiner Synodalis institutus est & à Goadalaxarensi Antistite & à Durangensi, Fideique Quæsitores Mexice à Censuris ipsum esse, subscripto Titulo, decrevere. Familia verò sua semel & iterum solennibus in Comitij Provinciali elegit, quo secundum munereungebatur anno 1747. Scripsit habetque apud se

*Sermones varios duobus tomis,*

Uti legimus in Catalogo Scriptorum ejus Provinciæ à citato alibi P. F. Josepho Arlegui concinnato, qui ejus etiam meminit in Chronic. ejusdem Provinciæ pag. 411. n. 47. nec sine benemeriti viri elogio.

378 D. ANTONIUS ROBLES, Natione Mexicanus & Patria, Præbyter Secularis admodum eruditus, cum in Historijs, præcipuè Americanis, tum etiam in Theologicâ & Canonicâ Facultatibus, moribus itidem Sacerdote dignis floruit apud Collegium à



AN

à S. Petro Mexici dictum, pro Clericis institutum, qui & infirmis amentibusque deserviant in Valetudinario penes ejusdem Collegij ædes erecto, & Fidelium confessiones excipiant in Ecclesiâ à SS. Trinitate nuncupatâ eidemque adjunctâ, ac vocati diu noctuque ab exteris egrotantibus, præstò sint eidem invigilaturi muneri sacro. Hæc Noster obivit industriè, Sanctimonialibusque à S. Agnete nuncupatis à sacris fuit: studijs interea incumbens & scriptis, quæ vidimus ac legimus. Edidit sermone patrio

*Defensionem Jubilei anni sancti pro eo qui vertebatur Christiana epochæ anno 1700.* Mexici, apud D. Mariam de Benavides eodem anno in folio.

Scilicet, excitatâ Mexici controversiâ de Sacrarum Indulgentiarum suspensione anno Seculari jam dicto, contendentibusque nonnullis duce viro Clarissimo P. Joanne Martinez de la Parra, Societatis JESU, minimè habendas pro suspensis esse ab Americanis, propterea quòd lateret nos Romani indictio Jubilei, cui forsan supersederat Summus Pontifex, penes quem auctoritas est & libertas designandi tempora pro eo intra Romana pomeria lucrando, intereaque cætera alibi istiusmodi indulta suspendendi; contra tamen communissimis calculis Doctores cæteri, quibus prævit gravissimus

AN

D. Alphonsus Albertus de Velasco, edito ea de re Opusculo, existimarunt, nulli dubiam Jubilei indicationem habendam, quam Romani Pontifices fixam tandem quarta quaque seculi parte fecerant; atque ijs Noster subscribens doctam & eruditam, quam diximus, publicavit Dissertationem.

Reliquit *Mss Tomos duos in folio*, quos Patribus Congregationis Oratorij Mexicei legavit, in quorum Bibliothecâ multoties illos, nec sine fructu, evolvimus, scilicet

*Diarium, Notas, & Historicas de occurrentibus varijs enarrationes pro rebus præcipuè America memoria tradendis.*

Præterea collegit distribuitque in aliquot tomos in folio *Monumenta multa edita & etiam Mss valde pro Historia & Eruditione utilia.*

379 P. ANTONIUS RODERO, cujus Natio & Patria in ancipiti nobis sunt, Societatis JESU alumnus in Provincia Novæ Hispaniæ, Philosophiâ eruditus atque Theologiâ, apprimeque in amœnioribus litteris & oratoria sacra versatus, è multis, quas scripsit, orationibus doctis ac pulchris, unam, quod sciamus, edidit vernaculo idiomate

*Orationem in gratiarum actionem pro recens condito Goadalaxara in Novâ Galleciâ Monasterio Recollectarum à S. Monica Virginum Ordinis S. Augustini.* Mexici, ex Ty-



Typographia Hæredum Michaelis de Ribera 1720. in quarto.

380 FR. ANTONIUS ROMO, Natione Mexicanus & Patria, Institutum Seraphici Parentis amplexatus fuit nuncupatis votis in Excalceatâ Provinciâ S. Didaci Mexicanâ, cujus Philosophiæ candidatis è suggestu dictandum scripsit

*Cursum Philosophiæ.*

Ejus meminit Medina in Chronicis ejusdem Provinciæ fol. 66. n. 217.

381 P. ANTONIUS RUBIO, Natione Hispanus, Patria Rodensis, Mexicanus Domicilio, Instituto & Professione Societatis JESU alumnus Clarissimus, ipsam Compluti 21 ætatis anno amplexatus 1569, Philosophiâ que apprime eruditus atque Theologiâ, Socijs qui nuper in Hispaniam Novam trajecerant, aggregatus Mexici constitit. Erectum recens fuerat Maximum SS. AA. Petri & Pauli Collegium pro Grammaticâ, Rhetoricâ, Philosophiâ, & Theologiâ tradendis, & ubi P. Doctor Petrus de Ortigosa Cursum triennio Philosophicum multo cum audientium emolumento perfecit, suffectus ei fuit Antonius ut secundo quidem nomine ejusdem facultatis Cursum auspicaretur. Et hercle tam ille perfectus omnibusque numeris absolutus evasit, ut typis postmodum excusus Europæ, sapientum plausus hominum tulerit, eximioque in honore Compluti

fuerit, ut infra P. Alegambius nos in Bibliothecâ Societatis docebit. Noster intereâ à Theologiam in eâdem palæstrâ annis duodecim è suggestu professus, gloriam ab egregiâ comparatam doctrinâ faciliè adauxit. In Universitate Mexicanâ Doctorali inaugurandus pileo, pro Licentiæ gradu tenendo 12 Martij 1595 doctissimâ per horam habitâ, ut sit, Prælectione in sextam Libri tertij Magistri Sententiarum Distinctionem, coram Theologorum Confessu in Capitularem Metropolitanæ Ecclesiæ Aulam, ut moris est pro his nocturnis exercitationibus, convenientium, prolusit, plaudentibusque doctissimum virum hominibus sapientissimis Licenciatus Doctorque deinde in Theologiâ creatus est. Totos 25 annos suam in promovendis litteris & studijs cum Collegij sui, suæ tum etiam Universitatis operam posuit, instar que Oraculi doctrinæ in gravioribus quibusque negotijs consultebatur & à Quæstitoribus Fidei, & à Senatoribus Regijs, & ab ipsis etiam Pro-Regibus, quibus percharus erat omnibus & jucundus.

382 Quod vero multis à se curis elaboratum Philosophiæ Cursum pro communi bono in publicum edere cuperet, Mexicique editionem quominus moliretur incredibiles sumptus deterrerent, imò præpedirent omnino, redux in Hispaniam, Compluti reliquum vitæ tempus perfecit



AN

fecit, non magis litteris deditus quam virtutibus, humilitatem in primis excolens, quam in tantâ doctrinæ copiâ præse ferebat, cunctique mirabantur: egregio orandi studio multum in sacris meditationibus tempus ponebat, quam acri mortificationi sociabat quotidianis se verberationibus, supra quam ætas & vires ferrent, discrucians, donec 8 Martij anno Domini 1615. ætatis supra 67 in cælum, ut pium est credere, emigravit. Funeri ejus religiosæ Familiæ, nobiles quique cives, Academici viri interfuere, gravissimi jacturam Magistri dolentes, & mœstissimâ pompâ insignem sanè hominem cohonestantes. Quod ad ejus attinet Scripta, placet Bibliothecam hîc Societatis transcribere, quæ porro ita habet.

*Edidit justæ molis*

*Commentarios in universam Aristotelis Logicam partibus 11. Colonia, sumptibus Arnoldi Milij Birchmanni 1605. quibus titulum fecit*

*Logica Mexicana. Recurrit*

*Eisdem Commentarios in compendium quasi contractos, in gratiam Academia Complutensis, quæ publico decreto suis Professoribus eos explicandos juvenuti præscripsit, curavitque decretum hoc suum autoritate Regia firmari, & ita multis annis id duravit. Prodierunt (nifallor) primum Valentia 1607. postea Colonia apud Joannem Kinkium 1609. & rursus 1615.*

*Commentarios item in alios Li-*

AN

*bro Aristotelis de Physico auditu prius editos Matrili apud Ludovicum Sanchez 1605, tum in breviorē summam redactos, rursus vulgavit Valentia (nifallor) ac subinde Colonia apud Crithium 1610. & rursus 1616. Prodierunt etiam posthumi*

*Commentarij in Libros Aristotelis de Cælo & Mundo. Colonia typis Crithij 1617. Ante hos autem, vivo Authore,*

*Commentarij in Libros de Ortu & Interitu, seu de Generatione & Corruptione rerum naturalium, iisdem recusis typis Chritij 1619. Denique*

*Commentarij in Libros de Anima, ab eodem recusis 1613 & 1621. Recussi hi omnes quinque tomis in octavo Lugduni 1625.*

Haftenus P. Alegambe, cui subscripsit D. Nicolaus Antonius in Bibliothecâ Hispaniæ Novæ tom 1. pag. 125. Nostri quoque meminere P. Florencia in Historia Provinciæ Novæ Hispaniæ Societatis JESU lib. 3. cap. 20. pag. 186. & 187. Plaza in Chronicis Universitatis lib. 2. cap. 27. n. 255.

Hîc animadvertendum existimamus delusum fuisse Fr. Joannem à S. Antonio in Bibliothecâ Franciscanâ tom. 1. pag. 125. adscribentem Logicam Mexicanam Colonia excussam anno 1605. in quarto. F. Antonio Rubeo, seu Rubioni Minoritæ: quamquam verius dicendum, non Franciscanum Joannem à Sancto



Antonio falsum, sed ignotum, quem citat, Authorem Bibliothecæ Barberinæ pag. 323. ex quo hunc ille Scriptorem hausit. Nunquam enim vidimus, aut ab aliquo accepimus, aliam esse Logicam Mexicanam inter typis editas præter Nostri Rodensis Jesuitæ Rubij. Accedit facilis conjectura equivocationis à loco editionis, nempe Colonia, ex quo cum Logica Mexicana anno 1609 prodierit Jesuitæ, Minoritæ ibidem prodijisse dicatur 1605, primum est credere & in numero erratum, scriptumque 5 pro 9. & itidem in Authore; quamquam certum sit, esse quidem Scriptorem alium Franciscanum Antonium Rubio, de quo cum ipsa Bibliotheca Franciscana loco mox laudato, tum etiam Hispana citata nuper pag. meminere; meminit, quoque Alva in Militia pro Immaculata Conceptione; ad ipsum tamen Logicam Mexicanam haud referunt, quæ subinde solius Barberini Catalogi lapsu Nostro abjudicata videtur.

383 FR. ANTONIUS RUIZ LOZANO, Natione, ut videtur, Mexicanus, & fortè Angelopolitatus, Ordinis Prædicatorum in Provincia S. Jacobi Mexicanensi, inter Angelopolitanos Scriptores censetur à D. Didaco Bermudez de Castro in Catalogo suo n. 72. testante, eum & Vicarium egisse Angelopoli ad S. Dominicum, & recusasse tractatum hoc titulo insignem

*Beatus Dominicus Speculum peccatricis Anima.* Anno 1695.

Quem cum ad manus non habuerimus, typographum haud indicamus, manemusque ancipites, num iste Ruiz Lozano Author fuerit Operis, quod semel & iterum publicaverit, an scriptum ab alio & pridem excussum iteratâ editionis luce donaverit.

384 ILLMUS. D. D. ANTONIUS RUIZ MORALES ET MOLINA, Natione Hispanus, Patria Corduensis, Domicilio & munere Mexicanus, Religiosis Ordinis Militaris S. Jacobi adscriptus dicitur ab Ægydio Gonzalez Davila in Theatro Ecclesiæ Angelopolitanæ pag. 91. indutusque habitum Ordinis apud ejusdem Hispalense Cœnobium. Anno 1556 Mesochorum egisse in Ecclesia Cordubensi, Judicemque, ut ajunt, Conservatorem Conventus Sanctimonialium Dominicanorum Ubedæ idem Historiographus fidem facit, additque insuper Universitatis Orsonæ Visitatoris muneri alijs que incubuisse præclaris. Concionator multi suo tempore nominis fuit, nec exiguâ ornatus eruditione. Pro Ecclesiæ Americæ nostræ Michoacanensi Episcopus institutus, postquam non nullis ei annis præfuit, in Angelopolitanam translatus ipsi se stitit anno 1573. die prima Novembris. Partes ut Prælati omnes impleteret, exemplo primum egit, vir-



AN

virtutibus imitandum se omnibus exhibens, doctrinamque adjecit, & in pauperes eleemosynas, mansuetudine clarus atque prudentiâ, quibus instructus corrigere solebat citra strepitum lapsos, sibi Deoque in primis ipsos devinciens. Scriptis etiam doctis inclaruît, quibus imitatus est & germanum Fratrem D. Ludovicum de Molina, Regium Senatorem, ab insigni, quod edidit, Opere de Primogenijs Hispanorum notissimum laudatissimumque, & Ambrosium de Morales multâ & exquisitâ virum eruditionis, pluribus voluminibus commendatum, cujus fuit ex Cecilia Sorore nepos, Meccenasque libri de S. Eulogio ab Ambrosio editi.

385 Publicavit, quæ recenset D. Nicolaus Antonius pag. 125. tom. 1. Bibliothecæ Novæ Opera, scilicet

*In Benedicti Ariæ Montani Rhetoricæ annotationes.* Antuerpiæ 1572. in octavo. Hispano autem sermone

*Regulam Ordinis S. Jacobi* 1565. in folio.

*Historiam Ordinis S. Jacobi*, quæ an in lucem prodierit, tacet citatus, ut & præterit typographorum nomina; monet tamen haberi volumine quarto Hispaniæ illustratæ pag. 344 Ambrosij de Morales avunculi Nostri Latinam Epistolam nuncupatoriam quorundam Monumentorum de S. Cordubensibus; ejusque memi-

AN

nisse cum laude Hieronymum Gudiel in *Epitome de los Girones*: Ægydium quem supra citavimus; Collectorem Bibliothecæ Gesnerianæ; & Athanasium de Lobera in *Legionensis Urbis Historia* cap. 8. Quibus addimus ex nostratibus P. F. Balthasarem de Medina in *Sillabo Episcoporum Tlascalensium Littera O.* in *Chronicis Provinciæ Excalceatorum S. Didaci Mexicanæ*, & Betancurtium in *Tractatu Civitatis Angelopoleos* cap. 4. n. 20. ad calcem *Theatri Mexicani* tom. 4.

386 FR. ANTONIUS RUIZ, Natione Mexicanus, in Civitate S. Ludovici Porosini admodum clarâ natus, Provinciâ S. Francisci de Observantia Zacatecanorum adivit nuncupatis in ipsâ Deo votis. Primos inter Familiæ suæ ætate à meritis habitus, Definitoribus fuit adscriptus, Opus lato calamo concinnavit, tomum scilicet in folio,

*De Divini Verbi Incarnatione,*

Quem asservari in Archivio Cõventus Zacatecani, constareque folijs 300, Author nobis est P. Arlegui in Catalogo Provinciæ suæ Scriptorû, sæpe nobis usui futuro.

387 F. ANTONIUS DE SAMANO, Natione Mexicanus, Vallisoleti Michoacanensium genitus, Instituta S. Francisci inter nudipedes Provinciæ S. Didaci Mexicanæ amplexatus, per aliquot annos Theologiam è suggestu domesticis tradidit auditoribus, Custosque ejusdem Pro-

vin-



vinciæ fuit institutus, ut Author est F. Balthasar de Medina in Chronicis memoratæ Provinciæ fol. 66. n. 216. Scripsit

*Tractatus Theologicos*; forsan exstantes apud Sodales.

388 D. ANTONIUS DE SA-  
AVEDRA ET GUZMAN, Natione  
Mexicanus & Patria, quæ licet  
in ancipiti fuerit D. Nicolao An-  
tonio in Bibliotheca Hispaniæ  
Nova pag. 125. comperta no-  
bis est, cum ex Operis, quod  
mox indicabimus, accurata le-  
ctione, tumetiam ex alijs nostra-  
rum monumentis incunabula An-  
tonij Mexicea tradentibus, ac-  
ceptaque à majoribus & eruditis  
viris notitiâ. Genitores nactus est  
clarissimo sanguine illustres, Pro-  
avumque Comitem del Castellar  
multis insignem in Hispania stē-  
matibus & nominibus, Paren-  
tem autem vel ex ijs qui in Me-  
xicana expugnatione immortale  
sibi nomen peperere, vel saltem  
ab eorum aliquo genus ducen-  
tem. Christianè & liberaliter edu-  
catus, bonisque litteris institu-  
tus, Poesim in primis coluit &  
Historiam, in cuius studio sep-  
tenium posuisse ab ipso in Ope-  
re suo acceptum habemus. In  
Hispaniam trajecisse idem quo-  
que Author est, testatus septua-  
ginta dies navigando insimul  
scribendoque Poema, quod post  
modum edidit, transsegisse. Est  
verò illud hispano conceptum  
idiomate atque hoc insignitum  
titulo:

*Peregrinus Indicus*. Mantuæ Car-  
pentanorum, apud Petrum Ma-  
drigal 1599. in 8, spisso volumi-  
no.

Poema est Epicum, Historiam  
Expugnationis Mexicanensis ob  
oculos exhibens cantibus vigin-  
ti graphicè delineatam, non quòd  
numeris cothurnatis assurgat, si  
eos ad hodiernam Hispaniæ Poe-  
seos elegantiam compares & pig-  
menta, sed quòd pro ætate illa,  
scilicet integro & dimidio ab hinc  
seculo, satis exculsi sint atque  
eo nomine historicis conscriben-  
dis tabulis aptiores longè, quia  
citra fucum & cerusam res ge-  
stas ob oculos ponant, quas à  
testibus oculatis grandævique de-  
gentibus Mexici Author acceperat.  
Hæc ubi tacitus mente re-  
putaverat M. F. Joannes Anto-  
nius de Segura Troncoso, Me-  
xicanus & ipse Doctissimus, Cri-  
ticusque multâ & omnigenâ  
dives eruditione, Ordinis B. V.  
Mariæ de Mercede, in suo Seneca  
Mercedensi Mss à n. 440 (de quo  
sermo nobis suo loco recurret)  
vehementer dolet, nec certè de  
nihilò queritur, celeberrimū Me-  
xicanæ Expugnationis Historio-  
graphum D. Antonium de So-  
lis scripsisse, Expugnationem hæc  
Historiâ carere, quæ Historia sit,  
indicaris singulis quæ prodierant  
atque notatis; quæ cum Anto-  
nij de Saavedra Peregrinum In-  
dicum non addiderit, argumen-  
to est, inquit, nunquam in illum  
incidisse legendo, quo lecto, haud  
ita



ita facile omni destitutam Historiâ expugnatam Mexicum pronunciasset, imò, ut erat in Poetica insignis, hanc in Historiam abijsse, Musis mira veraque, nec jejune narrantibus, hercle Nostro plaussisset, in cujus, nec immerito, laudes præcitatus Segura effunditur. Meminit ejus Leon Pinelus in Epitome Bibliothecæ Occidentalis col. 605. edit. novissimæ Madritanæ.

389 F. ANTONIUS DE SALAZAR, Natione Mexicanus, apud Zacatecanorum Clarissimam Civitatem ortus, in Provincia admodum illustri Minorum de Observantiâ ibidem florente, Seraphici P. instituta sacra professus, egregiâ pro utroque suggestu pollens eruditione, & Theologiam è Cathedra docuit Lectoris functus munere, & Prædicatoris lauream Emeriti, habitis ad multos annos frequentibus doctisque concionibus tenuit: Definitoriis Provinciæ adscriptus pro meritis, Guardianusque, ut ajunt, datus Cœnobio del Potosi & alijs, toti demum præfuit Provinciæ egregio ejusdem emolumento, quod & Ecclesia Cœnobij Potosini à fundamentis, eo fovente & procurante, excitata fuerit, & sacrâ pretiosâ suppellectili ornata. Aliqua edidit ingenij monumenta, adeò quidem, judicio nostro, affabrè constructa, ut eis lectis, doluerimus haud plura suppetere nobis queis libentissimè pasceremur. Sunt autem illa.

Zzz

*Panegyrica Oratio habita indictis publicis rogationibus pro felici Serenissimæ Hispaniarum Reginae Mariae Aloysiæ de Sabaudia partu, ortuque desideratissimi Principis. Mexici, typis Luperciannis 1707. in quarto. Extat t. 25. Collect. nost.*

*Panegyrica Oratio in solenni Ludovici I Asturum Principis acclamatione. Mexici, Formis V. Michaelis de Ribera 1713. in quarto. Habetur tom. 72. Collect. nost.*

Tres alias edidisse Conciones, quarum non nescire titulos optaremus, ab Catalogo Scriptorum memoratæ Provinciæ accepimus, quas hætenus venari isthæc quaritantibus nobis haud licuit. Ejus cum laude meminit P. Josephus Arlegui in Chronicis ejusdem Provinciæ p. 409. n. 41.

*Tractationes Theologicas & Sermones alios hîc addantur in votis habemus.*

390 D. ANTONIUS SALBAGO, Natione, nisi fallimur, Mexicanus & Patria, Præbyter Secularis, publici juris fecit pro fovendis piorum in res Sacras studijs, vernaculo sermone,

*Orationes pias queis quotidiana opera Deo offerri valeant sacris que Mysterijs Altaris Fideles assistere religiosè possint, &c. Mexici, apud H. V. Calderon 1689. in 16.*

391 D. ANTONIUS SALCEDO FITA PERALTA, Natione Mexicanus, in Angelopolitana Diocesi natus, vir fuit multâ egregius doctrinâ, & in Theologicâ adeo peritus, ut apud S. Inquisitionis

Tri-



Tribunal Qualificatoris, ut dicitur, seu Censoris titulum & munus insigne tenuerit. Varias patriæ ditionis Ecclesias Parochiales industriè & sollicitè administravit, scilicet dictas de Tecuila, S. Joannis de los Llanos, Pano-tla, & Sacatelco, à quibus non modò notus fuit, sed verò etiam à litteris multo in pretio habitus. Reliquit scripta

*Fragmenta moralia quinque tomis divisa, in quarto.*

*Sermonum, quos in præcipuis dixit festivitibus, tomum unum in quarto.*

*Paradoxa politico moralia in folio, cui tamen libro non nulla deesse testis est D. Didacus Bermudez de Castro in Catalogo Scriptorum Angelopolitanorum n. 49. & penes se omnia quæ retulimus authographa esse, ibidem enuntiat.*

392 D.D. ANTONIUS DE SALDAÑA ET ORTEGA, Natione Mexicanus, Angelopoli natus, Antequeræ Goaxacensium floruit & Mexici. Latinitate doctus & Philosophiâ juxtâque Theologiâ, hujus in Universitate Mexicanensi Doctor inauguratus fuit, & inter primos ejusdem Facultatis Professores meritò ab eruditis habitus. A prima ætate Antequeram se contulit, Episcopalem Sedem regente Illustrissimo D. D. Isidoro de Sarinana, Viro doctissimo, litteratorumque faventissimo Meccenate, cui peracceptus fuit perque ita charus, ipsum

ut in Familiam asciverit, multisque cohonestaverit titulis, quòd ingenio sociatam doctrinam virtutemque in eo haud vulgarem animadverteret. A Secretis, item que à Sacris Confessionibus ipsum habuit, & Examinatorem Synodalem constituit, quibus alijs in dies accesserunt honores, cum pro egregiâ in dicendo ad animarum salutem facundiâ zeloque insigni, tum etiam pro cæteris animi dotibus & in sacris Theosophiæ aditis penetrandis solertiâ. Perillustre Collegium D. Bartholomei, quod ibidem magna sui nominis gloriâ jam pridem erexerat Illmûs. D. F. Bartholomeus de Ledesma, Dominicanus, Primariusque Universitatis Mexicæ Antecessor Theologiæ, Rectoris munere administravit, Cathedramque Theologiæ vespertinam in Regio S. Crucis Seminario moderatus est discipulorum multo cum fructu, Sapientumque laude. Adhæc, periculo factò pro Sacerdotio, ut dicimus, Magistrali alios inter petitores, ritè & pro meritis institutus est ad sacras conciones, quibus strenuè & frequenter adornandis incubuit: inde Ecclesiasticas Dignitates Thesaurarij, Mesochori, & Archidiaconi adeptus, his eo usque muneribus usus exactè fuit, unâque Commissarium S. Inquisitionis Antequeræ peregit, donec in Ecclesiam Metropolitanam Mexicam translatus spectabilem se Urbi frequentissimæ



simæ dedit Præbendâ insignis & Canonicatu, longè tamen clarior doctrinâ, ob quam & à Quæsitóribus Fidei Cenfor adlectus, & ab Archipræsule Synodalis Examinator creatus, à Sodalibus Academicis, & à doctis quibusque viris magni est ductus, interea se probitatis exemplar exhibens ad mortem usque, quam aspexit Angelopoli, ubi negotij vel rusticationis causâ devenerat. E multis à se scriptis sermonibus, plures equidem tomos impleruris, si jungerentur, edidit

*Orationem Funebrem in Exequijs ductis Clarissimo Doctóri D. Petro de Oralora Carbajal, Archidiacono Antequerenſi, &c. Angelopoli, litteris Didaci Fernandez de Leon 1691. in quarto. Extat tom. 32 Collectionis nostræ.*

*Concionem à se habitam in Dedicatione Templi à Sanguine Jesu-Christi, Antequeræ conditi. Angelopoli, apud Didacum Fernandez de Leon 1692. in quarto.*

*Concionem Antequeræ dictam in Festo Apostolorum Principis Divi Petri. Angelopoli, ex Typographia Joannis de Villareal 1695. in quarto. Legitur tom. 20. Collect. nostræ.*

*Conciones duas, alteram in susceptione habitus religiosi, alteram in professione Sanctimonialis ad Monasterium Antequerenſe à Conceptione. Mexici, typis Joannis Josephi de Guillena Carrascoſo 1697. in quarto. Extant t. 11. dictæ Coll.*

*Concionem à se habitam in Fe-*

*sto pro Congregationis FF. Bethlemitarum Hospitalitatis erectione. Mexici, formis D. Mariæ de Ribera 1697. in quarto.*

*Concionem triumphalis Servatoris nostri ingressus in Jerusalem. Mexici, litteris de Carrascoſo 1698. in quarto. Extat tom. 11. memoratæ Collect.*

*Concionem in solenni die Pentecostes Antequeræ dictam. Mexici, eisdem typis & anno, in quarto.*

*Concionem in Dedicatione Templi Augustiniani Antequeræ constructi. Mexici, apud mox dictam Typographiam 1699. in quarto.*

*Elogia Sacratissimæ Religionis Bethlemitarum in Natali Jesu-Christi Domini nostri. Mexici, è Domo Michaelis de Ribera 1708. in quarto. Legitur t. 11. dictæ Coll.*

*Necessitates Deiparentis in obitu Jesu Christi Domini nostri. Mexici, apud Carrascoſo 1715. in quarto. Extat t. 16. ejusdem Collect.*

*Heroicum motivum pro sublevandis animabus expiatorias penas subeuntibus. Mexici, apud H. V. Michaelis de Ribera 1718. in quarto. Legitur tom. 106. memoratæ Collect.*

*Panegyrim in honorem primæ Sacratissimæ Triados Personæ. Mexici, typis Joannis de Ortega & Bonilla 1721 in quarto. Legitur tom. 11. dictæ Collect.*

Theosophica, quæ è Cathedrâ tradidit, inviti præterimus Opuscula, quorum nos fugiunt nomina.

393 F. ANTONIUS SANCHEZ,



Natione Mexicanus, Angelopoli natus, Clarissimo Prædicatorum Ordini, nuncupatis in patrio Conventu votis, se adjunxit, inde Mexicum dimissus, Pontificium à Porta-Cœli Collegium, quod insigne est Sanjacobeæ Provinciæ doctorum hominum Seminarium, pro studijs gerendis adivit, quibus non sine successu incubuit & plausu. Vertebatur interea annus 40 proximè elapsi seculi, & Procuratoribus Dominicanæ SS. Rosarij Provinciæ apud Insulas Philippinas florentis, supplementum Religiosorum pro illâ sedulo agentibus, Antonius eorum albo nomen suum dedit, qui se navigationi accinxerant, commigrare que in Asiæ illam regionem ultrò decreverant. Eò appulsus anno 43. sacris initiandus, Pontificem aliquot annis opperiens (nec enim id temporis ullus erat in Insulis) interea loci idiomati Pangasinano imbibendo se dedit, tum etiam, illo altè imbutus, Tagalanum sic ingenio & labore promptum sibi fecit & familiare, ut etiam ejusdem peritiâ eminuere. Sacerdos factus, curandæ Pangasinanæ genti institutus Minister est, cujus ne se eruditioni subduceret, nuntium ultrò remissit splendido Lectoris Philosophiæ titulo, quo ipsum Rectores Familiæ à litteris commendatum ornaverant. Animarum zelo ductus & charitate. Iborrotes petivit (sic enim dicunt asperos & dissitos montes,

in quos jam inde ab anno 61. apostata se Indi multi receperant) & ita suam illis improbitatem & æternum discrimen objecit, tamque comiter & humaniter eos tractavit, multas ut secum familias revocaret, Ecclesiæ que restitutas, ab anno 69. excolendas suscepit coacto ex illis Populo ad S. Hyacinthi Pangasinanum non longè sedente, cui à SS. Deigenitricis Sponso nomen indidit, propter eximiam, qua erat in Divum, pietatem, inque gratissimi animi significationem, vitam illi in acceptis referentis.

394 Scilicet anno 1645 Nostro ad Manilæ Conventum degente, motâ vehementissime terra fuit, disjectoque, primâ fluctuatione, pariete, erat adeò in confinibus ruina, ut, ni statim & citissimè proripuisset se à cella, iconc SS. Josephi munitus, jacuisset obrutus & sepultus grandi turris portione, quæ illicò atque ipse discesserat, cubiculum penitus depresit ac deturbavit. Huic quo tenebatur adversus Josephum religioni, cœteram adjecit virtutem, humilitatem in primis, cui à teneris fuerat addictus, castitatem, paupertatem, & Dei amorem. Doctrinâ verò clarissimus divelli nunquam patiebatur à litteris, nisi ut orationi vacaret, aut alijs religiosi hominis exercitijs, & diligentissimi muneribus Parochi incumberet. Dilectus sub inde Deo, & ho-



## AN

hominibus charus, molesto ad extremum & diutino morbo patientissimè tolerato, sacris procuratus, è vivis excessit 7 Decembris anno 1674. ætatis 60. suo Fratribus desiderio relicto. Idiomate Pangasinano adornavit

*Versionem aliquot librorum.*

Et ejusdem Linguae pristino summâ diligentia addito, condidit

*Dictionarium Pangasinanum copiosissimum,*

Ut Author est qui ejus vitam scripsit P. F. Vincentius de Salazar Dominicanus, Rectorque Collegij à S. Thoma Manilensis, & ejusdem Cancellarius Universitatis, in tertia parte Historiæ Provinciæ SS. Rosarij Philippinarum, edita apud memoratum Collegium anno 1742. in folio. Antonij autem habentur acta pp. 54 & 55. lib. 1. cap. 11.

395 D. ANTONIUS DE SANTOYO, Natione Mexicanus, in Urbe ortus ab Angelis dicta, Parochiali titulo claruit apud Oppidum nuncupatum Papantla ejusdem Diœcesis, laudaturque ab Authore Allegationum pro Clero Angelopolitano excussarum tacitis loci & typographi nominibus magno volumine fol. 80. col. 2. ad calcem puncti 6 Allegationis secundæ, quod scripserit

*Cathechismum ad Parochianos idiomate Totonaco.*

*Confessionarium ad eosdem eademque Lingua.*

## AN

396 F. ANTONIUS DE SAZ, Natione Mexicanus, ortus apud Ciudad Real de Chiapa, unde Provinciæ nomen, suum ipse Franciscanorum à SS. JESU de Goatemala nuncupatæ dedit, in qua & Theologiæ laude enituit, & insigni Linguae gentis explicandæ scientiâ & docendæ. Hanc illi adfociatam etiamnum Sodales ob oculos habent in Libris, quos Mss apud Bibliothecam Primarij Cœnobij sui Goatemalensis servant, ut ab eisdem accepimus. Sunt autem illi

*Enchiridion, præter alia, Conciones 14 lectoribus offerens, pro Sacramentis dispositas ministrandis, septem ita ut præcedant adhortationes, & totidem administrationem sequantur.*

*Mariale, seu de Beatissimâ Deiparente sermonum tomus in quarto.*

*Sanctorale, seu Sermonum de Sanctis tomus alter in quarto.*

*Additiones ad usu frequentiore Linguae Goatemalensium Artem, quæ copia unâ & splendore acceptior est & gratior discipulis.*

397 F. ANTONIUS DE SCOTO, Mexicanus, ut minimum, incolatu (nam de Natione hæremus & Patria) Ordinis Minorum de Observantia in Provincia S. Evangelij alumnus, Lector Sacræ Theologiæ Emeritus Pro-Ministerq̃ ad Generalia Familiæ Seraphicæ Comitia destinatus, Notarius Apostolicus, & apud S. Inquisitionis Tribunal, à sanguinis claritate Ministri familiaris titulo cohonestatus, à doctrinâ



verò Cenfor proprietarius ascitus, utrâque Linguâ, quæ sequuntur reliquit edita. Hispanâ

*Sermonem à se habitum in publicatione Edicti generalis S. Officij in Urbe Tacuba. Mexici, apud V. Bernardi Calderon 1699. in quarto.*

Latinâ: *Scutum Confessionis contra nefarios Sacerdotes in Sacramento Confessionis pœnitentes ad turpia provocantes. Mexici, apud Michaellem de Ribera 1703. in octavo.*

*Panegyrim eucharisticam pro nuper nato Lodovico I Hispaniarum Principe. Mexici, ex Typographia V. Michaelis de Ribera 1709. in quarto.*

*Concionem de Christi Crucifixi trihorio in festo dolentissimæ Deiparentis. Mexici, typis H. V. Michaelis de Ribera 1715. in 4.*

398 F. ANTONIUS DE LA SERNA, Natione Hispanus, apud Cluniam Beturiæ natus, Parentibus Antonio de la Serna & Guzman, & D. Catharina de la Caballeria nobilibus utiq; & claris, Domicilio, Studijs, Professione quæ Mexicanus, apud Antequeram primariam Goaxacensium Urbem juvenis confedit, Ordinisque Prædicatorum habitum in Cœnobio ejusdem Civitatis assumpsit, ac solennem Professionē emisit die 10 Julij anno 1575. Latinitate satis instructum Philosophiæ addiscendæ tradidere Prælati, moxque Theologiæ, in quæis tam evasit idoneus, Cathedris ut regendis judicatus fuerit aptissimus, quamvis alia per-

gere jussus via, ei libens institerit, Superioribus obsecundans in Zaapotecanorum idiomate, ipsorum ut eruditioni vacaret, industriè excolendo. Ubi annos aliquos prædicans, sacraque Indis administrans transegit, anno 1590 virtutibus cœterisque dotibus suis Moderatores Familiæ invitantibus ut Novitiorum institutioni præficeretur, huic torus muneri incubuit, donec majoris operæ alia moliri pro Dei gloria cœpit Provinciæque suæ. Una quidem à S. Jacobo nuncupata Mexici jam diu florens, Cœnobijs etiam multis illis constabat, quæ apud Zaapotecanos & Goaxacenses condita fuerant; quod autem & eorum major esset numerus, quam ut facilè ab uno regi capite posset, & nimis, pro negotijs ocurrentibus, ab Urbe Mexicana distarent, ubi Provincialis sedet in primis, justisque alijs de causis, meditata pridem divisio à PP. Goaxacensibus, alteriusque institutio Provinciæ Conventus Nationis illius complexuræ, nostro demandata est, quam ut felici omine auspicaretur, Apostolicis Clementis VIII Summi Pontificis, ut in Hispaniam trajicere posset, Litteris usus, à Provinciæ Vicario licentiam obtinuit, seque & alæ plenæ navigationi dedit, & salutatis Iberiæ litoribus, itinera majorem partem pedes arripuit in Hispaniam Italiamque, primum Regis Ministros & Confessarium visu-



AN

visurus, propitiosque sibi facturus negotioque suo, mox Romæ sedenti admodum Reverendo Magistro Joanni Vincentio, qui vices Generalis Patris tenebat, adventus redditurus rationem sui, cujus ope & auxilio dextrum sibi faustumq̃ sydus pollicebatur.

399 Sanè, hominis eximia modestia, paupertas, &, quæ se prodebat in facie, magis autem in verbis & moribus, virtus, facile ipsum ita commendarunt Vincentio, ut comitem voluerit habueritque itineris, quod pro Familiæ Comitij apud Venetos proximè cogendis anno 1529. eo tempore instituit. Eò ubi accessere, Magister Generalis benignissimè Nostrium suscepit, miratusque ipsius Provinciæque suæ, cujus referebat specimen, gesta, quæ rogatus narrabat, & austeritatem, primævam Ordinis redolentem, temperare haud potuit à lachrymis. Nec minus gravissimis, qui ex multis Nationibus convenerant, Patribus se probavit, gaudentibus Indicas ab ipso historias accipere, eas verò in primis quæ Fidem Catholicam multâ adfociatam in vastissimis regionibus pietate ponebant ab oculos. Quòd autem attinebat ad dissecandæ Provinciæ negotiū, postquam datis sibi scripto verboque documentis multis Præses id noverat, pro ejus gravitate, in plenum mox futurum confesum Ordinis reservavit, ut maturius & enucleatius à sapientif-

AN

simis & prudentissimis viris expenderetur. Cessit tandem auspicator res illa Nostro, erectâ Goaxacensi Provinciâ à S. Hippolyto nuncupata.

400 Cæterum quamquàm maturâ & ad juris normam exactissimâ discussione facta fuerit divisio, magnas deinceps passa est difficultates, quas tamen prudentiâ laboreque incredibili Noster elusit. Siquidem dissolutis Venetiæ comitijs, Romam repetijt, ubi se Clementi VIII stitit, à quo gratijs & indultis dignatus, in Hispaniam regressus; anno 1595 vela dedit versus Americam unâ cum delecto pro novâ Provinciâ Priore, qui in primum designati statimque demortui locum successus fuerat, Magistro Alphonso Baylo quòdam etiam Americæ indigenâ, vigintique Religiosis ex Hispaniæ Provincijs in supplementum conquisitis & datis. Ubi Portum omnes Mexicanum tenuere, excensu facto, morati nihil quo minus in suam se Provinciam reciperent, jactari tempestate cæperunt, ut in magnis per sæpè negotijs & quæ multos concernunt homines, evenire frequenter solet. Noster id circo degere diu Antegræ non potuit, zelo amoreque Provinciæ suæ coactus iterum navigare, ut sævientes procellas compesceret, & optatam socijs malaciam, laboribus quidem decumanis suis, conciliaret. Nec porrò spe frustra-



stratus fuit, quòd eo in Europam tempore accesserit, quo translatis Valentiam Comitij Ordinis, quæ ob insperatam eluvionem celebrari non potuerant Hispali, pro qua Urbe famosissimâ indicta fuerant, Definitorum à Goaxacensibus demandati gentilium causam suorum agere opportunum ducebant, quæ ille supplicationes à Curia ferebat, adornabat quæ viam regressuris, ut nullis in difficillimo itinere offendiculis præpedirentur.

401 Compositis itaque rebus è voto sententiæque suæ, se denuo Goaxacæ restituit, quem non multo post, anno scilicet 1598 Sodales consentientibus suffragijs Provinciam sibi elegerunt, cum primum hoc ipsis jure uti licuit, absoluto scilicet quadriennio, pro quo Magister Vayllius Præsul datus fuerat à Generali. Magisterij in Theologia gradum pro tunc designato sibi capite ultro viri illi gravissimi postularunt, quo dein, anno 1600 ritè fuit auguratus. Antonius certè in amore & solitudine institutæ recens Provinciæ nulli secundus, secundo uti sydere ei ipse illuceret adhuc nascenti, nullâ non posuit curam, atque ut erat virtutibus, litteris, & prudentiâ conspicuus, Ordinationes, seu Acta, ut dicunt, capitularia accommodatissimas pro Regione constituit, in moresque induxit, earum juxta & Constitutionum invigilans observantiâ, quæ Fami-

liam nimis reformatam deceret, perennaretque in annos, ut etiamnum cernitur florens. Paupertatem à se suisque, etiam Parochias ministrantibus, rigidissimam exigebat, vestium asperitatem, modestiamque insignem pro virili fovebat, Dei cultum, etiam in parvis Ecclesijs, quæ officij recitatione divini coram Divinissimo, quæ decentiâ & ornatu in cunctis ad sacra pertinentibus, assiduè querebat. Non equitare suos, ni magna eos urgeret necessitas, non prætextu aut otio extra claustra vagari sinebat, aut quidquam à regulari moratissimæque disciplinæ exorbitans permittebat, omnibus se probitatis exemplar objiciens. Litteras ut excolerent juvenes, Lectores ingenio præditos & doctrinâ, cum in Philosophia, tum etiam in Theologia, & Scholastica & Morali, eis dedit egregios, gradibus, cæterisque Palæstræ honoribus non segnitè excitatos. Alios, ad id officij natos, pro tradendis Indorum linguis designavit Magistros, quorum industriæ tyronum in ea parte institutionem commisit, qui docere gentes sacra deinceps possent, & Sacramenta tradere. Nec enim antiquius aliud habuit quam ut neophitorum salutem provideret & incolumitati, quos paternè complexus, eleemosynis, omnibusque, ut potis erat, obsequijs prosequeretur.

402 Adhæc, ædificia in Cœno-



AN

nobis aut instauravit, aut nova induxit, magno nascentis incremento Provinciæ, diligentius longè spirituales ejusdem progressus accurans; ratus que in illis exordijs, austerioribus oportere legibus uti, vindicabat latas acerrimè, ne subinde tepiditas in agendis aliqua & laxiores usus irreperent. Ubi functus munere fuit, successorem pro futuro proximè quadriennio sibi procuravit strenuum, ipse annis licèt gravatus, confectus que curis, suffragatoribus obsecundans, cupientibus quidem tertio ipsum in Europam mittere Definitorum Procuratoremque, non tamè audentibus arduum id officium illi palam injungere, spontè oblati, brevè se itineri accinxit, atque anno 1603. navi in Portu Veræ Crucis conscensâ in Hispaniam se contulit, moxque in Italiam, paupertatis ubique cœteratumque virtutum odorem spargens, nec præter Deum alia intendens, quem, Provinciæ suæ quieti & bono prospiciens, sibi proposuerat laborum metam. Florentiæ ad Conventum Ordinis à Novela dictum, nominibus multis insignem, febris correptus, substitit, religiosissimis Patribus omni ipsum charitate & sollicitudine prosequentibus. Quod verò ingravesceret morbus, totius vitæ exomologesim apud Priorem instituit, multisque & eximie pietatis documentis ad alia

AN

pro morituris Sacramenta suscipienda animum comparavit, queis præmunitus, spiritum Deo redidit anno 1604 mense Martio; silentio verò diem præterimus, quem ab historiographo, cæterà diligentissimo, facile ob distantiam locorum tacitum observamus. Non ingratam certè à S. Hippolyto Provincia se exhibuit Antonio, cui & honorem Institutoris sui & suffragia decrevit præter alia quidem, solenniori ritu concepta, ubi certior de ejus obitu facta fuit, ea item quæ in Actis Capituli Provincialis de anno 1608 & 1609. § *Suffragia pro Defunctis*, ita leguntur: *Pro anima R. P. N. Magistri F. Antonij de la Serna hujus nostræ Provinciæ Institutoris, quilibet Conventus & Domus unam Missam*. Scripsit idiomate hispano

*Multas ad Catholicum Regem ejusque Consilium Indiarum Epistolas pro Indorum commodis & incolumitate,*

Ut Author est, qui ejus Acta diligenter tradidit M. Burgoa, ejusdem Provinciæ alumnus, in ejusdem Chronicis tom. 1. cui titulum dedit, *Palestra historica* cap. 30. fol. 81. qui longiorem Nostri vitam à cap. 22 ad 32. exclusive, optantibus lectoribus dabit.

403 P. ANTONIUS SILVA, Natione Mexicanus, Patria Queretarensis, Congregationis Oratorij S. Philippi Neri apud Vi-



llam S. Michaelis Magni in Diocesi Michoacanensium florentis, tyronum Præfectum in præsentia agit, & cæteris Instituti ministerijs incumbit. Jam diu Philosophiam auditoribus multis & domesticis & extraneis è suggestu tradidit in Collegio à S. Francisco Salesio nuncupato, quod Catholici Regis nostri licentiâ erectum & Aedibus junctum Congregationis, ab Oratorienfibus regitur, prima litterarum rudimenta, Grammaticam, Rhetoricam, Philosophiam, Theologiam Moralem Scholasticamque docentibus, institutosque & formatos litteris juvenes in Universitatem Mexicam trahentibus laureis donandos pro ut Regis cautum est privilegio, & Magistratus Academici consensione receptum. Noter Scripsit

*Cursum Philosophiæ Mexicearum more Scholarum, cujus exemplaria à discipulis plura circumferuntur Mss.*

404 P. ANTONIUS SIRIA, Natione Mexicanus, Patria Tlascalensis, Instituto Soc. JESU, in qua nuncupatis quatuor Deo votis effulsit, cum ab excultis optimè litteris insignis, tum etiam à religiosis moribus clarus fuit. Philosophiam postquam in publica palæstrâ discipulis multis tradiderat, Theologiam Goatemalæ professus est in Collegio Familiæ suæ, quod Primaria inter jure censetur Ordinis Athenæa. Nec verò ab scholasticâ tantum com-

mendandus eruditione, verum à Christianâ etiam oratotiâ, qua polluit, ut subinde Sodalitij, quod ab Anunciata Deiparente dicitur estque admodum clarum, Præfectus, per singulas heddomadades dixerit è sacro suggestu, suorum in spiritu filiorum progressibus, ut oportet, intentus. Edidit vernaculo sermone

*Admirabilem vitam insignesque virtutes V. Dei Ancilla D. Anna Guerra à Jesu. Goathemalæ, typis Baccalaurei Antonij, de Velasco 1716. in quarto. Vidimus Librum in Bibliotheca Domus Professæ Mexicanæ. Quamvis verò ejusdem Mss Authoris, de quibus nulli dubitamus, & Mexici quæsierimus, & ut Goatemalæ perquirerentur Amicos rogaverimus; illa tamen adhuc nos fugiunt, id scientes, scripsisse,*

*Summulas, Logicam, Physicam, Metaphysicam, Animasticam, cætera que integrum Philosophiæ Cursum ad Aristotelicum ritum componentia.*

Præterea, *Varias Theologicas Tractationes, & Sermones hispanos.*

405 D. ANTONIUS DE SO-SA, Natione Mexicanus, Patria Habanensis, apud perillustre S. Raymundi Nonnati Mexicanum Collegium Togatus, utrique sedulam juri dedit operam in Universitate Mexicanensi. Tum in ejusdem Urbis Auditorio Regio Patronus causarum destinatus, simili item munere conspicuus fuit in Goadalaxarenfi Conventu Juridico, mox etiam penes augustum His-



## AN

Hispaniole Senatū. Adhæc, Consultoris partes Apostolici Tribunalis S. Inquisitionis Carthagine Indiarum explevit, cujus etiam Commissarij tenuit honorem. Parochus Civitatis à Trinitate Cubæ cū esset, edidit idiomate hispano.

*Panegyrim in gratiarum actione D. O. M. ab eadem Urbe solenniter institutâ pro matrimonio junctis Hispaniæ & Lusitaniæ Principibus.* Mexici, litteris Josephi Bernardi de Hogal 1729. in quarto. Extat tom. 87 Collect. nost.

406 D. ANTONIUS TAMARIS DE CARMONA, quem, sumptâ à cognomine debilissimâ conjecturâ, Carmonensem Patria suspicatur D. Nicolaus Antonius in Bibliotheca Hispaniæ Nova tom. 1. pag. 128. an America, an alibi cunabula fuerit sortitus nos latet, scientes Mexicanum Domicilio, ut minimum, fuisse, Parochumque in Diœcesi Tlascalensi Oppidi de Teziuntlam, hominemque apud Angelopolitanos non flocci ductum, ut qui tot inter in frequentissimâ Urbe florentes litteris viros destinatus fuerit Scriptor haud inelegantis Opusculi, quod materno conscriptum idiomate, prælo commissum est hoc nomine:

*Enarratio Descriptioque Regij Angelopolitani apud Novam Hispaniam Templi, seu Cathedralis.* Angelopoli 1649. in quarto.

407 D. ANTONIUS TERAN DE LA TORRE, Mexicanus for-

## AN

san Natione (nam de hac, Patriâque nil compertum habemus) certè Domicilio, edidit numeris hispanicis, quos *Romance* dicimus vulgo,

*Faustum regredientis in Sanctuarium suum ab Urbe Mexico Imaginis Virginis Deiparentis à Remedijs nuncupatæ, iter solennissimâ frequens pompâ.* Mexici, ex Officina Viduæ Bernardi Calderon 1653. in quarto.

408 D. D. ANTONIUS DE TERREROS ET OCHOA, Natione juxtâ Mexicanus & Patria, genitoribus editus nobilissimis, Magisterij in Philosophia gradum, dein Doctoralem Jurisprudentiæ pileum in Universitate nostra, doctissimis suffragantibus Academicis, tenuit. Nec solùm theoreticis ad palæstram spectantibus exercitationibus clarus, practicas etiam, quæ Forum concernunt, causas magna sui existimatione tractavit, sive Patronum egerit, sive apud Triumviros Criminalibus negotijs præpositos Relatorem, sive demum Togatum Judicem; quamvis postremo huic incumbens muneri novercantem passus fuerit fortunam, invidorum, ut sit, calumnijs petitus. Plura inter, queis frui nobis indesiderio hætenus est, Scripta ejus ad juris provinciam attinentia, numeramus typis datam materno sermone

*Allegationem pro sui, conjugisque ad primigenia bona, Majoratum dicimus, jure.* Mexici, typis Francisc-



cisci de Ribera Calderón 1710. in folio. Habetur tom. 19 Collectionis Mendozianæ.

409 P. ANTONIUS TERRE-ROS ET OCHOA, Natione Mexicānus & Patria, memorati proximè Doctoris ex legitimo thoro filius, præcoci donatus ingenio, & Latinis ac Philosophicis ornamentis laureâque Academicâ in tenerâ effulsit ætate. Mox ubi per annos licuit, Societati JESU se dedit, in qua majoribus ita studiis incubuit moribusque probatus evasit, quatuor ut religari votis meruerit, gradumque subinde præcipuum in Familia meritò reportaverit. Grammaticam postquam tradiderat, & Rhetoricam in Collegio Maximo Mexicano professus fuerat, Moderator institutus Cathedræ Philosophiæ, huic triennio auditoribus expendendæ incubuit, & alijs subinde professionis suæ ministerijs. Ejus extat in Libro hujus argumenti annua Opuscula complectente apud Bibliothecam Collegij Maximi,

*Certamen poeticum pro Christi Jesu natali colendo, dato vatibus Symbolo Agni. Anno Domini 1738. Scripsit etiam*

*Cursum Philosophicum, cujus exemplaria multa sint apud discipulos ejus oportet.*

410 F. ANTONIUS DE TORRIZES ET CANO, Natione Mexicanus, Mexici editus est præclaris nobilitate stirpis Parentibus. Instituta S. Francisci in Pro-

vincia S. Evangelij professus à juventute, claros inter Magistros accenseri meritò debet. Exactis pro Philosophiâ & Theologiâ tradendâ quindecim, ut minimum, annis, Lector Emeritus, Studiis suorum & multis præfuit familiæ Cœnobijs. Visitatoris munere in Zacatecanorum Provinciam Ordinis sui dimissus, Comitibus ejus Præses adfuit, cæteraque officij exactè peregit: quo etiam titulo apud Provinciam Guadalaxarensensem seu de Xalisco, pro qua lustrada destinatus fuerat ab admodum R. P. Commissario Generali novæ Hispaniæ, ritè perfunctus est. Terræ S. Commissarius & ipse, ut dicitur, institutus, pientissimo muneri strenuam ex animo operam posuit, qua oblatas à Fidelibus eleemosynas pro sacrorum Palestinæ locorum cultu, in Assertoris nostri Jesu gloriam & custodiri & collocari opportunè curavit. A Quæstoribus Fidei Censoribus Theologis fuit adscriptus. Doctrinæ, qua pollebat, egregiè, mores religioso dignos viro sociavit, his ad senectam usque intentus, quæ Sodalium etiam eruditioni in familiari consuetudine profutura erant, & pietati omnique virtute fovendæ, cum in se, tum in extraneis quoque, quibus aderat in salutis negotio ducendis. Captus luminibus alijsque egritudinis vexatus molestijs, quæ patienti animo devorabat, ad extremum



AN

num sacris procuratus excessit die 5 Aprilis anno 1749. Scripsit

*Philosophiæ Cursum ad mentem subtilissimi Doctoris Scoti.*

*Tractatus ad Scholasticam spectantes Theologiam*, quorum titulos reticemus, quod legere Codices non licuerit, nec aliunde venari. Extrabunt apud Sodales Mss. Ut & multæ, quas habuit, Conciones, è quibus quas scimus aliquot implendis tomis sufficiunt.

411 M. FR. ANTONIUS DE TORRES, Natione Mexicanus, apud Goaxacenses ortus in Provincia dicta Misteca alta, Oppido autem Teposcolula, Ordinis Prædicatorum Instituta percipiens, ejusdem habitu in magno Antequerensi Conventu donatus, solennem emisit Professionem 6. Januarij 1679. Emenfis studiorum curriculis, eos in Philosophiâ & Theologiâ retulit fructus, quibus dignum se præstitit, ut procedente tempore, & Sacerdos effectus, doctos inter Sodales scholastico facto concursu pro Artium regendâ Cathedrâ, huic victor ipse fuerit præfectus. Ubi cursum auspiciatò peregerat Philosophiæ, sacre doctrinæ tradendæ applicitus, Magisterij tandem lauream suo pte jure promeruit & tenuit. Ecclesiastico natus suggestui, quod eruditione multa & voce ad dicendum sonora, plena, insimulque suavi præditus esset, cui pronunciationem sociabat optimam, opportunamque gra-

AN

vitatem; Ecclesiastem egit insignem & concionibus spectabilem. A Provinciâ suâ Procurator Generalis in Hispaniæ Curiam dimissus, & pro Romana Deffinitor itidem institutus, æquorise commissit anno 1707 tandiuque constitit Mantuæ Carpentanorum expediendis traditis sibi rebus, quo usque Bononiam quærere opus ei fuit anno Jubilei 1725 indictis ibidem Ordinis Comitijis pro sufficiendo Generali Magistro, nuper Romanâ Purpurâ convestito spectatissimo viro P. Augustino Pipia. Provinciæ suæ nomine interfuit amplissimo Confessui cum jure suffragij, electumque undique insignem virum P. Thomam Ripoll sequutus est Romam, unde missis ad Goaxacenses suos, Reliquijs sacris alijsque religiosissimeljs, egregium quod Antequeræ in Primario Dominicanorum Cœnobio nitet Sacellum Virginis Matris sub titulo Rosarij Deo nuncupatum, ornatius longe reddidit atque pulchrius. Ut verò quod augusta famosissimum est structura, picturis, multisque ornamentis perrarum, venustate quoque Virginei Simulacri emineret, curis suis in Urbe Magistri Generalis adjici umbram & favorem fategit, ut operâ egregij nominis apud Italos sculptoris Imago Deiparentis tam pulchra ad stuporemque elaborata prodiret, quam quæ maxime; atque ea in præsentiarum Goaxac-

Cccc

cen-



censes potiuntur. Levatus, quæ ipsum Romæ vexaverat, egritudine, Matritum se restituit auctum honoribus, quos, postulante Provinciâ suâ, Generalis Magister in eum contulerat, Patris scilicet, perinde quasi Provincialis munere functus fuisset. Porro, majores, quibus dignum se præstiterat, titulos mors intercepit, quæ ipsum occupavit Matriti anno 1728. Ex his, quas publici juris fecit Orationibus sacris hispano sermone, duas à novis visas subnectimus. Alteram

*De SS. Parentibus Francisco & Dominico charitate sociatis, seu duobus Ecclesiæ labijs.* Angelopoli, apud Didacum Fernandez de Leon 1695. in quarto. Alteram

*De Gloriosissimo Ecclesiæ Doctore Angeloque Scholarum Divo Thoma Aquinate, Inclytæ Societati JESU nuncupatam,* quod nullum non elogium, è multis quæ Oratio ipsa complectitur, à Doctoribus Jesuitis S. Thomam deprædicantibus firmatum habeatur, qui sanè Primaria Familiæ suæ lumina Eximium Suarez, Molinam, Valentiam, Vasquez aliaque imitari magna nomina, vel illustribus Angelici Summam cōmetarijs adornarunt egregiè, vel ejusdem acta immortalibus extulere præconijs. Angelopoli, Formis Joannis de Villareal 1695. in quarto. Extat t. 105. Coll. nostræ.

His annectenda veniunt inedita, scilicet, quem au-

ditoribus suis è Cathedra dictavit.

*Philosophiæ Cursum ad S. Thomæ mentem elaboratum: Itemque Theologicos varios Tractatus,* quorum ideo titulos reticemus, quod ipsorum ad nos indicem omiserint, qui gesta Viri aliorumque humanissimè nobiscum communicarunt.

412 F. ANTONIUS A TRINITATE, Natione, nisi fallimur, Mexicanus, forteque Patria, Ordinis S. Francisci in Provinciâ S. Evangelij Mexicana alumnus nequaquam obscurus, Concionator fuit cum primis insignis, cujus subinde elogia minimè vulgaris Censuræ suæ vir emunctæ naris, oratoriæque facultatis nemini sua ætate in America nostra secundus, D. Petrus de Avedaño lubens inseruit. Noster ingenij sui & eruditionis monumenta reliquit edita idiomate hispano sequentia.

*Concionem de Seraphico Parente Francisco.* Mexici, typis D. Mariæ de Benavides 1687. in quarto. Habetur tom. 74. collectarum à nobis.

*Concionem habitam in Dedicatione Templi S. Michaelis de Chapultepec.* Mexici, ex Typographia Viduæ Bernardi Calderon 1688. in quarto. Extat inter collectas à Canonico Guadalupense Doctore Sopena.

*Concionem de Immaculata Dei parentis Virginis Conceptione ad Mexicanos Doctores dicta.* Mexici, formis



AN

mis D. Mariæ de Benavides 1691. in quarto. Habetur t. 75. Collectionis nostræ.

Hujus, quam postremò retulimus, Orationis meminit F. Joannes à S. Antonio in Bibliothecâ Franciscanâ tom. 1. pag. 133. dubius hærens an ipsa Antonij à Trinitate Lusitanæ Provinciæ S. Thomæ apud Orientis Indos fœtus sit, an alterius eodem nomine donati & cognomine. Duos tamen Authores hos fuisse tam inter se diffitos quantum Ortus ab Occidente distat, in ancipiti deinceps non erit, quòd & semiseculo fere Lusitani Panegyris, quam ibidem recenset Joannes à S. Antonio, Mexicani concionem præcesserit; & Nostrium alteras nunquam Indias aspexisse compertum habeamus.

413 D. ANTONIUS DE TOVAR MOCTEZUMA, Natione Mexicanus, an Patria etiam nescimus, Præbyter Secularis, Cathedram pro Mexicanâ Linguâ docendâ in Universitate nostrâ tenuit anno 1662. periculo facto cum strenuis ejusdem Idiomatis professoribus, tradiditque è suggestu

*Grammaticam Mexicanam.*

Ejus memor est Plaza in Chron. Academicis lib. 5. cap. 3. n. 52.

414 M. F. ANTONIUS VALDES, Natione, ut credimus, Mexicanus, Goatemalensis Patria, Regij & Militaris Ordinis Beatissimæ Virginis Mercedensis in Provincia quæ Goathemalæ jam

AN

pridem floret multa cum laude; Magisterij decoratus infulâ, superiori proximè vixit seculo, circum annum vicesimum octavum ejusdem, scripsit

*Tractatum de Divina Trinitate:*

*Tractatum de Electione:*

Quos in Bibliothecâ Primarij ejusdem Familiæ Cœnobij asseruari testes sunt qui regionis illius monumenta litteraria epistolis nobis exposuere Amici veritate juxtâ & eruditione præclari.

415 F. ANTONIUS DE VALDIVIA, Natione Mexicanus, Angelopoli ortus, Urbe Clarissima, Observantibus Franciscanis Provinciæ S. Evangelij religiosus se junxit votis, apprimèque litteris institutus, primas in dicendo partes quandoque tenuit in patrio Conventu præcipuo, cujus extat facundiæ partus sacræ,

*Concio in Publicatione Bullæ S. Cruciatæ Angelopoli dicta*, ibidem que impressa typis Didaci Fernandez de Leon 1692. in quarto. Extat tom. 100. Coll. nost.

Meminit ejus, errato, ut facile in his collectionibus accidit, nomine, interque Bernardos adscripto P. Joannes à S. Antonio in Bibliothecâ Franciscanâ tom. 1. pag. 220.

416 D. ANTONIUS VALERIANUS, Natione Mexicanus, incunabula sortitus est apud Azcapuzalcum, Urbem quondam omnium nostræ Americæ celeberrimam, tandiuque Primam, quandiu vagientes, qui nuper Me-



Mexicum innatantem amplissimo lacu condiderant hospites, Nava-  
tlacas dicimus, ab Aquilone ante  
80 annos egressi, adolescere cœ-  
perunt, roboreque tanto & viri-  
bus superbire, ut circum vallan-  
tes Mexicanam Paludem Reges,  
multo singulos milite, commea-  
tu, & opibus potentissimos, re-  
petito bello confregerint subju-  
gaverintque, atque ab hoc etiam  
tributa obsequiaque plurima ha-  
buerint Azcapuzalcano Monar-  
cha, cui non ita pridem similia  
ipsi penderant. Parentibus Noster  
usus est Indis Imperatorum Me-  
xicanensium sanguine rubescen-  
tibus, qui subinde stirpe, avitis  
que imaginibus nulli concesser-  
int, uti suis inseruere Libris no-  
strates, potissimum Bezerra Tan-  
co & Adame locis inferius ad-  
ducendis à nobis. Eo natus est  
tempore, quo primùm res non  
modò Christiana, sed verò etiam  
politica & litteraria altius radices  
agere Mexici incœperat, silenti-  
bus videlicet Martis littuis &  
Bellonæ fragoribus, queis Mi-  
nervæ & Mercurij citharæ suavis-  
simique cantus successerant.

417 Insonuere primùm in ea  
Urbis parte, quæ Tlatelolcò au-  
dit, erecto ibi Collegio, quod à  
S. Cruce nomen habuit illustre,  
in quo sub egregijs è Franciscanorum Ordine Magistris, nec eru-  
ditione minus quàm probitate  
claris, litteris instituti sunt Indi  
plures, cùm in Latinitate &  
Rhetoricâ Musicâque, tum etiam

in Philosophiâ. Hujusce Musæi  
Author habetur amplissimus vir,  
Americæ bono natus, cujus ex-  
tant immortalis monumenta no-  
minis plurima, Mexicanus Pro-  
Rex D. Antonius de Mendoza,  
qui proprijs illud sumptibus con-  
didit, cujusque in officio succes-  
sor, multis & ipse de Patria be-  
nemeritus nostrâ, D. Ludovicus  
de Velasco, hujus nominis pri-  
mus, rusticis prædijs quæ Colle-  
gio Fundator attribuerat pro do-  
te, ducentos annuatim persol-  
vendos aureos adjecit Caroli V.  
jussu Cæsaris, reditusque alios  
ad tempus, de quibus Vascus à  
Puga in Schedulario suo fol. 187,  
ut meritò Imperiale audierit  
Athenæum illud, quod Impera-  
toris aurâ blandiente, cùm No-  
bilium Indorum & Toparcharum  
institutioni, tum etiam Imperia-  
li insignium semine, faustis de-  
stinatum avibus fuerat.

418 Hos inter Valerianus  
noster, secundus nulli, decoratus  
trabeâ, ornamento & Nationi &  
Collegio & Americæ fuit haud  
quaquam vulgari. Tria ita ca-  
lluit idiomata, Mexicanum, His-  
panum, Latinum, multas ut in-  
de laudes à gravissimis Viris re-  
tulerit. Nam, quòd ad maternum  
spectat, discipulum nactus est  
Magistrum doctissimum F. Joan-  
nem de Torquemada, uti is ipse  
fatetur, gloriæ ducens, Valeria-  
no nostro quidquid facundiæ &  
eruditionis habuit Mexicæ (ha-  
buit verò prægrandes ea in par-  
te



re gazas Cræsus certè noster & Midas) in acceptis referre, à quo nimirum & loquendi scribendi que Mexicanè peritiam hauserit, & quæ negotium facefferat, OEdipumque requirebat, Scientiam Annalium Monumentorumque gentis cæterorum, quæ characteribus inscripta & imaginibus multo prisca ingenio facta referentibus, egregio ipsi fuere usus pro Indicâ suâ Monarchiâ condendâ. Profecisse item se multum à Nostro, grata animi significatione testatur Fr. Joannes Baptista Mexicanus, Magister & ipse Clarissimi P. Torquemada in Philosophiâ Theologiâque, gestis unâ ac libris editis cum primis eximius, Valerianum in arduis consulens, & potissimum in ethimologia nominum significationeque ad Sacra facientium, ut de his Mexicano sermone multa conscriberet perutilia, quæ hodieque à Parochis cæterisque Ministris in pretio habentur.

419 Hispano autem sermone clarum etiam fuisse Nostrium monitos voluit posteros Bezerra Tanco (qui multis erat dives Linguis Occidentis nostri Orientisque, & veterum Historijs Mexicanorum, si quis ullus, scientissimus) Latini porro gloriâ sermonis tantâ Valerianus inelavit, quantam Historiographi ejus extollunt, non veriti latinioribus ipsum & elegantioribus comparare, extempore etiam loquentem, & in ultimâ senectute, quod

Dddd

jure miratus Fr. Joannes Baptista in Proœmio mox indicandi libri præmonuit. Rhetorices peritissimus quoque collatitiâ suffragatione ab his qui ejus indicarunt acta, appellatur; nec minoris faciendum in Logicis & Philosophicis controversijs ijdem compertum habent. Sanè, eximios ejus in litteris progressus conjectare fas est, quod à Collegij moderatoribus, sodalium constitutus fuerit Magister, quorum Latinitate & Rhetoricâ imbuendorum curam suscepit, egregijs, à quibus ipse fuerat doctus, Magistris in Cathedra suffectus. Adhæc, prudentiâ cæterisque ad negotia peragendum conspicuus dotibus, multi à Pro-Regibus, Principibus viris, & gravissimis omnibus factus, ipsum quoque Catholicum Regem æstimatorem meruit, cujus dignatus Epistolâ fuit honoris adversus ipsum plenâ.

420 Cum autem, jam inde ab Hispanici in America Imperij exordio prudentissimè cautum fuerit, ut præter supremos Magistratus & Judices dicendo Hispanis destinatos & Indis juri, pro ijs postremis Ordinarij gentilesque eligerentur Prætores, Mexici quidem duo, quorum alter ei Urbis parti, quæ Tenuchtitlan dicitur, ei alter provideret, quæ Tlatelolco audit; Noster primæ quam nominavimus præfectus regioni totos 35 annos, seu, quod alij scribunt, 40 invigila-

vit,



vit, æqui justique tenax, à Christianis moribus & regendi commendatus strenuitate. Demum anno 1605 Mense Augusti, ipsi in extremis assistente suo quondam Discipulo Patreque dilectissimo Torquemada, è vivis excessit, elatusque fuit, multâ Hispanorum & Indorum frequentia, in Parochiam antiquitate celebrem à S. Josepho nuncupatam, intra primarij sæpta Franciscanorum Monasterij locatam, funus mœstissimè prosequentibus Collegij à S. Cruce Imperialis alumni, suis quondam Sodalibus, Religiosisque Patribus succolantibus, atque cœteris ejusdem Familiæ comitantibus, ut inclyto suprema tanti viri, ab ipsis educati institutique litteris & virtutibus, clauderentur honore. Morti proximus Torquemadæ suo amicitie veteris pignora, quæ utrique cordi erant, Mss à se olim elucubrata, dono dedit, Latino altera sermone, altera Mexicano, ex his quæ verterat auspiciatò. Hæc inter ( alijs obvolutis silentio ) ipse Torquemada multis effert laudibus

*Catonem Mexicanè redditum:*

Quem typis committendum pollicetur lib. 5. cap. 43; an verò promissis steterit, vel morte aliove casu exsolvere ea potis haud fuerit, ignoramus, nec aliquando librum hunc vidimus.

Betancurtius Author est ipsum Torquemadam sequutus, Valerianum,

*Multas varij argumenti fecisse Versiones Mexicanas,*

Quas enucleatius panderent ipsi, nobis est in optatis.

Fr. Joannes Baptista memorat P. res.

*Epistolas latino sermone conscriptas.*

Unam verò, è pluribus ad se missis, quòd postrema senis optimi fuerit, in specimen affert, quam & nos libenter transscriptam Lectoribus nostris non invidemus. Ita porro habet.

*Hic litterarum gerulus ad vestram Paternitatem portat, id quod mihi traducendum iussisti. Nescio profectò an in traductione ejus sim felix. Multa quippe in eo sunt pręnantia; ut nesciam in quem sensum meliorem verti debeant. Si quid est erratum parcas obsecro: & tuam gravem censuram adhibeas: & his litteris tam malè formatis simul & ignoscas: illitura enim videntur potius quam littera. Nec mirum vestrę Paternitati videatur: manus namque jam vacillant: oculi caligant, & aures occlusę. Iterum atque iterum parcas. Deus Optimus Maximus longevam tuę Paternitati vitam concedat. De Mexico. Tui amantiſſimus, & si indignus. Antonius Valerianus. Hęc ille.*

Auream plenè coronidem Scriptis Valeriani Nostri imponamus, vindicantes ipsi editam Mexici anno 1649. idiomate Mexicano

*Narrationem de picta per miraculum Virginis Deiparentis Imagine Guadalupia Mixicea, ante duo secula*



AN

cula coram V. D. D. Fr. Joanne Zumarraga, Episcopo Mexicano, è floribus hyberno collectis tempore in arido colle Tepeyacac vulgo à gentilibus nuncupato.

Vindicamus autem aureum Valeriano nostro Opusculum istud, vestigia legentes Critici Historiographi eruditissimi nostri D. Caroli de Siguenza, in Opere suo, *Heroica D. Ferdinandi Cortezij pietas*, inscripto, in cuius c. 10. n. 114. juratus testatur, ab se inventam Relationem istam inter Mss D. Ferdinandi de Alva, Indi nobilissimi insimul ac eruditissimi: Authographumque Mexicano scriptum idiomate esse proprio ( noverat enim Carolus antiquissima gentis & minutissima ) D. Antonij Valeriani caractere, quem ejusdem Authorem Scripti pleno ore pronunciat, additis non nullis à Deigenitrice patris miraculis, operâ & litteris memorati mox Ferdinandi. Siguenzam hac in parte sequutus est D. Caietanus de Cabrera in erudito tomo suo in folio, *Stemma Mexicum*, seu de Mexicana Guadalupe Deiparentis Imagine pag. 334. n. 663. quamquam in hoc reffragatus Carolo eidem sit, quod Valerianum Versionis Authorem Mexicane in confesso habeat, existimet tamen Narrationem ipsam hispano primum scriptam sermone ab Authore hispano, de quo multa numeris sequentibus explicat. Nos hæc in medio relin-

AN

quimus, institutoque nostro insistentes, addimus, hoc item opus Valeriano vindicasse D. Laurentium Boturini in Catalogo Musæi historici Indici § 35 n. 5. falsum se à Caroli de Siguenza Fragmentis Historicis mentem hanc imbibisse. Nec fanè vanus in hoc augur est visus Boturini, quod suspicetur Enarrationem hancce eam ipsam esse, quam Baccalaureus Ludovicus Lasso de la Vega Sanctuarij Vicarius Guadalupensis publici Juris fecit, tacito tamen Antonij nostri nomine. Rarissimam inventu Codicem possidemus unà cum alijs compaginatum tom. 101 Collect. nostræ.

Porro non abs re judicamus indiculum contexere Authorem qui cum laude Valeriani nostri memorias posteris tradidere. Sunt illi quidem, Torquemada in *Monarchia Indica* tom. 1 lib. 5. cap. 10. pag. 607. Editionis Madritanæ 1723. & tom. 3. lib. 15 cap. 43. pag. 114 & 115. F. Joannes Baptista in Proœmio ad primam partem Sermonum Mexicano idiomate conscriptorum, Editionis Mexicæ anni 1606 in quo Proœmio Indorum eruditione florentium syllabum texit qui sibi pro immortalibus elucubrando Opere adjumento fuerant, è quibus Noster nulli secundus. Ludovicus de Bezerra Tanco in *Miraculosa Guadalupensis Sanctuarij Origine* fol. 14 col. 2. Editionis Mexicæ de



1666. Et fol. 17 col. 1. Editionis item Mexicæ de 1675. Madritanæ autem Splendissimæ de 1745. pag. 95 & 60. Betancurcius in Theatro Mexicano tom. 4. in de Illustribus Viris Appendice post Menologium pag. 141. Sigüenza memorato nuper Opere & loco. Adame & Arriaga in Imperiali Mexicana Universitate illustrata pag. 546 n. 2157. Cabrera & Boturini indicatis mox sedibus. Epitome Bibliothecæ Occidentalis Antonij de Leon Pinelo, novissimæ & additæ Editionis Matritensis de 1738 tom. 2. col. 729.

421 P. ANTONIUS DE VALTIERRA, Natione Mexicanus, apud Chiapenses ortus è præclara familia (cui Societas JESU acceptum refert Collegium Chiapense) litteris ipse illustris & moribus, germanos sortitus est Fratres minimè absimiles Ferdinandum & Emmanuelem, eidem cum ipso Societati JESU nuncupati militiæ, quatuorque terni ipsi votorum Professione conspicui. Noster (nam alios ad suas reservamus sedes) ingenio peræquè insignis & eruditione, sive amœniores litteras spectemus, sive de gravioribus disciplinis loquamur, Philosophiâ scilicet, & qua porrigitur latè, Theologiâ; pro eis in publicis Gymnasijs tradendis Præceptor institutus est, Grammaticæ primum & Rhetoricæ, mox Philosophiæ etiam atque Theologiæ. Oratoriæ sacræ, cæ-

terisque Apostolici muneribus Instituti multis annis incubuit, à magnis & sapientibus viris multo habitus, deque arduis ad mores & jura attinentibus sæpe consultus. Edidit à se dictam materno sermone

*Panegyrim eucharisticam pro relictis à Catholico Rege nostro Philippo V Triumphis.* Mexici, apud Viduam Michaelis de Ribera, 2707. in quarto. Extat tom. 98 Collect. nostræ.

E Mss. vidimus ad SS. AA. Petri & Pauli Maximum in Libris huic destinatis instituto, habitum à se anno 1695

*Certamen Poeticum ad Pueri 7 ESU natalem festivè pangendum, Diei metaphorâ orientis in scopum assumptâ.*

*Cursum Philosophiæ,*

Quem è suggestu aperuit Discipulis, horum in scrinijs fuisse non dubitamus, quamvis hætenus nos effugerit, non secus ac Tractatus Theologici, quibus pro inde indicandis nomina nos destituunt. Quòdque sciamus Conciones, Consulta, aliæque Opuscula composita ab ipso, quæ autem sint illa & ubi ignoremus; illa tantum insinuassee sufficiat.

422 D. ANTONIUS VAZQUEZ SALGADO, Natione Mexicanus, propè Antequeram apud Goaxacenses clara natus stirpe, à prima ætate studiorum honestissimis deditus exercitationibus, progressus fecit in Latinitate, Poc-



AN

AN

Poetica & Rhetorica minimè pœnitendos, flores, etiam in provectâ maturâque etate, pulcherrimos editurus, quos jure fructus dixeris honoris item & honestatis. Hanc porrò amplexatus à teneris, virtutum prosequutus officijs, dignus inventus est, qui studiolsæ juventuti tandem aliquando regendæ præficeretur & instituendæ. Nam quòd amœnioribus ne dum litteris optimè excultus fuerit, sed Philosophiâ itidem & Theologiam haud perfunctorio labore coluerit, & Mexici Academicas in Universitate nostra laureas demersit, & Antequeræ Palæstritam agit etiamnum. Postquam enim à Clarissimo Ecclesiæ Goaxacensis Capitulo, sacris theoriâ praxique Ceremonijs edocendis institutus fuerat Magister, ut qui Ecclesiasticorum scientiâ Rituum eximiè polleat, & quæ sunt illa plurima & minutissima, plurisque pro Divinorum obsequio & decore facienda, calleat curetque religiosè, Illm. à S. Bartholomæo nuncupati Collegij Rectoris obire munus jussus est, cui invigilat hætenus. Historiam Ecclesiasticam, antiquos Ecclesiæ Patres, priscam Disciplinam in delicijs habet, in quibus egregiè versatus, sacrâ item usus & sobriâ Criticâ, huc etiam collimantia lucubravat Opuscula. In primis autem, Libris Doctoris Angelici evolvendis & enucleandis indefessus incubuit supra 40 an-

Eeee

nos, abundantem & auréâ Theologicâ & omnigenâ eruditionis messem inde sibi colligens, multisque communicans. Adhæc, Synodalis Examinator ab Diœcesis Præsule constitutus, strenuam huic pariter oneri navat operam, Conciones interea, aliaque Dei honorem attinentia Proximorumque salutem, ut Præsbyterum decet egregiè moratum, non prætermittens; subinde non apud gentiles tantum suos cum primis æstimatus, sed Mexici etiam à gravissimis viris cultus magnique habitus. Edidit latino sermone, heroicis descriptam carminibus mille septingentis

*Vitam S. Thomæ Aquinatis Doctoris Angelici Ordinis Prædicatorum Illm. ac Rm. D. M. D. F. Angelo Maldonado Goaxacensi Episcopo nuncupatam.* Mexici, ex Typographia Plantiniana Joannis Francisci de Ortega & Bonilla 1722. in quarto.

Hispano autè idiomate publicavit Librum in 8. historicâ locupletem eruditione insimul ac pietate, cui nomen dedit:

*Chronologica & historica meditatio sacra de Inclytâ Imperiali & Regia Austria stirpe à Deo in Catholica defensionem Ecclesiæ adversus Othomanam familiam data.* Angelopoli, apud Viduam Michaelis de Ortega 1728. in octavo.

Adhæc Mss servantur in Bibliotheca memorati supra Collegij S. Bartholomei tomi duo in quarto, alter Latinis Opusculis

con-



constans, alter Hispanis. Opuscula porro Romano sermone in primo descripta tomo sunt tria, quæ ad Scholasticam juxta & Criticam lancem trahuntur quæsitæ sequentia. Primum: *Utrum de facto hæc sit bona illatio: Beatissima Maria est gratia plena: Ergo immunis à peccato originali?* Secundum ab Authoribus penè omisum: *Utrum Sacerdos indignè celebrans sacrosanctum Missæ Sacrificium, præter sacrilegium duplex, committat speciale peccatum contra Sacri Concilij Tridentini præceptum præmittendæ confessionis?* Tertium pro dignitate & enucleatius quam à Doctorebus agitari solet, *Utrum Subdiaconus & Diaconus indignè solenniter ministrantes peccent mortaliter?*

Hispana autem Opuscula ad t. 2. spectantia, sunt item tria. 1. *Elogia Angelici Doctoris brevia & acumine plena complectitur.* 2. hoc titulo insignitur: *Apologia pro libris S. Dionysij Areopagitæ nomine hodie notis, ipsi, ceu legitimo Authori criticè vindicatis adversus admodum R. P. M. F. Hyacinthum Amat de Gravefœn sacri Præd. Ord. Doctorem Parisinum, ad Casanatensem Romæ Collegium Professore eruditissimum.* 3. hoc nomine: *Apologia amandandi ergo inter abusus illorum morem, qui, Sacerdote ad aras faciente, sacræque Hostiæ Cruce signationes desuper Calicem efformante, tintinabula pulsan.*

Nec præterunda duximus Mss alia, quæ penes nos extant tomo Collectionis nostræ in quar-

to, ordine 46. Romano sermone

*Ad divinam & plenè cælestem Deigenitricem Mariam adprecario.* Hoc est, *Elogia numine juxta & amore adversus Deiparentem Virginem exundantia.*

*Panegyrica Oratio in D. Bartholomæi laudem ab Authoris discipulo pridie festi ejusdem in Collegio suo anno 1741 recitata.*

*Panegyrica altera Oratio ejusdem argumenti anno 1747 ibidem ab studioso juvene dicta.*

423 F. ANTONIUS VERO, Natione Mexicanus, forsanique Patria, Professione Franciscanus, Provinciæ S. Evangelij alumnus Concionatorq non obscurus, Recollectis ejusdem Familiæ adscribi statim à tyrocinio voluit, austerioris & secretioris cupidus vitæ, quæ virtutes excolens simul ac litteras religiosè traduxit. Pietate adversus Dei Matrem cum esset insigni, juvandorumque zelo Proximorum arderet, his ut prodesset, inserviretque Immaculatæ Virgini Deiparenti, collectos è libris V M. Mariæ à Jesu de Agreda flores pulcherrimos edidit materno sermone & hocce titulo:

*Hilaris Aurora felicitatis diei gratia Deiparentis Mariæ: Epitome Librorum Mysticæ Civitatis Dei: Mensis vitæ. Mexici, ex Calcographia Josephi Bernardi de Hogal 1727. Et iterum eisdem typis 1730. tom. 2. in octavo. tom. 1. pp. constat 488. tom. 2. à 489.*



489 exorsus ad usque 769. pp. procedit.

In his Lector habet libellis ad compendium redactos Agredianos tres nobilissimos. Quod autem Opus ea dispositum methodo sit, ut Lectiones pro singulis mensis diebus pias offerat, id circo Mensis vitæ inscriptus est etiam. Ad calcem habentur opportunè in Opus remissiones pro Lectionibus diebus aptandis Christi Domini & Purissimæ ejusdem Matris singulari cultu & religione præclaris; ac demum post numeratas pp. Exercitia adjiciuntur in solennioribus festis agenda.

Authoris meminit Bibliotheca Franciscana tom. 1. p. 134.

424 P. ANTONIUS VIDAL DE FIGUEROA, Natione Mexicanus & Patria, genus duxit è Familia præclara, cognatosq̃ fortitus virtute juxta litterisque insignes D. Josephum de Vidal Ecclesiæ Mexicanæ Scholasticum, & Academicum Cancellarium, & P. Josephum de Vidal, Societatis JESU Theologum spectabilem; piè non minus quam liberaliter efformatus ab ipsis, Magistros in Philosophiâ & Theologiâ audivit egregios donec utriusque laureas facultatis demessuit. Sacris iniriatus, & propriæ cupidus perfectionis, tum etiam salutis Proximorum, Congregationi Oratorij se adjunxit, in qua, & instituta cætera, & confessiones excipiendi, ac verbum Dei familiaribus nuntiandi con-

cionibus munera obivit. Suburbia, quadragesimæ tempore, Sodalibus comitatus petebat, Christianæ rudimenta doctrine monitaque daturus Apostolica pauperibus illis, egrè qui adire Civitatem pro his possent, & quam ab Jesuita agnato suo, Missionibus, ut dicimus, peragendis insigni, prædicandi acceperat methodum, non absque audientium fructu plurimum tenebat. Erga Deiparentem in Passione Filij dolentissimam plurima ferebatur pietate, qua itidem, præter Cœlites alios, ardebat in Parentem S. Philippum Nerium, & in B. Philippum à Jesu, Mexicanum Martyrio illustrem, cujus ut acta paucis digereret, cultumque inter gentiles suos præsertim augeret, Novendiale Libellum edidit in 8 anno 1712. Scripsit, non tamen publicavit, quam non semel ante 40 annos vidimus, hispano sermone

*Vitam V. P. Doctoris Joannis de la Pedroza, Congregationis Oratorij Mexicanæ Presbyteri.* Mss in quarto.

Quo autem in præsentì sit scrinio nos latet, postquam ad plures abiit D. D. Michael de Zetina, Primariæ Mexicæ Parochiæ Præfectus, qui hunc cum alijs nostri schedis, multisque avunculorum Mss mortis causâ Antonij susceperat.

425 D. ANTONIUS DE VILLASEÑOR ET MONROY, Natione Mexicanus, Patria Zultepequen-



quensis, famosis majorum stemmatibus admodum clarus, illustrior litteris & moribus fuit. Regij Mexicani Collegij à Christo Domino nuncupati, juvenis tra-beam induit, & postquam humaniores litteras excoluerat, Philosophiæ se dedit hauriendæ & Gymnasijs Societatis JESU & Academiæ, moxque sedulam utri-que Juri operam dedit, atque Doctoralem Civilis lauream & Abulæ agud Hispanos reportavit & Mexici, ubi ad nos remeavit, Canonatu potiturus in Ecclesiâ Mexicæ, cui destinatus à Catholico Rege fuit, cum ejusdem permoto studiis & gestis, tum etiam meritis Clarissimi avunculi Illm<sup>i</sup>. atque Excm<sup>i</sup>. D. M. D. Fr. Antonij de Monroy, è Magistro Generali Sacri Ordinis Prædicatorum Archiepiscopi Compostellani. Hinc gradatim Ecclesiasticas alias Dignitates in eadem Metropolitanâ Mexicæ tenuit ad usque Decanatum, quibus strenuè functus muneribus, alijs etiam amplissimis claruit pro ejus & in dicendo jure peritiâ, & in pertractandis negotijs solertiâ. Vicarium Generalem Archiepiscopatus plus quinquennio egit, Judicemque Testamentorum & Piarum Causarum, nec non Seminarij Collegij Visitatorem. Apud S. Inquisitionis Tribunal Ordinarius fuit institutus ab omnibus Novæ Hispaniæ Pontificibus, ijs que etiam qui Americæ nostræ Insulis & Philippinis præ-

erant Episcopis. In Academia nostra ad clavum sedit, & in Sancti Petri Congregatione Abbatibus vice.

426 Regij & Apostolici Tribunalis S. Cruciatæ Commissarij Subdelegati 22 annis, tam exactè partes implevit in America nostra Septentrionali, ut easdè curas pro Meridionali accepturus fuisset, nisi Illm<sup>o</sup>. obstitisset viro hæc cogitanti D. D. D. Antonio Ramirez de la Piscina, Commissario Generali, & Consilij Cruciatæ Præsidi, quem multis etiam exoravit, ne, ut decreverat, apud Catholicum Regem nostrum Philippum V ageret pro ejus in Novæ Cantabriæ Episcopatu electione, egregijs calamo expressis meritis, quibus spectabilem se ad infulas sacras præstiterat. His porro subductus, atque Emeritus renunciatus in Cruciatæ, quod gesserat, ministerio, Ecclesiæ inservire, ut consueverat, & Deo multa religione perrexit. Divinum cultum studiosè promovit, cum ornato JESU Crucifixi Sacello in Ædibus Metropolitanis, institutoque pro die S. Antonij Patavini anniversario festo, tumetiam alibi datis multis pietatis signis. Orationi non modò publicæ in choro devotè operam dabat & inter familiares, quibus præibat Deiparentem Rosario salutantibus, verum stato matutino tempore sacris vacans meditationibus. Adhæc jejunia, & alias carnis macerationes ad-



AN

jiciebat, asceticorum lectionem librorum, aliarumque exercitia virtutum. Proximis juvandis intētus, quamvis gravibus teneretur negotijs gerendis, multorum cōfessiones excipiebat. Pauperes in Xenodochijs sublevabat, & per hebdomadam accurrentibus auxilio erat, ac quotidie mendicantibus, sæpeque ipsum convenientibus opitulabatur, in primis autem oclusis Virginibus stipem apparabat, fœminisque alijs, ne hinc inde vagantes offenderent. Tandem, febris correptus, Sacramentis devotissimè prēmunitus, multaque confortatus spe patrocinijs Deigenitricis, quam eximio profecutus fuerat amore, cuique sub titulo de Spe aram in Ecclesia sua erexerat, ad plures abiit, atque ejus funus actum fuit gravissimâ pompâ, præ qua tamen ipse in ultimis tabulis, ut fuerat pauperum amantissimus, duodecim pergere constituerat. Scripsit, ut ab antiquis Ecclesiæ nostræ socijs accepimus, hispano sermone

*Constitutiones Collegij ab Assumptâ Deiparâ & SS. Josepho nuncupati, pro educandis Infantibus qui Choro inserviunt Metropolitana Ecclesiæ Mexicæ instituti.* Mexici, prælo D. Mariæ de Ribera 1734. in quarto. Quibus designati à Capitulo Socij unâ cum ipso subscripsere.

427 F. ANTONIUS VIRUES, cui lustricum nomen Ferdinandus, Natione Mexicanus, apud

AN

Novæ Cantabriæ principem Urbem Durangum ortus, statim à primis annis virtutes excolere cœpit & litteras, quas deinceps in Scholis Mexicanensibus mirum in modum auxit Philosophiâ imbutus atque Theologiâ, cujus decoratus fuit laureis, postquam mirantibus Doctoribus theses multoties publicas sustinuerat. Anno ætatis 19 ad religiosum vocatus statum, Ordinem Minorum professus est Angelopoli in Conventu Excalceatorum Provinciae S. Didaci Mexicanæ, die 8 Julij 1660. mutato tunc lustrico Ferdinandi in Antonij nomine, cognomini autem de Viruēs suffecit à Conceptione. Insignis ex tunc Sodalibus est visus, cum ab eruditione, tum etiam ab omni virtute, cellam perpetuò incolens, ni munerum, quæ gessit, aliò ipsum officia vocarent: silentij in primis tenax & corporis juxta animique candoris, creditus illibatam perpetuò custodijssè virginitatem. Utrique admotus suggestui, triennio Philosophiam & mox Theologiam per aliquot annos in Gymnasijs Mexicæ docuit, & eximio inter Oratores nomine concionatus est, nec minori auditorium emolumento, quòd masculæ, qua utebatur, eloquentiæ ad christianos mores formandos, religiosissimæ exempla vitæ conjungeret. Atqui consummatus in brevi, ætis 33 annis vitæ, malignâ correptus febris, sacris

Ffff

præ-



præmunitis Sacramentis, Psalmis  
que recreatus & Hymnis, atque  
pijs alijs aspirationibus, obiit in  
Domino 15 Februarij 1673 qua  
die Franciscani Sodales festum  
agunt translationis S. Antonij  
Patavini, cujus Noster amore &  
imitatione Ferdinandi nomen in  
Antonij mutaverat. Ejus acta ha-  
bet P. Balthasar de Medina in  
Chronicis dictæ Provinciæ fol.  
190. col. 2. à n. 707. & fol. 66.  
n. 216. Scripsit

*Cursum Philosophiæ.*

*Tractiones Theologicas.*

Et

*Conciones varias.*

428 D. D. ANTONIUS DE  
URIZAR, Natione Mexicanus,  
apud Fidelissimam Nobilissimamq̃  
Tlascalensium Urbem clara na-  
tus familia, jam inde ab incun-  
te ætate piè & liberaliter institu-  
tus, Latinitatem coluit & Philo-  
sophiam, laureâque Academica re-  
dimitus in Scholis Mexicanensi-  
bus, ejusdem se Aulis pro utrâ-  
que addiscenda Jurisperitia ultrò  
conscript, donec absolutis à  
more legeque præscriptis curri-  
culis, Candidatum se obtulit api-  
cis Doctoralis, quo demum in  
Jure Canonico, hujusce suffra-  
gante Facultatis Collegio, ritè  
fuit auguratus. Togatis Majoris  
D. Mariæ & omnium Sanctorum  
Collegij Mexiceï cooptatus, hodie  
que, post non paucos annos,  
ejusdem Emeritus, Præbyterque  
jam diu initiatus, publica inde,  
non sine laude, negotia gerit

statum moratissimumque virum  
decentia. Nam Patronus causa-  
rum ut est à Senatu Regio pro-  
batus, apud ipsum pro Rostribus  
agit, juxtâque in Ecclesiasticis  
Tribunalibus, ne sacro quidem  
Inquisitionis Officij dempto, à  
quo insigne pro carceratis oran-  
di munus etiam suscepit. Pri-  
mariam Sacrorum Canonum Ca-  
thedram Universitatis nostræ non  
uno tantum & altero rexit qua-  
driennio, ad in honoris fastigium  
Academico ritu multos inter pe-  
titores electus. Hanc etiamnum  
spartam adornat, cui altiora pro-  
meritis munera optamus. Pro suo  
ipse hætenus scripsit, ut ex  
Libris Academicis, signandis de-  
stinatis lectionibus, eruimus

*Commentaria in titulum de Sen-  
tentia & re judicata.*

*Commentaria in titulum de Judi-  
cijs.*

*Commentaria in selectos alios De-  
cretalium titulos.*

Præterea in schedis habet *Alle-  
gationes in jure varias, & Præle-  
ctiones ad Civile & Canonicum spe-  
ctantes.*

429 P. ANTONIUS XAR-  
DON, Natione Mexicanus, Me-  
xici item Parentibus admodum  
honestis est ortus, Jesuque So-  
cietatem statim ac per annos li-  
cuit amplexatus, & quatuor suo  
tempore votis adstrictus, dig-  
num se præstitit, qui à domesti-  
cis & extraneis maximi fuerit ha-  
bitus ob mores religiosissimos  
floridissimæ junctos eruditioni,  
qua



AN

qua cum in amoenioribus litteris excelluerit, nihilo sibi in gravioribus fuit absimilis: nam & Rhetoricam & Philosophiam, egregio Sapientum plausu, ad SS. AA. Petri & Pauli Mexiceum professus est, & Positivam primum, dein Moralem, & mox Scholasticam etiam Theologiam æqua tradidit laude, majoris quidem interea creditor, quod se ita palæstræ mancipasset & rebus Minervæ, simul ut negotijs insisteret alijs integrum pene hominem deposcentibus. Quo enim tempore Scholastico præerat suggestui, Collegium S. Ildephonsi Rector moderabatur, juvenum, qui in eo aluntur dantque operam litteris, plurimorum institutioni consulens; nec propterea Ecclesiasticis se abdicans Pulpitis, ut erat in dicendo felix atque disertus. Sodalium Collegijs Goatemenlensi, Angelopolitano, & alijs præfectus, benignitati junxerat observantiam prudentiamque eximiam, quibus illectus doctibus Præpositus Generalis Familiæ ipsum Provinciæ Novæ Hispaniæ præposuit, quam per triennium auspiciatissimè administravit. Pietate conspicuus & Religione, zelo itidem erga Proximos nituit & charitate, qua & ipsorum excipere confessiones sacras, & responsa poscentibus dare in difficillimis sæpe consultus, & miseris subvenire in delicijs habebat. S. Inquisitionis Tribunal eum sibi Censores inter Theolo-

AN

gos nuncupavit, quod subinde, Quæstoribus acceptissimus Fidei, frequenter pro munere adibat. Tandem meritis cumulatior quâ annis placidissimâ quievit morte 8. Aprilis, anno 1719. apud Maximum Mexicanum Collegium, cujus majoribus Studijs tunc præerat. Edidit hispano sermone

*Novum Solstitium, seu, in natali optatissimi Hispaniarum Principis Ludovici I Panegyrim.* Mexici, typis Joannis Josephi de Guillema Carrasco 1708. in quarto. Quam cum alijs similis argumenti Orationibus compaginatam habemus tom. 25. Collectionis nostræ in quarto.

Mss reliquit plura, & cedro quidem digna, quorum vix aliqua indigitamus: alijs, quæ aspectui subduxerunt se nostro, relictis. Nempe idiomate latino

*Tractatum de Beatissimâ Virgine Maria* in quarto.

*Tractatum de Divini Verbi Incarnatione* in quarto.

*Tractatum de Perfectionibus Christi Domini* in quarto. Et hos quidem in suppellectile nostra bibliotheca computamus.

*Tractatum de Justitia & Jure* in quarto.

*Tractatum de Restitutione* in 4.

Quos, nisi memoria fallit, apud multis instructam voluminibus Bibliothecam M. F. Joannis Chrysostomi Martinez, Augustiniani, Librorum helluonis, aliquando ad S. Sebastiani confeximus.



*Tractatum de Summulis & Logica* in quarto.

*Tractatum de Physica* in quarto.

*Tractatum de Metaphysica* in quarto.

*Tractatum in Libros Aristotelis de Anima* in quarto.

*Tractatum in Libros de Ortu & Interitu, Cælo, Mundo &c.* in quarto. Quorum ubi sunt exemplaria nescientes, centum illa tamen fuisse non dubitamus, quod totidem, ut minimum, Author discipulos in Philosophiâ instituerit, qui calamis integrum ab ipso dictatum ad Aristotelis systema Cursum exceperint. Ex his adsunt apud Bibliothecam oppidò instructam Collegij Seminarij D. Pauli & Purissimæ Conceptionis, *Disputationes Summularum & in universam Aristotelis Logicam dictata à P. Antonio Xardon ab anno Domini 1684 usque ad 1685. i. vol.* in quarto.

Hispano sermone conscriptus extat

*Poeticus lusus, seu pro natali Jesu Christi die numeris celebrando datum Adamantis symbolum anno 1682, in libro similis plura instituti complectente, qui habetur in Bibliotheca Maximi Collegij Mexicani Societatis JESU.*

*Sermones verò multos, variaq; cum hispana Opuscula, tumetiam latina amœnissimè à Nostro elucubrata meminisse tantum suffecerit, quorū nobis copia non suppetit. Meminit, nec sine, quo dignissimus*

est, elogio Nostri P. Vincētiuz Lopez, in aureo planè Opere Mss. Secula Conceptionis Marianæ Seculo 18. pag. 835. ubi annuasi Societatis Litteras de 1719 Antonij memoriam texentes opportunè transcribit.

430 E. ANTONIUS DE ZA-VALETA, Natione Mexicanus, in ipsa, quæ Regionis caput est, Urbe Nobilissima & Imperiali in lucem datus est, Parentibus stirpe præclaris & opibus, genitore Cantabro D. Joachimo de Zavaleta, qui rubeâ equestris S. Jacobi Ordinis Militaris Cruce signatus fuit, & Triumviris pro Commercij negotijs & judicijs à Rege datis primus, biennio, ut fit, annumeratus fuit, postquam clara obierat alia Mexici munia. Noster ubi liberaliter educatus fuerat, & primis scientiarum lineamentis institutus, opulentæ valedixit Familiæ suæ, Franciscanisque PP. de Observantia Provinciæ S. Evangelij in Primario Conventu solenni editâ Professione se addixit, à quibus Philosophiam Theologiamque hausit. Sacris initiatus, Ecclesiastem egit minimè obscurum & in Cœnobio patrio & in alijs, atque id partes muneris implens, ad Sodales in Comitijs Provincialibus de superiori loco dixit, pios, ut moris est, Sociorum Manes commendans ea quam edidit maternâ linguâ

*Funebri ad Capitulum habitâ Con- cione. Mexici, Formis Josephi Bernar-*



nardi de Hogal 1736. in quarto.

In Schedis reliquit *Sermones plures.*

431 D. D. AREVALUS SEDENUS, Natione Hispanus, cujus incomperta nobis est Patria, Academiae Mexicanensis decus & ornamentum, quod primus fuerit ejusdem Antecessor pro Decretis Pontificijs in Gymnasio tradendis. Ejus nobilissimum contexit elogium primus item Mexicanæ Scholæ Professor Rhetoricæ D. Franciscus Cervantes Salazar in eo politissimo Dialogo, cui nomen fecit *Academia Mexicana*, colloquentibus Messa & Guterrio. Ita habet. ME.... *A decima verò ad undecimam usque eodem loco Doctor Arevalus Sedeñus Pontificum Decreta sic exactè & absolute explicat & enodat, ut quod jurisperitissimi reprehendant, inveniant nihil: quæ autem admirentur, tanquam ab oraculo quodam profecta, multa. Abundans est in argumento sterili, concisus in fertili, promptus in citando, subtilis in inferendo, laqueos intendit, eosdem solvit, nihil quod sit in jure magnum & abditum ignorans: ac ut semel dicam, solus qui possit auditores jurisconsultos reddere.* GU. *Audivi ipsum Salmantica, & quam de se maximam semper exæctationem dederat, in dies magis ac magis auxit. Hactenus Cervantius. Porro eximium virum Arevalum multa scripsisse & gravia pro suo munere ad Canonica Facultatem spectantia non dubitamus, quæ tamen duorum*

injuriæ seculorum nobis hactenus inviderunt præter Hispanum Opusculum, quod unà cum admodum R. P. Fr. Joanne Focher condidit Mexiceï jussione Pro-Regis D. D. Ludovici de Velasco, habeturque in Rituali pro Sanctis administrandis Sacramentis collecto à P. F. Alphonso de Mentrída Ordinis S. Augustini apud Insulas Philippinas hoc nomine:

*Declaratio summaria jussu Pro-Regis Novæ Hispaniæ D. Ludovici de Velasco facta ab admodum R. P. F. Joanne Focher Ordinis S. Francisci, & Doctore Sedeño Cathedræ Decretorum in Universitate Mexicæ Antecessore, Privilegiorum, quæ Fratribus Ordinum Mendicantium in Floridam abeuntibus concessa sunt tribus Bullis authenticis Leonis X Adriani VI & Pauli III Summorum Pontificum. Manilæ in Collegio S. Thomæ operâ Thomæ Pimpim & Hyacinthi Magarula anno 1630. in quarto.*

432 ARIAS DE VILLALLOS, Natione Hispanus, apud Beturiam, quo loci nescimus, ortus, Mexici Domicilium sedemque defixit. Præbyter Secularis, satis in Historijs eruditus, ut Opuscula indicant ejus publici facta juris, cum antiquæ, recentis tum etiam Hispaniæ; Poëtices laude floruit & eloquentiæ, cujus specimina dedit in his, quæ ligata solutaque numeris oratione idiomate hispano composuit. Scilicet



*Epitaphia in exequijs Mexici ductis Marchionis de Villamanrique, Pro-Regina Nova Hispania. Mexici 1619. in quarto.*

*Mexici obsequium solennissime proclamatis Catholicum Hispaniarum Regem Philippum IV. Additur hispano Historia carmine Mexicana usque à principio conditæ Urbis amplissima ab venientibus Aculhuacanis, gentis primoribus, ad annum editi operis, scilicet 1623. Mexici, apud Didacum Garrido, in quarto. Opusculum hocce, rarum quidem inventu, habemus in Collectaneis nostris tom. 63. & titulus Opusculo datus ab Authore Mercurius, de quo meminere Betancurtius in Tractatu Mexicanæ Civitatis pag. 3. & D. Antonius de Leon Pinelo in Epitome Bibliothecæ Occidentalis novissime additæ col. 699. tom. 2. Itemque D. Nicolaus Antonius in Bibliotheca Nova tom. 1. pag. 133. Magni quidem non multæ molis Opus faciendum, quod poetice, qua haud friget, elegantia numeris, compendio potiora Mexicani capita Imperij resque, cum ab Indis, tum ab Hispanis gestas exhibeat ad finem usque primi expugnatæ ditionis seculi.*

*Præterea, scripsisse majoris moliminis Librum ab citato Mexicanæ obedientia didicimus fol. 16. col. 1. ubi jam pridem multis à se confectum annis impendiisque memorat Opus de Imperiali Au-*

*stria Familia, quod, ut videtur, ineditum latet.*

433 FR. ARNALDUS BASASIUS, Natione Gallus, è Provincia Aquitaniæ, in qua Seraphici P. instituta coluerat, in Apostolicam S. Evangelij Mexicam anno 1530 quæ tunc cœptabat, translatus, Domicilium nostros inter sibi constituit magno rei Christianæ apud Indos in Ecclesiam confluentes incremento. Theologiæ, in qua florebat, subsidium adjunxit idiomatis Mexicani brevi admodum à se tempore imbibiti, eo ut pro gentilium cathechesi uteretur. Nec quidem sine fructu, quod assiduitate dicendi zelum animarum conjunxerit, in id sedulo incumbens, ne abjurata nuper idola pristinis altaribus restituta clanculû à neophytis, ipsis aliisque scandalo forent. Conveniebant tunc temporis frequentissimâ Indi coronâ in Primarias Franciscanorum Aedes Parochiamque S. Josephi Deigenitricis Sponsæ nomine hodieque insignem, pro sacris audiendis & excipiendis, quibus unâ cum socijs aderat Noster, qui præterea juvenes gentis latinis litteris instituendos precipuas suas inter curas voluit, tanto quidem successu, ut inde natum fuerit Imperiale à S. Cruce nuncupatum Collegium, quod non ita post ad S. Jacobi de Tlatelolco conditum fuit pro Indis Grammaticâ, Rhetoricâ, Logicâ, & Philosophiâ imbuendis, in quibus



## AR

bus strenuam multi operam collocarunt, decorique Patriæ fuerunt atque Nationi, prout opportunis in Bibliotheca nostra locis fit palam. Noster primas Magisterij partes ibidem tenens multos latinè docuit. Post ad Quauhtitlam non longè distitum à Mexico Oppidum in Ordinis Cænobio primus item Musicam Indis reddidit familiarem, cantorumque Choros instituit, non pœnitendis fructibus, ex inde ad nostra usque tempora promanantibus. Tandem ab animarum zelo egregijs comparatis meritis, atque cœteris conspicuus virtutibus diem clausit extremum in Conventu de Tulanzingo. Scripsit idiomate Mexicano, politissimo quidem,

*Multos copiatque eruditos Sermones.*

Præterea eadem donata lingua dedit

*Epistolas & Evangelia per annum in Ecclesia cantari solita:*

Quæ tamen usui esse jam nequeunt, proscriptis videlicet, iustissimis de causis, Sacrorum Bibliorum translationibus ad linguas vulgares.

Meminerunt ejus egregiâ cum laude PP. Torquemada in Monarchia Indica tom. 3. lib. 19. cap. 33. pag. 386. tum etiam p. p. 113. 114. 442. Editionis Madritanæ 1723. Betancurtius in Menologio ad diem 20. Augusti pag. 91. Item ad ipsam diem Martyrologium Franciscanum, &

## AR

Gonzaga in Conventu de Tulanzingo, Wadingus & Bibliotheca Franciscana tom. 1. pag. 141. Item Dominicanus Fernandez in Historiâ Ecclesiasticâ nostri temporis lib. 1. cap. 17. pag. 67. Leon Pinelus in Epitome Bibliothecæ Occidentalis editionis novissimæ tom. 2. col. 720.

434 D. ATHANASIUS REATON PASSAMONTE, cujus incertum nobis est natale solum, exploratumque Domicilium Mexicæ, Mathematicis disciplinis conspicuus, publici juris fecit hispano sermone

*Artem minorem Arithmetica & Methodum ordinandi castra, frequentioresque pro Regnis Hispanicis supputationes perbreui & clârô stylo, ut etiam citra Præceptoris vocem condisci valeant.* Mexici, apud Viduam Bernardi Calderon 1649. in quarto.

In Præfatione ad Lectorem testatur, 21 retro annis Facultatem Mexici obtinuisse imprimendi librum alterum, cui titulum dederat,

*Calculator generalis,*

In quo Arithmeticæ & Geometriæ multa tradiderat, amissumque in Hispaniam edendum minoris impendij gratiâ, adversis oceani fluctibus, & alijs sinistris casibus præpeditum, nondum ad Americam nostram remeasse.

435 F. AUGUSTINUS DE AVILA, Natione Hispanus, in Contestanis ortus, apud Valentinos



nomen dedit Seraphico Parenti Francisco, unde in Goatemalensem ejusdem Instituti Provinciam à SS. JESU nomine nuncupatam se transtulit, in qua amplius 40. annis vixit tanta Sanctitatis opinione quam qui maximè. Sepe in extasim publicè rapi visus est, & cœlestibus Genijs circum adstantibus cohonestari. Porro nemini fuit scandalo, imò nec forsan admirationi, eo ipso, quo obierat, die, Virtutes ejus è sacro suggestu coram frequentissimâ multitudine celebrari, palamque dici, vix toto, quo latissimè patet Seraphico Ordine, ab ejus conditore Francisco in eum usque diem Religiosum floruisse, qui aut perfectius Apostolica ejusdem Regulæ præscripta servaverit, aut austerius in se pœnitentijs sævierit. Scripsit idiomate Kiche dicto

*Librum de Christianæ Doctrinæ explicatione.*

Quem in Bibliotheca Primarij Conventus Goatemalæ servari è Catalogo inde ad nos misso, fidelissimè quidem dato, ad numerum 7 compertum habemus.

436 D. AUGUSTINUS DE BARRIENTOS, Natione Mexicanus & Patria, nobilissimo clarus sanguine, quadriennium posuit in interpretandis Aristotelis libris ijs, qui Philosophiæ Professoribus committuntur expendendis in Mexicanâ Universitate, natus Cathedræ possessionem die 22 Februarij anno 1614. præce-

dentibus Scholasticis, ut sit, dimicationibus ipsum inter & alios egregij meriti candidatos. Scripsit

*Tractiones Philosophicas.*

Ejus meminit Plaza in Chronicis Academicis lib. 3. cap. 17. num. 85.

437 D. AUGUSTINUS DE BECHI, Natione Mexicanus, Claris genitus Parentibus, lucem aspexit apud Urbem Americę nostrę notissimam à Vera-Cruce nuncupatam jam inde ab inclyti accessu viri D. Ferdinandi Cortezij, illuc appellentis feria sexta in Paracesve, proptereaue opportuno & faustissimo omine ipsam compellantis à saluari, in quo Redemptor noster triumphum egerat, Ligno, quod que insignes sibi Hispanisque militibus suis victorias in honorem ejusdem Assertoris ac vindicis hominum Christi pollicebatur. Hac Noster incubula sortitus in Urbe gentibus multis frequentissima & navibus Americanis simul & Europeis, ad Portum, quo claret, advertentibus; Ipse, primis litterarum rudimentis formatus, genitorum jussione & curâ divertit Angelopolim primùm apud Societatis JESU Collegia Latinitatem hausturus & Philosophiam, dein Mexicanum versus lacum intendens, proram puppimque sibi in studijs jurium constituit. Regale Divi Ildefonsi Collegium viridi, quæ insignem præfere-



sefert honorem, trabeâ donatus, multos annos incoluit, donec Academicis laureis minoribus in Philosophiâ, Civili & Canonico Jure, Doctoralem in hocce infulam, suffragantibus ejusdem professionis Doctoribus adeptus est. Tum, sacris initiatus, tuendis in Foro ecclesiastico juxtâ & prophano causis, ut mancipatos Deo viros decet, à Senatu Regio institutus probatusque est. Minervæ inter hæc castra sequutus, Candidatum se multoties pro regendis Cathedris dedit, eique Octovirorum suffragijs præfectus fuit, quæ Clementinis elucidandis Constitutionibus destinata est. Hanc semel & iterum tertiumque victor tenuit, ut subinde duobus exantlatis quadriennis tertium jam pridè agens, ad Gratianæum & Perpetuum Suggestum Canonici juris merito evectus fuerit, cui operam navat in præsentiarum. Ulteriores ei sedes optamus & præmiâ, cujus interim Academicas insinuamus Elucubrationes. Scripsit, quæ ab annuis Universitatis monumentis accepimus,

*Commentaria in Selectas Clementinas.*

Præterea habet in Schedis

*Prælectiones varias & juris Allegationes.*

438 F. AUGUSTINUS DE BETANCURT, Natione Mexicanus, Mexicum natale solum habuit nobilesque Parentes, à quæis honestè educatus, litterarum à te-

Hhhh

neris annis stadium arripuit, quod ad senectam usque dimensus fuit. Grâmaticâ institutus & Philosophiâ, atque hujus in patriâ Universitate laureâ insignitus, Ordinem Scraphici P. S. Francisci in Provincia S. Evangelij de Observantia & Cœnobio Angelopolitano, nuncupatis votis, professus est. Ingenio ut erat comparatus ad multa, virtutisque admodum studiosus, ac nulli parcens honesto labori, injunctas sibi plures ornavit spartas, decorique Familiæ, Ordini, & Patriæ fuit nequaquam exiguo. Sacerdotio initiatus, jamque Theologicæ Facultatis egregiè peritus, Cathedris præfectus, primum Philosophiæ, quam triennio docuit, deinde Theologiæ vacavit, cui tradendæ multos impèdisse annos testis est nobis ejusdem Facultatis in Academia Mexicana Antecessor æqualis Nostri M. F. Michael de Aguilera, in Censura præfixa Orationi, quam loco dabimus, de SS. Virgine Matre titulo de Columna. Adhæc, Concionatoris ita partes explevit omnes, auditoribus ut gratissimus esset, Doctis in primis, postque diuturnam operam in dicendo positam, Emeritus Prædicator audierit. Peritissimus in Mexicano idiomate si quis alius (cujus itidem Lector fuerat) Parochus canonicè institutus fuit Mexici sacra Indis administraturus ad S. JOSEPHI, quæ intra septa Franciscanorum ædium surgit, Eccle-

cle-



clesiam, eo insignem nomine memoratuque dignam, quod prima fuerit Tenostitlani ædificata pro indis Paracia, ut nascentis Americanæ Christianitatis incunabula jure dixeris, millenis conspicua natis in Christo, Principibus, Toparchis, Proceribus, Nobilibus, & absque numero popularibus. Nec hoc tantum illa titulo illustris, sed multis alijs. Quod videlicet primum in ea Mexicanum Concilium habitum fuerit, Præside Viro admodum Venerabili Apostolico F. Martino de Valentia, ut suis alijs opportunè locis notabimus: Quod Caroli V Cæsaris funus, quantâ id tempus ferebat, pompâ solenni inibi ductum fuerit, cujus extare editum antiquo carattere monumentum Author est Noster: Quod insolito pariter his in Regionibus apparatu Sacrum Fidei Tribunal publicam in hæreticos & de Religione suspectos animadversionem ibi instituerit: Quodque mox nominati Caroli Philippique II Hispaniarum Regum Schedis perinde quasi Cathedralis multis defuncta honoribus fuerit ac privilegijs.

439 Hanc ille annis totis quadraginta Parochiam sedulo rexit, cathechesi, prædicationi, cæterorūque administrationi Sacrorum invigilans, commissam sibi gentem charitate prosequutus paternâ, & quæ decent strenuum Curionem officijs, atque

exemplis admodum religiosæ vitæ, quam ad extremum usque octogenariæ ætatis traduxit. Inter has multi quidem negotij curas, haud minoris moliminis alias suscepit Libros scribendi varios argumento simulque idiomate. Nam & latinè aliquos, & alios hispanè, & nonnullos mexicanè elucubravit. Scilicet, Provinciæ S. Evangelij suæ Chronographus institutus ab ipsa, confirmatusque à Reverendissimo Indiarum Commissario, ac demum Apostolicâ præmunitus auctoritate Innocentij XI Litteris ad id officij datis, injunctum sibi munus alacri animo acceptum, multis ad extremum vigilijs duxit, non Familiæ tantum historiæ contexendæ sollicitus, sed patrio etiâ decori consulens, ejusdem & priscas & recentes gazas in Theatrum adducens, quod & Naturalia Americæ nostræ ob oculos ponit, & Politica refert gentis sub Imperatoribus Indis, & Militaria: supersticiosam nimis, cui dedita fuerat delusa à malo demone, Religionem, è caligine in lucem evocat, ac tandem Hispano obsequentem nomini, & Evangelico circum donatam splendore, Catholicâ, Apostolicâ, Romanâ Fide in dies succrescente, cæteraque virtute, bono in lumine collocat. Chronica Provinciæ suæ in extrema Theatri parte, ceu coronam exponit, cui gemmarum instar pretiosas Vitas mortesque Sodalium multorum



AU

aureo insertas filo offert in Menologio. Isthaec sanè omnia eruditionem viri plurimam redolent, Antiquitatisque Americanorum indagandi laborem improbum, insigneque studium in evolvendis non modò editis id argumenti voluminibus, sed etiam Mss & abditis, quorum in vestibulo Theatri sillabum texit, ipsorum in Historia fidem secutus, & ipsis silentibus authoratam à prudentibus traditionem. Porro, si accuratiori usus fuisset stilo (ne hoc dissimulemus) majus operæ pretium fecisset, supersedisset tamen consultò politioribus scribendi formulis in Proœmio testatur, quòd malet à Grammaticis carpi, quam non facili negotio à rudibus etiam intelligi. Edidit Opus istud hispano sermone, cui præfixit titulum

*Theatrum Mexicanum*, cujus tres priores partes complectitur *tomus unus in folio*. Mexici, typis D. Mariæ de Benavides, Viduæ Joannis de Ribera 1698.

Alter verò tomus quartâ Theatri partem complexus sic habet:

*Chronica Provinciae S. Evangelij Mexicanensis*. Mexici, eisdem formis 1697 in folio: Scilicet postremâ Theatri parte editione priores antecedente, Authoreque in proœmio præposterì ordinis causas dante.

Hiscæ Chronicis jungitur eodem volumine

*Menologium Franciscanum plurimum vitas Sodalium exhibens*.

AU

Ad calcem ejusdem tomi addidit Scriptor ipse Tractatus duos, alterum de Mexicana, alterum de Angelopolitana primarijs Americæ hujus Civitatibus.

Ut verò in Historia cætera Ecclesiastica hospes non erat, priusquam Americanæ Libros vulgasset, publici juris fecerat patrio etiam sermone

*Chronographiam sacram, Christi Domini Assertoris nostri Vitam, & Prædicationem Evangelicam exhibentem, locaque & tempora in quæ reparationis nostræ mysteria operatus fuit indicantem: Omnipotentia opera, gratiaque miranda in Deigenitrice Maria, atque Seraphico Parente Francisco, & Apostolica ejus Religione ponentem sub oculis Mexici, ex supra memorata Typographia 1696. in quarto.*

*Artem pro Mexicana Lingua addiscenda*. Mexici, litteris Francisci Rodriguez Lupercio 1673. in quarto. Ad calcem hujus Libri adjecit *Breves pro ministrandis Sacramentis institutiones Mexicano sermone, eodemque Doctrinæ Christianæ Catechismus*.

*Manuale pro Sacrorum Administratione, unâque Apostolica pro Indis Privilegia multa*. Mexici, typis Lupercianis 1674. Iterumque eisdem formis 1682. Et rursus Hispalensibus Thomæ Lopez de Haro 1690. Denuo Mexicanis Francisci de Ribera Calderon 1729. in quarto.

*Epitomen vitæ, obitus & mirabilium Hispani Thaumaturgi S. An-*



tonij Patavini. Mexici, apud Franciscum Rodriguez Lupercio 1682. in octavo. Iterumque Mexici, Formis Josephi Bernardi de Hogenel 1728. in octavo.

*Viam Crucis idiomate Mexicano.* Eisdem litteris semel & iterum.

*Panegyricam Orationem de SS. Deiparente sub titulo de Columna.* Mexici, typis Lupercianis 1674. in quarto. Extat in Collectaneis nostris tom. 70.

*Panegyricam Orationem habitam publicæ causa lætitiæ, quod Bethlemitica Societas America apud Goatemalenses nata, in Congregationem instituta erectaque fuisset Apostolicis Innocentij XI Romani Pontificis Litteris.* Mexici unà cum cæteris ejusdem argumenti concionibus octiduo dictis, Festique descriptione edita à D. Petro Muñoz de Castro in libro, cui titulus *Exaltatio Bethlemiticæ rosæ, &c.* Typis D. Mariæ de Benavides 1697. in quarto.

*Orationem in funere habitam Serenissimæ Catholicæ Hispaniarum Reginae D. Mariæ Austriacæ.* Mexici, eisdem litteris 1697 in quarto.

Atque hæc sunt, quæ hactenus invenimus edita Opera; inedita verò sequentia. Latino sermone.

*Historica narratio de incrementis gloriosis Provinciae S. Evangelij Ordinis Observantiae S. Francisci Mexicanæ Diœcesis: Vitaque 150 Sodalium, qui ab anno 1600 ad us-*

*que 1682 sanctitatis nomine florentes obierunt: Ad Generale Ordinis Capitulum dimissa, quæ Mantuæ Carpentanorum asservatur in Tabulario Familiæ generali, ut testis oculatus scribit in Bibliothecâ Franciscanâ F. Joannes à S. Antonio, quem tamen opinamur æquivocum passum, tria ex uno hoc Opere conficientem, & primo quidem Relationem historico latinam Provinciae S. Evangelij ab anno 1600 ad usque 1682; dein, Historiam Mexicanæ Provinciae S. Evangelij; & tandem, Historiam quam plurimum servorum Dei Mexicanæ Provinciae S. Didaci ab anno 1600 usque ad 1681 recensentem. Quod enim postremam hanc concernit Historiam, suspicamur lapsum calami in nomine S. Didaci, cujus Provincia, quæ Excalceatorum est, Chronica edita non ita pridem à Clarissimo viro F. Balthasare de Medina, Noster non semel memorat, erant quæ jam tum cunctis notissima; alto interea silentio premens Historiam à se conditam ejusdem Provincia, quam in sillabum redegisset suorum Operum, ipsam si aliquando adornasset; nec postmodum, supervacaneo prorsus labore, credimus scriptum scripsisse, actumque egisse. Narrationem verò historico latinam ab Historia Mexicanæ Provinciae S. Evangelij nullis distinctam lineamentis in eodem Nostri indice reperimus, Historicam narrationem Provinciae suæ perinde Vitis 150*



AU

copulantis, quasi unum ex his illâque Opus formaverit. Et hæc quidem latine.

Hispanicè: *Epitome Moraliū Resolutionum unâ cum Privilegijs pro Indijs ab Apostolica Sede emanatis, ad Sacramentorum ministratiōnem utile Curionibus Opus.*

*Tractatus de origine Officij divini.*

*Sermones Mexicano idiomate pro Adventu & Epiphania Domini.*

*Vitæ SS. Deigenitricis Sponsi S. Josephi, & Christi Præcursoris S. Joannis Baptiste, ex traditis à V. M. Maria à Jesu de Agreda euerâ hispano sermone.*

Meminerunt ejus, nec sine laudibus, Bibliotheca Frânciscana tom. I. pag. 151. & 152. P. Franciscus de Florentia in Libro de Mexicâ Guadalupanâ Deiparentis Imaginē cap. 13. § 8 n. 162. fol. 77. Boturini in Catalogo Musæi Historici Indici pag. 22. n. 4. Leon Pinelus in Epitome Bibliothecæ Occidentalis novissimè additæ Matriti 1738 tom. 2. col. 606. 732. 758. 797. 854. 860. 699. Nicolaus Rodriguez Franco, accuratissimus Editor Monarchiæ Indicæ F. Joannis de Torquemada, è cujus officina prodijt anno 1723 recūssum politissimè admodum desideratum illud Opus eruditissimum. Nam & si in Proemio § 3. conqueratur de Nostro, quod Monarchiam Indicam abjudicaverit Torquemadæ, tradideritque V. P. Hieronymo de Mendieta,

AU

ejusdem Familiæ viro etiam notissimo; cæterâ elogijs Betancurtio debitis gloriæque non invidet, quem laudat ex meritis. Nec nos detractum iri credimus Betancurtij nomini, quod in ea cespitaverit crisi, Homerusque licet bonus, dormitaverit aliquando, uti causam acturi Torquemadæ suo in loco dicemus. Alijs qui Nostri meminerint Scriptoribus patrijs superfedemus, quod omnes tere qui post ipsum historica elucubrarunt Opera, ejus non semel mentionem fecerint.

440 D. D. AUGUSTINUS DE CABAÑAS, Natione & cunabulis Mexicanus, patria Gymnasia Collegij Maximi Societatis JESU Universitatisque postquam juvenis adiit gratiâ discendi, reportatis tandem ad docendum infulis illustravit, Magisterio Philosophiæ, Theologiæque Doctoratu conspicuus. Cathedras utriusque Facultatis tandiu Academico ritu Prælectionibus idque genus exercitijs petivit, donec Primarias tenuit: Nam & quæ Aristolis Libris Physicorum, alijsque naturalis scientiæ interpretandis destinata est, multos rexit annos Antecessoris perpetui munere; & in Primam itidem Theosophiæ eodem Moderatoris honore involavit devexâ jam ætate, ut subinde hocce brevi officio defunctus fuerit. Metropolitana Ecclesiæ Mexicæ Sacerdotio quod Lectorale dicimus, fulsit, & Diocesis Examinatorem Synodalem di-



diu egit. Gravissimis præfuit cœtibus, Academiæ, scilicet, cui datus fuit Rector priusquam docendi provinciam in ejusdem Aulis iniret: Congregationi Clericorum à S. Petro dictæ, admodum illustri & insigni, Abbatis titulo; & Primicerij nomine Sodalitati apud Paræciam S. Veræ-Crucis florentissimæ, quæ à S. Francisco Xaverio nomen habet, cujus inclyti Apostoli Iconem multis celebrem mirabilibus Ordinarij Judicio & autoritate probatis, eximio religionis sensu populi verantur & colunt in amplo Saccello inibi seposito & multis ornato; ut legere est in Libro *Indiarum Apostolus gentium* nuncupato, Mexici edito typis Lupericianis 1661, ejusdem Congregationis Xaverianæ nomine ab ejus id temporis Primicerio D. Mathia de Peralta Calderon in lucem emissio, scripto verò à V. P. Didaco Aloysio de Sanvitoris Societatis JESU, quo tempore Mexici morabatur, opperiebaturque naves Manilenses, in Philippinas Insulas abiturus. Noster ad Fortunatas Cœlestesque, ut piè credimus appulit anno 1717 die 23 Martij, postquam mortalis vitæ pelagus navigaverat, christianâ virtute & eximiâ in omnes comitate ac urbanitate laudatus. Scripsit

*Commentaria in Libros Aristotelis 8 de Physicò auditu & auscultatione.*

*Commentaria in Libros Aristotelis de Ortu & Interitu.*

Quæ ex Academicis Libris nota sunt nobis, fuerantque jam pridem excipientibus calamo eorum aliqua, eo tempore quo Authorem è Cathedra dictantem audivimus. Theologica verò, quæ biennio non expleto tradidit è suggestu, filemus, quæ mox dicta Academiæ monumenta invident nobis.

441 P. AUGUSTINUS CANO, Natione Mexicanus, in ipsa Urbe Mexico, splendidissima Familia natus est, uti Bibliotheca Societatis JESU habet, quæ & viri elogium pulcherrimum juxta textit atque gravissimum. Ipsi addictus Societati anno 1576 ætatis quinto decimo, litterarum non minori quam virtutum nomine insignis evasit. Ut erat ingenio præditus & acumine singulari, indefessusque studio, humaniores excolens disciplinas Philosophicasque, Magistros inter, quos Familia nutrit egregios, spectabilem se facillè præstitit. Sodalibus & exteris, qui plurimi ad Maximum SS. AA. Petri & Pauli Mexicæ Athenæum confluant, Rhetoricâ & amœniori instituendis eruditione ex munere incubuit, cultiores ea in parte Socios multo post se intervallo relinquens. Litteras verò sacras deinceps interpretatus est ad magnorum invidiam ingeniorum, ut mutuatis à nuper memoratâ Bibliothecâ verbis utamur. S. Ecclesiæ Doctorem Augustinum, à quo lustricum illi nomen, ut egre-



AU

egregiæ pietatis sensu colebat, sic etiam ejusdem assiduâ Libros lectione pervolutabat, quibus secundum Divinos nihil dulcius aut sapidius habebat. Virtutum scholam à tyrocinij limine tanta animi alacritate aggressus est, ipsis ut splendorem addere videretur, eximiâ, quæ se prodebat in vultu, verbis, incessu, corporeque toto, modestiâ, affabilitate juxta & comitate sociatâ, quæ se doctibus ijs qui cum eo agerent, aut ipsum cernerent, faciliè commendabat.

442 Grandior ætate, crescere in religiosâ visus est perfectione, quæ altissima, demissione sui, jecerat fundamenta, de se abjectissimè sentiens, nec exempla tantum virtutis mendicans à Socijs, sed Professor etiam, ab ijs in re litteraria juvari tyronibus optans, qui exercitationis ergo statim in triclinio diebus dicere solent; ut propterea mirum non fuerit, si gravitati in agendo humanitatem jungeret, ab omni que fastu abhorreret. Orationi ex animo addictus, nocturno ei tempore largiori vacabat, & diurnas, ut licebat per injuncta sibi negotia, horas sacris in templo meditationibus in genua provolutus impendere per jucundum ipsi erat: quamquam in continuâ fere versabatur contemplatione, præsentem ubique Deum intimo fidei & amoris sensu recogitans. Adhæc, sæpius latentem in Eucharistiâ Christum ve-

AU

neraturus superiorem chorum adibat, singulisque diebus, aut duobus, aut tribus Sacerdotibus ad Aras operantibus libens adstabat. Cura & studio corporis domandi, ipsum & cilicio conterebat & quotidie totis 40 annis sæva divexabat flagellatione. Beatissimam Deiparentem flagrantissimo prosequutus amore, a cæteris ut similiter haberetur curabat, publicis familiaribusque sermonibus ejus præconia celebrans, piissimosque audientibus sensus instillans. His porro reliquisque exactè ad austeriorem vitæ normam subsidijs, castitatem ne dum perpetuò illibatam servavit, sed quod perquam est rarum, nulla impugnatam fœda cogitatione, ut ij testati sunt, quibus abstrusiora hominis erant notissima.

443 Peractam sanctissimis moribus vitam pretiosa multisque cœlestibus cumulata delicijs mors excepit: nam ubi sacrum Viaticum coram habuit, eximia animi lætitia gestire visus est, & longè ferventius se ad proximum agonem comparare: Sacramentali confessione semel & iterum animum expiavit, errataque condonari sibi ab astantibus socijs petivit, & Dominico corpore passus, ejusdem immori plagis, & Purissimæ Genitricis umbrâ protegi satagebat, utriusque veneratus Icones, quibus olim recreari consueverat, sperabatque in extremo prælio juvari. Tū Sancto-



rum, quos in vita tutelares sibi  
 asceiverat & Patronos, nomina è  
 libello, in quem illa retulerat,  
 prælegi voluit, & pro extremo  
 conflictu vocari. Christi è Cru-  
 ce pendentis Imaginem intuens,  
 sæpè ex animo repetebat: *Rex  
 memendæ majestatis qui salvandos  
 salvas gratis, salva me fons pietatis:*  
 atque in hujus arbitrium ex ani-  
 mi sententia positus, oleoque  
 inunctus sacro, placidissimè ex-  
 tinctus est die 23 Septembris an-  
 no 1622 in Collegio Vallisoleta-  
 no Michoacanensium, cui tunc  
 Rector præerat. Demortui vul-  
 tus ridenti similis visus est, & ele-  
 ganti specie nitere. Suprema fu-  
 neris frequentissimâ multitudine  
 sunt peracta, Sanctum ipsum om-  
 nibus conclamantibus, corpus  
 que Regularium Ordinum Su-  
 perioribus efferentibus, atque Ec-  
 clesiastico ritu mortualia officia  
 celebrantibus. Scripsit

*Commentaria in Epistolas S. Pau-  
 li, & in Cantica veteris & novi  
 Testamenti.*

Quæ prælo parata reliquisse le-  
 gimus in Societatis Bibliotheca  
 Romanæ editionis 1676 pag. 94  
 ubi & viri, quas diximus, virtu-  
 tes commendat ac litteras, &  
 scriptorum pretium ab stilo, fa-  
 cundia, lepore, eruditione, re-  
 rum amœnitatæ & sacrorum tex-  
 tum gravi ac speciosâ dilucida-  
 tione. Meminit item ejus P. Flo-  
 rencia in Menologio Provinciæ  
 Mexicanæ, quod nuper auctum  
 à P. Oviedo, recussum fuit an-

nò 1747 pag. 171 die 23 Sep-  
 tembris.

444 M. F. AUGUSTINUS CA-  
 NO, Natione Hispanus, Syngiliæ,  
 vulgo Antequera, Beticæ Civita-  
 te ortus, in Americamque dedu-  
 ctus, Goatemalæ in præcipuo Do-  
 minicanorum Cœnobio, Provin-  
 ciæ S. Vincentij de Chiapa & Goa-  
 temala Ordinis Prædicatorum  
 dicto sacramento se addixit. Vir-  
 tutibus insimul ac litteris floruit,  
 Magisterio Sacræ Theologiæ apud  
 Sodales ob strenuam navatâ Scho-  
 lis operam insignitus: Doctora-  
 tus quoque in eadem Sacra Fa-  
 cultate apicem tulit in Regiâ  
 Goatemalensium Universitate,  
 cui fuit percharus. Multa scrip-  
 sisse reliquisseque inedita ab me-  
 moratæ Patribus Provinciæ in ac-  
 ceptis habemus: alia romano  
 sermone, alia materno. Et lati-  
 na quidem isthæc Opera memo-  
 rantur.

*Tractatum Theologicorum in pri-  
 mam Divi Thomæ, Doctoris An-  
 gelici, partem, & primam secundæ  
 Tomi duo.*

*De Conscientia Tomus unus.  
 Proscripta à Summis Pontificibus  
 theses scholasticâ methodo expensæ.  
 Tom. unus.*

*Synopsis Propositionum damnata-  
 rum. Tomus alter.*

*Cursus Philosophiæ ad S. Tho-  
 mæ Scholam elucidata.*

Hispanâ autem linguâ com-  
 posuit

*Opusculum de Communione quo-  
 tidiana.*



*Historiam Provinciae S. Vincen-  
tij de Chiapa & Goatemala Ordini-  
nis Prædicatorum* tomis duobus  
distinctam.

*Chronologiam dictæ Provinciae à  
M. F. Antonio de Molina, Goate-  
malensi, ejusdem Ordinis scriptam,  
additionibus locupletiore.*

Authographa omnium, quæ  
recensuimus, extant partim in  
Archivio Goatemalensis Con-  
ventus Dominicani, partim in  
scrinijs Sodalium & manibus.

445 ILLMUS. D. M. D. F.  
AUGUSTINUS DE CARBAJAL, Na-  
tione Mexicanus, Goadalaxaræ  
in Nova Gallæcia ortus est, quem  
Ægydius Gonzalez Davila in  
Theatro Ecclesiæ Panamensis Me-  
xicanum patriam facit, sui autem  
immemor, in Theatro Ecclesiæ  
Goamangensis Hispanum scribit  
& apud Caceres natum. Utro-  
bique tamen decipitur, fallun-  
turque cum eo alij, frequen-  
tius Mexicanum patriam Augusti-  
num dicentes, quos latuit Go-  
adalaxarensis origo; eam tamen  
Mss nos docent accuratissima  
monumenta & M. F. Didacus  
Bassalénque, in Chronicis Pro-  
vinciæ Augustinianæ Michoaca-  
nensis, scribens Nostrum Ordini-  
nem S. Augustini amplexatum fuisse  
& professum in ejusdem Go-  
adalaxarensi Cœnobio. Litteris  
egregiè eruditus, Magister de-  
mum in Sacra Theologia fuit  
auguratus. In Europam à Pro-  
vincia sua negotiorum causâ di-  
missus, adeo se strenuè gessit, ac

Sodalibus exterisque probavit, ut  
splendidissimum in Familia mu-  
nus Assistentis apud Præpositum  
Ordinis generalem adeptus fue-  
rit. Eo ubi fuerat scitissimè fun-  
ctus, ab Hispanis constitutus fuit  
Prior Vallisoletani Conventus,  
quo tempore Pinciæ Regia erat.  
Inde Episcopus Panamensis in  
Americam destinatus Meridio-  
nalem, eò se contulit, & Catho-  
lico ritu sacratus, Ecclesiæ suæ,  
ut accuratum Pastorem decet,  
providit, instituto, quod à S. Au-  
gustino Parente suo nuncupatum  
voluit, Collegio, cujus alumni,  
juxtà Sacrosancti Concilij Tri-  
dentini Decreta, Cathedralis ser-  
vitio incumberent; multisque  
alijs pro officio peractis, donec  
ex ea sede in Goamangensem  
promotus anno 1612 ei se de-  
mum mancipavit curandæ Dice-  
cesi ad annum usque emortualem  
1620, ut Author est citatus Ægy-  
dius in Theatro Ecclesiæ Pana-  
mensis fol. 59 col. 1. Scripta  
ejus designare cupientes vestigan-  
tesque nos fugerunt, contentos  
innuere

*Opuscula Philosophica & Theo-  
logica, de quibus docti traditio-  
ne, nil præterea explicatius ad-  
dere possumus.*

Meminit ejus P. Bonaventura  
Salinas Franciscanus in Me-  
moriali suo fol. 110 n. 189, &  
P. Bassalénque in Chronicis Pro-  
vinciæ Augustinianæ Michoaca-  
nensis.

446 D. AUGUSTINUS DE LA

Kkkk

CA-



CAXICA ET RADA, Natione, ut videtur, Mexicanus, Patria Goatemalensis, Doctoralibus inauguratus infulis, à Thesauris Ecclesiæ ejusdem Urbis est, Diœcesis que Examinator Synodalis, & Vicarius Generalis, pro Testamentis, Capellanijs, & Pijs alijs operibus Judex: item Commissarius Apostolicus Subdelegatus Generalis S. Cruciatæ in eo Regno, Delegatusque pro Beatificationis & Canonizationis Causâ Servi Dei F. Antonij Margil à Jesu. Edidit

*Panegyrim à se habitam in Festo Deiparentis Virginis Patrocini, qua die primus nuper evecta in Metropolitanam Goatemalensis Ecclesiæ Illmûs. ac Rmûs. Archiepiscopus D. Fr. Petrus Pardo & Figueroa Pallio fuit convestitus. Extat cum alijs ejusdem argumenti Orationibus & Opusculis in Libro eruditè conscripto, donatoque luci à D. Antonio de Paz & Salgado, Mexicanis typis D. Mariæ de Ribera 1747. in quarto.*

*Historica enarratio terremotus, Goatemalam Urbem insignibus Templorum Ædiumque multarum ruinis brevissimè succutientis anno 1751. Mexici, ex Typographia Viduæ Josephi Bernardi de Hogal eodem anno, itemque Goatemalæ.*

447 ILLMUS. D. M. D. FR. AUGUSTINUS DE CORUÑA, Natione Hispanus, ad Portum Brigantium in Gallecia natus, Salamanticæ Augustinianis Patribus aggregavit se anno 1525 solen-

ni emissâ Professione in manibus fulgentissimi Hispaniæ fidei S. Thomæ de Villanova, religiosi eo tempore Præsulis. Philosophiâ eruditus atque Theologiâ, virtuteque haud vulgari conspicuus, Dei gloriam & salutem animarum promoturus in America nostra, quæ non ita pridem subjugari cœperat Deo, & Christianis institui ritibus, socium se præbuit alijs sui Ordinis viris egregij meriti, eò tendentibus anno 1533. Ubi Mexicum devenire idioma imbibere gentis exorsis Noster laurum præripuit, quod omnium Familiæ præstantior ea tempestate & doctior evaserit. Destinatus in Provinciam de Chilapa & Tlapa cum socio Fr. Joanne à S. Romano, lucem barbaris incolis Evangelij, quam non dum aspexerant, ut afferret, mirum dictu cogitatuque est, quanta fecerit & pertulerit. Populares, qui locustarum instar amplissimos illos tractus montes q̄ inaccessos inhabitabant, principio benignè susceptum & auditum, haud multò post ad unum omnes declinabant fugiebantque, quod & Proceres & Sacrificuli publico in ipsum & Sodallem edicto concepto, aquâ & igni interdixerint eis, subque capitali multa vetuerint ne quis audire illos, excipere, pascere utcumque tentaret.

448 Non erant barbaris illis tecta in unam Reipublicæ faciem composita, non Villæ, non Urbes assue-



assuetis degere inter montana, & cavernas incolere, ut subinde homines religiosi illos indagaturi, hinc inde vel inscendere prærupta, vel serpere cogerentur, irritum quidem & incassum labore, fugientibus aut latentibus miseris, Magnatum horrore perculsis, cetera in Apostolicos viros pronis atque propensis. Ij animos neutiquam deposuere, incredibili quamvis corporis defatigatione lassati, nec alio usi cibario, quam frumento indico (Maizium dicunt) quod ipsi sibi è segete obvia rapiebant (videntibus & dissimulantibus hebris) igneque torrebant, imminentem quotidie mortem expectantes, integrasque noctes in precibus & meditationibus sacris ponentes, donec, Deo saxea Toparcharum corda emolliente, primum ceteris permittere ut adesse concionibus Patrum citra piaculum & metum valerent, deinde ipsi quoque auditoribus adungi caperunt, tanto quidem successu, ut Fidei rudimenta capientes amplectentesque ex animo, salutaribus intingi aquis contenderent, nec in solenniore demorari Baptisma diem vellent, uno sapius hominibus centum & non nunquam quingentis ablutis. Scilicet, dæmon, qui familiariter cum illorum multis jam diu egerat, & quasi è Tripode loquebatur, pilce taciturnior evasit, ex quo tempore nostri ad Aras facere Sacerdotes exor-

si sunt illa in Regione, & lustralibus aquis Indos aspergere.

449 Nostrium quidem illorum cathechesi deditum & institutioni christianæ Apostolico ritu, mirum non videbitur, si dicamus eximijs à Deo charismatibus præditum fuisse, ut quæ inter mirabilia jure recenscantur, patrauerit, cujus modi sunt illa quæ & scripto firmata legimus, & gentis traditione munita. Nimirum die quadam Natali Domini sacra & votiva, Chilapæ primum divina confecit Mysteria, deinde sex omnino leucis distans Oppidum Atliztac eadem ut operaretur adivit, & postremò Tlapam convenit novem à secundo dicto leucis distitam Pago, ubi tertio litavit; cumque singulis Missis longas adjecerit appendices concionandi, ministrandique Sacramenta; meridie tamem isthac omnia absolverat, quadraginta quinque milliaria pedes confecerat, confragrosa & asperrima, si quæ sunt toto Orbe terrarum, prætervolans, quæ porro non nisi triduo itinere hodieque à citissimis viatoribus trajiciuntur. At enim, ut id genus alia prætermittamus, tot ille cum Socio populos à Chilapa & Tlapa ad littora usque maris Zurij sacrâ insperfit doctrinâ, omnique diligentia curavit, quanti deinceps 32 Religiosi & Clerici, duodecim Ecclesijs Parochialibus dati, ministeris suis excolunt.

450 Nec christianis dumtaxat



rat moribus efformandos susce-  
pere, sed effringendos etiam huma-  
nis ritibus & politica societate,  
traductis è saltibus & rescuis ef-  
feratis hominibus in Oppida,  
tam ex arte & ad lineam con-  
dita, ut mox in Urbes excreve-  
rint despiciatui neutiquam habi-  
tas. His Noster tandiu immora-  
tus est, quandiu Familiæ Recto-  
ribus visum fuit Mexicum ho-  
minem advocare, cujus operâ  
aliter uterentur. Theologiæ vi-  
delicet è Cathedra docendæ ad-  
motum, uti Agydius Gonzalez  
Davila scribit; sexagesimo deci-  
mi quinti seculi anno veniente  
coactisque Provinciæ comitijs  
Oculmæ, ut apud Grijalvan le-  
gimus, ad clavum stare consen-  
tientibus suffragijs Patres gravis-  
simi decrevere. Ubi Provincia-  
lis fuit renunciatus, ferventi So-  
dales concione ad Apostolica hor-  
atus munia, quibus hætenus in-  
cubuerant, rebus ipse publicis con-  
sulturus & Indorum institutioni,  
atque Ordini suo juxtaque Do-  
minicano & Franciscano, utrius-  
que Provincialibus comitem se-  
dedit in Hispaniam ituris.

451 Vix eò accesserant, cum  
Hispani Noster ab Catholico Re-  
ge destinatum cognovit se in  
Episcopum Popayan, quæ Pro-  
vincia sedet in novo Granatæ  
Regno, Meridionalis America  
portione nobilissima. Multis qui-  
dem egit, splendidum ut refu-  
geret munus, atque à se onus  
illud deprecaretur. Paruit tamen

obedientiâ ductus, cōsecratusque  
Mantuxæ Carpentanorum anno  
1562, statim ac licuit suæ se Ec-  
clesiæ regendæ dedit, quam to-  
tis annis viginti ad instar pri-  
mitivæ Ecclesiæ Patrum sanctis-  
simè administravit. De austerio-  
ri, quam ad id tempus traduxe-  
ret, vita, nihil remissit, indusio  
nunquam amictus, sed lancæ tu-  
nicæ; nec calceis usus, sed can-  
nabaceis nudos ceteroquim pe-  
des ut cumque fovens: arctus illi,  
impolitus, & è vili materia, pro  
more Sodalium qui Mexici age-  
bant, habitus: decubitus plerum-  
que super tabulam & stragulum  
geminum: abstinentiæ verbera-  
tionesque in hebdomadam mul-  
tæ, ut Sociorum item mores fe-  
rebant: neque enim antiquius  
habuit aliud, quam ut initam  
Mexici vivendi rationem ad ex-  
tremum duceret, optimisque Re-  
collectæ Provinciæ illius institu-  
tis ac documentis pergeret, quæ  
etiam in docendo, hortando,  
concionando tertio quoque ver-  
bo adhibebat. Sacramenta, alia-  
que Ecclesiastica ministeria per-  
inde agebat, ac si parochialibus  
adhuc munijs Chilapæ insisteret,  
aviaque Tlapæ & contermina  
pererraret. Baptismo suis ipse  
manibus innumeros propemo-  
dum abluit: Idola ijsque destina-  
ta colendis delubra, quæ non  
dum everti potuerant, disjecit,  
proque imperio cum dæmone  
agens, quam longissimè prof-  
cripsit & amandavit. vasser-



rimum ac terribilissimum hostem.

452 Strenuam Dei promovendo cultui operam dedit, Ecclesiæ nitorem, munditiam, inque divinis officijs, quibus aderat frequentissimè in choro, gravitatem atque modestiam in delicijs & curis habens. Popayami Cœnobium pro sui Ordinis Religiosis à fundamentis condidit, in quod receptus & ipse, communia cæteris peragebat officia, ipsos in triclinio comitatus & choro, Episcopum insimul agens & Religiosum. Pro sacris Deo Virginibus Monasterium item erexit S. Nicolai de Tolentino nomine insigne, queis Patrem se præstitit & Magistrum, eximio earum in christianâ virtute profectu. Adhæc, in alijs largissimus eleemosynis, eos in primis pauperes arctius complectebatur, qui erubescerent mendicare, quibus subinde appositum sibi panem libentissimè partiebatur. Singulis noctibus pecuniarum rationes subducebat, ut quæ superessent, egeno consignaret alicui, earumque spoliatus, quantum posset, dominio, cubitum iret, charitati juxta invigilans paupertatique. Quam hæc Deo essent placita cæcis etiam patuit clarissimè eventu mirabili. Lustrante enim Diocesim, domoque apud Timana, in qua hospitabatur, conflagrante, ubi ipse Indorum humeris asportatus, ceu Anchises Æneæ dorso subnixus, incendium effuge-

rat, ne flammam repetere vererentur, eos monuit, pollicitus incolumes evaluros, ut stragulam, pauperem cæterà, gemina tamen informis auri lamina, exigua licet, divitem, secum deferrent, subsidijs Monialium & descriptorum in charta pauperum destinatam; cui obsequentes adhortationi, illæsi penitus evasere, mirantibus, qui aderant, & qui audierunt postmodum cunctis.

453 Nec intra ditionis tantum terminos suæ, religiosæ monumenta pietatis & benignitatis excitavit, sed longius progressa apud Hispanos voluit & Mexicanos, donatis Salmanticensi Conventui 14 millibus ducatorum pro extruendo Collegio, & septem millibus pro Complutensi, Mexici autem & Angelopoli institutis ad Monasteria Ordinis perpetuis in Missas redditibus. Difficile subinde creditu memini erit quod gravissimus vir Illmûs. D. D. Joannes Diaz de Arze, geminis & fide dignissimis testibus asseverat in Proximo Evangelico tom. 2. lib. 3. cap. 15. f. 41. col. 2. Augustino scilicet nostro Urbem S. Fidei apud novum Granatæ Regnum inscijs omnibus ingrediente, sua sponte æscampanum omne festivo hilarique tinnitu insonuisse, perinde quasi dilectum Deo & hominibus Præsulem saluaret, excipiendum que humillimum præmoneret. Concilio Limensi II Provinciali anno 1567 celebrato adfuit cum



cæteris Regni Coepiscopis pro recipiendâ Generali Synodo Tridentina, tum etiam pro cultu Dei, Disciplina Ecclesiastica, ac Reformatione morum curandis: atque hujus Acta & Decreta Concilij legitima & promulgata fuisse dicitur Actione secunda tertij item Limensis S. Turibio Præsidente habiti anno 1582, quod communiter Primum audit, scilicet ex editis, uti advertit Cardinalis de Aguirre, in ea quam ei præfixit Monitione ad Lectorem tom. 4. Collectionis maxime Conciliorum Hispaniæ & Novi Orbis pag. 232.

454 Noster cujus profuisse multum operam Synodi actibus non ambigimus, plurimam item posuit, ut Ecclesiæ Immunitas ac Libertas facta recta consisteret, & hanc ob rem prædura passus est & gravissima, exulare compulsus, & ditione egredi ac Ecclesiâ suâ, Præsidis & Auditorum Regij Juridici Conventus mandato, quibus tamen carò nimis stetit Edictum: nam & Præses non multò post ad plures abiit, Deo rationem sacrilegi sceleris redditurus, & qui inter apparitores eminebat, sanctumque Præsulem comprehenderat, solumque vertentem affectabatur, obiit in ipso itinere, & Auditores deinde honoribus exclusi & potestatibus, eis restitui nunquam valère, infelicem ducentes vitam, Philippo II Catholico Rege nostro graviter & indignè fa-

ctum habente, audaciamque hominum scriptis litteris exprobrante. Porro Noster, qui de Regiâ conscius voluntate Religioni apprimè consentanea & Pietati Justitiæque, abuti Ministros umbrâ illius ac Majestatem noverat, Primicerium ut audivit Senatus Consultum ipsi Regio intimantem nomine, Decretique Seriem excepit totam, qua decet in Supremum Principem reverentiâ, chartam demissimè osculaturus, munitam subscriptionibus vidit, Eccur, inquit, imposuisti mihi? Qua fronte Edictum esse, quod legisti, Philippi Regis asseverabas, cum sit illud tamen Licenciati Cañaberal? ( hoc enim erat Præses cognomine ) Perinde quasi salibus istis ac lepore sugillaret & miraretur hominum petulantiam, qui Regis auctoritatem iniquissimè adversus ejusdem religiosissima placita detorquerent.

455 Utut tamem, digressus à suis, in Cœnobium Quitense Ordinis S. Augustini se transtulit, biennioque detentus ibidem, ædium partem minimè exiguam, cellis officinisque constructis adauxit, Sacratio paramenta dedit, grandeque & Catholico ritu sacratum æs campanum in publicam Turrin. Hinc, rebus tandem pacatis, sedem ut repeteret suam egressus, cœlesti quidem propior, in hanc tandem evolavit faustissimè, uti facilè & pronum est credere, testatique sunt proprijs se oculis conspexisse Re-



AU

ligiosi Prædicatorum Ordinis Popayami morantes, cum tamen ille vitam clauscrit Timiamæ apud quod diverterat Oppidum anno 1590. Religionis 60. Episcopatus 20. Miraculis etiam post obitum inclaruisset Authores sunt ij, quos statim dabimus, è quibus primùm nominandus adjicit, corruptionis expertem demortui corpus fuisse, quo tempore effusum elatumque fuit è commo-  
dato à Timiamensibus in proprium ad Popayani Ecclesiam sepulchrum. Acta ejus habentur apud M. Ægydium Gonzalez Davila in Theatro dictæ Ecclesiæ f. 75. col. 2. & f. 76. & apud M. Grijalva in Chronicis Augustinianis Hispaniæ Novæ, ætate 2. cap. 19. fol. 96 col. 4 & sequentibus: prætereaque fol. 8. col. 3. fol. 13. col. 3. & 4. fol. 14 col. 1. fol. 19 & 20. itemque 24. col. 2 & 94. cap. 18. per totum. Meminit etiam ejus M. Bassalenque in Historia Provinciæ Augustinianæ Michoacanensis fol. 47 col. 1. & laudatus supra Illm<sup>us</sup>. Diaz de Arze. Item F. Hieronymus Roman in Chonicis Ordinis Heremitarum S. Augustini Centuria 12. ad annum 1562. fol. 130. col. 2. Nec non F. Stephanus Garcia in Vita S. Thomæ Villanovani cap. 14. fol. 31 col. 1. Scripsit.

*Tractatus de Fide, Spe, & Charitate,*

Ut citatus Ægydius habet. Præterea, quam legerat M. Gri-

AU

jalva, cujusque memoriam habet pag. 14. col. 3.

*Historicam narrationem Expugnationis Provinciæ de Chilapa & Tlapa.*

Nec dubitamus, absolutum ab ipso fuisse Opusculum, quod præmanibus habuisse perspicimus in Actis Capituli Provincialis à Grijalva relatis fol. 19 col. 1. scilicet,

*Doctrinale, seu pro tradendâ Indis Christianâ doctrinâ methodum expeditam.*

456 FR. AUGUSTINUS DE CUELLAR, cujus Natio & Patria nobis est hætenus incomperta, quamvis Hispanum dicat Bibliotheca Franciscana, quæ Americanos ab Hispanis oriundos Hispanos item nominat, nec immeritò, minus tamen ad institutum nostrum appositè, quod istos ab illis secernit, non sanguine quidem & genere, sed natali solo, Mexicanus certè Domicilio, & Professione Observantibus Religiosis Seraphici Ordinis Provinciæ S. Evangelij junctus, majorum acta Sodalium posterorum commendata memoriæ voluit, scripto, quem in schedis reliquit, Libro exponente

*Fundationes Seraphici apud Novam Mexicum Ordinis, Vitasque Illustrium ibidem Custodiæ florentium virorum, ac Martyrium RR. FF. Martini de Arvide, & Francisci Letrado, quod annis 24 & 29. sæculi proximè præterlapsi subierunt.* Operis hujus meminit, quod si-



bi usui fuisse fatetur pro ijs quæ condidit, F. Augustinus de Betancurtius, in sillabo Monumentorum Mss Theatro Mexicano post indicem editorum præfixo. Meminit item Bibliotheca Franciscana tom. 1. pag. 146.

457 ILLMUS. D. M. D. F. AUGUSTINUS DAVILA PADILLA, Natione Mexicanus, genitore Petro Davila, Matre autem Elisabetha de Padilla, quæ genus ab Expugnatoribus Mexici, primis quæ colonis deduxerat, in ipsa Imperij Americani capite Urbe ortus est labente anno 1562. Etatis 4. precoci rationis usu multis erat admirationi, forsan inde præsagientibus magna, insigniaque in posterum sperantibus. Nec verò augurijs sibi imposuisse vanis ij præstò dixere, ubi ille duodecimum vix annum egressus, non modò Grammaticâ imbutus fuerat atque Rhetoricâ, sed florebat quoque Eloquentiâ, & Historiæ Antiquitatisque peritiâ vernabat. Facili subinde negotio callentissimum Philosophiæ laureâ Baccalaureatus. 13. etatis anno, Magisterij 16 infulis Universitatis Mexicana, communi doctorum hominum plausu donavit, Aulisque Theologicis liberrimè excepit, sacrâ perpoliendum doctrinâ, ut omnigena divæ esset eruditione. Erat jam tum ille virtutis percupidus, Sacramenta frequentè & devota susceptione colebat, Deiparentemque Virginem, Rosarij præ-

sertim titulo deperibat, cujus equidem religionis fructum beneficio in paucis celeberrimo expertus fuit: labante siquidem, quam incolebat, domo, disjectis quæ cubiculi, in quo erat, parietibus, contignatione obrutus & ruinâ, Parentem Dei, sui que dilectissimam Protectricem in auxilium sibi evocavit, cujus ope intra fenestræ cavum receptus, incolumis prorsus evasit. Vota eam ob rem nuncupavit, cum recitandi quotidie virgineum Psalterium, tum etiam ejusdem evulgandi magnalia, ac Prædicatorum Ordinem ingrediendi. Et quòd ad postremum attinet 19 Novembris 1579 exsolvi eo cæpit habitus susceptione, solutusque est plenè cum expleto tyrocinijs curriculo, alijs se religiosiis votis adstrinxit in Mexiceo Monasterio, quod S. Jacobi Provinciæ Primarium est.

458 Philosophiam Sodales docuit, mox etiam Theologiam & Mexici & Angelopoli professus, Magisterij gradum promeruit, quo tandem inclaruit. Nec porro Cathedris occupatus regendis, Pulpitis se subtraxerat, imò ijs juxtà illisque deditus, egregium in oratoria sacra nomen præferulit, memorque pristini, quo se religaverat, voti, totus erat in dilaudandâ Virgine Matre, ejusque Rosarij Mysterijs pandendis, celebrandis, & in auditorum animis sculpendis. Adhæc, exemplis, consilijs, hortationibus egit,



AU

egit, ut Religiosi Provinciæ suæ globulos precatorios ad collum deferrent palam expositos, quem ut in mores usum induceret, offendicula multi equidem momenti, pietate eloquentiâque superavit, Rectorem Familiæ Magistrosque in solenni confessu ea de re assidentes, eo usque perurgens, donec encyclicis littèris circum Provinciam omnem datis, injunctum Socijs fuit, pietissimum ut proni adversus Deiparentem animi signum, ceu gentilitiam tesseram, aureo quovis illustriorem vellere, coram exponerent, atque à Mexicana in cæteras Hispaniæ Novæ Provincias Ordinis religio isthæc deinceps promanavit, quæ etiam apud Insulas Philippinas increbuit. Modestus erat admodum, & qui decent in clientelam receptum Immaculatæ Virginis, castissimis moribus, adeo ut provocatus vasserimè, illicitisque ad impudicitiam tentatus, fuga sibi consulens, immotum se præstiterit & labis expertem.

459 Pro censuris Theologicis, Librisque examinandis institutus ab Apostolico Fidei Mexiceo Consistorio, his exactissimè defunctus muneribus, de Catholica Ecclesia benemeritus fuit, & cum à Quæstoribus, tum etiam ab alijs gravissimis viris laudes tulit egregias. E Conventus Angelopolitani Priore, Definitor ad generalia Ordinis Comitria, Procuratorque in Hispaniam dimis-

AU

sus, Europæis acceptissimus viris fuit, dicendique in primis facundiâ & gloriâ clarus, à Pincianis Sodalibus apud insigne Divi Pauli Cœnobium Concionator fuit nominatus, unicusque & eximius quo tempore inter illos diversabatur, magno auditorum emolumento, qui non modò applaudebant dicenti, sed verò etiam reformatis moribus occinebant. A Philippo III, tunc Hispaniæ potentente, Regij Ecclesiastes titulo adauctus habitusque plurimi, non minoris à Regni Dynastis est ductus, quibus ut appensam ad collum piacularem Coronam intuentibus manifestam deferrent, persuasit, & assecutus est. Atque ut erat in rebus Indorum priscis juxtâ & recentibus, si quis ullus, eruditissimus, scribendique stilo felicissimus, Chronographus Indiarum ab eodem destinatus Monarcha fuit.

460 Similem ut obiret Provinciam, adornaretque totius Historiam Prædicatorum Ordinis qua Mexicanam Sanjacobeæ methodo nuper ediderat, Generali arrisit Magistro anno 1597, qui propterea Litteras ad Provincias mandavit, ut gestarum rerum monumenta, sua quæque, ad Augustinum nostrum amitterent. Et jubenti Præsuli latissimè per orbem effussi Sodales obsecundarunt, Nostro vastissimam pro Historia materiem accipiente, seque ad immensi Opus moliminis præparante, quod tamen immatura

Mmmmm

mors



mors intercidit. Demum anno 1599 pro eximijs, queis pollebat dotibus, Archiepiscopus Hispaniolæ destinatus à Rege, sub indeque Americæ Primas, ineunte primo sequentis anno seculi Apostolicis Clementis VIII Litteris acceptis, consecratusque, in suam mox Ecclesiam transmissit. Quadriennium in ea excolenda duxit omni clarus virtute, in primis autem charitate in pauperum eleemosynas efusissimâ, zelo divini honoris salutisque animarum egregio, nec minori juncto prudentiæ comitatuque & humanitati, qua & Clericos & Religiosos homines, & cæteros gregis complectebatur. Auctus licet Pontificio honore, religiosus nequitquam moribus diminutus, cellam sibi apud Cœnobium Prædicatorum Ordinis sui delegit, quo libentius uteretur hospitio quam amplo Palatio. His pro instituto suo deditum, multisque scriptionibus apparandis, præpropera mors substulit 42 annum agentem, quarto præteriti seculi.

461 Paucis ab obitu diebus, Ecclesiæ suæ Clerico pijsimo, dignitateque ornato, nocturno tempore altaria, ut usu tenebat, Cathedralis Basilicæ visitanti, pro que defuncti nuper Archiepiscopi anima preces fundenti spectandum se dedit, Pontificijs quidem ornamentis indutum, nudis tamen pedibus, & igne cruciatum, quo ut levaretur, cæterisque expiatorijs pœnis, Sacra in

optatis habere se, petereque instantissimè Ecclesiastica suffragia significavit. Postera die, & ipse qui hæc exceperat, ad aras fecit, & ut alij sacris etiam operarentur tempestivè curavit, quibus vita functus Præsul subsidij Purgatorio exemptus carcere evolare in cœlum. Nec mora, nam sequenti proximè nocte eidem rursus Sacerdoti sistitur Archiepiscopus grates persolvens, quod extremis hisce tandem suffragijs æterna fuerit in cœlestibus requie potitus.

462 At enim prius quam scripta recenseamus, placuit splendidum, quod ei textit elogium vir Clarissimus D. Ludovicus à Paramo, Boroxensis, Archidiaconus & Canonicus Legionensis, Regni que Siciliæ Fidei Quæstor in Opere à se eruditissimè elaborato, *De origine & progressu Officij S. Inquisitionis*, Matriti edito in Typographia Regia anno 1598. Libro siquidem 2. cap. 12. n. 20. pag. 241. insignis meriti Censores Fidei Mexicanos commendans, hæc de Nostro habet: *Magister F. Augustinus Davila Padilla, Sacra Theologiæ peritissimus vir, Evangelicâ eloquentiâ & oratione disertissimus, ac doctrinâ & morum probitate conspicuus, & super omnia diligentissimus Indicarum rerum indagator, qui Librum Historiæ Provinciae S. Jacobi Mexicana stilo felici conscriptum edidit: quique nobis lumen attulit ad Inquisitionis Peruvienfis scriptionem.* Hactenus ille,



## AU

ille, cui multa occinunt alij, scilicet Hieronymus Ghillini in *Theatro di litterati* italicè edito, de Augustino inquiens: *Il famoso dicitorè dell' età sua à nissum altro secondo: h. è. Clarus ætatis sue Otator, secundus nemini*. Fontana Dominicanus, in *Theatro suo*, & ejusdem Familiæ Lopez, *Historiæ generalis* p. IV lib. 4. cap. I. pag. 789, Fernandez, in *Historia Ecclesiæ nostri temporis*. D. Nicolaus Antonius in *Bibliotheca Hispaniæ Nova* t. 1. p. 137. Ægydius Gonzalez Davila, in *Theatro Ecclesiæ Hispaniolæ* p. 266. Leon Pinelus in *Epitome Bibliothecæ Occidentalis*, editionis Madritanæ novissimæ tom. 2. col. 622. 739. & 751. Illmûs, D. D. Joannes Diaz de Arze in *Proximo Evangelico* lib. 2. cap. 5. fol. 116 col. 1 & 2. & F. Alphonsus Franco, Dominicanus, in *Historiâ Provinciæ suæ Sancti Jacobee* Mss, è qua Nostri illustriora hausimus, & quæ cæteros ejus laudatores fugerunt: habentur autem lib. 1. capp. 52 & 53 hujusce Historiæ, quæ asservatur in *Archivio Mexicani Conventus*. Scripsit Noster jubente provinciali Mexiceo Capitulo anno 1589 celebrato, ediditque hispano sermone,

*Historiam Provinciæ S. Jacobi Mexicanæ Ordinis Prædicatorum*. Matrity, 1696. in quarto, Authore ipso præsentè, quæ tamen editio oculos hactenus nostros fugit. Alteram habemus præmani-

## AU

bus Bruxelenssem, typis Joannis de Meeberck anno 1625. in fol. pp. 654. Tertia quæ à Nicolao Antonio refertur, itemque à Leone Pinelo in *Bibliothecâ nuper relatâ* col. 622. alium eidem operi titulum dedit, scilicet

*Varia Hispaniæ Novæ atque Floridæ Historiâ*. Pinciæ 1634. in folio.

Porro Critici Galli *Scriptores Ordinis Prædicatorum* eruditissimè juxtâ & dilucidè colligentes, tom. 2 ad annum 1604 pag. 351 ubi de Nostro verba faciunt *Historiâque* mox à nobis relata, subjungunt: *Hanc autem ibidem ingenue fatetur noster Augustinus à Fr. Andrea Moguer ejusdem Provinciæ alumno ante annos 40 inchoatam fuisse, tum & à nostris Vincentio de las Casas & Dominico ab Annunciatione prosecutam, quam Thomas Castellar etiam latine reddiderat*. Hæc ubi legimus, è re nostra putavimus, explicatius ingenue illam Nostri confessionem legentibus aperire, historiamque omnem illam insimul vindicare. Videbitur enim forsitan alicui, uti Gallis Criticis visum existimabit, Augustinum non unum Operis fuisse Authorem, qui citra equuleum & tortorem fassus fuerit tres ante ipsum eidem adornandæ insudasse. Absit tamen quam longissimè cogitatus, in quo Criticos Doctissimos hæsisse non credimus, minus tamen quam oporteret explicare locutos existimamus: Hanc inquiringes *Historiam*



riam pridem ab alijs Authoribus inchoatam & prosecutam fuisse. Ut enim mutuatis à Logicæ Professoribus utamur formulis, *hanc specificè* & primum Authorem habuisse Moguerium, & continuatores Vincentium & Dominicum, atque Interpretem Castellarium, Noster sine fidibus, ut ajunt, fatetur, cui nos itidem confessioni penitus assentimus. *Hanc verò numericè* ab illis profectam obnuimus ac pernegamus, nec Augustinus ipse nobis confessione illâ suâ refragatur, testatus ibidem Procemij, Monumenta, quæ diximus, omnia perspexisse quidem, at enim majorem partem ad lydium examinis lapidem consultis superstitionibus testibus revocasse, tum verò, institutâ rigidiorē criticâ, Historiam à capite ad calcem universam calamo suo & stilo duxisse. Certè sapientes Viri, hanc ipsi injungentes Provinciam, quæ pristina Sodalium scripta nota erant; non actum agi recoquique crambem eadem & repeti sibi voverant, imò integram & ex arte historicam narrationem institui, superque fundamentis antiquis extrui, quam felicissimis ac nitidissimis Noster sic graphijs ornavit, fastidiosus etiam ac morosus ut satisfecerit, optaverintque proinde Ordinis universi Rectores sui, & in mandatis dederint, ut non absimilibus, elucubrationibus totius Prædicatorum Ordinis res gestas exponeret. Atque ut ijs

nos verbo expediamus, sunt & in Historia & in Facultate omni ejusdem argumenti plura volumina à diversis Authoribus cusa, quæ tamen & methodo & stilo & adjectis aut illustratis rebus varia merito & ipsa habentur, nec ea singula Scriptori tribuuntur, qui primus ornavit spartam. Et hæc quæ pro *ingenua* illâ Nostri confessione monuimus, quibus Provinciæ Historiam suæ sibi ipsi asseruimus, dicta pariter sunt, ut nihilo minore jure scripsisse dicamus

*Historiam Indorum Antiquitatis.*

Cujus P. Alphonsus Franco meminit indicato superius loco. Nam & si exquisita & abstrusa gentis Monumenta pro scriptione paraverat Dominicanus alter eruditissimus F. Petrus Duran Texcucanus, illis tamen usus industriè ac scientissimè Noster rebus, ad normam & perpendiculum collocatis pulchroque ac virili, quo pollebat, stilo donatis, Librum condidit amœnissimum, qui tamen aut unâ cum Authore sepultus fuit, aut, quod prænominatus habet M. Franco, in eorum manus venerit, ut & cætera Augustini, quæ indicabimus Mss, qui nullâ habitâ Authoris ratione, gloriam sibi plagio aucupati fuerint. Sunt autē inedita illa.

*Varia Tractatus eruditionis.*

*Conciones ad mores & panegyrica.*

*Theologia Scholastica Disputationes varia.*



*Ad Positivam spectantes lucubrationes.*

Extat edita

*Oratio Funebris habita ab Authore 8 Novembris anno 1598 pro justis solvendis in majori Pincianorum Ecclesiâ Magno & Catholico Hispaniarum Regi Philipo II.*

Habeturque in Libro, qui funebria eidem Monarchæ per Hispanias soluta complexus elogia prodijt typis Clementis Hidalgo Hispali 1600. in quarto. Quem ad famosam Paulianam Mexiceam S. Augustini Bibliothecam vidimus.

Ad calcem Librorum, quos vel publicæ dedit luci, vel ea dignissimos ad Cleantis lucernam elucubravit, subnectere placet, nomine ipsius & jussu flammis adjudicatos alios. Scilicet datus Hispaniolæ Archipræsul, Ecclesiæ Decanum D. Nicolaum de Anasco Diœcesim lustraturum dimissit, qui huic intentus negotio Bibliorum Sacrorum Exemplaria 300 invenit hispano illa edita sermone, & quod longè erat execrabilius, ac cane pejus habendum & angue, Lutheranis glossis donata & similis hominum furfuris. Porro duplici proscripta capite volumina in rogam ad circum Insulæ maximum injecta, in cineresque redacta, capitalem veteratoribus, qui illis insudaverant, pœnam in tenebriones ab Ecclesia latam, bono in lumine collocarunt.

463 M. F. AUGUSTINUS DO-

Nnnn

RANTES, Natione Mexicanus & Patria, Ordinis Predicatorum in Provincia S. Jacobi ornamentum sua ætate fuit & decus egregium. Philosophiam Theologiamque multo cum sapientissimorum hominum plausu docuit, Magisterijque apicem retulit. Domesticis non modò auctus honoribus, & percharus sodalibus, exteros toro Novæ Hispaniæ Regno præcones habuit eruditionis, præsertim in Theologicis & Juridicis rebus, eximia. A Quæstitoribus Fidei inter Sacros adscriptus Criticos, multum diuque in gravissimis causis versatus fuit maximique habitus. Consulebant illum in arduis negotijs Docti pariter & indocti homines, quibus ipse humanissimè dabat responsa. Adhæc concionatoris munere etiam præclarus, è sacro in gravioribus festis suggestu dicebat auditoribus quibusque pergratus, gratior tamen nunquam quam ubi in laudem purissimæ Conceptionis Virginæ Panegyrim ornatissimam habuit solennissimi causâ festi à Cœnobio instituti Mexiceo suo, quod recens tunc edita ab Alexandro VII fuisset Apostolica Constitutio *Sollicitudo omnium Ecclesiarum*. Ist hæc ut absolveret onera, professioneque juxtà & studiosissimo genio faceret satis, instructissimæ Bibliothecæ hærebat, libris secundum sacra & religiosa pensa, quibus primas dabat, unicè delectatus, ut subinde ejus apud cru-



eruditos nomen ad ætatem usque nostram insigne sit. Editum ab ipso Opusculum hætenus invenisse nullum dolemus, doctissimaque elucubrata ab ipso Mss latere nos, id unum à gravissimis testibus accipientes, multa ipsum condidisse

*Philosophica,*

*Theologica, cum Scholastica & Moralia, tum etiam Dogmatica,*

*Et Concionatoria.*

Ejus meminere P. Joannes Antonius de Oviedo in Vita P. Antonij Nuñez pag. 21 egregiâ cum laude, & P. Didacus de Ribera in Diario die 10 Septembris anno 1662. quod extat in Oratoriana Mexicea.

464 FR. AUGUSTINUS FARFAN, Natione, ut conjicimus, Mexicanus & Patria, postquam diligentem Medicinæ excolendæ operam dederat, Doctoratusque apicem Apollineum tenuerat, in Ordinem S. Augustini Provinciæ Mexicanæ receptus, edidit hispano sermone

*Tractatum de re Medica brevem, deque morbis omnibus.* Mexici, apud Hieronymum Balli 1610. in 4. Hanc, quam ad S. Jacobi de Tlatelolco Franciscanorum editionem invenimus, secundam credimus, quæ accessionibus ditior novis inscribitur; prima verò quo sit loci hætenus latet nos.

465 P. AUGUSTINUS FRANCO, Natione Mexicanus & Patria, prænobili ortus stirpe, Societati

JESU se addixit, in qua solennia demum quatuor vota Deo nuncupabit. Goatemalæ Urbe primaria amplissimi Regni primum floruit, post traditam Philosophiam, Primariæ admotus regendæ Cathedralæ Theologiæ, Præfectusque Studijs Collegij florentissimi Familiæ suæ, quod id temporis publica Universitas habebatur. Ab ejusdem Diœceseos Pontifice Examiner Synodalis fuit constitutus, & à sapientibus viris multi æstimatus. Mexiceis restitutus Aedibus, Sodalitium à Salvatore nostro nuncupatum, in Domo Professâ nobilissimum rexit ac frequentissimum, ad quod singulis Dominicis diebus piè juxta & doctè è sacro suggestu dicebat, nec minus à Mexicanensibus doctis & gravibus hominibus fiebat quam dudum à Goatemalensibus fuerat habitus. Edidit dictum à se idiomate hispano apud Primarium Præfiscanorum Templum Goatemalense

*Sermonem de Canonizatione S. Petri de Alcantara ejusdem Ordinis.* Mexici, typis Lupercianis anno 1673. in quarto. Habetur tom. 100. Collect. nostræ.

Cæteras ejusdem Conciones & Tractationes Philosophicas ac Theologicas Mss præteritas facimus, nullibi à nobis visas, de quibus tamen conditis nullus hæret scrupulus.

466 D. AUGUSTINUS FRANCO DE TOLEDO, Natione Mexicanus, ortus est Mexici, a vitisque do-



AU

domus insignibus clarus, eximiâ se illustriorem eruditione præstitit. A tēneris Grammaticam exorsus, ejusque præceptis imbutus & usu, Rhetoricam excoluit, Philosophiæque operam dedit. Mox vastissimam utriusque provinciam Juris aggressus, felicissimo successu Civilis infulas in Academiâ patriâ sibi delegit, quas studijs & jugi exercitatione meruerat. Candidatum pro regendis Cathedris egit, atque ut erat nihilo minore in sacris peritia sanctionibus, quam in prophanis Legibus, Clementinarum Professor renunciatus, deinde Imperialibus explicandis Institutionibus Moderator est datus. Interea loci, Forum peræque frequentabat & Academiam, inter primi nominis Patronos causarum relatus, inquisitusque sæpissime à clientibus, tantique à Doctoribus habitus, facile ut in gravioribus ejus opinioni deferrent ac sensui.

467 Ad altiora vocatus suffellia, Auditoris Regij in Mexico Arcopago tandiu functus munere fuit, donec, invidentibus fati, deturbatus, sublimiorem, eximiâ animi demissione, patientiâque egregiâ, sedem nesciam vicissitudinis procuravit. A tumultu negotiorum abductus, Deo quietius & animæ vacaturus, sacras Aedes prona in Cœlites religione quærebat, & quod reliquum erat temporis lectioni studioque dabat assiduo, Libris,

AN

ut usu tenuerat, quibusque perpetuum inhierat, unice delectatus: & certè Bibliothecam selectissimam jam diu instruxerat raris etiam inventu codicibus, & sumptu carioribus voluminibus: Kircherianis, Caramuelanis, & similibus, à quibus magnam eruditionis & politioris litteraturæ suppellectilem comparavit, ut subinde non Jurisprudentiâ tantum insignis, verum in Mathematicis & pulcherrimis disciplinis peritus evaserit. Scripsit, non tamen edidit

*Commentaria in Clementinam de Magistris.*

*Commentaria in Clementinam de Privilegijs.*

*Commentaria in Clementinam de Sententia Excommunicationis.*

*Commentaria in Titulum Instit. de Justitia & jure.*

*Commentaria in Titulum Instit. Quibus modis jus Patriæ potestatis solvitur.*

De quibus Commentarijs testes habemus Academicos Libros Antecessorum lectionibus destinatos.

Opus sub extremam ætatem elucubravit, cedro dignum, floridissimæ Guadalupanæ Mexicæ Deiparentis Imagini illustrandæ, cum insinuatīs Historiarum quæ de ea sunt, receptissimis Monumentis, tum etiam petitis ab utroque Jure rationum fulcris, queis bono in lumine collocatum insigne in paucis habeatur Virgineæ Picturæ miraculum, duobus



bus retro ab hinc seculis appa-  
rente Imagine in telâ caducif-  
simâ coloratâ, natum, in diesque  
perennans, incorruptâ perstâte in  
solo lapidum, ferri, argenti, &  
auri etiam edace. Operis titulum  
non adducimus, quem forsan  
non præferunt Codices ( nec  
enim legere eos nobis licuit, apud  
tabellaria, ut remur, Palatij re-  
clusos ) nec conceptis indicant  
ipsum verbis qui ejus memoriam  
habent D. Patricius Lopez, In-  
dus prænobilis juxtâque eruditus,  
Linguarum Regio titulo Inter-  
pres, in Mss Compendio exhiben-  
te Indicem Monumentorû Equi-  
tis D. Laurentij Boturini. Isque  
in Catalogo suo edito Musæi Hi-  
storici Indici pag. 88. § 35. n.  
10. qui tamen facili equivocatio-  
ne, memoriæque lapsu *Franquis*  
pro *Franco* scribit. Sunt autem,  
ut mox dictus Patricius testatur,  
earthacei fasces duodecim in fo-  
lio, queis Opus involvitur, quod  
(subjungit ipse) si ad extremum  
Author duxisset, succum Guada-  
lupanæ rei omnem expresisset,  
cujus præterea argumenti desi-  
derari nil amplius posset.

Alia ad Forum & Scholam  
spectantia Opuscula præterita fa-  
cimus, quod ubi ea sint & qua-  
lia nesciamus, scientes tamen  
plura fuisse & admodum erudita.

468. D. AUGUSTINUS DE LA  
FUENTE, Natione Mexicanus,  
Parentibus Indis, in ea Imperia-  
lis nostræ Urbis regione natus  
est, quæ Tlatelolco etiamnum au-

dit, quondamque Mexici, quæ  
proximè semper solo hæserat,  
amula fuerat, utriusque partis  
civibus perpetuò inter se dissiden-  
tibus & infensis. Christianis insti-  
tutus & politicis documentis à  
primævis religiosissimis Francis-  
canis, qui inbuendos etiam lit-  
teris Indos susceperant in Co-  
llegio, quod à S. Cruce titulum  
habuit ad Tlatelolcum, ingenio  
illum præditum haudquaquam  
vulgari, alumnos inter suos esse  
voluere, tantosque ille in Latino  
sermone progressus fecit, Rhe-  
toricâ item & Philosophiâ, ut  
Cathedram ibidem tenuerit, gen-  
tique suæ erudiendæ operam, nec  
sine fructu, dederit.

469. Ejus adhuc viventis elo-  
gium contexuit P. F. Joannes  
Baptista in proœmio ad tomum  
suum primum Sermorum, quos  
mexicano idiomate typis dedit  
Mexici anno 1606, testatus, Ma-  
gisterio defunctum esse Augusti-  
num, optimâque mente dona-  
tum, & egregiâ in materno idio-  
mate, quod ditissimum est, eru-  
ditione proprietateque excellui-  
se: quam ob rem, & quod ita  
graphicè & velociter litteras pin-  
geret, ut nulli suorum hac in  
parte concederet, ætatem suam  
omnem in scribendo duxisse, eo  
utentibus Amanuensi PP. Ber-  
nardino Sahagaum & Petro Oroz  
pro multis à se conditis Libris,  
ipsoque laudatore Joanne Bap-  
tista, cui tunc usque per decen-  
nium adfuerat calamo excipiens  
om-



## AU

omnia, quæ ille typis dederat, nec pretio, nec numero pauca. Porro cum isthac Opera Mexicana dialecto composita, ab Typographis linguæ ejusdem ignaris, improbo quamvis labore, ferò malèque aptari formis possent, Augustinus, si quis ullus, exoptans ea excussa videre, quæ tanta sui, Authorisque defatigatione fuerant ornata, versatili quo pollebat ingenio juxtàque manu, typographiam sic brevè percalluit, ut expeditissimè æneis luderet characteribus, totumque fermè Sæmonum Opus F. Joannis Baptistæ proprijs ipse manibus adornaverit, nullis (quod in cultissimis etiam operis typographiæ desideres) mendis admissis, quæ aut morari lectorem possint, aut deturpare Opus, vixque levissimi momenti irrepentibus, quæ vel oculatissimum fugiant & in arte, quæ Dædalea planè est, exercitissimum. Ipsijs quamvis Operis, quod ejus extet nomine, non meminerimus, nibilo tamen minus ad Bibliothecam trahendum nostram existimamus, quòd non putum putum Amanuensẽ egerit eorum, quos diximus Authorum, sed verò etiam socium & coadjutorem se præstiterit eis pro multis idiomate Mexicano conditis voluminibus, cùm à P. Bernardino Sahagum, tum etiam à PP. Oroz & Baptista, è quibus postremo nominatus loco profuisse sibi Augustinum fatetur, non minus ac profuerant instituto suo

## AU

D. Antonius Valerianus & D. Petrus de Gante, alijsque Indi erudiri, à quibus Versiones bene multas Librorum accepit, conceptisque verbis, in grati animi significationem Proæmio supra à nobis relati Tomi palam exponit. Sahaguntino autem eximiam operam scribenti Mexicanè navavit, cùm multa alia, tum in primis duodecim spissa volumina elucubrant, quæ *Dictionary maximum* sunt *Mexiceï idiomatis*, vulgoque *Calepinum* audiunt, quòd celebri Latino Dictionary ab eruditissimo Augustiniano Ambrosio Calepino jam diu edito, Lexicon Mexicanum Sahagutini haud absimile visum fuerit. Petrum tandem de Oroz eadem usum in multis linguâ, de quibus in loco sermo erit, non perfunctoriâ manu consilioque juvit, ut subinde egregia Nostrum laus maneat ab immortalibus monumentis, in quæ tanta eruditionis propriæ symbola contulit.

470 FR. AUGUSTINUS GARRIEDER, è Cantabriæ natali solo in Mexiceam Urbem delatus, Ordinem S. Francisci in Provinciâ S. Evangelij amplexatus est, apud quam litteris efformatus, non pœnitendos fecit progressus moribus juxtà & religiosis institutis excolendis intentus. Philosophiam Theologiamque, quas altè imbiberat, è suggestu discipulis tradidit in Gymnasijs domesticis, è quibus in apertius theatrum deductus, Cathedram



Subtilissimi Doctoris Joānis Dun-  
fij Scoti moderatus est in Aca-  
demiā nostrā Mexicanensi, &  
apud Senatum Fidei pro Censu-  
ris Theologicis fuit destinatus.  
Splendidis alijs in Provinciā suā  
honoribus fulsit & Definitorum  
agens & Angelopolitani Cœnobij  
Guardianum, quæ defunctus  
muneribus, fermèque insimul vi-  
tâ, Mexici non ita pridem ulti-  
mam clausit diem, fratribus jux-  
tâ acceptus & exteris. Edidit ha-  
bitum à se idiomate hispano ad  
S. Dominici Imperialem Mexi-  
ceum Conventum Sermonem, cui  
titulum dedit sequentem.

*Sacrum certamen altiore inter sa-  
pientiam & demissam humilitatem  
amantissimi nostri Parentis & In-  
clyti Patriarchæ S. Dominici de Guz-  
man. Mexici, typis D. Mariæ de  
Ribera 1748. in quarto. Legitur  
tom. 97. Collect. nostræ.*

Mss ejus Sodales si evolve-  
rint, hîc adjiciant amabimus

*Cursum Philosophicum.*

*Tractationes Theologicas,*

Et

*Conciones multas.*

471 FR. AUGUSTINUS DEL  
HIERRO ET ARGORA, Natione,  
ni fallimur, Mexicanus juxtaque  
Patria, Ordinis Beatissimæ Vir-  
ginis Mariæ de Mercede alum-  
nus in Provincia Mexicanensi,  
atque in ea Prædicator Emeri-  
tus, tertiumque Præsul Cœnobij  
& Sanctuarij à Remedijs dicti,  
edidit

*Panegyrim de sacra Christi Do-*

*mini è Cruce pendentis Imagine, quæ  
apud Zacatecanos multa colitur re-  
ligione. Mexici, typis Hæredum  
Joannis Josephi de Guillena Car-  
ralesco 1715. in quarto. Legi-  
tur tom. 99 Collect. nostræ.*

In Schedis reliquit

*Sermones multos.*

472 P. AUGUSTINUS DE  
JAUREGUI, Natione Mexicanus,  
prænobili Familia Mexici ortus,  
liberaliterque educatus, Societa-  
tem JESU in Provincia Mexica-  
na juvenis petijt, in qua studijs  
se ita Humanitatis, Philosophiæ,  
ac Theologiæ exercuit, moribus  
que præfulsit, uti quatuor nun-  
cupatis Deo votis Professos inter  
Patres jam diu claruerit. Gram-  
maticæ tradendæ, Rhetoricæ iti-  
dem Mexici ad Liceum Familiæ  
Maximum, Discipulis multis in-  
cubuit, moxque Philosophiam in  
eâdem Palæstrâ per triennium è  
Cathedra docuit. Apostolica pro-  
prij Instituti ministeria, & apud  
Sanctandream quondam, &  
multis ab hinc continenter an-  
nis apud Domum Professam cu-  
rat, in Oratoriâ Sacrâ facundus  
ac felix, pro Confessionibus &  
consultationibus frequenter quæ-  
situs, ab ijs præcipuè qui se chri-  
stiano ritu ad extremum agonem  
comparant. Largis in pauperes, è  
piorum censu eo uti cupientium  
ductore, eleemosynis notus, plu-  
res etiam Virgines, varijs Deo in  
Monasterijs sacrandas, multâ,  
imò integrâ quandoque dote ju-  
vit, atque ad pia alia opera non  
con-



AU

consilio tantum, sed manu egregiam tulit opem. Pergit etiamnum eisdem intentus, nosque propterea abstinemus elogijs, cæterà debitis, viri clarissimi, quod & nostra cum ipso necessitudo vitæque ejus, quam diuturnam optamus ex animo, prohibeat. Scripsit

*Poeticam pro Natalitio Domini, à Sodalibus excipiendi lufibus numerosis, Concertationem, Bombycis typo Puerulum exhibentem.* Extat in libro ejus argumenti Opusculis destinato, ad annum 1715, in Bibliotheca Maximi SS. AA. Petri & Pauli Collegij.

*Cursum Aristotelica Philophiæ S. Petro de Alcantara* (in quem est insigni pietate) *nuncupatum:* à Summulis reliqua complectentem, quibus ille nostratum more integer absolutusque evadit. Extat apud nos Mss tomis 4 in quarto.

*Resolutiones ad Quæsitæ Moralia.* Quibus Author pro munere, cui incubuit, coram socijs Patribus satisfecit.

*Conciones varij argumenti plures, Prolusiones latine, aliæque amœnioris litteraturæ* Mss.

473 F. AUGUSTINUS DE LEDESMA, Natione Mexicanus & Patria, Ordinem Franciscanum in Provinciâ S. Evangelij amplexatus, ubi Philosophiam excoluerat atque Theologiam, sacro Pulpito frequentissimam dedit operam, è qua Prædicatoris Generalis & Emeriti titulum re-

AU

portavit, Tertioque Pœnitentium Ordini præfuit. Reliquit Mss totum idiomate hispano

*Sermonum variorum* in quarto, qui habetur in Bibliotheca magni Cœnobij Mexicani S. Francisci.

474 P. AUGUSTINUS MARIA DE LUYANDO, Natione Mexicanus, Mexiceis cunabulis usus, & domo multis clara stemmatibus, Jesuadum familiæ in Provinciâ patriâ, ubi primum per ætatem licuit, se innexuit. Amœnioribus excultus disciplinis, eas in publica SS. AA. Petri & Pauli Collegij Aula Discipulis multis exhibuit: Philosophiâque apprime donatus atque Theologia, lauream, pro Sociorum ritu supremam emeruit quatuor Professione votorum, quæ non nisi probatis ac sapientibus viris discernitur, quique utramque Facultatem illam possint in publicâ quaque Universitate docere. Multa pro instituto ministeria gessit industriè, à quibus apud Californias præsertim obitis laudem equidem reportavit. Scripsit

*Concertationem poeticis numeris peragendam in recens nati Pueri Jesu memoriam Maligranati Symbolo expressi.*

Habetur in Libris Argumenti hujus Opera complectentibus, ad annum 1727. in Bibliothecâ memorati supra Collegij Maximi.

*Conciones item hispanas, Prolusiones latinas, & alia amœnioris litteraturæ.*

475 P. AUGUSTINUS DE ME-



MESA, Natione Mexicanus, Sonoræ in Provincia natus, Mexicanam Societatis JESU juvenis adiit, in qua moribus & doctrina clarus, quatuor votorum professione se religavit. Sexennium in Philosophia tradenda posuit, nam postquam Angelopoli Sodales & externos triennio erudierat, eandem jussus spartam ornare, Mexici in Maximo SS. AA. Petri & Pauli Gymnasio triennio altero confluentibus auditoribus multis Aristotelica placita exhibuit. Ut erat tamen ad multa ingenio natus excultusque studio, alijs & alijs pro tempore & Superiorum jussione muneribus institit, donec ad sacrum suggestum Angelopoli destinatus, Præfectusque insigni ad S. Spiritus Sodalitio, huic immortalus fuit anno 1752. Scripsit

*Philosophiæ Cursum Aristotelicæ, Summulis, Logica, Physica & Metaphysica, Animastica, de Ortu & Interitu, deque Cælo & Mundo Libris consistentem.*

Circumfertur Mss ab ijs multis, qui docentem è Cathedra Augustinum excepere.

Plures item *Conciones*, quæ apud Symmistas suos opinamur stabunt, homine nuper fatis suis functo, & cum à litteris, tum etiam à religiosæ vitæ moribus commendato.

476 D. AUGUSTINUS DE MORA, vide sis F. ANDREAS A S. MICHAELE, cui adscripsimus Librum Augustini germani ejus fra-

tris nomine editum de Inferijs Caroli II, titulo *Sol deficiens, &c.*

477 D. D. AUGUSTINUS OSSORIO DE SALAZAR, Natione Mexicanus & Patria, juris Civilis in Universitate Mexicanensi Doctor, ejusdem Facultatis Antecessor Vespertinus, seu Cathedræ Codicis Moderator Perpetuus, non sine lite cum Doctore D. Gaspare de Chaves tractâ, fuit renunciatus anno 1605 die 16 Junij, quo fungens munere scripsit.

*Commentaria in aliquos Justiniani Codicis titulos.*

Ejus meminit Plaza in Chonicis Academicis lib. 3. cap. 7. n. 27. & 29.

478 D. AUGUSTINUS PEREZ DE VILLAREAL HERNANDEZ ET POSTIGO, Natione Mexicanus, ortus Mexici, optime à pijs genitoribus educatus, animum ad studia litterarum admovit, Maximumque Societatis JESU Collegium pro Latinitate haurienda, moxque etiam pro Philosophiâ adivit. Academico ritu donatus laureâ, sedulam utrique juri operam dedit in Universitate nostra, tum etiam non nullam Theologiæ, hujus ut non esset Facultatis nescius, alterâ pro munere imbutus & professione suâ. Viridi sacrorum Canonum insula doctorali conspicuus, candidatum tandiu egit, donec Cathedris gradatim præpositus varjis, Clementinarum Professor, mox Vespertinus, ac tandem Decreti



AU

creti Antecessor fuit institutus. Pro causis in Foro tuendis, ea qua decet Ecclesiasticos viros moderatione (erat enim Sacerdotio initiatus) à Regijs exceptus Senatoribus; à Quæstoribus verò Fidei inter Consultores vocatus est. Gravitate quòd emereret à vita & doctrina, Mexicanâ Cleri electione, Comitij ad id negotij coactis, pro erigendo ad Tridentini Concilij præscriptum & normam Collegio Seminario Metropolitanæ Ecclesiæ, Delegatus, suas egregio operi partes impendit; atque ut erat piissimus, Sodalitates, quæ sunt Mexici illustriores, & quibus etiam præfuit, exemplo factus omnibus, frequentabat.

479 Præ cæteris verò S. Philippi Nerij Sacerdotibus se addixit, qui tunc quidem temporis Instituta Vallicelana, quæ à S. Parente Oratorij Congregationi fuere instillata, non dum tenentes, proludebant eis tamen, & ut in mores postea inducerentur oprabant: ea propter, paucis, qui in Hospitium coaluerant, comitem se Noster junxit, quibus etiam, & reliquis, suas quisque, incolentibus ædes, triennio præfuit. Interea loci, quòd leges, queis Oratoriani ea tempestate Mexici tenebantur, splendidis & extraneis officijs non interdicerent, initam jam pridem à se Noster viam sequutus, qui & in Ecclesia patriâ, & in Vallisoleana Michoacanensium Cano-

AU

nicatus prælectionibus & alijs de jure periculis litterarijs petierat, Doctoralem, ut dicimus, Mexici tenuit, seu potius primoribus labijs libavit, nam nono ab edita possessione die, vitæ clausit extremum 7 Septembris anno 1595. Eximia adversus S. Philippum pietate fuerat, cujus ut sectatores in Collegium evocaret, conventusque ad instar Romani de Vallicela jaceret fundamenta, ubi Præfectus Sodalium fuit institutus, angustissimum usque eò amplificari Hospitium curavit, emptis proximis ipsi domibus vetustate improbis & ruinâ, inibi que extructis conclavibus octo, in quæ recipere se Præsbyteri possent, qui Dei cultui & propriæ invigilarent alienæque proximorum saluti. Et ipse quidem in hanc curam intentus, vix non singulis diebus pro excipiendis confessionibus sacris promptus aderat. Meditationibus precibusque quotidie incumberebat, diligentissimè Assertoris nostri Jesu cruciatus mente revolvens, ac sæpe piissimæ exercitationi, quæ Via Crucis audit, incumbens. Misericordia in pauperes notus erat insigni, cæteraque non obscurus virtute. In supremis, nisi fallimur, tabulis suam Oratoriensibus librariam supellectilem legatam voluit, testanturque, quæ multoties scrutati sumus volumina, Augustini nostri subscriptione signata apud Bibliothecâ Mexicæ Congregationis jam pridem instructam. Scripsit.

Pppp

Com-



*Commentaria in Titulum de Summa Trinitate & Fide Catholica.*

*Commentaria in Titulum de Rescriptis.*

*Commentaria in Titulum de Electione.*

*Commentaria inde Consecratione ad distinctionem quartam Decreti Gratiani.*

Uti è Libris Academicarum Lectionum imbibimus.

Meminit ejus P. Julianus Gutierrez Davila in Monumentis Historicis Congregationis Oratorii Mexicæ parte 1. lib. 2. cap. 22. pag. 112 à num. 250. ad 259.

480 FR. AUGUSTINUS DE QUINTANA, Natione Mexicanus, apud Antequeram Goaxacæ Civitatem primariam natus, latinèque doctus, 16 ætatis anno Ordini Prædicatorum, in Cœnobia patrio habitu assumpto, professioneque factâ 25 Maij 1688, se adjunxit. Majoribus incubuit studijs, profectoque neutiquam pœnitendo ex illis relato, sacris initiatus mense Octobris anno 1695 in Nationem Mixe dictam, quæ prerruptos incolit montes, nimio terræ succo improbos, & perpetuis fere nebulis ingratos ac injucundos, pro ut in votis habuerat jam inde ab incæptis studijs, destinatus, corpore licet imbecillo, imò & valetudinario, alacri tamen animo provinciam aggressus est oppido acerbam. Idioma gentis difficilimum est, si quod ullum in Septentrio-

nali America, barbarum certè, pronunciatuque asperrimum; cui tamen addiscendo tam strenuè se dedit, brevè ut non modò in familiari consuetudine uteretur eo, sed verò etiam publicis concionibus ad populum habitis. Interea loci, Religioso Parocho ad plures abeunte, in hujus ipse locum suffectus, mirum planè est quanta munus illud prudentiâ, virtute, & Indorum commodis totos 28 annos obierit, dignus proinde quem Parochorum dixeris typum à frugi Ministris imitandum.

481 Porro tam Indis illis fuerat acceptus tamque jucundus, ut vererentur ipsum juxtaque diligerent. Certè onere Parochiali deposito anno 21 aut 22 labentis seculi, quòd ægra præpeditus valetudine, pergere in officio haud posset, nihilo tamen minore ipsum diligentiam Mixeniani invisebant consultandi ergo cum animæ, tum etiam domesticæ rei negotia. Ipse in Conventum Antequeræ regressus, præfectusque Valetudinario, eximiâ egrotis subvenire in omnibus diligentiam charitateque satagebat, donec Præses destinatus pro Domino Zaachvilla, in quam Provincie solent Rectores abscedere, in eam translatus quadriennium posuit; rursus verò quòd morbi queis afflictabatur, multò ingravescerent, sistitur Antequeræ, egrotos inter, quibus pridem auxilio fuerat, adnumeratus. Nec propterea la-



## AU

laboribus subduxit se adhuc pro Indorum commodis exantlandis, his etiam temporibus in quibus quiescere oporteret hominem nimia defatigatione lassatum destitutumque viribus: nam conscribendis se Libris dedit Mixeniano Idiomate admodum profuturis, cum Indorum institutioni, tum ministrantium ipsis Parochorum commoditati; fructusque in majori ætate tulit opimos, quos longo usu & studio Idiomatis secuerat, rigarat, accuraveratque.

482 Quod autem, præter semifolium Contritionis formulam exhibens, nil penitus barbaro nimis & inculto sermone editum adhuc esset post geminum seculum, diligentissimis cæteroquin viris nimiam asperitatem deterritis, quæ scilicet confragris Mixe gentis durissimis respondeat & perpetua caligine obscuris; suas ipse elucubrationes procudere, & publica luce donare constituit, devexâ licet ætate & morbis afflictâ Angelopolim petens semel anno 1729, & iterum 1732 Urbem multis à Goaxacensibus distitam parasangis (nec enim propius Officina erat) ut typis ederet Libros, quibus corrigendis vix non ipse solus habebatur idoneus. Hoc tandem functus munere, ad propria reversus, anno sequenti 1734 die 5 Maji Sacramentis, Ecclesiasticis que procuratus auxilijs in Antequerenfi Conventu obdormivit in Domino. Editi porro Libri tres

## AU

utrâque Linguâ Mixeâ scilicet & Hispanâ, sic habent. Primus.

*Institutio Christiana, in quarto 600 pagg. Continet autem, Methodum Mixe loquendi, & hujus Idiomatis Artem. Institutionem Christianam, & incipientium Ducem in cælum, tribus distinctam partibus, quarum prima de Mysterio SS. Trinitatis, & divinis Processionibus agit. Secunda Mundi conditionem expendit. Tertia in Humani generis Redemptione ponderandâ versatur.* Angelopoli litteris Viduæ Michaelis de Ortega Bonilla 1729.

Secundus hunc præfert titulum.

*Doctrina Christiana, & expositio præcipuorum nostræ S. Fidei Catholicae Mysteriorum. Adjacet Tractatus de Confessione sacramentali, seu de Pœnitentiæ Sacramento pagg. 128. in quarto. Nuper dictis formis Angelopolitanis & eodem anno 1729.*

Tertio demum hoc nomen dedit.

*Confessionarium, hoc est, pro instituendâ sacra exomologesi compendium idiomate Mixeo & Hispano. Accedit Vernacula Orationum ad Christianam Doctrinam spectantium Interpretatio. Demum, Summa Mixearum vocum in quarto, pagg. 148. Angelopoli in eadem Typographia 1733.*

483 M. F. AUGUSTINUS DE LOS REYES ET RIBERA, Natione Mexicanus, Patria Angelopolitanus, Regalis Ordinis Beatissimæ Virginis Mariæ de Mercede Sodalis, multâ fuit conspicuus



## AU

eruditione, & gestis muneribus clarus. Lector Philosophiæ & Theologiæ statutis in Familia curriculis, Magisterij suo tempore laureâ donatus, Studijs juxta & Collegio Mexiceo à S. Petro Paschasio nuncupato, præfuit. Cœnobium & Goaxacense & Mexicanense, quod Primarium est Provinciæ, Commendator administravit, ipsique Provinciæ primum Vicarius, dein Provincialis præpositus fuit. A Censuris Theologicis, titulo functus & munere, apud Novæ Hispaniæ Tribunal multi habitus est. In Episcopatu Goaxacensi Examinatorem egit Synodalem. Edidit à se habitam in Metropolitana Ecclesia, coram frequentissimâ & gravissimâ coronâ, pro S. Cruciatæ Bullâ publicè expendendâ, Concionem hispanam, cui titulum dedit

*Copiosa pro vivis & defunctis Catholicis à S. Cruciatæ Bulla redemptio.* Mexici, typis Lupercianis 1728. in quarto.

*Conciones ejus reliquas, & Translationes Philosophicas ac Theologicas à Socijs hîc addendas relinquimus.*

484 P. AUGUSTINUS ROA, cujus Natio & Patria nobis est in ambiguo, certum tamen in America Mexicana Domicilium, Societatis JESU alumnus, apud Taraumaram gentem sacris instituendam christianis deductus, eximio pro Dei gloria & animarum salutē zelo & labore, pro ijs qui ipsorum invigilaturi reli-

## AU

giosis institutionibus & politicis sunt, scripsit

*Artem pro Taraumarensi idioma te nanciscendo,*

Quam se vidisse dum inibi ageret, testatus est R. admodum Pater Joannes Antonius Balthasar, ejusdem Societatis Mexicanæ Provinciæ, dum hæc scribimus, Præpositus, vir Clarissimus.

485 D. AUGUSTINUS DE SALAZAR ET TORRES, Natione Hispanus, Numantiæ antiquissimâ præque nobili & fortissima Civitate ortus, genitoribus longâ majorum clarissimorum serie conspicuis, triennis in Americam nostram ab avunculo Illmō. D. D. Marco de Torres, Jucatanensi Episcopo abductus, Domicilio & Studijs Mexicanus evasit. Nam, si non fallit, quæ Libris præfixa Nostri est, de ejusdem vita Commentatio, natus est anno 1642; avunculus porro Hispania excessit Jucatanensem versus Provinciam anno 1645, nisi delusus est Ægydius Gonzalez Davila; ut proinde quinquennis Augustinus, erratâ facile numerorum putatione, ab memoratæ Commentationis Scriptore dicatur. Biennio post, scilicet anno 1648 Illmūs. D. Marcus in Gubernatorem Novæ Hispaniæ à Catholico Rege destinatus, Mexicum petijt, secumque Augustinum, id certè temporis quinquennem detulit, quem, fato ipse concedens citissimè, nimirum pro-



AU

ximè sequenti annò 1649 propinquis forsan aut amicis commendavit Mexicanensibus, ejus qui curam in se & institutionem susciperent. Puerulus indole ad litteras paratus aptissimâ, & prævivido ingenio ac felici memoriâ, ubi primis rudimentis imbutus fuerat, Latinis ornandus Rhetoricisque ac Poeticis disciplinis, Maximi SS. AA. Petri & Pauli Societatis JESU Collegij Gymnasia adivit, à quibus gloriam pro ætate illa, imò pro longè grandiore, maximam reportavit. Duodecim enim annos natus, in publicâ Collegij luce, coram delibatissimo sapientum flore constitutus, & recitavit abstrusiori conscripta stilo & recondita scatentia carmina eruditione inclyti Cordubensis D. Ludovici de Gongora, Hispanos inter vates acclamatissimi; & quod eruditissimis etiam negotium faceret, quæ OEdipo egent plurima extricavit appositè, nullisque non satisfecit difficultatibus, ab ijs illi propositis, qui multam in eo excolendo Poeta operam & studium posuerant. Scilicet tanta jâ inde erat eruditione, ut Græcos, Latinos, Italos, & Hispanos vates multa familiares sibi lectione & meditatione fecisset, atque floridissimam segetem comparasset.

486 Quo autem uberiorem longè conquireret, imbibitâ primum inibi Philosophiâ, mox se in Academicas utriusque Juris Aulas recepit, Theologiam coluit,

AU

nec prætermittendam sibi Astronomiam duxit & politiores quasque litteras, quibus dein subsidijs uteretur & in ætate futura, Poësimque excoleret, cui in primis natus, suo pte ferebatur numine, Mexiceo, quem incolebat, solo genium mirè juvante, ad blandienteque Americano cœlo pronæ in amœniores cogitationes menti. Exploratum enim à Sapientibus est, quantum loci feracitas, perpetuo florentis vere, & ad innoxias delicias compositi, delicatiora instillet cogitata, quasi quæ inspergat pulcherrima excellentibus litteras politiores; ut sub inde memoriæ tradiderit in de Magnalibus Mexiceis libro, Illmûs D. Bernardus de Balbuena, nulli in Poetica facultate secundus (quam illi laudem attribuere non est veritus emunctæ naris Criticus D. Nicolaus Antonius) jam inde à dimidio fere supra integrum seculum, institutâ Mexici solennissimâ Vatum concertatione, nihilo terecentis pauciores & cultissimos comparuisse, quorum singuli amico inspirante Apolline, Musisque gestientibus, de lauro adstrictâ numeris oratione certaverint.

487 Noster eos inter qui sua ætate florebant, nulli concedens, & Sapientibus viris, & ipsis Principibus acceptissimus, laudatorem cum primis habuit Excmûm. Ducem Alburquerqueium D. Franciscum Fernandez de la Cueva, Regis nomine id temporis rerum

Qqqq

Me-



Mexicæarum potentem, qui ut erat in litteratos homines comes & humanissimus, deque Universitate nostra benemeritus, Augustino sic adhæserat, ut redux in Hispaniam inde illum evocaverit, & in suam demum sententiam & Regionem perduxerit. Apud Mantuam Carpentorum eruditissimis scatentem viris & Hispaniæ Primoribus, Augustinus præstò egregium sibi à doctrinâ, & potissimum à Poesi, nomen peperit, consuetudine jūctus eximio laudatissimoque ab instructis Comædijs viro D. Petro Calderon de la Barca, cujus usu profecisse opulentamque suppellectilem ulterius ditasse, is qui res ejus memoriæ prodidit, attestatur, subjungens, jam inde Magnatibus Regum gustui blandientibus, procurantibusque, profectas ab illo Comædias in theatrum adductas, spectantiumque acclamatione egregiâ susceptas. Matrimonio præclaræ nobilitatē Fœminæ junctus, Imperatricem Germaniam petentem comitatus est, cujus & Itinerarium conscripsit, & Epitalamium cecinit, & festivos delicatissimo auditui numeros insinuavit, delectus à Mæcenate suo faventissimo Alburquerque Duce, qui & ipse officij adversus gradientem Principem causâ Germanos invisit Pro Regiâ jam auctus Dignitate in Sciciliâ, in quam reversus, militaribus Augustinum insignivit honoribus, cohortibusque præfe-

cit, Martem Musis associans, oleis que palmas inferens.

488 Ea apud Siculos provinciâ defunctus, Matritum repetens, pristinis pacatus studiis incubuit, non invidiâ minus illustris quam laude multorum, obrectatibus nebulonibus huic cui sapientes acclamabant, cujusque laudi & gloriæ applaudente manu favebant. Auram certè plurimam honoris excepit, quam tamen, Philosophiæ licet peritus, nullâ in aurum Chrisopæiâ vertere potis fuit, vitamque subinde divitijs expertem transegit. Præproperis fatis extinctus est 29 Novembris anno 1675, ætatis 33, immortalis dignus nomine, quod ut edacissimæ rerum oblivioni subduceret statim curavit Amicus fidissimus, poeticâ quoque laude conspicuus D. Joannes de Veras & Villaroel, schedas quantas potuit Augustini undique conquistas typis committens voluminibus duobus comprehensas, quibus de actis & studiis Commentarium præposuit, inedita etiam, quæ mox indicabimus, Opuscula exhibens, quiritatus de ijs qui nullo plagij rubore suffussi, Salazarij Poemata pro suis edidissent. Hercle, is Noster fuit, qui Primarios inter Hispanos Poetas Eruditorum calculis fuerit adscriptus, in quem scilicet Musæ omnes & Charites evolayerint, ut excogitaret inveniretque felicissimo numine, & perinde ac suadâ labris insiden-



## AU

dente, dulcia juxtà pangeret & elegantissima, perspicuaque, tropos inter & figuras, carmina funderet, in quæ si juvenilem non numquam audaciam Lector offendet, ætati tribuet petulantiori, quæ suggerere non gravissima plerisque insueverit. Edita ita habent Opera.

*Appollinis Cythara, varia poemata, sacra profanaque.* Matriti, apud Antonium Gonzalez de Reyes 1694. Tomis duobus in quarto.

Ejus Extant etiam carmina & elogia in *Concertatione poetica* ab Scholaribus Mexicæ Universitatis habitâ, descriptaque à D. Joanne de Guevara, atque edita Mexici Typis V. Bernardi Calderon 1654.

Inedita verò, de quibus exrat in Monito ad Lectorem 1. parti præfixo, index, hæc sunt.

*Itinerarium Imperatricis Germaniam petentis, unaque ejusdem Epitralamium.*

*Scenici actus sacri duo.*

*Comedia in jocum scripta.*

*Tractatus cui titulus,*

*Venustatis speculum.*

*Gemina fœcoseria fabula, altera majoribus, Octavas Hispani dicimus, numeris; minoribus altera, quos Romance vocamus.*

*Transformationum Mexicanorum, seu Ovidianarum Metamorphosis imitatio.*

*Praludium in Tethis & Pelai Comediam. Varia in tripudium Carmina.*

## AU

*Nonnullæ Poetarum Græcorum versiones & Latinorum.*

489 D. AUGUSTINUS SANCHEZ DE LEON, Natione Mexicanus & Patria, absolutis Latinitatis tyrocinijs, Philosophiâque imbutus, Medicinæ excolendæ animum adjecit, Doctorque inauguratus, quotidianis in theoria & praxi incrementis, primarios inter Apollinæ Facultatis Professores est habitus, cum in Mexicanensi Universitate, in qua Perpetuum multis annis Vespertinum egit Antecessorem, optimumque Academicum, sive è Cathedra propugnator & Patronus adesset, sive è subsellijs argumentaretur; tum etiam in Urbe pro afferendâ egrotis ope frequenter quæsitus. Vir erat admodum studiosus, reique quâ profitebatur intentus, adeo, ut coram fœminis etiam & idiotis colloquia de occurrentibus languoribus texeret longa, non quidem ut fucum faceret, aut gloriolam captaret ab illis vanissimam, sed ut quos secum deferbat Discipulos, de illis instrueret, seque assiduitate discurrendi amplius exerceret, & medica apotegmata memoriâ refricaret. Palestram verò Scholæ tam adibat ex genio, ut libenter arguendi ergo, his se consultationibus quandoque subduceret, è quibus stipē haud vulgarem lucrari posset, quæstuosiorem sibi reputans institutam minervalem concertationem. Scripsit

*De Methodo medendi Tract. varios.*



*Varias item in selectos Aphorismos observationes.*

Alia mittimus, quæ è suggestu licet tradiderit, libros tamen Academicos annuos casu vel nos exquirentes fugerunt

490 P. AUGUSTINUS DE LA SIERRA, Natione Mexicanus & Patria, clara majoribus stirpe genitus, germanis item fratribus claruit, Societatem JESU in patriâ amplexatus Provinciâ, à litteris probatus & moribus, quatuor Professus votis fuit. Grammaticam tradidit & Rhetoricam apud Maximi Collegij Mexicani Gymnasia. Triennium quoque in edocendâ Philosophiâ strenuè posuit. Mox Antequeræ Goaxacensium Theologiam è suggestu non sine plausu aperuit. Varijs, quæ Familiæ instituta ferunt, munijs incubuit, & à Secretis Provinciæ fuit. Quamquam libens domi contineretur, vixque non nisi coactus inde prodiret, ut erat tamen ad negotia quæque agendum aptissimus, Procurator Romanam destinatus fuerat à Congregatione Provinciali: quo autem ne defungeretur officio mors citiori ipsum gradu præveniens, in causa fuit. Scripsit anno 1683.

*Poeticum Certamen pro Jesu Christi Assertoris nostri natalitio colendo, Leonis unâ & Agni Symbolo dato,*

Ut legere est in Volumine argumenti hujus Opuscula complectente, quod extat in Bibliotheca Collegij Maximi Mexicani.

*Cursum Philosophicum.*

*Tractatus Theologicos varios.*

*Ameniora quædam Opuscula.*

Ubi autem isthæc delitescant Mss, an verò penitus interciderint, ignoramus.

491 D. AUGUSTINUS DE VERDIGUEL, Natione Mexicanus & Patria, postquam Latinis dedit operam litteris, Philosophiam excoluit atque Theologiam, Laureasque in Academia Mexicanensi tulit. Sacerdotio initiatus, & pro Confessionibus excipiendis, Sacramentisque alijs administrandis publicis litteris approbatus, Vicarium multos annos Parochialem egit in Mexicæ Metropolitana Ecclesiâ, ad quam Primarij quatuor Urbis Curiones resident. Mox nocturnus, ut dicitur, Parochus Edictusque major electus, huic in præsentiarum muneri strenuè vacat. Hæc inter, frequentissimos, cum alibi, tum etiam in Cathedrali Ecclesia habuit sermones, ingenio juxta & eruditione ex arte conditos. Vertente autem anno 1752, indictoquo Mexici celeberrimo Jubileo anni sancti Apostolicis Benedicti XIV Litteris, & eximiâ in Hispanos & Americanos beneficentiâ, ut auxilio Fidelibus esset Indulgentiarum sacram & reliqua Pontificia lucraturis indulta, prævia Sacramentali confessione, hancque facili negotio expediret, Libellum edidit hispanâ linguâ

*Dialogum pro addiscenda methodo instaurandi Dei gratiam, tuta Sa-*



AU

*cramentalis praxi confessionis, mediaque offerentem pro nactâ amicitia divinâ servandâ. Mexici Formis D. Mariæ de Rivera 1752. in 16.*

Ineditos habet *Sermones* publicâ luce dignos, nec uno tomo comprehendendos, aliaque *Opuscula*.

492 D. AUGUSTINUS DE VERGARÀ, Natione Peruanus, apud Urbem S. Fidei, quæ Novi Regni Granatensis est caput, ortus, in ejusdem Civitatis clarissimâ Universitate infulam Doctoralem in Theologiâ assequutus, Mexicum deinde petens, Academica frequentavit Gymnasia, Jus utrumque, Canonicum & Civile haustus, quæ altissimè imbibitis, laureas emeruit, proque capessendâ Fori praxi institutâ cum optimis & exercitatis Patronis & Causidicis consuetudine, ipsis adscriptus Regij approbatione Auditorij, nulli postmodum concedebat. Insigni erat in arduis quibusque negotijs peritiâ, dicendi facundiâ, & in defendendis clientibus diligentia, à quibus sub inde quærebatur, egregium in eo sibi augurantibus patrocinium. A Judicibus aliisque sapientibus viris maximi ducebatur, in primisque à Societatis JESU Patribus, qui ejus in gravibus forensibus causis uti operâ & scriptis voluere. Opes sibi è rostris non exiguas paravit, quibus clanculum egentibus subveniebat, residuisque in obitu piè utens, postremis tabulis am-

AU

plissimos Fidei Quæsitores Mexicos rebus ut curarent suis voluit rogatos, qui ea optimè in Dei gloriam provinciâ funguntur. Edidit Librum verius quam Allegationem.

*Pro Societatis JESU Provinciâ Novæ Hispaniæ in causâ legati ad Missiones, ut dicimus, testamento relictâ à D. Francisco de Oroscoco, Episcopatus Vallisoletani apud Michoacenses Presbytero ab eximia pietate charitateque admodum claro, æquè & opibus abundante. Angelopoli, typis Viduæ Michaelis de Ortega Bonilla 1729. in fol.*

*Pro Marchione de Villapiente personam agente Marchionisæ Tunium de Rada, &c. Allegationem juridicam, occasione datâ piissimâ utriusque acta, egregièque gesta expendentem. Angelopoli eisdem formis anno 1741. in folio.*

Multas præterea scripsit *Allegationes* non paucis tomis comprehendas, & publici juris fecit non nullas alias, quarum exemplaria nos in præsentia fugiunt.

493 ILLMUS. D. M. D. F. AUGUSTINUS DE ZERRALDE, Episcopus Auxiliaris Seguntinus, Natione Mexicanus, apud Tochimilcum, prope ignivomum in Archiepiscopatu Mexiceo montem nobilibus Parentibus genitus, Regulam S. Francisci in Cœnobio Mexiceo 6 Novembris anno 1649 nuncupatis votis fuit amplexatus. Postquam litteris operam dederat Philosophicis & Theologicis, Præfecturas aliquot

Rrrr

gef-



gessit, Procuratorque primum Mexici renunciatus, dein idem pro America nostræ Provincijs ejusdem Instituti munus acturus, in Hispaniam amissus est. A Supremo S. Inquisitionis Consilio Sacris adscriptus Censoribus fuit, à Catholico Rege pro Concionibus institutus coram se habendis. Tum, auxilio ut esset in pastoralibus curis Pontifici Seguntino, Episcopus electus & consecratus, Diocesim perlustrans, febrique correptus diem vidit postremam 22 Julij anno 1679 ætatis 46. Scripsit

*Conciones varias.*

Ejus meminit Betancurtius, post Menologium, in Tractatu de Illm̃s. Provinciæ S. Evangelij Episcopis pag. 136 n. 8.

494 F. AUGUSTINUS DE ZEVALLOS, Natione Mexicanus, cui natale solum Goatemala, Ordinem S. Francisci in Provinciâ patria à SS. nomine JESU dicta, quæ Observantium est, amplexatus, egregio cum à doctrina, tum à vita fuit nomine. Theologiam ubi aliquot annis Sodales suos docuit, atque è sacro suggestu ad populum dixit, Sapientibus insipientibusque multis ipsum elogijs & laudibus prosequentibus, auræ se subdixit blandienti, & in cella abditus, uni Deo, sibi ac religiosis vacare institutis intra claustra decrevit cōtemplationi cœlestium deditus, jugique propriæ mortificationi. Huic, quoad vixit, proposito

herens, perinde in amplissima Civitate se gessit, ac si in remotam ab omni commercio solitudinem contendisset. Edoctus in Schola orationis, & abnegationis palæstra, uberius quam olim in Minervæ Gymnasijs, divina, duos in quarto tomos reliquit scriptos, qui in Bibliotheca servantur Cœnobij Goatemalensis Primatij PP. Franciscanorum: Primus est de Mystica Theologia, ab ijs qui eam callent & excolunt habitus multi, cui titulus

*Anima in Deum volatus.*

Secundus autem ita habet:

*Notæ pro familiaribus concionibus ad sacras Virgines & spiritualem vitam agentes.*

Ut Author nobis est F. Antonius Arochena in sillabo ad nos dato de Scriptoribus Provinciæ suæ n. 10. eorum qui idiomate hispano scripsere. Nostri præterea meminit F. Franciscus Vasquez in Chronicis dictæ Provinciæ Goatemalensis tom. 2 lib. 4. cap. 74 pag. 352.

## B

495 M. F. BALTHASSAR DE ALCOCER ET SARIÑANA, Natione Mexicanus, Mexici ortus est ex gente clarissima, Illm̃. Antequereñsis Episcopi D. D. Isidori de Sariñana ex sorore nepos. Ab ipsa ineunte ætate avunculum ingenij & doctrinæ laude cum primis



BA

mis famosum, ac si imitandum in animo haberet, totum se excolendis litteris dedit. Sacrum Regiumque Beatissimæ MARIE Virginis de Mercede Ordinem professus, Mexicanæ Provinciæ, cui se addixerat, ornamento fuit & decori eximio, Mexicæam juxta Academiam, Parentem itidem sibi dilectissimam, præclare adornans. Sodalibus Præceptor Philosophiæ datus, mox etiam Theologiæ, Magisterij lauream emeruit, primariasque Familiæ clarissimæ Præfecturas. Collegium à S. Petro Paschasio nominatum Mexici rexit, quod extructis officinis, multisque operibus instauravit, ejus propterea incolumitati prospiciens, quod insigne sit Provinciæ Seminarium suæ, è quo celebres doctrinâ & religione viri prodierint, prodeantque quotidie. Cœnobio Primario Mexiceo Commendator præpositus, strenuam in eo augendo expolendoque operam navavit, addito deinceps, egregijs sumptibus, amplo Cavædio, quod laboratis strenuè lapidibus, clathris ferreis, & pictis sacris Imaginibus perpulchrū evasit. Provincialis consentientibus declaratus suffragijs, omnium se exhibuit Patrem Religiosorum; quibus comitate acceptissimus & humanitate, facile studia litterarum, Ordinisque præscripta, ut animo usuque tenerent, pro ut solenni ipsis fuerat in more, pergerentque ex animo, injunxit.

BA

496 In Universitate Mexicanensi Doctoralibus utriusque Sophiæ infulis fuit insignis, Cathedrisque præfectus, Vicennium in eo posuit suggestu, qui Summulis Logicæque tradendæ matutinis horis est destinatus, donec in Primarium Theologiæ Antecessorem Perpetuum (si quidem hanc pridem ad tempus spartam ornaverat, priusquam Philosophiæ Moderatoribus adscriptus fuisset) octo virorum calculis fuit electus. Porro Academicis natus exercitationibus, frequentissimus erat in Minervæ atrijs, sive pro thesibus propugnandis, sive pro impetendis scholastico ritu, sive pro quibusque alijs Gymnasia concernentibus alumnosque & tyrones, quorum accommodatus captui perspicuè semper agebat & perhumaniter. Adhæc alijs incumberebat muneribus, quæ egregium decebant Theologum, Censoremque S. Inquisitionis, atque Evangelicum Oratorem. Fato tandem concessit merentibus non Sodalibus modò Mercedensibus & viris Academicis, sed Religiosis etiam Familijs, Jesuitarum in primis, quæ fuerat multa addictissimus consuetudine, Nobilibusque hominibus, & infimæ sortis, quos urbanitate sibi & benevolentia devinxerat. Extant ab ipso edita quæ sequuntur hispano sermone.

*Funebris Oratio habita Antequera Goaxacensium in exuviarum translatione quatuor ejusdem quondam*

R2

Ec



*Ecclesie Antistitum M. D. F. Thomae de Monteroso: D. D. Nicolai del Puerto; D. D. Isidori de Sarinana & Cuenca: M. D. F. Emmanuelis de Quiros. Mexici, typis H. V. Francisci Rodriguez Lupercio 1702, quam habemus in Collectaneis nostris in quarto. tom. 30.*

*Panegyrica Oratio pro Sacra B. Joannis de Deo apotheosi in Sanctorum censum relati solennissimo à Fratribus de Hospitalitate ejusdem Divi octiduo celebrata. Mexici, mox indicatis litteris Lupercianis anno itidem 1702. Extat in Libro id argumenti Conciones cæteras Mexici habitas, Poeticosque lusus complectente, de quo cum ad Joannem Ramirez de Santiabanes devenèrimus opportunus nobis sermo recurret.*

*Festivum triduum, seu Historica enarratio Lectorum exhibens oculis Epinicia ab Academia Mexicana triduo instituta plaudendi ergo relatum ab Catholico Rege nostro Philippo V Hispanorum armis apud Villaviciosa campos eximium de potentissimis hostibus triumphum. Mexici, formis Joannis Josephi de Guillema Carrasco 1712. Habetur in Collectaneis nostris in quarto. tom. 24.*

Inedita verò, quæ ex Academicis monumentis rimari potuimus, ita habent.

*Tractatus de Summulis.*

*Tractatus in Universam Aristotelis Logicam.*

Reliqua autem, quæ ad Philo-

sophici perfectionem Cursus spectant, quamvis ab insinuatissimis Gymnasij libris non habeamus, quippe ea duntaxat signantibus quæ singuli annuatim Professores pro suo quisque munere docent, Nostri autem præter Summulas & Logicam, pro suggestu suo non intererant alia; omnia tamen discipulis intra religiosa exhibuisse claustra non dubitamus.

*Tractatus de Scientia Dei.*

*Tractatus de SS. Trinitate.*

Reliqua hætenus nos fugerunt, scientes esse non pauca, & Scholastica & Concionatoria, tantoque haud indigna Magistro. Meminit ejus Sodalis admodum eruditus M. F. Joannes Antonius de Segura & Troncoso in Seneca suo de Mercede, Mss.

Ejusdem etiamnum viventis elogia texuere D. D. Petrus Ramirez del Castillo, in Nuncupatoria quam Concionibus suis pro petitione Canonicatum Vallisoletanæ Ecclesiæ Michoacanensium præfixit Meccenatem sibi Nostrum salutans: Et M. Ferdinandus Toro Altamirano Dominicanus, haud absimili Balthasarem honore prosequutus in editione Panegyrici de S. Petro Martyre à se habiti.

497 F. BALTHASAR DE LA CAMPAÑA, cujus Natio & Patria nos fugiunt, Domicilio saltem Mexicanus, Ordinis S. Augustini in Provinciâ S. Nicolai Tolentinatis, quæ apud Michoacanenses floret, alumnus, dum Con-

ven-



BA

ventum incoheret Oppidi de Tangamandapio, Tomum scripsit

*De Morali Theologia,*

Uti ab gravissimis ejusdem Familiæ viris accepimus, opinamur que Mss apud memorati Tabularia Cœnobij asservari.

498 F. BALTHASSAR DE LA CARRERA, Natione Mexicanus, Patria Angelopolitanus, S. Francisci Regulam in Provincia Observantium S. Evangelij professor, litteris & muneribus clarus fuit. A S. Inquisitionis Triumviris Censoris titulo, & à Sodalibus Concionatoris Generalis gradu, pro eximijs in sacro suggestu laboribus, jure insignitus, Parochum supra 40 annos egit industrium. Civitatis de Toluca, quæ ad Diœcesim Mexicanam spectat, atque è plurimis à se habitis sermonibus edidit,

*Eucharisticam Orationem pro Triumphis à Catholico Rege nostro Philippo V apud Villaviciosa reportatis, atque in Paræcia sua egregio Urbis plausu, laudeque Virginis Deiparentis susceptis.* Mexici, typis Viduæ Michaelis de Ribera 1712. in quarto. Legitur tom. 98 Collect. nostræ.

*Panegyricam Orationem à se dictam in solenni Sacrarj ejusdem Parochiæ Dedicatione.* Extat cum alijs in idem Collimantibus, in Libro cui titulus, *Manus religiosa.* Mexici, mox dicta Typographia 1730. in quarto.

499 F. BALTASSAR DEL CASTILLO, Natione Mexicanus, Me-

BA

xici ortus, Ordini Minorum de Observantia in Provincia S. Evangelij nuncupatis votis se adjunxit, & Magistrum nactus doctissimum F. Augustinum de Betancurt, non modò Philosophiam didicit & Theologiam, sed verò etiam Mexicano altè fuit imbutus idiomate, dignus quem Magistrum plenis buccis nuncupaverit Præceptor ipse, editoque elogio cohonestaverit ipsum loco intra dando, & in Centura Opusculo, quem mox dicturi sumus, præposita. Prædicatoris titulo fuit insignis, & Parochiam de Huexotla canonico titulo administravit. Edidit idiomate hispano itemque mexicano Librum in quarto cui titulum dedit,

*Lux unà duxque pro Evangelicis Indorum Ministris.* Mexici, ex Typographia Joannis Josephi de Guillena Carrasco 1694.

*Pro Agonizantibus Librum unum.* Mexici 1677.

De quibus meminere citatus Betancurtius in de Illustribus Provinciæ S. Evangelij viris pag. 144. n. 46 tomo. 4 Theatri Mexicani: Bibliotheca Franciscana tom. 1 pag. 176. & D. Antonius de Leon Pinelo in Bibliothecâ Occidentali tom. 2. col. 732.

500 P. BALTHASSAR CERVANTES, Natione Mexicanus, apud Goaxacenses ortus, Societatem JESU amplexatus, tanto fervore tyrocinium aggressus est, ut Sodalibus à Præfecto suo velat imi-



imitandum exemplar virtutum proponeretur. Studiorum palestra adiit, dimensusque strenue, eos tulit honores, qui non nisi eminentioribus decerni Scholaribus in Familia Jesuadum solent, universa per diem integrum Theologiam publice defensata. In Cinaloe Missiones dimissus, barbaram imbutus Indorum linguam, totum in eis Apostolico zelo juvandis septennium, egregiam rerum omnium inopiam & molestiam posuit, donec Mexicum avocatus, tradenda in Maximo Collegio Philosophiae Magister fuit institutus. Ubi hac per triennium functus provincia fuerat, Angelopoli instituit, Theologiam Moralem in recens structo S. Ildefonsi Gymnasio frequentissimis auditoribus esse suggestu dicturus. Inibi agens, acceptissimus fuit Illmo. D. D. Alfonso de la Mota, ejusdem Collegij Fundatori, qui vix non omnia ejus consilio negotia & decreta committebat. Dein reliquum vitae in Maximo Collegio Mexiceo transegit, Praefecti spiritus, ut dicitur, titulo, eximijs virtutum exemplis & Sodalibus percharus & exteris, quorum ut saluti, Indorum in primis, consuleret, Mexicanum idioma studiosissime comparavit. Paupertatem sic coluit, ut ne minimum quidem dare aut accipere ausus fuerit citra expressam Superioris licenciam. Castitatem ad mortem usque illibatam servavit, non

semel & iterum sed tertium etiam ab impudentissimis provocatus mulierculis, quas ipse feriâ & acri animadversione deterruit, atque ad meliorem frugem traduxit. Insigni floruit vel in durioribus & abjectioribus obedientia, patientiaque simili, & ab hominum commercio abstractione ac recessu: nam toto ultimo aetatis decennio agrâ & molestissimâ valetudine divexatus, uni Deo ferventissima deditus oratione vacabat, vixque è latebris cubiculi exhibat, nisi mane alieno deductus auxilio in Sacellum interius rei divinae adfururus, & Sanctissimam depascendus Eucharistiam. Tandem annos natus 70. & ab inita Societate 55 in caelum, ut pie credimus, evolavit 2 Julij anno 1649 ut à Menologio Provinciae Societatis JESU Novae Hispaniae, addito operâ P. D. Joannis Antonij de Oviedo, editoque anno 1747 acceptum habemus. Scripserat Noster

*Cursum Philosophiae,*

Et

*Moralis Theologiae Tractatus.*

Quorum tituli latent nos, pariterque scrinia ubi Mss servantur, quorum fuere exemplaria multa pro auditorum, quibus ea tradiderat, numero.

501 ILLMUS. D. M. D. F. BALTHASSAR DE COBARRUBIAS, Natione Mexicanus, nepos Clarissimi viri, summi Hispaniarum Consilij Praesidis, à litteris & vir-



BA

tutibus Illm<sup>i</sup>. D. D. Didaci Cobarrubias & Leyba, Mexici Parentibus claris genere Joanne Antonio de Cobarrubias, & Catharina Muñoz natus, Ordinem S. Augustini in Provincia SS. nominis JESU amplexatus, ad Imperiale Mexicanum Cœnobium 15 Augusti anno 1577 professus est. A doctrinâ commendatus & moribus, quibus Patriæ & Provinciæ decori fuerat & ornamento, Episcopalibus infulis redimitus, tribus successivè præfuit Ecclesijs, se postquam Paraguaiensi regendæ subduxerat, ad quâ à Catholico Rege destinatus, & Pontificijs Clementis VIII litteris 10 Septembris 1601 fuerat electus. Ad Novam Geræam in Philippinis Infulis anno 1603. die 13 Februarij conscriptus Pastor, biennio post, scilicet 6 Junij 1605 vitâ functo Illm<sup>o</sup>. D. M. D. F. Bartholomæo de Ledesma Episcopo Goaxacensi successor est datus. Hinc 4 Februarij 1608. ad Michoacanensem promotus sedem, in hac procurandâ Ecclesiâ annos posuit quatuordecim, & verò sanctè ipsam & prudenter administrasse Author est, qui ejus habet memoriam in ejusdem Ecclesiæ Theatro, Ægydius Gonzales Davila pp. 122 & 123. Vitam clausit 27 Julij 1622, uti ipse scribit Ægydius, cui noster suffragatur Balthassar de Medina eruditus admodum Provinciæ S. Didaci Mexicanæ nudipedum Franciscanorum Chronographus fo-

BA

lio 240. n. 9, opportunèque notat æquivocum passum fuisse F. Bartholomæum de Letona in Statu Philippinarum Ecclesiastico n. 74. emortualem Illm<sup>i</sup>. Cobarrubias annum 1507 signatam, subjungentemque obiisse priusquam Pontificia inauguratus esset unctione. Graviora quavis lateant nos edita & inedita Nostri monumenta, unum, cujus copiam lectoribus fecit D. Antonius de Leon Pinelo in Epitome Bibliothecæ Occidentalis additæ tom. 2. col. 602. subjungimus patrio datum idiomate, scilicet

*Testimonium ad Catholicum Regem de Episcopatus Michoacanensis Rebus, Urbibus, Civibus, & Gubernatione, die 20 Augusti 1619*  
Mss. Autographum in Bibliotheca Clarissimi D. Andrea de Barcia asservari Pinelus ipse ibidem est testis. Reliqua tanti viri & Acta & Opuscula hætenus nos fugerunt.

Meminit quoque Nostri F. Alphonsus Franco in Mss Historiâ Provinciæ Dominicanorum Mexicanæ S. Jacobi Libro 2. cap. 35. fol. 224. col. 1. qui cum testetur Balthassarem anno 1611 quo V. P. F. Petrus Galarza, Prædicatorum Ordinis decus, ad plures abiit, Mexici fuisse; statuenti quadriennio ante P. Letonæ extremam Nostri diem necesse est refragetur. Demum, ejus texuit elogium Remesalio in Historia Provinciæ S. Vincentij de



de Chiapa & Goaremala lib. 11. cap. 17 n. 5.

502 D. BALTHASSAR DE ECHAVE, Natione Hispanus, in Zumaya Oppido Guipuscoanæ Provinciæ natus, Domicilio Mexicanensis, Pictoriæ artis cultor egregius (cujus & uxor perita) multas æternitati telas optimis lineamentis, dispositis opportunè coloribus, umbrisque & recessibus usus, atque omnibus ex præscripto facultatis, gratijs refertas dedit, è quæis geminas insigni staturâ domi à majoribus acceptas habemus, alteram S. Elisabethæ Lusitanæ Reginæ, alteram S. Rosæ Viterbiensis Imaginem, multis ad rem alijs circumseptas capitibus, exprimentes. Adhæc eruditione minimè præditus contemnendâ, Argumentum scripturo sibi proposuit, quod nostra etiam tempestate famosum est, præsertim elucubrationibus, siquis ullis, eruditissimis Patris Emmanuelis de Larramendi, Societ. JESU Theologi sapientissimi, eximiâque & amœssinimâ celeberrimi eruditione, cujus extant monumenta clarissima editi Libri quos inter *Dictionary Cantabrigiæ idiomatis* elaboratissimum. Noster Opusculum edidit hispano sermone

*De Cantabricæ Linguae antiquitate.* Mexici 1607. in quarto. Cujus meminere D. Nicolaus Antonius in Bibliotheca Hispaniæ Nova tom. 1. pag. 142. & Henricus Martinez in Tabulis suis His-

panicis Repertorium temporum dictis, editisque Mexici proprijs litteris anno 1606. in quarto.

503 P. BALTHASSAR GONZALEZ, Natione, ut conjicimus, Mexicanus, cujus incomperta nobis est Patria, Societatis JESU instituta secutus, Philosophicis & Theologicis ornâmentis tam egregiam in Mexicano idiomate peritiam adjunxit, ut ejusdem Cicerone à doctis ejus linguæ viris audierit. Ea functurus in favorem Indorum, Collegium Mexiceum à S. Gregorio nuncupatum incoluit, confessionibus audiendis deditus & ipsorum piæ institutioni. Adversus Christi Domini Passionem egregiæ erat devotionis affectu, nec dissimili SS. Eucharistiæ Sacramentum religione prosequeretur: Purissimam Deiparentem Virginem & Cœlites deperibat, ac suas in oratione delicias habebat. Illustrationibus à Deo haustis insignis, plusquam 30 annorum tempore, ubi Sodalis Provinciæ quivis excesserat, statim à pulsatâ cubiculi januâ vel lectuli capite, certior factus, Collegij Patribus Socium aliquem obijisse in Provincia nuntiabat, cujus non multo post funeris nuncius veniebat. Nec porro suæ ipsum mortis dies latuit, qui Collegij Rectori, ipsum in extremis agentem monenti, ne moreretur absentibus Patribus in Domum Professam abeuntibus pro excipiendâ solennissimâ Corporis Christi, quæ eadie agebatur, suppli-



BA

plicatione, reposuit, se non ante crastinam moriturum, qua veniente, felicissimè obiit in Domino, Sanctitatis famâ conspicuus, 19 Maji anno 1678. Funus ejus frequentissimo Indorum cōcursu fuit actum, adventantibus non modò ipsorum Mexiceis Parçijs, sed etiam circum Urbem Pagorum innumeris incolis, qui atratis vestibus & vexillis, quæstibus & lacrymis defunctum carissimum sibi Patrem lamentabantur. Scripsit pereleganti stilo

*Historiam admirabilis Guadalu-pane Imaginis Deiparentis Virginis idiomate Mexicano.*

Ut testis est qui hætenus à nobis narrata edidit P. Doct. Joannes Antonius de Oviedo in Menologio Provinciæ suæ edito anno 1747.

504 D. BALTHASSAR GONZALEZ DE OLMEDO, Natione Mexicanus, apud Goaxacenses natus, Theologicisque litteris eruditus, atque Indorum, quibus præfuit, imbutus idiomate, Parochiam de Tehuacam perpetuo rexit titulo, Vicarium item agens Judicemque Ecclesiasticum. Ad hæc S. Inquisitionis Officij Commissarius, & eodem pro S. Cruciatæ Tribunali nomine in ditione sua insignis, edidit à se dictum in Ecclesia Antequerensi, quæ Provinciæ caput est & sedes Episcopi, die Apostolorum Principi devota,

*Sermonem de glorioso Proto-Parente Divo Petro.* Mexici, typis

BA

Joannis de Ribera 1680. in 4. Extat in Collectaneis nostris tom. 5.

*Sermonem de S. Agnete à Monte-Policiano Angelopoli dictum.* Mexici, eisdem litteris Joannis de Ribera 1680. in quarto.

505 FR. BALTHASSAR A S. JOSEPHO ET PEÑA, Natione Mexicanus & Patria, Seraphici Patris Francisci Instituta sequutus in Provincia Goatemalensi, ejusdem Cœnobijs varijs præfuit, atque in Europam Pro-Ministri titulo dimissus, Censores inter Theologos à Fidei Quæstoribus Mexicanis electus, edidit habitam à se vernacula lingua

*Panegyricam de S. Petro Apostolorum Principe Orationem.* Mexici, Formis H. V. Francisci Rodriguez Lupercio 1714. in quarto.

In Schedis relictos *Sermones Socij* ut hîc addant optamus.

506 P. BALTHASSAR LOPEZ, Natione Mexicanus, in Villa S. Michaelis, quæ ad Diœcesim Michoacanensium spectat, estque admodum frequens & pulchra, natus anno 1620, undevigesimum agens ætatis Societatem JESU in Provincia Novæ Hispaniæ petivit, tenuitque nuncupatis, quæ tyrocinijs biennium consequuntur votis; quatuor suo tēpore emissis Professis aggregatus Patribus fuit, qui superiori in Familia gradu donati sunt: talem que se litteris & moribus præstitit, ut Bibliothecæ Author Societatis numerandum ipsum scripse-



rit à sapientiâ & religione primos inter Provinciâ, maximis certè & plurimis utroque nomine viribus scatentis. Porro, quod litteras concernit, multos ille annos posuit in amœnioribus tradendis, regendisque Cathedris Philosophicis & Theologicis, vulgari neutiquam dives eruditione, cum in humanis, tum etiam in sacris, qua latissimè patent doctrinis.

507 Dei autem gloriæ in animarum salute curanda avidius inhians & vehementius, Missiones, ut dicimus, apud Cinaloæ gentes peregit longissimè dislita loca incolentes, & ab Hispanorum commercio multis parafangis disjuncta. Demum à Provincia sua Romam dimissus Procuratoris munere, quod non nisi lectissimo cuique committitur, Oceanum navigans, ad cœlum, ut pie existimamus, appulit 17 Augusti 1750. Ediderat latino sermone

*Orationem à se habitam in Collegio Maximo Mexicano Societatis Jesu pro studiorum instauratione.* Mexici, apud Viduam Bernardi Calderon 1646. in quarto. Quæ multoties recusa est in *Florilegio Oratorum ad usum studiosæ juventutis per Congregationem B. M. V. Anunciata Mexiceam in lucem edito*, è selectissimis, cum Ciceronis, tum gravissimorum aliorum Rhetorum Orationibus compacto, in octavo.

Nostri porro tam ipsa est omnibus absoluta numeris, Roma-

niq̃ue elegantia sermonis, sententiarum pondere & amœnitate florens atque tornata Oratio, jure ut ijs compaginata fuerit, quæ delicatioribus & politioribus sunt probatæ Magistris.

*De Jure Societatis Jesu, quo immunis est à Decimis solvendis:* Opus multa eruditione refertum, Hispani primum, mox Cesaraugustæ recusum 1648 in folio, ut Author est in Bibliotheca ejusdem Societatis P. Sotuelus pag. 102.

*De Potestate Judicis conservatoris Societatis Jesu.* Mexici 1647 apud Sotuelum ipsum. Addimus *Quinque Libros Rhetoricæ.* Mexici, apud P. Robles 1632. in 8.

*Cursum itidem Philosophiæ, Theologiæque Tractatus* ab Authore è suggestu dictatos insinuare non prætermittimus, qui hactenus nos fugiunt quærentes, certosque, pro hujus Mexicanæ Provinciæ perpetuo more, ab Nostro perfectos. Et de Philosophiæ Cursum memoriam habet unaque elogium Nostri P. Joannes Ochoa, in Vita P. Pauli de Salceda fol. 5 & 6. edita Mexici, litteris D. Mariæ de Benavides 1689.

508 D. BALTHASSAR LOPEZ DE CASTRO, cujus Natio & Patria nobis est in ambiguo, Domicilio, ut minimum, Mexicanus, Scribaque publicus apud Regium Hispaniolæ Auditorium, edidit idiomate hispano

*Libellos supplices pro rebus ad eamdem Insulam attinentibus, in primisque methodo Indos in ipsam iterum inve-*



BA

*invehendi*. Editos esse annis 1598. 1603. 1604. 1605. 1607 in folio tradit D. Antonius de Leon Pinelo in Epitome Bibliothecæ Occidentalis novissimæ editionis col. 810. Meminitque ipsorum Joannes Diez de la Calle in Monumentis Indicis fol. 10. col. 2. ad marginem.

509 F. BALTHASAR DE MEDINA, Nazione Mexicanus & Patria, nudipedis Franciscanis Mexicanæ Provinciæ à S. Didaco nuncupatæ Professione se junxit, quam, si quis ullus, illustravit egregiè, cuique simul & Patriæ fuit in delicijs. Philosophiam & Theologiam Lectoris functus munere Sodales docuit annos 15, bonisque & amœnissimis, queis pollebat, litteris erudit, tanto in Libros conatu studioque incumbens, ut multas quotidie horas, duodecim frequentius, eis evolvendis daret, quas somno quietique subtrahebat, ut lectioni scriptionique deditus nullas sacris meditationibus regularibusque strictioris Familiæ institutis suffuraretur. Nec enim minori erat in religiosâ perfectione tenendâ, quam in excolendis scientijs studio, proptereaque & à Provincia sua Definitor fuit constitutus atque Guardianus, & à totius Familiæ Præsule Visitator in S. Gregorij ad Philippinas Insulas Provinciam dimissus. Vastissimo, quod Americam interjacet & Asiaticas Insulas, pelago enavigato, ad propria revertitur,

BA

Provinciæq̃ suæ instituitur Chronographus, quam felicissimè adornavit spartam, sive fidem in narrandis observes, sive in disponendo methodum, sive elegantiam in scribendo & perspicuitatem opportune junctam eruditioni. Ut verò scriptis etiam benemeretur de Patria, multa ejus totiusque Novæ Hispaniæ decora sparsim, oblata occasione, historiæ suæ inseruit.

510 Quòd autem Mexicanorum ornamentum eximium fuerit Beatus Philippus à JESU, exalceatorum memoratæ S. Gregorij Provinciæ alumnus, Mexici natus, & apud Japonienses Proto-Martyris gloriâ illustris, proptereaque in Beatorum album ab Urbano VIII relatus, ut conscriptis 14. Septembris 1627 Apostolicis litteris cernere est, incipientibus: *Salvatoris & Domini nostri*: Hac de causa Balthassar, præter ea quæ in Chronicis suis Libro 3. toto cap. 12. brevius pro instituto suo de Actis, Martyrio, & Beatificatione Philippi scripserat, ejusdem altero Volumine plenam Historiam condidit, quam itidem publici juris fecit. His alijsque scriptionibus, quas mox dabimus, insuperque sacris concionibus, & cæteris religiosi officijs vacantem, molientem, que id temporis, à se dicendam ad Capuccinas Virgines de Immaculata Deiparentis Conceptione Orationem, mors, uti piè credimus, felicissima invenit an-



no 1697 mense Novembris an Decembris ambigimus, scientes penes eos dies denatum, ex his quæ Sodalis ejus sapientiâ & cæteris dotibus equalis F. Petrus Antonius de Aguirre, opportunè juxtà eloquenterque insinuat in Concionis exordio, quam, suffectus in defuncti locum, habuit apud eandem Moniales, edidit que anno sequenti. Noster ediderat

*Chronicorum Provincia S. Didaci Mexicana nudipedum Religiosorum S. Francisci in Novâ Hispania Libros quatuor, uno comprehensos tomo. Mexici, apud Joannem de Ribera 1682. in folio.*

*Ad Calcem id operis nempe cap. 26 lib. 4. Centuriam Scriptorum qui è Reformatis Familia suæ Religiosis varijs elucubrationibus inclaruerunt.*

*Constitutiones Provincia suæ suis adornatas curis, eisdem typis Mexicanis exhibuit 1698.*

*De Vitâ, Martyrio, ac Beatificatione Proto-Martyris Japoniensis B. Philippi à Jesu tomum in quarto. Mexici, mox dictis formis 1683. Prodiit rursus Matriti ex Officina H. V. Joannis Garcia Infanzon 1751. in quarto.*

*Vitam F. Bernardi Rodriguez Lupercio, ejusdem S. Didaci Provinciae Sodalis. Mexici, ex Typographia item Luperciana 1688. in octavo.*

*Concionem de Immaculata Deiparentis Virginis Conceptione in Cathedrali Ecclesia Manilensi, quæ Me-*

*tropolis est Insularum Philippinarum, à se habitam. Manila, apud D. Gasparem à Regibus 1672. in quarto. Quam & Authorem elogijs cohonestat P. Vincentius Lupocius Societatis JESU, Opere suo de Seculis Conceptionis Marianæ, Seculo 18 pag. 840. Mss.*

*Ineditorum Operum extant*

*Miscellaneorum volumina duo in folio & tertium in quarto apud Bibliothecam Cœnobij S. Didaci Mexicani, quod primum est & caput Provinciae.*

Meminere nostri Bibliotheca Franciscana F. Joannis à S. Antonio tom. 1. pag. 177. P. Franciscus de Florentia S. JESU, in Historia Servatotis nostri Imaginis, quæ ad Sanctuarium de Chalmanuncupatum ab Augustinianis Patribus asservatur, quotidiana que & insigni colitur religione cap. 53. D. Antonius de Leon Pinelo in Epitome Bibliothecæ Occidentalis editionis novissimæ col. 753 & 836, ut prætermittamus Betancurtium sepe ipsum in Theatro Mexicano laudantem, multosque in monumentis Mexiceis varijs, hominis eruditissimi unâ ac religiosissimi elogio textentes.

511 M.F. BALTHASSAR ORTIZ DE CARABEO, cujus Natio & Patria nobis sunt in incerto, Domicilio equidem Mexicanus, Ordinem Prædicatorum in Provincia S. Crucis Indiarum solenni ad S. Joannis in Laterano Cœnobium Habanense, emissâ  
pro-



BA

professione anno 1675 amplexatus est. A Sanctitate vitæ haud minus commendatus quam à doctrina fuit, cujus affluentem sibi copiam ex Angelici Doctoris Libris hausit, quibus deliciarum causâ utebatur, proptereaque Cathedralis in eodem Conventu regendis admotus, & Philosophiam docuit & Sacram Theologiam, gradu subinde Magisterij ritè insignitus. Rure licet donatus, pristina nullus tamen ipse studia dimisit, imò vehementius perscrutandis S. Thomæ quatuor Summæ Theologicæ partibus incubuit, è quibus extracto industriè succo Librum scripsit cui titulum fecit,

*Medulla Angelici Doctoris,*

Quique Mss extat in Bibliothecâ ejusdem Cœnobij, ut datis ad nos litteris testis est M. F. Joseph Gonzalez à Fonseca, ejusdem Ordinis, eo multoties degustato Opere, ingenium, studium, & doctrinam Authoris miratus.

512 F. BALTHASSAR A REGIBUS, Natione Hispanus, ad Castra Vitelliana forsitan natus (nam qui ejus nobis exhibet Vitam M. F. Didacus Bassalenque Augustinianus, in Historia Provinciæ ejusdem Ordinis Regni Michoacanensis fol. 157. ambiguus de natali solo est, id certum habens situm in Beturia fuisse illum) adolescens Mexicum petijt, brevique Clarissimo S. Augustini Ordini nomen dedit in

BA

Conventu Mexico, qui, individua tum temporis SS. Nominis JESU Provinciâ, omnium caput erat, etiam Michoacanensem, in alteram deinceps à S. Nicolao Tolentinate nuncupatam Provinciam abeuntium. Exacto cum observantiæ laude tyrocinio, emissisque votis, studijs incubuit egregio profectu. Quod verò avidius longè regularibus institutis cæteris & strictiori disciplinæ inhiaret servandæ, eximiè probatus senioribus perfectiora cupientibus, & ad unguem retineri, ut fiebat, optantibus, primum Rectoris vices agere in Pauliano Collegio, Prioris item Cœnobij Maximi jussus est: mox prior alijs, Zacatecano, videlicet, Atriscano, & Vallisoletano Conventibus præfuit, austeriori vitâ cum subditis, tum etiam extraneis imitandum ac verendum exemplar exhibens: Definitor etiam Provinciæ electus, eo quoque, quod è primarijs est munere, sanctè & prudenter est usus.

513 Tanta erat modestiâ & pudicitia amore, ut sua nunquam sponte fœminas visitaret; si quando verò ipsas, coactus munere Superioris, inviseret, homo cæterâ eloquens doctusque Prædicator, atque in virorum consuetudine humanus, eis de more salutatis, pisce, ut dicitur, taciturnior mox erat, ut pro inde, quem secum deferebat, Socium præmoneret, ipse ut urbanitatis ergo colloquia intexeret. Tem-



poris ullam passus jacturam, à confabulationibus inutilibus abhorrebat, cellâ perpetuo clausus, legendisque & scribendis deditus Libris, nisi, vel Præsulis, quod gerebat officium, egredi eum cogeret, aut aliò evocarent religiosa instituta observantiæ, quibus obeundis promptè omnibus vigilabat. Nec verò articularis morbus, quo cruciabatur, ipsum ut laboris & studij tæderet, erat in causa; cujus tandem morbi molestia nimis à 60 ad usque 73 annum ætatis divexatus, Sacris que munitus Sacramentis, ad plures abiit in Cœnobio Cuiseano. Concionatoris egregiè functus munere multos propria manu Libros scripsit videlicet,

*Sermonum volumina 23.*

Quorum singula quadringentis circiter folijs constare testis est de visu V. P. Bassalenque, addens, totidem à se numerata fuisse, quadriennio Nostri obitum præcedente, quo rursus tempore alia elucubrasse non dubitat.

514 D. D. BALTHASSAR DE TOVAR, Natione Hispanus, Domicilio Mexicanus & munere, quod gessit in Regio Novæ Hispaniæ Arcopago, cum primis insigni, Regij videlicet Fiscalis, Supremi Hispaniarum Indiarumque Principis jura & consulta facta rectaque propugnantis. Genere satis clarus, & utriusque peritiâ juris conspicuus, ac varia præterea dives eruditione claros inter Mexiceos Togatos efulsit.

Opus admodum utile, imò etiam pro America necessarium elucubavit, publica dignum luce, quam non dum aspexisse dolemus, scilicet

*Compendium Apostolicarum Bullarum Indicum* Mss in folio spisso volumine, ut testes nobis de visu homines eruditi testati sunt, insuper expendentes, præter Constitutiones Apostolicas ab initio detectæ Americæ res ejus concernentes ad usque Scriptoris tempus, extremos videlicet proximè lapsi seculi annos, emanatas, Notas in eo libro Historicas, Juridicas, Eruditas, & ad Authores pro illis elucidandis appellationes citationesque plurimas inveniri. Authorem Librum que allegat D. Joannes de Urizar in Opusculis à se editis, de quibus in loco sermo erit, rursusque de Nostro recurret, ubi ad D. Ludovicum de Mendoza devenimus.

515 D. BARNABAS DIAZ DE CORDOVA MURILLO, Natione Mexicanus, Angelopoli natus claris parentibus, ibidemque Latinis, Philosophicis & Theologicis litteris eruditus, Mexici Doctoratum in Sacrà Facultate suscepit, quo insignis honore Lares repetens proprios, sacris interpretandis Biblijs destinatus Professor fuit in Regio SS. AA. Petri & Joannis Collegio, quam ipse totos annos 20 spartam ornavit egregio juventutis, ad ejus Aulam quotidie concurrentis, emo-



BA

emolumento. Adhæc, Parochias & Canonicatus petiturus, litteraria multoties pericula subiit prælectionibus idque genus alijs Gymnafij exercitijs, donec à Catholico Rege pro Ecclesiâ Metropolitana Mexicâ donatus Præbenda, dein Universitatis Rectorem egit, & ejusdem Ecclesiæ Sacerdotium Lectorale, ut dicimus, pro sacris Codicibus expendendis, prævia Scholæ concertatione, tandem obtinuit. Suo defunctum munere virum à sapientia & virtute famosum, multa pro Sacrorum elucidatione Bibliorum scripsisse non nescimus,

*Commentaria in selecta Sacra pagina loca,*

Quæ autem illa fuerint nos fugit, forsitanque ad Angelopolitanum mox dictum Collegium asservata Sodales invenient, atque hisce addere lineis nostris humanissimè dignabuntur. Memoriam ejus habet Plaza in Chronicis Academiae Mexicanæ Libro 5. cap. 26.

516 D. BARNABAS DE HERRERA, Natione, ut videtur, Mexicanus, cujus nos latet Patria, Ecclesiæ Vallisoletanæ Michoacanensium, quæ Episcopalis Sedes est, Præbenda, ut dicitur, insignitus, qua erat eloquentiâ, atque in Poesi, cum Hispana tum etiam Latina, facilitate & copiâ dicendi, emortuo Magno Hispaniarum Regi Catholico Philippo IV tumulum ab Ecclesiâ suâ magnificè erectum, natis pro re sym-

BA

bolis & carminibus adornavit, moxque Historicâ narratione funestissimam pompam descripsit, edito vernaculo idiomate Opusculo, cui titulum dedit

*Solemnissima Exequiæ à S. Cathedrali Ecclesiâ Vallisoletana Provincia Michoacanensis ductæ pro inclyta grataque memoria Catholici & Magnanimi Regis D. Philippi IV cognomento Magni. Mexici, typis V. Bernardi Calderon 1666. in quarto. Extat ad Oratorianam Bibliothecam Mexicam.*

517 FR. BARNABAS PAEZ, Natione Mexicanus & Patria, Ordinis S. Augustini in Provincia SS. Nominis JESU alumnus, Philosophia non modò doctus atque Theologia, sed verò etiam insigni idiomatis Mexicani peritiâ, pro eo publicè in Academia Mexicana tradendo destinatus est à pleno Doctorum Confessu Professor, alijsque prælatus, qui Minervæ genio in palæstra contenderant, dicto coram delibatissimo sapientum flore Sermone eadem linguâ concepto, Evangelij themate pridie sortito. Scripsit, ut ex Academicis Libris pro annuis Lectionibus destinatis, habemus,

*Artem pro Mexicano idiomate comparando.*

*Quatuor Evangelia eodem idiomate explicata, ad moresque expensa.*

*Methodum pro Sacramentali Confessione eadem quoque dialecto agenda.*

*S. Athanasij Symbolum eodem item*



item sermone donatum & opportunis monitis.

Meminit ejus Plaza in Chronicis ejusdem Academiae Lib. 5. cap. 39 n. 592.

518 D. BARNABAS PEREZ ET TURCIOS, Natione Mexicanus & Patria, insigni vir ingenio, multumque subinde commendatus ab erudito Carmelitano F. Petro à S. Simone in Censura praefixa Operi de S. Rosa, quod statim dabimus, ludi Magister non modò ut pueri curis suis demandati graphicè depingerent litteras, easque syllabatim addiscerent pro instituto fatigat; sed & ipse quoque litteris & carminibus ludere, ut erat in Hispanis numeris pangendis facilis nec ineruditus, egregieque pius, ac sacris propterea argumentis poeticè deducendis natus aptus ut dicitur. Edidit

*Vitam Beatae Rosae à S. Maria Virginis Limensis dimetris hispanicis alternis versibus assonis compendio clausam.* Mexici, Formis V. Bernardi Calderon 1670.

*Utilitates ab audità Missa plurimas reportatas, hispanis majoribus numeris, vulgo Octavas rimas, expensas, acrosticè ductis litteris orationem Dominicam adornantibus, è Sanctis Ecclesiae PP. & DD. palam dedit.* Mexici, ex Typographia Joannis de Ribera 1684.

519 D. BARNABAS RUIZ DE VENEGAS, Natione Mexicanus & Patria, triplici ornatus laurea in Academia Mexicanensi

pro strenuè navata opera Philosophiae, Theologiae, & Canonico Juris Praesbyter factus, insignem se in Dioecesi praestitit, cum ab litteris & moribus, tum etiam ab administratis ritè Parochijs varijs, alijsque muneribus gestis. Illmùs. Archiepiscopus D. D. Franciscus Manzo & Zuniga Vicarium ipse provincialem constituit Zimapani Curionem agentem: Ecclesijs successivè dein praefectus de Tarasquillo & Hueguetoca, Indos ceterosque suae curae mandatos erudivit & juvit, ut Pastorem decet animarum minimè inertem. Quòd verò aliorum etiam in votis eruditionem haberet, tyronum praecipuè in Ecclesiasticis ministerijs, geminam pro ijs instruendis Moralis Theologiae edidit Summam, exiguam quidem mole, exsuccam minimè vel jejunam, imò doctrinae plenam. Alteram latino totam sermone conscripsit, cui titulum dedit:

*De Institutione Sacramentorum, de Peccatis ac Censuris Ecclesiasticis liber unicus.* Mexici, apud Franciscum Salbago 1631. in octavo Illmò. quem nuper diximus Archiepiscopi Mexiceo dicatam.

Et hujus quidem Summae & editionis meminit D. Nicolaus Antonius in Bibliothecà Hispaniae Nova tom. 1 pag. 146. Quòd vero anno 1646 exemplaria pridem edita rarissima essent, alteram editionem adornavit & Summam, Latinae tantundem fere vernaculo idiomate superaddens,



omniaque perspicuâ quidem methodo, & opportuna instituto suo eruditione, cui hispanum præfixit titulum:

*De Institutione Sacramentorum, Peccatis, & Censuris Ecclesiasticis, alijsque rebus scitu dignis & intellectu cum pro sacris hominibus, tum etiam pro viris prophanis.* Mexici, litteris Joannis Ruiz 1646 in octavo, Nuncupatam civi suo Clarissimo D. D. Joanni Saens de Mañozca, tum temporis Quæsitore Fidei Mexiceo, dein Goatemalensis Ecclesiæ Antistiti.

520 D. BARNABAS DE VARGAS, Natione Mexicanus, ambigua nobis Patria, Præbyter Secularis, idiomatum Mexicani & Othomiensis admodum doctus, utrumque professus est in Academia nostra, præhabitâ ad examen duplici concione, alterâ idiomate Mexicano fortitum sibi Evangelicum textum elucidante semihoræ spatio, alterâ Othomiensi expendente dimidiam ite horam secundum sortem item præoblatum Evangelij locum, atque utrâque 24 horarum spatio adornatâ. Cathedræ possessionem tenuit bilinguis die 11 Februarij anno 1651, & pro commissio sibi munere scripsit

*Opuscula Mexicanâ linguâ manere tradendâ.*

*Opuscula idiomate Othomiensi dictanda vespere.*

Ejus meminit Plaza in Chronicis Universitatis Mexicæ lib. 4. cap. 23. num. 201.

521 D. BARTHOLOMÆUS DE ALVA, Natione Mexicanus, cuius Patria nobis est in ambiguo, Parochiam de Chiapa de Mora Mexicanæ Diœcesis perpetuo rexit titulo; atque ut erat sacris ornatus litteris, & in Mexicano idiomate callêdo eminebat (quod magnopere decus testantur, Operis, quod mox dabimus, Censores gravissimi Doctor Hyacinthus de la Serna, Archiepiscopatus Visitator, & PP. Joannes de Ledesma, Primarius Societatis JESU Theologus, & Antonius de Carbajal, ejusdem Familiæ doctissimus, omnes Mexicanâ etiam celebres eloquentiâ) juvandi ergo Indos atque ipsorum Ministros causâ, Opusculum edidit Mexicano itemque Hispano sermone pro excipiendis Confessionibus, proque familiaribus concionibus ad Christianam Indorum institutionem, dictum Latine

*Confessionarium majus.* Mexici, typis Francisci Salvago 1634. in quarto.

522 F. BARTHOLOMÆUS DE ANLEO, Natione Mexicanus, Goatemalæ equitum Urbe ortus, Instituta S. Francisci in Provincia ejusdem Regni à SS. JESU nomine nuncupata sequutus, hanc actibus suis laudem promeruit, quæ omnium ferax virtutum, & eximiæ perfectionis compendium est: *Regulam suam ad unguem & litteram observasse.* Insigni Linguarum peritiâ donatus, earum quæ gentibus Regionis sunt



sunt usui, Præceptorem egit, quibus multos imbuit Sodales, Indis christiana sacra publicè privatimque instillaturos. Nec verò vivâ tantum voce illis auxilio fuit, sed tribus etiam conscriptis Libris, qui hodieque non sine multo fructu teruntur.

Primus continet *Pro integra Quadragesima Sermones*, Mss qui à Ministris Doctrinæ circumfertur.

Secundus *Effectus peccati detestandasque ejus consequentias expendit*, Mss item asservatur in Bibliothecâ Primarij Cœnobij Franciscani de Goatemala.

Tertius majori volumine, eximia stili perspicuitate atque eruditione ponit ob oculos *Servatoris nostri Vitam, Passionem, & Mortem*: Quem Librum varijs transcriptionibus propagatum Indi multi custodiunt, quorum non nulli Populi, antiquo usque adhuc more retento, id solenne habent, ut sacris majoris Hebdomadæ diebus in Ecclesias convenientes, legentem è superiori loco egregiæ pietatis sensu excipiant, ut ab accuratissimo viro prædictæ Provinciæ alumno P. F. Antonio Arochena in Catalogo Scriptorum ejus ad nos perhumaniter transmissio didicimus.

523 D. BARTHOLOMÆUS DE ARANDA CIDRON, Natione Mexicanus, & ni fallimur, etiam Patria, Causidicus fuit nemini suæ ætate secundus, propterea in majoris momenti negotijs consultus, & à clientibus, ipsorum

ut implicationes causas protegeret, inquisitus, queis ipse ut consuleret, multa & docta quidem elucubravit. Extant edita ineditaque etiam quæ sequuntur Opuscula sermone vernaculo.

*Pro D. Elisabetha Picazo in negotio Officina rei monetariae*. Mexici, anno 1690 in folio, tacito Typographi nomine, ut id temporis usus in his scriptionibus obtinuerat. Extat tom. 4. Coll. Mendozianæ.

*Pro Religiosarum Virginum à S. Bernardo dictarum Cænobio, adversus Patroni successorem sui agentium de perficiendâ Ecclesiâ alijsque Monasterij Officinis*. Mexici, anno 1699 in folio. Habetur apud Oratorianam Mexicæam Bibliothecam.

*Pro Medicinæ Professoribus licentiam adversus Confraternitates trahentibus, transactionis cujusdam gratiâ factæ ut ægrotis ipsarum Sodalibus illi subsidio essent atque levamini*. Mexici, tacitis anno editionis, & Typographi nomine, in folio.

*Appendix ad juris Allegationem pro D. Emmanuele Sousa de Castro editam in causa Majoratus de Villanueva dicti, cum Castella Tribuno militum contendente*. Mexici, in folio tacitis anno & Typographo, habeturque tom. 15 Collection. Mendozianæ.

*Pro D. Francisco de Villanueva Cervantes Altamirano, in causa iidem Majoratus*. Mexici, in folio. 1683. Extat apud eundem D. Ludovicum de Mendoza inter Opuscula non dum compaginata.



BA

*Pro D. Gabriele Antonio Guerrero Davila, Primogenia item bona petente* extant Mss Defensiones geminæ tom. 47. Collectionis mox dictæ.

524 ILLMUS. D. D. BARTHOLOMÆUS DE BENAVENTE BENAVIDES, Natione Hispanus, Matriti natus, Parentibus ea laude, ut alias prætereamus, conspicuis, quod è primis fuerint Expugnatorebus Novæ Hispaniæ. Domicilio Mexicanus & munere, scilicet Antequerenfis Ecclesiæ Goaxacensium Episcopus, eidem ab anno 1643 præfuisse scripto mox laudando compertum habemus, emortualem diem annumque nescientes. Sacræ Theologiæ Doctor, & in Juribus Licenciatus, apud Limensium inclytam Academiam Cathedras rexit annis, ut minimum, viginti, qua nempe tempestate Antecessorem juris ibidem agebat Archiepiscopus postmodum Mexicanus Clarissimus D.D. Felicianus de la Vega. Noster Metropolitanæ Ecclesiæ Limensis Præbendis defunctus & Sacerdotijs, ad Decanatus usque apicem evectus, ad insulas inde Goaxacenses vocatus, totum se pastoralibus curis tradidit, Cleri totiusque Diœcesis boni sollicitus. Cœnobium Monialium (ut credimus, nam quod illud fuerit tacitus ipse præterit) vetustate collapsum proprio ære restituit, Collegium erexit, conditum que juxta Sacrosancti Tridentini Concilij decreta Seminarium

BA

inductis alumnis non infrequens esse curavit. Alia triennio peregisse testatur, quæ referre citra faustum posset innanemque gloriam, imitatus Apostolum, queis tamen narrandis supersedere maluit, nobis in præsentia silentium dolentibus, nec aliunde tanti viri gesta alia venantibus. Quod attinet ad ejus scripta, indicare multa non possumus quæ Academico ritu condidisse persuasum habemus, omnium destituti nominibus, una contenti, quæ nobis est in promptu, Hispano sermone, ad Mexiceum Pro Regem missâ

*Consultatione de rebus ad Parochias à Regularibus ministratas pertinentibus,*

Quæ extat in Libro in folio *Allegationum pro Clero Angelopolitano* à fol. 112 in qua obiter ea enarrat, quæ nos hætenus de ipso scripsimus. Quanti porrò virum hunc Clarissimum fecit Excellentissimus Comes de Salvatierra, qui id temporis ad Mexiceum clavum sedebat, palam fit ex subjuncta ibidem Epistola ad ipsum data Mexici 16 Junij 1646. Author autem ejusdem Libri, nisi fallimur, Illmûs. D. D. Palafox, subdit, Nostram è doctioribus esse hominibus, quos in Hispaniarum atque Indiarum Cathedralibus Ecclesijs id temporis Catholici, quem alloquebatur, Regis curâ florerent. Meminit ejus Ægydius Gonzalez Davila in Theatro Ecclesiæ Goaxacensis p.



232 quem tamen Ægydium plura hinc à nobis enarrata fugerunt, interque ea Opusculum mox insinuatum.

525 F. BARTHOLOMÆUS DE BURGUILLOS, Natione Hispanus, apud Beturiam natale solum habuit in Opido unde ipse cognomen. Ordinem Excalceatorum S. Francisci in Provincia à S. Gabriele nuncupata suscepit, unde in Mexicam S. Didaci, conversionis Indorum avidus commigravit. Hæc ubi illum 27 Aprilis 1612 adoptaverat, biennio post Novitijs instituendis Angelopoli abhibuit, quos pro votis & expectatione ad virtutem regularemque disciplinam formavit. Mox varijsque temporibus & Grammaticæ tradendæ juvenibus, & legendæ Morali Theologiæ, & verbo divino ad populos prædicando à Superioribus destinatus, onera isthæc omnibus numeris rirè strenuèque explevit. Quod vero & in Scholastica itidem doctissimus esset Theologiâ, & in Juribus non parum versatus, multoties consulebatur de difficilimis, & à Fidei Quæstoribus Censor institutus, Librorumque Revisor, voluminibus expurgandis, expediendisque commissis sibi à S. Tribunali negotijs frequentius incumberebat. Ad hæc præfecturas gessit in Familia, non sine laude, varias, Provincialisque ornatus munere, religiosè juxta ac sapienter rebus invigilavit.

526 At enim his priusquam officijs defungeretur, Regia præclarus Legatione jam fuerat egregioque merito. Scilicet anno 1613 F. Ludovicus Sotelus, Franciscanus, è vinculis, quæ prædicati causâ Evangelij patiebatur apud Japonienses, eductus ab (id quidem temporis) Amico suo Mazamune, Boxij penes easdem nationes Rege, Romam ad Paulum V Pontificem Maximum, Hispaniamque ad Philippum III Catholicum Regem, unâ cum Philippo Francisco, gente Japonio, mittitur, ut de amplectendâ à subiectis sibi populis Religione Christiana serio agant, colendaque cum Hispanis, præcipuè Septentrionalem Americam incolentibus, amicitia, atque commodo utrimque instituendo commercio. Legatis cum in Romana, tum etiam in Hispana Curia, ut par erat, honorificè & granter exceptis; Philipus III è re sua & Catholicæ Fidei duxit Nuntios item ad barbarum illum Regem solennissimè destinare, cuius ut genio obsecundaret & votis, Prædicatores è Franciscanorum gremio poscentis, ab eadem quoque Familia geminos immisit Legatos, Nostrum videlicet, Mexici degentem, & F. Didacum à S. Catharina, qui & ipse postmodum Mexicanæ Provinciæ S. Didaci nomen dedit. Paruere Regio uterque mandato consensâque Japoniensi nave, quæ pridem anchoras jecerat ad Por-



Portum Acapulcanum Americæ nostræ notissimum, Japoniam anno 1616 appulere.

527 Scenâ tamen mutatâ, quod heterodoxi Batavi Boxij Regis auribus instillassent, caveret benè sibi ab Hispanis hominibus, qui sub Religionis pallio atque humilis obtentu vestitus Regna sibi aliena prætenderent, potentissimoque subjugarent Monarchæ suo; Catholici Regis Legati vix non inurbanè recepti & auditi, repulsisque egregijs à Philippo III honoris ergo & amicitiae ad Japonium Principem paratis donis; jussi sunt quamprimum excedere Japonienfium Imperio, atque unâ secum Religiosos qui aderant omnes navi asportatos revehere, postliminioque in Americam restituere. Factum id tandem decumanis fluctibus superatis, nec minus quadraginta tempestatibus, iniquissimis ventis fus deque propellentibus navem, quæ tandem, Deo auspice, litora primum Acapulco proxima, in quæ Noster cum majori vectorum & nautarum numero exscendit, dein Portum ipsum tenuit in pervigilio S. Mathiæ anno 1617. Nec porro nullum difficillimæ & præmolestæ navigationis atque operæ extitit pretium, Nostro socijs que Religiosis nisu toto conantibus Japonios, navi vectos eadem, de salute pluries humanissimè monitos, veræ Fidei mysterijs imbuere, eosque salutaribus

aquis intingere, qui in maritimas undas proximè conjiciendi supremum agebant spiritum, ac demum sic ad unum omnes cum supremo Duce sacris nostris aptare, ut Christianis deinde ultro se aggregare voluerint.

528 Interea loci, suum Noster Mexiceum Cœnobium repetijt, postquam unâ cum Sodalibus, multa pro Japonijs atque Hispanis Acapulcum appulsis beneficia impetraverat à Mexicanarum rerum potiente Marchione de Guadalcazar D. Didaco Fernandez de Cordova Novæ Hispaniæ Pro-Rege, cui & suæ Legationis rationes dedit transmittendas ad Regem, & acceptissimus inde fuit. Venienti autem post quadriennium Marchioni de Gelves D. Didaco Carrillo Pimentel & Mendoza, in proximè memorati Pro-Regis locum suffecto, gratior longè fuit & acceptior, ut subinde conscientiae moderatorem sibi illum adsciverit atque intimum consiliarium. Carò ei tamen id necessitudinis & muneris stetit, multa duraque perpetienti, & graviora longe casto neutiquam formidanti timore, nefasta quidem die quæ *Quinta decima Januarij* etiamnum audit, apud externos etiam Scriptores notissima ab excitatis Mexici turbis anno 1624 dissidij ergo Pro-Regem inter & Archiepiscopum Ecclesiasticæ immunitatis causâ, quod alibi commodius insinuandum dimit-



timus. Quod enim Pro-Regis acturus negotium, habito ad id certu, tenuisset, Archiepiscopum sacris Pro-Regi interdicere ne-  
triquam posse, aut si forsan in-  
lata à communi Jure anathemata  
lapsus esset, palam id datis Edi-  
ctis facere pariter non valere: if-  
que Nostri sensus in ea rerum  
catastrophe lateret neminem, vul-  
gares & è plebe, qui tumultua-  
verant plurimi, gravissimè offen-  
si, in absentis Archiepiscopi Pa-  
latium, ijs sociatum qui ipsi opi-  
nando adhæserant, violenter de-  
trudunt, deteriora longè in ejus-  
dem caput molientes, ni suas  
Regium Auditorium partes in-  
terposuisset, atque inde eductum  
populari subtraxisset indignatio-  
ni.

529 Rebus tandem pacatis  
Gelvesio Principe in Hispaniam  
Regijs litteris revocato, Archipræ-  
suleque Illmô. D. Joanne de la  
Serna Ecclesiæ Zamorensi præ-  
fecto, & Legato Regis Mexicum  
transmisso D. Martino Carrillo  
de Alderete, apud Supremum  
Hispaniæ Consistorium Quæsto-  
re Fidei, post Archiepiscopo Gra-  
nateni, qui in præteritam nu-  
per tragediam inquireret; Huic  
Noster editum à se Libellum ex-  
hibuit, invidiam ut longe prope-  
lleret, quam sibi opinio illa confici-  
verat, ab idiotis perinde accepta,  
ac si, quæ insita est Pontificali  
Dignitati facultas ferendi Eccle-  
siasticas Censuras, in dubium vo-  
caretur & negaretur; Doctis au-

tem viris etiam ingrata, non igno-  
rantibus, quo illam Author sen-  
su condiderit & coarctaverit. Ut  
ut illa fuerit (cujus ad historicos  
crisis non attinet), totam seque  
Noster Judici Ecclesiasticæ juxta  
Regiâque præpollenti jurisdic-  
tione, dimissit, eximijs in Opuscu-  
lo illo argumentis datis, non mo-  
dò egregiæ, qua dives erat, eru-  
ditionis, sed verò etiam christianæ  
virtutis, Catholico-Romanæ fidei  
tenax, humilitatis & charitatis cul-  
tor, qui acceptas haud ita pridem  
injurias æternæ oblivioni manda-  
set, & quam longissimè ab ani-  
mo disjecisset. Secundum hæc  
Provincialis, ut dicebamus, ele-  
ctus, triennio Familiam ubi ac-  
curatissimè rexerat, rursusque  
Mexiceo Conventui Guardianus,  
ut dicunt, præfuerat, prælongâ  
divexatus ægritudine, unum ei  
levandæ auxilium nactus libro-  
rum studium ( quibus Cœnobij  
Bibliothecam pro diversis Facul-  
tatibus locupletem reddiderat )  
multis religiosæ vitæ documen-  
tis exemplo Sodalibus fuit, donec,  
Sacramentis munitus, è vivis ex-  
cessit 9 Maji 1638. Doctissimis  
hominibus fuerat in pretio, à  
quibus Academicis juxta Reli-  
giosisque sæpe consulebatur, sig-  
natimque ab eorundem Ante-  
signano P. Doctore Petto de Or-  
tigoza Soc. JESU, quo cum fami-  
liaris erat ipsi necessitudo. Cla-  
rissimus F. Balthassar de Medina  
è cujus Chronicis lib. 3. à cap.  
27 ad 30 hausimus hætenus  
enar-



BA

enarrata, ibidem n. 579. testatur;  
Nostrum edidisse quem innox di-  
ximus.

*Libellum supplicem.*

Inedita, verò & publico utilia  
bono reliquisse addit num. 584.  
isthac Opuscula.

*De Magistratibus & Pratoribus  
Indorum.*

*De Contractibus in Argentifodi-  
nis usu frequentibus.*

*De Emptione Venditioneque Ar-  
genti & similibus.*

*De varijs Mercatores Navigan-  
tesque concernentibus.*

*De multis ad Regulares spectan-  
tibus.*

*Constitutiones Provinciae Mexica-  
nae S. Didaci una cum Apostolicis  
privilegijs.* Mexici longè post fu-  
nus Authoris 1698 in quarto,  
typis H. V. Francisci Rodriguez  
Lupercio.

Meminerere ejus Fr. Joannes à  
S. Antonio in Bibliotheca Fran-  
ciscana tom. 1 pag. 184. D. An-  
tonius de Leon Pinelo in Occi-  
dentali t. 2 col. 803. Et Dr. Sama-  
niego in Panegyri Archiepisco-  
pi D. D. Manfio à se contextà  
fol. 27 Nostrum consummatif-  
simum & in Morali Theologia  
& in utroque Jure Magistrum  
cognominat. Illmûs quoque  
Augustinianus M. D. F. Josephus  
Sicardo, in Christianitate Japo-  
niæ lib. 1. cap. 13 pag. 65. ejus  
in Legatione memorata gesta re-  
censet, non sine elogio viri.

530 ILLMUS. D. M. D. F.  
BARTHOLOMÆUS DE LAS CA-

BA

SAS ALIAS CASAUS notissimus  
laudatissimusque Chiapæ Episco-  
pus, Hispaniæ, quæ natale ei so-  
lum dedit Hispalim celeberrimam  
Beticæ Urbem, decus eximium,  
Americæ nostræ, ornamentum, &  
pro Indis tuendis murus atque  
præsidium, Cleri Secularis, cui  
cooptatus doctrinâ & virtute præ-  
fulsit, honos, Prædicatorum Or-  
dinis, quem apud Insulam His-  
paniolam amplexatus fuit, ful-  
gentissimum fidus, multas jam  
diu paginas, imò Libros etiam  
actibus suis & elogijs implevit,  
quibus subinde delibatis à nobis,  
ne recoctam lectoribus crambem  
videamur apponere, uberius cu-  
pidos & fusioris sermonis ad Au-  
thores mox signandos remitti-  
mus, quorum ad delicias usque  
pasci narrationibus poterunt. Pa-  
rentem clarissimâ stirpe virum  
è Gallis ductâ, Franciscum, in  
Americam recens à Columbo de-  
tectam inclytum Argonautam  
anno 1493 insequentem, comi-  
tatum fuisse admodum puerum,  
D. Nicolaus Antonius, non sine  
locupletissimo teste Augustino Sa-  
lutio Dominicano, in de mone-  
tis Hæbreorum Mss dicit. In  
Patriam redux anno 1498 Sa-  
crorum Canonum studijs ibidem  
incubuit, uti mox laudato arri-  
sit Nicolao Antonio; Remesalius  
verò, qui solennius omnibus  
Nostræ vitam elucubravat, Salmã-  
ticensia illi pro Canonico Ju-  
re imbibendo Gymnasia defig-  
nat, subjungens, Licentiatus gra-  
du,



du, à quo insignis & nominatus tandiu fuit donec regularibus se Institutis devovit, Academico more donatum fuisse.

531 Ut ut id fuerit, non à doctrina tantum, sed à virtute egregium sibi peperit nomen, ut subinde sacerdotio initiatus, unus fuisse dicatur è duodecim Clericis, moribus juxta litterisque conspicuis, quos secum in Hispaniolam Apostolicus Nuncius F. Bailus pro gentis christiana institutione detulerit. Qui & si alij placito refragentur, collatitia tamen omnes tenent suffragatione, è primis Nostrum fuisse Præbyteris in primatem illam Americam commigrantibus. Neo Sacerdos primum in Urbe de la Vega dicta, quæ Insulæ caput erat, sacrum solenni pompa fecit, propterea frequentiore Hispanorum & Indorum coronâ, gestientiumque significationibus celebratum, quod nullam adhuc in occidua plagæ Indijs Neomystem ad aras facientem exceperant. Inde in Cubam Insulam evocatus ab ejusdem gubernatore Didaco de Velasquez, ut eo pro justitiæ negotijs uteretur ministro juris equidem peritissimo, ipsam ubi lustravit, atque in Jamaicam non longè sejunctam divertit, multis consilio suo & industria ad gentis juxta Hispanorumque bonum gestis, Indos in clientelam, ut dicebatur usus que ferebat, recepit, quorum officij & obsequij mox ipsum per-

nituit, intimo, quoad vivit, dolore percitus & amaro sensu.

532 Cogitanti enim & animo sæpe volventi viro piissimo & docto, egregia, quæ hoc nomine, nec una tantum larvâ, miseris Indis mala non imminabant modò, sed verò etiam passim & agmine facto occurrabant; se illis tempestivè alumnis subduxit, capitque in eos & longè deteriores abusus concionibus invehi, ut avaros injustosque homines ab illis perpetrandis cōpesceret, divinoque ac naturali atque hispano etiam juri parent. Quod tamen frustra & in cassum laborare se experiretur, ceu qui citharam surdis pulsaret; è re sua bonoque communi Hispaniam se repetere existimavit, nervis omnibus & lacertis Indorum causam procuraturum. Et anno quidem 1515 eò quamvis appulerit, obitu tamen Catholici Ferdinandi Regis mox subsequuto 2 Januari 1516, quo minus his posset insistere præpeditus, Hispaniolæ rursus sese commisit, sperans fore, uti acrioribus reperitis minis atque concionibus, auro inhiantes expertes que humanitatis in officio contineret & cicuraret. Postquam verò ea monendi increpandique defunctus provinciâ, Hylam tamen, ut est in proverbio, inclamare cognovit, iterum anno 1517 in Hispaniam remeavit, opportunum à Catholico Rege unaque Casare afflictis Indis petiturus remedium,



BA

dium, quod tandem anno 1519 constitutis sanctissimis legibus, anno proximè consecuto in pristinam Insulam secum unà portavit. Intimare Regia decreta cœpit, diuque ut in mores inducerentur ac multum institit, quibus nihilo magis proficiens, Mundi pertæsus, nuntium ipsi dare constituit, reque cum eximio viro F. Petro de Feria Prædicatorum Ordinis micantissimo lumine serio consulta, eidem se Instituto nuncupatis votis addixit.

533 Annos octo dein moratus in Insula, studijs incumbens religiosisque ministerijs, Sodalibus quandoque Prior datus; audiens novas in America, quæ ad meridiem est, ab Hispanis fieri conquestiones, veritusque impendentia à Belliducibus & militibus alijsque genti mala, ardor ille inextinctus multò refer-vuit Indos juvandi, quo circa anno 1530 Carolum V allocuturus in Hispaniam trajecit, è qua obtentis Catholico Rege dignis sanctionibus, in Americam evolavit, Goatemalæque & Mexici quietius & pacatius Theologiam excoluit ( quod Illmûs Padilla Davila & alij scripsere ) ut scilicet Jurium scientiæ, qua erat imbutus, subsidium Theosophiæ & robur pro instituto suo superadderet. Hinc ad Peruanos se contulit, cùm monendi Conquistores gratiâ, Regiasque Schedulas pro Indorum libertate & favore aperiendi, tum etiam Præ-

BA

dicatorum Ordinis Provinciam extruendi unà cum ijs qui inibi agebant Socijs. Rebus tamen multo Martis pulvere adhuc turbatis, subindeque, quod moliebatur, operi foundationis non opportunis; ad nostros revertitur, atque in Urbe Verëpacis con- quiescit Sodalibus aggregatus, quibus cum instituendis christianè Indis, non minimo fructu, invigilavit.

534 Ab Antistite Goatemala- lenfi, cui auxilio fuerat in grege pascendo, virisque alijs de neo- phitorum incolumitate sollicitis anno 1549 iterum in Hispaniam dimittitur, uti à Carolo V Le- ges demum postularet & Ordina- tiones Novi Orbis regimini, in re præcipuè Indorum libertatis, atque hanc consequentibus, ob- tentu eludendas nullo, citraque dolum omnem servandas. Cæsa- rem per id tempus extra Hef- periam agentem, triennio præ- stolatus, domi reversum, invisit tandem, & colloquijs cum eo habitis, tum etiam oblatis ei li- bellis, de rebus Indicis ac mul- torum in eis Hispanorum abu- sibus certum reddidit. Ægrè qui- dem errata illa nostrum Carolus tulit, nâvisque immortalem His- panorum gloriam fœdè ab his deturpari, qui ipsam cœteris or- namentis caducisque bonis ante- ferre debuerant, pro eaque Cræ- si ac Midæ divitias nihili ducere, in primis autem Dei, cujus egerant causam in Novi Orbis con-

Zzzz



conquisitione, mandatīs nūtibus  
que libentissimè obtemperare.

535 Id circo, Vallisoleti in  
cœtum evocare jussit Viros divi-  
ni humanique juris doctissimos,  
ut gravissimis undique ventila-  
tis rebus atque discussis, quo opus  
esset remedio ipsi docerent, Cæ-  
sarque, ut in votis habebat, lon-  
gissimè dislitis & innumeris sub-  
jectis sibi Populis ac Nationibus  
subveniret atque consuleret. Evo-  
cados inter Doctores adfuit Joan-  
nes Genesius Sepulveda Cordu-  
bensis, Theologus, & Cæsari à  
Chronicis, vir ab eruditione, do-  
ctrinâ, & eloquentiâ maximi ha-  
bitus, Antagonistæ Nostri partes  
acturus, qui quamvis extra ra-  
tionis orbitam à sœvis non pau-  
cis Hispanis nullus ipse decurren-  
tia excussaret iniquè gesta; du-  
riuscula tamen emollire aggres-  
sus & propugnare viva tunc vo-  
ce, deinceps etiam scriptis datis;  
repulsam jure passus est, Nostro  
ex adverso illum Libris etiam &  
verbis quatiente, iterumque at-  
que iterum arietante Theorema-  
ta æquitati & humanitati non  
admodum consentanea. Vicisse  
tandem obtinuisseque Nostrium  
causam, argumento sunt, præ-  
ter alia, & editæ anno 1543 san-  
ctissimæ Leges (quarum Author  
haberi debet Casas, ut Nicolaus  
Antonius scribit, quasque mox cū  
alijs Americæ regiminis negotium  
attinentibus, compaginas Me-  
xici edidit D. Vascus de Puga) &  
Genesij Sepulveda Liber de justis

belli causis contra Indos suscep-  
ti, ab Hispano suppressus Con-  
silio, postquam, negatâ illum ty-  
pis cudendi facultate, Romanis  
furtivè typis prodierat: itemque  
D. Bartholomæi Frias de Albor-  
noz Opus non absimilis argu-  
menti à Quæstoribus Fidei Me-  
xicanis proscriptum, uti monet  
Padilla Davila, nosque in loco  
dicemus.

536 Ovans, nec tam sibi læ-  
tus, quam Indis, quorum patro-  
cinium susceperat, proximè erat  
in Americam ut regrederetur  
anno 1544 cum ad insulas Ec-  
clesiæ del Cusco destinatur à Re-  
ge, queis tamen subductus, ad  
Chiapensem nostram dimittitur.  
Et verò honorem hunc pariter re-  
cusantem, eo tantum nomine  
Pinciani Sodales ut admitteret  
compulère, quòd Episcopali in-  
signis dignitate, auxilio longè fa-  
cilius atque potentius suis cæte-  
risque Indis futurus esset. Ea de  
causa anno eodem Dominica Pas-  
sionis Hispali in majori Basilica  
publicè inauguratus, sequenti Ju-  
lio navem conscendit, Missiona-  
rios secum Ordinis sui in Ame-  
ricam deferens, in quam demum  
appulsus, nec nulla perpesus ab  
his qui ipforum obstitisse cupi-  
dati, refracturumque etiamnum  
noverant; Ecclesiæ suæ sistitur  
anno 1547. Hic diu pernoxque  
& commissos sibi & cæteros In-  
dos volvens cogitatione, omnium  
ut auspiciatus provideret incolu-  
mitati, atque adversantibus op-  
portu-



BA

portunius occurreret, Ecclesiæ abdicari suæ, bona cum Romani Pontificis venia, ad obitumque usque Vallisoleti Hispaniarum apud S. Gregorij Collegium subsistere, decrevit quidem, & exequutus est anno 1551. Et ibi quidem annos quindecim ad extremum usque diem suum commoratus ita est, ut Indorum negotijs eximiâ deditus charitate tractandis, animæ item suæ & Dei gloriæ, queis nil habuerat antiquius, totus invigilaret, orationi diu incumbens, cæterisque christianis virtutibus, quas in longissimè traductâ ætate sanctè coluerat. Ergo 92 annos natus, circa finem Julij 1566 ad optatam, ut par est credere, gloriam, post tot exantlatos labores migravit.

Scripta ejus, quæ plurima sunt, & è queis exteri Hispanos criminandi sugillandique occasionem passim arripiunt; ante quam recensamus, operæ pretium duximus, illustrium è nostris Criticorum sensus monitaque præmittere, Gallorum post ab eruditione juxtâ & crisi commendatorum, testimonium subnectere, & coronidis instar argumento huic apponere exteri Authoris notissimi fragmenta aliquot P. Thomæ Bozij Eugubini, è Congregatione Oratorij, de Romana Catholica Ecclesia præclare meriti Libris de *Signis Ecclesiæ Dei* ab Eruditis plurimi habitis, nec sanctitate vitæ minus conspicui, Sancto Philippo Nerio perchari,

BA

cujus acta Thomæ jam diu legimus in Monumentis Historicis dictæ Congregationis à P. Joanne Marciano Neapoli editis, voluminibus quinque in fol. Principio quidem, vir Clarissimus atque in paucis doctissimus unâ & amœnissimus M. F. Michael à S. Joseph Excalceatorum SS. Trinitatis in Hispania Generalis Superior, volumine 3 Bibliographiæ criticæ sacre & prophanæ pag. 114 articulo *Joannes Michael Pius Italus Sacri Ordin. Prædicat.* hæc paulo post initium habet. *Seorsim quoque edidit anno 1618 Vitam Bartholomæi de las Casas, sive Casaus, Chiapensis in Novo Orbe Episcopi, de quo ab exteris Scriptoribus multa passim jactantur, neque vera, neque vero similia. Eorum falsitatem & jam pridem Nicolaus Antonius, & alij post illum detexerunt. Videri potest Epitome Bibliothecæ Occidentalis Titulo 1. à pag. 566 ubi plura cumulantur circa genuina præfari Bartholomæi scripta, & alia ipsi falso supposita, atque in odium Hispanorum invidiosè conficta. Hæc ille. Nicolaus verò Antonius in Bibliotheca Hispaniæ Nova tom. 1 pag. 149 ubi Genesij Sepulvedæ & Bartholomæi Albornocij scripta in Episcopum nostrum malè audijisse testatur; de gestis ab Hispanis, quæ Noster impetiverat, verba faciens subjungit: Excusari quoque multa posse rei necessitate atque bellico jure ab Hispanis gesta, quibus crudelitatis reatum atque enormitatis Bartholomæus*



tribuit, aut exaggerata alia in malum, quibus non ipse interfuit, simile vero est, ac notat non semel Bernardus Perez (lege Diaz) del Castillo in *Mexicana Historia* cap. 7 & 83 & 125 &c. Haftenus ad propositum Nicolaus Epitome autem Bibliothecæ Occidentalis D. Antonij de Leon Pinelo editionis novissimæ Madritanæ col. 566 ad usque 572 Nostri Opera exactè omnia recenset, & postquam initio Paulum Freherum, in Theatro illustrium eruditione virorum part. 1. sec. 3. fol. 163. Nostrium in invidiam Episcopi laudatorem, de multis manifestè convincit erratis; col. 568 velle aliquos, inquit, Bartholomæo de las Casas Tractatum illum abjudicare, qui hoc hispanè titulo circumfertur: *Brevissima destructionis Indorum relatio*, qui que exteris plurimis id circo egregio est in pretio, quòd dedecora Hispanorum complectatur & patefaciat. Huic suffragari placito addit M. F. Joannem Melendez Dominicanum Peruviensem in *de Veris Indiarum Thesauris*, & in præfixa his Libris censura Doctorem D. Franciscum Antonium Montalvo, existimantes, Librum illum ab Gallo profectum Authore, larvâ Episcopi Chiapensis personatum exiisse, atque ut ementitis typis, Lugdunensibus que pro Hispalensibus venditatis, ita etiam pro arbitrio confictis rebus & narrationibus. Adhæc subjungit Pineliana Occidentalis

Bibliotheca, PP. Echard & Quetif mox dictam impugnantes sententiam loco inferius à nobis signando; id enim verò negare nunquam posse, quod Author scripsit Apologetici adversus Navarrete fol. 22, scilicet, malè tinctum Chiapensis Antistitis zelum, nigrum coram Universo thea Hispanæ præfixisse Nationi. Cui tamen in Nostrium censuræ non ita Pinelus adhæret, quin statim imminuat emolliatque illis usus verbis queis Cardinalis Baronius tom. 1. Annalium anno 48 n. 12. pro S. Epiphanio usus est: *Ceterum condonandum illi, si (quod & alijs sanctissimis atque eruditissimis viris saepe accidisse reperitur) dum ardentiori studio in hostes invehitur, vehementiori impetu in contrariam partem actus, lineam videatur aliquantulum veritatis esse transgressus*. Pro tuendis autem hispanicis Indorum Debellatoribus Pinelus ipse legendum insinuat D. D. Joannem de Solorzano in *de Jure Indiarum* lib. 2 cap. 19 à n. 22. & D. Gabrielem Daza de Cardenas in *Novo ad Historiam Floridæ ab Inca scriptam Proœmio*. Dein verò col. 569 memotat D. Bernardum de Vargas Machuca in *Apologia pro Indiarum Occidentis Expugnationibus contra Chiapensis de Indiarum destructione Tractatum* anno 1552. editum, qui Bernardus Episcopi commentitias esse palam facit enarrationes: quamvis *Apologia isthæc*, ut Remesalius animad-



BA

vertit, publici juris fieri non est permiffa. Et hæc quidem quæ ad rhombum in Occidentali Bibliotheca nobis sunt vifa. Ad Gallos Criticos Scriptorum Ordinis Prædicatorum Historiographos accedentes, tom. 2. pag. 194. de Opere, quod lapis offenfionis fuit estque etiam modò, tractantes, ita illi habent.

Hoc opus ea atate quidam Hispani ægerrimè tulerunt, gentilium suorum scelera revelari impatienter ferentes, nec defunt etiamnum qui supposititium contendunt, & ab auctore Gallo in odium nominis Hispani confectum, ac Lugduni sub ementitis Hispani typis primò editum anno 1552. Sic tuetur Joannes Melendez noster in Historia Provinciæ Peruana, cui titulus: *Thesoros Verdaderos*; cui adstipulatur ejusdem Historiæ censor Franciscus Antonius Montalvo in approbatione eidem præfixa, idque à Gallo quodam desertore & ad Hispanos transfuga rescitum fuisse. Sed si non aliud illis argumentum quam hujus Galli desertoris testimonium, illud certè futilissimum est. Quis enim ille Gallus, quod ejus nomen, ubi natus, unde didicit? Sed hæc missa facio. Opus in oculis ipsius Bartholomæi de las Casas viventis excussum est, si non ejus, cur mox ut vidit, suum non negavit? Præterea eadem charta eodemque charactere ac alia ejus indubitata Opera editum est. Adde quod Scriptores Hispani omnes illi asserunt, & ipse in alijs tractatibus eadem habet. Quæ subnectuntur, valde notatù digna quidem habemus.

Aaaaa

BA

Nec verò dedecus sibi putent Hispani, talia apud eos monstra nata esse, apud quas enim nationes non similia eruperunt hominum portenta? An erga miseros indos æquiores fuerunt, qui eos è suis ejecerunt sedibus, terras eorum invaserunt, eorum cupiditate moti Lusitani, Angli, Galli, Sueci, ac præ cæteris in occidente & oriente Batavi? Sed immortale est gentis Hispanæ decus, quod ejus Reges numquam id permiserint, probarint nunquam, imò severissimis legibus prohibuerint, licet non semper auditi: quòd ubi scelerati illi Conquistadores avaritia excacati, Indos bestias non homines, non anima rationali præditos sustinere ausi sunt, Consilia Regia id non respuerint modò, sed & exhorruerint: denique, quod viros apud se sapientissimos habuerit, quales Bartholomæus noster & alij innumerari, qui se Indorum Patronos exhibuerint, gentilium suorum errorem non dissimularint, ac in ordinem omnia tandem aliquando reduci obtinuerint. Jam coronidis loco pollicita à nobis supra Thomæ Boziji fragmenta scribamus oportet: Tom. 1. de Signis Ecclesiæ Dei lib. 10 cap. 13 hæc habet.

Hinc, ut legimus apud Petrum Martyrem, sæpe inter Christophorum Columbum & Bucilum Catelanum, quem Præfulis Ecclesiastici nomine ac potestate Alexander VI Papa ad Indias missit, contentiones honestæ exoriebantur, quòd Bacilus nimirum sæpe contendebat, ne in gentes illas à nostris aliquomodo sæviretur: belluinis namque factis belluas omnes su-

pe-



perabant. Nam quæ bestia sui generis bestias devorant ut illæ mutuo se se comedebant? Quæ bestia filios suos alunt, ut pinguiore & adultiores effecti, sint Parentibus (horrendum dictu) pro cibo? Hæc illæ, è quibus cætera discas, agebant. Quo circa, ut aliquis Hispanus fuerit aliquando in illas crudelis, tanta certè quidem immanitas erat illorum populorum, ut ad humanæ naturæ studia revocari nullo modo possent, nisi edita fuissent in illos exempla illustrissima suppliciorum atrocissimorum: quæ tamen Episcopi Religiosique nostri cohibuerunt. Non benè igitur quidam Scriptores invehuntur in Hispanos, quod adeo fuerint diri in Indos. Aliquos ex Hispanos fuisse in aliquos Indos haud negandum. Vix tamen erat ut aliter fieri posset. Peccatum est ab aliquo: non totius est Nationis id crimen. Peius actum fuisset nisi Episcopi Religiosique viri intercessissent, qui semper, ubi opus erat, obstiterunt, rem quæ ad Paulum III detulere, quo suam authoritatem & ipse interponeret. Libro autem 7 ejusdem tomi cap. 4 ubi Mexicanorum dedecora Idololatræ retulerat, eorundem christianos mores ab Hispanis imbibitos laudans scribit: At nunc Populi omnes ad Christi cultum traducti superant vel æquant propè Europæos cunctis humanitatis ac Religionis officijs, ut ex ipsis qui diu per illas Regiones vagati sunt, Romæ audiui, & usu percepi, cum noverim nonnullos ex ijs oriundos & indigenas, eorumque confessiones in Urbe audiverim. Tan-

dem, ne multi simus, Lectores ad ejusdem remittentes caput 1. lib. 8 paucula hæc delibamus. Tertium sit illud (scilicet Hispanorum decus) Nulla unquam gens, ex quo Adamus habuit liberos, tot Nationes moribus ac ritibus dissimiles ad unius Religionis cultum, vel earundem legum studium perduxit, ut Hispana. Vix enim quisquam possit enumerare gentium varietatem, mores quæ illarum prorsus inter se dissidentes, quas Hispani sub Imperium suum miserunt, & ad Christi venerationem perduxerunt uniusque Dei cultum. Sunt in promptu Historia: legat qui volet. Sed de his hæcenus. Reliquum est, ut Nostri, scripta in sillabum redigamus. Atque ut Mss postmodum referenda fervemus, ab editis exordiamur. Hispano sermone dedit

Tractatum comprobatorium summi quod in Indias habent Imperij & communis principatus Reges Castellæ & Legionis. Hispali, Gothico caractere Sebastiani Truxillo 1552 in quarto. pp. 160. quæ se scriptione ab eo crimine liberavit apud Consilium Regium, de quo accusatus fuerat ab Indiarum aliquibus domitoribus, perinde quasi Catholici in Americam Regis abnueret Imperio.

Hispano item sermone extat Disputatio & controversia Episcopum inter & Doctorem Genesum de Sepulveda, contendente hoc Indiarum adversus indigenas debellationes licitas esse; illo autem è regione propugnante affirmanteque, fuisse,



BA

se, nec aliter esse posse, illicitas, tyrannidas, injustitias & iniquitatis labe sordentes; Quæ habita est differatiō coram doctis pluribus Theologia peritis & juris, in Congregatione Regio Caroli V jussu inita Vallisoleti anno 1542. pp. 112. Quod autem Apologia ista pro Indis longior visa sit & diffusior, ut in compendium redigeretur operâ egregij Theologi M. Dominici Soto, qui unus erat ex assidentibus in eo cātu, Consilij nutu decretum est. In Summam ubi redacta fuerat, & ad duodecim capita revocata, totidem objectiones Genesius opposuit, quæ uti tempestivè responderet Episcopus, secundam Opusculi partem adjecit hoc titulo.

*Rescripta repositaque ab Episcopo adversus responsa à Doctore Sepulveda duodecim parata objectionibus in Summarium Apologiae suæ collimantibus.* Opusculum hoc una cum præcedenti, ceu prima secundaque pars, habetur pp. 112 & quidem Hispali, formis Sebastiani Truxillo 1552 in quarto. Item Barchinone, litteris Antonij la Cavalleria 1646 in quarto. Utriusque memoria editionis habetur apud Scriptores Ordinis Predicatorum pag. 193. itemque Italicae Versiones per columnas Italica ad Hispanam è regione in eadem pag. respondente, studio Marci Gimnani, & ipsius typis, Venetijs 1645 in quarto. pp. 184. Dissidij porrò hujus finis tam è voto Nostri

BA

succesit, ut inde Leges in favorem Indorum latæ, quas superius memoravimus, emanaverint, Antagonistæ Libris suppressis.

Vernaculo item sermone prodijt Tractatus alter hoc titulo.

*Positiones triginta admodum juridicae, in quibus summarie & breviter multa tanguntur jus attinentia, quò Ecclesia & Christiani Principes gaudent aut frui possunt in Infideles, cujus illi cumque sint speciei: In primis autem verum assignatur & validissimum fundamentum, cui Regum Castella & Legionis summum in Orbem novum Imperium nititur, quo in Occidentalibus Indijs Domini constituti sunt communes, & Imperatores in multos Reges.* pp. 20. Extat in utràque editione.

Latino sermone habetur Tractatus hoc titulo.

*Principia quadam ex quibus procedendum est in disputatione ad manifestandam & defendendam justitiam Indorum.* pp. 20 primæ editionis, in qua sola legitur, ut Galli Critici scribunt; Pinelus autem col. 769 alias adjicit editiones anni 1607. in quarto.

Rursus materna lingua edit

*Brevissimam destructionis Indiarum relationem.*

Cui adjecit fragmentum alterius à quodam scriptæ relationis his Indorum debellationibus quondam interresenti. Præter memoratas Hispanas editiones, plures sunt aliæ ejusdem operis in multas Europæ linguas conversi.



Scilicet hoc latine titulo: *Narratio Regionum Indicarum per Hispanos quondam devastatarum verissima. Hispanicè conscripta, post alibi Latine excussa, jam verò denno iconibus illustrata*, prodijt Oppenhi-tonij curis, & sumptibus Joannis Theodori de Bry, typis Hieronymi Galleri 1614 in quarto. Postea Heidelbergæ cum iisdem iconibus typis Guillermi Uvalteri 1664 in quarto. Præter has editiones apud Scriptores Ordinis Prædicatorum legendas, aliam vidimus apud Avarea in Orbe Terrarum &c. verbo *India*, nempe Francof 1598 in quarto, aliamque Latino Hispanam. Ibidem 1690 in quarto.

Italicas Versiones iisdem Critici Galli, Nicolaus Antonius, Avarea alijsque afferunt: Venetiarum 1626 in quarto, & iterum ibidem Marci Ginammi 1630 & rursus ibidem Hispanicis & Italicis columnis hinc inde pro utraque dispositis linguâ, Ginammi 1643 in quarto pp. 150.

Gallicæ autem Versionis Jacobi Bigroddi editio est Antuerpiensis Francisci Raphelengii 1579 in octavo, testibus Avarea, Nicolao, & citatis Gallis, addentibus alteram anni 1582. Pinelus verò Editiones recenset alias nempe anni 1598 & 1645. in quarto. & 1648. tomis duobus in 12. Subdit insuper Bellegardum item Historiam hanc gallicam fecisse, teste Dupin in tabula Authorum Ecclesiasticorum, edidisseq. 1597.

Germanicam Translationem anni 1597 in quarto citati afferunt Galli.

*Tractatus Regij Indiarum Consilij mandato scriptus super negotio Indorum, qui in servitutem à Castellanis abrepti fuerant* pp. 71 habeturque in ambabus editionibus Hispanicis. Item Italicè & Hispanicè, ut supra Venetijs, typis Ginammi 1657 in quarto pp. 96 hoc titulo: *Supplice schiavo Indiano di M. Bartholomæo de las Casas, &c.* Quamvis enim D. Nicolaus Antonius in ambiguo fuerit, an sub hoc Italico titulo alterius Venetæ editionis ejusdem Ginammi de anno 1636. lateret is, quem narramus, *Tractatus*, an alter statim à nobis huic subnectendus; dubium substulere Critici Galli Dominicani, collatione factâ invenientes Versionem Italicam non sequenti, sed præsentī aptatam Opusculo fuisse.

*Remedia inter, quæ Episcopus, jussu Imperatoris ac Regis nostri, protulit in Congregationibus, quas habere Rex ipse mandavit, Prælatorum & Litteratorum, Personarumque illustrium Pincia anno 1542 corrigendis Indiarum rebus, octavum ordine est quod sequitur. In quo viginti designantur rationes, quibus probat Episcopus, Indos Hispanis fiduciarium in clientelam committendos non esse, nec in Feudum, aut alio nomine* pp. 112. juxta utramque editionem Hispanam, cui citati Galli Latinam subnectunt, itemque Italicam simul & Hispanicam hoc titu-



BA

titulo: *La libertà pretesa dal sup-  
plice schiavo Indiano, &c.* Venetijs,  
typis Ginanmi 1645 in quarto,  
pp. 184. Hisce Nostri fundamen-  
tis satisfecisse D. Antonium de  
Leon Pinelo in lib. de Confirma-  
tionibus Regijs part. 1. capp. 18.  
19. 20: ipse Author est col. 567.  
editionis novissimæ Epitomes Bi-  
bliothecæ suæ Occidentalis alias  
istius Operis Chiapensis Episco-  
pi editiones subjungens, nimi-  
rum Gallicè redditus 1678 in 4.  
rursusque Jacobi Kilingeri operâ  
1623. 1625. in quarto.

*Quadam monita & regula pro Sa-  
cerdotibus Confessiones excipientibus  
Hispanorum, quorum cura Indi In-  
diarum oceani maris traditi fuerint.*  
pp. 32 primæ editionis, nam in  
secunda tractatulus iste, simul  
que sequens desideratur.

*Additio ad primam & quintam  
regulas.*

Romano sermone extat condi-  
tus Tractatus cui titulus: *Erudi-  
ta & elegans explicatio quæstionis  
utrum Reges vel Principes jure ali-  
quo vel titulo & salvâ conscientia  
cives ac subditos à Regia Corona  
alienare, & alterius Domini parti-  
cularis ditioni subicere possint? ante-  
hac numquam ab ullo Doctorum ita  
luculenter tractata.* Edita quondam  
cura & studio Wolfgangi Griesster-  
teri, nunc verò multo correptius recu-  
sa curante Jacobo Killingeri juris  
consulto Tubingæ Wildij 1625. in  
quarto pp. 47. Quam editionem  
haberi Romæ in Barber. & Pa-  
ris. apud Dominicanos ad S. Ho-

BA

norati testes sunt iidem Galli,  
qui & alteram dicunt laudari  
Romæ in Imperiali, Jenæ Joan-  
nis Golleneri 1678 in quarto.

*Sedecim contra pestem remedia, quæ  
tunc inchoabat, & nimia serpens fe-  
stinatione Indias destructum ibat.*  
Octavum typis Authorem dedif-  
se Opusculum hoc Hispali 1552  
citati Galli Critici testes sunt fo-  
lio 195. n. 3, ut propterea mi-  
remur, non inter edita recen-  
situm ab ipsis, sed admixtum Ca-  
talogo ineditorum Operum.

*Indiarum detectio Occidentalium,*  
Italico edita & Hispano sermone  
1630 in quarto, itemque Galli-  
co donata 1697 in 12 pro ut ex-  
tare in Casanatensi Ord. Præd.  
in Additionibus & Omissionibus  
ad ejusdem Ord. Scriptores leges  
pag. 825 tom. 2. Atque edito-  
rum hîc finis esto.

Ad Mss venientibus occurrunt  
nobis innumera minutiora, nem-  
pe *Libelli supplices, testimonia, nar-  
rationes, consulta & alia,* quæ om-  
nia Regio jussu ab defuncti Mu-  
sæo Episcopi, Pincia Matritum  
translata fuere, & in Tabullarium  
supremi Indiarum Consilij asser-  
vantur, ut Remessalius scripsit,  
vel in Escuriali, ut Nicolao An-  
tonio propius verò fuit visum.  
Majoris Opera moliminis sunt  
quæ subdimus Hispano sermone  
conscripta.

*Historia apologetica summaria  
quæ de qualitatibus ac dispositio-  
nibus cæli & soli Regionum harum,  
genio, politica, indole, Rebuspublicis*



moribusque, quibus gentes sunt istæ Indiarum occidentis plagæ & meridionalis, quorum summum Imperium attinet ad Reges Castella. Magno volumine folijs 830 minutissimo scriptis caractere & sine marginibus Opus hoc constat, atque ut testis est Remesalio lectio ejus incumbens, eruditissimum, proque Indis tuendis elucubratum, quibus se suaque regendi aptitudo periniquè negabatur à multis. Addit volumen hoc è Bibliotheca Dominicanorum Vallisoletana sublatum, sed tamen sperare se, restituendum.

*Generalis Indiarum Historia*, tomis tribus comprehensa in folio, è quibus priores duos vidisse se Remesalio affirmat, primum folijs 668 constantem, narrationes que ad annum 1502 perducen-tem; secundum verò eas ad usque 1510 continuantem folijs 197. Porro dubium non est Historiam hanc cæteris, quæ prodierant, longis intervallis præstare, quod & plurima à se visa Bartholomæus diligentissimus scrutatur rerum scripserit de regionibus istis, quas totos quadraginta annos incoluerat & perlustrarat, insuperque ad manus habuerit Christophori Columbi adversaria, initio detecti Novi Orbis gestis aperiendis non utilia modò sed necessaria, ut propterea quam diximus laudem Operi huic Remesalio jure tribuerit, ejus majorem partem in suam Historiam celeberrimus Chronographus Anto-

nio de Herrera contulerit. Nec prætermittendum existimavimus, quod eundem sequuti Remesalio Galli Critici tradiderunt, Episcopum scilicet Historiam hanc annò 1527 incæpisse, cui finem imposuerit annò 1559, deditq̃ in mandatis, ne ante quadraginta annos typis excuderetur.

Hujus Historiæ tomos duos Septimanæ in Regijs tabularijs inveniri testis est de visu Pinelus qui annò 1626 eò se contulisse supremi Indiarum Consilij jussione pro eisdem inquirendis affirmat. Addit, tribus tomis extitisse in Bibliotheca Comitum de Villa-Umbrosa Opus hoc; cujus tomi duo (transcripti, ut primum est conjectare) quondam in Bibliotheca fuisse Jacobi Kricij Abstelodamensis, ex ejusdem Catalogo Bibliothecæ eruitur, forte que tertium volumen est, quod in eodem sillabo legitur paulo mutato titulo, pro ut etiam diversum præferunt duo primi tomi, quibus nomen Chiapensis Episcopi Casaus præfixum est. Ad hanc Historiam revocandi videntur ceu ejusdem fragmenta

*Chronici Indiarum* quondam in memorata Comitum de Villa-Umbrosa Mss asservati, ut tradit Pinelus col. 570.

Latino sermone conscripsit: *De cura à Regibus Hispaniarum habenda circa Orbem Indiarum, & de unica vocationis modo omnium gentium ad veram Religionem* foll. 63. Opusculi hujusce transcriptionibus



bus propagati quatuor exempla adduxit Remesalius, quorū unum Pinciæ in Collegio S. Gregorij stare, alterum in Hispania Nova, tertium in Provincia Goatemalensi apud Parochum de Mazaltenango, quartum penes se habere, cujus in Historia Provinciæ Chiapensis fragmenta dat. Utrum autem exemplum quod secundo loco indicat esse in Hispania Nova tacitâ Bibliothecâ vel Tabulario, idem sit quod à PP. Dominicanis Goaxacensibus asservatur in Bibliotheca Conventus magni ejusdem Provinciæ, in medio relinquimus. Id nobis est exploratum, extare ibi to-mū in folio bono caractere descriptum hoc titulo: *Quintum capitulum lib. 1. cui titulus est: De unico vocationis modo omnium gentium ad veram Religionem F. Bartholomæi à Casaus Ord. Præd. Episcopi quondam Civitatis Regalis de Chiapa.* Caput hoc complectitur 36 §§ admodum difusos. Continuo adjungitur caput sextum §§ 8 conclusum, septimumque, quod §§ 6 absolvitur. Certè negotium nobis facessit, difficileque videtur, Codicem hunc manu exaratum exemplar esse. Libri, de quo nobis est sermo, propterea quòd iste foll 63 constet; tria verò quæ retulimus capita §§ 50, quorum 36 saltem latissimi sunt præferant, subindeque & ipsa tria capita, & quæ reliqua sunt foll 63 capi nisi minutissimo caractere non possint.

*De Servitute Indorum secundæ conquestionis de Xalisco dictæ foll 272.*

*De promulgatione Evangelij, Latino & vulgari sermone.*

*De juvandis & fovendis Indis, sermone Latino, quod grandis molis Opus appellat Illmūs Davila Padilla, foll mille constans, nam totidem numeros putabis, si viginti chartarum scapos seu fasciculos philirarum recenscas. Mexici asservari apud PP. Dominicanos idem est Author, redditum que latinè à F. Dominico de Anunciatione, qui illud à Sodalis Chiapensibus commodatum acceperat.*

*Latino item idiomate de thesauris in sepulchris Indorum latentibus. foll 192.*

*Hispanicè Summarium eorum quæ Doctor Sepulveda contra Indos scripsit. fol 94.*

*Eadem dialecto, Duodecim Codices Disputationum ab Episcopo Chiapensi cum Dariensi Antistite, & Doctore Sepulveda habitarum. foll 184.*

*Latinè: De Juridico & Christiano ingressu & progressu Regum Hispanorum in Regno Indiarum fol 61.*

*Hispanicè Confessionario fol 32. Quod opusculum non aliud videri à recensito inter edita n 9 rectè monent Critici Galli.*

*Testamentum & Codicillus duos esse hos libellos ab Episcopo paulo antè suum obitum Philippo II traditos, iidem cum alijs Doctores animadvertunt, laudarique*



ab Emmanuele Roderico QQ.  
Regularium tom. 2. q. 99. art. 4.

His adjicimus *Librum in quarto varia Nostri Opuscula continentem* caractere descriptum P. F. Joannis de Cordova, Provincialis Dominicanorum Novæ Hispaniæ priusquam illustris Familia sua in ternas ordinatè Provincias abiret. Extat in Bibliotheca Goaxacensis Conventus magni Ordinis ejusdem, opinamurque transcriptionem esse aliquorum ex his qui numerati manent Tractatum.

Vernaculo idiomate *Epistola ad M. F. Bartholomæum de Carranza & Miranda de dubijs circa Indorum libertatem occurrentibus*, quæ Mss erat in Bibliotheca Comitum de Villa-Umbrosa uti ex Pardo in suo Catalogo fol. 167 scribit Pintelus.

Tandem, Romana Lingua conscriptum à Nostro *Dialogum De in Indias jure*, interlocutoribus Seniore & Juvenio apud Pintelum ipsum col. 572 nobis occurrit.

Jam, ut sub unum omnes, quos legere potuimus Scriptores Nostri acta vel scripta laudantes, aspectum demus, sunt illi quidem Remesalio omnium diligentissimè & fusissimè in Historia Provinciæ de Chiapa & Goatemala à cap. 10 Lib. 2 Davila Padilla in Historia Provinciæ S. Jacobi à cap. 97 ad usque finem Libri primi. Agydus Gonzalez Davila in Theatro Eccle-

siæ de Chiapa fol. 190 D. Nicolaus Antonius in Bibliothecâ Hispaniæ Novæ tom. 1. à pag. 149 PP. Echard & Quetif in Scriptoribus Ord. Præd. à pag. 192 D. Antonius de Leon Pintelus in Epitome Bibliothecæ Occidentalis Editionis novissimæ à col. 566 Fernandez Dominicanus, in Historia Ecclesiæ nostri temporis cap. 7. Dominici item Lopez p. 4. lib. 2 cap. 16. Pius p. 4 col. 172. Fontana in Theat. & Monum. Altamura ad annum 1555. Torquemada in Monarchia Indica tom. 3 pag. 42 & alibi ejusdem tomi editionis Madridanæ 1723. D. Joannes de Solorzano de Jure Indiarum lib. 2 cap. 1. n. 27. Franciscus Lopez de Gomara in Historia Peruvij cap. 77. Avarea in Orbe Terrarum Scriptorum calamo delineato, art. supra indicato. Cabrera in Gentilijs Stemmaris Mexicanis, seu de SS. Deiparentis Guadalupe Imagine n. marg. 432. M. F. Joannes de Segura Troncoso in Seneca de Mercede à num. 435 usque ad 439 inclusivè Nostrium à criminatione defendens in ipsum scripta ab eloquentissimo Chronographo D. Antonio de Solis.

537 P. BARTHOLOMÆUS DE LAS CASAS, Natione, nisi fallimur, Mexicanus, Patria nobis incerta, Societatis JESU in Provincia Novæ Hispaniæ alumnus, publicusque Philosophiæ Professor ad Maximum SS. AA. Petri & Pauli



BA

Pauli Mexiceum Lyceum triennio Aristotelis Libros ejusdem Facultatis interpretaturus, traditurusque auditoribus suis, Cursum exaravit, cujus primum volumen in quarto habetur in Bibliotheca Collegij Tridentini Seminarij Mexicei hoc titulo

*Disputationes Summularum & Logica magna dictata à P. Bartholomæo de las Casas Societatis Jesu ab anno Domini 1640 usque ad 1641.*

Quæ restant pro integrandâ Philosophiâ elucubrationes, quæ sint in scrinio nos latet, sicut & viri scripta alia & acta.

538 P. BARTHOLOMÆUS CASTAÑO, Natione Lusitanus, apud Scalabim notissimam Portugalix Villam ortus, Mantuæ Carpentanorū degens anno 1623 ætatis 21. quo tempore P. Ferdinandus de Villafañe Societatis JESU in Provinciam Novæ Hispaniæ ejusdem Ordinis Sodales supplementi gratiâ mittendos cōquirebat, hos inter navigaturus, prophanus licet adhuc, admissus fuit, non semel à Deo ut sibi diligentissimè inserviret, nec irritò auxilio vocatus. Inscensâ nave, orationi, lectioni, pijsque alijs operibus deditus, Religiosis secularis erat exemplo, quibus aggregari discupiens, voti compos effectus, Amaluæ cooptatus tyronibus, reliqua probationis tempora Mexicana in Provincia exegit, in qua ita etiam studijs incubuit, ut non sine plausu frequentarit Gymnasia, aleamque

BA

Minervæ subierit. His absolutis, jamque Sacerdorio initiatus, atq̃ ab spiritus fervore conspicuus, Angelopolim pro tertia, ut dicitur, probatione dimissus, statim eximij animarum zeli specimen dare cepit, habitis in Foro, singulis ferijs quintis, ut usus ferebat, concionibus ferventissimis coram Populi frequentissimâ multitudine ad Ædiculam sacram concurrente. Nec verò hominibus duntaxat è trivio vulgique plebecula acceptus, sed gravibus doctrinâ viris & munere è Capitulo Ecclesiæ Cathedralis, nunquam non ipsum dicentem exipientibus & laudantibus. Tantos porro inde fructus collegit, ut plurimi, antea vitijs fœdissimi, expiari totius vitæ exomologescerant, atque in Numinis amicitiam & gratiam redire.

539 Non ita pridem Cinalog gentiles in Ecclesiæ sinum Catholicæ recipi occæperant à PP. Societatis JESU barbariem deducti & superstitionem, sacrisque ac politicis instituti, atque Noster eò ut se conferret, Apostolico muneri vacaturus, Superioribus arripit, quæ ipse ex animo paruit. Decennium, iniquas, sole tostas, & mille scatentes periculis plagas excoluit, non his tantum corporis divexatus incommodis, sed animi etiam afflictiones perpeffus, quæ charissimum sibi hominem Deus arctius devincire, & ad ulteriora provehere amabat. Ille, Hercle, adeo erat perfect-

Ccccc

fe-



fectionis religiosæ avidus, ut ne apicem quidem prætermisisset, his quoque minutis intentus, quas ferventiores novitij usu tenere solent. Apud Sagaripam, & Sigibatanes primum substitit, mox Sonoræ, quam ipse condidit Missionem, se contulit, nullo præpeditus timore impendentium malorum inermi sibi ac soli barbaros ingredienti, Ministrum licet Evangelij ultrò & instanter expostulantes. Eos ut lucrifaceret Christo, nullum non movit lapidem, & felici successu saxea demum corda emollivit. Quod enim musicis illi numeris delectati, libentissimè audirent motam ab ipso citharam haud ineleganter, vel quod illud cumque instrumentum fuerit, eâ usus opportunè occasione parvulos apud se bona cum genitorum venia retinendi, eis se ad tempus non inviti abdicantium ut movere fides condiscerent, unam imò verò Catholicam Fidem in primis ab Apostolico hauriebant fidicine, nisi dixeris Orpheo & Amphione, qui & humanas nervorum concentibus feras mansuefecerit, & Thebis sublimiorem Urbem firmioraque longè mœnia construxerit.

540 Nam hac usus arte, primo statim anno initæ Missionis Sonorensis duo millia salutaribus aquis intinxerat, quibus ter quaterve millia grandiorum ætate virorum & fœminarum brevè itidem junxit & parenti Ecclesiæ

multa in dies incrementa ibidem locorum capienti. Nec mirum, quandoquidem Apostolum imitandum sibi propositum, omnibus omnia factus, adeo referebat exactè, uti lingua, quam penitissimè calluerat gentilium, cæterisque ipsorum ita usibus æconomicis & politicis (rectius nuncupaveris Barbaris) adaptaret se, facile ut Indi crederent Indis quoque ipsum genitoribus editum, fermeque subinde haberent despectui, ni Missionum Visitator ab hac illos opinione avertisset, eximio Bartholomæum honore coram eorum cætu cohonestans. Multa porrò apud Sonorenses cæterosque, quibus præfectus fuerat, peregit, Ecclesijs christiano ædificatis ritu & instructis, ethnicisque nuper hominibus ad Dei cultum & pietatem formatis. Nonnunquam viginti integrâ nocte leucas confecit baptizandi ergo parvulum morti proximum; tandiuque pedes difficillimis & vastissimis perlustrandis institit locis, donec secus in mandatis accepit.

541 Adhæc, propitio sibi Deo, discrimina vitæ præsentissima effugit, miraque patravit. Nam jubentibus Superioribus, Pagos ingressus gentilium Indorum, ut plures ipsis immixtos Christianos parvulos contaminandi se idolis majorum & superstitionibus periculo eximeret, Paganorum id circo exceptus fuit plausu, quod graviter ægrotantes ipso-



BA

forum plures lavacro salutari perfuderit, juxtaque sanitati ad unum omnes protinus restituerit. Quandoque comitatus Sodali, Indum plusquam centenarium, propeque vitæ finem invenit, cujus cum intimos animi perscrutatus esset recessus, liquido constitit, ætatem sic duxisse longævam, ut naturalis juris præscripta ad unguem servasset: tum enim verò christianis, ut par erat, edoctum, Socijque manibus baptizatum, paulo post mortuum Indum, plaudentibus, ut remur, Superis, cœlum excepit.

542 Tanta licet ageret inhibi locorum pro Dei gloria & salute animarum, Deo tamen ipsum inde evocanti, atque ut se Mexici sisteret, Superioribus annuentibus, indicenti, illico obtemperavit. Erat sanè in divinis decretis ut deinceps Apostolica apud Mexicanos munia subiret, residuamque vitam perageret. Sodalitio, quod à Salvatore nuncupatur in Domo Professæ, est que antiquitate & multis nominibus celebre, Præfectus datus, totos 26 annos invigilavit, Sodalium eximio profectu, ad quos cœteramque confertissimam multitudinem singulis dominicis diebus è superiori loco dicebat, promptumque se & facilem singulis, pro confessionibus, consultationibus, & omni christianâ institutione præbebat. Adhuc catecheticas multo tempore, quinta cujusque hebdomæ feria,

BA

conciones sui esse voluit muneris, quas multo conditas studio Theologicæ Summæ & aliorum, quæ ad Scholasticam attinent & Dogmaticam, Operum S. Thomæ Doctoris Angelici, auditoribus offerebat. Pro rudiori verò plebecula brevissimum in unico folio Catechismum conscripsit, Mexicanis sæpius typis recussum. Insuper exempla, quæ incunte nocte, quadragenarij jejuni tempore, enarrari coram multo virorum cœtu ferventi ad mores exhortatione conjuncta, solent in Ecclesia Domus Professæ, egregio successu, demandata sibi habuit. Tandemque sermonibus benè multis passim, ut ferebant res, christianâ confectis & virili eloquentiâ, auditores cohortatus, mirum est quot fructus retulerit.

543 Erat quidem acuto & prænobili ingenio, multaque dives eruditione, qua tametsi opportunè in domesticis ad Sodalibus suis concionibus uteretur, in cœteris ad populum abstinens, sic agebat, ut vitia evelleret, auditores compungeret, atque ad poenitentiam capeffendam, & amplexandam virtutem sollicitaret. In hunc omnia Rhetoricæ ornamenta, quibus instructissimus erat, vigorem dicendi insitum, & graviora quæque permovendis animis, scopum ut destinabat, è voto illi & sententia salutem animarum optanti eveniebat. Quod tamen vehementiori non nunquam zelo correptus, liberius lo-



qui visus fuerit, imò audatius invehì & insectari, querimonias est passus multas, & acerrimas à Superioribus objurgationes, quas ipse patientissimè toleravit, nulla nominis & æstimationis jacturâ, Apostolicus vir etiamnum audiens, & ab egregijs virtutibus semper multi habitus.

544 Et verò diligentissimè illas excoluit, Fidem in primis, cujus propagandæ gratiâ durissima pertulit, grandiaque patravit; Religioni inde peræquè intentus, cujus argumentum est *Traктatus de methodo Sacras Imagines percolendi*, inferius inter ejus scripta censendus. Spem quòd attinet, tanta erat fiduciâ, uti Deo subnixus, ardua quæque aggredi neutiquam vereretur, opemque ejus & auxilium præsens haberet. Porro Charitatem ut deperiret dictum est difficile, conjicique ex his potest, quæ fecit, omnibus hætenus anarratis, quibus accedunt quæ præterimus reliqua, quæque dicemus: Opusculum etiam quod de Charitate concinnavit, itemque aliud de Contritione, Lectorum ob oculos has, quibus exarserat, flammæ aperiant. Adeo quidem hæc publicis in concionibus pertractans ardebat, ut non semel abrumpere cæptam orationem, aliòque tendere opus sibi fuerit dicenti. Eam obrem, nulla præteribat charitatis officia, Sanctimonialibus ducem se perfectionis exhibebat atque Magistrum, ductis ad po-

stremum supplicium hortator aderat & adjutor, egentibus elemosynas, ut ut potis erat vir pauperrimus, erogabat, totusque in juvandis propter Deum proximis erat, atque ut obviam iret scandalis mali dæmonis suasu infestis solennioribus occurrentibus; quæ, nocte Servatoris nostri devota natali, debachantibus per Urbem insanis hominibus, benè moratis offensionem noverat esse, industriè compescuit, invitatis hortatisque elementarijs pueris, dantibusque operam Grammaticæ, ut in suis quisque ædibus curarent, Iconem Virgineam ad fenestram, collucentibus luminibus, palam exponi, rogatoque Archiepiscopo Mexicano, ut suis in hunc propositum Edictis concurreret, cui libentissimè Præsul annuit rogatui. Et certè voti compos effectus fuit, Purissimâ Deiparente ei obtemperante, qui totum se marianis obsequijs & cultui dederat, erga immaculatam Conceptionem in primis, Præsentationemque eximiâ religione conspicuus.

545 Paupertatem, obedientiam, castitatem, patientiam, cæterasque virtutes egregiè adamavit & coluit, quas ad extremum diem usque duxit. Bimestri, qui hunc præcessit, peracerbis doloribus patientissimè toleratis, ad æternam gloriam se comparabat, bis in die sacrâ animum confessione amplius & amplius expians, quem tamen adeò labis expertem



BA

Sacerdos noverat, cui eo ipso anno, totius, quam in Societate duxerat, vitæ, hoc est, annorum quinquaginta rationem sub Sacramenti sigillo dederat, ut nullius læthalis culpæ reus haberetur, imò nec venialis quidem deliberato admixtæ consilio. Tantâ illum Deus gratiâ munierat, cui alia itidem charismata egregia contulerat. Denique, præclaris virtutum exemplis editis, Sanctissimi Jesu-Christi Corporis Viatico refectus, extremoque sanctus Oleo, animam Deo reddidit die 21 Decembris anno 1672. Statim ut obitus ejus innotuit, homines certatim confluebant, Sancti, quem dicebant, & Apostolici viri cadaver veneraturi, quod sequenti die, multis ex utroque Clero Populoque Mexiceo viris gravissimis comitantibus funus, elatum fuit celebri pompâ, Religiosis Sancti Augustini PP. eam curantibus, qui ultrò se agendo funeri Ecclesiastico ritu obtulerant.

Vitam ejus conscripsit P. Thomas de Escalante, Doctissimus Societatis ejusdem Theologus, ediditque Mexici, typis Joannis de Ribera 1679. in quarto. Nostri porro scripta sunt hispano sermone.

*Tractatus de virtute charitatis*, quem ipse Escalante Vitæ inferuit Nostri à fol. 27.

*Tractatus de Actu contritionis*, editus similiter à fol. 37. col. 2. ejusdem Vitæ.

BA

*Methodus pro sanctarum Imaginum religione & usu*, cujus specimen dedit ibidem Escalante à fol. 23 col. 2 Opusculi dicti.

*Epistolarum Libri tres*, quarum aliquas sparsim in Vita præcitata opportunè transcriptas invenies, fol. que 9. col. 1. leges tres hos Libros apud Monasterium Mexiceum Sanctimonialium ab Incarnatione repertos, unde in Thomæ manus venere; singulas autem spiritum concernere, & ne quidem unam, quæ in hunc non collimet scopum, inveniri.

Aliquot acta Nostri apud Cinaloas dedit P. Andreas Perez de Ribas in Triumphis Fidei lib. 6. cap. 18. Ejus breve ac succulentum elogium texuit P. Julianus Gutierrez Davila Congregationis Oratorij in ejusdem Historicis Monumentis part. 1 n. marg. 99. Demum, extat memoria in Menologio edito à P. Oviedo ad diem 21. Decembris.

546 D. BARTHOLOMÆUS FERNANDEZ TALLON, Natione Mexicanus & Patria, florido vir ingenio, quos ab Tempe nostra, hoc est, à Mexiceo solo retulit flores, ut in fructus maturerent, humanæ documento esse pulchritudini studens, Poema hispanis amœnissimis numeris vernans collegit, quod Censor ejus P. Mathias de Bocanegra Societatis JESU, Poetices non minus quam Theologiæ cultor, multis effert, cuique titulum dedit Author.

Ddddd

Flo-



*Florida humana documenta speciei, é florum ephimera venustate ad mores traducta & numeris alloquentibus rosam exhibita.* Mexici, ex Typographia V. Bernardi Calderon 1652. Extat in Bibliotheca Collegij Maximi Mexicani Societatis JESU.

547 D. BARTHOLOMÆUS FRIAS DE ALBORNOS Natione Hispanus Talabricensis, postquã rubro Doctoris pileo Urfaone insignis fuerat, Mexicum adiit, cuius Universitatis tunc coalescentis Fundatoribus junctus, Magistralique Philosophiæ laureâ redimitus, tum etiam Legum Doctoribus cooptatus, earum Primarius Interpres & Professor fuit institutus, hac sub inde gloriâ clarus, quod nulli secundus fuerit in nobilissima Juris civilis professione, quodque Jus peræque ac ceteræ facultates ad miraculum usque inter nostrates postmodum effloruerint. Ingenium ejus summum fuisse ac planè monstruosum, Author est D. Nicolaus Antonius in Bibliothecâ Hispaniæ Novâ tom. 1. pag. 152. testatus, illius similisque memoriæ specimen sæpe dedisse. Tanta apud eruditos id temporis, non Americæ tantum, sed Europæ plurimos, fuit existimatione, quantum data ad eum Andrea Resendij Lusitani, Viri Clarissimi, Epistola indicat, nimirum summâ. Nec immerito, quod Juris scientiæ, quam profitebatur, ornamenta plurima contulisset,

quæ inter censenda est Linguarum perities, quam ei laudem Franciscus Sanctius Brocensis tribuit in *Arte discendi brevi tempore Latinam linguam hispanicè scriptâ, Virum Doctissimum atque in Linguis omnibus perfectissimum* appellare non dubitans. Scripsit materno sermone, quò usui Liber pluribus esse posset,

*Artem Contractuum.* Valentia, litteris Petri Huete 1573 in f. Ad Illmum D. Didacum Cobarruvias, Summi Senatus Præsidentem, olimque Præceptorem suum. Ut sunt tamen varij hominum fesus, Opus multi ab doctissimis alijs habitum, displicuit Ignatio Lopez de Salzedo, Complutensi Professore Canonum Primario, uti Nicolaus advertit ex illius additione ad *Practicam Canonicam Bernardi Diaz* cap. 76 § & memoria idem teneo.

*De Hispanorum Familijs* Mss. Nostri Opus laudat Gundisalvus Argote de Molina, quod usui sibi fuerat Nobilitatis Baticæ Historiam scribenti. Ita quidem Nicolaus Antonius scribit, cui citato non omnino consentit Gerhardus Ernestus de Franckenau, in Bibliotheca Hispanica Historico-Generologico-Heraldica pag. 58 subdubitans, utrum juris consultus noster, an alius ab eo Author fuerit hujusce Opusculi, ut Pellicerius æquè ac Salazarius expressis verbis ajunt. Nos rem in medio relinquimus.

*Tractatum de Conversione & Indorum Debellatione.* In quo duriora



BA

ra forsitan docere aggressus & propugnare, quam æquitas mansuetudini christianæ juncta sustineat, repulsam est passus, Liberque à Quæstoribus Fidei proscriptus, ut ex Illmō. Davila Padilla in Historia Mexicana Ordinis Prædicatorum lib. 1. cap. 103. Nicolaus Antonius advertit, nosque supra insinuavimus inter recensendum scripta Illmī. D. Bartholomæi de las Casas. Meminit ejus D. Antonius de Leon Pinelo in Epitome Bibliothecæ Occidentalis col. 742. Item Aegydius Gonzalez Davila in Theatro Ecclesiæ Mexicanæ pag. 32. Nostrium inter Academiæ Mexicæ conditores enumerans. Plaza in Chronicis ejusdem Academiæ lib. 1. cap. 9 n. 51.

548 ILLMUS. D. D. F. BARTHOLOMÆUS GARCIA DE ESCAÑUELA, Natione Hispanus, ignota nobis Patria, Ordinis S. Francisci, Regularis Observantiæ alumnus in Provincia Granatensi, Lector fuit Emeritus, tantique habitus, ut R. admodum P. Alphonsus de Salinazes, totius Familiæ Generalis, ipsum unum esse voluerit octo virorum, quos elegit omnium doctissimos, pro severiori efformandâ crisi de mirandis à V. M. Maria à Jesu de Agreda Libris scriptis, priusquam publici juris fierent, ut perdoctus P. Ecija Capucinus nos docuit in *Muro inexpugnabili Mysticæ Civitatis Dei* à se edito cap. 5. fundam. 5 p. 26. Catholico

BA

Regi à Concionibus, deinque à Consilijs, Portudivitenfis Episcopus destinatus, mox verò ad infulas Durangensis Ecclesiæ in Cantabria Nova promotus, in Americam veniens, sapientum hominum plausus emeruit, qui ipsum è sacro suggestu dicentem excipiētes, præconceptam de egregiâ viri doctrinâ, atque in Oratoria Facultate eximijs dotibus opinionem, palam sunt contestati, quorum indigitare sat est magna nomina Antonium Núñez de Miranda, & Isidorum de Sariñana. Diœcesi suâ amplissime, si quæ est toto Orbe ulla, invisendæ & accurandæ deditus, res ejus sic ad normam redegit omnes, ut ejus in Episcopali munere successores nihil ex his duxerint immutandum, ejus quinimo vestigijs institerint. Extant ejus editæ Conciones doctissimæ, quas Bibliotheca Franciscana retulit tom. 1. pag. 186 nos cæteras quæ vidimus adjiciemus ineditas. Et primo laudatæ loca ita habent ex materno in latinum sermonem conversis titulis.

*Oratio Funebri in Exequijs Gasparis de Medina Parentis RR. P. ac Illmī D. F. Alphonsi de Salinazes. Salmanticæ formis Josephi Gomez 1666 in quarto.*

*Oratio Funebri in Exequijs dñi magno Hispaniarum Regi Philippo IV. Eisdem typis Regijs 1666 in quarto.*

*Religiosum Exemplar, seu Oratio*



*habita in funere R. Admodum P. F. Andreae de Guadalupe Generalis Indiarum Commissarii. Matriti, ex Typographia Regia 1668 in 4.*

*Panegyrica Oratio habita plaudendi ergo largiores ab Apostolica Sede cultus decretos S. Ferdinando Castella & Legionis Regi. Mantuæ Carpentanorum, ex Officina Josephi Fernandez de Buendia. 1671 in quarto. Extat in Oratoriana Mexicea.*

*Oratio funebris pijs manibus V. P. F. Christophori Delgadillo Franciscani, Provincia Castellana Regularis Observantia alumni. Eisdem typis & anno.*

His editis jungimus, quas ineditas vidimus Orationes uno omnes tomo compaginatæ in Bibliotheca Sodalitatis nostri doctissimi D. Emmanuelis Antonij de Luyando.

*Oratio Evangelica in Beatificatione S. Rosæ à S. Maria Virginis Limensis.*

*Panegyris dicta, postremâ solennissimi festi die ab Regia Matritana Curia acti pro Canonizatione S. Petri de Alcantara.*

Ejus viventis insinuat eloquia Discipulus & Socius Fr. Antonius de Escaray in nuncupatoria concionis à se editæ de Servatoris nostri vindictis. Orationis n. 3. à nobis recensitæ meminit D. Antonius de Leon Pinelo in Epitome Bibliothecæ Occidentalis fol. 924. col. 1.

549 M. F. BARTHOLOMÆUS GIL GUERRERO, Natione Me-

xicanus, Mexici nobilissimis parentibus editus, Ordini Heremitarum S. Augustini in Provincia SS. nominis JESU adscribi voluit, in qua & litteris effulsit & moribus ac muneribus. Traditis è suggestu Philosophiâ & Theologiâ duodecim annis, Magisterij gradum ad Familiæ præscripta tulit. Primarijs Cœnobijs Angelopolitano, Goatemalensi, alijsque ubi præfuerat, toti Provincia Superior datus, non sine laude fructuque oneri satisfecit. Alia inter religiosa monumenta in Mexicano Conventu Turrim pro ære campano erigi multo sumptu curavit, non ab architecturâ commendatam minus, quam à sublimitate, quæ & intuitibus in arte peritis, imò inscijs etiam plausui est egregio. Ingenij verò, quæ reliquis præstant monumentis, duo breviora subnectimus, majoris alia operæ & moliminis nos fugientibus ad utramque Sophiam Oratoriamque pertinentia, quæ etiam multos annos impendit. Sunt autem illa conciones à se habitæ apud Goatemalenses hispano sermone, altera hoc titulo,

*Pyxis ostensoria, seu SS. Virgo Dei Mater in gratia concepta. Goatemala, Formis Josephi de Pineda Ibarra 1673 in quarto.*

Altera, *Panegyris de Immemoriali S. Petri Paschasij Mercedensis Ordinis, cultu. Ibidem, extatque edita cum alijs ejusdem argumenti Sermonibus in Libro à*  
F.



F. Rocho Nuñez, de quo in loco dicemus.

550 M. F. BARTHELOMÆUS GOMEZ, Natione & incunabulis Mexicanus, sacri Prædicatorum Ordinis fidus, quem in Conventu Mexiceo Provinciæ S. Jacobi Primario amplexatus est, ab utriusque suggestus munijs pro Instituto suo expletis, egregium nomen est assequutus: nam primos inter ea ætate concionatores habitus, Gymnasij palestram docendo Philosophiam atque Theologiam strenuè dimensus, Magisterij lauream promeruit: tum etiam in Academiâ nostrâ pro tuendâ S. Thomæ doctrina, auditoribusque explicandâ perpetuus Antecessor defuncto Clarissimo Viro F. Ludovico Vallejo suffectus est 9 Junij 1618. Ejus quoque operâ pro negotijs Fidei uti Apostolici Quæsitores voluere, Censoris insigni munere ipsi collato. Religiosis alijs functus in Familia Præturis, ad Provinciæ clavum sedit ejusdem Vicariatu poritus, cujus bonis & incolumitati egregio quo erat zelo prospexit. Hanc obrem scribendi Historiam ejus continuandique editam ab Illmô. Davila Padilla curas sibi assumpserat, pro quo opere multa paraverat, quod tamen, morte intercedente quo minus procederet, Discipulo suo satis docto & strenuo viro F. Alphonso Franco reliquit, à quo scriptam, quam legimus, Historiam Provinciæ S. Jacobi Dominica-

Eeeee

norum, superius diximus. Nostri porro, gravioribus prætermis elucubrationibus ad res Theologicas spectantibus, quas tempus unâque decessorum incuria nobis inviderunt, suppetunt

*Adversaria pro Historia Provinciæ S. Jacobi Prædicatorum Ordinis adornanda.*

Quorum meminit citatus Franco Lib. 2. cap. 40. fol. 239. Authoris verò memoriam etiam nobis exhibet Plaza in Chronicis Academicis Lib. 3. cap. 22. n. 113.

551 ILLMUS. D. D. BARTHOLOMÆUS GONZALEZ SOLTERO Natione Mexicanus & Patria, Episcopus Goatemalensis, apud Mexicea Societatis JESU Gymnasia humaniores excoluit litteras, Philosophiæque operam dedit: majoribus dein Theologiæ & Canonum studijs in Universitate totus incubuit, alijsque præreptis laureis, & doctorali Theologiæ apice redimitus, Academiâ non semel rexit. Ad multa quidem natura comparatus & arte, sacris excipiendis confessionibus fuit expositus, jussusque ab Archipræsule Mexicano concionatoris munus obire, paruit nec sine fructu & laude. A Sacro Fidei consistorio auctus honoribus, pro visitandis Bibliothecis librisque expurgandis fuit institutus, atque ut partes ageret Oratoris pro carceratis tuendis à Quæsitorebus destinatus, tum etiam pro Theologicis censuris



suris ferendis titulo insignitus prænobili, qua erat pietate & eruditione munera explevit. A Supremo Inquisitionis Consilio primum Fiscalis Mexice Tribunalis sacri constitutus fuit, postmodumque Apostolicus Inquisitor, quibus strenue defunctus Præfecturis clarissimis, dignus visus est Regio Indiarum Consistorio ipsique Catholico Regi, qui ad Pontificales eveheretur Goatemalenses insulas. Antequæ Goaxacensium ab eorundem Episcopo D. Bartholomæo de Benavides consecratus, in Ecclesiam suam pergens, statim plusquam octomille baptizatos sacro chrysmata inunxit; ubi verò Goatemalam tenuit, Urbem primariam, 16 Septembris anno 1644 totum se pastoralis devovit officio. Non potuit tamen quin Regiæ jussioni obtemperans, rationes exigeret de Præfectura gesta à Marchione de Lorenzana, qui Auditorij Goatemalensis Præsidentem egerat: quo ille ita functus mandato fuit, ut æquissimi juxta ac prudentissimi laudem tulerit. Pauperes ut eleemosynis sublevaret, eorum à Rectoribus Ecclesiarum nomina requirebat, propriisque collata manibus stipe recreabat, nec erubescens mendicare, & Religiosas Virgines prætermittebat. Agrotantibus lueque infectis aderat subsidio spirituali futurus & temporali. Adversus cæteros charitate præcellens & humanitate, in semet flagris sæviebat,

mortique proximus cruentata cæcilia triginta confessorio suo tradidit, queis usus fuerat, clàm habenda. Multis porrò ad Dei gloriam & Diocesis bonum exactis, bimestri egrotatione purgatus, pijsimèque ad mortem dispositus, Pontificijs indutus vestibus, obviam venienti Christo Eucharisticis speciebus velato exivit, quo religiosissimè pastus ac præmunitus, christianis alijs exercitijs incubuit. Historiam Passionis Dominicæ & Symbolum Fidei aliaque pro voto suo ab adstantibus recitata ut audierat, Crucifixi complexus Imaginem, accensumque cereum, mortem tandem aspexit die 25 Januarij anno 1650 ætatis 74. Funus ejus, quod egregià celebratum à Goatemalensibus pompâ fuerat, instauratum Mexici fuit à Sodalibus Congregationis Proto-Parentis Divi Petri, quam pridem rexerat, assistentibus Quæstoribus Fidei, & gravissimâ sapientum ac nobilium coronâ, Panegyrimque dicente D. D. Antonio Aldrete, quæ typis prodijt excussa Viduæ Bernardi Calderon anno 1650.

Quòd ad scripta Nostri attinet, cætera nos fugiant & Theologica & Juridica Opuscula, præter *Conciones varias,*

Quæ ad alicubi maneant nescimus.

Ejus meminere Ægydius Gonzalez Davila in Theatro Ecclesiæ Goatemalensis pag. 167 errata aliquot historica passus. Joannes Diez



Diez de la Calle in Memoriali & Notitijs Sacris & Regalibus Ind. Occid. fol. 116. col. 1. egregio ipsum elogio ab studijs Canonici & Regij juris laudans. Medina in Chronicis Provinciæ S. Didaci Mexicanæ fol. 240 n. 10. Si guenza in Triumpho Parthenico fol. 87 col. 2. Vasquez in Chronica Provinciæ Goatemalensis Franciscanorum tom. 2 lib. 5 tract. 2. cap. 28 pag. 719 multis ipsum efferens laudibus brevi que acta complectens. Leal in Monum. Eccles. Goatemal. pag. 48.

552 V. P. F. BARTHOLOMÆUS GUTIERREZ, perpeffi propter Jesu-Christi Fidem Martyrij apud Japonienses gloriâ illustris, Natione Mexicanus Patriaque fuit, frustra reclamante Joanne Fernandez Lechuga, Angelopolitano, ut gentilibus eum suis adscribat, multisque placitum suum colorante pigmentis, delusus certè ab Manilæ edita enarratione anno 1628 operâ & studio P. Martini Claver Augustiniani, in qua Familiæ suæ Sodaliū Vitis & Martyrijs Nostri acta & perpeffa, Socij etiam sui, adjungens, natale ei solum Angelopolim dat, errore facile condonando extero homini, & multis ab America dislito parasangis, scientique ex Conventu Angelopolitano Nostrium in Philippinas Insulas trajecisse. Porro, ne res in ancipiti futura olim sit, Mexicani in acceptis referre debent Illmō Viro Matritensi natu, Domicilioque nostratibus ad-

dito M. D. F. Josepho Sicardo, prædicti Ordinis alumno doctissimo (de quo in loco dicemus) Hic veritatis amans & scrutator, quo tempore Angelopolitanis velificabat, ejusdem Diocesis Viri. Ordinem suum in laicali statu professi Bartholomæi à Jesu Maria acta bono in lumine poni, coram Mexiceo Archiepiscopo Processu, ut dicitur, ad Perpetuam accurans, Nostri ut incubula palam fierent Senatū Populumque Mexicanum sollicitavit, constititque subinde Instrumentis autenticis Bartholomæum Gutierrez Mexici editum, Christianis clarisque Parentibus Hispanorum sanguine satis, Alphonso Gutierrez & Anna Rodriguez de Espinosa, lustricoque charactere donatum & nomine in Ecclesiâ Cathedrali baptismum ei ministrante V. P. Francisco Loza, Parocho à litteris, scriptis, & virtutibus famosissimo, 4 Septembris anno 1580, ut legere est Lib. 4 fol. 90 ex his qui pro censendis Baptismo ablutis, in Archivio Sacrarj servantur. Atque ut alia ejus rei monumenta prætermittamus in ejusdem Sicardi Lib. de *Martyribus Japoniensibus* secundo, cap. 9. § 1. pag. 240 legenda; Nostri cætera percurramus. A primis statim annis optimè à genitoribus institutus, animum in virtutes proum gerēbat, & in graviora inclinabat quā ab illa sperari ætatula possent. Tanto verò ingenio & acuminē erat



erat Latinitati hauriendæ incumbens, Rhetoricæ, ac Philosophiæ, nemo ut Condiscipulorum ipsum præverterit.

553 Provinciæ Augustinianæ Mexicæ à SS. JESU nomine nuncupatæ, eximiâ observantiâ florenti nomen dedit, & Priorem Mexicani Cœnobij agente M. Didaco de Contreras, postmodum Archiepiscopo Hispaniolæ, Indiarum Primate, tria solenni ritu vota nuncupavit 1 Junij 1597. Professis adscriptus viris, studiorum causâ majorum missus est Jurirapundarum, ut eo in Conventu Michoacanensis Regni, Provinciæ verò tunc Mexicanæ (una enim id temporis omnes continebantur, in duas inde procissi) quietius litteris operam daret: cujus memoriæ gratia anno 1683 Imago Servi Dei coloribus ducta, appensa est in ea, quam incoluerat, cella, atque appendicibus in Bibliothecâ deinceps evaserat. Litteris ibi ita animum excoluit, ut virtutibus colendis perfectioneque religiosa nil antiquius habuerit, hisque se exercitijs ad Sacerdotium comparavit. Eo initiatus, Angelopolim missus, cum inibi ageret anno 1605, transeunti M. F. Petro Solier (tunc Manilensis Provinciæ Augustinianæ Procuratori, postea ad infulas Portudivitenses promotus & Hispaniolæ) comitem se dedit, unâ secum ducendi supplementum in Philippinas Religiosorum, eo ipse consilio,

ut degentibus in amplissimo Japoniorum Imperio infidelibus aliquam olim Evangelij lucem afferret, vitamque Jesu-Christi amore profunderet.

554 Infulas appulsus anno 1606 mense Majo, Manilæ, Prælati jubentibus, substitit, cum alijs religiosæ vitæ deditus institutis, tum etiam orationi & penitentiae ferventius incumbens, quibus se idoneum lucrandis redderet animabus. Tyronum præfectus institutioni, verbo eos & exemplo omnibus imbuere virtutibus satagebat, eo quidem successu, ut non unus ex ipsis Martyrio tandem insignis evaserit. Hæc inter animo continuo Japonios volventi, proque eorum conversione diu noctuque suspiranti, Prælati annuerunt, atque anno 1612 quibus inhierat gentibus spectabilem sese dedit. Illico, nec multo negotio, earum calluit idioma, quo uti capit expeditissimè, Priorque Conventus de Usuki sequenti anno institutus est. Erant ibi locorum & is & de Sanki dictus Conventus Religiosorum S. Augustini, qui 14 millia christianorum curam susceperant, aggregandisque ovili Christi infidelibus adlaborabant. His noster intentus officijs, multos per Evangelium filios genuerat, genitisque sacra, ut adolerescèrent, ministraverat, cum ecce res Japoniæ fere tota Religionis turbatur, Imperatore Xogum, vel Xongusamate in Ecclesiam favien-



BA

viente, mandanteque uti è suis finibus cuncti, qui aderant, Religiosi viri propellerentur.

555 Exules inter in diversa pergentes, Manilam Gutierrez reducit, iterumque novitijs, ut pridem, educandis præficitur. Triennium in hoc munere posuit, repetitis precibus, & jugi corporis castigatione sollicitans Deum, ut Japonios suos ferè sacrorum Ministris destitutos solaretur, & lumen Paganis afferet. Sub id tempus, Provinciæ Præses Epistolam à Christianis Japoniensibus, qui se Confraternitati à Cingulo S. Augustini nuncupatæ dederant, subscriptam accepit, instantissimè postulantibus, ad ipsos ut remittere dignaretur Bartholomæum Gutierrez, vel Anastasium Ortiz, quondam Ministros suos, quorum alteruter auxilio afflictis rebus esset atque solatio. Nostrum Provincialis operi destinavit, cui F. Petrum de Zuñiga Socium conjunxit, atque uterque sequenti anno 1618 unà cum alijs diversorum Ordinum Religiosis, dissimulatâ veste, Japoniam tenere, ubi ad varia digressi, in suis quisque ædibus à Christianis clanculum paratis, Apostolica ministeria redorsî sūt.

556 Quòd verò ubique Populorum mors immineret nunciantibus Christum atque colentibus, Noster in abdita montium & cavernas receptus, dies transigebat, nisi vocatus à Christianis sacrorum causâ, aut spe

BA

allectus Infideles ad Ecclesiam trahendi: etenim ubi hæc affulgebat, nil moratus, discrimini se vitæ & difficillimis quibusque obiciebat, hinc inde Urbes Regnaque concursans, nihilo Japonijs habitu dissimilis totos quindecim annos. Nocturno tempore ab montanis in Civitatem aut Pagum descendens, conveniètes clam in Domum Christianos fovebat, & si qui erant Cathecumeni, hos puerosque Baptismo abluebat, cæteris alia Sacramenta subministrabat: propè auroram ad aras faciens, Corpus Domini porrigebat, nullisque non officijs, pro ut opus cuique esset, omnes solabatur atque recreabat. Adhæc omnium se virtutum exemplar ut daret, cœlestium contemplationi rerum quotidie vacabat, cilicijs discrucians se asperrimis, & cruentis flagellationibus, tantaque abstinentia, vix ut ossibus hæreret.

557 Ad Sacrificulos sæpe gentis Boncios offendit, & quo erat Fidei & animarû zelo intrepidus, ac cœlesti imbutus doctrinâ, argumentis illos convicit; in superstitionibus tamen suis obstinatos, infensissimos habuit, qui subinde ut Tyranis traderetur multis egerunt. Et cessisset illis brevius ex animo, ni eximiâ eum Deus providentiâ ad deffinitum usque tempus apparitoribus subduxisset. Quandoque abditus in angulo domus cujusdam, qui fugientem exceperat, hominis Christiani, oculos effugit & manus confluentium

Fffff

tium



tium agmine facto militum, susque deque omnia vertentium; quod angulus ille telis araneorum repente coopertus, pro muro ei fuerit, ut quondam S. Felici Episcopo Nolæ: quandoque miris alijs modis quærentes se elusit. Interea loci, ineunte Augusti mense anni 1629 Tyranus nomine Tacanaga, Rex Bungi, rerum potiri cepit Nangasakuianarum, tanta in Christianos rabie furens & debacchatus, ut celebrioribus immanitate Romanis, cæterisque quodam persecutoribus Ecclesiæ nullis concederet, omnes ad unum Christianos quanta vix cogitari potest inhumanitate ad abjurandam Religionem perurgens. Cujus reliqui Principes exemplo commoti, ad blandiendique Imperatori gratiam (quam ut iniret Tacanaga Fideles quosque diris devoverat) ubique Japoniensis regionis afflicta nimis erat christiana res.

558 Ei ut subveniret Noster, Christi cultores ferventissimis hortabatur concionibus, perque Regna discurrens, auxilio erat conquisitis ad necem, vexatisque omnibus. Id ubi Tyranus rescivit, nullum non movit rudentem, quo Bartholomæum in vincula traheret, egregijs propositis præmijs iniquissimis Fidei desertoribus modò cum proderent. Notior ijs Gutierrez erat, quam ut latere posset homines vasserimos, queis Christianorum arcana patuerant: facile subinde apud

Isaphasi Regnum Apostolicum virum perditum nebulones è montis latibulo abductum, gemina catena manicisque vinctum unam cum Socio, Doxicum appellant, in Custodiam Nangasakuianam, quæ Tulliano & ergastulo quovis horridior erat, 10 Novembris anno 1629 detulere. Gestiebat ille tripudiabatque, quod pro Christi Fidei & Amore istiusmodi, fausta sibi sorte, contingerent: gaudentemque strenui comitati fuere religiosissimi atletæ & commilitones, non multo post in carcerem ipsum eadem causâ detrusi: P. Antonius Pinto, natu Japonius, Societatis JESU Sacerdos, & PP. Franciscus à JESU & Vincetius Carballo, aliàs à S. Antonio, Augustiniani nudipedes. Non diu ibi hæere, Tyrano curante ut in Omuræ ergastulum, pro Religiosis destinatum viris, multo durius ac tetrius, unam omnes quatuor ferreis constricti vinculis abriperentur.

559 Biennium in eo patientissime egerunt atque sanctissime: nam ad famem, sitim, & incommoda fœdissimi loci pro Christi amore lubenti animo tolerata, eximia religionis, charitatis, & aliarum virtutum exempla jungebant. Procurantibus siquidem aliquot Lusitanis, ac muneribus custodes subornantibus & capientibus, ne secretè accedentes colloquij gratiam ineundi & trahendi cum religiosis vinctis, arcerent; venientibus Christianis



BA

aures pro expiandis conscientijs Sacerdotes præbebant, salutisque monita dabant; Infideles verò Baptismo inhiantes, iniciabant salutari lavacro, imò aliquos à sectis abductos gentilium, sacris adjungere nostris, ex illisque Bonitium, qui Catholicam ita Fidem amplexatus fuit, ut Apostolico eam prædicandi deditus mûneri, hanc ob causam jubente Tyrano, combustus obierit. Noster interea & Socij diu nocturne orationi insistere, voluntaria maceratione corpus atterere, Hymnos & Psalmos, nequidquam Paganis freudentibus, canere in delicijs habebant: in primis autem operantes ad aras delectabatur, summo mane Eucharistico depasti epulo, quod Ecclesiasticis ceremonijs cõficere poterant, piè corruptis satellitibus, ut vasa & paramenta sacra clam illuc inducta asservari quidem possent, & in usum traduci. Adhæc, Epistolas pro Japoniensis Ecclesiæ solatio dederunt spiritu plenas & robore, alias que ad Sodales longè distitos & amicos, idque genus multa pro Dei gloria patrarunt.

560 E vinculis Omurenibus in Nangasaquiana reduci Tyrano placuit, animo meditati eos crudelissimè Balneis Ungem dictis torquere, qui 42 ab Urbe miliaribus distant, & in eo sordidissimo carcere jacentibus Religionis quoque causâ F. Gabrieli à Magdalena, Laico ex Ordinis S. Francisci viro extatico,

BA

& pijs fœminis Beatriçi de Acolta, Viduæ, & Mariæ de Silva, natæ ejus, comites se dederunt. Est quidem apud Arimæ Regnum nimium sublimis mons, cujus in vertice perpetuis rigente nivibus, Vallis latè exporrectus multa variaque affluit scaturigine, hinc tepidis, illinc frigidis, alibi algidissimis erumpentibus aquis; aliorum contra nimio ardentibus laticibus promanantibus. Medium hæc inter occupat lacus aræ æqualis, ardentissimâ ebulliens aquâ sulphuri immixta, quæ ubi corpus receperit, confestim dissolvit, nec residuis ossibus parcat. Unguem & Fingo qui gentili dialecto locum compellant, hoc est, Infernum Acherontiaque Regna, multis illa ostijs patentia, quorum alia fontibus alijs, deterius longissimè omnibus, Christi cultoribus destinaverant.

561 Atque ut Noster Socij que cum alijs terra & mari catenati ducerentur ad isthæc iniquissima, tyranus decreverat, utrum Catholicam abjurarent Fidem tentaturus, igneo illos laticè è cavernis hausto non semel balneans, quem peritissimi ad similia lictores, citra proprium discrimen, è superiori loco in scapulas totaque Martyrum corpora, quinque adstricta funibus, pedes, manus, & collum alligantibus, profundebant. Nihil tamen ut crudelissimo se lavacro, haud semel repetito, proficere norunt,



runt, imò solidiores in asserendâ Fide perstare Christianos, tostos quidem disfluentibus flammis, atque inde à capite ad calcem plagatos, unâque incredibili gelu rigentes ( in cruduerat siquidem hyems ) totis triginta diebus & uno; in Nangasakuiana reducunt vincula. At enim, sanctos priusquam viros ibi constituent, vehementiori ipsos in itinere provocant tentatione. Nam hortum offendentes, placidè discurrētibus aquis & in fontem confluentibus amœnissimum, toto nudatas corpore speciosas triginta fœminas intingendas conjiciunt, præsensibus Nostreis, qui tamen clausis obfirmatè luminibus, Uliæque genio auribus oclusis, Sirenes & Venerem feliciter equidem & fortius quam Plutonium nuper contemptui habuere, eximij, Deo auxiliante, triumphis præclari.

562 In pristino reclusi Tulliano à sexta Februarij ad tertiam Septembris, inedia, plagis, multisque confecti ærumnis atque gravati, vegetioribus tamen animis aucti, pias, ut in Omurensibus caveis usu tenebant, exercitationes, queis se ad ultimum præpararent agonem, nihilo remissius colebant. De Ecclesiâ autem Regionis solliciti, utut poterant, Fideles hortabantur, Nosterque in primis F. Thomam à S. Augustino Sodalem suum ( laureâ quoque martyrij, diverso tamen tempore, illustrem)

furtim illuc ingressum de christiana Japoniorum Republica, pro ea qua erat experienciâ prudentiâque, docuit, atque ut in arctissimis posita juvaretur, monitis egit. Interea loci, Tucanaga Curiam adierat, Imperatorem uti certum de agitato negotio faceret, extremumque in Religiosos viros decretum asserret. Id priusquam juberet exequi, fœminis ( de quibus memoravimus ) pientissimis exilio mulctatis, Religiosis, numero quinque, hactenus vincularis, sextum addidit Præbyterum Clericum, gente Japonium, Joannem Hieronymum à Cruce, aliàs de Torres, Tertij Franciscanorum Ordinis, simili omnibus comminato flammarum postremo supplicio, ni à Christi ad gentiliū castra transirent. Quod vero nihil se minis aut suasionibus, quas adjecerat, proficere animadvertit, oleum imò & operam perdere, ad ignem tandem provocat, sensim qui ustos forsan renunciare Christo compellat.

563 Præfinita supplicio die, concurrentibusque plurimis acervatim gentilibus, in Theatrum Religiosi viri ducuntur, singulisque, ad suam quisque columnam, levi nexu constrictis, ut expedire se possent facile, si à Christo deciscere mallent, lignis circumaggestis, atque ut morosis incrementis flagrant arte compositis, flammæ admoventur, quæ tamen ocyus & strues corripunt, & frondibus constructum umbra-



BA

culum juxtâque Apostolicos viros, qui Crucifixi Imaginem habentes ob oculos, ejusdem amoris propagandæque ac tuendæ Fidei causâ ( ut scriptis litteris palam omnibus à lictore fieri Tyrannus præceperat ) alacres ac læti in cineres usque redacti, evolarunt in cœlum, immarcescibili coronâ donandi: die 3 Septembris anno 1632. Nostro 52 ætatis agente, proximaque die totidem à suscepto Baptismate annos computaturo.

564 Illustres sui Confessores Deus non uno tantum signo conspicuos reddidit, egregio lumine super ipsos, quo patiebantur tempore, in aere, cæterâ offusso nubibus, collucente, aveque, columbæ instar, expansis alis circum volante; quæ porro mira Paganis hominibus tam visa sunt rara, ut perciti admiratione, Magnum utique Deum, cujus gratiâ passi fuerant ejusdem Mystæ, plenis buccis exclamare non fuerint veriti. Fideles Sanctorum reliquijs inhiantes Tyrannus cohibuit, sedulo curans, ut collecti cineres in mare omnes projicerentur; nihilo tamen ipsi animos deponentes, exuvias sacras, vestes, & utensilia diligentissimè conquisitas, religioni fovendæ & pietati asservarunt, Nostrique thoracem Mexicum deduxerunt in Primarium Augustinianorum Cœnobium, ubi ad Oratorium Novitiatus, quantum fas est per Apostolica decreta, piè colitur,

BA

unâ cum Epistola quam Bartholomæus ad nepotem suum dederat è carceribus Omuranis 30 Augusti 1630.

565 Optandum maximopere Mexicanis certè est, nullisque parcendum diligentij & sumptibus, ut Beatificationis fortissimi & inclyti Viri causa apud Romanam curiam agatur, S. P. Q. Mexicani excitatis decretis illis quæ 11 Februarij anno 1684 subscripta fuere, innovatisque ad Catholicum Regem nostrum, & ad Generalem Ordinis Divi Augustini Præpositum 2 Maji ejusdem anni datis Epistolis, ut ex umbra in solem prodeant Declarationes super Martyrio factæ Nostri, quæ, editis de ejus Canonizationis negotio Summarijs habentur, in Summario primo n. 67. pag. 284. n. 111. pag. 459. & in Summario ultimo n. 13 littera B, de quibus laudatus Sicardus fidem facit indicando infra loco. Ante quam verò scripta Nostri recenseamus, placet unum è multis in ejusdem laudem congestis Epigrammatis, hîc subnectere. Habentur edita ante primum Librum à P. F. Petro Gaspare de S. Augustino ejusdem Ordinis, apud Insulas Philippinas Dēffinitore Procuratoreque Generali in Europam dimisso, in Conquisitione Philippinarum edita Matrili 1698 typis Emmanuelis Ruiz de Murga. Elogium verò sic ad geminum Bartholomæi martyrium adludit.

Ggggg

Per



*Per flammās, per aquas, per tor-  
menta probaris.*

*Dignus & es sisti, Bartholomae, Deo.  
Scilicet obrizum ars examinat igne  
metallum,*

*In calidis maculas fullo dealbat aquis.  
Hæc sic purificant, simul & purgatis  
utrisque :*

*Te quoque nil merito purius esse  
potest.*

*Ignibus & limphis dum præmia bina  
reportas,*

*Martyrij duplex te diadema manet.*

Jam ad ejus scripta venientes,  
extant materno sermone, hoc est,  
hispano, sequentia.

*Historica narratio Vitæ & Mar-  
tyrij illustrium PP. FF. Petri de  
Zuñiga Ordinis S. Augustini, &  
Ludovici Flores Ordinis S. Domini-  
ci, & aliorum Japoniensium natu,  
qui apud Japoniæ Regnum passi fue-  
re mense Augusti anno 1622.*

Authographum Authoris ma-  
nu exaratum in charta Japonia,  
datum ad Provinciam Augusti-  
nianorum SS. nominis JESU Phi-  
lippinarum, inde Mexicum de-  
ductum, habebat M. F. Marce-  
linus de Solis Mexicanæ Provin-  
ciæ ejusdem Ordinis quondam  
Præses, Academiæque Rector, ut  
testis est Illmûs Sicardo, qui varia  
se exemplaria transcripsisse addit,  
è quibus alia in Philippinas Hi-  
storiæ inserenda transmissit; alia  
ipse Romam detulit, ut usui  
essent Causæ Beatificationis di-  
cti Patris Petri de Zuñiga; præ-  
tereaque typis commissit cam-

dem Historicam narrationem in  
memorato Libro suo *Christianitas  
Japoniæ* à pag. 209 ad usque 219.  
editionis Madritanæ Francisc  
Sanz anno 1698 in folio.

*Historicam aliam enarrationem,*  
Noster scripsit, *De Martyrio quo-  
rundam Religiosorum, aliorumque  
plurium Japoniensium, qui excru-  
ciati fuere in Regno Japoniæ mense  
Septembris anno 1622.*

Quam in eodem Sicardi Libro  
legesis à pag. 220 ad usque 229  
cujus authographum penes se ha-  
bere propria Bartholomæi manu  
formatum in papyro Japoniensi  
ibidem Libri præmittit.

*Epistolas alias spiritu plenas* Si-  
cardus ipse dedit in eo Libro ut  
pag. 249, 250, & alibi, è quibus  
unam in tabulario Ordinis S. Au-  
gustini Manilensi asservari, aliam  
apud Archivium ejusdem Ord-  
inis Vallisoletanum Michoaca-  
nensium custodiri monet, ut &  
Basalenque testis de visu, loco  
laudando.

Acta & Martyrium Nostri  
levi tetigit manu mox nomi-  
natus Magister Fr. Didacus Ba-  
salenque in Historia Provinciæ  
S. Nicolai Tolentinatis Michoa-  
canensis lib. 1 cap. 12. fol. 57.  
col. 3 & 4, qui, ceterà diligens  
& perdoctus Scriptor, in rebus  
tamen Bartholomæi minus para-  
tus monumentis, quæ in optatis  
habebat, nondum perspectis &  
ad crism reductis, mirum non est  
quod rumoribus delusus ab edita  
Manilæ Vita Nostri, hunc An-  
ge-



BA

BA

gelopolitanum crediderit; atque infcius ejusdem in Conventum Angelopolitanum migrationis è Juritapundaro, ubi studia egerat, hinc in Philippinas commigrasse non dubitaverit.

Præterea res gestas Nostri unâ cum Actis aliorum ejusdem Ordinis Martyrum edidit P. Fr. Martinus Claver, Manilæ anno 1638 licet errore Typographico legitur in Sicardo 1628, nimirum quadriennio Nostri obitum præcedente. Vidimus Claverij Opus editum Manilæ 1638 typis Collegij S. Thomæ, legimusque ad Regium S. Pauli Augustinianum Mexiceum. Joannes Fernandez Lechuga brevi narratione Mexicanis typis commissâ anno 1666. Item Historia Provinciæ SS. Rosarij lib. 2 cap. 38 pag. 609 & cap. 43 pag. 640. Historia Excalceatorum S. Augustini tom. 2 dec. 5 cap. 2. Herrera in Alphabeto tom. 1. lit. D fol. 110 & alij, quos refert Sicardus, omnium plenissimè Vitam & Martyrium complexus lib. 2 citati sui Operis cap. 9 à pag. 239 ad usque 264 quibus addimus Balthassarem de Medina in Chronicis Provinciæ S. Didaci Mexicanæ pag. 244 & Betancurtium 4 part. Theatri Mexicani in de Civitate Mexicea pag. 27 n. 132.

566 ILLMUS. D. M. D. F. BARTHOLOMÆUS DE LEDESMA, Natione Hispanus, in Nieva Oppido prope Ledesmam Salmanticensis ditionis Pagum, Bernar-

dō de Ledesma, & Joanna Martin genitoribus usus est. Ad S. Stephani Salmanticense Dominicanorum insigne Collegium 19 Martij 1543 sacramentum dixit, ac studijs deinceps intentus, egregiâ doctrinâ evasit, cui religiosam observantiam adjunxit. Ægydius Gonzalez Davila in Teatro Ecclesiæ Goaxacensis pag. 227 & ab ipso delusi, cætera accuratissimi Critici de Scriptoribus Ordinis Prædicatorum benè meriti, credidere, Bartholomæum Mexicum trajecisse tum temporis, cum ad nos appulit Pro-Regis nomine rerum potiturus D. Martinus Enriquez, cui à sacris confessionibus esset. Fuit quidem hoc itidem nomine clarus, longè tamen diverso tempore; & quo anno Martinus Americam petijt, nempe 1568, Bartholomæus 11 totos annos Archiepiscopatus Mexicanensis Gubernatorem egerat vice Illmi. Præfulis D. F. Alphonsi Montufar, qui senio gravatus, eo usus adjutore fuit, è septendecim, quibus præfuit annis, duodecim, hoc est ad usque obitum suum anno 1569, ut testis est, utriusque acta brevè complexus Illmûs Davila Padilla in Historia S. Jacobæ Dominicanæ Provinciæ lib. 2. cap. 47; cui præter alia momenta, id circo fides habenda est, quod, etiamnum invivis agente Ledesma, scripserit, perspectasque, si quis ullus, res suorum habuerit, manu contrectaverit plurimas, & viderit,



aut ab ijs acceperit qui ipsi viderant. Accedit quod, ut est Chronologis nostris omnibus exploratum, D. Martinus Enriquez successor fuit datus Marchioni de Falces Mexicano Pro-Regi; at enim Marchione ad clavum Mexiceum sedente, Noster Primarius Theologiæ Antecessor Academiae Mexicæ, Pro-Rege ipso Comitij Minervalibus assistente, inauguratus fuit, ut infra dicemus. Propterea sequuti Illmum mox laudatum Scriptorem, in ancipiti non relinquimus, Clarissimum Montufarem Mexicano Archiepiscopatu in devexâ ætate donatum, duos secum adduxisse Sodales, bonâ cum Generalis Magistri veniâ, qui non modò societati sibi essent, sed etiam in maximarum molimine rerum auxilio, atque ex illis primum delegisse Ledesmam, secundum F. Franciscum de Espinosa egregium itidem dotibus virum.

567 Ubi receperunt se Mexici, suis quisque partibus implendis dedere, Nosterque sic Archiepiscopi rebus intendit, ut Ordinis insimul sui splendorem adauxerit Professore Theologiæ apud suos amplius quindecim annis agens, pro ut D. Stephanus Portillo, Scholasticus Michoacanus, in Decretis Licéciatus, Officialis & Vicarius Generalis in Ecclesia & Archiepiscopatu Mexicano, testis est in Monito *ad Lectorem* quod præfixit *Summario* à Nostro edito Mexici 1566, cujusque

fragmentum ita habet: *Cum igitur Doctissimus Ledesmius litteris & religione præclarus, Salmantica, ubi divinum Theologiæ flumen præbuit, in hanc Urbem Patriam nostram venisset; postquam in Sacro Dominicanorum Gymnasio per annos quindecim & amplius sine intermissione divinam exposuisset doctrinam, non potuit non aliquam studiorum rationem inire, ut Sacramentorum brachilogum in lucem ibi emitteret. Quod munus christianissimi Archipræsulis nostri in ejus comitatu jam diu consederet, auctoritate injunctum suscepit, &c.* Ad hæc, Magisterij gradu ab Ordinis Generali Magistro insignis, Universitati Mexicæ nuper erectæ cooptratus, laureæque redimitu Doctoris in pleno Confessu 15 Aprilis anno 1567 habito de more ætatis illius coram Pro-Rege Marchione de Falces, consentientibus suffragijs, Primariæ Sacræ Theologiæ Cathedræ moderandæ perpetuo jure suffectus est Decano Mexiceo D. Alphonso Chico de Molina, qui ea sponte se abdicaverat, gravissimis alijs præpeditis negotijs & curis.

568 Hanc ubi septennio moderatus fuit Cathedram, ejusdem Academici privilegio Senatus obtinuit, sui vice M. F. Petrum de Pravia, ejusdem Ordinis, itidem que Universitatis alumnum, biennio quotidianas lectiones tradere, donec ipse demandatum sibi Prioris Mexicani Conventus munus absolveret. Venerant Mexicum anno 1572 Societatis JE-



SU Viri litteris æquè ac virtutibus nobilissimi, fundamenta jacturi Provinciæ Ordinis sui in Hispania Nova, qui, ut erant eximiâ modestiâ, alijs animarum salutis propius concernentibus occupati, à Minervalibus abstinuerant, donec Primario nostro theologicis de more thesibus publicâ in concertatione præsidem acturo, cæteri cum ipso Universitatis Proceres obsequij gratiâ & officij erga Doctissimos recens advectos Societatis Theologos, ut sua quoque in Gymnasio nostro symbola ponerent, invitarent, argumentantesque in primis P. Doctorem Petrum Sanchez, mox P. Doctorem Petrum Diaz, dein peritissimos Magistros alios eruditè juxtâ & modestè, acri & acutissima palæstræ ratione, libentissimè audierunt, egregijs probatos laudibus, quibus & ipsi vicissim Nostrum è suggestu reponentem, qua erat eruditione præditus, extulerunt, ut legere est apud P. Florenciam in Historia Societatis Mexicea lib. 3. cap. 12. n. 166. pag. 157. editionis Mexicanensis 1694.

569 Hæc inter, Noster Vice Cancellarius Academicus creatus est (Cancellario Viro Clarissimo D. D. Sanctio Sanchez de Muñon in Hispaniam delegato, Ecclesiæ Mexicanensis & cæterarum hujusce Americæ pro gravissimis rebus Procuratore) quâ ille functus provinciâ fuit ab 24 Martij 1568 ad usque 26 Ju-

Hhhhh

nij 1572, quâ die ei ultrò cessit, forsan, quòd ab 1568 conscientiæ arbiter adscitus à Pro-Rege D. Martino Enriquez, multisque gravatus negotijs, aliquibus securis subducere in votis habuerit. Postmodum verò, scilicet anno 1580 Martino in Americam pergenti Meridionalem, Pro-Regis quoque honore in Peruvien-sibus Regnis illustri, non potuit quin comitem se daret optanti; atque apud se nacti Limenses Doctissimum virum, Primariæ itidem Cathedræ Theologiæ Universitatis suæ præfecerunt. Pro-insulis Ecclesiæ Panamensis electus, recusavit tamen illas; quæ cum Philippus II Goaxacenses suffectas voluerit, paruit ille tandem, & anno 1583 Episcopus est consecratus. Redux ad nostros, Goaxacæ protinus se stitit, totumque Diocesanorum bonis curandis dedit. Illustria Antequeræ pietatis, charitatis, & paupertatis monumenta, etiamnum extantia, reliquit.

570 Collegium à fundamentis crexit Divo Bartholomæo Apostolo sacrum proprio ære, quo etiam 28 millia uncialium argenti in fundum pro redditibus annuis dedit, 12 Collegis, sexque insuper pupillis alendis, destinatis, ut qui egestate præpediti studia petere Mexicana non possunt, in eo instructi Gymnasio, Ecclesiæ sint usui, quod Illustrissimum pridem audit. Adhæc, Cathedram pro docendâ morali Theologia

con-



congruis stipendijs constituit, ab Ordinis Dominicanorum Professore regendâ, quem Episcopus pro tempore Goaxacensis maluerit, è duobus à Provinciali præsentatis, pro ut hac quoque ætate sit post 140 annos, præfixo tandem docendi loco Collegio altero à S. Cruce nuncupato, quod ad Tridentini præscripta conditum fuit Antequeræ, geminis ex tunc pro secularibus Collegijs ornata, ex quibus instructissimi viri prodierunt, in dies que efflorescunt totius Provinciæ decori & bono. Consilio ejus, levi que etiam, ut potuit, manu, Cœnobium pro Religiosis à Conceptione Virginibus fuit institutum, expensis suis è Mexicano à Regina Cœli Conventu deductis Sanctimonialibus fundatricibus. Duomillia octo regalia argentea in caput destinavit annuæ pensionis pro erogando quotidiano pane ad januam præcipui Dominicanorum Cœnobij venientibus. Atque ut in Ecclesia ejusdem Conventus duo per annum haberentur sermones, aliquotque Missæ offerrentur, ter millibus in sortem datis, provisum voluit. Demum, duo in Patria sua pro egenis Clericis Beneficia, vulgo Capellanas, opportunè fundavit; nec immemor fui Salmanticensis Collegij, quo ad vixit in Episcopatu, mille argenteos unciales annuatim religiosis ejus usibus & necessitatibus destinaverat. Id verò in primis mirandum,

tot potuisse Episcopum, frugalitate suâ & paupertate, egregia condere, Ecclesiâ donatum proveniuntibus neutiquam divite, insimulque tam à capiendis muneribus abhorrentem, ut ne incivilis Indo videretur doliolum balsami porrigenti, obstinatèque ut acciperet sæpius roganti, argenteum pro Paræcia sua calicem in antidotum dederit. Tandem annis 21 à Consecratione, in regimine Diœcesis sollicitè positus, sanctèque traductis, plenus dierum & meritorum obiit, labente Februario anni 1604, atque in Cathedrali sua quiescit, ejusdem perennante memoriâ. Scripsit, jubente Archiepiscopo Mexicano Illmô Montufare, Romano sermone

*De septem Novæ Legis Sacramentis Summarium, cum Indice locupletissimo.* Mexici, excudente Antonio de Espinosa, cum privilegio, 1566 in quarto. Cujus raræ admodum editionis habemus exemplar in theca nostra libraria. Postmodum additionibus locupletius recusat

*De septem Ecclesiæ Sacramentis Summarium denuo ab Authore recognitum, novisque additionibus augmentum.* Salmanticæ apud H. Mathiæ Gastij 1585 in fol. quod ad Maximum Societatis JESU Mexiceum Collegium vidimus.

Ad hoc ipsum Opus tandem illud reduci credimus cum Criticis Gallis, quod *Possevinus in Apparatu* laudat *Summarium ad Chri-*



BA

*Christianam religionem & pietatem spectans.*

Plurima scripsit alia, quæ, veniente è Peruvio ad nostros, periere, fluctibus navem invadentibus, multaque subinde abripientibus. Ea inter obvolvi silentio non patimur, quæ Academicis monumentis nota sunt nobis

*Opuscula de Justitia & Jure,*

E suggestu dictata, tantique à Doctoribus habita, ut dantibus operam Juribus addiscendis injunxerint, aulam Theologicam frequentarent, calamis excepturi proficua etiam ipsis, tum præcipuè, cum suggestus pro enucleando Jure non dum tot fuerant erecti, quotpostmodum abundè sunt creati.

Meminere ejus Ægydius Gonzalez in Theatro Ecclesiæ de Goaxaca fol. 227. D. Nicolaus Antonius in Bibliotheca Hispaniæ Nova tom. 1. pag. 153. Critici de Scriptoribus Ord. Præd. tom. 2 pag. 352. Illmûs Davila Padilla in Hist. Prov. Mex. p. 512. Remesalio in Histor. Prov. de Chiapa p. 717. Melendez in Hist. Provinciæ Peruanæ tom. 1. pag. 527. Burgoa tom. 2. secundæ part. Historiæ Geographicæ Provinciæ de Goaxaca fol. 411. Alva Franciscanus, in Militia pro Immaculata Conceptione, Nostrium quod pro ea steterit in Summario mox dicto Salmanticæ recuso citans & laudans. Florencia in Hist. Soc. JESU Prov. Mex. loco superius

BA

dato. Plaza in Chron. Univ. Mex. lib. 1 cap. 3. n. 11. & alibi.

571 F. BARTHOLOMÆUS DE LETONA, Natione Hispanus, Instituta S. Francisci in Provincia Cantabrica Regularis Observantiæ sectatus, in Mexiceam S. Evangelij demigravit, in qua obitis Gymnasij laboribus pro Philosophiâ Theologiâque exponenda tyronibus, Emeritus audiuit, Præfecturas gessit insignes, & Commissarius Provincialis dicitur à Bibliot. Franciscana. Ab Apostolicis Fidei Judicibus Censor designatus fuit, & à Provincia Mexicana sua Procurator Generalis Romam dimissus agendi ergo Causam V. Servi Dei F. Sebastiani de Apparicio, cujus ut Beatificationi initam viam ornaret, studium posuit & operam suam. Scripsit hispana dialecto.

*Perfectam Religiosam, hoc est, Vitam & Acta Matris Hieronymæ ab Assumptione, primæ Excalceatarum Virginum Abbatissæ apud Manilam Philippinarum Insularum Urbem primariam.* Angelopoli, ubi id temporis Guardianum Cœnobij sui agebat, Typis V. Joannis de Borja 1662 in quarto.

Ne quem verò subeat æquivocatio, monendum duximus, Vitam hanc à Letona conscriptam & editam, Librum esse diversum ab alio in folio ejusdem Sanctimonialis res gestas complectente & ab alio Authore conscripto, Mexicique & Matrili cuso & recuso, quem S. Inquisitionis Tribunal



bunal iustis de causis voluit esse proscriptum.

*Concionem de S. Clara.* Mexici, litteris Francisci Robledo....

*Concionem de S. Parente Francisco,* ibidem 1644. Cujus memoriam habet eruditissimus Alva in Portento, gratiæ tabula 1. fol. 3.

*Vitam V. F. Sebastiani de Aparicio,* quæ inedita nobis videtur ex his quæ Betancurtius habet in quarto part. Theat. Mex. Tract. de Illustribus Provinciæ suæ viris pag. 143. n. 39. & Bib. Franciscana tom. 1. pag. 187.

*Vitas non nullarum Monialium,* quas apud se esse testis est Betancurt. Bibliot. autem Franciscana adjiciens Virgines istas esse Manilensis Conventus, nescimus unde corollarium hoc hauserit, Betancurtio id silentio prementis.

*Catalogum Franciscanorum Regio genere illustrium, adjectis earum vitis.* Angelopoli, formis V. Joānis de Borja 1662 si fides habenda est memoratæ Bibliot. referenti Cantabricæ Prov. enarrationem; è qua itidem addit

*Insularum Philippinarum descriptionem,* eisdem Angelopolitanis typis exentam, quæ ut & Catalogus proximè recensitus nos haec tenus fugit.

His addimus *Vitam Sororis Mariæ Magdalena à Cruce Monialis de S. Clara, fundatricis Conventuum Manila & Macani,* cui titulum dedit hispanum.

*Florilegium Franciscanum; elucidatio Mariana Conceptionis, &c.*

Extare apud Mantuam Carpentanorum in Bibliot. Regia Author est D. Antonius de Leon Pinelo in Epitome Occidentalis col. 849, qui in additionibus fol. 922. col. 3. aliorum meminit Nostri, quæ dedimus, Operum.

572 FR. BARTHOLOMÆUS NAVARRO A S. ANTONIO, Natione Mexicanus & Patria, Prædicatorum Ordinis in Provincia S. Jacobi Mexicea filius præclarus extitit: nam, quas prius altè imbiberat Philosophiam & Theologiam, Cathedris præfectus, alijs exactissimè tradidit, ut subinde litteratorum apud Familiam honores ad usque Magisterij gradum detulerit. Domibus ejusdem insignibus præfuit, totiq; Provinciæ Prior datus, quam, ut erat in asserendâ austeriori observantiâ rigidissimus, severâ disciplinâ litterisque perpetuò nobilem, clarius elucescere capereque incrementa curavit. Nec de his tantum sollicitus, insignia admodum egressus est opera, Sacrarium magnificum, itidemque Sacellum pro Sodalibus sepeliendis, adeò augustum structurâ, spatioque patens, ut postmodum multos annos Templum egerit, omnibus Ecclesiasticis officijs & functionibus gravissimis, à Dominicanis sepius habitis, donec vetustate collapsa ab Imperatore condita olim Ecclesia Mexicea, à fundamen-



BA

tis instaurata fuit, & sacrorum usui apta. Adhæc, Doctoratus in Sacra Theologiâ apicem assequutus in Academiâ Mexicanensi, Perpetuus Antecessor Cathedræ Divi Thomæ fuit renunciatus, atque strenuè docendi functus munere, multo fuit in Gymnasij nomine. Pluris etiam ductus à Supremo S. Inquisitionis Hispaniarum Consilio, pro egregia, qua pollebat doctrinâ, & aviti sanguinis claritate, Censoris perpetui officio cohonestatus meritò efulsit. Edidit materna lingua

*Sermonem in Dedicatione Sacelli habitum à se Angelopoli, ibidem typis Didaci Fernandez de Leon 1685. in quarto.*

*Sermonē in festo Apparitionis Mexicæ Imaginis Guadalupanæ SS. V. Deiparentis, Angelopoli itidem à se dictum, dum Primarium Theologiæ Professore ad S. Ludovici Pontificium agebat Collegium. Eisdem typis 1686 in quarto. Extant in Collect. nost. tom. 18.*

Romano autem sermone dedit

*Orationem pro justis solvendis Carolo II Catholico Hisp. Regi ab S. Inquisitionis Tribunali Mexiceo. Mexici, apud Typographiam S. Officij 1701. in quarto.*

Hispanicè *Sermonem in gratiarum actionem habitum in Ecclesia Metropolitana Mexicæ, pro feliciter deductâ in Habanensia littora Classe, quæ ab Veræ-Crucis Portu non sine multo ab infestantibus inimicis*

BA

*maria discrimine, onerata divitijs solverat. Mexici, typis V. Francisci Rodriguez Lupercio 1702 in quarto. Habetur in Coll. nostris tom. 9.*

E Mss pauca licuit nobis ex Academicis Libris rimari, quæ subjungimus:

*Tractatus de Predestinatione & Reprobatione.*

*Tractatus de Angelis.*

*Tractatus de Actibus humanis.*

*Tractatus de Legibus.*

*Tractatus de Auxilijs.*

Ejus etiam curis in acceptis habemus reculum Monumentum oppidò insigne de publicè in Academiâ nostra repentè datis eximie eruditionis argumentis ab inclyto viro M. F. Francisco Naranjo Ord. Præd. ejusdem Cathedræ Divi Thomæ Academico Professore, postmodum Episcopo Portudivitensi: cujus certè Monumenti pridem typis commisi, vix exemplar cum inveniretur, Nostri factum est operâ ut rursus prodiret ex Typographia Luperciana 1706 in fol.

573 D. BARTHOLOMÆUS PHILIPPUS DE ITA ET PARRA, Natione Mexicanus & Patria, genitoribus usus est D. Francisco de Ita, nobili stirpe viro, & huic junctâ conjugio D. Terefia Gomez de la Parra claro item sanguine fœmina & insigni pietate conspicuâ, cujus habet memorias P. Julianus Gutierrez Davila, tum in Vita P. Barcia lib. 4 cap. 9, tum in Monumentis



Historicis Congregationis Oratorij Mexicanensis part. 2. lib. 2. cap. 19. n. 249. quæque non majorum tantum imaginibus clauit, sed etiam fratre, litteris & virtutibus ornatissimo, Doct. D. Josepho Gomez de la Parra Angelopolitanae Ecclesiae Canonico Magistrali, junctisque sibi sanguine P. Joanne Martinez de la Parra Societatis JESU lumine micantissimo, & Doctore D. Josepho Martinez de la Parra Angelopolitano etiam Canonico, de quibus multa suis aptè in locis collocata lectori dabimus. Noster piè juxta & liberaliter educatus, à primis statim annis egregij dare specimen ingenij capit in litteras prou. Latinis apprimè institutus, Philosophicas aggressus est sub Magistro Clarissimo P. D. Joanne Antonio de Oviedo in Collegio Maximo Societatis JESU Mexiceo eas proficiente, primosque inter Gymnasij alumnos meritò est habitus, atque in Universitate Laureâ donatus. Theologorum albo adscriptus in ipsa almâ parente Academia Mexiceâ, nascenti tunc in ædibus Oratorianis, quæ propterea etiamnum audit S. Philippi Neri, Academię nomen itidem dedit, & jugi studio ac exercitatione cum in Theosophiæ abditis, tum etiam in amœniori litteratura dicendi que facultate, vulgari minimè laude dignus evasit, quam porro tulit creatus Artium Magister Theologiæque Doctor.

574 In dies eruditione auctus & famâ, candidatum pro regendis Cathedris egit, quibus potius, Primariam Theologiæ quadriennio moderatus est in Emeriti D. D. Antonij de Gama octo virorum calculis suffectus quo tempore nos inter Discipulos ejus aderamus: ex inde Temporariæ Philosophiæ, quæ Vespertina dicitur; post, ejusdem Facultatis Primariæ Antecessor Perpetuus incubuit, donec evolutis bis denis annis rure donatus est. Hæc inter, Præbendam in Metropolitana nactus Mexiceâ, ubi pro Sacerdotijs, ut vocant, Officij sæpe contenderat, Magistrale pro concionibus sacris habendis multos inter egregij meriti petitores tenuit, proque exolvendo munere totos viginti annos insumpsit, sapissime è suggestu sacro dicens coram delibatissimo sapientum flore ac nobilium, nec semel ex tempore à subfellijs ad Pulpitum evocatus, ob fortuitos in eo temporis articulo casus, qui dicturi erant, Oratoribus deficientibus. Hac exactâ provinciâ plaudentibus omnium ordinum viris, quibus acceptissimus erat Orator, cum à natura comparatus & studio, tum etiam ab exercitatione, atque in cogitandis, disponendis, & eloquendis judiciò, acumine, eloquentiâ, gravitate, & cæteris sacri concionatoris dotibus præditus; jure quidem, à Thesauris ejusdem Ecclesiae Catholici Regis jussione fuit destinatus. Alijs præ-



BA

præterea titulis clarus, gravissimis expediendis negotijs se dederat, S. Inquisitionis Officij Censor adlectus, Archiepiscopatus Synodalis Examinator institutus, Vacanteque Sede, aliquot Monialium Cœnobijs regendis præfectus. Ut autem pius admodum erat, Ecclesiastico dignos viro labores spontè susceperat, audiendis confessionibus, instituendisque in spiritu potissimum Virginibus deditus, sua in hisce obeundis otia libenter ponens. Tandem, gravi ac diuturno probatus languore, omnibus Ecclesiæ Sacramentis munitus, placidè expiravit die 20 Augusti 1748. Edidit hispana dialecto Orationes sequentes.

*Dolores oculorum, seu de cruciatibus Deiparentis.* Mexici, typis H. Joannis Josephi de Guillena Carasco 1712 in quarto. Extat in Collect. nostris tom. 47.

*Trinus Rachelis planctus, seu declamatio funebris in Academia Mexicanâ pro Exequijs Illm<sup>i</sup> D. D. F. Antonij de Monroy Archiepiscopi Compostellani.* Mexici, litteris Lupercianis 1716 in quarto. Extat in citato tom.

*Necessitates B. M. V. in Servatoris nostri funere.* Mexici, eisdem formis 1717 in quarto. In eo tomo.

*Dolores Deiparentis Virginis in Consilio voluntatis suæ habiti atque perpeffi.* Mexici, ex eadem Officina 1718 in quarto. Extat dicto tom.

BA

*Publicum Mercatorum signum Mexicanensium, seu, Panegyris dicta in festo à negotiatoribus acto pro altaris dedicatione, quod Patrono suo omniumque Assertori Christo dicaverant.* Mexici, ex eadem Calchographia 1718 in quarto. Extat in eodem tom.

*Libertas in servitute, seu, Panegyris de patientibus in Purgatorio animabus.* Mexici, è Domo H. V. Michaelis de Ribera Calderon 1720 in quarto. Extat mox dicto tom.

*Novum in cælum iter à S. institutum Philippo Nerio.* Mexici, ex Typographia Luperciana 1718 in quarto. Extat t. 6. Coll. nost.

*Oratio in funere Illm<sup>i</sup> D. D. F. Josephi de Lanciego & Eguilaz Archiepiscopi Mexicani.* Mexici, typis Josephi Bernardi de Hogal 1728 in 4. Legitur t. 91. dict. Col.

*Possessio spei sociata, seu de Patrocinio V. Deiparentis sub titulo de Remedijs.* In Ædibus Josephi Bernardi de Hogal 1730 in quarto.

*Apoteosis S. Joannis à Cruce viventis.* Mexici, typis ejusdem Hogal 1730. Habetur cum alijs ejusdem argumenti Opusculis in Libro cui titulus, *Secunda quinta decima Januarij, &c.*

*Sanctus Sanctorum: Panegyris de Proto-Parente nostro Divo Petro.* Mexici, mox datis litteris 1736 in quarto. Extat tom. 6 Collect. nostræ.

*Peccata unica pestium causa, seu moralis concio habitâ, morbo, qui vagabatur, Mexicum infestante.*

Ma-



Matriti, ex Typographia Antonij Marin 1740.

*Salutis Mater Guadalupana SS. Deiparentis Imago.* Matriti, litteris Antonij Marin 1739 in 4.

*Trinus Mexicea Aquila gemitus: Panegyricus funebris in Exequijs ductis Excmo. Viro D. Joanni Vasquez de Acuña Marchioni de Casa fuerte Pro-Regi Novæ Hispania.* Matriti eisdem formis 1740 in 4.

*Monitrix salutis, seu de Lauretanâ V. Deiparentis Imagine sermo habitus, quo tempore pestifera lues Mexicum affligebat.* Mexici, formis Hæred. Michaelis de Ribera 1728 in quarto. Extat tom. 47. Collect. nostræ.

*Imago Guadalupana Deigenitricis Mexicea, temporum domina. Oratio eo die habita quo ab depicta miraculo Imagine ipsâ, duo secula fluxerant.* Mexici, ex Typographia H. V. Michaelis de Ribera 1732 in quarto. Extat tom. 47 nostro.

*Imago Patrocini Guadalupana Mexicea Deiparentis Miraculis clara.* Mexici, litteris V. Josephi Bernardi de Hogal 1744. Extat t. nostro 47.

*Jeremia ejulatus expensus in obitu Excmi Viri D. Petri de Castro Figueroa & Salazar, Ducis de la Conquista, Marchionis de Gracia Real, Mexicei Pro-Regis.* Mexici, ex Calchographia V. de Hogal 1744 in quarto. Habetur t. nostro 47.

*Amoris circulus, seu Panegyrica Oratio de florentissima Deiparentis Guadalupianæ Mexiceæ Imagine America nostræ Protectrice juramen-*

to sollemnissimè renunciata. Mexici, typis V. de Hogal 1747 in quarto. Habetur tom. 47 nostro.

*Raptus à Deo Philippus. Funebris Declamatio pro justis Mexici solvendis Catholico Hispaniarum Regi atque Indiarum Imperatori nostro Philippo V. Mexici, litteris V. de Hogal 1747 in quarto. Habetur tom. 47 nostro.*

*Flos Sanctitatis, seu S. Aloysij Gonzaga Societatis Jesu Studiorum Patroni Apoteosis: Panegyrica Oratio habita in Collegio Maximo SS. A.A. Petri & Pauli Mexiceo.* Hispani, typis V. Francisci de Leefdael 1730 in 4. tom. 105 nostro.

E Mss verò Bibliopegi operâ compaginato vidimus apud Hæredes Authoris

*Sermonum tomos s. in quarto.*

*Scripsit item*

*Vitam insignis pietate Monialis Ursule à Virginibus, cui ad S. Josephi de Gracia Cœnobium professæ, fuerat à Sacris Confessionibus, servaturque in ejusdem Conventus Archivio.*

*Vitam Egyptiorum Pro-Regis Josephi Patriarchæ politicis & moralibus animadversionibus illustratam* 12 aut 15 Codicibus, quos credimus ab hæredibus custodiri.

Latino sermone ritumque Academico concinnavit Lectiones, quas ex ejusdem Universitatis Libris eruimus.

*In Aristotelis 8 Libros Physicorum.*

*In Libros de Anima.*

*In Libros de Ortu & Interitu.*

*Tractatum de Actibus humanis.*

Tra-



BA

*Tractatum de Bonitate & Malitia.*

*Tractatum de Conscientia.*

*Tractatum de Peccatis.*

*Tractatum de Predestinatione.*

*Tractatum de Beatitudine.*

Meminit ejus egregiâ cum laude P. Vincentius Lopez in de Seculis Marianæ Conceptionis Opere Mss, Seculo 18 pag. 866 & alibi.

575 FR. BARTHOLOMÆUS RAMIREZ, Natione Hispanus, è Granatensi Franciscanorum Provincia Regularis Observantiæ in Zacatecanorum ejusdem Instituti translatus juvenis, strenuam ubi dedit operam litteris, dignus est visus, qui eas postmodum tyronibus traderet Philosophiæ Cathedris præfectus atque Theologiæ, quo perfunctus ritè munere quindecim annis, Lector Emeritus renunciatus, deinde Provincialis electus, ac tandem ejusdem Familiæ Custos, ut dicitur, in Europam dimissus cum jure suffragij ad generalia Ordinis Comitia Tolctana. Edidit materno sermone

*Panegyrim de S. P. Francisco à se habitam in Cænobio nudipedum S. Didaci Conventus Hispalensis anno 1681, tacito loco editionis nomineque Typographi.*

*Sermones varios Panegyricos, è quibus sex coram Catholico Hispaniarum Rege Carolo II dixerat, tom. uno Hispalensibus typis edidisse, author est nobis P. Arlegui Zacatecanensis Provinciæ Chronographus in sillabo Mss de Scrip-*

BA

toribus ejus, qui usui est nostro.

Mss Theologica præterimus, quoniam ea quæ fuerint nos fugit.

576 D. BARTHOLOMÆUS ROSALES, Natione Mexicanus & Patria, Præsbyter secularis, Vir in paucis eruditus & doctus, à primis annis in Academiâ nostrâ Mexicanensi, & Maximo SS. AA. Petri & Pauli Collegio Societatis JESU amœnioris ingenij & ad plura comparati specimen dedit, jam ex tunc primos inter Scholæ Poetas conscriptus, atque eo nomine in publicis concertationibus celebratus, ut legere est in ea quam plaudendi ergo immaculatam Virginis Conceptionem ab Scholasticis institutam, prælo commisit Joannes de Guevara anno 1654 apud Viduâ de Calderon. Extat etiam latinum ejus Poema præfixum Centonico Virgiliano in laudem Virgineæ Guadalupix Imaginis Mexicanæ conscripto à D. Bernardo de Riofrio Canonico Vallisoletano apud Michoacanenses. Laureis insignis Academicis, multus fuit in Theologicarum studio rerum, earumque etiam, quæ ad utrumque Jus attinent, adeò ut sapientissimus Doctor Cardenas, qui id temporis Vicarium Archiepiscopi Mexicani generalen agebat, si quandoque intricatior, ut solet, causa apud eum verteretur, aut abstrusius negotium occurreret, Bartholomæum, quo cum familiariter agebat, ad prandium in-

KKKKK

vita-



vitaret, & veterum ritu sapientum, tanquam aliud agens, inter epulas quæstionem proponeret; qua ille auditâ, opportunè ad rem & scitè dicebat, Authores allegans graviores, & varias, si quæ erant, in puncto sententias, à propriâ ferendâ solenni de more suo abstinens (erat enim timidioris conscientiæ) qua Vicarius industria multos facilè nodos exsolvit, & lucem pro obscurioribus nactus fuit. Noster pro ea qua erat etiam in tabularijs peritiâ & egregijs dotibus, à Capitulo Canonorum Mexicanensium destinatus à Secretis, huic exactissimè muneri satisfecit, cui, post traductam Ecclesiastico viro congruentem vitam immortalis fuit. Inter familiares Illm<sup>i</sup>. D. D. Alphonsi de Cuevas Davalos Antistitis Mexicani admodum venerabilis, olim cooptatus & à Secretis, vita functi colendissimi Domini sui, eximijs ornati virtutibus, Acta conscribere aggressus est, uti ex varijs ad eum datis Epistolis, quas præ manibus habemus, in conscribendam vitam collimantibus, palam fit: eam porro ad exitum deduxisse dubium nobis esse non potest, optantibus licèt Codicem invenire, nec tamen, etiam conquisitione multa, invenientibus, quòd à fide dignis testibus de visu audierimus, legisse edita aliquot ejus Operis folia hispanis typis, frustratâ deinceps editione, quam procuraverat vir Clarissimus

D. Joannes de Olivan & Rébollo, æris defectu, proptereaque Authographo Mexicum remigrante. Sanè id ab Hispanis visum hominibus compertissimum est à Nuncupatoria præfixa Libro *Scala mirabilis* nuncupato, seu de vita S. Petri de Arbues, à Doctore D. Salvatore Sylvestre de Velasco & Herrera conscripta, in cujus Nuncupatoriæ ad Majus Collegium Mexiceum Divę Mariæ & omnium Sanctorum fol. 3 col. 1. ad marginem in fine hæc legesis. *De D. Avalos* (cujus scilicet elogium unâ cum aliorum laudibus Collegarum in ea Epistolæ parte contextitur) *Siguenza in Triumpho Parthenico, & Rosal in Vita*. Quæ porro nos etiam num latens, indicanda est tamen.

*Vita Illm<sup>i</sup>. D. D. Alphonsi de Cuevas Davalos Archiepiscopi Mexicani &c.* Meminit ejus multa cum laude D. Antonius Robles in Diario, quod extat in Oratoria Mexicea fol. 351 ad annum 1700. die 20 Aprilis emortuali Bartholomæi.

577 D. BARTHOLOMÆUS SANCHEZ PAREJA, Natione Peruanus, Limæ Regia Urbe ortus, Mexicumque deductus, Angelopoli Domicilium & sedem sibi constituit. Medicinæ operam strenuè navavit, gradumque Doctoris, non sine egregio plausu, tulit, quam dein spartam multis annis ornavit. Quantus in ea scientiâ fuerit, inde conjectu est facile, quòd integro ab hinc retro



BA

seculo & amplius, Systema exco-  
gitaverit, quod hac tempestate ce-  
leberrimè, hinc inde, à Recen-  
tioribus agitur, de quo præ ma-  
nibus habemus Opusculum ab  
insigni Hispanos inter Medicos  
D. Emmanuele Gutierrez de los  
Rios Præbytero, apud Gaditanos  
agente, Hispalensis Academiæ Do-  
ctore, concinnatum, typisque His-  
palensibus cûsum Josephi Navar-  
ro 1736 in quarto, itemque ex-  
tat Friderici Hoffmani tom. 5.  
Oper. medic. in Opusculo de  
Aqua minerali Articulus 8 de  
Aqua medicina universali pag.  
201. Noster anno 1647 Aquam  
Alexipharmacum esse publicis  
thesibus defendendum proposuit,  
& verò etiam ad Hyppocratis  
Aphorismata convenientissimè,  
atque ad Philosophiæ & Medici-  
næ dogmata plura satis apposi-  
tè verbo juxta & scripto firma-  
vit. Theatrum concertationi de-  
dere gravissimè Angelopolitani S.  
Augustini Cœnobij sacræ Aedes,  
apud quas & è Capitulo Clero  
que seculari Doctores sapientis-  
simi, & delibatissimus Nobilium  
& Equitum flos convenerunt, unà  
que ex omnibus Regularibus Or-  
dinibus Angelopoli florentibus  
Magistri doctissimi, in primis au-  
tem Societatis JESU, quorum  
tunc erant ibi Collegia tria, at-  
que eo præ alijs nomine frequen-  
tiori adfuere coronâ, quòd the-  
sium institutus fuerit Mecœnas  
R. P. Vincentius Carrafa Socie-  
tatis JESU Generalis Præpositus.

BA

Octava itaque die Januarij, No-  
stro agente Præsidentem, Bartholo-  
mæus Muñoz Parejo de Aralaz  
propositas 18 numero, præmiij  
loco theses substituit, principi-  
viam sternens, quæ in tres ipsa  
dissecta fuerat, quam item est  
tuitus, argumentatibus septem ex  
Ecclesiasticis Familijs viris erudi-  
tissimis; rursusque instauratâ, die  
sequenti, palæstrâ Medicinæ pro-  
fessores conclusiones oppugnan-  
das acriter susceperunt, propugna-  
toribus, non sine multo adstan-  
tium plausu, satisfaciuntibus. De  
his porrò thesibus doctum No-  
ster Opusculum texuit, quo mu-  
niret ipsas atque firmaret, cui-  
que Prolusiones solutâ & ligatâ  
oratione habitas in utroque cer-  
tamine cum Nuncupatoria adje-  
cit & tabellarij fide. Edidit Opus-  
culum hoc titulo

*Theatrum Apollineum: Trium-  
phales latices Medicinæ: Hyppocra-  
tica litteraria Naumachia, Philoso-  
phica, Methodica, Empirica Contro-  
versia, Generali studio, stadio publi-  
co defensata, gemina luce, octava &  
nona mensis Januarij anno Domini  
1647. Ad gravissimum R. P. Vin-  
centium Carrafa Præpositum Genera-  
lem Societatis Jesu. Angelopoli, ex  
Typographia Baccalauri.... in 4.  
Quod legimus ejus nobis copiam  
faciente D. D. Joanne Emma-  
nuele de Baeza, Vespertino Me-  
dicinæ Professore Perpetuo Me-  
xicano, itemque Proto-Medico.  
Nec verò intra Apollineæ septa  
facultatis continuit se, imò alio  
atti-*



attinentibus scriptis inclaruit, nempe

*Vita V. Servi Dei F. Sebastiani de Apparicio Franciscani*, ut ejusdem Familiæ alumnus P. Leiba in altera à se condita ejusdem Apparicij Vita testis est.

Scriptit præterea

*De Nobilitate & origine Civitatis Angelopolitanae*, de quo Opusculo fidem fecit D. Antonius de Leon Pinelo in Epitome Bibliothecæ Occidentalis col. 700. editionis Madritanæ 1738. Autoris meminit D. Didacus Bermudez de Castro in de Scriptoribus Angelopolitanis Mss ad nos transmissio n. 136.

578 F. BARTHOLOMÆUS A S. TERESIA, Natione Hispanus, in Oppido Montealegre natus, Mexicanis se Domicilio junxit Carmelitis Excalceatis Provinciæ Indiarum, hoc est, S. Alberti Mexicæ alumnus: Philosophiam suis tradidit, multisque præfectus Cœnobijs, tandem pro Novitiorum institutione Magister datus, extremum diem egit Vallisoleti circa annum 1702 uti Fr. Martialis à S. Joanne Baptista ejusdem Ordinis in Bibliotheca Familiæ suæ scribit pag. 45. Inibi testatur Nostri

*Conciones ad Populum* extare in Abulensi Monasterio plures; & in Pinciano ejus *Collationes*.

579 D. BASILIUS MONEVA DE LA CUEVA, Natione ignota nobis, Domicilio, quod Goatemala duxerat Mexicanus, inde

ad Catholicum Regem 10 Maji 1644 scripsit hispano sermone

*De erratis quæ apud Indiarum plagas non raro admittuntur*. Extrare Authographum Mantuæ Carpentanorum apud Bibliot. Barciæ testis est in Occident. Epit. col. 780. editionis noviss. Pinelus.

580 M. BEATRIX A VIRGINIBUS, Natione Mexicanensis, forsânque Patria, Institutum S. Dominici in Cœnobio Monialium à S. Catharina Senensi Mexiceo professa, rebus Monasterij sui olim conscribendis prospiciens, ejusdem Foundationem, & aliquot illustrium, è multis, virtute fœminarum, quæ in eo vota Deo nuncuparunt, in Adversaria opportunè redegit, quibus materno sermone exaratis titulum voluit:

*Monumenta Conventus S. Catharinae Senensis Ord. Præd.* asservanturque in earundem tabulario Sanctimonialium.

581 D. BENEDICTUS BAÑES, Natione Mexicanus, an etiam Patria definire non possumus, Universitatis nostræ alumnus strenuus, Rhetoricâ in ejusdem Gymnasijs quadriennio professus est contentione inter candidatos optimos scholasticâ præcedente anno 1607, proque munere explendo auditoribus suis tradidit

*Institutiones Rhetoricas*.

Meminit ejus Plaza in Chronicis Universitatis Mexicæ lib. 3. cap. 9. n. 34.



BE

582 ILLMUS. D. D. BENE-  
 DICTUS CRESPO, Natione His-  
 panus Beturiensis, præclara admo-  
 dum gente & multis insignibus  
 divite satus, litterarium stadium  
 apud Salmanticensis egit Regij  
 & Militaris Collegij Equestris Or-  
 dinis Divi Jacobi Ensisferi, cujus  
 rubeâ decoratus fuit Cruce, alum-  
 nus, aliquandoque Rector. Do-  
 ctoratus infulam in Regia illa  
 totoque Orbe celeberrima Uni-  
 versitate merito tulit, & Philo-  
 sophiæ Cathedræ Moderatorem  
 sapientissimum egit. Supremi Se-  
 natus Ordinum decreto Regalis  
 Uclesensis Conventus Visitato-  
 ris munus obire jussus, id gessit  
 strenuè, mox in Salmantino S.  
 Spiritus, & S. Crucis Vallisoleta-  
 no Conventibus ejusdem mili-  
 tiæ Commendatariarum bis eo-  
 dem munere functus est. In  
 Americam dimissus Antequerensis  
 Ecclesiæ, quæ Goaxacensium Ca-  
 thedralis est, Decanus, tandiu ibi  
 substitit egregiè probatis nomi-  
 ne, donec à Catholico Rege pro  
 Episcopatu Novæ Cantabriæ An-  
 tistes destinatus, litterisque Apo-  
 stolicis ritè institutus, atque Me-  
 xici consecratus, totum se pas-  
 cendis ovibus in vastissima Dicc-  
 clesi christianis dedit. Lustravit  
 illam quidem eximio zelo &  
 labore pari, nec minus egentium  
 necessitatibus subvenire, quam sa-  
 lutem animarum curare studuit.

583 Inde Angelopolitanæ  
 præfectus Ecclesiæ, nihilo dissimi-  
 lis sibi, eisdem exactissime incur-

BE

buit muneribus, utrobique semet  
 virtutis exemplar factis, nec ver-  
 bis solùm, omnibus exhibens. Mul-  
 tas per diem horas in Cathedra-  
 li sua orationi dabat flexis humi  
 genibus. Familiam severiori in-  
 stitutam disciplinâ, Clerumque  
 ac Populum in Numinis obse-  
 quia famularumque dirigebat.  
 Nulla ornatum magnificentia Pa-  
 latium ipsis etiam Religiosis edi-  
 ficationi & exemplo erat, Præsul  
 que opibus abundans Ecclesiasti-  
 cis, ne non illas omnes in pau-  
 peres erogaret & usus pios, sibi  
 & domesticis subtrahebat, quas  
 aliquanto largius in hisce pote-  
 rat collocare. Suas in Libris, post  
 sacra, delicias habebat, viceque  
 omnium suppellectilium ipsi Bi-  
 bliotheca erat, quam selectissimis  
 voluminibus, accuratissimisque  
 editionibus à gravioribus Criticis  
 adornatas instruxerat. Sanctos Pa-  
 tres assiduè pervolutabat, atque  
 scriptis ad marginem notis, usui  
 suo aliquando futuris, insignie-  
 bat: nec de Ecclesiasticâ Disciplinâ  
 & Historiâ agentes præteribat,  
 quibus in regimine pro oppor-  
 tunitate uteretur. Scholares pro  
 litteris imbibendis juvandi soli-  
 citus, redditibus Beneficiorum,  
 Capellanas dicimus, ali consti-  
 tuit, quos ad fundatorum men-  
 tem eis consignatos voluit. Ut  
 autem benè noverat, agendorum  
 momentum intentionem placen-  
 di Deo esse, hanc unam præ ocu-  
 lis observabat, recti tenax & ju-  
 sti, pius & misericors, atque in

do-



docendis familiariter è superiori loco fidelibus studiosissimus. Tandem egregiè pastoralis defunctus officio, in æternam, ut speramus, quietem emigravit die 19 Mensis Julij anno 1737.

Extant editæ ejus Orationes duæ, altera cui titulum dedit

*Rarus è multis, S. Philippus Neri Congregationis Oratorij Fundator.* Mexici, typis V. Francisci de Ribera Calderon 1731 in 4. Habetur in Collect. nostris tom. 1. Hanc dixit Orationem in Cathedrali sua Durangensi fovendi ergo in S. Philippum pietate, cui propagandæ studens Altare inibi erexerat Doctor D. Emmanuel Sebastianus Cano, ejus Vicarius Generalis, Amicus noster, quondamque Socius in Academiâ Mexicæ ejusdem Divi titulo celebri.

Altera de S. Ignatio Loiolensi Societatis JESU Fundatore Angelopoli recitata in Collegio de Spiritus sancto ejusdem Familiae, ibidem que excusa Collegij sumptibus, litteris Francisci Xaverij de Morales 1735 in quarto. Habetur tom. 69 Collect. nostræ. Præterea edidit.

*Ordinationes, Regulas, & Statuta servanda in Cathedrali Ecclesia Angelopolitana pro celebratione Missarum solennium & divini cultus augmento.* Angelopoli, litteris Francisci Xaverij de Morales ejusdem Ecclesiæ Typographi 1736 in quarto.

584 F. BENEDICTUS FER-

NANDEZ, Nazione Hispanus, ad S. Stephani Salmanticense Dominicanorum Collegium professor Ordinem Prædicatorum, latine, quo jam fuerat imbutus sermone, Philosophiam adjunxit atque Theologiam, virtutes que non segniter à se cultas in seculo, ferventius longe excolendas in statu religioso suscepit, adeò ut paupertate, obedientiâ, castitate, demissione, modestiâ, orationis studio, & cæteris animi dotibus doctrinæ haud vulgari sociatis, multi fieret à Religiosis viris. Tum verò comes datus V. F. Vincentio de las Casas, qui in Europam conquirendi Socios gratiâ dimissus fuerat à nuper erecta Sanjacobeâ Provincia, Mexici sistitur, indeque in Mistecam Goaxacensiû, emendicato victu & pedes secedens, gentis linguam imbibiturus, tanto eam successu calluit, ut non nullis affante potius Numine quam labore suo & industriâ visus fuerit ipsam edoctus: nam ut testis est Chronographus doctissimus M. Burgoa infra citandus, qui Historiam suam 120 annis edidit postquam Noster Librum suum dialecto Mistecanâ publicaverat, tunc usque ne verbum quidem corrigendum in illo inventum est, nec phrasim ulla spongiæ digna, idiomate licet à multis quam diligentissime exculto, & abditissimis ejus recessibus exploratis; ut subinde qui addiscendæ Doctrinæ illi dant



BE

dant operam, faciliè sermonis elegantia & proprietate alios inter Mistecè loquentes secernantur emineantque. Inibi montium & confragrorum Apostolicam duxit vitam Cœnobijs præfectus varijs atque Paræcijs, Vicarius itidem Provincialis.

585 Porro asperrius vitæ tenore Apostolicum munus fuit auspicatus, & ad postremum usque halitum constantissimè tenuit. Cibarijs contentus vilissimis, quæ pauperibus usui sunt Indis, ut ut ipsis tempore placeret & loco, inter eos versatus utebatur: sæpe noctes subtus arborem stratus ducebat pallio involutus: sæpe, ubi Aedes sacræ erant, in suppedaneo tabulis compacto & altari subjecto cubabat; ubi autem se in cellam recipiebat, geminis & impolitis tabulis usus pro lecto, coriaceo cervicali, ipsoque pallio pro superiori stragulo, quietem captabat. Sive autem in Conventibus esset, sive in montannis, sive cum Sodaliibus ageret, sive solus, media semper nocte pro Ecclesiasticis matutinis precibus dicendis, alta quidem & composita voce, fergebat, queis incipiendis sæva diverberatione cruciabat se, iterumque, absolutis Dei laudibus, mitius nihilo flagellabat.

586 Tanto erat paupertatis amore, ut præter Breviarium & Sacra Biblia, aut Librum pium in cella pretij nihil haberet, ne mensam aut sedem quidem, nam

BE

scamno contentus, & pendulâ tabulâ, atque his quæ pro capiando somno memoravimus, alijs supersedebat cæteris. Laneis obsoletisque & laceris vestibus induebatur, quibus asperrima obtegebat edomandæ carni cilicia, & ferream, qua præcinctus erat, catenâ: atque his alijsque subsidijs, cautelâque in oculis, quos nunquam in fœmineos vultus intendit, virginitatem asseruit suam, custodivitque usque ad finem illèsam. Dei cultum egregiâ pietate promovit: orationi ferventissimè incubuit: ad aras devotissimè fecit; suasque in Jesu Christi Corpore sub Eucharistico sipario latente delicias collocavit & robur. Curas suas in Deum ejusque Religionem intenderat omnes; atque ut Indos Mistecanos plurimis superstitionibus deditos, & idolis addictissimos, ab hisce pestibus liberaret, Fideque & pietate institutos Deo afferret, difficillimum est dictu, quanto animo & spiritu laboraverit, vitæ suæ præsentissima nil metuens discrimina, à quibus Dei ope protectus, evasit indemnis. Atque ut hujus rei monumenta signemus, placet geminum indicare.

587 Ad Pagum Achiutla dictum, sublimis erat ascensuque collis perarduus, scopulis & cauitibus fermè invius, cujus ad verticem Fanum Indi à majoribus suis extractum suspiciebant, latensque positos in confinio Religiosos viros, idololatriæ clam eò



scandentibus, nec absque fatigatione, patebat, ut, quem *Populi cor* idolum nuncupabant, obsecrissimâ religione percolerent. Erat autem Smaragdus lapis, indici piperitidismagnitudine, hoc est crassus duos digitos, longitudine autem quatuor patens aut quinque; viridi colore pulcherrimus, intusque rurilanti lucernæ similimus: incisa in eo apprimè visebatur avicula, circumque cœlatus serpebat coluber; & hoc tandem idolum *Cor* delusi à caco-dæmone *populi* vocabatur. Id ubi Noster rescivit, nil cunctatus, prærupta aggreditur, reptansque conscendere tentat, Indis ipsum sequentibus, quorum alij sacris nostris devoti, pietate in unum verum Deum agebantur, alij etiamnum diabolo mancipati, comites sese dederant, persuasi, testes se statim futuros infelicissimæ, quam ominabantur, sperabantque religiosissimi viri mortis. At enim ille delubrum ingressus, undique fœdissima circum in loculis offendit idola, quibus & humano sanguine tinctis, & ab cremato thure fumosis, inde, ut par erat, in terram abjectis, & proculcatis comminutisque, despectui etiam dæmones incolentes ea ducens, perditissimos nebulones exagibat, exprobrabatque invidiam suam veteratoribus hominum illis & impostoribus. Hæc intuentes antehac decepti idolorum cultores, audientesque imper-

territum Sacerdotem nostrum sacra eos christiana docentem, se ijs dedere captarunt, & abditum etiamnum princeps idolum *Cor populi*, affabrè elaboratis involutum telis ultrò ad eum detulerunt. Tam raræ magnitudinis Smaragdum homines Hispani stupere, tantique fecerunt, ut termille argenteos unciales præclarus ac dives ex eis libens offerret illi coemendo, quod Noster pretium repulit, Dei gloriam, atque Indorum documenta gazis & thesauris præponens. Inducto, ut fit, christiano ritu solennissimo festo, concurrenteque è plurimis Oppidis confertissimâ multitudine, non absque conatu multo & labore, conquistisque pro conterendo lapide præduris malleis & instrumentis, pretiosissimum longè Smaragdum ita comminuit, uti in particulas redegerit minutissimas, pulverique immixtum sustraverit, despiciatque habendum docuerit concione ferventissimâ, qua insimul unum omnium conditorem rerum D. O. M. appositissimè declaravit, cui soli litandum esse, idque genus alia sacra pro audientium captu dixit, nec absque successu, mirantibus Indis hominem Dei, cujus deinceps monitis tenacius firmitusque adhæseret.

588 Alterum jam egregiæ fortitudinis monumentum & præferendi zeli, quo Noster astuabat, afferramus oportet. Pererrabat ille inquirendorum, quos doceret,



BE

ret, gentiliū gratiā, elata asper-  
rimaque Mistecanorū juga, ubi  
ea petens, quæ Chalcatongo (bar-  
barum nomen) audiunt, accepit  
esse, longè sejunctum, & om-  
nium Regionis fastigium editis-  
simum, quod Pantheonem gen-  
tis dixeris, nefandis sacris & spur-  
cissimæ religioni devotum, im-  
mane videlicet spelæum, cimme-  
rias inter tenebras confepulcrum,  
Mystis duntaxat pervium, cæter-  
is interdictum ad januam acce-  
dentibus & stantibus. Aditū illud  
esse in Elisyos campos credebant,  
in quos à morte corporum de-  
ducendos animos sperabant, olim  
que etiam rediviva corpora de-  
num trahenda, ut subinde Re-  
ges & Toparchæ eò post funus  
inferri anastasin præstolari cura-  
rent. Noster, superatis in itine-  
re arduis supra modum scabris,  
uno Crucis signo obarmatus, flocci  
ducens barbaros juxtà ac dæmo-  
nes, in id antrum, comitantibus  
infidelibus Indis, opperientibus  
que capitale audacissimi, ut cre-  
debant, viri supplicium, conten-  
dit, donec proximè accedens, &  
ab ornato frondibus ac floribus  
vestibulo Fanum dignoscens, im-  
pavidus, JESU & MARIÆ invo-  
cato nomine, se in recessus illos  
& subterranea loca conjecit, In-  
dorum nullo comite, omnibus  
que foris tristissimum optantibus  
hominis casum & sperantibus.  
Ille mutuato à fenestellis quibus-  
dam lumine, circum adspectare  
lapideos cœpit tum pluri-

BE

mos, atque aggesta corporibus  
corpora, de more gentis, singula  
convestita, auro, lapillis, idque  
genus alijs ornata putidissima  
que. Adhæc, in conclave inti-  
mius progrediens, innumera ad  
oculos redacta, atque ut figuris  
sic etiam artificio & materiā di-  
versa, tum sculpta, tum picta cir-  
cumspectit idola. Porro dijs emor-  
tuis illis susque deque latis at-  
que pefundatis, pluribusque con-  
tritis, nec mitius graveolentibus  
cadaveribus pertractatis, & dæ-  
monibus in malam Crucem abi-  
re jussis, dirisque devotis, ovans  
tandem excessit, non sine egre-  
gio Indorum, qui aderant, stu-  
pore, quique ab audito nuper  
intus Fani rumore & strepitu  
evertentis efficta numina, hæc  
ipsa in illum exarsisse fulminas-  
seque, ut fuerant ominati, cre-  
debant. Ut tamen secretiora ip-  
se Indis pignora secum detulit,  
palam & coram proculcaturus,  
abjecit illa demum, contemptui  
que habenda illos edocuit terri-  
bili coercitos & longo sermone  
de æternis in dæmones igni-  
bus eorumque sectatoribus, cui  
adjecit multa concioni de Cru-  
cis virtute, cæterisque Christia-  
næ Religionis mysterijs, tantâ qui-  
dem energiâ, ut illos ipsos ido-  
lorum cultores permoverit, uti  
suis ipse manibus rogum accen-  
derint, in quem unâ cum simu-  
lacrīs putrida Procerum suorum  
corpora conjecere.

589 Ex inde sacris nostris ad-

Mmmmm

dicti



dicti sermō, Benedictum ceu Patrem & Magistrum audientes, Deo uni inservire, & proprię salutis consulere decreverunt. Sanē, tot eos Noster beneficiis sibi devinxit, ut quos olim, prædicandi munus auspicaturus, adversarios habuerat vitęque insidiatores: charissimos expertus postea filios fuerit, ejusque vitę & incolunitatis cupidos ac sollicitos. Quod enim contineri finibus suis haud posset, in Portus Zurijs maris excutrentem docendi ergo gentes curis licet suis non mandatas, paralyti tactum, quibus poterant pharmacis juvare satagebant, questibusque & gemitibus Deum pro ejus salute rogabant. Ubi verò morbus tandem invaluit, ipse totius vitę Confessionem instituit, quam religiosissimè duxerat; Eucharistiā præmunivit se in Viaticum sumptā, sacroque inunctus Oleo, Crucifixi JESU disfluaviatus Imagine, ad illa verba *In manus tuas commendo spiritum meum*, obiit in Dornino, atque ut promiserat Indis sibi percharis de Achiutla dictis, ibidem Oppidi sepultus fuit, nimium illis de amisso Parenre dolentibus, cujus etiamnum memoria penes gentes illas in benedictione est, corpusque, Cœnobio & Templo excitatis à fundamentis, in sepulchrum pro Religiosis conditum, fuit translatum, quantaque per Ecclesię decreta licet veneratione habetur, eo apud Deum precatore utentibus populis illuc

devotionis ergo accedentibus, etiam post 178 annos ab ejus funere. Scripsit & edidit idiomate Mexicano

*Doctrinam Christianam explicatis præcipuis Fidei nostrę Mysterijs, exordio ducto à primâ mundi conditione, Incarnatione Divini Verbi, Vitâ, Passione, Morte, & Resurrectione Christi Domini: Orationibus itidem Ecclesiasticis: Virtute Sacramentorum & efficacîa, ipsorumque usu: Adjectis pijs in Deum Deiparentemque precationibus.* Mexici, ex Typographia Petri de Ocharte 1568 in quarto. Alteram Mexicam itidem editionem de 1550. in quarto, memorant Scriptores Ord. Præd. tom. 2 pag. 136, quam videre nobis non licuit, sicut nec aliam de 1564. etiam in quarto, cujus meminit Pinelus in Epit. Bibliot. Occident. col. 726, penes quem habetur Benedictum nostrum Scripsisse item

*Epistolarum & Evangeliorum totius anni in Mistecanam Linguam versionem*, cujus in præsentiarum usus esse haud poterit, interdictis Librorum Sacrorum in vulgaria idiomata translationibus.

Nostri Vitam omnibus abundantius scripsit M. F. Franciscus de Burgoa Dominicanus Goaxacensis tom. 1. part. 2. Geographicę descriptionis, seu Chronicorum Provinciæ suæ à fol. 154 col. 3 ad usque 164 capp. 28 & 29. Illmûs Davila Padilla, in Hist. Prov. Mexicanæ lib. 2 cap. 37. Ejusque meminere Scriptores



## BE

res Ord. Præd. laudato loco: Nicolaus Antonius in Bibliot. Nova, & Pinelus nuper citatus. Fernandez Dominicanus in Hist. Eccles. nostri temporis lib. 1. cap. 31. pag. 120. Et Franco in Hist. Mss Prov. Mexicanæ S. Jacobi inferens Scriptorum Catalogo Nostrum.

590 D. BENEDICTUS FERNANDEZ DE BELO, Natione Hispanus, in Montannis Burgenſibus ortus, Martem ſequutus, ſub Catholici Regis ſignis ſtipendia perplura meruit: nam anno 54 præterlapſi proximè ſeculi apud Carthaginem Americæ militavit; ſequenti verò anno 55 quo tempore Angli Hispaniolam haud contemnenda manu invaſerunt, in eam tranſlatus Inſulam, fortiffimos inter milites cenſebatur, qui commiſſo cum Anglis prælio illos abſcedere inde coegerunt, amiſſis vexillis ſex, totidemque hominum millibus. Hinc, bonâ Præſidis veniâ, in Hispaniam regredientem Angli ipſi captivum Lódinum deduxere. E littoribus Britannicis in Belgium ſolvens, iterum Regis ſui theſera inſignis claffarios inter egit prætorix navis. Tandem Mexicum, quo neſcimus fato, petivit, atque hîc ſcripſit ediditque materno ſermone libellum hoc titulo:

*Brevis Arithmetica, quam jure dixeris Militarem, quòd de ſupputationibus agat inſtruendis caſtris perquam utilibus.* Mexici, litteris V. Bernardi Calderon 1675.

M2

## BE

in quarto, quam inter Codices nostros habemus.

591 P. BENEDICTUS RINALDINI, Natione Venetus, Patria Brixienſis, Domicilio Mexicanus, Societatem JESU amplexatus, converſionis Indorum, qui etiamnum in vaſtiſſimis Americæ noſtræ regionibus quotidianis incrementis aggregantur Eccleſiæ, & chriſtianis proficiunt institutionibus, Miſſiones longè diſſitas expetivit colendas, quibus ſtrenuam dedit operam, egregio labore parique Dei gloriam augendi zelo. In hunc collimavit ſcopum quam edidit

*Artem pro Thepehuana lingua adſcenda.* Mexici, typis V. Joſephi Bernardi de Hogal 1745 in quarto.

592 F. BENEDICTUS DE VILLA CAÑAS, Natione Mexicanus, cujus in obſcuro nobis eſt Patria, obſcurus ipſe minimè, Patriæ, quæ ſit ipſa cumque, ſplendorem dedit egregium, inſimulque Dominicanorum Provinciæ de Chia-pa & Goatemala, cujus alumnus extitit. Ad exactam Inſtituti ſui & Conſtitutionum obſervantiam eximium Indorum ſalutis zelum adjunxit, pro quibus juvandis multos inviçtâ patientiâ exantlavit labores, cùm in Provinciâ Zacapulenſi, tum etiam in Goatemalenſi. Nec inſtituendis in fide & pietate duntaxat auxilio fuit, Dei cultum in Templo & Sacellis adaugens, ſacris veſtibus, Muſicis viris, & id genus inten-

tus;



rus; sed etiam politicis & rusticis rebus ut efformaret incultos homines diu adlaboravit. Insignem pro trajiciendo flumine Zacapulæ pontem construxit oppidò necessarium. Pro ferendo, colendo, & metendo frumento Magistrum egit. Et his quidem ipse uberriam sibi meritorum paravit segetem multorum annorum curis, donec plenus dierum, superplenam & affluentissimam, ut credimus, accepturus mensuram in cœlum evolavit è Cœnobio Goatemalensi anno 1609. Scripsit

*Artem pro imbibenda Lingua Kachiquelensi.*

*Dictionary ejusdem Linguae.*

*Sucesum Fidei Orthodoxæ, seu, eodem idiomate de Unius Trinitate Dei, qui quondam Messiam Patriarchis promiserat, missitque in Mundum: de Incarnatione divini Verbi, Apostolorum prædicatione, Spiritus sancti in ipsos adventu, ipsorumque per universum transmigratione.*

*Librum Sermones breves de Sanctis & de tempore complectentem.*

*Librum de miraculis Deiparentis Virginis & Sanctorum.*

Et de his quidem Libris & Authore agunt Remesalio in Historia dictæ Provinciæ libro 11 cap. 27. n. 5. pag. 744. & Scriptores Ordinis Prædicatorum tom. 2. pag. 367. col. 2. ad annum 1609. Pinelus in Epitome Bibliothecæ Occidentalis col. 722. Nos verò Catalogum sequuti è Goatemalensi Provincia nobiscum

communicatum, alia dictis Opera annectimus.

*Vitam S. Catharinae Senensis.*

*Meditationes & Orationes de Christi Domini Passione.*

*Vitam V. Franciscæ à S. Dominico Fundatricis Collegij faminarum Indarum.*

Opera isthæc, supraque memorata, majorem partem penes Sodales esse, aliqua autem authographa in tabulario Goatemalensis Cœnobij primarij custodiri, ab indicatâ ipsorum narratione habemus acceptum.

593 D. BERNARDINUS DE AGUILERA, Natione Mexicanus & Patria, Doctoratus in Jure laureâ insignitus, & apud Regium Senatum Causarum Patronus, edidit vulgari sermone

*Allegationem juris ergo tuendi in negotio civili Equitis opibus juxta & pietate clarissimi D. Stephani de Molina Mosqueira.* Mexici, tacitis Typographi nomine & anno editionis. Extat in folio tom 26 Collectionis Mendozianæ.

594 F. BERNARDINUS ALVAREZ, Natione Hispanus, Patria Hispalensis (Quamvis in Utrera natus aliqui scripserint equivocum passi ab genitoris natali solo) Domicilio Mexicanus, à virtutibus egregijs insignis, Ordinis Religiosorum Sancti Hyppoliti à Charitate Institutor & Parens fuit. Genitoribus nobili stirpe & christiana virtute conspicuis usus, Ludovico Alvarez & Anna de Herrera conjugio



BE

gio sociatis, cathechismo & salutaribus monitis ac primis litterarum rudimentis instructus, latinis etiam operam dedit. Vigesimo ætatis anno, nominis gloriæ inhians atque divitijs, Orbem novum cogitavit, & militum albo conscriptus Mexico petijt. Quod vero principem Americæ nostræ Urbem pace & delicijs florentissimam, bellicis importunam cogitationibus & congressibus cerneret, Zacatecanos versus iter instituit, penes quos & finitimos adversus Chichimecas, barbaram & indomitam gentem, Martem diceres commigrasse. Ubi genio indulserat militari, Mexico remeavit, seque juvenibus socium liberioribus dedit & audacioribus, ut propterea luforias publicè chartas terere, crepare duella, lascivireque pergeret Reipublicæ scandalo, cujus subinde Rectorum jussu in vincula ipse cum eoque juvenes duodecim missi fuerint, inde in Philippinas Insulas deportandi. Perfracto carcere, sese omnes è vinculis propriuere, in quæ tamen rursus tres eorum detrusi, suspendio demum mulctati petiere. Noster interea latens, præsentissimo se ut subduceret vitæ discrimini, in Peruvium clam, nautis mixtus militibus eò tendentibus, pro-ram direxit, Limamque Regiam Urbem appulsus, atque inde digressus, sexennio ad Cuscum pristinam militis professionem novavit & tenuit, lucrandæ ita pecu-

BE

niæ intentus, ut innoxie supra 30 millia argentea uncialia quæserit, dataque sibi à Deo, Deo ipsi reddenda, ad se reversus plenis dicere buccis consueverit.

595 E Meridionali in nostram Americam redux, Mexici constitit, per ætatem & mores sibi ita dissimilis, ut nullam præteritæ vitæ hominisque perditionis suspicionem aut timuerit aut moverit. Pius in matrem, eo tempore viduam, Hispalique degentem, mille argenteis octo regalibus Epistolam junxit, qua ipsam rogabat, vellet Mexico adire, ut cæteris, quibus ipse divitijs potiebatur, ipsa in primis pro suo victu commodisque frueretur. Nihilo tamen pollicitationibus & precibus addicta jam pridem Deo fœmina, mota, rescripsit, satis sibi æris esse pro vitæ subsidijs, opes illum à Deo acceptas in Dei collocaret obsequijs, seque in ejusdem Numinis dederet famulatum. Hæc ut ille monita legit, eis obtemperandum, Deo ipsum ad magna præveniente, constituit, atque totius vitæ exomologesi institutâ, sævire in se flagellis, cilicijs, jejunijs, cæteraque maceratione carnis incæpit: ægentibus eleemosynas erogabat, & ægrotantibus ut serviret, in hospitali Domum non dudum inclyti Ferdinandi Cortezij nomine sumptibusque conditam, se recepit. Inibi, Amicis, honestâ licet consuetudine sibi junctis, valere jussit, abjectâque

Nnnnn

in-



indutus veste, diu ac noctu infirmis egregiâ patientiâ, humilitate, charitateque ad decennium est famulatus, quorum usui ædificatas ædes, industriâ suâ & operâ ampliavit.

596 Quod verò ea tempestate, non dum semiseculo expleto ab expugnatâ conditâque Mexico, præter Valetudinariû, quod mox memoravimus, à Concepta Virgine dictum, unum esset à V. Illmô Archiepiscopo D. F. Joanne de Zumarraga erectum pro ijs qui morbo Gallico laborarent; alterum Regijs sumptibus pro Indis constructum; egroti autem multis alijs vexacti languoribus, innumeri penè essent in amplissimâ Civitate, illique miserrimi, omnibus ut consuleret, qua erat insigni misericordiâ, Bernardinus Generale Xenodochium aggressus est anno 1567 facultatibus obtentis cùm ab Illmô D. F. Alphonso de Montufar, qui proximè Archiepiscopo primo successerat, tum etiam à Mexiceo Pro-Rege D. Martino Enriquez, annuentibus postmodum & Comite de la Corona & Auditorio Regio ejus in regimine successoribus. Ut erant Bernardini conatus in pauperes & infirmos omnes intenti, Ædibus opus habuit amplissimis, quas in suburbio molitus est amœnissimo juxta & civibus proximiori, continentesque Ædiculæ sacræ à S. Hippolyto Martyre dictæ, quam Mexicea pietas Patrono suo fa-

ventissimo erexerat, ceu publicum gratitudinis signum, quod devota Divo isti socioque Casiano die anno 1521 capta demum Mexicus fuerit, christianumque palam explicatum in ea Crucis vexillum. Hoc nostro suisque, quos brevi habuit, Sodalibus in usus sacros Sacellum concessum fuit, ipso pecunias suas, & quas accepit multas ab pijs, in hospitalis Domus fabricam conferente, in quem protinus locum magno pauperes & ægrotos numero traxit: nam dimissos nuper è Valetudinarijs alijs, à morbo recreandos invitabat & reficiendos: & mentecaptis suos opportunè cubiculos destinaverat: & senio confectis inibi traductis auxilio erat, simulque scholaribus & Præceptoribus indigentibus: & alijs languentibus medebatur.

597 Adhæc plura alia condidit Nosocomia varijs in Novâ Hispaniâ locis & Urbibus, nempe in Oppido de Oaxtepec à S. Cruce nuncupatum erexit, eo etiam famosum nomine, quod ibi novennium posuerit V. Gregorius Lupezius, Vir ab heremiticâ vitâ egregiâque sanctitate notissimus, quem Noster lubens hospitio excepit & aluit: In Portu Veræ-Crucis Americæ nostræ primario Ædes condidit hospitales pro his fovendis qui hispanis clasibus ad nos deducti naufragium in portu verentur, nec semel patiuntur, vel ægestate vel morbo correpti, quibus refectis



BE

& curatis, ut Mexicum adirent, mandram centum instructam mulis paratis ad iter agendum, cibos & pecunias ductoresque è Sodahibus suis præsto esse volebat, Mexicumque ingressis ad S. Hippolyti adesse omnibus officijs pergebat. Per Zurium autem mare navigantes & Acapulcum ap- pulsos similiter conflictatos recreaturus, Nosocomium eo in Portu condidit, Socijs item eò dimissis, quibus nautarum vectorumque cura esset. In deserto dicto Perote inchoatum Valetudinarium operâ Illmi Viri primi que Tlascalensium Episcopi D. F. Juliani Garcez Dominicani, qui è vivis excesserat, Bernardinus accepit & auxit. Non longissimè distitum ad pagum de Xalapa aliud instruxit, jis in primis commodius, qui recens ex Hispania devenerant, atque ab insalubri Veræ-Crucis temperie illuc convehabantur. Inde, ut iterum quiescere & federe, ceu in proprijs Aedibus possent, Angelopolitanum Xenodochium condidit, nec pro illis tantum, sed pro cæteris etiam aut ex morbo recreandis aut etiam medendis. His quæ in Nova Hispania pijs erexerat domibus, aliam apud Insulam Habanensem adjecit, queis Sodales sui & Instituti hæredes alias alibi opportune aggregarunt, Goatemalensem, Queretarensẽ, & Mexicanensem à Spiritus sancto dictam, forsânque alias calamum in præsen-

BE

tiâ subterfugientes. Nam Authore Bernardino instituta Sodalitas fuit Hospitalitatis, Reipublicæ commodis utilissima, cum alijs nominibus, hoc potissimum, quod amentium curas receperit, inque Aedes S. Hippolyti helleboro egentes traduxerit: cui Instituto Laici multi, Clerici etiam & Præsbyteri nomen dedere, quorum Vitas plurium unà cum Actis Nostri scripsit & edidit Illmûs D. Arze infra laudandus. Atque Sodalitium Summis Pontificibus Gregorio XIII, Sixto V, Clementi VIII, Paulo V, acceptum probatumque fuit, & præscriptæ à Bernardino Regulæ ac Constitutiones, paucis mutatis, Apostolicis litteris confirmatæ: tandemque ab Innocencio XII pijsima Charitatis Congregatio in Ordinem Religiosum Apostolicâ Authoritate constituta est, tribus solennibus & cæteris Religiosis communibus votis adjuncto quarto de Hospitalitate, retentâque nuncupatione de Charitate ad S. Hippolytum.

398. Porro egregij Fundator Instituti pro virtutibus excolendis in Dei gloriam proximorumque salutem, eximijs ipsis christianis dotibus fuit ornatus. Paupertatis amator suis se expoliavit omnibus in pauperum commoda destinatis, votoque paupertatis se religavit. Humilitati autem ita se addixit, ut nihili se faceret, inter operas, ceu eorum unus, pro ædificandis pauperum Aedibus



se immisceret & laboraret, atque alijs abjectissimis dederet ministerijs, eisque volens lubens ad extremum usque vitæ incubuerit. Obedientiâ conspicuus, patientiâ, castitate, pœnitentiâ, oratione, cæterisque ejusmodi efulsit. Adversus Purissimam Virginem Deiparentem eximio erat amore, cui propterea famulari in delicijs habebat, Nosocomiumque non unū sub ejusdem clientela constituit & nomine. Fidem autem, Spem, Charitatemque heroicis plane exercitationibus tenuit. Nullos pro Nosocomijs suis perpetuos voluit redditus aut Patronum hominem, uno contentus, cui se & sua crediderat, homine juxta que Deo, cujus Imaginem ad Cœnobij januam collocavit subscripto epigraphe: *Ecce homo: Dominus providebit.* Nec frustratus spe, largissima à fidelibus & opportuna, etiam non quæsita, accepit in pauperes alendos & curandos subsidia, quos tanto saepe numero recreare prandio cœnâque consueverat, ut quadringentas quotidie portiones eis distribueret, ære campano meridie vespereque vocatis ijs etiam qui suas extra Valerudinarium sedes habebant, egestateque afflictabantur: eis præterea qui erubescerent mendicare, clam subveniebat, nullum que mæstum ab ædibus suis abire sinebat, Deo nonnunquam miraculo charitatem ejus & fiduciam juvante.

599 Nimirum, paupercula

ipsum vidua convenerat postulandi gratiâ pro suo victu farinam, cui succurrere integro sacco Sodali injunxit horrei curam habentis; hic verò reposuit statim, granarium penitus esse vacuum, pauloque ante ita scopis eversum, ut ne pulvis quidem inibi farinaceus remanserit. Nihilo tamen minus illo insistente ut pergeret, imperataque faceret, mulierem secum deduxit farinæ custos, suis ut ipsa oculis inane cubiculum cerneret. At enim, ubi januam aperuit, exundare farina cæpit, tantâque effluere copiâ, ut ipsum obrueret. Quod autem Bernardini primas curas animarum salus teneret, ijs potissimum juvandis intentus, & Sacerdotes, qui se illi junxerant Instituto, egrotantibus in supremo agone auxilio esse curabat, & Præceptores rudimentis litterarum & Catechismo pueros instituere, & id genus alia sategbat, nullumque ferme ea tempestate Mexici fuit opus illustre Dei gloriam concernens, in quod suum ipse symbolum non posuerit.

600 His profectò charus Deo nominibus, eo ut æternū fueretur acuto vocatus morbo, à primarijs Medicis jussus est Sacramenta suscipere exitum illi post tres horas proximum ominantibus. Ipse tametsi superno, ut videtur, afflatus lumine, secus existimaret, nec nisi decima inde morituum se die resciret, ac suis



BE

fuis exponeret, nil moratus, sacrâ expiatus Confessione, Eucharistia que in Viaticum, qua solebat frequenter pietate, susceptâ, & extremo unctus Oleo ad mortem comparavit se, quam latus aspexit pomeridiano tempore die 12 Augusti anno 1584 ætatis 70. Latus quidem ipse diem supremam aspexit, et usque in gaudia Mexicani cives, cæterâ de amisso charissimo omnibus Bernardino mæstissimi, funus ejus sunt prosecuti. Quod enim Ædes suas hospitales maximas ad S. Hippolyti Martyris & Patroni Mexici Templum construxerit, in quod ea ipsa die & sequenti quotannis universa Civitas confluit, instaurandi ergo anniversariâ memoriâ triumphi, si quis ullus fuit pro Catholica Fide & Hispano nomine, Inclyti & celeberrimi jam inde ab anno 1521 de Potentissimo Mexicanensium Imperio relati 13 Augusti: Hanc obrem paucis à Nostri obitu horis illuc vespertinis precibus solennissimè decantandis ut adessent, præclari qui que Reipublicæ viri convenere. Renovatâ, ut sit, sequenti die pompâ, quæ admodum gravis & festiva est, Auditorium Regium, Mexici Rectores & Nobilissimi Equites, incredibili popularium stipati frequentia, iterum inibi sistuntur unâ cum Religiosorum Ordinum Sodalibus multis, Metropolitanæ Ecclesiæ Canonicis, & Illmô. D. D. Petro Moya de Contreras, id tem-

BE

poris Regni Visitatore, post Archiepiscopo Mexicano & Pro-Rege, Ecclesiastico ritu festum acturis, mox verò Bernardini corpus elaturis. Dixit è superiori loco Ecclesiastes ea ætate Mexici primus, M. F. Joannes Adrianus Ordinis S. Augustini Provincialis, in Academiâ Mexicanensi Primarius Sacrorum Bibliorum Interpreter, & qua erat pietate ac eruditione, ita SS. Martyrum decora Bernardini laudibus innexuit, ut Beatorum ipsorum Ædibus sacris Hospitales ille suas junxerat, quo eam nomine & insignium virtutum opportunè ad merita & tempus Orator differtissimus extulit. Extulere demortui corpus, absolutis sacris Mysterijs, gravissimi, qui aderant, viri è Capitulo Ecclesiæ, Auditorio Regio, Senatu Mexico, & religiosis Cætibus, & prope aram maximam collocarunt. Certè, vivens Bernardinus & mortuus Pro-Regibus, Archiepiscopis, & præclaris quibusque hominibus peracceptus, infimis etiam, quorum curam gesserat indefessè, percharus, à cunctisque ceu Sanctus est habitus, quem totos 40 annos eximium virtutum exemplar suspexerant. Scripsit hispano sermone

*Regulas & Constitutiones pro Sodalibus Ordinis Charitatis ad S. Hippolytum.*

Quas Apostolicis litteris communitas supra diximus traditis ab Illmô. D. D. Joanne Díaz de Ar-



ze electo Archiepiscopo Hispaniolæ Tom. 2. Proximi Evangelici à fol. 12, rursusque à fol. 35. Scorsim excusas vidimus Mexici apud Didacum Garrido 1621 in 4. Editæ autem fuere Apostolicâ Innocentij XII Constitutione firmatæ, Mexici apud Franciscum de Ribera Calderon 1718 in quarto.

Mox citatus Author Nostri Vitam Tom. 1. ejusdem Operis Libris duobus complexus est, multis & gravissimis ad extremum momentis agens, ut de ejus Apoteosi sacra curetur, jique omnes quorum interest (interest autem plurimum Hispalenses, Mexicanos, Sodales ad S. Hippolytum) Beatificationem ejus & Canonizationem apud Apostolicam Sedem instantissimè postulent. Secundo autem Tomo duobus etiam Libris aliquot Sodalium Ordinis Charitatis acta conscripsit & edidit Mexici, typis Hippolyti de Ribera annis 1651 & 1652 in quarto. Bernardini meminere, nec sine laude, Clarissimi PP. Franciscus Loza in Vita Servi Dei Gregorij Lupezij cap. 8. F. Balthassar de Medina in Chronicis Provinciæ S. Didaci Mexicanæ fol. 11. num. 39. Betancurtius in Tractatu Urbis Mexicanæ f. 93 n. 193 & sequentibus. Cabrera in Gentilitijs Mexici, seu de Guadalupanâ Imagine lib. 4 cap. 4. P. Bonani Societatis Jesu, in Catalogo Ord. Religiosor. part. 1. fol. 60. Ejus

præterea vitam scripsit P. Franciscus Garcia Societatis Jesu.

Seculi nostri anno 49 editæ sunt Mexici, typis D. Mariæ de Ribera Tom. in quarto *Constitutiones Sacræ Religionis de Charitate & S. Hippolyti Martyris, in Occidentalibus Indijs fundatæ à V. P. Bernardino Alvarez*. Porro istas ab Ordine ipso impetratas, pristinisque Regulis consentaneas, & jubente Eminentissimo Cardinali Gentili, ejusdem Ordinis Protectore, Romæ conscriptas ab admodum R. P. F. Josepho à Matre Dei, Trinitariorum nudipedum generali Procuratore; imprimi & publicari præcepit Apostolicus Delegatus D. D. Franciscus Xaverius Gomez de Cervantes Vicarius Generalis Archiepiscopatus Mexice, qui dicti Ordinis S. Hippolyti Visitationi incubuit & Reformationi, Litteris & Motuproprio SS. D. N. Benedicti XIV *Pastoralis sollicitudo*, datis Romæ 23 Januarij 1743 ad Archiepiscopum Mexicanum, facultate concessâ subrogandi sibi Personam in Dignitate Ecclesiasticâ constitutam, ea Delegatione functuram, qua usus potestate Excmûs unaque Illmûs D. D. Joannes Antonius de Vizarron & Eguiarreta Archiepiscopus Pro-Rexq Mexiceus, suum sibi in id muneris Vicarium generalem suffecit.

601 FR. BERNARDINUS DE AREVALO, Natione Mexicanus, Patria Goatemalensis, ut à con-



BE

consanguineis ibi degentibus majorum traditione acceptum habetur: Ordinem S. Francisci in Provincia SS. Nominis JESU professus, scriptos reliquit Tomos duos in Bibliotheca Primarij Cœnobij de Goatemala ejusdem Ordinis custoditos, multâ Juris eruditione constantes, ut è Catalogo usui nostro parato ab accuratissimo P. Arochena didicimus, quorum Voluminum alter est

*De Immunitate Ecclesiasticâ & Sententiâ Excommunicationis*, in 4.

Alter verò

*Expositio in illud Regula Franciscanæ præceptum: Fratres non recipiant denarios vel pecuniam per se vel per interpositam personam*, in 4.

602 F. BERNARDINUS GATICA, Natione Mexicanus & Patria, Sacri Præd. Ord. professor, & Sanjacobæ alumnus Provinciæ, Lectoris munere clarus, Primarij & Imperialis Mexiceij Cœnobij sui instructissimæ Bibliothecæ, quæ plusquam 10 mille voluminibus constat, Præfectus, ut erat studiosissimus, collegit latino hispanoque sermone

*Excerpta è selectis Authoribus varia, soluta ligataque numeris oratione*, spisso volumine in quarto, quod optimo Mss caractere vidimus in memorata Bibliotheca ad S. Dominici. Extant ibidem Libri multi queis plurimas notas marginales ipse Bernardinus adjecit.

603 P. BERNARDINUS LLANOS, Natione Hispanus, Ocanæ

BE

in Diœcesi Toletana ortus, postquam Juri addiscendo operam dederat per quadriennium, Societatis JESU institutis se mancipavit anno 21 ætatis, à Christo nato 1580. Sacris adhuc non initiatus Mexiccam Provinciam adivit, quam ad mortem usque tenuit amplius 50 annis. Ex his quadraginta dedit Mexicanorum in amœnioribus litteris accuratissimæ institutioni, pro qua Opuscula publicavit mox indicanda. Ita verò hanc ornavit spartam, simul ut fidelium confessiones exceperit, magnique virtutis nomine habitus fuerit, & adeo illustratus à Deo, ut creditus fuerit multa cœlesti afflatum lumine prædixisse. Erga Beatissimam Deiparentem egregiè fuit pius, cujus religionem in Discipulos inspirabat, traditamque fuit, ipsam Deigenitricem insigni attestatam Servo suo cuidam fuisse, Bernardinum unum ex eis esse qui sibi in terris gratiores degebant. Tandem Mexici ad cœlum, ut pium est credere, migravit die 22 Octobris anno 1639. Edidit Juxtâ Bibliothecam Soc. à P. Sotuelo auctam pag. 114.

*Adverientias pro Grammatica addiscenda: & Christianam Poesim.*

*Christiana autem Poesis extrema pars est Institutionum* mox indicandarum, incipitque à pag 374 ad usque 512, cui monitum hoc, Præfatiunculæ vice, præmittit: *Omnium hætenus Poeseos generum præcepta tradita sunt, eaque Poetarum*



rum veterum Ethnicorum exemplis confirmata. Quoniam autem Institutionum hic Poeticarum Liber Mexicanis conscribitur adolescentibus præclara virtutis indole atque ingenij laude præstantibus, quorum est ut ad ceteras artes & illustria sapientia studia, ita etiam ad hæc mira propensio & cum facilitate felicitas; quique suam hujusmodi facultatem in Dei præsertim Optimi Maximi ac Deiparæ Virginis & Sanctorum laudibus exerceri gaudent: placuit non nulla Christianorum Poetarum illustrium exempla proponere. Libri titulus sic habet:

Poeticarum institutionum Liber, varijs Ethnicorum Christianorumque exemplis illustratus ad usum studiosæ juventutis: Per Congregationem B. M. V. Anuntiata in Soc. Jesu Collegij Mexicani Gymnasij Authoritate Apostolica institutam, collectore ejusdem Soc. Sacerdote, qui eidem præsidet Congregationi. Mexici, apud Henricum Martinez 1605 in octavo. Nomen autem quanquam Author latere suum voluit, P. Petrus Flores ejusdem Soc. ingenioso epigrammate aperuit, alia inter aliorum, præfixo Operi, quod his numeris Bernardinum Llanos prodidit.

Floribus hunc lustrans varium  
vernantibus hortum,

Illustris Authoris nomem abesse  
doles?

Hortum sed lustra, justoque medere  
dolori,

Hunc & cum reliquis floribus ipse  
dabit.

Clarius id rogitas? En justis annuo  
votis.

En omnes, at non ordine reddo  
notas:

Is si non nardus certè nardinus &  
ipse

Ver, & nos inter jure la, Sol ve  
tenet.

Porro instituendis in universa Poesi juvenibus exempla pulcherrima & optima unà cum præceptis ac regulis brevitate & perspicuitate nobilibus si quis optat, hocce in fasciculo ad delicias inveniet, obscœnis procul omnibus amandatis, quibus Ethnicorum scatere Libri solent, & Lectorum animos conspurcare. Extat ejus memoria in Menologio Provinciæ Mexicanæ die 22 Octobris.

604 D. BERNARDINUS PINELO, Natione Mexicanus, Angelopoli ortus, Præbyter Secularis, & Paræciæ de Xalazingo præfectus, Theologicis, quibus erat instructus litteris, egregiam in Mexicanâ linguâ peritiam adjecterat, qua usus scripsit pro Sacrorum administratione

Enchiridion seu Manuale Mexicanum.

De quo memoriæ sunt in Allegationibus editis, tacito loco & anno, pro Clero Angelopolitano pag. 80. col. 2.

605 FR. BERNARDINUS SAHAUNTINUS, Natione Hispanus, in Oppido unde cognomen ipsi inditum, fortitus cunabula, Salmanticensi Universitati Scholares



BE

res inter adscriptus, Sodalibus Franciscanis de Observantia regulari in Provincia Cantabriæ sacramento se junxit, unde anno 1529 in Mexiceam S. Evangelij, tunc Apostolico coalentem spiritu, commigravit, atque ad obitum usque in ea totos annos 61 operarium Apostolicum egit. Vicennio primo aliquibus præfuit Cœnobijs, quod à se onus deprecatus est, ut reliquum vitæ tempus, hoc est, 41 annos prædicationi, confessionum auditioni, & Librorum scriptioni totus vacaret. Erat ille certè non modò in Philosophiâ & Theologiâ, sed verò etiam in alijs Scientijs eruditissimus, quo nomine, ubi Imperiale S. Crucis Collegium ad Tlatelolcum pro Nobilium Indorum institutione conditum fuit, Lector est destinatus unà cum alijs duobus & Doctissimo Fr. Joanne de Gaona, qui primas in docendo partes tenebat.

606 Ex quo huic traditus Athenæo fuit, omnes ad extremam ferme diem transegit docendo, cum in proximo Templo è superiori loco Indos confluentes ut exciperent verbum Dei ( quorum audiendis confessionibus sacris intentus erat ) tum etiam pueros, adultioresque juvenes in christianis & politicis, qui subinde legere & scribere, ejus operâ, didicerunt: Grammaticam, Musicam, Medicinam calluerant, idque genus ornamentis excultri florere. In idiomate autem Me-

BE

xicano penitissimè eviscerando nulli concessit, adeò ut eximij ejusdem idiomatis Præceptores Torquemada Betancurtiusque ad suam quisque ætatem palmam omnibus Mexicanæ scribentibus prætulisse non ambigant. Egregios idcirco Libros & sermonis proprietate & omnigenâ atque abditâ gentis eruditione divites condidit, in quibus omnem retro Mexicanorum antiquitatem palam exhibuit, hispanum gentis dialecto sermonem adjiciens exponendi ergo Naturalia, Civilia, Religiosa Imperij vastissimi, animalia, plantas, fossilia, pulcherrimæque alia quibus feracissima terra ditescit luxuriatque: Leges veterum atque mores pacis belli que tempore, causasque bellorum, tempora & exitus: priscam idolatriam & superstitionem, id que generis cætera usque ad expugnatum Hispanorum armis Mexiceum Imperium, cujus geographiam minimè præterierat.

607 Porro eruditissima isthæc Volumina, duodecim numero & Regia charta, novercantem perpetuò fortunam sunt passi: nam & vivente Authore obfistentes habuere multos, imprudenti propterea zelo eis repugnantes, quòd vererentur offensionem Indis futura christianis obscœnissimæ religionis monumenta illa: quo nomine vetustissimis etiam Americæ nostræ Annalibus bellum indixere, politicissimis symbolis & figuris appositè ad res quaslibet

Ppppp

con-



concinnatis: & eodem Authore demortuo, immortale plane Opus, aut intercidit penitus & evanuit, aut si forsan alicubi extat, obscuro Hercle & ignoto in sepulcro contextum latet, quod ab Authoris, vix non inviti, manibus ad Chronographum Herreram in Hispaniam transmissum fuit, exiguo futurum usui homini Mexicani idiomatis nescio. Nam & si (quod Betancurtius observavit) Antonius de Herrera multa in Decades suas derivavit à Nostro hausta, perexiguus tandem is fructus est, ejus habita, ut par erat, ratione, quem grandia illa Volumina mole pariter & eruditione, utrâque conscriptâ linguâ tulissent: quæque varias Mexicanensium dialectos, phrasisque & formulas multiplices, quibus Idioma, fecundissimum certè, abundat, præferebat, callentibus illud utilissimas.

608 Noster porro cavillos & obrectationes nihil veritus, alios, nec jejunos, Libros perrexit scribere, cautè tamen obloquentium calumnias declinans, ut in *Dictionary Trilinguis* Proœmio his verbis effatur: *Grammaticam historicam id circo hispanicè condidimus, ne dedisse videamur ansam Rabbiniis: Qui sæpe expugnaverunt me à juventute mea.* Interea loci, prætermittebat nihil, ut idololatriæ reliquiæ ab neophitorum animis prorsus evellerentur, & quo erat insigni Catholicæ Fidei zelo, ut altiores ipsa radices ageret, labori nulli

& industriæ parcebat, verbo & scriptis ministros Evangelicos admonens, ut suo optimè munere fungerentur. Ardori Religionis cæterarum exercitia virtutum adjecerat, tanta in illis constantiâ, ut nonagenarius etiam Matutinis & cæteris canonicis horis adesset in choro. Mansuetudine, humilitate, paupertate & comitate erat insigni, omnique religiosâ conspicuus virtute, quam ad extremum duxit; certiorque mortis factus, à Collegio Tlatelolcano, charissimis Indis suis convocatis & valedicens, in Cœnobium maximum ductus, obiit in Domino nonagenario major 23 Octobris anno 1590 ibique sepultus, confluentibus mœstissimis discipulis suis, Collegij S. Crucis alumniis, multitudineque funus lacrymabile omnibus comitante. Scripsit quos memoravimus Libros, jure que nuncupaveris

*Dictionary Historicum Mexicano Hispanum* duodecim grandibus, seu in charta Regia, Voluminibus distinctum. Nam & si Torquemada undecim dixerit, veremur facili prolapsione sui, Amanuensis, aut Typographi mendum irrepsisse, attestante Betancurtio duodecim Volumina fuisse, è quibus nonum Authographum ipse viderat Authoris subscriptum manu, dicentisque ab Mexicano Pro-Rege D. D. Marchione de Villamanrique vix non extorta sibi duodecim Volumina illa ad Regem Catholicum trans-

mit-



mittenda pro edendis ab Antonio de Herrera Historicis Libris Indiarum. Scimus Torquemadam etiam Tomum illum nonum penes se habuisse, nescientes autem, an Authographus fuerit, an exscriptus, alterum verosimilius existimamus, vel apographum historiolum de abductis à Bernardino duodecim Libris non præferre, quod Torquemada legerit, vel si legit authographum, lapsu memoria, calami, aut typographiæ undecim pro duodecim evasisse. Demum, ne hoc prætermittamus, nonus ille Tomus Authoris subscriptione munitus, totus erat in Expugnatione Mexicea exponenda secundis & emendatioribus curis, extabatque penes Auditorij Mexicanensis Decanum D. Joannem Franciscum de Montemayor, qui eum in Hispaniam secum adduxit imprimendum, ut testis est Betancurtius, & cujus vestigium editionis factæ habemus nullum. Exemplar autem quod usui Betancurtio fuerat & forsitan Torquemadæ, ubi in præsentiarum sit tam nos latet quàm ubi duodecim Volumina delitescant.

*Artem seu Grammaticam pro Mexicanâ Linguâ addicendâ.*

*Dictionarium trilingue, Latinum, Hispanum, Mexicæ;* quod vetustate attritum habebat Betancurtius.

*Sermones per annum idiomate Mexicano conceptos.*

*Postillam in Evangelia & Epistolâ, quibus Ecclesia in Missis uti-*

*tur.* Quod Opus eleganti juxta & detæcatissima conscriptum Mexicea dialecto Betancurtius affirmat, unde ipse pulcherrimas periodos imbibierit.

*Historicam narrationem venientium primò Mexico Franciscanorum Patrum, libris duobus distinctam:* quorum primus capp 30; secundus 29 complectitur: atque in eis *Collationes* continentur ab Apostolicis viris habitæ cum Sacerdotibus gentis & Sacrificulis, Hispano sermone & Mexicano, de Christianæ Fidei Mysterijs recipiendis, abjiciendisque idolis, piè juxta & doctè magno cum nostræ Religionis emolumento, quam demum amplexati fuere gentis Magistri. Hos autem duos Libros unâ cum sermonibus nuper dictis compaginatos esse testis est Betancurtius.

*Psalmodiam seu spiritualia carmina de Christi Domini vitâ, Dei-parentis Virginis gestis & gloria, Sanctorumque actis, quibus Indi uterentur in sacris festis.* Opusculum hoc unum fuisse è tot scriptis Nostri typis excussum, à Torquemada habemus, quod, ut multa alia minuta scripta à primis Ecclesiæ hujus Doctoribus, nullibi adhuc invenire potuimus.

*Vitam S. Bernardini Senensis Mexicano translatam idiomate dedit petentibus Indis Xochimilcanis, qui Sanctum hunc in Parochiæ tutelarem suæ adsciverant, de qua Torquemada & Betancurtius fidem faciunt.*



*Expositionem paraphrasticam Symboli S. Athanasij.*

*Expositionem alteram ejusdē Symboli dialogi stylo.*

*Concionem post Baptisma parvulorum ad circumstantes.*

*Lac spirituale.*

*Baculum spirituale.*

*Lumen spirituale.*

*Speculum spirituale.*

*Cibum spiritualem ac solidum.*

*Scalam spiritualem.*

*Fructus spirituales.*

*Regulam Conjugatorum.*

*Præcepta ipsorum.*

*Impedimenta Matrimonij.*

*Doctrinam pro Medicis.*

*Tractatum de septem collationibus admodum pro moribus utilem.*

His quæ à Torquemada & Betancurtio mutuavimus, eorum neutro omnia in sillabum redigente, adjicimus

*Sermones varios de Dominicis & Defunctis idiomate Mexicano pro Indorum captu formatos, è nulloque Sermonario, ut dicitur, traductos; quos Authographos vidimus Tomis duobus Regia charta in Bibliotheca ad S. Jacobi de Tlatelolco Franciscanorum.*

Supra memoratis adjecit F. Joānes à S. Antonio in Bibliot. universa Franciscana tom. 1. pag. 214.

*Historiam universalem Novæ Hispaniæ in 12 libros distributam. Mss que inquit asservari in Tolefano Conventu Cantabricæ Provinciæ Tomis quatuor.*

*Insuper Sermones pro Immacula-*

*rà Conceptione V. Mariæ, quorum meminit Alva col. 185. sequutus Marracium.*

Præter citatos meminere Nostri Nicolaus Antonius, Wadingus, Arcturus ad diem 23 Octobris Martyrologi Franciscani § 24 & Moreri in Dictionario magno historico. Pinelus in Epit. Bibliot. Occid. col. 715 in eo lapsus quod crediderit Betancurtium asserere duos illos Libros, quorum alter 30 alter 29 capp. constat unà haberi cum tom. 9. Dictionarij maximi in Hispaniam adducti à Senatore Montemaior; cùm tamen Betancurtius Libros ipsos Postillæ in Evangelia & Epistolas adjacere asseruerit. Cæterorum Operum memoriam habet col. 720. 721. 739.

609 D. BERNARDINUS DE SALVATIERRA ET GARNICA, Natione Mexicanus ac Patria, Universitatis Alumnus, & in Poetica Facultate excultus & doctus, patrio sermone hispanisque numeris edidit

*Descriptionem spectaculorum quæ Mexicana Civitas festissime lusit plaudendi ergo instauratam Hispanorum armis & Philippo V restitutam Catholico Regi Oranam in Africa bellifedem. Mexici, typis H. Michaelis de Ribera 1732 in quarto.*

*Metricam Historiam apparentis miraculo Imaginis Deiparentis V. Guadalupæ. Mexici, litteris D. Mariæ de Ribera 1737 in quarto.*

*Ejusdem Deigenitricis sub floridâ Gua-*



BE

*Guadalupia.* Mexici, litteris D. Mariae de Ribera 1737. in quarto.

*Ejusdem Deigenitricis sub floridæ Guadalupanae pictura sipario cultæ Mexiceum Patronatum descriptum, præstitumque juramentum carmine celebratum.* Mexici, in eadem Typographia 1737. in quarto.

610 F. BERNARDINUS DE VALLADOLID, cujus Natio & Patria incerta nobis est, Mexicanus saltem Domicilio, quod apud Jucatanenses fixerat, Ordinis S. Francisci in Provincia, quæ inibi floret, de Observantia Regulari alumnus, multis jure nominibus à P. Cogolludo in Historia ejusdem Provinciæ lib. 12 cap. 24 pag. 755 laudatur: Quod scholasticas theses, singulari studio plausuque, Jucataniano idiomate propugnauerit: quod eadem usus linguâ mirum in modum dicere coram Indis usu tenuerit: quod Hispanos maternâ dialecto è superiori loco docuerit: quodque eruditissimum elucubrare, mox recensendû, Opus aggressus fuerit, magnamq̃ partem solerter ornaverit. A secretis Provinciæ cum esset, casu præceps actus per gradus scallæ, morbis inde multis vexatus, pelle vix ossibusque hærebat, donec floridissimum litteris & ætate virum (agebat enim annum 35) mors decerpserit sacramentis munitum, & Religioso dignâ præparatione 10 Octobris anno 1652. Scripserat

*Dioscorides magnam partem idiomate Jucatanensi, atque, ut erat*

BE

*simplicium gnarus plurimum, quæ inibi Regionis nascuntur, de quibus Dioscorides, singula expresserat penicillo, Latinæ voci Hispanam adjiciens, &, quæ huic respondet, Jucatanensem, secundum hæc Dioscoridis scriptum vertens, ut præcitatus Cogolludus testatur, atque ex eo Bibliotheca Franciscana tom. 1. pag. 215. Itemque Pinelus in Epitome Bibliothecæ Occidentalis tom. 2. col. 722. inter Scripta Nostri numerans*

*Conclusiones de Sacramentorum omnium materijs latino juxta & Jucatanensi sermone.*

611 ILLMUS. D. D. BERNARDINUS VILLALPANDO, Natione Hispanus, Evoræ Talabricæ ortus, Ecclesiæ Cubensis Episcopus 20 Aprilis anno 1559 à Catholico Hispaniarum Rege Philippo II præsentatus, in Goatemalensem promotus anno 1564 inclyto viro D. Francisco Marroquin, qui primus eam rexerat & condiderat, suffectus est. Quod autem traditas Religiosis viris à Decessore suo curandas Parochias, ad Seculares revocare Clericos vehementius tentasset Concilij Generalis Tridentini non ita pridem absoluti Decretis insistens, administrationibus illis abnuentibus (quæ deinceps Statuta pro Indijs à Pontifice Summo dispensari Catholicus Rex impetravit, uti in *Alphonso à Vera-Cruce* diximus) turbæ sunt motæ, pluresque ad Regem querimoniarum



monia delata, quibus Noster postulabatur. Dicitur, eam ob causam graves ad ipsum litteras Philippum II dedisse, quas ubi ille accepit in Oppido S. Annę dicto, quò declinaverat, testatus se paratum esse Deo rationem reddere de ab eo sibi commissâ Ecclesiâ, illico expirasse anno 1569. Scripsit

*Synodum Goatemalensem,*

Cujus Authographum nullibi inveniri, temporum injuria perditum, testis est, qui Goatemalensis Ecclesię monumenta in lucem commisit. F. Raymundus Leal pag. 43. Nostri Historiam brevè conscribens, quam similiter fecerat Ægydus Gonzalez Davila in Theatro ejusdem Ecclesię pag. 153.

612 ILLMUS. D. D. F. BERNARDUS DE ALBURQUERQUE, Natione Hispanus, agnomen juxta & incunabula ab Urbe insigni Comitatu notissimâ accepit, reticuitque nobiles, quoad vixit, Parentes, censu etiam minimè obscuros: nam Complutum, Academiam toto Orbe celebrem, ab ipsis studiorum causâ dimissus, tandiu inibi altus est, quandiu humanioribus imbutus litteris, Philosophiam itidem optimè imbiberat & Theologiam. Virtutes interea non minori studio coluisse inde est, quòd egregiæ addictus humilitati solum mutaverit, seque in Salmanticam eo consilio transtulerit, ut ignotus latere posset, perindeque haberi ac

litterarum inscius. S. Stephani Dominicanorum insigne Cœnobium adivit, Laicisque professione aggregari toto nisu curavit: ejus ut compos voti fieret Novitijs adscriptus & abjectis Laicorum ministerijs, charus omnibus indole & virtute pergebat, aliquibus doctrinam ejus subodorantibus, quòd lubens de litteris colloquentes audiret, donec forte duobus coram eo Scholaribus in horto de Theologica difficultate acriter contendentibus, vix que non iratis nimium & sibi infensus, eos conciliandi gratiâ allocutus, S. Thomę eorundem Magistri mentem in eo puncto aliorumque sensus aperuit, tam ad rem scitè & appositè, ut mirati eruditionem hominis abditam, statim eam ad Conventus Priorem detulerint, qui subinde reluctanter prius, mox parentem obedientiæ Laicum, ab eo, quem delegerat, statu in Clericalem, resumpto tyrocinio, annuentibus Sodalibus omnibus, retulit.

613 Emissâ solenni professione instauratisque studijs, litteris unà ac christianis virtutibus incrementa dedit egregia, dignus qui Sacerdotio initiatus fuerit. Tum verò, optantibus Socijs pugilem ad Palæstram Minervæ traduci, Cathedrisque prefigi moderandis, alia ipse omnia cogitans, in recens detectum Novum Orbem florentemque in eo Sanjacobeam Provinciam migravit.



BE

gravit anno 1535 sequutus P. F. Dominicum de Betanzos, Clarissimum sanctitate virum, Sodalisque eodem insignes nomine, ut Torquemada scribit loco inferius laudando. Mexici constitutus, brevi Zaapotecanæ genti, multis dissitæ parafangis, apud Goaxacenses adhuc inculte, Minister destinatus, idiornate imbibendo tam incubuit diligenter atque feliciter, ut Christianam doctrinam eo usus scriptis tradiderit & concionibus, Indorum institutioni ex animo deditus, quos eximia charitate complectebatur, omnibusque Apostolici officijs viri erudiebat, fovebat, curabat.

614 Sunt Zaapotecanis contermini Mixcani, uti præruptis & asperrimis montibus abditi, sic etiam injucundâ pronuntiati que stridenti linguâ, barbarâque consuetudine formidandi: & his etiam Parentem se exhibuit, mansuetudine & cæteris dilectionis ac benignitatis dotibus acceptissimum. Porro, multos in Apostolico munere postquam annos posuerat catechesi, prædicatione, sacramentorum administratione, exemploque austerissimæ vitæ Indos nuper ab idolis abstractos in Christo Jesu generans & enutrians, Vicarius Cœnobij Antequerensis primas inter Goaxacensia tenentis, creatus est labente Majo, aut ineunte Junio 1547. Ex inde anno 1552 quo tempore idem Conventus in secundum

BE

Mexicanæ Provinciæ Prioratum fuerat evehctus, Prior item fuit institutus, donec 9 Septembris anni sequentis Provincialis fuit renunciatus, quo ille functus est munere, insigni religiosæ observantiæ zelo & emolumento, usque ad 20 Septembris 1556.

615 Interea loci, Antequerensi Ecclesiâ orbatâ Prælato, eidem præficitur, Catholico Hispaniarum Rege Philippo II designante, & Pio IV anno 1559 ejus in Episcopum electionem probante & confirmante. Renuebat quidem infulas humillimus homo, præcipienti tamen Provinciali, sub censurisque, ut acquiesceret, comminanti, quamvis oblucri prudenter caperit, eo quidem nomine, quod nuncupatum obedientiæ votum ad istiusmodi extra Familiam onera sustinenda Religiosos adigere non posse videatur, paruit tandem, atque ejus & Sodalium votis acquievit. Ne verò Ordini se & alterius arbitrio subduceret in Episcopali dignitate, Socium sibi petivit Fr. Petrum del Castillo, cui in Confessarium adlecto, volens lubensque tam demissè semper promptèque obtemperavit, quam in tyrocinio obsecundare & deinceps Superioribus suis consueverat.

616 Erat quidem egregiâ Religiosus ille virtute, præduriori tamen genio, & ad frangendum se & illum aptissimo, cujus proinde disciplinâ Episcopus he-

roi-



roicis planè obedientie, demissionis, patientiæ exemplis eminebat: nam sæpe inter prandium deficiente pane, frustulum illi Socius porrigebat, quo satis provisum esse monebat, oportereque ita compendium facere pro egregio quod cogitabant ac moliebantur opere: sæpe detrito habitu & lacerato, Episcopi ipsius faciendo manibus, segmentum è veteri panno tribuebat, eandem occinens cantilenam, semperque & in minutissimis tergiversatus homo difficilis, nec nisi gravatè pecunias cæteraque concedens. Eo autem nomine isthæc Nostri patientiam durius vexabant, quòd ut largius subveniret egentibus, clam esset acturus, veritus Socij pedagogique increpationes. Nihilo tamen minus miseris stipem erogabat, qua destitutus, si quid promptum erat, habitum licet majori pretio, libens tribuebat. Vivebat quidem ille parcissimè, & præter Socium duosque ephebos Indos & coquū, nullis familiaribus utebatur; atque hac perpetuo methodo adhibitâ, proventibus tenuissimis reservatis (erat enim angustissimo censu Goaxacensis Ecclesia eo tempore, nec in præsentiarum ditissima est) tandem aliquando Cœnobium extruxit à fundamentis pro sacris Virginibus, quod à Matre Dei & S. Catharina Senensi nuncupatum, Apostolicâ sibi commissâ autoritate amplissimis Bullis, condidit eximiâ to-

rius Antequerenſis Urbis gratulatione, ſequē cum utroque Clero ſupplicationem comitante, ad aras faciente, & Sanctimoniales religioſè inſtituente menſe Januario anno 1576.

617 Fuerat quidem cunctis gratissimus, Indis autem in primis, qui se ab illo edoctos christianis sacris profitebantur, gestiebantque Parocho suo & Magistro in Pontificem ipsis, ab eo qui Catholicam moderatur Ecclesiam, dato. Quo in genere luculentissimum reverentiæ & gratitudinis Regia dedit fœminæ testimonium, Magdalena nomine, legitima neptis Zaapotecani Regis, cujus in ditione florebat Regnum Teguantepeque, gentis multitudine opulentiæque insigne. Erat quidem Mulier egregijs præclara dotibus, cum christianæ virtutis tum etiam prudentiæ & ingenij, tantaque ab avitis Regibus majestate, ut clientes fiduciarij ejus, coram ipsa transeunte, flecterent genua, in cujus vultum oculos advertere non auderent. Hæc ubi Episcopum, visitandi Provinciam ergo, intra sua consedisſe pomæria scivit, primum intimiores sibi gentisque nobiliores dimissiſit, ejus qui nomine faustum ac fœlicem Pontifici suo adventum auspicarentur; mox ipsa amplissimo comitatu plusquam ducentis Proceribus stipata ac Dynastis, Cœnobium, apud quod ille hospitabatur, adiit, ad cujus januæ aulam multo



BE

to ab Indis ornatu dispositam, Noster Religiosis, Hispanisque viris comitatus processit, Principem fœminam excepturus. Genua hæc religiosissimè posuit, nec assurgere prius voluit, quam pontificiam manum oscularetur eximiæ pietatis indicijs, & christiano ritu benè ipsi ille precaretur. Ad hæc, paratum à famulis scabellum rejecit, tapete contenta super pavementum strato; Episcopus tamen suum illi pulvinar, ut sederet, apponi iussit, quem ipsa honorem maximi fecit. Tum urbanissimis utrimque colloquijs Zaapotecanâ linguâ institutis, Magdalenæ imperio præventi ejusdè accedere servi complures, monilibus, aureisque & argenteis donarijs onusti, exquisitis plumis ac pellibus Leonum Tigridumque exuvijs arte concinnatis, idque genus muneribus magno pretio æstimatis, quæ illa in obedientiæ & gratitudinis tesseram offerebat Episcopo. Is verò magnificentiam gratificatus fœminæ & liberalitatem, pellibus aliquot sibi sumptis, quas mox donavit, cœtera ut in pauperes ditissima Mulier erogaret, familiari redundantique spiritu concione persuasit.

618 Adhæc, ipse perinde quasi Dominicanorum claustris teneretur, agebat, vestitu, mensâ, observantiâque tam ad regulares leges exactâ, ut media etiam nocte ad recitandas Ecclesiasticas preces surgeret, visitationi quo-

BE

quæ intentus Diœcesis, & in Oppidulis diversatus, in quibus non nunquam lumen mutuaturus pro legendo Breviario, in focum ipse ibat concubiâ nocte. Aspera quæque pedes etiam aggrediebatur, ut Indorum aliorumque provideret saluti & incolumitati, nihilque nisi Deum irrequietâ in officio sollicitudine cogitabat. Denique vicennio Ecclesiâ suâ sanctissimè gubernatâ, sacramentis munitus, ad æternam quietem volavit 26 Julij 1579, sepultus que in Antiquo Dominicanorum Conventu, qui hodie Soriani aut S. Pauli dicitur, inde anno 1609 in Monasterium S. Catharinæ, quod ipse construxerat, translatus, prope aram maximam fuit constitutus. Scripsit

*Doctrinam christianam, seu de Catholica Fidei nostræ mysterijs, & pro ministrandis sanctis Sacramentis formulas, eorumque effectus idiomate Zaapotecano. Insigne, perutile, imò etiam pro Indorum Ministris necessarium Opus eo tempore, quo inculta adhuc erat difficillima lingua, quodque merito efferunt laudandi Historiographi.*

Adjici scriptis ejus debent

*Statuta & Constitutiones auctoritate Apostolicâ SS. D. N. Gregorij XIII pro Monialibus Canonij sui, mox dicti, condita, quarum meminit citandus Burgoa. Nostri alteriusque scripti ejus meminerunt Illmûs Davila Padilla in Historia Provinciæ Mexicanæ S. Jacobi lib. 1. cap. 93. M. Burgoa*

Rrrrr

in



in Historia Provinciæ Goaxacen-  
sis 2 part. à cap. 15 usque ad  
18. Ægydius Gonzalez Davila in  
Theatro Ecclesiæ Goaxacensis p.  
223 usque 226. Antonius de  
Leon Pinelo in Epitome Biblio-  
thecæ Occidentalis tom. 2. col.  
733. Torquemada in Monarchia  
Indica tom. 3. lib. 15 cap. 17.  
Episcopus Monopolitanus, & alij  
apud Scriptores Ordinis Prædic.  
tom. 2. ad annum 1579. pp. 251  
252.

619 D. BERNARDUS ANTO-  
NIUS DE LEIVA, Natione, ut vi-  
detur, Mexicanus, ut minimum  
que Domicilio Angelopolitanus,  
Causarum Patronus, edidit ver-  
naculo sermone

*Dissertationem juridicam pro cu-  
jusdam Matrimonij, de cujus valo-  
re agebatur, nullitate ab Ecclesiasti-  
co Judice declaranda.* Angelopoli,  
typis V. Michaelis de Arteaga.  
1726 in fol. Extat tom. 3 Col-  
lect. Mendozianæ.

620 F. BERNARDUS DE AR-  
RATIA, Natione & cunabulis Me-  
xicanus, Ordinis S. Francisci  
alumnus, & Provinciæ S. Evan-  
gelij filius, ejusdem Pater ali-  
quando tandem meritò evasit.  
Scholæ palestram alacriter à ten-  
neris annis aggressus, diu conse-  
cratus est. Lectoris Philosophiæ  
muneri per triennium incubuit,  
Cathedrasque Theologiæ totos  
annos 12 moderatus est & pro-  
fessus egregio inter viros Aca-  
demicos nomine, demumque  
Emeriti laureâ exornatus. Adhæc

Concionatoris ita frequentissimè  
onera subiit, ac si illi se profes-  
sioni addixisset, doctè & eruditè  
hanc perinde ac scholasticam  
spartam adornans. Apostolici No-  
tarij titulo insignis, & Censo-  
ris apud S. Inquisitionis Offi-  
cium honore præclarus habetur.  
Provincialis electus Clarissimæ  
Provinciæ suæ, ejusdem ita re-  
gimen tenuit, ut & Regulari Ob-  
servantiæ & litteris vigilaverit;  
qua defunctus Præfectura, alijs  
jussus insistere, ad Cœnobium de  
Xochimilco dictum in Mexiceo  
conditum Lacu, Guardianum  
agit in præsentiarum. Amicitia  
ut est nobis conjunctus & vete-  
ri Gymnasiorum consuetudine,  
quantum proprias refugiat lau-  
des scimus, queis propterea super-  
sedemus. Scripsit

*Cursum Philosophicum ad men-  
tem Subtilissimi Doctoris Scoti.*

*Tractationes Theologicas varias.*

*Sermones panegyricos & mora-  
les.*

621 ILLMUS. D. D. BER-  
NARDUS DE BALBUENA, Natio-  
ne Hispanus, apud Valdepeñas  
Toletanæ Diœcesis Oppidum na-  
tus, à primis annis Mexicum  
petijt; in qua studijs excultus  
Humanitatis, Philosophiæ item  
atque Theologiæ, post diutinum  
nostrates inter Domicilium, His-  
paniæ restituit sese. Quòd ve-  
rò sumptus pro capeffendâ Do-  
ctorali laureâ in Universitate Me-  
xicanensi, cujus in Gymnasijs  
litteras imbiberat, egregiumque  
sibi



BE

sibi nomen paraverat, largiores essent, quam ut illi suppeterent, Serguntia Doctor Theologus inauguratus fuit, maximique habitus ab egregiâ doctrinâ. Latuit quidem Domicilium studiumque Mexicanum hoc Nostri & Aegydius Gonzalez Davila in Theatro Ecclesiæ Portudivitensis & Nicolaum Antonium in Bibliotheca Hispaniæ nova, ipsum & scripta laudantes, quod hæc inter *Magnalia Mexicea* retulerint quidem, at non legerint, hoc est, Librum eo titulo insignem, Mexici editum à Bernardo anno 1604 typis Melchioris de Ocharre: in quo Libro conceptissimis verbis, quæ memoravimus studia Mexici à se imbibita varijs ipse modis exposuit: nam fol. 31. col. 1. Collegio se, è Mexicanis uno, adscriptum testatur: tum subjungit, quo tempore studijs inibi vacaret, ter instituto certamine Poetico, lauream se & præmium tulisse: primum quidem in Festo Corporis Christi Domini coràm Mexicani Concilij Patribus & Episcopis septem, Præsidente Archiepiscopo D. D. Petro Moya de Contreras, solennissimè acto, & appositissimis numeris celebri; quos autem ipse in Theatrum produxerat col. 2. ejusdem folij totoque sequenti usque ad primam col. f. 33. affert. Mox ibidem & sequenti col. aliud excubuit Poema, quod ad Musarum Judices ipse detulit, spectaculorum causâ, quæ agebantur ho-

BE

noris ergo venienti Mexicano Pro-Regi Marchioni de Villamanrique. Tandem fol. 35 & sequentibus, tertiam exponit poemam Philippo II. Hispaniarum Regi dicatam, quod virum Clarissimum D. Ludovicum de Velasco optatissimum Mexicanis Pro-Regem dedisset. Ne tamen solem facibus adjuvemus, alijs oportet supersedeamus, Lectores ad Librum remittentes, qui cum totus in aperiendis Mexicanæ Urbis magnalibus sit, hæc ita amœnissimis carminibus ponit ob oculos, quasi qui Mexicum, ut dicitur, in oculis ferret, quam attentissimè circumspexerat, cuique grati significationem animi cultissimo Opusculo exhibuit. Longius forsan in hisce morati videbimur cuiquam, nisi duo quæ subdimus advertenti: alterum, è re nostra esse eximium nobis hominem vindicare, quem Collegia nostrâ instituerint atque Gymnasia: alterum, oportere ejus itidem gloriam aperire omnem, etiam à juventute haustâ, qui nostratum palam aperiendis dotibus vigilavit. Nec porro ipse Oratoriâ minus floruit laude, quàm poeticâ, omnigenaque spectabilis doctrinâ Ecclesiastem egit insignem.

622 Abbatis egregio donatus munere 23 Aprilis 1608 Insule Jamaicæ Americæ nostræ, duodecim in ea annos exegit. Mox 23 Januarij 1620 Episcopus Portudivitensis electus, tertio dein anno suæ se stitit Ecclesiæ.



Ab eleemosynis erogatis, Evangelicâ prædicatione, gestisque alijs pastoralis muneris insigni fuit nomine. Anno 1624. Synodum coegit pro opportunâ Diœcesis institutione. Diœcesano Concilio apud Hispaniolam, quæ Insula S. Dominici nuncupatur, celebrato anno 1622 interfuit, ceu unus è Suffraganeis illius Metropolis atque Indiarum Primatis. Tandem, restitutus Ecclesiæ suæ, 11 Octobris 1627 ad plures abiit, ejusque in Cathedrali sua corpus requievit, quam bonorum suorum hæredem voluit, ea lege, ut Sacellum construeretur in ipsa S. Bernardi nomine pro SS. Eucharistiâ asservandâ, cujus ardens religione & amore, annuos redditus consignavit pro collucente perpetuò lampade oleo fovendâ. In hoc tandem Sacellum corpus ejus translatum jacet, atque inibi pro ejus anima, Dominica cujusque mensis prima ad aras fit cum cantu; solenniori autem ritu die S. Bernardo devota, sermone habito, pridieque festivè Vesperis decantatis.

Inter ejus inedita Opera recenseri debet

*Synodus Diœcesana ab ipso habita anno 1624. in Ecclesia sua Portudivitensi*, cujus testem habemus Joannem Diez de la Calle & Ægydium Gonzalez Davila locis infra indicandis: eritque, credimus, in Archivij Ecclesiasticis Portudivitensibus Mss.

Scripserat felicissimo juxtâ &

cultissimo numine, Mexici agens, trinum, quod mox dabimus, Opus poeticum, ut è præfixis Amicorum hispanis carminibus postea transcribendis, fit palam, indicantibus præterea Authorem alijs insudasse elucubrationibus luce dignissimis. Primum quidem edidit materno sermone

*Magnalia Mexicea Baccalauri Bernardi de Balbuena nuncupata Illmò. & R. D. F. Garcia de Mendoza & Zuniga Archiepiscopo Mexicano &c.* Cum privilegio, Mexici, apud Melchiorum Ocharte anno 1604 in octavo. Unde videtur æquivocum passus D. Nicolaus Antonius, Matritensibus typis editum scribens Opusculum eo anno, nisi forsan, quod difficile est, recusum fuerit. Est autem trimembre illud, solutâque & ligatâ numeris oratione constructum. Principio, pagg. 80 constantem Epistolam exhibet Doctori D. Antonio de Avila & Cadena, Archidiacono Novæ Galliciæ, eruditione redundantem & amœnitate pulcherrimâ cum hispani sermonis castitate elegantiaque, in Operis argumentum & nuncupationem collimantē. Dein, post introductionem à fol. 61 ad usque 219 integrum, decora Lirico carmine Mexicana decantat, ejus perbellè magnalia describens & ob oculos ponens. Denique à fol. 120 ad 140 pagg. implet 42 solutum numeris *Compendium Apologeticum in Poeseos laudem*, quod appositissimâ institu-



## BE

to suo eruditione fulget & vernat. Rarus est Liber, cujus vix tria vidimus exemplaria, è quibus unum penes nos esse nobis met gratulamur, optantes curantesque etiam, ut iteratis typis usui esse multis possit.

Scriptit quoque Mexici, edidit que Matrili Bucolicum opus decem Eclogis constans,

*Aureum seculum in silvis Eriphiles.*  
Matrili 1608 in octavo. Quod D. Nicolaus Antonius recenset, & nos hætenus fugit.

*Bernardum, seu Victoriam ad Romicam vallem heroico poemate decantatam.* Mantuæ Carpentanorum, apud Didacum Flamenco 1624. in quarto, spisso volumine, quod in Bibliotheca vidimus Collegij Maximi Mexicani Societatis JESU. Et de hoc tradita à Nicolao Antonio crisis transcribenda nobis visa est, facturaque operæ pretium. Ita illa habet. *Quod quidem in angulis bibliopolarum delitescens, non sine quadam animi indignatione, laude dignis laboribus æqui, sæpe vidimus, lectum paucis auditumve. Cum sanè carminis majestate fere continuo exurgat, rerum adinventione ac varietate plurimum delectet, orationis perspicuitate & castitate nulli cedat: comparationum verò appositissimarum usu, descriptionum elegantia, Geographica Astronomicaque rei locorum pulcherrimâ tractatione, miraue exprimendi, ferèque oculis subjiciendi, quod tam longe à conspectu est, virtute, mea quidem sententia nostros Poetas om-*

## BE

*nes (quod præfiscinè dictum) longo post se reliquat intervallo. Hæc ille, qui, post pauca subjungit: De eo Lupus Fælix de Vega Carpio in sua Apollinis lauro sic olim canebat.*

*Y siempre dulce tu memoria sea  
Generoso Prelado,  
Doctissimo Bernardo de Balbuena.  
Tenias tu el cayado  
De Puertorico quãdo el ciego Enrique,  
Olandes rebelado,  
Robò tu Libreria;  
Pero tu ingenio no, que no podia,  
Aunque las fuerzas del olvido aplique.  
Què bien càstaste al Español Bernardo!  
Què bien al siglo de oro!  
Tu fuiste su Prelado y su tesoro:  
Y tesoro tan rico en Puertorico,  
Que nunca Puertorico fue tan rico.*

His annectere lubet quos supra promissimus Mexicanis magnalibus à Mexicanis item vatibus præfixos in Bernardi laudem & Operum numeros. Licentia-tus Michael de Zaldiverna hunc in modum occinuit.

*Espiritu gentil, luz de la tierra,  
Sol del Parnaso, lustre de su choro,  
no seas mas avariento del tesoro,  
q̃ esse gallardo entendimiento encierra.  
Ya Erifile fue à España, descencierra  
de esse tu Potosi de venas de oro  
el valiente Bernardo, y con sonoro  
verso el valor de su Española guerra.  
No te quedes en sola esta Grandeza,  
danos tu universal Cosmographia  
de antigüedades y primores llena.*



*Del Divino Christiados la alteza  
de Laura, el arte nuevo de Poesia,  
y sepa el mundo ya quien es Balbuena.*

Nec piget Franciscum de Bal-  
buena Estrada Bernardi fratrem,  
ejus in encomium ludentem exci-  
pere.

*Llegò aqui un Hidalgo un dia  
Persona grave y anciana,  
Que por gran cosa traia  
Un librito que decia:  
La Grandeza Mexicana.  
Vino à mi de mano en mano,  
Y en oyendo el cortesano  
Estilo, dixe, Parad,  
Y decidme: Esta deidad  
Es de Homero, ô de mi Hermano?  
No se, mas de polo à polo  
Dixo es bien que esta voz suene,  
Que es de mi Patria el Apolo,  
Y ella mayor por èl solo,  
Que por quanto sin èl tiene.  
Fue dicho sabio y profundo,  
Y Yo en lo mismo me fundo,  
Para solo me preciar  
De quien hà podido honrar  
La mejor Ciudad del mundo.*

Alijs supersedemus, ne multi-  
simus. Ejus meminere, præter  
citatos Ægydium Gonzalez Da-  
vila & Nicolaum Antonium, An-  
tonius de Leon Pinelo in Epit.  
Bibliothecę Occid. tom. 2. col.  
695. Joannes Diez de la Calle  
in Monumentis indicis fol. 19.  
col. 1. fol. 23. col. 2. Carolus  
de Siguenza in Triumpho Par-  
tenico fol. 4. col. 2.

623 D. BERNARDUS (vulgo  
BERNAL) DIAZ DEL CASTILLO,  
Natione Hispanus, Methymnam  
Vacceorum Patriam sortitus, non  
uno duntaxat nomine illustrio-  
rem reddidit, ense juxtà calamo-  
que notissimus, quibus usus est  
instrumentis pro Mexicea Ex-  
pugnatione juxtà & Historia. Me-  
xicanum, si quis ullus, Domi-  
cilium, incredibili labore, pleno  
que alex, ac multo conflictu quæ-  
sivit, ad extremumque tenuit.  
Unus is fuit è fortissimis incly-  
ti Ferdinandi Cortezij asseclis,  
huic qui statim ab inità Novæ  
Hispaniæ expeditione ad finem  
usque firmiter hæseret. Priusquam  
verò incomparabilis Bellidux Fer-  
dinandus hanc aggredereetur spar-  
tam anno 1519; Bernardus se-  
mel anno 1517 Franciscum Her-  
nandez de Cordova Clasis inse-  
cutus Præfectum, iterumque an-  
no 1518 Joannem de Grijalva  
Ducem comitatus, in Novam His-  
paniam conquiendam enaviga-  
verat. Sub Cortezij Signis, mul-  
tis, Hercle, militaribus actis in-  
claruit, quibus egregium animi  
robur prodidit, immortalique  
Hispanorum nomini, ac, quod  
prius est, Catholicæ Ecclesiæ in-  
cremento & gloriæ consuluit. Un-  
deviginti supra centum pugnis  
bellicisque concertationibus, ple-  
risque accerrimè utrinque initis  
Indos inter & Hispanos, inter-  
fuit, vulneribus non semel ac-  
ceptis, effusioque cruore, & im-  
mensis exantlatis laboribus, quos  
&



BE

& ipse scriptis suis tradidit, & testibus instrumentisque productis apud Regium Consilium firmavit, ac insuper Clarissimi viri D. Ferdinandus Cortezius & D. Antonius de Mendoza, Mexiceus Pro-Rex, suis ad Carolum V datis Epistolis confirmarunt, Cæsarque ipse benemeritissimo militi, rureque jam donato, honoribus & bonis voluit provisum iri.

624 Sedem suam apud inclytam Goatemalensem Equitum Urbem tandem defixit, ejus inter adscriptus Rectores præclaros, ubi etiam postremam in senectute bona diem vixit. Historiam Expugnationis Novæ Hispaniæ adornavit, crasâ quidem Minervâ, sed proprio Marte, nullis certè calamistris fucatam, aut cerussâ verborum comptam, stylo licet horrido, militem neutiquam dedecente, cujus pertractandis armis asfueti digiti, Tractatus Commentariaque ferreo stylo dederint, mirum non esse debet. Porro quamquam ipsum crimentur non nulli, hosque inter cultissimus Historiographus D. Antonius de Solis, ejusdem argumento Mexicanæ Oppugnationis intentus; è re nostra est paucis ejus agere partes, absolutionemque procurare. Quòd enim de sua non raro sorte conquestus, Ducem unâ Clarissimum Cortezium insimulet, cujus ceterâ gloriæ & nomini consulit: Quòd propriam sepe laudem affectet, decusque re-

BE

quirat: Quòd similes in Libro suo nævos viri Critici offendant; crimina sunt facilè homini condonanda militiam secuto, qui que divitijs aucupandis & famæ vitam in mille sæpius pericula sanguinemque conjecerit, nil tamen antiquius habuerit, quam pro Deo ejusque Catholica Fide augendâ in vatissimis regionibus aleam subire. Imò grates sunt illi ex animo habendæ agendæque plures, quòd incredibilem Hispanorum audaciam, atque opus post hominum memoriam, si quis ullum, insigne & mirandum, minutatim scripserit, actis que lucem multis dederit, queis interfuit, cæteroquin è memoria abolendis, vel in ancipiti semper mansuris. Scripsit itaque sermone materno

*Veram Historiam Expugnationis Hispaniæ Novæ.* Cujus authographum penes publica Urbis Goatemalensis tabullaria asservari ab Amicis inibi degentibus novimus. Absolutum fuisse Opus 27 Februarij anno 1568 Author ipse scripsit in Proæmio, in quo errata se correpturum pollicetur coramque daturum, quæ Franciscus Lopez de Gomara, Doctor Illefcas, & Illmûs Paulus Jovius in suis ad Indiarum res pertinentibus Scriptis incurrerant rumoribus delusi & corruptis narrationibus, quibus Historiam suam Noster opponit de rebus majorem partem à se visis, & acceptis ab ijs qui etiam oculis usurpave-



paverant. Apographum in Hispaniâ dimissum, è Bibliotheca eruditissimi Viri Regijque Consiliarij D. Laurentij Ramirez de Prado erutum, typis commissit M. F. Alphonfus Remon Ord. B. V. M. de Mercede Chronograpus generalis. Mantuæ Carpentanorum ex Typographia Regni anno 1632 in fol. Cujus Operis meminere & Authoris D. Nicolaus Antonius in Bibliot. Hispaniæ nova tom. 1 pag. 175. D. Antonius de Leon Pinelo in Epit. Bibliot. Occid. tom. 2. col. 604. Ubi querelæ memor institutæ à D. Francisco Antonio de Fuentes & Guzman tertio Authoris Nepote, in Proœmio Historiæ Goatemalensis Mss, de adulterato typis Bernardi sui Opere, cum authographo, quod penes se habebat, collato; ei satisfacit, quòd cum rerum summam & capita variationes non tangerent, parvi ducendæ sunt, forsanique ab Authore ipso in Libri transcriptione consultò factæ. Easdem querelas habet P. F. Franciscus Vazquez in Chron. Provinciæ Goatemalensis Franciscanorum tom. 1. lib. 1. cap. 2. præcipue pag. 12.

625 D. BERNARDUS DE FRIAS, Natione, ut credimus, Mexicanus, incerta nobis Patria, Goadalaxarensis Ecclesiæ, quæ Cathedralis est Regni Novæ Galliciæ Canonicus, edidit vernaculè

*Panegyrim de S. Michaelis Ar-*

*changelo ejusdem Regni Patrono.* Mexici, typis Joannis Ruiz 1667 in quarto.

626 F. BERNARDUS DE LIZANA, Natione Hispanus, Ocaniæ Villa Regni Toletani ortus, in patrio Conventu Franciscanorum Provinciæ Castellani Sraphici Parentis instituta sectatus, in Jucatanensem ejusdem Ordinis Familiam anno 1606 transivit. Indorum Regionis illius Linguam penitissimè calluit, cujus pro inde Magisterium multis annis egregio discipulorum profectu & commodo gentis exercuit. Hispano sermone doctè concionabatur atque delucidè pro Hispanorum eruditione. Quòd verò nil antiquius haberet, quam ut Indi in sacris & devotis proficerent, ijs auditoribus frequentissimè è superiori loco dicebat, & ut Religiosi Parochi, pro suo quisque munere, illorum institutioni vigilarent, & christianam doctrinam palam exponerent, hortabatur urgebatque Dei judicis horrore, siqui forent, segnes percellens, & officij admonens: quo nomine dicere solebat sperare se Dei misericordiâ fovendum. Humanitate insignis & mansuetudine, acceptissimus erat omnibus, Sodalesque inter Præfectoris inclaruit, futurus, ut dicebatur, in comitijs proximè cogen-dis Provincialis, ni quæ ipsum interceptit mors, prohibuisset. Ægritudinem patienter admodum toleravit, rogabatque invisentes cum



tum Socios, ut pijs colloquijs moriturum foverent, ad virtutum exercitia omnemque pietatem stimulant. Sacramentis devotissime sumptis, horâ, ut visum fuit, exitus prænuntiata, postremam diem egit Emeritæ Jucatanensium 2 Aprilis 1631, ætatis supra 50, domicilij verò sui in Jucatanensi Provincia 25. Scripsit hispanâ linguâ

*Historiam Provinciæ Jucatanensis, ac ejus spirituales Expugnationem, unâ cum Devotionario Domine nostræ de Izimal.* Vallisoleti anno 1633 in octavo. Quam editionem se vidisse testatur P. F. Joannes à S. Antonio in Bibliotheca Franciscana tom. 1 pag. 217, eandemque affert D. Nicolaus Antonius tom. 1 pag. 176. Extat in Bibliotheca Collegij Maximi Mexicani Soc. JESU.

Authoris & Operis meminere Wadingus & Coronelli tom. 4. Bibliothecæ universalis n. 3763. Alva in Militia col. 196, & F. Didacus Lopez Cogolludo in Historia Jucatanensi lib. 10 cap. 20 pag. 62.

627 P. BERNARDUS DE MERCADO, Natione Mexicanus, Patria Goadalaxarensis, Professione Societatis JESU, Humanioribus litteris cruditus, Philosophiâque doctus atque Theologiâ, Dei honoris & animarum zelo ductus Missiones petivit vastissimæ Cinaloensis regionis, apud quas ut futuris etiam Sodalibus prodesset & incolis, scripsit

*Artem Linguae Mexicanæ dialecto qua Cinaloensis orâ maritime Indi utuntur, quam typis paratam habere à gravissimis viris accepimus.*

628 FR. BERNARDUS DE RIBAS, Natione Hispanus, Patria Burgenfis, Seraphici Parentis Regulam nuncupatis votis sequutus, è Provincia, quæ nos latet, Hispaniæ, in Jucatanensem ejusdem Ordinis contulit se, cui etiam præfuit, postquam Emeriti Lectoris tulerat lauream, Commissariumque egerat pro visitandâ Goatemalensi Franciscanâ Familiâ. Publici juris fecit conciones duas, alteram

*De Magno Ecclesiæ Doctore S. Augustino.* Mexici, ex Typographia V. Francisci Rodriguez Lupercio 1699 in quarto.

Alteram *De SS. V. Maria transfusione seu doloribus.* Mexici, eisdem typis & anno.

*Tractationes Theologicas ejus & Philosophicas, ceterasque Conciones* hîc addant Sodales Authoris amibibus.

629 D. BERNARDUS DE RIOFRIO, Natione Mexicanus, cujus in ancipiti nobis est Patria, Mexicæ Universitatis alumnus studijs apprimè excultus Humanioribus, doctusque Philosophicis, Juris professionem utriusque fecit tanto progressu, ut Licentiæ gradum in Canonica Facultate detulerit, Causidicusque apud Regium Senatum, Auditorum suffragijs Judicium, renun-



tiatus fuerit. Cathedris Academicis & Ecclesiarum Canonicatibus petendis incubuit, donec in Vallisoletana Michoacanensium Ecclesia, prælectionibus idque genus staturis alijs periculis, Doctoralem, ut dicitur, pro Ecclesiæ asserendis juribus tenuit. Strenuè functus munere, præter scripta eò collimantia, operam etiam posuit in Mexicanam Curiam à Capitulo suo Procurator Generalis dimissus. Dein auctus dignitate, à Thesauris fuit ejusdem Ecclesiæ, cujus in gremio denatus, nomen post se bonum reliquit, & è multis scriptis suis, quæ subnectimus edidit. Latino sermone

*Centonicum Virgilianum Monumentum mirabilis Apparitionis Purissimæ Virginis Mariæ de Guadalupe extramuros Civitatis Mexicana. Mexici, ex Calcographia Francisci Rodriguez Lupercio anno 1680 in folio.*

Est quidem Centonicum hoc monumentum, amœnissimū Poema è Latinorum Principis vatū segmentis ingeniosè confutum, describendi ergo floridissimam Deiparentis Imaginem jam inde ab anno 1531 Mexici repente apparentem coram Venerabili Viro Illmō D. D. Joanne de Zumarraga, primo Episcopo Archiepiscopoque Mexiceo, quæ videlicet cœlestis Imago mirè in pallio Indi depicta fuit, quod è collo pendebat, in quodque flores ipse vividos & pulchros in-

jecerat, quos, jubente Dei Matre ipsum allocuta, enatos in asperissimo monte, illis alijsve ferendis assueto nunquam, sæviēte hyeme mense Decembri, faustè collegerat, Episcopo oblaturus in signum apparentis Deigenitricis, Templumque ut inibi montis extrueretur dicentis. Hercle, uti Noster in hoc Opusculo prodigio similem describit Imaginem, quæ non sine jugi miraculo per duo secula annosque unum supra viginti illæsa persistit, nullam temporis injuriam experta, telè licet innixa admodum debili, corruptionique obnoxia, atque in solo faxis etiam & metallis corroden- dis aptissimo; ita pietatis suæ adversus Dei Matrem, eruditionis & ingenij iconem expressit, quæ edax rerum nequeat abolere vetustas.

Hispano sermone edidit

*Pro V. Decano & Capitulo Vallisoletana Ecclesiæ Michoacanensium, ceu gemina hospitalis domus Patrono, defensionem. Mexici, 1688 tacito typographi nomine, in folio. Extat tom. 41. Collectionis Mendozianæ.*

*Dissertationem pro eadem Ecclesia in negotio ejusdem fabricæ materialis, in cujus favorem data Regia schedula extendenda magis, quam restringenda defenditur. Mexici, eodem anno 1688 in fol. Habetur ab eodem Mendoza inter scripta nondum cum alijs compaginata.*

630 D. BERNARDUS ROMERO, Natione Mexicanus & Patria,



tria, post datam strenuè à primis annis operam Latinitati hauriendæ & Philosophiæ, Gymnasia Academię & Collegij Seminarij à S. Paulo & Purissima Conceptione frequentans, lauream adeptus, totum se ad utrumque Jus addiscendum tradidit fælici successu, ut subinde Doctoratus in Canonica Facultate pileum detulerit, atque egregiâ comparatus doctrinâ pro regendis Cathedris egerit candidatum. Vespertinę Imperialium Legum ad quadriennium præfectus, mox Clementinarum provinciam interpretandarum suscepit, quam tandiu excoluit, donec Canonice Doctoralem in Ecclesiâ Vallisoletana Michoacanensem, contendentibus doctis alijs viris, obtinuit. Sacerdotio defungens eo, Vicarius Generalis Diocesis ejusdem institutus est ab Illmô. D. D. D. Martino de Elizacoechea, Episcopo Michoacanensi, quod diu munus peregit juxta que Doctoralis officia, luctus jam diu multis incumbere; nam his quæ diximus, Causidici partes adjunxit à Senatoribus Regijs probati, pro ea quæ decet Ecclesiasticos viros moderatione; & prædicandi verbum Dei potestate sibi factâ usus, animarum commodis vigilavit, in Mexiceis suburbij christiana pauperibus documenta ministrans. Demum, piè traductam vitam, sacris expiatus omnibus conclusit Mexici, quò valetudinis gratiâ curan-

dæ paulo antea devenerat, hoc anno 1752. Funus ejus Illmûm. Capitulum Metropolitanum nostrum, qua Sodales suos pompâ prosequitur, accuravit in Templo nostro, unde mox in Oratorium elatus pro eximia adversus Sanctum Parentem Philippum religionē ibidem quiescit. Scripsit quæ ex Academicis Libris habemus

*Commentaria in Titulum de vulgari & pupillari substitutione.*

*Commentaria in Titulum de Testibus.*

*Allegationes præterea hispano sermone varias in punctis juris, quas penes suos esse credimus Mss.*

631 D. BERNARDUS DE YUN IBARBIA, Natione Hispanus, in Villa Legorreta Provinciæ Guipuscoanæ nobilibus admodum parentibus ortus, Domicilio & studijs Mexicanus, vir fuit in paucis à virtute & scientiâ Clarissimus. Parentem comitatus Regiæ Procurationis nomine in Portum à Vera-Cruce dictum venientem, præsidarios inter milites ipse obtemperaturus genitori, qui genio erat martiali, ducemque egerat Regiæ triremis, adscriptus fuit. Quadriennio transacto Mexicum deductus, Ecclesiastico, quem in votis habuerat statui, idoneum ut se redderet, Grammaticam avidissime hausit, qua imbutus, nomen dedit Universitati & Collegio Maximo Soc. JESU pro imbibendâ Philosophiâ, cujus laureâ donatus



tus fuit, atque id consequutus honoris, quod decerni in Scholis nostris solet tribus reliquos inter Socios studij eminentioribus. Mox Theologiæ non minorem operam dedit, in qua Academico ritu Baccalaureus formatus, Doctoratui proludens, huic propterea subduxit se, quod, Sacerdotio initiatus, jamque audiendis confessionibus sacris, & concionandi muneri cum laude deditus, instituto candidatorum pro regendis Paræcijs concursu, eam perpetuo titulo jussus fuerit curare, quæ procul disita à Mexico, Argentifodinarius de Sultepec dicitur, estque nomine insignis.

632 Ubi eò se contulit, totum se parochiali mancipavit officio, quod 39 annos ibi Mexici que sanctè ad obitum usque fuit prosecutus. Perantiqua est quidem illa Paræcia, jam inde à temporibus primi Archiepiscopi Mexicani V. D. F. Joannis de Zumarraga instituta, cujus subinde Templum vetustate collabens, statim non sarcire modò curavit, sed instaurare penitus firmissimis muris & contignatione, insuperque sacris paramentis, argenteis vasis, omnique suppellectili Ecclesiasticâ paulatim instruere, donec fere ad magnificentiam & pompam ornavit. Erat fanè egregia religione, quam ut in Hispanos, Indos, cæterosque paræcos transfunderet, nullis laboris pepercit ac sumptibus, Eccle-

sias Adiculasque sacras omnes 33 numero in ditione sua, quæ latè porrigitur, pridem extructas, Altaribus, Imaginibus, ornamentisque omnibus instruens, totasque undecim de novo Ecclesias ædificans, reliquas sarcians, & cuique opportunè ad divinum providens cultum. De populorum eruditione sollicitus, christianam doctrinam pueris, coram frequentissimâ multitudine, instillabat. Præceptores singulis in Pagis, pro ut Regijs cautum est schedulis, deligebat; adultis è superiori loco dicebat, paratis multo studio & scriptis concionibus, singulis dominicis diebus.

633 Insuper, pluries pro componendis moribus, qua erat in dicendo vi & energiâ, prædicabat, Orationibus etiam panegyricis Deum, Purissimam Virginem, Cœlitesque concelebrans, atque unâ auditores ad virtutes sectandas, declinandaque vitia vehementer adhortans. Ad aras quotidie faciebat devotissimè, & exactissimè ad sacros ritus, quorum, etiam minutorum, praxi reverentiæque invigilabat. Sacramenta ut administraret omnia promptissimus erat noctu diuque, multis sæpe disita parafangis Oppida petens, atque aspera complura itinerum temporumque incommoda devorans. Sodalitates pridem erectas fovit, & Indulgentias pro eis adscriptis aperuit, in primis autem à Rosario nuncupatam, quæ in-

nu-



meris Pontificū beneficijs scatet. Judicis Ecclesiastici munere unā functus cum Parochiali, offendicula quæque avertere satagebat, comitate potius & mansuetudine usus quam strepitu Fori.

634 Hanc ut annis 19 provinciam obierat, Mexicum evocatus ab Illmō. Præsule D. D. F. Josepho de Lanciego & Egulaz, cui propterea cordi erat, quod ejus conscius esset doctrinæ & virtutis zeli in Parochiali officio; à S. Catharina nuncupatæ Ecclesiæ, quæ intra Mexicea pomaria est, præficitur; quam ipse non secus curavit ac Sultepequensem instruxerat. Nā solo æquatum antiquum, jacta quæ pro magnifico Templo fundamenta invenit, quæis toto nisu muros superstruxit, Sacrarium idque genus alia aggressus est, unaque suppellectilem adornare, pueros, statutis diebus, catechesi instruere, concionari Dominica quaque, quadragenarij jejunij tempore ferventius è Pulpito dicere, omnibusque omnia ovibus suis fieri, præter Deum & commissum sibi ministerium alia fastidiens. Hinc, reluctantem licet atque mærentem, ut oculati testes sumus, Capitulum Mexicanum, Sede-Vacante, in Parochiam, quæ Primariæ vix concedit, S. Michaelis promovet, recens ædificatam, ornarique multo apparatu cœptam. Nec sanè paræcis gratus quidquam accidit & jucundius, gratulantibus

Vvvvv

sibi nactis hominem Sanctum eorum saluti invigilaturum.

635 Nihilo ipse sibi dissimilis, adyta pulcherrimis multo sumptu picturis ornavit utrimque, Sacrarium pariter instruxit, Sacellum pro Eucharistiâ servandâ Baptisteriumque appositis imaginibus sacris, eruditè juxta quæ piè ob oculos intuentium ponentibus ea quæ peragi mysteria in sacris his locis consuescunt. Catechesim, conciones, cæteros quæ sermones de more suo prætermisit nunquam. Confessiones ut exciperet, sive in Ecclesia sua, sive in ædibus languentium, promptissimus quamquam semper fuisset, nunquam tamen, aut exactius, aut laboriosius huic oneri incubuit, quam sæviente Mexici lue annis 1736 & 1737, quæ innumeris propemodum Indis, Hispanis, cæterisque exitialis fuit & mortifera. Ordinarijs Coadjutoribus, quos abundè perpetuò habuerat, longè plures ea tempestate accersivit infirmis sacramenta ministraturos, quibus diu noctuque discurrentibus, haud propterea longam ipse quietem sibi captabat, imò nocturnum tempus, alij ut paululum cubarent, sibi delegerat expiatio agrotas animas, sacra synaxi, & postremâ unctione recreaturo.

636 Adhæc, nominatim vocatus à multis, renuentibus apud alios Sacerdotes vulnera aperire animi, morem gerebat, humanis-

simè



sumè prælongis aures confessionibus commodans, atque implexos exolvens nodos, quos ad decennium, viscennium, & longius etiam tempus protracta pœnitentia, aut irritò conatu petita absolutio texuerat: illo interim gratulante sibi suam sortem proximos in majori causa juvandi, nunquamque alacrior atque vegetior, quam ubi egrotam 45 annis animam, nulla toto eo tempore, aut, quod deterius est, improbè factâ confessione sacrâ, patientissimè juxtâ & scitissimè auditam, vitæ restituit. Valetudinario intra Parochiæ fines suæ gemino constructo, opportunè de sacris providit: Cæmeteria pro humandis cadaveribus longè difflata benedixit, in quæ efferri non fatigatione tantum, sed sumptu etiam erogato sategit: Supplicationes instituit & novendialia sacra multa religione & pietate, quam ut & paræci discerent, fervidas è superiori loco conciones habuit, illos ad pœnitentiam, eleemosynam, omnemque virtutem hortatus. Quæ omnia obiisse hominem septuagenario longè majorem, totque defatigationibus & studiis attritum, ejus robur spiritus & eximiam in gerendo munere diligentiam unâque charitatem palam exponit. Magno semper fuit nomine à dicendi peritiâ, doctrinâque omni Theologicâ: nec minus ipsi peperit decus Ecclesiastico dignissima vita, qua mora-

tis quibusque ædificationi erat, habebaturque ceu Clerici exemplar & Parochi.

637 Humillimus interim ipse ab omni fastu alienus & captandâ gloriolâ, Dei uniùs quærebat honorem, salutem animarum inhiabat, pauperibus consulebat, ijs in primis qui litteris operam dabant, quorum domi suæ dixeris habuisse Collegium, sex octove in eam traductis & alitis. Eximiâ in Divos pietate, sacram singulari amore Familiam prosequabatur, aliosque præterea Cœlicos, Joannem Baptistam, Catharinam Martyrem, Michaellem Archangelum, Bernardum, Ignatium de Loiola & Philippum Nerium, Jesuitis Oratorianisque Patribus addictissimus. Porro tam erat ille exemplis conspicuus, ut P. Alexander Romanus Societatis JESU Provinciæ Mexicanæ Præpositus, vir egregius, dicere haud dubitaverit, mirum sibi futurum neutiquam, si Bernardo moriente, sua æs campanum sponte sonaret, viri sanctitatem indicaturum. Quamquam verò obmutuerit illud, mota repente terra, animam illo agente, visa est pretiosam hominis mortem indicare, ut in Ecclesiasticis tabulis legimus evenisse in obitu S. Paulini Nolani Episcopi. Noster morbo apoplexiæ simili correptus, excessit die 26 Junij 1739, ætatis 76, & proxima die elatus fuit in Parochiam suam, tam insigni Cleri



BE

ri frequentia funus Ecclesiastico ritu agentis, vix ut similis sperari possit nisi in Episcopi iustis. Procurarunt illud Cathedralis Ecclesiæ Parochi Sodalitatis gratia & obsequij, in primisque D. D. Joannes Josephus de la Mota eorum antiquior, qui ultrò se obtulit officio peragendo, concurrentibus multis è religiosis Familijs viris, nobilibus, & populi confertissimâ multitudine, quibus Bernardus pergratus erat omnibus & verendus egregiæ potissimum virtutis nomine. Ejus nos consuetudine usi familiarissimè, à quo lustricum nomen accepimus de licentiâ Metropolitanæ Curionis; in postremis tabulis hæredes instituti, comparatum æs è divendita Bibliotheca sua, in qua, ut deliciae sic etiam thesauri ipsi erant omnes, ornatui Ecclesiæ, quam extremis annis rexerat, S. Michaelis addiximus, elucubrationibus proprio ejus charactere cunctis penes nos reservatis, quarum propterea indicem teximus accuratum. Edidit idiomate hispano unicum

*Sermonem Eucharisticum pro insignibus à Catholico Rege nostro Philippo V reportatis victorijs habitum in Parochia Sultepequensi.* Mexici typis H. Joannis Josephi Guillelmi Carralcoso 1711 in quarto. Extat tom. 24 Collect. nostræ.

Scripsit verò tomos 21. quorum alij Expositionem Doctrinæ Christianæ multis doctis & eruditis concionibus exhibent: alij

BE

plures sacros Panegyricos continent; cæteri, Sermones pro instruendis moribus, multâ omnes doctrinâ referti, & ad christianæ præcepta oratorie formati hispano sermone complectuntur. Ita illi habent.

*Expositio Symboli Apostolorum* Tomis 2.

*Expositio septem Ecclesiæ Sacramentorum* Tomis 2.

*Expositio decem Præceptorum Decalogi* Tom. 1.

*Sermonum in Festis Beatissimæ Trinitatis & Christi Domini* Tomi 2.

*Sermonum de SS. Eucharistiæ Sacramento* Tom. 1.

*Sermonum de Sanctis* Tom. 3.

*Sermonum de varijs argumentis* Tom. 1.

*Sermonum Quadragesimalium* Tom. 4.

*Sermonum de patientibus expiatorum ignem animabus* Tom. 1.

*Concionum variarum* Tom. 3.

Meminit ejus multa cum laude D. Caietanus de Cabrera in Gentilitijs Mexicanensibus, seu de Guadalupana Deiparentis Imagine tom. in fol. à n. 476 ad 479 inclusive plura ex his quæ scripsimus bono in lumine collocans.

638 D. BLASIUS DE ARTEAGA, Natione Mexicanus & Patria, è nobili Domo progenitus, unus nobis pro tota Grammaticâ addiscendâ Præceptor fuit, quem ad nostras quotidie ædes, ceu ad litterarium ludum, humanif-



nissimè venientem audivimus, & tenerrimè ex corde dileximus. Præbyter fuit egregiâ pietate conspicuus. Latinitatem hauserat Philosophiamque à Magistris Societatis JESU in Collegio Maximo Mexicano; Theologiam & laureas in Academia nostra retulerat. Instituto juxta Tridentini Decreta Concilij Seminario Metropolitana Ecclesiæ Collegio primos inter Grammaticæ Professores accitus, instituendæ juventuti strenuam multis annis operam dedit, matutinis vespertinisque lectionibus quotidianis incubens. Quidquid ipsi reliquum erat temporis piacularibus excipiendis confessionibus in Cathedrali Ecclesia & in Sanctimonialium Monasterijs pro Dei gloria & salute animarum ultrò ponebat. A Gymnasijs translatus regendis ad Gynæcei Præfecturam, quam ei superno illustratus lumine prænuñciarat vir Clarissimus, de quo scripturi sumus in loco, P. Dominicus Perez de Barcia, Collegium Bethlemiticum à S. Michael dictum, ad mortem usque rexit. Ad aras quotidie faciebat, fœminarum confessiones sacras plurimum audiebat ex ijs quæ claustrum inhabitant plusquam 200 numero, omniumque spiritualibus ac temporalibus commodis vigilabat, paternâ eis providens charitate. Ut successores sibi in munere Socium haberent, gravissimumque onus ipse levaret, Sacerdotij census proprio ære in-

stituendos à morte reliquit Præbytero destinatos alendo, qui auxilio esset Rectori Collegij, jure Patronatus futuro penes Præpositum ac Patres Congregationi S. Philippi Neri, quibus addictissimus fuerat, quorumque in Ecclesia sepultus requiescit. Obijt in Domino die 15 Januarij 1736. Scripsit.

*Animadversiones pro Latinâ Syntaxi callendâ*, quibus, manu nostra transcriptis, usi sumus Latinitatis tyrocinium agentes. Meminit ejus P. Julianus Gutierrez Davila in Monum. Hist. Congregationis Oratorij Mexicanensis p. 1. n. marg. 573.

639 F. BLASIUS MORALES, Natione Mexicanus, Patria Goatemalensis, Provinciæ inibi florentis Observantiæ S. Francisci sub SS. JESU Nomine filius, vir fuit ne dum omni instructus Theologiâ, sed verò etiam in utroque Jure valdè eruditus, juxtaque pius, uti ex scriptis ejus ineditis conjectu est pronum. Sunt illa quidem sequentia.

*In varios Canonici & Civilis juris titulos animadversiones.*

*De Theologiâ Dogmaticâ.*

*De Immaculatâ Deiparentis Virginis Conceptione.*

Quæ tria Opuscula spisso uno volumine custodiuntur in Bibliot. Primarij Cœnob. Franciscanorum de Goatemala; in qua itidem habetur ejusdem Authoris Liber alter ad Scholasticam Facultatem spectans.



BL

BL

*De Divinis Personis;*

Ut author nobis est P. Arochena in de Scriptoribus ejusdem Provinciae Sillabo n. 4 Articuli eorum qui Latino idiomate elucubrationes suas adornarunt.

640 FR. BLASIUS DE PULGAR, Natione Hispanus, Provinciae S. Evangelij Regularis Observantiae Seraphici Parentis alumnus, in quam Emeriti Lectoris Sacrae Theologiae titulo donatus, ab admodum R. P. F. Antonio Cardona Commissario Indiarum generali, postmodum Illmo. Archiepiscopo Valentino, dimissus, Primariam rexit Cathedram Mexicci Coenobij, juxtaque sacro addictus fuisse, multam à sapientissimis viris retulit laudem: Hos inter P. Joannes de Goicochea Societatis JESU Theologus, & in Oratoria Facultate Magister percelebris, in Censura praefixa concionibus post Blasij funus in lucem eductis, ipsas ceterasque authoris plurimi facit, testatus, dignissimas esse hominis qui prophanos unà sacrosque Oratores imitatus fuerit graviores, nec arte minus esse conspicuas, quam argumentorum pondere, rerumque & sententiarum ubertate, in Dei & Sanctorum gloriam, auditorumque profectum tendentes, aptissimasque. Praeter hanc Apostolicam hominis, fatis jam defuncti, vitam multis commendat, Deo chari, proximorumque bono dediti. A Mexiceis Fidei Judicibus Censor delectus fuit;

& à Provinciae Superioribus Primarijs Conventibus Guardianus datus, Diffinitoresque inter scriptus. Obiisse desinente seculi hujus anno 9 vel ineunte 10 ex memorata Censura colligimus, cum alijs, & Operis postremo recensendi loco, nuncupatoria ac prooemio, vivente adhuc Authore anno 9 adornatis. Edidit hispano sermone

*Orationem Pagyriceam & Declamationem Funebrem in Exequijs actis in Conventu S. Francisci Catholico Hispaniarum Regi Carolo II. Mexici ex Typographia V. Francisci Rodriguez Lupercio 1701 in quarto. Extat tom. 27. collect. nostrae.*

*Orationem Eucharisticam Deo Deiparentique Virgini, sub Imagine nuncupata à Remedis, habitam in Cathedrali Ecclesia Mexicea pro natali Ludovici I Hispaniarum Principis. Mexici typis V. Michaelis de Ribera 1708 in quarto. Habetur tom. 53 dictae Collect.*

*Sermones sex in Canticum Salve Regina, habitos in Sacello Mexiceo Cantabrorum de Aranzazu dicto. Mexici, eisdem typis 1710 in 4. Extat tom. ejusdem Coll.*

Majoris Opera voluminis scripsisse, ipse Author in Prooemio insinuato fatetur, quorum tituli & argumenta nos fugiunt, existimamus verò & ad Philosophiam Theologiamque spectare & ad Oratoriam Sacram.

Meminit ejus Bibliotheca Franciscana tom. 3 in Appendicibus

XXXXX

bus



bus littera B, quamvis, præter  
cōcionem unam, Opuscula ipsam  
alia latuerint. Itemque Pinelus in  
Epitome Bibliothecæ Occidentalis  
editionis novissimæ col. 923.

641 F. BONABENTURA DE  
SALINAS & CORDOVA, Natione  
Peruanus, Limæ Regia Urbe to-  
tiusque Meridionalis Americæ ca-  
pite, nobilissimis Americanis  
item genitoribus usus, Doctore  
Didaco de Salinas, & D. Joanna  
de Silva & Cordova, ab Hispa-  
nis parentibus genitis, longis  
majorum imaginibus claris, na-  
tus est. Ingenue & liberaliter  
educatus, in Limensi Universita-  
te percelebri Latinis operam de-  
dit litteris, Rhetoricam coluit,  
& imbutus liberalibus Artibus  
fuit. Hæc inter ephēbum egit Pe-  
ruani Pro-Regis Clarissimi Viri D.  
Ludovici de Velasco, Mexicani,  
Equestris Ordinis Divi Jacobi,  
qui nuper Mexicæ Pro-Regem  
egerat, egitque dein, tituloque  
insignitus Marchionis de Salinas,  
Regij supremi Indiarum Consi-  
lij Præses evasit. Noster, Comi-  
ti de Monterey, Peruvienſium  
clavum Regis vice tenenti, præ-  
textatus item assecla fuit; post-  
modum inter familiares Mar-  
chionis de Montefclaros D. Joan-  
nis de Mendoza & Luna, Li-  
menſis Pro-Regis, habitus est.

642 Hujus, quem postremo  
nominavimus loco, Principis ius-  
ſu, Regium Archivium in ordi-  
nem redegit, Libris, Schedulis,  
Monumentisque ita dispositis, &

ad Chronologiam aptatis & Indi-  
cem, ut facili deinceps negotio  
inveniri ea potuerint & legi. Hinc  
ejusdem Pro-Regis Primus à Se-  
cretis Gubernationis renunciatus,  
eo aliquot mensibus munere fun-  
ctus, mundo valedicere secum  
constituit, & Seraphicæ Familiæ  
nomen dare apud Limensem à  
duodecim Apostolis nuncupatam  
Provinciam, Scilicet, ubi legere  
incæpit Regia Decreta Legesque  
sanctissimas pro Indorum con-  
versione Catholico zelo sanctas,  
& ad utriusque regimen Ameri-  
cæ æquissime humanissimeque  
compositas, Catholicorum mira-  
tus Regum pietatem studiumque  
insigne Archiepiscopos, Episco-  
pos, Prædicatoresque destinandi  
viros sanctitate vitæ & doctrinâ  
præclaros, qui instituendis invi-  
gilarent ac fovendis hominibus  
nuper paganis; æstare quoque  
se occupasse fatetur, & utut pos-  
set prædicationi insistere cogita-  
vit, ubi sacras præphanis, quibus  
instructus fuerat, litteras addidit-  
set, sacrisque initiatus, Apostolico  
muneri aptatus fuisset, pro ut  
conceptis ipse verbis exprellit non  
apud Indos modò, sed verò etiam  
coram Hispanis Italisque, & plu-  
ries apud Urbanum VIII & Sacras  
Romanorum Congregationes, est  
que legere in Memoriali à se edi-  
to toto § 5 & signatim à n. 67.

643 Religiosâ emissâ pro-  
fessione, statim Superiorum præ-  
scripto Magister primùm Latini-  
tatis atque Rhetoricæ destinatus



juvenes triennio instituit; quæ Philosophiam semel iterumque è Cathedra ad septennium tradidit. Mox Theologico incubuit suggestui, etiam Primario, donec Emeriti lauram reportavit, pluribus institutis discipulis, qui doctrinâ insignes, Provinciæ Patriæque ornatui deinceps fuere muneribusque & gestis præclari. Nec verò à proposito, quod jam diu conceperat, prædicandi resiliit: nam utrique deditus & unâ suggestui, sermones habuit Limæ sapissimè: in alijs non longè diffitis Urbibus & Pagis, feriato ab Scholis tempore, doctos ac pios, & Indorum protectioni, multa id temporis iniquè patientium, justitiæ & humanitati conciliandis asserendisque destinatos, nil interea moratus querimonias atq; calumnias inde in ipsum enatas. Multi à Pro-Regibus, Episcopis, Virisque sapientissimis & gravissimis habebatur, ut propterea ejusdem in Hispaniam pergere gestientis, juvandi Indos causâ, votis obsecundaverint, ipsumque honoribus cumularint. A Provincia sua Definitor & Custos in Comitia Ordinis generalia Romæ cogenda destinatus, Procuratorque in utramque Curiam, cum pro rebus alijs gravissimis, tum pro V. P. F. Francisci Solano Beatificatione & Canonizatione curandâ dimissus, & ab Archiepiscopo Limensi Viro Clarissimo D. Ferdinando Arias de Ugarte ad visitanda Apostolorum

limina Nuntius, negotiorumque Metropolis suæ gestor Romæ: Urbis item Limensis nomine amplissimaque Facultate Solani Apoteosim acturus, multis Testimonijs & Epistolis præmunitus, tandem 23 Decembris 1637 Hispaniam appulit.

644 In honore à Rege habitum Regijsque Consiliarijs, Supremum quoque Inquisitionis Consistorium suis cum Theologis aggregavit. Tum Romam protectus Comitijs interfuit Franciscanorum, è toto terrarum Orbe confluentium pro Ministro Generali eligendo, tantique æstimatus à Superioribus fuit, ut Præsidentem egerit thesum coram deliberatissimo scientiarum flore in maximo eo Theatro propugnatarum, plaudentibus Americanum Theologum Romanis exterisque alijs eruditissimis, atque ex Hispanis in primis Viro omni majori laude P. Joanne de Lugo Societatis JESU, qui concertantes inter adfuit, dein S. R. E. Cardinalis eximijs meritis fuit auguratus. Noster, ut in Neapolitanâ palæstrâ Cathedram subiret Primariam Theologiæ, regendisque Studijs suorum floridissimis ex munere intenderet, jussus, eò contendit, ad septenniumque defunctus provinciâ egregium sibi nomen apud cultissimam Neapoli capita peperit: Discipulis Americanis, quos prius docuerat, Europeos adjiciens, non pœnitendis fructibus, aut in-



gratâ Itálorum, quibus cordi fuerat, recordatione.

645 Nec propterea negotijs diligentia suæ demandatis apud Romanam Curiam, subtraxit se, tempora illis consignans, quæ Gymnasij Leges Professorum otio concedunt. Pluries coram Summo Pontifice Urbano VIII & Sacris Congregationibus, applaudentibus Purpuratis & Prælati, oravit, cum pro Limensi Archiepiscopo ejusque Ecclesiâ, tum pro Beatificationis & Canonizationis Causâ V. P. F. Francisci Solano, tum pro negotijs alijs. Apostolorum Limina, ut injunctum sibi onus ferret, religiosissimè coluit. Multa Regis Catholici Patronatum Jusque Indiarum concernentia defendit, politicisque magni momenti ea tempestate occurrentibus, ut decebat fidelissimum erga Regem suum hominem, inservivit, gratus propterea & Regi ipsi & Consiliarijs ejus, Ordinisque sui Superioribus.

646 Hispaniam evocatus ut quiesceret, totque egregiè gestorum præmium aliquod reportaret, Valentia substitit, calumnijs impetitus & maledictis invidorum, qui hoc etiam nomine ei detrahebant, quod natus in America Hispanis parentibus indignus judicari deberet præclaro, quo donatus fuerat, officio Commissarij Generalis Familiæ suæ apud Hispaniam Novam. Depulsis tamen & in auram & fu-

mum, ut par erat, evanescentibus æmulorum cavillationibus, quas sapientes quique & cordati cachinnis excipere despiciatui blaterones habentes, qui non livore duntaxat percitos, sed inficitia laborantes, eis se obtreccionibus monstraverant; Ille, editis scriptis quibus isthæc & similia portenta fugaverat, probatus Regi & quibusque gravissimis Viris, anno 1646 ad nos contendit, apud quos strenuè functus Commissarij munere, egregia probitatis, sapientiæ, & prudentiæ monumenta reliquit. Cœnobij Franciscanorum Mexicej Maximi januæ atrium ampliavit, pulchrisque lapidibus & picturis instruxit: præcipuam nobili architecturâ scalam tripartitam erexit, cui deauratam superposuit contignationem; circumque statuis & ductis penicillo imaginibus vitam expressit Seraphici D. Bonaventuræ totius machinæ Meccænatis. Pro ægrotantibus fratribus Valetudinarium ædificavit, cellis, cavædio, fontibus, idque alijs abundans, quod postmodum ædificium alijs Superioribus commodius visum est pro Commissarij Generalis Familiæ, Religiosis languentibus ad abstrusiora conventus redactis, & ab strepitu & molestia longè semotis. Adhæc, Ædium partem illam additis conclavibus ampliorem fecit, quæ hodieque Lectores Scholaresque capit, quorum publicis concertationibus excitatâ Aulam usui



BO

usui esse voluit, ijs oculatissimè providens quæ studijs fovendis noverat in primis utilia, longa 22 annorum, quos legendo contriverat, exercitatione.

647 Sodales paternâ omnes charitate complectebatur, de quorum victu sollicitus, multa constituit ipsorum valetudini & viribus opportuna. Annuas, in aliquot sacra cantu peragenda, egrotorum subsidia, & pios alios usus impendendas eleemosynas procuravit, multisque alijs nominibus de Provincijs sibi commissis benemeruit. Denique, non à suis modò, sed à sapientibus omnibus & prudentibus viris maximi habitus, apud Cœnobium de Quernavaca fatis defunctus 15 Novembris anno 1653 ibidem sepultus, sui desiderium & nomen Americanis in primis reliquit. Scripsit & edidit hispano sermone

*Monumenta Historiæ Novi Orbis Peruviani: Merita & decora Civitatis Limensis.* Limæ Apud Hieronymum de Contreras 1630 in quarto. Extat in Biblio. Collegij Maximi SS. AA. Petri & Pauli Societatis JESU Mexice. Editionem aliam Matritensem anni 1639 in quarto recenset Bibliot. Franciscana Nostri memor tom. 1. pag. 239. Est quidem Opus admodum eruditum Antiquitates, Barbariem, Ritus, & alia Ingarum Regum in propatulo ponens, unâque Expugnatorum Peruvienſis Orbis facinora & nobi-

BO

litem aperiens, Regique Catholico, cujus gloriæ & nomini plaudit, nuncupatum, gravissimis Approbationibus communitum, quas Archiepiscopi duo, Episcopi quinque, & plenus Universitatis Limensis Confessus dedere.

*Memoriale Testimoniumque, seu Apologiam, pro se, natisque in America Hispanis parentibus, vulgo Criollos.* Hispanis typis Liber est excusus in folio, ut legenti sit palam, quamvis & locus editionis, & typographi nomen nullibi appareat, ut fieri consueverat in similibus. Hujus meminit Apologiæ Pinelus col. 712, estque bipartitus Liber, atque folijs 115 constantem primam partem in gestis suis majorumque describendis impendit, sic, ut & natorum in America Hispanis genitoribus merita modestissimè insinuet, eorum obtrektoribus jure coercendis, & quod caput est, Catholicorum Regum gloriam, & zelum pandat amœnissimâ & ad rem quam pertractat omnem opportunâ natâque eruditione. Secunda verò pars folijs 40 constans instrumenta exhibet, quæ à se gesta, & in antecessum posita comprobant. Opusculum hoc Bibliot. Authorem Franciscanæ penitus latuit, quod inter nostros tamen non est admodum rarum.

*Panegyrim in festo Seraphici Parentis Francisci.* Limæ anno 1646 in quarto. Cujus meminit eadem Bibliotheca Franciscana, prætereaque Alva, in Militia pro Im-

Yyyy

ma-



maculatâ Conceptione col. 208. adjungens Nostrum in Epistola de Libro D. D. Petri Arequipensis pro certitudine præservationis Virginis Deiparentis à peccato originali, multa id argumenti lumina conscripsisse.

*Orationem funebrem habitam Mexici in justis Hispaniarum Principis Serenissimi Balthassaris Caroli Austriaci.* Mexici typis V. Bernard. Calderon anno 1647. Extrat in Bibliotheca Regalis Augustiniani Collegij Mexicei Divi Pauli, cujus memoriam habent eadem Bibliotheca Franciscana & Pinelus in Epit. Occident. fol. 923 col. 4. habemus eam t. 27 Coll. nostr.

*Sermones varios*, pro ut è Bibliotheca Franciscana didicimus, quæ Authorem secuta Chronicorum Provinciæ Limensis XII Apostolorum F. Didacum Cordova lib. 6 cap. 7 illorum meminit. Addit ex Wadingo & Sanning. suis, è quæis secundus præ manibus habuit libros,

*Cursum integrum Artium* ad prælum paratum Romæ, quem tamen ineditum, ut remur, mansisse dolemus.

Superaddendi insuper sunt  
*Tractatus Theologici,*

Quos apud Limenses & Neapolitanos è suggestu dictavit, nos que cujus signatim argumenti singuli fuerint, præterit. Ad extremum Bibliotheca Franciscana tom. 3 inter Appendices suppeditavit nobis perpulcrum Tractatum anno 1649 editum à Nostro

*De novis Missionibus Franciscanorum apud Sinas & Tartaros*, incipientem D. Marcos.

Acta ejus Mexicea tradidit Betancurtius in de illustribus Provinciæ S. Evangelij viris, post Menologium pag. 147. n. 30. Reliqua è Memoriali supra indicato alijsque Monumentis hausimus.

648 D. D. BRIXIANUS DIEZ CRUZATE, Natione, ni fallimur, Mexicanus, Doctorali redemptus insulâ in Academiâ nostrâ, Cathedram tenuit aperiendis Institutionibus Justiniani Regijs sæctionibus destinata, cujus nactus est administrationem, quadriennio habendam, anno 1613. scholasticâ de more præviâ inter candidatos concertatione. Tradidit auditoribus suis

*Selectas aliquot Institutionum explicationes.*

Ejus est memor Plaza in Chron. Academicis lib. 3. cap. 16. n. 77.

## C

649 D. D. CAIETANUS DE ARMENDARIS, Natione Mexicanus & Patria, è nobili Familia progenitus, ubi Latinitatem hausserat & Aristotelicam Philosophiam apud Maximum Soc. JESU Mexiceum Collegium Academica que Gymnasiâ, lauro donatus, Apollineam sibi Facultatem excolendam delegit, quam ita demum meditatione scholasticâ &

con-



concertatione primùm, mox etiam practicâ tenuit exercitatione & observatione, ut ad Baccalaureatus gradum Doctorem pileum adjecerit, isque unus è primoribus Medicinæ suâ ætate fuerit, petitisque ejusdem Cathedris, eam octo virorum suffragiis suo jure regendam assumpserit, quæ exponendæ Chirurgiæ, Anatomique tyronibus aperiendæ destinata est. Singulari in docendo & agendo peritiæ medicæ pietas etiam multa sociata, ceteraq; christianæ officia virtutis, quæ usu tenuerat, nomini splendorem & decus superaddidere. Ad sublimiora optatum subsellia mors immatura tulit, ad quam se apostitissimè comparaverat. Ejus, quæ Academica tabullaria nobis exhibent, Scripta subnectimus

*Opusculum de vasis lacteis & actu chyliphero.*

*Opusculum de cordis fabrica.*

*Opusculum de liene & ejus officijs.*

*Opusculum de pancreato & succo pancreatico.*

*De Chirurgia in genere.*

*De secunda Anatomia parte.*

*Opusculum de motu sanguinis circulari.*

*Opusculum de partibus corporis simularibus.*

*Opusculum alterum ejusdem argumenti.*

*Opusculum de musculis & eorum motu.*

*Opusculum de Gula & Esophago.*

650 F. CAIETANUS DE BAR-

Y2

REDA, Natione Mexicanus & Patria, Regij ac Pontificij Metropolitanæ Ecclesiæ Collegij Seminarij à S. Paulo & Purissimâ Conceptione nuncupati alumnus, Latinis postquam ejus in Gymnasijs operam dedit & Rhetoricis disciplinis, Philosophicas avidè aggressus, moxque Theologicas inibi & in Academia palestra, minores utriusque Facultatis gradus, deincepsque Doctoratum in sacrâ tenuit egregio sibi nomine comparato. A Collegij sui Judicibus, præmisso, ut sit, horariæ Relectionis examine consuetis que pro regendis Cathedris probationibus, Philosophiæ destinatus Professor, multis ipsam & domesticis & extraneis auditoribus tradidit fructu neutiquam penitendo. Triennio absoluto, interstitijsque factis, eandem iterum adornavit spartam ab anno 1728 Cursum Philosophicum auspicatus, quem ad exitum, secundâ quidem sorte, deduxit. Tum, Libros quibus unicè delectabatur, diu noctuque evolvere pergens, atque Ecclesiasticis ministerijs insistens (erat enim Sacerdotio initiatus) aptissimus visus est Archiepiscopo Mexicano, qui Collegio præficeretur. Rector institutus, huic strenuè muneris invigilavit, convictorum in doctrinâ & virtute instituendorum curam sollicitè agens. Hæc inter ipse quotidie doctior & ad speranda majora in Ecclesiastica Republica litteris & gestis paratior,



rior, abdicari se officijs constituit & seculo, atque Ordinem Minorum nudipedum in Provincia S. Didaci Mexicana ingressus est, in qua, post emissam professionem, Apostolico mancipatus Collegio de Pachuca pro sacris Missionibus ab eadem Provinciâ alumni suis isthac optantibus instituto, & conciones pro reformandis moribus habuit, & Fidelium confessiones excepit, & cæteras austeræ vitæ exercitationes Sodalium aliorumque ædificatione peregit. A Superioribus unâ cum P. F. Joanne Lara Mexicano, ejusdem Provinciæ alumno, quondamque Lectore, ad barbaros Indos incolas de Sierra gorda cicurandos & sacris nostris instituendos amissus, pedes iter arripuit, multisque exantlatis laboribus, Indos Jonaces dictos ad politicam societatem & Pagos traduxit, Catholicâ luce donavit, ac Christo lucrificavit. Inde, obedientiâ duce, Goaxacensem Urbem Primariam Antequeram petijt, arduum iter pedibus etiam agens, insimulque Apostolicis concionibus obvios Populos admonens & ad pœnitentiam instimulans. Ubi Missiones sacras urbanas juxtâ & rusticas apud Goaxacenses obierat, reducem ad Indos superiùs dictos (Sodalem ut ægrotum comitaretur) Simapanum ingressum præmatura ipsum mors, cœlo, ut piè credimus, inferendum extinxit. Scripsit

*Cursum Philosophicum juxtâ firmiorem Angelici Præceptoris doctrinam elucubratum.* Extat Mss in quarto apud Bibliothecam memorati supra Collegij à S. Paulo Seminarij.

*Tractationes Theologicas aliquot. Sermones Panegyricos & Morales à se dictos.*

*Sermones pro Missionibus multos unâque Conciones de Doctrina Christiana & pijs alijs argumentis apud Symmistas suos extantes Mss.*

651 D. CAIETANUS DE CABRERA ET QUINTERO, Natione Mexicanus & Patria, jactis altè pro amœnioribus litteris fundamentis, Philosophiam apud Seminarium Metropolitanæ Ecclesiæ Collegium S. Pauli & Purissimæ Conceptionis & Universitatis Aulas accepit, cujus insignis laureâ, Theologiæ cultoribus adscriptus, primosque inter habitus, Facultatis ejusdem gradum etiam adeptus est. Academiam S. Philippi Neri pro Theosophicis exercitationibus Panegyricisque juxtâ & pulcherrimis alijs elucubrationibus pridem conditam, plures annos adivit, domique & foris pro multâ eruditione variâque comparandâ laboravit. In Poesi, sive Hispana, sive Latina assiduè ac feliciter exercuit se, ac Hebraico & Græco capiendis sermonibus operam posuit, quibus itidem nonnunquam scripsit. Pro Latio tradendo suis ephæbis idiomate Præceptor institutus fuit ab Excmô. Illmôque Viro D. D. D.



CA

D. Joanne de Vizarron & Eguiarreta Arciepiscopo Mexicano juxtaque Pro Rege. Initiatus Sacerdotio, sacris concionibus habendis, excipiendisque confessionibus deditus, quas diu imbiberat diviniore litteras, itemque expectantes ad mores, usui in praesentiarum habet: cujus subinde causa, & consuetudinis quæ nobiscum intercedit, elogio parcimus, indicamusque Opera & typis commissa, & adhuc inedita, quibus etiam juvenis & Philosophicis ac Theologicis vacans studiis operam dedit. Excusa hæc sunt.

*Hymeneus celebratus*, sive de Nuptiis Ludovici Hispaniarum Principis & Aloysia magno plausu Mexici celebratis. Mexici, anno 1723. Poeticum prorsus Opus & bilingue, duobus primis libris latine scriptis versu heroyco, cæteris usque ad octo patrio sermone: In Latijs, Claudiani, in Hispanicis carminibus Ludovici de Gongora pharsum sequi & stylum Author sibi proposuit, & Codicem non exigui corporis Marchioni de Casafuerte Mexiceo Pro-Regi dicavit.

*Sapientia fidus*, Minervalis Hesperii ascensus Doctoris scilicet D. Joannis Josephi de Eguiara Philosophia professoris ad Vespertinam modò Theologiae Cathedram provecti. Mexici typis Josephi Bernardi de Hogal 1725 in 8. Est quidem Latinum insigneque Poema, ex Claudiani imitatione, argumento quod

CA

sibi vates proposuerat, accommodatissimum, nobilissimo Viro D. D. Joanni Isidoro Velasquez de la Cadena è primoribus Mexiceis nuncupatum.

*Descriptio gratulatoria Templi Canobijque à Corpore Christi Domini nuncupati, proque Sanctimonialibus Indis erecti pietate Exm<sup>i</sup>. D. D. Balthassaris de Zúñiga Sotomajor & Mendoza, Marchionis de Valero, Hispania Magnatis, Mexici Pro-Regis &c.* Mexici litteris Josephi Bernardi de Hogal 1724. in quarto. Opusculum est idiomate Hispano & caractere Historico conditum.

*Aquila mystica in Carmeli verticibus exaltata: Triumphalis Arcus nomine sacri & universi Prædicatorum Ordinis à Sapientissimo ejusdem Familiae Collegio Mexiceo de Porta Cæli erectus pro colenda S. Joannis à Cruce, Carmelitarum Excalceatorum Parentis ac Reformatoris, Apoteosi Sacra Mexici solennissimâ supplicatione auspiciandâ.* Mexici, eisdem typis, habeturque unâ cum alijs ejusdem argumenti Opusculis in Libro *Secunda Quinta decima Januarij Mexicea* edito anno 1730. à pag. 169. ad 234. Scriptum hoc partim solutâ oratione, partim adstrictâ numeris, iisque Latinis pariter & Hispanis, Inscriptionibusque, amœnissimè ad propositum est compactum.

*Spirans exemplar magnanimi sacri Machabæi Joannis Hircani Illm<sup>us</sup> D. D. D. Joannes Antonius*

Zzzzz

nius



nius de Vizarron & Eguiarreta Archiepiscopus Mexicanus, expressum triumphali fornice eidem faustè excipiendo erecto ab ejusdem Ecclesiâ Metropolitanâ. Mexici ex eadem Officina 1732 in quarto. Extat tom. 61 Collect. nostræ, similique ac præcedens Opusculum methodo præsens floridissimâ concinnatum vernat eruditione.

*Index Poeticus vitæ Seraphici Parentis S. Francisci Assisiatis.* Mexici, ex eadem Officina 1732 in octavo. Est epicum Poema Hispanis acutissimis numeris totam quanta est apud Illmûm. Historiographum Cornejo vitam admirabilis S. ob oculos ponens, imitaturque Author inclytum Poetam D. Antonium Hurtado de Mendoza in Vita Deiparæ, & si Nostri Opus sit numerosius & fusius.

*Brevis ratio ideæ Statuarum & Inscriptionum, quas nobilissima Pictorum ars sumptibus disposuit & curis ipsorum, pro ornatu comitatuque admirabilis Deiparentis Iconis à Subsidio nuncupatæ apud Moniales S. Joannis de Pœnitentia, in anniversariâ supplicatione solennius habendâ.* Mexici, ex eadem Calchographia anno 1733. in quarto. Extat tom. 37. Collect. nostræ, atque in hac opella profâ simul ac metro latinè & vernaculè Author munus pulchre suum executus est.

*Hebdomarium Trinum, seu, Pijssimæ pro colenda per tres hebdomades Augustissimâ Triade preces & exercitationes Hispano sermone.*

Mexici, mox dictis formis anno 1745. in octavo.

*Patronatus Disputatus, seu Dissertatio Apologetica pro Voto, Electione & Juramento præstito Virgini Deiparenti sub Imagine Guadalupîâ Mexicæ in Patronam assumptæ.* Mexici, ex Regia Typographia D. Mariæ de Ribera anno 1741. in quarto. Libro huic occasionem præbuit Angelopolitanæ Ecclesiæ Ceremoniarum Magister D. Joannes Paulus Zetina Infante, qui scripto Opusculo contendebat, non dum Ecclesiasticum persolveri officium posse de Communi, ut dicitur, sumptum, die Guadalupanæ Deiparenti votivâ, ante quam Patronatus à S. R. C. approbaretur; Nostro contra nitente propugnanteque ritè & rectè id hōnoris & cultus in Diœcesi Mexicana tributum esse Patronæ suæ, nec absimiliter in alijs Ditionibus fieri debere.

*Stemmata Mexicea: Cælestis Nobilissima hujus Civitatis, Novæ Hispaniæ, ac totius fere Novi Orbis Protectio MARIA SS. sub mirabili Imagine Mexicani Guadalupij, jam inde ab anno 1531. in Palatio Archiepiscopali mirè apparente: anno verò 1737 in præcipuam Patronam Juramento adscita, occasione pestis quæ sævius Indos invaserat, defervuitque sub ejusdem Virginis umbrâ & Imagine.* Mexici, typis V. Josephi Bernardi de Hogal 1746. Liber hic in folio idiomate Hispano conscriptus, & Catholico Hispaniarum Regi ac Indiarum Impe-



## CA

peratori D. D. Fernando VI nuncupatus, sumptibus prodijt Nobilissimæ Urbis Mexicæ, quem jussu Exmî. & Illmî. D. D. Joannis Antonij de Vizarró & Eguiarreta Mexicani Archiepiscopi atque Pro-Regis, Author aggressus est, & ad finem deduxit, Historiâ non modò contagiosæ luis, atque horum quæ pro ea longè abigenda peractâ sunt, exactè relatâ, sed verò etiam pluribus, sacris præsertim, Civitatis, Ecclesiarum, Religionum, Imaginum, idque genus aliorum Monumentis bono in lumine collocatis: ijs autem in primis omnibus, quæ miraculo depictam Guadalupanam Deiparentis Iconem ante geminum seculum tradunt, impensèque eidem religioni & pietati expendendæ ac fovendæ concernunt.

*Julius Maximinus verus ex Julio Capitolino sumptus & descriptus: Triumphalis fornix à Mexicæ Urbe erectus pro excipiendo Pro-Rege Excmô Comite de Fuenclara, &c.* Mexici anno 1743 in quarto.

*Novus Ulysses, seu Arcus triumphalis eidem Principi dedicatus ad Metropolitanæ Ecclesiæ limina & porticum.* Mexici eodem anno in quarto.

Gemina alia similis argumenti scripta Mss habet pro ingressu Pro-Regis Ducis de la Conquista. Ad Mss venientes, cætera sunt illa.

*Comedia ex Indicis Historijs formata, cui titulus hispanus: La*

## CA

*Esperanza malograda, h. e. Spes frustrata, eo tempore quo Author Philosophiæ addiscendæ vacabat, composita, quo etiam permulta alia Panegyrica metro condidit, itemque prosâ, Allegationes pro Philosophica lauro, & similia, quæ in unum compaginata volumen ab eruditis & curiosis servantur.*

*Comædia altera, cui nomen hispanum: El Iris de Salamanca, h. e. Iris Salmanticensis, ex Historia S. Joannis à S. Facundo compacta; quæ quidem Comædia magno spectantium plausu in publicis Mexicanis Theatris septies & amplius, etiam Pro-Rege spectante & laudante, fuit acta.*

*Poemata, Emblemata, Panegyrici, in Regnorum abdicationem factam à Philippo V Hispaniarum Rege, & in Regiam augurationem Ludovici I: Quæ inter extant speciosiora quedam de Aquila bicipite, tum temporis à Goaxacensibus adinventâ & captâ: de qua ad duos Reges eodem Hispaniæ Corpore, eademque Coronâ conjunctos variè Author lusit. Horum plura manu exarata sunt; nonnulla excusa in Libro, cui titulus: Litteræ laureatæ, Mexici impresso typis Josephi Bernardi de Hogal anno 1724 in quarto.*

*Apollinis gemitus in precosi Hyacinthi morte, seu Philippi V Hispaniarum Regis questus in funere Ludovici I Hispanorum item Monarchæ: Apparatus funebris pro Exequijs ductis à S. Inquisitionis Tribunali Mexiceo apud Templum S. Do-*



minici 18 Maji 1725. Codex est  
julti corporis, Inscriptionibus  
Numerisque Latijs & Hispanis ad  
rem constans aptissimis.

*Allegoricum symbolum recens na-  
ri Pueri Jesu, Purpura.* Certamen  
est, ut dicitur, Poeticum Acade-  
micum tam solutâ quam metricâ  
orâtionem, Romanisque & Hispanis  
numeris pulchrè compositum.

*Stadium litterarium, seu Certamen  
poeticum pro Marianâ Concep-  
tione plaudendâ, dato vatibus Ata-  
lanta argumento similique modo  
ac præcedens elucubratum.*

*Trecenta fere Latina Epigramma-  
ta, singula ad litteram metris Hispa-  
nicis vulgo Decimas, traducta, varijs  
distincta Libris & justo Volumine  
compaginata.*

*Varia omnis metri & mensuræ  
Poemata Hispanica sacra, volumi-  
ne alio contenta.*

*Elogia Latina seu Epigrammata  
numeris dissoluta fere ducenta in eo-  
rum imitationem quæ extant edita  
ab Emmanuele Thesauro & Aloy-  
sio Giuglar.*

*Vita S. Rosæ Virginis Limensis  
stylo elegiastico latino concepta.*

*Dies sacer, tot horis quot hodie  
expressus: Hymni & Ode in hono-  
rem Dei Trini & Unius, Christi  
Domini Crucifixi, Purissimæ Deipa-  
ra, & Pueri Jesu in Bethlemitico sta-  
bulo vagientis & cætera. Pro no-  
mine Authoris hoc Dysthicon*

*Authorem quæris? De tot quot  
pasta Maria,  
Ni Capra summa petens,  
hadulus unus.*

*Hymni omnis generis & mensuræ  
ad imitationem Prudentij, christia-  
nissimi Poetæ, varijs titulis, scili-  
cet: Turris animæ: Horologium ro-  
tarum: Horologium solare: Quinque  
Zonæ: Hortus, sive unico flore Ro-  
sarium: Mars sacer, & cætera, quo-  
rum argumenta omnium pia  
sunt.*

Inter purè humana Authoris  
scripta censemus sequentia.

*Liber variorum Epigrammatum,  
quibus junguntur aliqua è Græco in  
Latinum, alia è Latino in Græcum  
traducta.*

*Juvenalis Hispanus, sive variarum  
traductio Satyrarum Poetæ hujus,  
metro quem Itali incatenato, His-  
pani tercetos vocant. Quod tamen  
Opus incæptum Author reliquit  
lubricitatem vatis pertæsus, quam  
vix & ne vix quidem celari pos-  
se vidit.*

*Horatij difficiliores Satyræ & Ser-  
mones, & aliorum Poetarum aliqua  
hispanæ facta.*

*Orationes Latina varij argumenti,  
Philosophici, Medici, Juridici, Po-  
litici, atque etiam Theologici.*

*Orationes Hispanæ Academica va-  
riæ.*

*Apparatus funebris pro justis sol-  
vendis admodum R. P. F. Roderico  
Hieronymo de Venegas Ordinis S.  
Joannis de Deo Generali, &c. In  
Conventu Mexiceo ejusdem Instituti  
9 Decembris 1736.*

*Hesperia cor Philippus V, seu  
Pompa pro ejus instauratione funeris  
Mexici acta à Senatu Fidei 31 Mar-  
tij 1747.*



## CA

*Grammatica sive Ars Hebraea simul & Græca, quibus Alphabeta præfiguntur versu heroico latino; Opus utrumque valde prolixum, ubi Author metro ligatus cuncta quæ de utriusque idiomatis dialecto, præceptis & pronuntiatione præscribuntur, exiguo corpore, labore non exiguo contraxit.*

*Artem itidem Mexicanam industriè confecit.*

*His Theologica adjiciuntur Opuscula Scholastica & Moralia.*

*De Constitutivo divinæ Naturæ, De Christi Domini libertate moriendi & præcepto, & alia.*

*Basis Theologiæ Moralis, sive de usu & abusu opinionum probabilium Epitome: Cui, in modum Logisticæ, implicationis longè Labyrinthi filum aureum carmen subscript heroicis constans.*

*Quæstiones variæ ad omnes fere dist. lib. 4 Magistri Sententiarum.*

*Succus Illm. D. Montenegro &c. Itinerarij ad Indorum Parochos.*

*Conciones Panegyrico - Morales amplius 50 collimantes in Sacrum Jesu-Christi Domini nostri Cor, ejusdem Mystera Vitæ, Passionis & Mortis, aliaque expendent ad mores, habita ab Authore in nocturnis exercitationibus coram illustri pioque ejuscem Sacratissimi Cordis Sodalitio ad S. Spiritus Mexiceum ordinariâ Authoritate decennio ab hinc retrò instituto, dein Pontificiâ Authoritate aucto. Tom. 2 in quarto.*

*Conciones Morales & Asceticæ maximam partem pro excitandis animis, cum ad compensandum illatas*

## CÂ

*Jesu-Christo Assertori nostro injurias, tum ad eas propulsandas quæ signatius Augustissimam impetunt Trinitatem. Quibus accedunt dicta ad religiosas Virgines Hortationes in quarto.*

*Orationes Evangelicæ, seu Sermones Panegyrici & Morales supra 60 apud spectabiles auditores habiti ab Authore, & tribus in quarto tom. compaginati.*

*Narratio persecutionis laborum que Christianitatis apud Provinciam de Fogan in Sinarum Imperio: Custodia vinculaque s Religiosorum Missionariorum ex Ordine S. Dominici in Provincia SS. Rosarij Philippinarum: Obitusque & Martyrium Illm. & R. D. D. F. Petri Martyris Sanz ejusdem Ord. Provincia, Episcopi Mauricastri, Vicarij Apostolici Provinciae de Fokiem.*

652 F. CAIETANUS A JESU, Natione Mexicanus, Parente apud Goadalaxarense Novæ Gallicæ Regnum Præsede, genere admodum claro, usus, Angelopoli humaniores litteras Philosophiam que & Theologiam hausit à Regijs S. Joannis Gymnasijs, Mexicique lauream Academicam tulit. His comparatus, Ordinem Carmelitarum nudipedum professus est ad S. Alberti Mexicanam Provinciam, cui ornamento fuit & decori. Philosophiam è suggestu triennio exposuit Familiæ juvenibus ad S. Joachimi Collegium non longe situm à Mexiceis pomarijs liberalibus artibus operam dantibus. Tum in S.



Angeli Cuioacanense Athenæum longius positum, destinatumque ad Scholasticæ professionē Theologiæ & Sacrarum litterarum interpretationem, amissus docendi gratiâ, diu Cathedras moderatus est ad Primariam usque. Cœnobium Mexiceum Prioris agens vices religiosè & prudenter rexit, quo tempore & alijs etiam multis, Ecclesiastem egit haud vulgari auditorum æstimatione, doctissimis ipsum hominibus effe-  
rentibus, queis ab utriusque suggestus peritiâ, eruditione, & religiosâ observantiâ percharus erat. Precosi sublatum è vivis morte, quam sanctè operijt Mexici anno proximè elapso 1753, charissimum nobis caput intimo animi sensu in præsentiarum quoque dolemus. Scripsit

*Tractationes Theologicas varias,*  
Et

*Conciones plures ac eruditas,* quarum Schedas credimus à Sodalibus custodiri.

653 D. CAIETANUS DE SOTO, Natione Mexicanus, in Civitate Tolucensi Diœcesis Mexicæ natus, latinè instructus, apud Regium & Pontificium Seminarium Collegium Metropolitanæ Ecclesiæ à S. Paulo & Purissimâ Conceptione dictum, alumnus, Philosophiam, nec sine laude, coluit atque Theologiam, laureis que utriusque Facultatis minoribus, majorem Doctoratus adjecit, Theologorum Confessui, eorundem suffragijs adscriptus.

Subtilissimi Doctoris Scoti Cathedram Universitatis regendam suscepit, quoad prolixæ contentionis funis est ductus de Proprietate ejusdem suggestus, ubi Antecessor ejus Doctor F. Joannes Dominicus de Leos, Serapici Ord. in Prov. S. Evangelij Præses Emeritus, Emeritus quoque in Academia post 20 professionis Scotticæ Cathedræ annos est renunciatus. Noster interea scripsit, tradiditque auditoribus suis ut ex Annuis Academiæ Lectionibus compertum habemus:

*Tractatum de Vita Christi.*

654 D. CAIETANUS DE TORRES, Natione Peruanus, in Provincia Castellæ auriferæ progenitus, educatusque ut decebat præclaros Parentes, & primis litterarum rudimentis instructus, statim Mexicanas deductus in oras, operam dedit Latinitati, nomenque Regio S. Ildefonsi Collegio. Inde Maximum SS. AA. Petri & Pauli pro imbibendâ Philosophiâ adiens, primus inter socios evasit cum ibi, tum etiam in Regia Universitate, laureâ meritoque conspicuus. Theologiæ auspiciatus quadriennium, ita demum frequentatis minervalibus atrijs & scholasticis Collegij Sodalitijs absolvit, nulli ut in Theosophiâ concederet. Hinc quinquennio incubuit Juri Canonico, progressu in hac etiam Facultate neutiquam pœnitendo, cujus lauream adjecit pristinis, quas in utrâque sopheretulerat. Interea Præsidem in Co-



CA

Collegio suo pro Academicis Theologorum exercitationibus egit, quæ Speculativam attinent partem, quæque etiam Practicam & ad dirigendos mores usui futuris. Præter alia publicæ habitata, nec vulgaria, litterarum pericula, solennius longè fuit memoratuque dignius, quod per diem integrum subiit coram Illmò. atque Excmò. Archiepiscopo & Pro-Rege Mexico D. D. D. Joanne Antonio de Vizarron & Eguiarreta, Mæcenate concertationis à Collegio institutæ plaudendi ergo amplissimam Aulam, primamque nobilissimarum Ædium à fundamentis egregio opere instauratarum: matutino tempore Scholasticam 18 titulis, multisque problematis Theologiam exposuit, vespere autem 6 ex utroque Jure Materias defensandas exhibuit, responsis Theologicis ac Juridicis argumétationibus Scholarum datis more, Oratorum genio præponens amœnas comptasque his Allocutionibus responsiones, quas in honorem Mæcenatis & Operis arguentes suis præmiserant objectionibus. Nec enim severioribus contentus, pulchras neglectui habuit litteras, imò fauste & Poësim & Oratoriam & Historiam excoluit. Adhæc Regiam ejusdem Collegij trabecæ prælectione ceterisq; de more petivit ac tenuit. Mox Doctor Theologus Mexicanus inauguratus, pro regendâ quadriennio Primariâ Sacre Facultatis Cathedrâ An-

A2

CA

tecessori rure donato suffectus est, acri, ut fit, in hisce concertationibus altercatione nobilissimorum candidatorum. Eam ubi ornarat spartam, Præsesque fuerat Academiæ à S. Philippo Nerio dictæ & in eadem Universitate florentis, non minori contentione Perpetuus Eloquentiæ Professor est destinatus, atque eam ob rem Magistrali Philosophiæ insulâ redimitus. Prius verò Parochiam Cathedralis Ecclesiæ ad tempus rexerat, interstitioque facto, constitutus titulo canonico Parochus Ecclesiæ S. Sebastiani intra Urbis Mexicanæ pomeria, huic postquam muneri exactè incubuit nihilo minores in Academicâ professione curas impendens, à Catholico Rege nostro Ferdinando VI in Metropolitana Ecclesiæ Mexicæ Capitulum destinatus, Præbendâ potitur, ea infirmul multisque alijs Ecclesiasticis & Academicis curis insistens. Et de his quidem hætenus, necessitudine, qua ipsum attingimus, ejus laudibus obfistente. Scripsit

*Breviarum Theologicum de Deo ut uno.*

*Breviarum Theologicum de Attributis divinis.*

*Breviarium Theologicum de divina Scientia.*

*Institutiones Rhetoricas.*

*Prælectiones & Orationes Academicas varias Poemataque.*

*Hispanâ autem lingua*

*Sermones Panegyricos & Morales,*

*Quo-*



Quorum authographa sunt penes ipsum.

655 ILLMUS. D. D. D. CAROLUS BERMUDEZ DE CASTRO, Natione Mexicanus, Angelopoli Urbe, nobilissimis editus genitoribus, ipsorum accuratissime institutioni prono in litteras & virtutes genio respondit. Apud Regia SS. AA. Petri & Joannis Collegia inibi florentissima, Latio imbutus sermone & Rhetoricis præceptionibus, ita se Philosophiæ dedit studio, ut pietatem nullus ipse neglexerit, exemploque modestiæ suæ condiscipulis fuerit: Primus eos inter renunciatus, & in Mexicæ Universitate laureâ insignitus, in eisdem Patriæ dictis Aulis Sacram Theologiam à gravissimis quatuor Viris acceptam, jugique dissertatione altius infixam coluit, adeo ut plausorem meruerit magnum certè Theologum, nec sine laude memorandum Antistitem Angelopolitanum Illmûm D. D. D. Emanuele Fernandez à S. Cruce, qui, ut erat litterarum amantissimus, Diœcesisque suæ boni studiosissimus, nocturnis Collegiorum, penes Palatium ædificatorum, collationibus aderat, atque è notis sibi provectioribus Nostrum cum alijs in Fundatorem Eximij D. Pauli Theologorum Collegij adscivit. Gradu Mexici accepto in Sacrà Facultate, utrique dare operam Juri constituit, & Civili primùm totos quinque Academicos annos ad-

discendo posuit egregio successu lauroque obtentâ, mox Canonicum nihilo minus auspiciatò aggressus est, ad extremumque duxit, & gradu clausit, minoribus quatuor quæ tulerat insignibus, majora Doctoratus adjiciens, primum rubeo pro Imperialibus Legibus pileo ornatus, post viridi, quæ Ecclesiastici professioni juris respondet, insulâ institutus.

656 Interea loci, omnigenâ ut ditesceret & selectissimâ eruditione, Bibliothecam sibi haud exiguum, amœnissimam certè paravit, è qua diu noctuque frequentatâ, egregias tulit opes, in dies exercitatione, studio, ingenio, & memoriâ ad stuporem usque crescentes. Et quidem ad humaniores quod attinet litteras & Latini sermonis elegantiam & copiam, ita antiquiores evolverat Poetas, Oratoribus asuefuerat, Historicos triverat & Politicos, nullus ut ipsi inter eruditissimos sua ætate Mexici degentes, aut præferri potuerit aut equari, quod reminiscimur judicium de ipso tulisse nobiscum familiariter colloquentem virum ut in Theologia & Oratoria, sic etiam in Poetica & omni litteratura secundum nemini P. Lucam del Rincon Societatis JESU. Porro tanta nostro Latine dicenti ubertas erat & affluentia sententiarum & testimoniorum opportunè ad res, de quibus agebat, traductorum amœnissimâ varietate sociata, ut his tempestivè usus, etiam



CA

etiam è Cathedra quotidianas auditoribus lectiones exponens juris, eosdem floridis irretiret illi-  
cijs, invitaretque plures audien-  
di ergo Magistrum sapidissimâ  
austiores scholarum controver-  
sias varietate condicentem, ins-  
pergentemque pulcherrimis di-  
ctis & phrasibus.

657 Adhæc, quod solennius  
profitebatur, utrumque Jus dili-  
gentissimè, cum in Academia,  
tractabat tum etiam in Foro,  
causarum Patronus ab Regio Se-  
natu publicâ conclamatus appro-  
batione, indeque plurimis & ma-  
joris momenti negotijs deditus  
agitandis, sæpe Causidicum agens,  
sæpe Judicem: nam & Exmûs Dux  
Alburquerqueus, Novæ Hispaniæ  
Pro-Rex oculatissimus, D. D.  
Franciscus Fernandez de la Cue-  
va, Aessorem eum juris dicendi  
causâ voluit & perpetuò habuit,  
& eodem nomine eo ad multos  
annos usi fuere Consules Mexi-  
cani pro negotiorum litibus ex-  
tricandis, & Regium Auditorium  
in Provinciam ipsum Jucatanî di-  
misit Commissarium & Visitato-  
rem Generalem, gravissimarum  
causâ rerum, queis, superato ma-  
re & pacatis difficultatum flucti-  
bus, exactè providit: Illmî. item  
Archiepiscopi Mexicani suis eum  
delegationibus cohonestarunt D.  
D. Seixas, Ortega, & Lanciego:  
atque is quem postremo novi-  
navimus loco, Vicarium suum  
generalem designavit, quod su-  
pra decennium munus strenuè

CA

gessit, & Dicecesis Gubernatorem  
quoties Præsul visitationi incu-  
buit, scilicet frequentissimè.

658 In tot verò occurrentibus,  
intricatis planè & invidiâ plenis  
negotijs, latus inter ad eo sen-  
tentias, & ad Delegatos appella-  
tionis remedio deductas, ne una  
quidem abrogata aut irrita fuit.  
Tanta ille doctrinâ pollebat, pru-  
dentiâ, & in decernendo jure con-  
stantiâ, gravioris momenti litigijs  
lectione superaddita productio-  
re & meditatione, adeo ut amico  
suo P. Joachimo Antonio de Villa-  
lobos Societatis JESU Theologo,  
falsus ingenuè fuerit, mox ut sen-  
tentiam tulerat contra reum de  
homicidio proditorio convictum,  
in Ecclesiamque confugientem,  
nullum ex his Authoribus quos  
pro Immunitate Fiscalis Ecclesia-  
sticus coacervaverat Libello edito,  
non à se fuisse lectum studiosis-  
simè (sunt autem illi 28) imò de-  
cem insuper alios evolvisse simili-  
ter, ut subinde priusquam senten-  
tiâ ferret, in ea obfirmaverit se ad  
aras facientem & proximè commu-  
nicaturum. Candidatum postquâ  
egerat doctissimis petitionibus  
Cathedrarum, multas successivè  
tenuit utriusque Juris, quibus  
regendis totos posuit annos 26,  
donec Antecessoris Primarij &  
Emeriti Juris Canonici honorem  
tulit. Pro Canonicatibus itidem  
Officij, ut dicuntur, Angelopoli  
Mexicique decertans, Doctoralem  
omnium calculis suffragantium  
adeptus in Ecclesiâ Metropoli-

Bbbbbb

ta-



tanâ, cui jam adscriptus fuerat, Præbyter factus, insignitus Præbendâ, & Vicarius Archiepiscopi constitutus. His sanctè defungens muneribus, Ecclesiæ suæ iuribus vindicandis operam dabat, fovere pia quæque cordi sibi erat, & scandalis obviam ire, quæ nonnunquam in amplissimam Urbem tentarant irrepere.

659 Exemplo erat omnibus vitâ Ecclesiastico viro Præfultique dignissima. Quotidie sacris operabatur egregiâ pietate, Monialibus in spiritu dirigendis nonnullis aderat, facilem se audiendis confessionibus dabat, pauperes misericordiâ complectebatur, elemosynisque subsidio erat, quibus redditus suos omnes addixerat, non modò propinquos, sed verò etiam extraneos, ut ut poterat, juvans, parcissimè sibi & modestissimè providens. His porro cæterarumque exemplis virtutum unâ cum præclaris, quæ memoravimus, dotibus egregium sibi nomen paravit, amorique Reipublicæ erat & venerationi. Ab Illustri Proto-Parentis D. Petro Congregatione Abbas adscitus fuit, & apud Fidei Consistorium Mexicæ, penes quod jam diu carceratorum Patrocinium susceperat, Consultor est creatus, & mox Archiepiscopi Mexicani nomine Judex Ordinarius.

660 A Catholico Rege nostro Philipo V, nil tale cogitans, destinatus Archiepiscopus Manilensis Ecclesiæ, quæ primas te-

net in Philippinis Insulis, honorem quamvis à se deprecari egregium tentavit, consulenti tamen & insistenti ut acquiesceret Mexicano Præsuli suo Illmô. D. D. F. Josepho de Lanciego, annuit tandem, à quo Catholico ritu 17 Junij anno 1725 consecratus, ad usque 1728 opportunam trajiciendo mari navem præstolatus & occasionem, interea Mexici Episcopalia peragens ministeria, in Asiam se contulit. Priusquam verò Manilensia attingeret littora, aut Marianas inviseret Insulas, morosis forte ventis & alijs casibus, ad incultas etiamnum alias appulit Gentilium frequentia Indorum haud ignobiles, è quibus plusquam mille sacro expiavit fonte auspicatam illis & sibi gratulans sortem, eandem que summis votis, quæ reliqua erat turbæ optans, precatus Deum, uti in multam illam mesem operarios immitteret. Erat quidem eximio lucrandarum zelo animarum, ut subinde eis totum juvandis se dederit, ubi constitutus Manilæ, Ecclesiæ suæ regendæ nervos & omnes conatus intendit. Universam Diocesim non semel & iterum, sed tertio etiam visitavit, pastoralibus crebro à se excultis officijs, quantas pro reddituum tenuitate poterat elemosynas pientissimè adjiciens, ægrèque ferens non omnibus posse, ut ex animo optabat, egentibus subvenire.

661 Doctissimas habebat cō-  
siones



CA

ciones in Dei gloriam, Sanctorum decus, & animarum profectum collimantes, quas proximâ eruditione & eloquentiâ ad horam, longeque amplius protraherat. His & alijs, quæ oculatissimum decent Pastorem, mâcipatus, destitui cœpit viribus, zelo in primis tabescens, eo nomine, quod non sibi suppetere, quas enixè discupierat, viæ & facultates, cùm pro amplificandâ in conterminis nationibus Fide, tum etiam oppitulandi miseris, & ofendicula aliquot submovendi, ut proinde ab 5 Octobris 1729 mortè prælagierit sibi, quam præstolatus, domui suæ disposuit & familiæ modestissimæ, atque Ecclesiasticis Sacramentis egregiè sensu pietatis munitus, animam Deo reddidit 13 Novembris anno 1729, ætatis suæ 61, & 10 mensibus, 9 que diebus. Corpus ejus 18 ejusdem Novembris in Cathedralē Metropolitanam suam Ecclesiam elatum magnificâ pompâ, cunctisque merentibus & Sacris & Prophanis Ordinibus, quibus fuerat humanitate & omni virtute acceptissimus Præsul insignis, sepultum fuit. Cor ejus, pro ut in postremis tabulis ordinaverat, Mexico ad S. Laurentij Monasterium Virginum delatum, instaurato funebri apparatu, comitatuque frequentissimo & nobilissimo exceptum fuit Ecclesiasticis precationibus & Declamatione, quam è sacro suggestu dixit, appositissimâ Doctor

B2

CA

& Magister D. Joseph de Elizalde, quondam semel & iterum Mexicanæ Academiæ Rector, atque Ecclesiæ Metropolitanæ Præbendatus, quæ edita fuit Mexici apud H. V. Francisci Rodriguez Lupercio 1731. Tum Academico ritu, Doctorum Confessus, & Collegiorum atque Scholarium cœtus in Sacello suo amplissimo Doctori & Antecessori Emerito cum primis memorando, solennissimè parentarunt, vespere Oratione Latina à Doctore Professoreque Juris D. Ignatio de Mesa politissimè elucubrâtâ, mane autem Hispano Sermone, cui strenuam dedit operam Doctor Theologus juxtaque Moderator ejusdem Facultatis D. Emmanuel Antonius de Luyando, peractis sacris, queis bene defunctorum animis Catholico ritu precamur. Adhæc publica itidem alia reddita fuere justa beneficentissimo Principi, ab Oratoriis Patribus, quos maximi fecerat, amoreque fuerat prosecutus & operâ: Ab Excalceatis Provinciæ S. Didaci Franciscanis, Carmelitis item nudipedis S. Alberti Provinciæ, Mercedensibus Regijs Sodalibus Provinciæ à Visitatione dictæ, Illustri Proto-Parentis Divi Petri Congregatione, cui præfuerat Abbatis titulo; cœteris religiosis Ordinibus tanti jacturam viri dolentibus, in primisque Societatis JESU Patribus, queis vivens Carolus, siquis ullus, fuerat dilectione junctissimus,

mus,



mus, quosque in oculis tulerat. Nec segnius Angelopolitani doloris argumenta dedere, civem suum ornatissimum, ut par erat, luctuosissimè prosequentes. Edidit habitas à se Romano sermone, quas subnectimus Orationes his titulis.

*Funeris declamatio in parentatione P. R. M. A. pijs manibus Illm<sup>i</sup> D. D. D. Joannis Cano Episcopi Tucatanensis. Mexici, 1695 in quarto.*

*Regia parentatio exorans pios manes Serenissimæ Mariæ Aloysiæ Gabriellæ de Emmanuele & Sabaudia, Hispaniarum Reginae desideratæ. Mexici, Litteris H. V. Michaelis de Ribera 1715 in quarto. Extat in Libro, cui titulus: Floræ planctus, unâ cum alijs Regij funeris monumentis Mexiceis.*

*Parentalis declamatio in Regionis luctuosissimo funere Ludovici Ferdinandi pijssimi Regis Hispani hujusce nominis primi: ante ortum & post obitum in tenera etate desiderati. Mexici, ex Calchographia Josephi Bernardi de Hogal 1725 in 4. Habetur in Libro Stellarum planctus inscripto, qui Opuscula exhibet omnia ad prosequendum amantissimi Regis funus in Cathedrali Ecclesiâ Mexicæ recitata scriptaque. Recusæ sunt mox dictæ Orationes uno Volumine operâ D. Didaci Antonij Bermudez de Castro Regij ac Publicij Notarij & Scribe, Illm<sup>i</sup>. Authoris cognati: Angelopoli ex*

*Typographia V. Michaelis de Ortega anno 1731 in quarto.*

Hispano sermone edidit à se habitam Manilæ Concionem de S. Ignacio de Loiola hoc nomine:

*Charitas absque exemplo, Magnus, in cunctisque mirabilis S. Ignatius de Loiola Societatis Jesu Fundator. Manilæ in Typographia D. Sebastiani Lopez Sabino 1729 in quarto. Extat in Collect. nostris tom. 7 prodijtque nuncupata Illm<sup>o</sup>. D. Decano & Capitulo Ecclesiæ Mexicæ à P. Didaco de Otazo Societatis JESU Collegij Manilensis Rectore.*

Ex ineditis ejus Academici Libri hæc nobis offerunt.

*Commentaria in Titulum de Exceptionibus, extra, libro secundo.*

*Commentaria in Titulum de Probationibus, extra, eodem libro.*

*Commentaria in Titulum de Pactis, lib. 6.*

*Commentaria in Titulum de Ordine cognitionum.*

*Commentaria in Titulum de Rescriptis in 6.*

*Commentaria in Titulum de Consuetudine in 6.*

*Commentaria in Titulum de Testamentis.*

*Commentaria in Titulum de Judicijs in 6.*

*Commentaria in Titulum 14 de Officio & potestate Judicis, &c.*

*Commentaria in Titulum de Præsumptionibus lib. 2.*

*Commentaria in Titulum de Appellationibus eodem lib.*



CA

*Commentaria in Titulum de Sententia & re judicata.*

Quæ recensita sunt Commentaria à multis Authoris Discipulis custodita, signatim fuisse penes D. Joannem de Imaz Esquer, vel certè pleraque, ab ipso accepimus, dolente de amissis charissimis sibi Voluminibus, quæ commodata Sodali cuidam, quo sint in præsentiarum loco divina-re haud potest.

Scriptit præterea maternâ linguâ

*Allegationes in Jure multas & varias.*

*Consultationes diversorum argumentorum.*

Latio verò sermone

*Praelectiones & Orationes.*

Quas ut certum est conscrip-sisse plures & vernantissimas, sic incertum ubinam inveniantur, an verò penitus interciderint.

Meminit ejus P. Julianus Gu-tierrez Davila in Monumentis Historicis Congregationis Ora-torij Mexicanensis part. 1. pag. 35 n. 77 & part. 3. pag. 92 n. 232. Item P. Lucas del Rincon in præ-citato Floræ planctu fol. 46 & 47, & D. Josephus de Villerias in citato itidem Planctu stellarum pag. 107 & 108. Memoratus au-tem supra D. Didacus Antonius Bermudez de Castro ejus edidit Parentationem funebrem pagg. 112. Illmî. acta viri insinuan-tem laudantemque. Angelopoli, litteris V. Michaelis de Ortega anno 1731 in quarto.

CA

662 D. CAROLUS CELEDO-  
NIUS VELASQUEZ, Natione Me-  
xicanus & Patria, Collegij Tri-  
dentini Metropolitanæ Ecclesiæ no-  
stræ à S. Paulo & Purissima Concep-  
tione nuncupati, alumnus, Gram-  
maticam inibi, Rhetoricam, Phi-  
losophiamque coluit, atque Aca-  
demicâ ornatus laureâ Theolo-  
giæ se dedit, cujus itidem gra-  
dum tulit. Apud memorati Gym-  
nasia Collegij Eloquentiam præ-  
fessus est, semelque & iterum  
Philosophiæ Cathedram modera-  
tus sexennium in ea docendâ po-  
suit. Ubi Rectoris vices egerat,  
Rector ipse varijs datus Paro-  
chijs fuit, quas, prævio candida-  
torum concursu, tenuit perpe-  
tuo titulo, primùm ei præfectus  
quæ Zumpahuacam audit, post  
Xaltocam dictæ, atque in præsen-  
ti de Capuluac nominate, in quæ  
suas strenuè partes implevit, non  
in idiomate Mexicano minus pe-  
ritus quam in gravioribus disci-  
plinis. Scriptit

*Cursum Philosophiæ juxta PP.  
Thomistarum systema elucubratum,*  
cujus sunt penes Discipulos exem-  
plaria.

*Praelectiones itidem & Conciones  
varias quas Mss habet.*

663 D. CAROLUS LOPEZ  
TORRITAS, Natione Mexicanus,  
in Angelopolitana, ut remur,  
Diocesi ortus, gradibus Magiste-  
rij in Philosophiâ & Doctoratus  
in Jure Canonico insignis fuit  
apud Academiam Mexicam, cu-  
jus inter numeratus Antecessores,

Cccccc

pe-



periculo multoties in palæstrâ sapientum factò, multaque cum candidatis optimis contentione, Moderator suggestus pro Clementinis interpretandis fuit institutus. Hac propterea se abdicavit Provinciâ, quòd Angelopolim ejusque Parochias petierit, & à S. JOSEPHO nuncupatæ, quæ in eadem Urbe satis clara est, præfectus fuerit, atque Ecclesiastici titulo Judicis cohonestatus pro Testamentorum Operumque piorum causis decernendis & accurandis. Scripsit prout ex Annalibus novimus Academicis

*Commentarium in Clementinas de Rescriptis.*

*Commentaria in Clementinas de Electione & electi potestate.*

Meminit ejus Plaza in Chronicis Universitatis lib. 5. cap. 35. n. marginali 535.

664 FR. CAROLUS MENA, Natione Mexicanus, Vallisoleti Jucatanensium fortitus cunabula, Franciscanis Patribus de Observantia Seraphici Instituti ibidem florentis se addixit. Ut erat sacris litteris doctus, & ingentis idiomate vernaculo peritus ac elegans, Indis voce profuturus scriptisque, eorum linguâ usus condidit

*Sermones & Opuscula varia,*

Quæ pluris facta sunt à Parochis cæterisque Sacrorum ministris, ut testis est Jucatani Chronographus P.F. Didacus Lopez Cogollado lib. 10. cap. 20. pag. 604. quo loci memoriæ com-

mendat, Nostrum morti proximum, dum Guardianum agebat Cœnobij de Mococho, Sodalem monuisse, uti Encyclicas coram se litteras exararet obitus sui nuntias, statim atque ipse spiraret, datis unicè superadditis, circum Provinciam omnem mittendas. Ejus item memoriam habet D. Antonius de Leon Pinelo, in Epit. Bibliot. Occident. noviss. Edit. col. 727.

665 D. CAROLUS DE SIGUENZA ET GONGORA, Natione Mexicanus & Patria, si quis ullus, benemeritus de ipsa; Humanioribus litteris apprimè eruditus apud Societatis JESU Gymnasia, adeo excelluit in eis, ut 17 ætatis anno heroicum Poema *Ver Indicum* nuncupatum in laudem floridissimæ Guadalupix Imaginis Mexicanæ Deigenitricis Virginis composuerit, quod adultior typis commisit, etiamnumque vernat hispani carminis elegantiâ. Philosophiâ altè ibidem imbutus, instructusque egregiè Theologiâ, postmodum ab Mexicæ Universitatis Aulis Jus Canonicum avidissimè hausit, atque his animi dotibus, Historiæ adjecit Criticæque culturam, & in Mathematicis disciplinis eruditionem profectò eximiam, ab celebrioribus ejusdem Professoribus sua ætate in Europâ florentibus deincepsque magni habitam. Tantum certè sibi comparaverat nomen, ut (quod à gravissimis viris suis æqualibus



CA

bus jam pridem accepimus) Christianissimus Galliarum Rex Ludovicus XIV Eruditorum hominum æstimator eximius, suorum ipsum litteris invitaverit, se ut in Regna conferret Gallica doctissimis florentissima Professoribus omnium Scientiarum, auctumque iri opibus & honoribus. Justis ipse de causis in Patria detentus, decori ei & ornamento futurus eximio, ab Carolo II Catholico nostro Hispaniarum Rege atque Indiarum potentissimo Imperatore Regius Cosmographus fuit institutus, multisque dignatus schedis.

666 Mathematicas in Universitate nostra totos 20 annos professus, Emeriti tandem honorem tulit, atque ab eruditis è Cathedra discipulis multis haustam doctrinam in posteros suam propagavit. Hæc inter, Academicis alijs negotijs operam impertivit: nam à ratiocinijs institutus fuit, cui diu muneri incubuit: & Triumphum Parthenicum edidit, eruditum ac pulcherrimum Librum de Purissima Deiparente ab originario crimine immuni, egregijs pietatis juxtà & ingenij signis ab Schola Mexicanensi solennissimè celebrata: & Chronographus sponte sua, Academia ductus amore & Patriæ, oblatu; quamvis multis distentus curis, captam ductamque ad dimidium Historiam, imperfectam, quod valdè est dolendum, reliquerit.

667 Porro Americæ eruen-

CA

dis antiquitatibus deditus, priscorum monumenta Indorum diligentissimè conquisita, evolvit, & qua erat justissimâ Criticâ, Historiarumque accuratâ & multâ lectione, revocavit ad trutinam, atque in Libros à se conditos varios multosque traduxit, quibus abdita & offusa caligine in Solem tradidit & meridiem. His conficiendis Idioma imbiberat Mexicanum, & quæ OEdipo eger ingeniosissimo, Scientiam penitissimè calluit Hyeroglificorum, Characterum, & Imaginum, queis Septentrionalis Americæ incolæ litterarum vice utebantur, resque ab usque ipsarum primâ in hunc Orbem trajectione celebriores memoriæ prodiderant. Eisdem usi Symbolis, ut fuerant Arithmeticæ peritissimi & Astronomiæ, Circulos dedalæo planè artificio formaverant, quorû singulis singula ob oculos secula dabant, & quæ in eis cumque memoriâ digna evenerant, seu cœlestia essent, Solis Lunæque defectiones & Cometes, seu politica & militaria, verbo, insignia quæque graphicè appositis figuris signabant.

668 Innumeros & pulcherrimos istiusmodi Libros Indorum, Mappas vulgo dictos, tum convolutos in orbem, tum aliter fabrefactos, jam inde à Mexicanorum per Hispanos expugnatione, Religiosissimi viri zelo quidem egregio ducti, pari tamen ignorantia rerum quas illæ chartæ exhiberent, diris flammisque devo-



devoverunt, veriti superstitionibus scatere, suspicatique Idola esse Imagines illas quibus Volumina consultissimè & ad res natas scripta fuerant. Hinc procedente tempore rariores fuere id genus Libri superstites aliquorum diligentia Indorum clam ipsos tenentium, ut qui nossent immunes illos esse labis, nec à Catholicâ, quam susceperant, Religione profcriptas esse Historias gentilium, Annales, Commentaria, Adversariaque, ut à callentioribus Christianis acceperant & Præsbyteris. In tanta verò istiusmodi raritate monumentorum, non nisi immanibus sumptibus incredibili que diligentia Carolus multa coacervavit Volumina, pretiosioraque nactus fuit dono inclyti in paucis D. Joannis de Alva Regio Tezcucanorum sanguine geniti Indi, qui accepta à majoribus diligentissimè custodierat, atque ut erat eruditus, callebat exactè, consuetudineque ducta cum Nostro, hunc moriens testamenti voluit executorem, & charissimarum sibi chartarum atque insignium Librorum legatarium.

669 Nec verò Siguenza his alijsque exquisitissimis avarè fruebatur, quin imò libens cum eruditis, etiam exteris, communicabat, ut testis est D. Joannes Franciscus Gemellius Carerius, Italus, qui quo tempore girum peragens Orbis, Mexici egit, rarissima ab eo gentis accepit, quæ Volumine suo sexto explicatè tra-

dit, haud ingratâ animi adversus Carolum significatione. Pari in Observationibus Mathematicis suis manifestandis liberalitate erat, quæ in causa fuit, ut ægrè tulerit, haud urbanè tractatum esse à P. Eusebio Francisco Kino Societatis JESU è Provincia Babariæ, de quo conquestus est in Libra sua Astronomica respondendi ergo eidem elucubratâ.

670 Certè tanta erat dives eruditione, varia, amœnissimaque, scribendi promptitudine, stylo quidem pulchro juxtaque gravi, facili ut negotio Libros multos condiderit, longèque plurimos exarasset, si aut pro typographicis sumptibus facultates ei fuissent, aut, qui has sufficerent, Mecœnates. Favebant illi quidem Pro-Reges, Auditoresque Regij, atque unâ cum Archiepiscopo Ecclesiastici Ordinis viri gravissimi, quibus tamen pro modestia sua ipse ad id negotij onera nunquam fuit usus, vixque non invitatus Amicis Opuscula deposcentibus edenda concessit, quæ in scrinijs abdiderat, ut is testatur qui Libram Astronomicam typis commisit ære suo D. Sebastianus de Guzman & Córdova, Regiâ insignis Mexicanâ Procuratore, in ejus Libri proœmio. Cœterà Author cupidus publicandi raras admodum à se erutas Americanas Antiquitates, egrè ferebat elucubrationes illas queis diu nimis quæ insudaverat, singu-



CA

gulares, secum iri sepultas, ut in Paradyſi Occidentalis Proœmio lamentabatur.

671 Antiquis vindicandis vigilabat & aſſerendis ſchedis impendio neutiquam contemnendo: quam obrem funeſtiſſimâ nocte 8 Junij 1692 conflagrantibus Ædibus ijs Mexiceis, in quibus publica Urbis tabularia custodiebantur, totaque Civitate ſuſque deque verſâ à tumultuantium Indorum copiâ effrænâtâque indignatione, nil ipſe veritus, illuc ſe cum propinquis contulit, atque multâ ſtipe erogatâ, cum operis egit, ut admotis ſcalis fenestras aſcenderent, pluresque ab incendio Libros eximerent, quos ſecum detulit, dolens tamen plerosque vindicari potuiſſe minimè, & demum in cineres evaſiſſe.

672 Amori adverſus litteras, quem innuimus eximio, Chriſtianæ prætulit vitæ ſtudio, eâ ut moratiſſimum decet Præſbyterum ad extremum piè & honeſtiſſimè ductâ, Capellanum agens annos 18 Hospitalis domus de Amore Dei, quo in munere ſuam ipſe Dei & proximi dilectionem, cœteramque virtutem palam expoſuit. Confeſſiones excipiebat, eruditè concionabatur, æſtuabatque zelo animarum, Indorum potiſſimum, quorum delectatus conſuetudine pro imbibendis abſtruſioribus gentis Hiſtorijs, conſulturus ſaluti, ab imis evelli radicibus ebrietatem veller, plurimorum cauſam malorum,

CA

quæ ab hauſto regionis vino, Pulque dicto, promanant, cœterâ ad virtutem aptiſſimos homines miſerè corrumpente, dirisque propterea devoto. His percharus nominibus Illmô. Archiepiſcopo Mexicano V. D. D. Francisco de Aguiar & Seixas, eleemoſynis à ſe publicè erogandis præfectus fuit, quas ille ordinatè ad Valetudinarij atrium fœminis pannofis catervatim accurrentibus diſtribuebat. Judicibus item Fidei gratiſſimus, cùm pro Librorum reviſione inſtitutus, tum etiam ad graviſſima alia admotus negotia, ſtrenuam commiſſis ſibi navabat operam.

673 Adhæc Excm<sup>l</sup>. Comitſ de Galves D. D. Gaſparis de Sandoval Mexiceſi Pro-Regis Decreto 12 Januarij 1693 eximiam ejus in Mathematicis omnibus peritiâ facientis maximi, volentisque ejusdem uti operâ in graviſſima expeditione Regis & publicæ cauſæ plurimum referente, juſſus eſt comitem ut ſe daret ſpectatiſſimo Clâſis Americanæ Præfecto D. D. Andreæ de Peſ in Sinum Mexiceum navigaturo, ejus explorandi deſcribendique cauſâ. Rem latè narrat D. Gabriel de Cardenas, in Proleſione Chronologica ad Hiſtoriam Floridæ generalem decade 19 anno 1693 à pag. 308 quam ſummis nos labris attingamus par eſt, Martij igitur 25 à Veræ-Crucis Portu, in navi à Guadalupia Virgine nominata, ſolventes, in ſta-

Dddddd

tio-



tionem demum à S. Maria de Galve ex tunc dictam, antea vulgo que Panzacola, ubi accessere, undique ipsam Noster terra mari que lustravit, Promontoria distinctinxit nominibus, è queis unum ab eo Siguenza dici socij voluere, quod hodieque audit, extructâ ibi munitissimâ Arce & trecentorum collocato præsidio militum. Recessus aperuit, Flumina, Fluvia navigavit, Terras circumspexit conquirendorum Indorum ergo, ipsarumque notitiam hauriendi, queis agnomina dedit, non nulla inde traducta quòd similes Mexicanis aliquot locis sint visæ, ut qui Iztacalco, amœnissimo propè Mexicum Pago lintre multiplici quotidie frequentati, & qui Baratillo in Urbis Foro nuncupatus fuit ab hæterogeneis multis nullius pretij rebus inibi venditatis. Sacrum ut erexerat in terra Vexillum Crucis, alijsque Christianæ pietatis officijs operam dederat, tabelæ suæ geographicæ institit conscribendæ. Tum ultra progressus comitatusque Præfecto & naucleris, Movilam explorandam petivit; insuper insigne Flumen Missisipi dictum aggressi fuere, quod porro immensa deciduorum multitudinem arborum, obicibusque alijs detenti, dimetiri, ut in votis habebant, prætermisserunt: De quo verba fecerat in Tropheo Hispanæ justitiæ pag. 75 P. Hennepin Capuccinum Gallû propterea carpens, quòd in Luisiana

sua scripserit terras illas fluvium que Missisipi, alias de la Palizada, Hispanos latuisse, quî tamen jam diu in Historias hæc redegerant à se perlustrata.

674 Ea Carolus defunctus Provinciâ, Mexicum repetijt solitaque exercitia, atque Historicam, quam inferius dabimus, Descriptionem mox à se visæ Panzacolæ & Movilæ appositissimè elucubravir. Tandem molestam per annum ægritudinem ita tulit; ut mirantibus Medicis, acerbos inter dolores, Ecclesiastici pensum officij solverit, viribusque defectus, ad isthæc Religionis nervos intenderit. Frequentissimè animum expiabat confessione, cœlestiq; reficiebat Synaxi. Multa pro se fieri sacra jussit, stipe constitutâ, eo quo ægrotabat tempore, pluraque itidem agenda post mortem disposuit. Infirmis ut defunctus auxilio esset & Medicis, intima corporis sui ope Chirurgi secti, explorari atque accuratissimè dispici voluit, è queis grandior avulsus fuit calculus Ilias que dolorum. Penes vitæ terminum constitutus, Societatem JESU, quam retrò coluerat, intimèque dilexerat, nuncupatis votis amplexatus est.

675 Postremas pijsimè tabulas condidit, facultates, nec opulentas quidem, nec verò minimas, non in consanguineos tantum pauperes, sed in alios & pia loca distribui jubens, pro ut ejus, quæ mox nominabimus, nepos fide-



delissimè est executus statim ab obitu avùculi, qui excesserat die 22 Augusti anno 1700, ætatis suæ 55. Funus ejus actum solennissimè fuit in Collegio Maximo Societatis JESU, assistente Doctorum Confessu, & gravissimâ multorum coronâ, ejusque corpus in Sacello à Purissima nuncupato repositum. Scripta ejus plurima fuere, quibus utinam vel ineditis frui liceret dolentibus nobis pleraque aut latere in alicujus puteo Democriti, aut, quod deterius erit longè, irreparabili intercidisse litterariæ Reipublicæ damno. Edita recensemus primùm, quibus Manuscriptorum series accedet. Sunt illa quidem Poetica, Symbolica, Panegyrica, Philosophica, Mathematica, Historica, Concionatoria, Critica. Hispano sermone typis commisit

*Ver Indicum, Poema sacrum Epicum, idæam Guadalupe Mexicæ Deiparentis Virginis Imaginis, è floribus miraculo jam pridem depictæ.* Mexici, anno 1668 in octavo. Rursusque apud V. Bernardi Calderon 1680 in quarto. Vernantissimum sane, Opusculum qui legit, nemo non dicit, mirarique subit Authoris ingenium floridissimè numeris ludens ante 18 ætatis annum, atque suaveolentibus flosculis præcocibus & multigenis, proludens edendis mox à se optimis sapiendissimisque eruditionis fructibus. Extat tom. 58 collect nostræ.

*Decora Queretari in novâ Eccle-*

*siasticorum sub titulo Sanctissimæ Mariæ de Guadalupe ibidem erectâ Congregatione, Temploque magnifico à fundamentis ejus nomine condito, sumptibus & pietate D. Joannis Caballero & Ocio Præsbyteri.* Mexici mox dictis litteris & anno in quarto. Opusculum est Historicum Panegyricumque, amenissimâ narratione Urbem Queretaro nuncupatam in Mexicanâ Dicecisi sitam amplissimam ornatissimamque describens, atque excitatum ibidem Templum Guadalupanæ Virginis nomine structuræque augustum ob oculos ponens, & Clericorum illustris admodum Sodalitij frequentata inibi instituta graphicè pingens, unâ cum habitis solennissimâ in Dedicatione sacris festis, publicisque spectaculis & poeticâ Concertatione.

*Politicarum Theatrum Virtutum Principem constituentium, atque è pricis erutarum Mexicanis Imperatoribus, quorum effigies ornatui fuere Triumphali fornici à Nobilissima Regique obsequentiissima Imperiali Civitate Mexicæ erecti, excipiendi ergo Pro-Regem suum Excmum Comitem de Paredes, Marchionem de la Laguna, &c. D. D. Thomam Antonium Enriquez de la Zerda, &c.* Mexici, ex eadem Calcho-graphia anno 1680 in quarto. Liber hîc, symbolicus juxtâ & historicus ac poeticus, eximiam hominis prodit eruditionem, cum à Romanis, cæterisque Scriptoribus haustam, tum abstrusorem lon-



longè, quàm ab Mexicanorum Annalibus improbo labore multorumque annorum studio comparaverat sibi, quaque opportunè usus, antiquorum Americæ nostræ Imperatorum virtutes politicas imitandas Principibus obtulit, Præludijs tribus doctè in antecessum Theatri conscriptis.

*Triumphus Parthenicus ab Regia & Pontificia Universitate Mexicana in gloriam Sanctissimæ Deiparentis citra hereditariam noxam genita, celebratus eo biennio, quo ad clavum Academia sedebat D. D. Joanes de Narvaez, mox Primarius Sacrarum litterarum Interpres, &c.* Mexici, litteris Joannis de Ribera anno 1683 in quarto. Politissimum & omnigenâ conditum eruditione Volumen hocce Mexicanæ Academiæ adversus Deiparentis Virginis Conceptionem Purissimam officia pietatis eximie, ingeniorum monumenta pulcherrima, pompamque festivissimam refert, quæ biennio illo adjecta fuerat jam pridem habitis ea de causâ non sine multo apparatu festis, quibus annuatim mirè crescentibus, Octiduum successit gravissimum, hodieque quotannis in honorem Immaculatæ Virginis instauratum. Id præterea Operi pretium addit, quod geminam exactè Concer-tationem Poeticam palam afferat, in eundem plaudendi conceptam sine crimine Deiparentem scopum tendentem, excriptis cum Latinis, tum Hispanis car-

minibus, quæ à floridissimis profecta Musarum cultoribus, visa fuere iudicibus palmam cæteris, contemnendis neutiquam, præripuisse. Adhæc, monumenta alia lector inveniet ab Academicis suspicienda viris eo nomine, quod multorum illustrium Doctorum Imagines & acta præferant, opportunè captâ occasione ab id temporis dedicatâ pro Scholasticis actibus novâ Aulâ amplissimâ ornatissimâque, Immaculatę Virginis plausibus frequentari auspiciatissimè capta.

*Paradyssus Occidentalis beneficâ & liberali Catholicorum admodum & Potentissimorum Hispaniæ Regum nostrorum manu plantatus & cultus in magnifico Regio Canobio à Jesu Maria Mexicano.* Mexici, formis Joannis de Ribera anno 1684 in quarto magno. Historia est absolutissima Regalis Monialiū Conventus, cujus conditionem & incrementa Vitasque V. M. Marinæ à Cruce, & aliarum virtutibus florentissimarum Sororum accuratissimè Author exponit, fassus in Præmio, strictiores se Historiæ conscribendę leges observaturum, quas ad unguem servasse Opus ipsum edocet, sive styli castitatem elegantiam conjunctam velis, sive in enarrandis rebus methodum aveas, sive, quę primas in Historia partes habet, veritatem exoptes, pro qua indiganda, quotquot editi Libri usui esse poterant, evolvit ac legit, monumentaque plusquam cen-



CA

centum, & dicta testium adjecit, quos non semel examinavit.

*Expositio Philosophica adversus Cometes imperij expoliatos quod habuerant in timidiore.* Mexici, 1681 in quarto. Opella hæc excusa fuit occasione Cometæ usque à dimidio fere Novembris 1680 apparentis, atque, ut fit, panico terrore plerosque occupantis, credentes sinistra Orbi illum insolitæ figuræ ignem & inauspicata ominari, quo ut eos metu liberaret & præjudicio Noster, pro egregiâ suâ & in Mathematicis & in Historicis eruditione, brevem luci publicæ dedit Codicem. Quod autem Opusculum hocce tres habuerit oppugnatores, qui impressis illud dissertationibus sunt aggressi, eorum uno despicatui habito, ut qui toto cœlo à Mathematicâ erraret & Philosophiâ, duobus alijs respondit Apologeticis statim viriliter & sapienter ornatis, primo quidem inedito, de quo infra memoriam habebimus; edito altero, quod mox subdimus, hoc titulo

*Libra Astronomica & Philosophica ad quam D. Carolus de Siguenza & Gongora Cosmographus & Mathematicus Regius in Academia Mexicanensi revocat nedum ea quæ adversus Expositionem Philosophicam in Cometas suam opposuit R. P. Eusebius Franciscus Kino Societatis JESU; verum ea etiam quæ R. P. ipse opinatus est, demonstrasseque credidit in Expositione Astronomica Cometæ anni*

CA

1681. Mexici, ex Officina V. Bernardi Calderon 1690. Quamvis enim Liber hic anno 1682 prælo paratus fuerit, ut ex Approbationibus & Licentijs eo anno subscriptis cernitur, Authore tamen modestè obistente publicationi, latuit in Amici scrinio ad annum usque 1690, quod pristinis homines præjudicijs malè sibi cæperint auspicari ab viso matutino Cometa majori Decembris parte præcedentis anni 1689. Amicus porro ille Nostri, cui acceptum debemus aureum hunc Librum sumptibus suis excusum, fuit D. Sebastianus de Guzman & Cordova, Hydrographiæ & Nauticæ peritissimus, quas ab insigni Mathematico Hispano D. Francisco de Ruesta hauserat, totosque annos 26 in praxim duxerat felicissimè, Mexicique similiter procurationi Regiæ vacabat. Nec eo tantùm ipsi sumus obstricti nomine, sed his etiam quod multos Caroli Libros à se lectos testatus fuerit in Proœmio Astronomicæ Libræ præfixo, à se politissimè concinnato, ubi eorum argumentum pandit & nucleum.

*Historica narratio evētuum Americana Clasis de Barlovento dictæ, penes extrema anni 1690 & initia 1691. Victoria adversus Gallos aquilonaria Hispaniola littora occupantes, ab Insula Hispanis militibus sub ejusdem Clasis præsidio obtentâ, Portu Guarico Pagisque finitimis flammâ correptis, fovente providente*

Eeeee

que



que Excmō. D. D. Gaspare de Sandoval, Cerda, Silva, & Mendoza, Gomire de Galves, &c. meritissimo Pro-Rege, Gubernatore, & Duce generali Novæ Hispaniæ. Mexici apud H. V. Bernardi Calderon 1691 in quarto. Hancce Historicam narrationem scribendi officium idem Excmūs. Pro-Rex injunxit Nostro, traditis ei Epistolis & Diarijs exactissimis ad se missis ex Hispaniola, queis usus Opusculo majoris operæ mox signando prolusit. Nomen quamvis Caroli non præferat, cum tamen Authorem habuisse indicat & dictionis character & editionis, Pegasus in fronte gerentis, qua ille tessera Scripta sua omnia & Ephemerides annuas signabat: Tum etiam Pro-Regis cum eo consuetudo, ejus ad id genus negotia unius calamo utentis. Exrat t. 59 Collect. nost. in quarto.

*Hispanæ Trophæum fustitiæ in Gallicam animadvertentis perfidiam apud Hispaniolæ littora.* Mexici, typis H. V. Bernardi Calderon 1691 in quarto. Narratio est historica & pulchra eorum quæ fortissimè ab memoratæ Insulæ Hispaniæ gesta fuere adversus obsidentes & incursantes ripas suas Gallos mense Januario 1691, Americanâ illuc classe appellente 9 Novembris præteriti proximè anni, ipsam ducente D. Hyacintho Lopez Gixon.

*Infortunia Alphonsi Ramirez circum per Orbem euntis,* Mexici eisdem formis 1693 in quarto.

*Mercurius volans & novam Mexicum restauratam præferens.* Mexici, mox dictis Calchographia & anno.

*Orientalis Planeta Evangelicus, Epopeya Sacro-Panegyrica Indiarum Apostolo magno S. Francisco Xaverio.* Mexici, è Domo D. Mariæ de Benavides 1700 in quarto. Prodiit egregium Poema istud posthumum curis D. Gabrielis Lopezij de Siguenza, Authoris, eo tempore recens mortui, nepotis, qui scriptum ab avunculo Codicem ante 32 annos, jamque ex tunc 14 Augusti 1668 approbatum ab Illmō. D. D. D. F. Antonio de Monroy è Generali totius Præd. Ord. Magistro Archiepiscopo Compostelano, ea tēpestare illustre Mexicæ Collegium de Porta-Cœli regente, multisque Poema & Authorem laudibus efferente.

*Descriptio Sinus S. Mariæ de Galve (antea Panzacola dicti) Movilæ, Fluminisque de la Palizada, aut Nisifipi ad septentrionalia Mexicæ stationis, quo ductus fuerat ab Excmō. D. D. Andrea de Pes, Regij Indiarum Consilij Gubernatore, tunc cū Præfectum Americanæ classis de Barlovento agebat.* Mss postquam ea descriptione usus fuerat D. Gabriel de Cardenas Cano pro sua Chronologica ad generales Floridæ Historiam Prolusione, impressam in folio se vidisse testis ipse est in ejusdem Libri Isagoge.

*Heroica D. Ferdinandi Cortezij*  
pie-



CA

*pietas*; Opusculum editum esse testatur D. Caietanus de Cabrera in Gentilijs Mexici, ejusque fragmentum proposito suo opportunè transcribit pag. 334. n. 663. à cap. 10 n. 114 ejusdem Opusculi.

Prætermittimus annuas, quas edebat Astrologorum ritu solito Predictiones, id est Libellos neutiquam pænitendos, pro anni tempestatibus idque genus tradendis, quos accuratissimè elaborabat, dicere solitus, citra piaculum oscitanter scribi non posse, fumosque & nugas Reipublicæ venditare, ac per negligentiam ementibus illas imponere.

Et de typis excusis Nostri Libris hætenus.

Inedita reliqua sunt nobis, de quibus & memoratus mox Caroli nepos in Nuncupatoria Xaveriano Poemati à se data, memoriam habet, & dudum laudatus Editor Libræ Astronomicæ, in Proœmio, & Betancurtius, in Cathalogo Authorum & Monumentorum quæ sibi usui fuere pro Theatro Mexicano, atque in hujus Antecessu, post Monitum ad Lectorem, habetur; & Siguenza ipse Noster in Præfationibus memorandis, à se conditos attestatur. Sunt illa porro.

*Bellerophon Mathematicus contra Chimeram Astrologicam D. Martini à Torre.* Is fuit Mathematicus alter ille, qui Expositionem Philosophicam Nostri adversus inauspicatos Cometas oppugnan-

CA

dam suscepit, cuique laudato urbanissimè, & apud Jucatanum in Portu Campeche agenti, Opusculum destinavit, argumentis factis superque illius occurrens, ut ipse in Libra sua Carolus monet pag. 19 n. 28: de quo que Guzmanius scripsit, subtiliora quæque Trigonometriæ pro Cometis vestigandis invenienda in eo esse, dolens intercidiisse pulcherrimum alium

*Tractatum, seu Methodum à nullo tunc usque Professorum Mathematicos abhibitam pro Solis defectionibus computandis in gradu nonagesimo idque genus alia oppidò subtilia & abstrusa complexum.*

Illmûs D. D. D. F. Antonius de Monroy in Censura superius à nobis memorata, unà cum Poemate Xaveriano Oppellam Nostri aliam approbat, quam inter edita ejus vidimus nunquam, cuique titulus fuerat

*Apologeticum pro Vere Indico, seu de Guadalupia Imagine Poemate.*

*Ciclographia Mexicana, seu Annus Mexicanensis, id est, Methodus pro censendis annis, mensibusque & diebus putandis, quam & Mexicani & universim politiores Septentrionalis America Indi adhibuerunt, usque ab eorum in ipsam migratione, duce Teochichimecatl, paulo à Babylonicâ confusione Linguarum.* Opus hoc non quidem magnæ molis, at moliminis certè maximi, improbique laboris, & eruditionis vastissimæ, à se testum



ctum testatur, laudatus. supra D. Sebastianus de Guzman & Cordova. Porro abstrusissimas & antiquitatis caligine involutas computationes is unus Siguenza bono in lumine potis fuit collocare, qui immensæ de priscis Indorum rebus eruditioni, eorumque chartarum & ænigmatum scientiæ multorum diligentiarum comparatæ, aliarum peritiam Historiarum adjecerat, insignemque in Mathematicis disciplinis doctrinam. Hinc factum, ut Orientalium Nationum in constituendis annis ordinem, quem habuerat perspectissimum, cum antiquissimorum Mexicanensium tabulis composuerit: rebus res comparaverit: atque à notatis in Calendario Indico Solis Lunæque defectionibus, Cometisque insignioribus, quæ non nisi tali anno & tali postdiluvianis observata ab Astronomis fuisse atque in Libros redacta; recta demum consecutione Mexicanæ initia Nationis, nostratumque epocham Americanorum circiter post divisas in Orbe è Babylonica confusione gentes intulerit. Quod & præcitatus Guzmanus, & Editores Authoresque Epitomes Pinelianæ col. 778 monuerunt; quibus addimus Doctorem Joannem Franciscum Gemellium Careri Italum, in Orbis gyro à se tertium cuso Neapoli apud Felicem Mosca 1721 part. 6. lib. 1. cap. 6. pag. 60. Siguenzam laudantem cum ab eruditione &

diligentiâ, tum ab urbanitate & liberalitate in rarioribus & pretiosissimis Indicarum rerum notitijs secum communicandis, cuique accepta refert quæcumque in eo sexto Volumine de Mexicanorum antiquis monumentis scribit. Signatim toto eo cap. 6. à pag. 50 usque ad 61. Ciclographiam Mexiceam explicat Italo sermone, atque ob oculos ponit pulcherrimâ laminâ Circulum demonstrante, ut à Nostro accepterat, Mexicanorum annum, ingeniosissimè appositis Symbolis, à priscis excogitatis Indis nostratibus præferentem. Atque, ut qui viderat Librum, in eo Siguenzam uti Sacræ paginæ testimonijs, Indorum traditionibus, depictis chartis & Hieroglyphicis gentis singularissimis, testis est. Multa præterea in eodem Volumine Gemelius capp. 4. 5. 7. 9. alijsque ex his refert quæ ab Amico suo Siguenza dono habuerat.

Indicari hactenus Nostri fontes in eximium Opus alterum creverunt, de quo & ipse Siguenza meminit in Præfatione ad Paradysum Occidentalem, ominans, non absque egregio dolore suo, secum illud consepeliendum; & Guzmanus in sæpius memorato Proœmio à se lectum fuisse, paratumque prælo testatur; ex quibus & Berancurtio, in Epitom. Occid. Bibliot. col. 713. abiit, notantibus editoribus, haberi etiam Libri memoriam in Additionibus Mss. Bibliot. D. Ni-



CA

Nicolai Antonij. Titulus verò Operis ita habet hispano sermone

*Imperium Chichimecum in Septentrionali America conditum à primo in eam deducente coloniam Theochichimecatl, auctum amplificatumque ab Ulmecis, Tultecis, & Acolhuis; rap- tum denique ab Mexicis Culhuis, &c.* Titulo respondebat Opus, quod Nationes inter discrimina signabat, unius mores cujusque ritusque ferebat, & ad militiam spectantes, & politica concernentes, & sacris devotos. Accedit eadem linguâ

*Occidentis Phenix S. Thomas Apostolus, nomine Quetzalcoatl, inter antiquarum cineres traditionum inventus, conservatus in lapidibus & carminibus Tultecorum, & Theochichimecorum ac Mexicanorum canticis.* Hujusce pariter Libri Author ejus Siguenza in præfatione Paradysi Occidentalis, & Guzmanius in Proœmio Libræ Astronomicæ meminere, itemque Betancurtius dato supra loco, & in Epitome Occid. Bibliotheca, Pinelus unusque ex illis Libris erat prælo dispositis, quos egrè tulit Carolus non in publicum Theatrum exire. Ejus Argumentum in prædicationem S. Thomæ Apostoli ad Septentrionalem usque Americam nostram productam inquirebat, atque multis undique conquisitis momentis, primum Apostolos per omnem, quâ late patet, Orbem effusos Author probabat: mox Americam nostram non perinde antiquis incognitam penitus fuisse

CA

se agebat; denique S. Thomam, è duodecim Apostolis unum, in eam migrasse, quem nomine Quetzalcoatl, Indi signaverant, collatione utriusque factâ, nominis, vestimenti, doctrinæ, vaticiniorumque concludebat; expensis quæ peragravit locis, rimatis relictis à se vestigijs, portentisque in lumen eductis, è discipulis, ut minimum quatuor in hisce Regionibus christianè institutis.

*Theatrum S. Metropolitanae Ecclesiæ Mexicæ,* quod magna ex parte scriptum jam à se esse monuit in Præfatione Paradysi Occidentalis: cujusque præcitatus Guzmanius attestatur multa ab Authore absoluta & polita jâ esse: multa in Notis habita, nec pauca adhuc desiderari è plurimis quæ sibi Carolus ornanda præscripserat, hoc est, omnibus naturalibus, politicis, sacris, militaribus, & minutioribus quibusque amplissimæ Urbis Mexicæ, quam deperibat, Patriæ suæ ornamentis, in quæ summam inuendis plusquam integram paginam Guzmanius infumit; & hoc opinamur Theatrum nomine Historiæ Mexicanæ ab nepote memorato Caroli designari, ex his quæ subdit ad intexendam illam paratis. Et nisi fallimur Theatri hujus fragmenta sunt folia sex, quæ vidimus in Oratoriana Bibliotheca Mexicæ, Caroli pulcherrimâ litterâ, quam nescimus, scripta, & cum multis alijs monumentis Mss compagina-

Ffffff

na-



nata eorum Tom. 2 in folio: Nam & Academia Mexicana natale solum, & Valetudinarium à Purissimâ Conceptione dictum, Cortezij sumptibus & pietate constructum, idque genus alia duodecim ille pagina continent.

*Historiam Regiæ ac Pontificiæ Universitatis Mexicanensis* primo inter Mss loco Nepos ipse recenset, quam ad medium usque asserit ductam fuisse, laterèque ipsam ubi aut penes quem tandem illa esset; apud se autem habere dicit

*Historicam narrationem seditionis Indorum Mexici factæ anno 1692.*

*Testimonia & Opuscula multiplicis argumenti;*

*Varia eruditionis Tomos 5 in 4.* Opellis majorem partem Siguenzæ constantes, & aliorum consuetudine ac ingenio junctorum sibi Sodalium, dono se dedisse Medicinæ professori notissimo D. Ignatio de Anzures, è cujus defuncti Bibliothecâ in quâ migraverint ignoramus.

*Animadversiones marginales in Historiam Mexicæ Expugnationis Bernardi Diaz del Castillo, itemque in Libros Monarchiæ Indicæ P. F. Joannis de Torquemada, Nepos ipse Gabriel, Amico, cujus reticet nomen, Novæ Hispaniæ Historiarum amantissimo, usui esse voluit.*

*Tribunal Historicum* addimus, cui ultimam Carolus manum imponebat eò tempore, quo D. Josephus de Lezamis, Mexicæ Cathedralis Ecclesiæ Parochus, Vi-

ram S. Jacobi Apostoli conscribebat, ut is in Proœmio ad Lectorem inquit, atque ex Opere illo, Critico certè, se accepisse asserit quod in altera à se condita Vita Illmî. D. D. Francisci de Aguiar & Seixas, obiter insinuerat, primam Mexici edificatam Ecclesiam fuisse Parochiam S. Jacobi nomine insignem, eo in solo quod in præsentiarum Cœmeterium est Cathedralis Ecclesiæ, seu amplissimum ejus Vestibulum, ut testimonijs Antonij de Herrera, Torquemadæ, Ferdinandi Cortezij, & Bernardi Diaz del Castillo, alijsque monumentis Siguenza è Tribunali illo pronuntiat.

*Historiam Provinciæ Carolinæ dicendæ, vulgo appellatæ de los Texas,* Amplam ipsam esse à se absolutam Carolus ipse docet pag. 72 Trophæi, tuncque edendam cum ei visum fuerit, qui scribere jusserrat, Excmûs. uti remur, Comes de Galve, Pro-Rex. Eam mores incolarum & religionem, politicam, cunctaque gentis lectoribus exhibere ibidem subjunxit

*Genealogiam Imperatorum Mexicanensium* inter Mss, Nostri recenset Pinelus col. 599 ex Betancurtio, in Theatro Mexicano part. 1. tract. 1. cap. 23. pag. 52. n. 184 & 189 testante jam pridem eruditissimè intextam ab Amico suo Siguenza, è cujus Codicibus ea ipse libarat, quæ ibidem incidenter tradiderat. Utrum autem Opus hoc pars sit alterius de



CA

de Imperio Chichimecorum, an omnino diversum; parum quidem interst; nec divinare licet.

*Vitam Illm̃i. D. D. D. Alphonsi de Cuevas Davalos Archiepiscopi Mexicani* inter Mss. Caroli Pinelus enumerat col. 840 Betancurtium citans, qui in de Civitate Mexicca tractatu pag. 25. n. 126 sperabat à Siguenza edendam, ipseque Siguenza in Triumpho Parthenico fol. 87. col. 2. vitâ comite, se eam scripturum promiserat; suspicamus tamē, alijs præpeditum elucubrationibus & negotijs, Vitam illam inter operata reliquisse, quòd à nullo hactenus audierimus voti tandem hujus compotem fuisse, inhiantesque plures Vitæ, quam scimus scriptam à D. Bartholomæo Rosales, Siguenzanum nullibi Codicem suspicentur.

*Tractatus de Sphæra* 200 circiter folijs constans ipsiusque Siguenzæ caractere exaratus, quondam apud Bibliothecam PP. Franciscanorum de Tlatelolco erat, qui & si nos fugerit, asservatos in ea Codices indagantes, inibi visus fuerat à D. Francisco de los Rios, Tertij Seraphici ordinis, Bibliopola, viroque multâ eruditione pollente, fideque dignissimo, qui ea de re, si opus esset, jurato testimonio ferendo paratus erat.

*Oratio Funebris panegyricaque celeberrimæ Mexicanæ Poetriæ Joannæ Agnetis à Cruce Monialis ad S. Hieronymi litteris & virtutibus celebrandis* inedita inter Caroli re-

CA

censetur, quam Orationem eruditam & egregiam appellat Illm̃s. D. D. D. Joannes de Castorena ad calcem Tomi tertij Operum Joannæ Agnetis, quorum editionem accuravit apud Mantuam Carpentanorum. Hic porro, occasione nobis oblata, libet Hispanam poësim lectoribus dare ejusdem notissimæ Poetriæ, inter editas non extantem, ad Nostrum transmissam officij ergo quod Politicarum Theatrum virtutum ab ipso recens editum dono ei miserit.

*Dulce canoro Cisne Mexicano,  
cuya voz si el Estigio lago oyera,  
segunda vez à Euridice te diera,  
y segunda el Delfin te fuera humano.  
A quien si el Theseo muro, si el Thebano  
el ser en dulces clausulas debiera,  
ni à aquel el Griego incendio cõsumiera,  
ni à este postrara Alexandrina mano.  
No el sacro numen con mi voz ofendo,  
ni el que pulsar divino plectro de oro,  
agreste vena concordar pretendo.  
Pues por no profanar tanto decoro,  
mi entendimiẽto admirã lo quẽ entiẽdo,  
y mi fẽ reverencia lo quẽ ignoro.*

Ad extremum, Scriptis Caroli subnectimus aliorum quæ ipse ingenti sumptu & labore collegat authographa monumenta, testamento suo consignata Maximo SS. AA. Petri & Pauli Soc. JESU Collegio Mexiceo 28 Voluminibus comprehensa, quæ nepos ejus & executor statim sapientissimis PP. tradidit unâ cum selectissimis alijs Libris 470 omnibus ab avunculo itidem eis le-



gatis, ut in Nuncupatoria superius memorata Orientalis Planetæ scripsit. E Mss his duodecim in folio Voluminibus, 8 in Bibliothecâ vidimus ejusdem Collegij instructissimâ, cæteris nos fugientibus, aut forsan aliò translatis, aut inibi quidem existentibus, nullo tamen pro eis distinguendis signo tanquam Collectionis Siguenzanæ corporibus, aut demum furtim ablati. Octo illa Volumina in folio hunc in Bibliothecâ sillabo titulum habent: *Historia Mexicana*. Ex illis gemina Ephemerides sunt à Martino del Guijo Præbytero Mexicano collectæ, de quo Authore & Opere in loco dicemus. Tria hoc præferunt nomen: *Fragmenta Historiæ Mexicæ*. Quæ sunt reliqua ejusdem argumenti multiplices Codices exhibent; atque ex his omnibus habemus antiquas Historias, pristinasque Indorum Scriptorum reliquias, partim elucubratas, partim collectas à D. Ferdinando de Alva, Regij generis & multæ eruditionis Indo: à D. Dominico Chimalpain, Indo itidem prænobili & docto, & ab alijs in decursu nominandis, quas perfectas habuit, & è quibus profecit Eques Laurentius Boturini pro Catalogo suo Musæi Historici.

Jam, ut eos sub aspectum simul ponamus qui Nostri in editis libris meminere cum laude, sunt ij. Doctor D. Joannes Fran-

ciscus Gemellius Careri, Italus, in Opere supra memorato part. 6. lib. 1. cap. 6. pag. 60. & lib. 2. cap. item 6. pagg. 149 & 151 & alibi. Nominatus mox Boturini in Idæa novæ Historiæ generalis Americæ Septentrionalis pag. 48. §. 8. n. 3. & pag. 54 § 10. n. 5. & pag. 125. § 16. n. 22. pag. 43. § 6 n. 5 & in Museo suo, signatim § 4. n. 5. & § 24. n. 6. & § 35. n. 5. D. Salvator Joseph Mañer in Antitheatro Critico Tom. 2. Volumine 1. discurs. 7. pag. 123. primos eum inter Hispanos Mathematicos jure recensens. Betancurtius jam supra allegatus: D. Antonius de Leon Pinelo in Epit. Bibliot. Occid. additæ multis in locis, videlicet col 581. 599. 601. 609. 706. 743. 743. 755. 778. 840. 859. Illmûs. D. D. Castorena insinuat jam tom. 3. Joannæ Agnetis Operum. P. Franciscus Florencia in Hist. Guadalupanæ Virginæ Imaginis cap. 15. fol. 94 col. 2. n. 194. & n. 195. 200. P. F. Isidorus Felix de Espinosa in Chron. Apost. & Seraphicis Collegiorum de Propaganda Fide Ord. S. Francisci, statim pag. 1. & alibi. D. Caietanus Cabrera, Opere & locis citatis. Editor Authorque admodum accuratus & eruditus pulcherimi Libri de Indorum Novi Orbis origine à P. Gregorio Garcia Ordinis Prædicatorum jam inde ab anno 1606 conditi: Nostri eximio meminit cum honore pagg. 308 & 310. Editionis



## CA

nis Madritanæ Francisci Martinez Abad 1729. D. Gabriel de Cardenas indicatis superius locis. Plaza in Chronicis Universitatis Mexicæ Lib. 5. cap. 16. n. 204. Et alibi.

676 D. CAROLUS DE TAPIA CENTENO, Natione Mexicanus & Patria, inter alumnos Regij Tridentini Seminarij Collegij Metropolitanæ Ecclesiæ à S. Paulo & Purissima Conceptione nuncupati, adscriptus, post navatam Humanioribus litteris operam, Philosophiam excoluit atque Theologiam, & utriusque laureas Facultatis in Academiâ Mexicanensi merito tulit. Adhæc, geminum, ex Americæ nostræ vigentibus, Idioma penitissimè calluit, Mexicanum videlicet & Guastecanum, quo nomine, doctrinæ haud quaquam vulgari conjuncto, & decentibus Parochum moribus, Curio datus est canonico titulo Ecclesiæ de Tampamolon dictæ, multis ab Urbe nostra dissitæ parasangis, Judex que Ecclesiasticus à Diocesano Præsule fuit institutus. Utrique exactissimè incubuit muneri, ut authenticis documentis sit palam. Parochialem cæterasque subjectas sibi Aedes sacras refecit, multisque ornavit. In Sacramentorum administratione sedulus & populorum instructione christianâ, multis pro tradendâ doctrinâ, vitijs eradicandis, & fovendâ pietate agebat concionibus Guastecanâ linguâ à se habitis. Ut est autem illa sci-

## CA

tu pronunciatuque difficillima, præter Cathechismum ea conscriptum à P. F. Joanne à Cruce, Libri erant nulli, ne quidem propria addicendâ Ars seu Grammatica, cujus notitiam habeamus. Ille primus varios, infra recensendos, condidit editurus, jam que Superiorum jussu revisos & approbatos, obtentisque de more Licentijs, penes se retinet Mss quos attentè evolvimus & perspeximus, quòd is qui sumptus erat suppeditaturus, Mecœnas favêrissimus (in cujus aliquando Familia fuerat) Illmûs D. D. D. Joannes Ignatius de Castorena Episcopus Jucatanensis, citius excesserit.

677 Parochiam ultrò dimisit, quam rexerat plaudentibus incolis & conterminis Religiosis PP. Franciscanis, quorum legimus testimonia. Mexici restitutus, Collegium incoluit Præbyterorum à S. Petro dictum, donec Cœnobio Monialium S. Agnetis præfectus, sacris eis ministrandis operam dare cœpit, pergitque in præsentiarum. Tum in Universitate, periculo facto, alios inter candidatos Cathedram Mexicci Idiomatis regendam petivit, Antecessorque Perpetuus fuit renunciatus. Porro, quotidianis prælectionibus Academicis docendi ergo auditores illuc imbibendi gratiâ Mexicæ linguæ confluentes, instituendis similiter Collegij Seminarij, memorati superius, alumni Magister ab Illmô. Archie-



chiepiscopo constitutus, alias itidem quotidie lectiones adjungit. A Secretis perillustris Divi Petri Congregationis jam diu est, atque ut litteras graphicè & facili negotio depingit, id muneris, aliaque expeditè negotia pertractat, interque Examinatores Synodales censetur.

Scripta ejus supra insinuata, à nobisque visa hæc sunt.

*Notia Idiomatis Guastecani, seu Grammatica pro eo addiscendo.*

*Catechismus, seu Doctrina Christiana eo idiomate tradita, & juxta S. Concilij Mexicani decretum disposita.*

*Enchiridion, seu Manuale itidem Guastecanum pro Sacramentorum administratione.*

*Dictionary Guastecano-Hispanum.*

Proœmij loco Tractatum habet hispano sermone

*Paradigma Apologeticum, in quo Regionem Guastecanam, hætenus ob intemperiem aliaque incommoda male audientem, vindicat, accurata descriptione, crisque eruditâ, evellendi ergo præjudicia, invitandique Sacerdotes in ejusdem incolarum culturam. His annectimus Mss*

*Sermones varios, tum hispano, tum Mexiceo, tum Guastecano idiomate scriptos, in scrinijs suos habitos. Edidit*

*Artem pro imbibendâ Linguâ Mexicanensi, è suggestu dictatam. Mexici, typis V. D. Josephi Bernardi de Hogal 1753. in quarto.*

Pollicetur in hujus Libri proœmio

*Dictionary Linguae Mexicanae copiosum.*

*Sacramentorum materias, formas, eorundemque administrationem, Catechismus & Christiana dogmata ad salutem necessaria idiomate itidem Mexicano.*

678 F. CHRISTOPHORUS DE AGUERO, Natione Mexicanus, Parentibus Petro de Aguero & Bernardina de Avila, è S. Ludovici à Pace Urbe nostra oriundis, genitus, apud Antequeram Goaxacensium Ordinem Præd. in Cœnobio S. Dominici professus est 20 Octobris anno 1619. Statim à tyrocinio egregium virtutis & doctrinæ specimen dedit; quo absoluto, initiatusque Sacerdotio, imbibendæ linguæ Zaapotecanæ Vallis se dedit, quam adeò perfectissimè calluit, loquebatur, & scribebat, ut ejusdem Cicero audierit: Tanto verò ejus usu fuit in prædicatione Evangelica, ut meritò gradum Concionatoris Generalis in eo Idiomate tulerit, priusquam tradendæ Philosophiæ præfectus fuerit. Hujus Catechismi, concursu facto candidatorum in memorato Antequerensis Cœnobio, Scholarum more petivit & tenuit: moxque ut faustè auspiciis Cursum absolverat, Theologiam tandiu ibidem docuit, donec præscriptos pro ferendâ Magisterij laureâ annos explevit, suâq postulante Provinciâ id honoris fuit assecutus. Dein Præceptor institutus Zaapotecani Idiomatis, illud Sodalibus non sine fru-



CH

fructu exposuit, Indisque juven-  
dis in sacrorum administratione,  
quam pridem tenuerat, ex ani-  
mo incubuit. Ubi varias Fami-  
liæ Domos egregia laude rexerat,  
Primario, hoc est, Antequerenſi  
Cœnobio non ſemel & iterum,  
ſed tertio etiam Prior datus eſt  
annis 1654, 1660, & 1671 ele-  
ctus. Magnis, quæ molitus eſt &  
perfecit, ædificijs inclaruit, nec  
minus efulſit à religioſâ in alen-  
dis fratribus abundantia, qua in  
obeundis miniſterijs illos redde-  
ret alacriores. Provincialis quam-  
quam munus non exercuerit, tu-  
lit tamen honores, pro ut in Co-  
mitijs Ordinis generalibus Ro-  
mæ habitis anno 1670 cautum  
fuit ſequenti edita Ordinatione  
pro Goaxacenſi Provincia: *Rationem habere volentes laborum ac meritorum R. A. P. Mag. F. Chriſtophori de Agüero, qui per quadraginta annos Miniſterium Apoſtolice Miſſionis inter Indos tam laudabiliter, tamque fructuoſe exercuit, Librosque perutiles pro omnibus Evangelij Miniſtris in lucem edidit: nec non plura beneficia Provinciæ contulit, tum in officio Prioris Principium Conventuum, tum in munere Vicarij Provinciæ quod per tres vices obtinuit: Ad ejuſdem Provinciæ petitionem, Præſentium tenore prædictum R. A. P. M. cooptamus ac numeramus inter Patres Provinciæ ac ſi extitiſſet Provincialis &c.* Vivebat anno 1673, ſcripſeratque idiomate Zaapotecano

*Miſcellaneum Spirituale Idioma-*

CH

*te Zaapotecano. Continet autem Liber: Quindecim Myſteria SS. Roſarij, & pro ſingulis Orationes: Præcipuas pro Roſarij Confratribus Indulgentias: itemque 16 Exempla eò attinentia. Pias aliquot pro vitâ & ſupremo agone precationes. Cathechiſmum totius Doctrinæ Chriſtianæ. Methodum pro Sacramentali Confeſſione, ab ijs terendam, qui eidem operam navant Linguae addiſcendæ. Mexici, typis Bernardi Calderon. 1666. in quarto.*

*Panegyrim à ſe habitam (hiſpano ſermone) pro Comitijs Provincialibus Goaxacæ celebratis 27 Maji 1666. Mexici, ex eadem Officinâ eodem etiam anno.*

E Facultate conceſſa pro editione Miſcellanei mox dicti ab Illmô. & R. D. M. D. F. Thoma de Monterroſo Epifcopo Antequerenſi eruitur ſcriptum ab Authore jam fuiſſe

*Dictionarium Linguae Zaapotecanae, & Opera alia pro Dei gloria & animarum zelo elucubrata.*

Superſunt Authoris manu ſcripta ſequentia.

*Evangelia quadrageſimalia reddita, ut credimus, ſermone Zaapotecano, laminisque in principio cujuſque appoſitis in octavo. Extant apud Patres Goaxacenſes. Quod tamen Opus uſui eſſe nulli poterit citra S. Inquiſitionis privilegium, cujuſ Regulis Indici Expurgatorio præmiſſis, Translationes cujuſque Sacrorum Bibliorum Libri in vulgaria Idiomata ſunt prohibite.*

Hiſpanâ autem juxta &

Za-



Zaapotecanâ dictione scripsit.

*De Passione Domini nostri Jesu Christi.* in 4. Habeturque Opusculum ab eisdem Sodalibus, ut ex eorum narratione accepimus.

679 FR. CHRISTOPHORUS A S. ALBERTO, Mexicanus saltem Domicilio (nam Patria ejus & Natio nos fugiunt) Professione Carmelitanus nudipes Provinciae S. Alberti Mexicae, scripsit

*De Logica, sive Dialectica, seu de modo sciendi Libros tres* in quarto.

*Logicam majorem* in quarto.

Nec dubitamus reliquos pro Cursus Philosophici complemento Tractatus pariter scripsisse; praeter memoratos autem à nobis vi-  
fos in Bibliotheca Collegij Theologorum ejusdem Instituti ad S. Angelum alios non invenimus.

680 F. CHRISTOPHORUS DE BARRIOS, Natione & Patria nobis incompertis, Domicilio ut minimum Mexicanus, Provinciae S. Evangelij Franciscanorum de Observantia alumnus, reliquit in schedis, quæ in Bibliotheca Collegij S. Jacobi Tlatelolcani evolvimus

*De Virtutibus excerpta varia è Sacris Libris & Ecclesiae Patribus.* in octavo.

681 D. CHRISTOPHORUS BERNARDUS DE LA PLAZA ET JAEN, Natione Mexicanus & Patria, nobilibus usus genitoribus, ceu Universitati natus, cui futurus erat à Secretis in annos plu-

res, in ejusdem Aedibus, Parenti item Christophoro eo defuncti officio concessis, natus 9 Junij 1639, statim ad januam Aulae Theologicae salutaribus aquis ablutus manu Primarij ejusdem Facultatis Antecessoris, dein Episcopi Habanensis D. D. D. Nicolai de la Torre, renatus fuit, quod vix ineunti vitae funus immineret, praematurèque ad limen staret. Confirmatâ valetudine, atque egressus puerilibus annis, latinè institutus, Philosophiae operam dedit apud Academiae & Collegij Maximi Soc. JESU Gymnasia, donec absoluto curriculo Baccalaureus fuit efformatus. Tum civilibus negotijs agendis Patris operâ admotus, Praetorem etiam Oppidi de Cempoala egit Pro-Regi Mexiceo commendatus ab Hispaniae Regina, tunc rerum potente, data Scheda 12 Julij 1672, eo nomine quod claro esset sanguine & majorum gestis conspicuus. Ut verò & genitor ejus & avus totos 67 annos exactissimè fuerant à Secretis Academicis, plenus Doctorum Magistrorumque Confessus 7 Augusti 1663 Nostrum, etiamnum vivo Patre, ejus habere vices voluit, illo egrâ valetudine praepedito, cum jure futurae successionis, modò Regiam tituli procuraret & teneret confirmationem. Placuit quidem Catholico Regi nostro Academicum Senatus consultum ratum haberi, ut subinde Noster annis 15 genitori agrotanti suffe-



CH

fectus, eodem vitâ functo, à die 18 Januarij 1678 proprio nomine id officij sit exsecutus, nec sine laude, quòd strenuè usus provinciâ fuerit, Universitatis honori studuerit, piumque ac religiosum se in actis presterit. Adversus Purissimam Deiparentis Virginis Conceptionem egregiè devotus, annuos redditus perpetuos designavit pro sextâ celeberrimi octidui agendâ solennissimè die in Sacello Academico ab Regali D. Ildefonsi Collegio, alumni ejus rem divinam cum cantu facturis, concionaturis, & frequentissimâ, ut sit, eorundem, omniumque Academicorum & Religiosorum hominum coronâ, Immaculatæ Virginis gloriæ applaudentibus, Nostriumque, ut par est, amoris ergo & gratitudinis memorantibus. Eo etiam titulo de Universitate benemeritus fuit, quòd ejusdem monumenta collegerit, & in annos redacta concluderet Volumine in folio à se scripto vernaculo idiomate, cui titulum dedit

*Chronica Regia & insignis Universitatis Mexicæ Novæ Hispaniæ ab anno 1553 ad usque 1687. Extat Operis in Libros quinque distributi authographum, pariterque Exemplar, in Archivio ejusdem Universitatis.*

D. Antonius de Leon Pinelo in Epit. Bibliothecæ Occidentalis Matritanæ Editionis 1738 col. 800. meminit

CH

*Enarrationis Mexicanæ Universitatis ejusque Virorum conscripta in fol. à D. Christophoro Bernardo de la Plaza, ductaque ad annum 1646 quæ Mss Extat in Bibliot. D. D. Andreæ de Barcia Regij Consiliarij. Utrum autem ea fragmentum sit Chronicorum Nostri, an Opusculum aliud: item, sit nec ne à Nostro profecta, an ab ejusdem Parente eisdem nominibus & agnomine insignito, discernere nequimus, cum prætermitti potuerit in ea cognomen secundum Jaen, quo uno Christophorum filium à Parente Christophoro fas esset nobis discriminare.*

682 D. CHRISTHOPHORUS DEL CASTILLO, Natione Mexicanus, Hispano Parente, Matre Inda natus, Mexici, an alibi nescimus; scripsit, ut videtur, Idiomate hispano

*Historiam adventus Indorum Mexicanensium in hanc, quæ Mexicana est, Regionem.*

Opèris & Authoris meminuit P. Franciscus Calderon Societatis JESU doctissimus Theologus, in Libro Mss quem legimus, de *Voragine*, à *Pantitlam dicta*, pro *exonerandis Mexiceis lacubus*, cap. 5. inquit, anno quo scribebat, scilicet 1631 vigesimum quintum compleri post Christophori funus, obijseque octogenarium, & ejus Historiam Mss servari in Bibliot. Collegij de Tepozotlam ejusdem Societatis.

Hhhhhh

FR.



683 F. CHRISTOPHORUS DE CASTRO, Natione Mexicanus & Patria, claro natus genere, Instituta Seraphici Parentis Francisci in Provincia S. Evangelij professus est. Latinitate excultus Philosophiâque atque Theologiâ, & pulchrâ dives eruditione, Scholarum palæstram egregiâ cum laude cucurrit Lector Philosophiæ Theologiæque totos annos 15, è quibus aliquot in Universitate Mexicanensi posuit, Subtilissimi Doctoris Cathedræ Antecessoris vice præfectus, reliquos & Angelopoli & apud insigne Divæ Bonaventuræ Collegium Mexiceum de Tlatelolco dictum exegit. Emeriti lauream Magistri adeptus, eidem Athenæo Guardianus est datus, & Generalis studiorum Provinciæ suæ Regens institutus; quæ ipse munera strenuè gessit. Postmodum à Secretis R. Commissario Generali Novæ Hispaniæ sibi esse jubenti paruit, cui ad præsens muneri incumbit. Nec verò, quæ memoravimus, dumtaxat Minervæ exercitijs ita se dedit, ut sacram non multum Oratoriam coluerit, cujus specimen editis Opusculis eruditis exhibuit. Videlicet Latino sermone typis dedit

*Parentalem declamationem habitam in celeberrimo S. P. N. Francisci Mexiceo Cœnobio Perillustribus S. Evangelij Minorum Eparchiæ die 16 mensis Decembris anni Domini 1736 : Ad pios manes Excm<sup>i</sup>. ac Rm<sup>i</sup>. V. P. N. F. Joannis de Soto Lectoris Jubilati &c.*

*torius Ordinis Ministri Generalis. Mexici, ex Officina D. Mariæ de Ribera 1737 in quarto. Hatur unâ cum alijs ejus Argumenti Opusculis in Codice inscripto: Americanus planctus Seraphicus, tom 32. Collect. nostræ.*

Vernaculo idiomate edidit Panegyrim hoc titulo:

*Magnus citra mensuram, præclarus Patriarcha S. Dominicus de Guzman. Mexici, typis V. Josephi Bernardi de Hogal 1746 in quarto. Extat tom. 3 Collect. nostræ.*

Habetur etiam luci publicæ datus Panegyricus alter inscriptus:

*Imago Augustissimæ Trinitatis Inclytus Pro-Martyr sigilli Sacramentalis S. Joannes Nepomucenus. Mexici, litteris D. Mariæ de Ribera 1746 in quarto. tom. 4 Collect. nostræ.*

Inter Mss servat

*Cursum Philosophicum ad mentem Subtilissimi D. Scoti elaboratum.*

*Tractatus Theologicos varios pro ejusdem systemate Scholæ conceptos.*

*Hispanas multiplicis argumenti conciones.*

683 M. F. CHRISTOPHORUS DE CERVANTES, Natione Mexicanus & Patria, Regij ac Militaris Ordinis Mercedensis Sodalit, cum in religiosis Gymnasijs, tum in Academicis magno fuit nomine. Domesticis tyroribus Philosophiâ instituendis atque Theologiâ operam dedit, ut subinde Magisterij lauream jure detulerit, & primarij Cœnobij

Mc-



Mexicci Commendatorem egerit. Doctorali Theosophiæ infulâ redimitus in Universitate nostrâ, pro ejusdem Facultatis Cathedrâ Vespertinâ regendâ Perpetuus Antecessor fuit destinatus, suffectusque ejus Decessori M. F. Ludovico de Cisneros Ordinis item sui alumno clarissimo, die 21 Februarij anno 1620 ut est in Chronic. Academicis à Plaza descriptis lib. 3 cap. 21 n. 137. Quod verò nondum id temporis mores tulissent annuas Tractationes Academicas in Librum & Archivium redigere, Nostri quæ fuerint signare non possumus, contenti innuere dictatos ab ipso

*Tractatus Theologicos,*

Et elucubratas

*Disputationes Philosophicas, Con-*  
*cionesque, forsan exituras apud So-*  
*dales.*

684 FR. CHRISTOPHORUS CHAVES CASTILLEJOS, Natione Hispanus, Patria Hispalensis, Studijs Mexicanus & Domicilio, Instituta S. Dominici in Provincia Goaxacensium sectatus est Professione solemnî factâ coram Antequerensis Conventus Priore F. Alphonso de Montemaiore 11 Januarij 1601. Humaniores tum, moxque Sacras litteras hausit. Præbyter institutus, Idiomâ Mistecæ Nationis Indorum avidissimè imbibit, atque in Sacramentorum administratione & Evangelicâ Prædicatione multis exercuit se annis, illorum salutis

percupidus. Generalis Ecclesiastes memoratæ Nationis gradum in Familia sua tulit, Priorque Villæ de Cuilapa renunciatus, ac multis alijs Domibus Vicarius præfectus, religiosè admodum vitæ exemplis fodalibus profuit. Continuum excolendis Libris operam dabat, præsertimque historicis monumentis evolvendis pro scribendâ Provinciæ suæ Historia ejusdem Chronographi munere insignis, quam ad extremum faultè deduxit duobus grandibus in folio Tomis conclusam. Typis eam commissurus, meritòque immanitate sumptum deterritus Mexici pro excudendo Opere ponendorum, bonâ cum Prælatorum veniâ in Hispaniam navigavit, impendio tamen longe majore, nulloque editionis successu, quòd, priusquam adornare illam cæperit, Hispali in magno S. Pauli Conventu Ordinis sui, è vivis excesserit annos natus 47, ab emissâ professione 32. Porro inediti Libri,

*Historia Provincia S. Hippolyti*  
*Martyris Ord. Præd. apud Goaxa-*  
*censes Tomis 2 in folio*

Asservantur, atriti licèt, in Bibliotheca Cœnobij S. Dominici Antequerensis de Goaxaca. Elucubrabit præterea egregium Opus aliud insigni studio, multaque constans eruditione, quod inscripsit hispano sermone,

*Primæ Indiarum colonia Indorum*  
*que origo, in folio grandi.*

Librum hunc Mss unâque  
pro



pro eo publicando licentias invenit Angelopoli M. F. Leonardus Levanto ejusdem Ord. Vir admodum doctus, inter Volumina P. F. Josephi Romero Procuratoris Generalis Provinciæ S. Hyppoliti, Angelopoli degentis, transmissum que in Antequerense Cœnobium, ut ineditus saltem extaret, quando quidem altum jam diu fuerat editionis silentium, in præsentiarum latuisse vestigatorem diligentissimum, ipse dato pro Bibliotheca nostra Catalogo, testis est.

Editum ab Auhore habemus tom. 57 Collect. nostræ in quarto, Idiomate hispano

*Sermonem Apologeticum à se habitum in solenni festo à Superioribus & Ministris Nationis Misteca celebrato apud insigne Cœnobium de Yanhuilam, in gloriosi Parentis S. Dominici ejusdem Nationis Patroni & Advocati honorem & laudem. Mexici, ex Officina Baccalauri Joannis Blanco de Alcazar 1619 in quarto. Præter decora Patriarchæ sui Clarissimi doctè graviter que expensa, Sodales, qui adstant, Sacrorum Ministros eorundem officij admonet egregio Dei & proximorum zelo.*

685 D. CHRISTOPHORUS COLUMBUS, Natione Italus, Patria Genuensis, Novi Orbis detectione, quem ab Hispaniola auspicatus est Insula, Mexicanus jure, si quis alius, dicendus, scriptis quoque in America nostra Literis, per utrumque, qua latè por-

rigitur, Orbem notissimus est. Clarissimi, hercle, viri gloriam deinita, incomperta tot retro seculis, in vastissimas Regiones nostras via Apostolicis Prædicatoribus, qui Catholicæ Romanæ Ecclesiæ immensa incrementa dedere, ab Evangelici Vatis hemistichio Doctores haud quaquam obscuri mutantur, Thomas Bocius, Ulysses Albrovandus, Cornelius à Lapide & alij formulam expendentes illam, qua Apostolorum in prædicando successores indigitat quærens: *Qui sunt isti qui ut nubes volant, & quasi Columbæ ad fenestras suas? Me enim Insulæ expectant & naves maris in principio, ut adducant filios tuos de longe: Argentum eorum, & aurum eorum cū eis nomini Domini Dei tui, &c.* Per inde quasi Columbæ simillimos Apostolicos viros nunciaverit, Columbi sectaturos vestigia, stræque ab ipso viæ (quam enim verò Deus fecit in mari equis suis, seu longissimè per ignota discurrentibus navibus) olim institutos, Ecclesiæ gremio innumeras animas adducturos. Ita res habuit.

686 Apud Fortunatas Insulas jam diu Nostrum consedentem, fortunatiores longè alias ut auspicatò Hispaniarum adferret Regibus, Alphonsus Sanctius de Guelba, nauclerus peritus, Hispanus, è Villa unde ipsi cognomen, in Comitatu Eleplæ in Beticis ortus, convenit, cū hospitij gratiâ querendi, tum etiam egregij Columbi nominis in Nauticâ



CH

ticâ & Cosmographiâ, ut de visis à se ignotis terris, secum colloquerentur, descriptasque chartas communicarent. Dudum siquidem, ab Hispania in Fortunatas & proximas Insulas, ut solebat, parvâ vectus navi trajiciens, improbâ abreptus tempestate totos 28 aut 29 dies, tandem aliquando Insulam appulit sibi ignotam (Hispaniolam videlicet) quam consultis ex arte sideribus, atque, ut ut potis fuit, circumspiciens, in adversaria sua & chartas reduxit, signatis itidem omnibus, quæ observaverat redux, per invia maris tentabundè progressus, quousque, Deo auspice, tardius quidem, felici tamen forte in Fortunatis anchoram jecit. Hæc ubi Columbo narravit, datisque dono ipsi tabulis grati significationem animi, ob oculos posuit Alponfus, is postquam è vivis discesserat; ille quo pollebat ingenio, Nauticæ & Cosmographiæ scientiâ, & de situ ac magnitudine Orbis lectione, cogitare cœpit, delusos eo usque scriptores, qui trans Oceanum terras esse nullas, aut excipiendis ineptas hominibus, obfirmatè crediderant; vestigandasque sibi illas proposuit, de quibus verbo & scripto ab hospite fuerat certior factus.

687 Res erat immensi moliminis, & quæ privati cujusque hominis vires excederet, nec nisi Regis alicujus ope opibusque tentari posset: alijs pro in-

CH

de incassum Principibus viris pro Novi Orbis conquestione invitatis, ridentibusq; Columbi systhema, quod fabulis jam pridem adscriptum amandatumque fuerat usque ad Lunæ concava inter Platonica cogitata; ille tandem Catholicos Reges convenit Ferdinandum & Elisabetham propulsandis è finibus suis Mauris intentos. Jussus propterea vergentis ad finem morosi expectare belli exitum, Salmanticam adiit, doctissimos celeberrimæ Academiæ Magistros, in Mathematicis etiam eruditissimos, consulturus, atque in suum, ut posset, sensum, collatis momentis, adducturus. Nec frustratus spe, Dominicanos in primis insignes cogitationi suæ suffragari gratulatus est sibi. Tum reversus in Curiam, reffricatoque memoriâ negotio, pronam in illud Elisabetham Reginam tandem unàque Ferdinandum Regem in suas partes traduxit. Angustum id temporis Regium ærarium sumptibus erogandis pro expeditione, tunc quidem prægrandibus, impar quòd esset, aurèis suis & argenteis monilibus pignori datis, sexdecim mille ducatos mutuo Regina accepit, Columboque, præinitis pactis, coemendis navibus, & cæteris parandis exhibuit. Et opportunè dixeris factum, ut è mundo muliebri Novus Mundus prodierit, Columbo in ipsum strenue inquirente. Armatis siquidem tribus celocibus, milites cen-



rum viginti secum, prætereaque navitas & operas ducens, è Portu Palos de Moguer nuncupato 20 Augusti 1491 solvit, Deoque magneticum Indicem gubernante, tandem 11 Octobris ejusdem anni Insulam Cubam inter & Floridam mediam, Lucayos nuncupatam, ab gentilibus verò Guanachini, detexit: Inde Barucoam, Cubæ Portum, mox Insulam Hasti dictam, quæ Hispaniola est, alias S. Dominici tenuit, gentisque Principem amicitia sibi coniunxit. Facili subinde negotio Arcem inibi ædificavit, quam designato à se Duci præfidiariisque commissit, nec absque auro & rarioribus avibus, rebusque alijs, & Indis decem, illuc remeavit unde quinquaginta retrò diebus solverat.

688 Tum Barchinonem invendi Reges Catholicos gratia convenit, à quibus humanissimè exceptus, Architalafus perpetuo titulo, Pro-Rex, & Dux Generalis Indiarum auguratus fuit, multisque auctus honoribus, & gentilitijs theseris Castellum, Leonem, Orbemque præferentibus, quibus lemma hispanum in posterum additum: *Por Castilla y por Leon Nuevo Mundo hallà Colon.* Hisce Reges eximia perfussi letitia Catholici, cum nihil antiquius haberent, quam Dei gloriam augere, & Ecclesiam amplificare, in ejusdem caput Romanum Pontificem devotissimi & obsequentissimi, Alexandro

VI, rum sedenti, datis litteris rem aperiunt, à quo amplissima munerati Constitutione, quasitas tuncusque Insulas, conquirendas que deinceps, & continentes terras, hoc est, Novum Orbem, destinatis sanctè limitibus dissidij cum Lusitanis cavendi gratia, injunctisque hauriendis ab Apostolico Rescripto Legibus & oneribus, perpetuà donatione accipere.

689 Secundum hæc naves 17 multo impendio paratas Columbo Præfecto committunt, in quas 1500 fere milites invehunt, agricolas, operas, pecora, grana cæteraque victui & politico conventui apta superimponunt: in primis autem Sacerdotes è Clero Seculari 12, & Monachum Benedictinum, Buylium nomine, Vicariatuque insignem Pontificio, pro recens detectis gentibus christianè instituendis dimittunt. E Gadibus solventes 25 Septembris 1493, salutata primùm in itinere quam Dominicam appellarunt, Insulâ, & alijs in transcurso relictis, Hispaniolam 28 Novembris, tenuere. Vix autem Portum à Nativitate dictum ingressi cum Columbo Sodales, aliò immigrare compulsi sunt, quòd & Ducem & milites ibidem relictos ad unum occisos omnes, aut incendium ligneis admotum domibus evasuros, fluctibus obrutos rescivissent. Urbi Elisabethæ ibidem Insulæ, quò migrarant, ædificatæ, Christophorus Jacobum ger-



CH

germanum suum fratrem præfecit, Hispanorumque magnam partem reliquit, intimiora ipse lustraturus Provinciæ, in qua Arcem S. Thomæ tumultuario licet opere, crexit, præfidiariisque tradidit.

690 Elisabetham repetens, ei ubi adornandæ sarcinendæque intendit, nobilium aliorumque invidiâ incurrit, gravatè injuncta sibi opera & molestè ferentium; queis sedatis, 24 Aprilis 1494 inscensâ nave, ductisque in comitatu duabus, conquestionem redorditas est captam, nec sine fructu adinventæ Jamaicæ, Insularumque aliarum, queis in chartam redactis, se in Elisabetham Urbem 29 Septembris recepit. Interea loci, turbatæ res fuerant, Hispanis aliquibus criminandi ipsum ergo in Europam abeuntibus, Indis autem in advenas rebellantibus, & aperto Marte decertare gestientibus. Centum milite pedites in campum de la Vega Real dictum, adversus Hispanos numero quam longissimè inferiores & impares 5 Aprilis anno eiusdem seculi 95 descendere; multaque strage fusi, victoribus nostris in prædam cesserunt. Adhæc, non diu post, Quæsitore Regum dimissus jussu, comparuit, qui jactata adversus Nostrum à criminantibus exploraret; ut verò acerbius inquirere cœperat, & quam par fuisset durius agere cum Columbo, is sui vice Bartholomæo fratri, qui non ita pridem advenerat, Insulæ de mandato regimine, celoci se de-

CH

dit 10 Martij anni 96 suam apud Reges causam acturus. Perhumaniter acceptus ab eis nihili calumnias facientibus pristinas, & quas ille ipse Quæsitore deduxerat, qui secundâ vectus item celoce prosecutus fuerat Columbum; suo hunc muneri restitutum voluere, auctumque honoribus, facultatibus, & octo navigijs, multoque & victu & ære pro operis & militibus; quibus tempestivè usus, auxilio fuit colonis Hispaniolæ, tunc temporis extremâ annonæ gravitate conflictatis, duabus statim navibus eò amandatis. Reliquas ipse 30 Maji anno 97 ducens è Luciferi fano solvit, & conquirendi Orbis Novi proposito institit. Ad Portum Sanctum jactis anchoris, inde in Gomeram venit, mox tribus in Hispaniolam navibus comiteatu dimissis, totidem, quæ reliquæ erant, ulterius processit in Insulas ad Promontorium viride sitas, è quibus littora continentis adlambens, terram ipsam penes Julij finem memorati anni referavit, & quam latissimè ripas ejus à Patria ad Promontorium de Vela porrectas aperuit, sinum Margaritarum, Margaritamque Insulam, pluresque alias intuitus, opportunè in tabulis suis & chartis signavit.

691 Sextilis 15 lassatis nautis operisque cunctis prælongo & difficili itinere, Noster eam obrê, tum etiam quòd Hispaniolæ negotia ipsi vellerent aurem, eò velificandum esse constituit. Et certè



tè res primatis Insulæ ita habebant, ut vix ipse sedandis turbis industriâ sua & humanitate, ac qua apud plerosque erat reverentiâ sat fuerit. Nam & si dissidentes ad concordiam induxerit, & diligentissimè pro Regum honore & commodis laboraverit, nihilo tamen minus Catholici ipsi Principes rebellantium litteris fatigati, Columbum & Fratres multis nominibus calumniantiam, è re sua ducentes quieti novæ Reipublicæ & paci consulere, loco Nostrum movere, & Quæsitorem alium amittere decreverunt. Is porro ubi 23 Augusti anno 1500 Hispaniolam accessit legibus illum & iudicio persecuturus, quiritari plerique cæperunt, multaque in Columbum objicere, quibus ille facilius quam deceret permotus, in vincula Clarissimum Virum iniecit, cui cum impingere compedes auderet nullus, mediastinus, sordidæ conditionis homo, qui quondam ipsi à culina fuerat, facinus illud & perfidiam impudentissimam non est veritus perpetrare. Impositos dein navibus, Octobri ineunte, unâ cū Christophoro Fratres singulos vinculis illigatos in Hispaniam pergere iussit dicturos coram Regibus causam. Adeo verum est illud: *Dat veniam corvis, vexat censura columbas.*

692 Permolescè tamen & acerbissimè audaciam Quæsitoris Catholicis Ferdinando & Elisabetha ferentibus, & Columbus

& Fratres extemplò soluti, milleque ducatis regiâ liberalitate donati fuere, ut Granatæ conferrent sese. Humanissimè, ut par erat, Viros de se optimè meritos Reges habuerunt, nihilque detractum de juribus & honoribus Christophoro pridem collatis, asserendosque ab injurijs spoponderunt, & porro statim à Præfecturâ Hispaniolæ remoto Bovadillæ, qui acerbius Columbos vexaverat, Ovandum, Alcantarensem Equitem, suffecere. Noster ut in instituto suo conquiriti, quem incæperat, Orbis Novi faultè pergeret, in mandatis accepit, destinatis navibus quatuor, annonâ in biennium instructis. Quartum igitur iter arripuit à Gaditano Portu auno 1502 9 Maji, & quamquam Hispaniolæ Portum ingredi Regum decreto prohibitus, tamen carinandi navigij, quod malè habebat, gratiâ diversari apud illud tentavit, nec verò obtinuit ab ejus Præfecto, quo amicè commonito de egrégiâ tempestate impendente, ne quæ in anchoris erat clas 31 navibus constans, proximè in Hispaniam proras actura, nisi post octiduum velificaret; ipse in proximius se Portum conjecit Formosum nomine.

693 Quod verò & Ovandus Præses, & naucleri, & nautæ ad unum omnes prædictionnem cachinis exceperint, ineunte Julio sudo sereno quæ cælo Classis iter aggressa, brevi sævissimâ jactata est



est tempestate, 20 que naves fluctibus haustæ cum vectoribus, ne uno quidem superstitæ, argento que multo, & aureo grano uno magnitudine pani haud exiguæ molis pari & firmillimo itidem devoratis. Christophorus, ubi pacatum fuerat mare, operi accinctus, quod jam diu conceperat votum, 14 Julij solvens è Formoso, ubi latuerat, Portu, totos 70 dies malaciâ detentus, pluviam egrâque & sui & vectorum valetudine divexatus, littora demum continentis salutans & gentes, Portum Bellum, com meatus & carinæ gratiâ appulit: inde Nombre diosam, ubi substitit diu: hinc Bethlemiticum flumen alex plenum intravit, alijsque tentatis, in Hispaniolam regressurus, apud Jamaicam Insulam integrum moratus est annum, sexcentisque molestijs afflictus: nam famen penuriamque passus, ægrotus, anxius, turbis Hispanorum sese inter dissidentium & digladiancium componendis intentus, his liberari curis haud poterat Insulâ excedens, quod attritis infidisque navibus suis committi posset nullus citra præsentissimi metum naufragij. Nuntios propterea Hispaniolam amisserat, remigantibus Indis, lintresque agentibus, auxiliij ab Ovando perendi gratiâ, quod ubi tandem, appellente navigio, accepit, se cum Socijs in Primariam Insulam contulit, quibus ibi manentibus, ipse ad Hispaniam accessit anno 1505.

Kkkkkk

694 Excesserat jam Regina Catholica, quæ propensior longè fuerat in Columbum quam Rex, cui ille rationes tradidit demandati sibi muneris, & sperare se pollicitam mercedem pro exantlatis laboribus dixit, uti rure donatus, aliquantulum quiesceret mortem opperiens. Ut tamen id generis decreta tardius expediri non raro solent, quæ Christophoro postulanti Ferdinandus promiserat, postquam ille ad plures abierat, in Filium suum & hæredem Jacobum contulit, cujus deinceps Familia eximijs honoribus aucta & divitijs, posterorumque etiam strenuè gestis Clarissimas inter Hispaniæ censetur.

695 Christophorus, ne hoc prætermittamus, eo forsan tempore quo postremum Hispaniæ substitit, Americum Vesputium, Natione Florentinum, in judicium vocavit, eo nomine, quod suum Novo Orbi, injuriâ haud quamquam ferendâ, affixerit, quem ille eximiâ diligentiam & fatigatione, Deique in primis beneficio quæsierat comparaveratq̃. Hercle plagiarium Americus egit, Mundi plagam istam *Americam* nuncupans, perinde quasi à se conquistam, non scripta modo suffuratus & chartas, sed Orbem, quem chartis geographicis delineavit. Id enim Vesputij opus fuit, quodque scitissimè agere noverat, tabulas nauticas exarare, ceterà verò Novum Orbem, hoc est, Insulas continentemque terram aperuerat Colum;

lum;



lumbus, cui Americus socium se dedit, non Ducem agens, aut Navarchum quidem, sed Mercatorem, nauticę licet satis peritum, ea in navigatione quę Columbus continentem terram detexit, ad clavum sedente Joanne de la Cosa, Cantabro, Duce verò Alphonso de Ojeda, Præfecto autem pro suo munere & Architalaso Columbo. Hęc postquam testibus omni majoribus exceptione, documentisque maximis fuere probata, Americus semel & iterum causa cecidit, advocato Fiscali Columbi juribus adfavente in Regio Consilio, cujus jussione expunctum, ut ut potuit id temporis, fuit Americę nomen Orbi Novo callidè à Vesputio inditum, & ubique terrarum tabulis effusis sparsum, quod consultis regijs Archivis scribit Antonius de Herrera, in Historia generali Indiarum Occid. Decade 1. Lib. 4. cap. 2. & 11. & Lib. 7. cap. 1. pag. 224. & Decade 4. lib. 8. cap. 12. & in descriptione earumdem Indiarum pag. 15. ipsoque citato D. Joannes de Solorzano, de Indiarum jure lib. 1. cap. 4. à n. 5 ad 12 penes quem n. 10 leges Authores de Americi fraude conquestos F. Thomam Maluendam lib. 3 de Anti-Christo cap. 16. Abraham Ortel. Opmeerum, Carol. Stephan. Bern. Aldretę, Mosquenium de Barnuevo, quibus nostrum addimus Betancurtium in Theat. Mex. tract. 1. cap. 7 pag. 14 n. 33. Quę li-

cet ita habent, usui tamen deservimus, & Americā tertio quoque verbo vocamus Novum nostrum Orbem, voce, si quę ulla est ad placitum, ipsum signante, quamquam & veritati & severioribus displicere Criticis debeat. Nec propterea bono alioquin nomini Americi & existimationi detractum volumus, cujus & peritiam laudamus, & fatemur positam operam, Ferdinandi jussione Regis, in nautarum examine, tabularumque confectioe, ut laudato Herrera scribit Solorzanus n. 12. Insuperque à Lusitaniz Rege Emmanuele vocatum navigationum causā, optime ea defunctum Provinciā fuisse, sine equaleo aut tortore fatetur; nec diffitetur, allegatis Maffeo & alijs coloci ipse Solorzanus. Detectum verò Orbem Novum ab ipso, citra piaculum grande concedere neutiquam possumus.

696 Columbus (ut ad ipsum revertamur Vallisoleti agentem, seque proximè ad funus comparantem) quam piè & christianè duxerat vitam, adversus Deiparentem Virginem egregiè pius, tandem deposuit 20 Maji anni 1506. Exuviz ejus Hispalim primum ductę, inde in Hispaniolam translata, in majori Cathedralis sacello habentur, nisi fallitur Henricus Martinez insinuando infra loco hęc scribens. Clarissimi Sarcophago viri D. Joannes de Castellanos in de Viris Indiarum illustribus libro Epi-



## CH

taphium adornavit quod subdidimus.

*Hic locus abscondit praeclara membra Coloni,  
Cujus sacratum numen ad astra volat.  
Non satis unus erat mundus notus, et Orbem  
Ignotum priscis omnibus ipse dedit.  
Divitias summas, terras dispersit in omnes,  
Atque animas caelo tradidit innumeras.  
Invenit campos divinis legibus aptos,  
Regibus & nostris prospera regna dedit.*

Quod his vertit Hispanis numeris.

*Este poco compas, que vès, encierra  
A aquel Varon que dio tan alto vuelo,  
Que no se contentò con nuestro suelo,  
Y por darnos un nuevo, se destierra.  
Dio riquezas inmensas à la tierra,  
Innumerables animas al Cielo:  
Hallò donde plantar divinas leyes,  
Y prosperas Provincias à sus Reyes.*

Scripta, quorum merito suspiciendus est etiam, varia circumferuntur. Et principio, cedro quidem dignum est illud, quod in Hispaniam redux à prima in Indias expeditione, in membrana exaratum, involutum telâ, lagenæ commisit, tempestate jactatus, ut forte ad Reges, quorum auspicijs iter egerat, perveniret, nec mox inventus Novus Orbis iterum mortalium oculis se subduceret. De quo Antonius de Herrera Decade lib. 2. fol. 36 & Antonius de Leon Pinelo in Epit. Bibliot. Occid. col. 564. Successit hispano sermone

*Summarium primi itineris Colum-  
bani, quod ibidem mox citati*

## CH

scriptores memorant. Præterea

*De Sideribus nauticis, seu, Pro  
dirigendo naviculario cursu Liber,*  
qui ab Authore acceptus ipso, usui fuit Antonio de Alaminos, Naclero, cujusque luce prope Jucatanum deveniens, Francisco Hernandez de Cordova divites & frequentes terras pollicitus est, ut è Doctore Francisco de Cervantes Salazario, Mexicanæ Universitatis nostræ primo Rhetoricæ Professore, in Chronicis Indiarum Lib. 2. cap. 1. scribit dato loco Pinelus, adjiciens Columbi hispano sermone

*Tabulam Insularum recens apud  
Indiarum mare inventarum.*

Latine eam reddidit Alexander de Costo & excussit anno 1493: Habeturque etiam edita Basileæ 1532 fol. 64. in libro cui titulus: *Bellum Christianorum Principum præcipue Gallorum contra Saracenos*, & rursus ibidem 1533. fol. 1. & 1555. fol. 1. Extat etiam in Volumine *Hispania illustrata* tom. 2. fol. 1282.

*Epistola Jamaicæ data 7 Junij  
anno 1503 seu, Postremi itineris sui  
enarratio ad Catholicos Reges trans-  
missa.* Editam esse in quarto Pinelus affirmat col. 565. haberique in Bibliotheca D. Joannis Saldierna, & fuisse Mss apud Eruditissimum Consiliarium D. Laurentium Ramirez de Prado.

*Brevem itinerum suorum narrationem,* cujus fragmentum, & Epistolas alias ad Catholicos Reges unâ cum Privilegijs ei tandem concess-



cessis exhibuit in Historia sua D. Ferdinandus Columbus, teste Pinelo mox dato loco; adducente Freherum fol. 1434 aliquot horum Operum memorem, & elogij Nostri dati ab Alphonso Garcia Matamoros. Ipse item Pinelus versionem Italiam ab Americo Vesputio adornatam, additamque in Novo Orbe refert: Latine namque Joannis de Pardo anno 1555.

*Epistolam aliam ad D. D. Didacum de Deza Archiepiscopum Hispalensem* memorat D. D. F. Bartholomæus de las Casas in Historia generali Indiarum Lib. 1. cap. 29 teste Pinelo fol. 913 col. 4.

*Collectionem vaticinorum recuperanda Hierosolymæ* adjutore Carthusiano Monacho confecit Idiomate hispano, Catholicisque Regibus Ferdinando & Elisabethæ nuncupavit; quæ juncta Volumine cum Indiarum detectione habetur Mss in Bibliotheca Metropolitana Patriarchalis Ecclesiæ Hispalensis in folio, 14 tamen abscissis folijs, ut testis est citatus Pinelus fol. 913. col. 4.

Prælongum quidem esset Clarissimi elogia Viri texentes recensere Doctores, quibus propterea innuendis superledemus, atque, præter obiter in superioribus indicatos, tantum subnectimus Acta nobis ejus subministrantes, D. Ferdinandum Pizarro & Orellana, in Viris illustribus Novi Orbis, quorum agmen duxit Co-

lumbus à fol. 12 ad 40. editionis Madritanæ anno 1639, & Henricum Martinez, in Tabulis suis temporum, & Historiâ Naturali Novæ Hispaniæ, à pag. 130 ad 142 edition. Mexicæ anni 1606. Poemata autem, Comediæ, & id genus multa Columbi decori applaudentia Opuscula, indigitat Pinelus col. 565 & 566.

697 P. CHRISTOPHORUS DE CONDARCO, Natione Mexicanus, ni fallimur, incerta nobis Patria, Societatis JESU alumnus, & in Collegio Maximo SS. AA. Petri & Pauli Mexiceo Rhetoricæ Professor, scripsit

*Poeticam Dissertationem pro festu natali colendo sub Margaritæ symbolo*, habeturque in Libro ejus argumenti ad annum 1689 in Bibliotheca ejusdem Collegij.

698 D. CHRISTOPHORUS DIAZ DE ANAYA, Natione Mexicanus, in Diœcesi Angelopolina ortus, & Oppidi de Olinla Parochus, scripsit

*Artem pro imbibendo Idiomate Toronaco.*

*Dictionary ejusdem Idiomatis:* Pro ut testatur Author Libri editi, *Allegationes in favorem Cleri Angelopolitani* fol. 80 col. 2.

699 D. CHRISTOPHORUS DIAZ DE SANCTA ANNA, Natione Mexicanus, Diœcesis Angelopolitanæ, in Oppido de Olinla Parochus, exaravit

*Artem Linguæ Toronacæ.*

*Methodum agendi excipiendique Confessiones sacras eodem Idiomate.*

No-



CH

Nobis copiam ejus fecit D. Didacus Bermudez de Castro in Catalogo ad nos misso de Scrip-  
toribus Angelopolitanis n. 38.

700 D. CHRISTOPHORUS DE ESCALONA MATAMOROS, Natione Mexicanus, Patria Angelopolitanus, Præsbyter eruditus & pius, elucubratam à se habet hispano sermone

*Historiam Cænobij Recollectarum Virginum à S. Rosa Peruvienfi nuncupatarum, è Gynaceo nuper Angelopoli erecti: Vitasque earundem insignes:*

Fidem nobis item faciente memorato in Catalogo ipso Bermudezio n. 152.

701 P. CHRISTOPHORUS DE ESCOBAR ET LLAMAS, Natione Mexicanus, in Diœcesi Michoacanensium clara stirpe ortus, Mexici Regalis & Antiquioris Divi Ildefonsi Collegij alumnus, cujus, procedente tempore, futurus erat Parens & magnificentissimi ædificij instaurator, latinè doctus Philosophiam egregio nomine & Theologiam excoluit, gradus in Academiâ nostrâ promeritus, quos Minervalibus viris plaudentibus tulit. Soc. JESU nomen dedit, & nomini ejus litteris & gestis rebus decus multum adjunxit, quatuorque in ipsa nuncupavit Deo vota. Naturâ & virtute comparatus ad magna, varijs præfectus curis, strenuam singulis dedit operam. In Maximo Mexico Collegio SS. AA. Petri & Pauli Rhetoricam docuit, mox Phi-

CH

losophiam tradidit, & postremo Sacras litteras interpretatus est. Rector datus Collegio S. Ildefonsi, quod olim pro institutione suâ diu incoluerat, quantum ipsum amplificaverit mirum sanè est.

702 Fuerat quidem illud jam inde ab incunabulis perillustre, ac fecundissimum doctorum hominum Seminarium, incrementa verò tanta sub ejus accepit Præfecturâ, ut illustrius longè claruerit: nam multa adolescentibus, indole præclaris & ingenio, calcaria addidit, queis alacriores citationesque scholasticam arenam percurent. Præter quotidianas exercitationes, Academijs pro singulis Facultatibus institutis, vividiores alias per hebdomadam habendas adjecit: singulos examē ad extremum scholaris anni subire de præscriptis cuique pensis, rigidâ coram Sodalibus habitâ crisi, & longâ concertatione instituit: atque eximiâ constantiâ & defatigatione totos 16 annos hisce interfuit actionibus, quæ plurimæ certè sunt in frequentissimo trecentorum fere Sociorum gremio, præfectum agens & palæstritam, adeo ut familiarissima sibi fecerit ad unguemque habuerit integrâ Theologica Volumina P. Joannis Marin Theologiæ Professoribus in Collegio usui data: pariterque sueta excoli à Canonici Juris candidatis Commentaria D. D. Emmanuelis Gonzalez Tellez, & qui præ manibus ha-



bentur à dantibus operam Civilibus Sanctionibus Libri D. D. Antonij Pichardo; ut interea Philosophos prætereamus & Rhetoricos ac Grammaticos, alijs addictos legibus, nec tamen subductos Rectoris curæ.

703 Adhæc excitandis amplius nobilibus ingenijs præscriptæ habendas quotannis geminas à Theologis totidemque ab studiosis Juris publicas in Universitate concertationes, quarum Majorem alteram dicunt, aliam Minorem, suffragijs Sodalium ejusdem Aulæ ijs committendas, qui doctrinâ reliquis præstent, & qui pro minoribus destinentur, duodecim ex asse titulos multis gravidos controversijs defendant; 24 verò per integrum diem operam daturi Majori, non exiguis Collegij sumptibus, grandi verò profectu & gloriâ. Quo autem anhelantibus ad Scientiarum culmina faces adderet, annuos redditus destinavit pro expensis erogandis in Doctoratus apice Theologici à Sodali petendo, tum etiâ in Licentiæ gradu Juris Canonici ab hujus professore Facultatis optando, præmissis in Gymnasio Collegij austerioribus probationibus scholasticis, quas Academia nostra perpetuo & ineluctabili more tenet pro convestiendis Infularum candidatis & petitoribus. Cathedram etiam pro Magistri Sententiarum aperiendâ doctrinâ in Universitate à Collegij Sodalium probatori insti-

tuendam curavit à Catholico Rege nostro, Academico Confessu annuente etiam & postulante, destinato è Collegij proventibus honorario, & verò postquam primo secundoque quadriennio huic strenuè suggestui incubuerant Moderatores, justis de causis, ea ut se abdicarent provinciâ opportunius existimavit.

704 Nec verò in litteris duntaxat, quæ diximus incrementa Collegio dedit, sed in Ædibus, quas à fundamentis excitavit, amplissimis: Quòd enim attrita tempore fabrica esset, & quamquam ampla certè, angustior in dies pro confluentibus convictoribus, vastissimam juxtâ & politissimam aggressus est molem, cui vix parem etiam in Europa inveniri exteri homines & per multa vagati testantur. Ut est Religiosissimus, Sacellum in primis condidit nobilissimum, & sacra supellectili omni augustissimum. Ad extremum deducentem magnificentissimum opus R. admodum P. Præpositus Generalis Soc. JESU Mexicanæ Provinciæ regendæ admovit anno 1743, quam religiosè simul & prudenter est moderatus. Absoluto munere Provincialis, & caput & absolvit itidem auspiciato fidere conjunctam Sanctandream Collegio Mexiceo, Instituti sui, magnitudine insignem & venustate Domum, pro ijs qui secedere optaverint viris octiduo aut amplius, Deo negotioque animæ vac-



CH

caturis, daturis operam Exercitijs spiritualibus, ab inclyto Parente S. Ignatio de Loiola aureo scriptis Libello, omni quidem laudi majori. Biennium fere est, quo dedicata pulcherrima Domus & devotissima, usui esse cæpit & Clericis multis & Laicis illuc pietatis ergo accurrentibus. Noster interea in eodem Sanctandreamo agit, valetudine quidem adversâ, nec tamen inerte vitâ pro ingenio suo & virtute traductâ, cujus subinde abstinemus elogio. Scripsit, dum Rhetoricam profitebatur

*Poeticam Concertationem in Natali Domini habitam dato Oculorum Symbolo.* Extat in Bibliotheca Collegij Maximi Mexicani in Libro hujus argumenti ad annum 1723.

*Cursum Philosophicum à primordijs Summularum ad postremas usque Aristotelici Systematis Tractationes,* cujus exemplaria plura habentur à Discipulis custodita, & pretio etiam ab alijs Doctoribus habita.

*Varia pro Sacrorum Bibliorum enodatione.* Mss similiter.

*Conciones itidem hispanas, Pro-  
lusiones latinas, & Opuscula alia.* Mss.

705 F. CHRISTOPHORUS DE ESPINOSA A CONCEPTIONE, Natione Mexicanus, apud Mexicalzingo genitus, severiora S. Francisci instituta in Provincia S. Didaci Mexicea professus, vir doctus & pius, Missiones sacras & inter barbaros egit difficilia loca incolentes, & urbanas etiam

CH

inter Fideles. Expeditum prælo Opus habet, quod legimus, asceticis valdè utile, hispano sermone

*Arma spiritus pro asserendâ divinâ gratiâ ab invasionibus demonis, mundi & carnis.* Duabus partibus in octavo. Habet præterea

*Sermones panegyricos.*

*Sermones morales pro sacris expeditionibus.*

*Conciones de Doctrina Christiana, Indulgentijs, & Contritione.*

706 D. CHRISTOPHORUS GRIMALDO DE HERRERA, Natione Mexicanus, in ipsa Imperiali Urbe nostra claris genitoribus ortus, in Majori Divæ Mariæ & Omnium Sanctorum Collegio Togatus, Causidicus apud Mexiceum Arcopagum fuit ab eloquentiâ & jurisperitiâ acclamatissimus: Rubeam, quæ Professorum Civilium Legum tessera est, Doctoralem infulam in Academia Mexicanensi merito tulit, & procedente tempore ejusdem facultatis Decanus extitit. Antecessorem egit Vespertinum Imperialium Sanctionum, atque etiam Clementinarum, ut qui doctissimus pariter erat in scientiâ Canonicâ, atque gradu ejus insignis. Postquam in Schola & Foro diutinam posuerat operam, atque egregium sibi comparaverat nomen, à Catholico Rege nostro Auditor Regius pro Juridico Conventu Manilenfi apud Insulas Philippinas destinatus, eò se contulit, ubi demum excessit.



Muneri suo strenuè adeò invigilavit, ut difficilia quæque negotia, quæ coram se & Socijs agitabantur, libraret ad trutinam, consultisque utrimque Libris ac momentis gravioribus, Opusculum ad singulas controversias ornaret, ut subinde conscripserit

*Varias juris resolutiones* Tom. 21.

Porro multa ab eo profecta Volumina, penes ipsum, ea tempestate, stantia, testis est D. D. Salvator Sylvestre de Velasco & Herrera, Canonicus Hispalensis Ecclesiæ Collegiatae SS. Salvatoris, in Nuncupatoria ad Collegium Majus Mexiceum Divæ Mariæ Omnium Sanctorum, Libro præfixa, cui titulus *Scala mirabilis, seu Vita S. Petri de Arbues*. Numero autem ea fuisse Volumina 22 traditio est à majoribus accepta Togatis, qui ejus nobis copiam fecere, & accuratissimi cum sint in Sodalium monumendis servandis, isthæc quæ Nostri memoravimus exoptantes, nec dum habentes, vastissimâ obistente locorum distantia, locupletissimis testibus nixi recensent. Scripsit præterea hispano sermone

*Allegationem juris D. Anna de Torres in lite adversus ipsam mota, Aedium, quas possederat, causâ*. Extat Mss in fol. tom. 24 Mendozianæ Collect. fol 60.

*Allegationem tuendi ergo juris D. Joannis del Rosal Præbyteri, ad beneficium, vulgo Capellania, Hospi-*

*ialis Domus Mexicea à Conceptiōne*. Mexici 1659 tacito nomine Typographi, haberutque ab eodem Mendoza inter Opuscula non dum compaginata.

Meminit ejus D. Carolus de Siguenza, in Triumpho Parchentico fol. 89 col. 2 & Plaza in Chronicis Universitatis Lib. 5. cap. 17. n. 215.

707 D. CHRISTOPHORUS GUERRERO PEDRAZA, Natione Mexicanus, Angelopoli ortus, in statu prophano litteras humaniores apprime excoluit, & hispanis numeris multa scripsit, e quibus aliqua typis esse edita Author nobis est D. Didacus Bermudez de Castro in de Angelopolitanis Scriptoribus syllabo n. 149. Nos vero hætenus effugerunt Opuscula.

708 D. CHRISTOPHORUS GUTIERREZ DE LUNA, Natione Mexicanus, &, nisi fallimur, etiam Patria, cujus præter quæ subicimus, Opera, professio, aliaque latent, scripsit hispano sermone

*Memoriale Tractatus de Angelis* in quarto, propterea nuncupatum Illmō. Archiepiscopo Mexicano D. D. D. Petro Moya de Contreras, jam tum Indiarum Patriarchæ, quod eximiam in SS. Angelos pietatem Mexici fovisset & propagasset. Extat Mss in Bibliotheca Collegij Maximi Mexicani Societatis JESU.

*Vitam & heroicâs virtutes* Illmī. D. D. D. Petri Moya de In-



CH

*Contreras Archiepiscopi Mexicani, Indiarum Patriarchæ &c.* Habetur in eadem Biblioth. & sub eodem Volumine

*Narrationem & Compendium breve ac summarium prænobilis Ducis D. Ferdinandi Cortezij, Marchionis à Valle &c. Itemque ejus in Expugnatione Novi hujus Imperij Sodalium, animo præstantium virorum: Prætereaque ejusdem Imperij Archiepiscoporum & Episcoporum.* Asservatur in mox dictis Bibliotheca & Volumine, quod opinamur unum ex illis esse quæ D. Carolus de Siguenza & Gongora coacervaverat, moriensque PP. Jesuitis reliquit.

709 D. CHRISTOPHORUS GUTIERREZ DE MEDINA, Natione & Patria inexplorata nobis, Doctoris insula insignis, Parochusque apud Metropolitanam Mexiceam Ecclesiam, ab eleemosynis Excmô. Pro-Regi Marchioni de Villena, edidit vernaculo idiomate

*Concionem de SS. Deiparentis Nativitate, in petitione Canonicatus Magistralis.* Mexici, typis Joannis Ruiz 1646 in quarto.

710 D. D. CHRISTOPHORUS HIDALGO BENDAVAL, Natione Mexicanus & Patria, Medicinæ cultor & Doctor in Universitate nostrâ, Cathedram Chirurgiæ & Anathomix regere incepit die 29 Novembris anno 1621 rerum potente Academicarum eximio viro D. D. Joanne de Salcedo. Tradidit è suggesta

CH

*Lectiones Chirurgicas & Anatomicas,*

In quibus eam etiam laudem est assecutus, quod primus in Academiâ Mexicanensi quam memoravimus Cathedram moderatus fuerit, ut legere est apud Plazam in Chronicis Universitatis lib. 3. cap. 28. n. 148.

711 D. D. CHRISTOPHORUS DEL HIERRO GUERRERO, Natione, ut conjicimus, Mexicanus, utriusque Juris cultor in Academiâ Mexicanensi, Doctoris laureâ insignis, multas diuque Cathedras rexit, primum Institutionum, mox Sexti ad tempus, deinde Codicis Justiniani, & tandem Gratianæi Decreti, professiones auspicatus jam inde ab anno 1609, ut habemus ex Chronicis Academicis à Plaza exaratis lib. 1. n. 50. 81. 225. Scripsit

*Tractationes varias ad utrumque fus spectantes,* quarum argumenta singularia nos fugiunt.

712 D. CHRISTOPHORUS MANSO DE CONTRERAS, Natione, ut videtur, Mexicanus, & Antequeræ Goaxacensium clarâ natus stirpe, inter ejusdem Urbis Rectores merito adscriptus, Villæ de Guadalcázar Prætor, Vicariusque generalis Ductoris armorum, litteris expolitus, edidit hispano sermone

*Enarrationem certam eorum quæ tumultuantibus Indis apud Villam de Guadalcázar in Provincia Tehuantepequensi evenere à die 22 Mar-*

Mmmmmmm

tij



*rij anno 1660 ad usque 4 Julij 1661.*  
 Mexici, Typis Joannis Ruiz 1661  
 in quarto. Habetur in Collect.  
 nostris tom. 62. Meminit Autho-  
 ris & Opusculi Pinelus col. 604.

713 FR. CHRISTOPHORUS  
 MARTINEZ DE LA PUERTA, Na-  
 tione Hispanus, in Bætica forti-  
 tus est cunabula, Urbe aut Op-  
 pido nobis ignoto, Historiogra-  
 phumque infra dandum, ut vi-  
 detur, latente. Parentes claro ge-  
 nere habuit, Matremque in ado-  
 lescentia sequutus, anno circi-  
 ter 1600 Joannem de Monaste-  
 rios Præfectum navis Hondu-  
 ras Americæ nostræ Provinciam  
 petituræ, comitatus, ubi Truxi-  
 llum appulit, sub ignoti nobis  
 vexillo Ducis stipendia meruit  
 euntis versus Ripandivitem, vul-  
 go Costarica, paganorum gratiâ  
 conquiendorum. Frequentissi-  
 ma sanè infidelium multitudo ini-  
 bi degens, sacrisque nostris reci-  
 piendis aptissima, christiani ani-  
 mum militis egregiè commovit  
 tradendæ tot Barbaris Fidei ze-  
 lo, atque in hunc se propositum  
 comparandi. Hinc Goatemalam,  
 Urbem non longissimè distitam  
 petens, ut in Seminario Cathed-  
 ralis Collegio recens instituto  
 adscriberetur institit, cujus cum  
 Rectores postulatis abnuerent,  
 quòd Sodalium numerus eum  
 haud caperet, famulis tamen ip-  
 se aggregari discupiens, voti com-  
 pos effectus est. Abjectissima quæ-  
 que alacri animo ministeria tan-  
 diu subiit, donec casu agnitus

à gentili suo, & productis de no-  
 bilitate generis testibus, quæ Co-  
 legij Statutis præscribitur, tra-  
 beâ donatus, imbibendæ quam  
 optabat latinitati totus incubuit,  
 sic tamen ut orationi cæteris  
 que virtutum exercitijs (quod  
 antea usu tenuerat) quietius ope-  
 ram daret. Erat propterea exem-  
 plo & admirationi Collegis, tam  
 que biennio sufficienter in Gram-  
 maticis institutus, & Ecclesiasti-  
 cis ministerijs addictus, ut facilè  
 ad Ordines sacros fuisset promo-  
 tus, modò alicujus Beneficij ti-  
 tulum comparasset.

714 Annos natus 22, & ver-  
 tente seculi proximè convoluti  
 secundo, 17 Octobris Seraphici  
 Ordinis habitum induit in Cœ-  
 nobio Goatemalensi, Provinciæ  
 à SS. JESU Nomine dictæ, Pri-  
 mario, actoque religiosissimè ty-  
 rocinio, professus est. Regulari  
 institutorum observantiæ exactis-  
 simæ austeriorem longè sibi dis-  
 ciplinam præscripsit, ceu qui Mar-  
 tyrio proluderet, quod anxie cu-  
 piebat. Singulis noctibus post ab-  
 solutas in choro cum Sodalibus  
 Matutinas preces, reliquum tem-  
 poris castigando corpori, cœlesti-  
 busque meditandis rebus trade-  
 bat, in memoriam patientis JE-  
 SU, è vacerrapulis in alto defi-  
 xis, suspensus tres horas, & mox  
 alteram aut duas asperrimis se  
 flagellis discrucians. Adhæc, cili-  
 cia atque asperitates plurimas  
 jejunijs, nuditati, & innumeris  
 incommodis perpetuò adjecit.



715 Philosophiam & Theologiam doctus in Goatemalensi Conventu, egregiè profecit, adeò ut Prædicatoris munus multum cum laude obierit & gloriâ Dei ab salute animarum strenuè procuratâ, quas vel à peccato revocavit, vel in christianâ virtute instituit: Confessionibus sacris audiendis deditus, spiritualem quibusvis ad se venientibus ducem se præstitit egregio eorundem in christianis virtutibus incremento. Præterea Goatemalæ primùm, post Chiapæ in Civitate Regia, Latinitatem tyronibus Familiæ tradidit, & alibi agens Paganorum exteris juvenibus instituendis latinè, qua erat erga omnes charitate, sponte sua intendit. Nonnunquam novitijs Goatemalensis Domus præfectus, exemplo vitæ austerissimæque mortificationis efficacius longè quam monitis, eos ad religiosam perfectionem apravit. Ægrâ licet valetudine affectus, duriori, quam tenebat, pœnitentiâ & in agendis defatigatione, jubentibus Prælati ut in Oppida Indorum pergeret addiscendi Idiomatis gratiâ, paruit, excalceatusque & pedes Cœnobium ab Anunciata Virgine dictum petijt, quo loci eximia dare probitatis exempla perrexit, asperrima devorans viarum incommoda, nunquamque vectus equo in montanis & confragrosis supra quam dici potest difficillimis & asperrimis. Hæc ille circumibat pro Sacramentis mini-

strandis, concionibusque ad Indos habendis, quos paternâ dilectione complectebatur. Pestiferâ infectis lue, nihil præsentissima faciens vitæ discrimina, adfuit, destitutisque omni subsidio ut opem ferrent, conterminos Populos vehementi sermone commovit, charitatis præstantiam luculenter illis exponens.

716 Hæc inter diu noctuque gentiles pridem à se agnitos apud Teguzgalpam recogitabat, quorum desiderio conversionis, & literis & religiosis institutis se dederat; atque ut Deo ad id muneris eum vocanti prævenienteque responderet, vota demum suaperantiqua Provinciæ suo exposuit, ipsum per Epistolam rogans vellet postulatis acquiescere. Evocatus ab illo, è Chiapa Goatemalam revertitur, multisque à gravioribus Provinciæ viris examinatus, quamvis arduum supermodum opus existimantibus, vixque, ac ne vix quidem citra vitæ periculum aggredi posse jure verentibus, retractisque recenti Sodalium exemplo duorum, qui mortem ea in expeditione à barbaris illatam oppetierant; nihilo tamen minus voti compos efficitur, quod ejus perpensis actis & desiderijs, cæterisque rarioribus documentis, ab Spiritu sancto agitari doctissimi Patres non dubitarent. Datus illi comes fuit ejusdem Provinciæ alumnus P. F. Ludovicus à S. Josepho Berancurtius, eximiâ itidem conf-



picuus virtute, quo cum itineri se accinxit Apostolico more, sine faculo, & sine pera, & sine calceamentis, præter paramenta sacra rei divinæ conficiendæ, portantes nihil. Nec ab hoc resiliere proposito, quod Regius Auditor D. Joannes Maldonatus in Honduras negotiorum causâ Regis profecturus, secum eo usque pergere illos voluerit, quibus & Frâciscanis omnibus devotissimus erat: Ea enim illi lege concessere invitanti, ne ab strictiori observandâ Regulâ sua desciscere cogarentur. Devoratis terrestri itinere molestijs immanibus, Myoparones geminos inscenderunt, quorum altero Ludovicus cum Auditore 20 que militibus vehebatur, Christophorus altero cum totidem militibus & Duce Joanne de Padilla. Omnibus tamen favâ tempestate jactatis, Nostroque cum Socijs tantum non à fluctibus hausto, cupienti que in promontorium Deo gratias nuncupatum deponi, in Parias Indos abituro, quos inquirebat; secus nauclero, Duci, & reliquis placuit, opportunius judicantibus ad Truxillum reduci, indeque redordiri navigationem securâ navi, inventoque Ludovico Sodali, quem in altero Myoparone eò appulisse non ambigebant. Falsi minimè opinione sua fuisse res docuit, probaruntq̃ in mutuos amplexus venientes utriusque Myoparonis Sodales vitam sibi gratulantes,

præque lætitia in Truxillo gestientes.

717 Noster inde ac Socius Goatemalæ se sistere è re sua existimarunt Provinciali recens electo, quem laturum ægrè credebant, momentis gravissimis, si cursui insisterent, cui videretur Deus obluetari. Benignè acceptos in Conventu Primario jussit Præsul requiescere, moxque in Quadragesima prædicationi, auditionique confessionum operam dare, quibus ipsi ministerijs egregio animarum fructu incubuerunt. Noster dein ab memorato Auditore Regio sollicitatus comes itineris, quod proximè erat instauraturus, bonâ cum Superioris veniâ pedes, ut prius, viam confecit præduram, maturans interea suam in gentiles profectio- nem, & cui inhiabat, præstolatus opportunitatem. Redux, ut acceperat in mandatis, avidius cogitare suos Indos pergebat, modò his votis Provincialis obsecundaret, qui tentandi eum gratiâ in Cœnobium amissit dissitum, quo usque decretorium judicium ferret. Erant sanè ea de re opposita Religiosorum sapientum placita, opinantibus alijs acclive esse negotium, torque difficultatibus involutum, ut nulla successus spes subluceret, quod pro inde tentari prudenter non posset; alijs contra sentientibus, Christophorum ad id officij excitatum à Deo esse, nec ejusdem oportere desiderijs obistere, impigro ani-



CH

animo exantlandis parati laboribus.

718 Hæc cum ipsum laterent minimè, longâ ad Provinciam suam Epistolâ suas exposuit rationes, & singulis sibi objectis difficultatibus satisfecit, nil obicibus illis cunctatus, quin arduum planè opus aggrediretur. Provincialis demum omnibus ad trutinam libratis momentis, Commissarium destinandum ipsum censuit Tapuzgalpæ Nationis, socio addito Religioso Laico F. Joanne de Baena, cunabulis Bætico, habitu autem Goatemalensi, viro egregiæ virtutis, ultro sedante, quod Ludovicum Betancurtium alijs Præses ipse ministerijs addixerat. Porro quanta illi terra marique pertulerint à Truxillo in Habanam, & ab hac in alias Insulas ventis improbis, multisque casibus conflictati ac projecti, Christophorus ipse literis consignavit, & multi, confecto Testimonio autentico, testes dixere, quibus, ne multi simus, supersedemus.

719 Deo tandem adfavente, è memorato Portu Truxillo solvantes, 16 Februarii 1622 promontorium Deo gratias tenere quatuor Indis Guanaxuanis comitibus, Interpretibusque apud Parias & Guazacalpanos tot fatigationibus conquissitos. Naviculâ inde cum cæteris omnibus valere jussâ, invias ipsi terras, prærupta montana, vastasque solitudines pertentarunt, vix unum

CH

aliumve Indum longissimè suspectantes, nihilque efferatæ barbariei rabiem, belluarum pericula, & sexcenta verentes discrimina, modò Christum anuntiare gentibus possent, earumque animas lacrifacere. Biduum transferat, & ecce virorum lanceis armatorum, & fœminarum corollis floridis capita incinctarum turma ipsi objicitur, ad extremumque honoratior cæteris senex comparet, omniumque nomine religiosis viris gratulatur adventum, diuque à se expetitos & speratos, inquit gentis idiomate, quod vix non perfectè callebat Christophorus, Interpretes autem Indi & capiebant optimè, & palam dabant. Stupuerè ad insperata humanitatis signa Noster ac Socius, &, Quid causæ fuisse ut venturos se in terras illas opperirentur sciscitavere. Indus verò senex reposuit, jam diu visum à se in montanâ album colore, facieque venustissimum puerum, isthæc prænuntiantem, pollicentemque sibi, quantumvis gravato annis, non prius vitâ excessurum, quam Christianus fieret eorum ope virorum, qui venturi erant, quosque ipse propterea, constitutis in editis montibus, speculatoribus, præstolatus jam pridem fuerat.

720 Scilicet, bona inter Barbaros indole, & ad misericordiam comparatâ Indus ille, sueverat miseris subvenire, quibus multas destinaverat segetes, industriâ sua

Nnnnnn



sua cultas atque labore, lites eorum componebat & jurgia, perinde ac omnium parens & arbiter habitus. Et hunc quidem ignotus ac pulcherrimus Puer quondam aflatu, quæ mox diximus adpromisserat, ut subinde visis nostris hominibus, eis unâ & sibi auspiciatissimam senex fuerit diem gratulatus. Gestiebat præ gaudio Noster cum Socio, eximiasque Deo gratias agebant, Paganos illos ad Ecclesiæ gremium vocanti. Senex autem Indus, & qui eum comitabantur propinqui & amici, strenuam dedere operam ædiculæ pro nostris extruendæ, quam prope Xaruam flumen tumultuariâ ædificarunt contiginatione: moxque amplum, impositum licet, Templum, confluentibus Patis multis, & conterminis alijs, Christianorum sacris aptum construxerunt.

721 Christophorus interea nil cunctatus, eorundem invigilans cathechesi, Socio ipsum Interpretibus uso juvante, plurimos salutaribus aquis Indos recreavit, in primis autem Senem illum egregiè felicem, qui non diu à suscepto Baptismate in cælum evolavit, alijs atque alijs quotidie venientibus, ubi fama percrebuit accessus illorum, quos Mótanæ Deus (sic enim apparentem seni Puerum vocabant) olim in oras suas & terras appulsuros prædixerat. Accurrebant singulis vespers omnes in Sacellum neophiti, & coram Immaculatæ Deiparen-

tis Imagine, quam Christophorus secum tulerat, in genua provoluti, Virgineum dicebant Psalterium, pijsque alijs exercitationibus Deum ejusque Matrem deprecabantur. Interea, tertio ab accessu Religiosorum elapso mense, Myoparon ad proximius litus appulerat, Parochi Truxillensis Clerici Didaci de Cañabete, & concivium diligentiam dimissus, invisendi Missionarios gratiam, eis que vinum & hostias pro Mystério conficiendo, & aliquam provicta annonam subministrandi; qua Christophorus regrediente naviculâ uti opportunum existimavit pro immittendo Goatemalam Socio suo F. Joanne de Baena, qui cum Provinciæ Præsidente de rebus Taguzgalpanis ageret, & Religiosum Præbyterum pro novâ illa Coloniâ sollicitaret.

722 Ritè Baena functus officio fuit, atque ab instructo de amplissima messe Provinciali unâ cum gravioribus Patribus, F. Benedictum Martinum à Sancto Francisco Baticum natu, professione Goatemalensem, qui ultro se, alios inter, obtulerat Apostolico ministerio, & cui jam diu anhelaverat, Martyrio, datum secum in Urbem Portum que Truxillo, inde in Pagum à Conceptione de Xarua (hoc enim inditum recenti Coloniæ nomen fuerat) deduxit. Ubi Christophoro se præsentem dedere, quanta uno ipse anno patrasset, haud fatis



## CH

fatis poterant demirari: nam adultos 700 sacro fonte expiaverat, parvulosque permultos, & appositè neophitos instituerat: Pagos septem pro Christianis è diversis Nationibus ordinatè condiderat, sua cuique datâ Ædícula sacrâ: idq̃ genus alia pro christiano & politico conventu, gestientibus incolis, egerat. Tum alias (sunt enim in amplissima Regione quam plures) explorare Nationes cum Socijs constituit, celocique in viciniore oras traducti, Guavas & Xacaques (& hos quidem numero formidabiles & barbarie) petierunt, ac omnibus humanitatis & christianæ Religionis officijs cicurarunt, felici adeo successu, ut plusquam sex mille, omnibus computatis, baptizaverint, ædificatisque Sacellis, in Oppida, ipsorum victui gustuique congruentia, traduxerint. Ut verò Idioma Provinciæ usu jam & conatu Religiosi viri calluerant, negotio animarû expeditiores, intimius progredi non sum veriti.

723 Non longè à Xicaquanis Albatuinæ distant, qui sua sponte ad ripam fluminis Guampum dicti venientes, ubi Patres agebant, ut ad ipsos diverterent prædicarentque rogabant. Reluctabantur neophiti clam, fraudesque & insidias pro genio Nationis illius valdè timentes, Religiosos ab itinere removebant, & ne se illis crederent enixè rogabant; qui tamen nihili obestationes habentes, falli Indos, ut

## CH

aliàs sæpenumero, arbitrati, invitantibus Albatuinis acquieverunt. Ii porrò ut erant reliquis superstitioniores Nationibus, caco-dæmone audito suadenteque ut confoderent Religiosos, priusquam terminos suos attingerent, agmine factò, in casam ad Guampi ripam, ubi Religiosi degebant, irruerunt, forti adeo manu, ut neophiti Missionaris suis addictissimi, illis obistere haud quam valuerint. Constrictos ergo funibus, queis utrasque cuique manus ad tergum devinxerant, per illos circum Pagos deducunt, ubi Evangelium nuntiaverant, sacrasque Ædes construxerant, sannis & cavillationibus vulnera ictusque addentes, quibus nihilo segniores Apostolici viri, monere illos pergebant, ignesque sempiternos minari, quòd Spiritui sancto resisterent, & salutis sibi januam obstruerent.

724 Adhæc, effratiores barbari Christophorum, qui Sodali-  
bus ad moriendum pro Christo  
adjiciebat stimulos, primum lancea petunt impudentissimè, in altumque evehunt ab illa suspensum intima quæque hominis ad collum usque transververante; animam etiamnum agentis manum unam proscindunt; laqueum alteri injiciunt, & gutturi innectunt: quòd verò nec his obijisset, nec transfusionibus & ictibus plurimis, ejus crura, machæris admotis, confringunt, atque inter cruciatus acerbos, spiritum ille in Jesu-



Jesu-Christi manus deponit. Nec mitius cum Socijs egerunt, quos & si in altum haud extulerint hastâ confosos, nec orbaverint manibus, vehementibus quassos ictibus tamen, aliter excruciarunt: nam & cantabricis eorum fregere crura & cervices, quas è nervo pendulas reliquerunt. Ubi gratissimæ Deo animæ cœlum petiere anno 1623 postremis Septembris, aut primis Octobris diebus, diffugientibus Albatuanis tortoribus, & in suas se speluncas abdentibus, Christiani Indi in Parentes suos devotissimi, deque ipsorum clade mœstissimi, utut potuere, in eo ubi passi fuerant loco, corpora sepelierunt unâque cum ipsis instrumenta martyrij, tumulum deinceps honori habentes, floribus & id genus alijs superpositis exornantes.

725 Inde, non multo post, Apostolicorum exuvias virorum in Urbem Truxillanam Provinciæ Hondurensis Gubernator pijsimus Joannes de Miranda asportavit, eximiâ in eis, quantum fas est, colendis positâ diligentia, & Nostri quidem in Parochiali Ecclesia, Sociorum autem in Cœnobio S. Francisci deposuit corpora, quæ demum Goatemalam translata in Conventu Franciscanorum item Primario ad presens usque quiescunt in Scell. S. Antonij nomine insigni. In Guampi verò ripa, quo loc, ut diximus, inclyti mortem pro Jesu-

Christo viri oppetierant, ingentis magnitudinis Crucem ligneam erexit quem memoravimus Gubernator Hondurensis Miranda, tunc cum inquirendorum gratiâ corporum, ulciscendique Paganorum flagitij, eò se contulit: & adhuc usque tempora venerabile signum consistit, additis, ut videtur, prodigio tribus proceris enatis è sepultura Palmis, deu victoriæ, quam religiosi athletæ retulerant, monumentis. Egregiâ in eos feruntur pietate Hondurenses, Goatemalenses, & finitimæ gentes christianæ, nec sine devotionis usurâ, beneficijs à Deo multis eo nomine obtentis. Noster scripsit uno Volumine hispano sermone

*Consultationes sex respondendi ergo difficultatibus sibi objectis in expeditionem Taguzgalpanam se præparanti, & probandi gratiâ licere, etiam cum vitæ periculo præsentissimo, illam aggredi sacram Missionem.*

*Epistolas ad Provinciales suos duas lato calamo, & eis non ab similes quas S. Ignatius Martyr ad Romanos scripsit.*

Habentur authographa in Archivio Provinciæ Franciscanorum Goatemlensis à SS. JESU Nomine dictæ, ut testis est P. Arochena in Catalogo ad nos dato, n. 1. art. de Scriptoris hispano usis Idiomate.

Acta Nostri & Sociorum plenissimè expendit P. F. Franciscus Vasquez in 2. part. Chronicorum ejusdem Provinciæ tom. 2. lib.



CH

lib. 5 à cap. 10 ad 21. à pag. 466 ad usque 541. Epistolas memoratas edidit p. 487 & sequentibus: & pag. 458 & sequentibus.

726 FR. CHRISTOPHORUS MARTINEZ DE VILLASECA, Natione Mexicanus & Patria, Ord. S. Francisci in Provincia S. Evangelij Regularis Observantiæ alumnus, laudem ab utroque suggestu reportavit vulgarem minimè. Philosophiam triennio professus est, & tandiu Theologicis Cathedris præfuit, donec absolutis 15 scholaribus annis, Emeritus Lector fuit renunciatus. Oratoriam sacram multis excoluit & panegyricis habitis concionibus, & ad formandos mores tendentibus, quæ omnes non minus ab ingenij acumine pulchræ, & ab stylo nitidæ, quam ab arte & doctrinâ commendabiles doctis hominibus visæ fuere. Sacris Virginibus Cœnobij à S. Clara Mexicanæ Vicarius à Superioribus Provinciæ datus, earum audiendis confessionibus operam dedit, & animis in christianâ perfectione deducendis atque fovendis. Apud S. Inquisitionis Tribunal Censorem egit, multisque alijs nominibus clarus fuit. Edidit Idiomate hispano à se habitam in Primario Mexiceo Cœnobio PP. Prædicatorum

*Panegyrim S. Dominici eorundem Ord. Fundatoris sanctissimi.* Mexici, typis Lupercianis 1727 in quarto. Extat tom. 97 Collect. nostræ.

CH

*Panegyrim de SS. Jesu-Christi Domini nostri corde.* Mexici, ex Typographia D. Mariæ de Ribera 1736. in quarto. Extat in Collect. nostra tom. 14.

Porro è Mss ejus Sermonibus non unus tantum compaginari Tomus posset multi à doctis habendus.

Ineditum etiam reliquit

*Cursum Philosophiæ ad mentem Scoti elucubratum.*

Præterea

*Tractatus ad Theologiam Scotticam attinentes,* quorum titulos Symmista ejus, penes quos schedæ erunt, addere dignabuntur.

727 D. CHRISTOPHORUS MILLAN DE POBLETE, Natione, ni fallimur, Mexicanus & Patria, cujus & professio & acta nos latent, scripsit anno 1645 recte Pinelo in Epit. Bibliot. Occid. additæ col. 700.

*Mexicana Ecclesia, eorumque redituum & munerum narrationem.* Cujus authographum stare in Bibliotheca Consiliarij D. Andrea de Barcia ipse inquit Pinelus.

728 D. CHRISTOPHORUS MORENO AVALOS, Natione Mexicanus & Patria, ni nos conjectura fefellit, Regij Auditorij Causidicus, vernaculo idiomate publicavit

*Testimonium pro Villa S. Fidei, quæ Novi Mexici caput est, contra ejusdem Regni Governatorem D. Didacum de Vargas Zapata.* Tacitis anno & loco editionis nomine que typographi, ut pristinus in

Oooooo

hisce



hiscè Opusculis usus ferebat. Ex-  
tat tom. 6. Collect. nostræ in fo-  
lio.

729 P. CHRISTOPHORUS  
REMIREZ, Natione Mexicanus,  
Patria Atlixquensis, Diœcesis An-  
gelopolitanæ, Soc. Jesu nomen de-  
dit, à qua & in amœnioribus lit-  
teris probatus, & in Philosophia  
Theologiaque cum primis habi-  
tus, Latinitati tradendæ primùm  
admotus, dein Rhetoricam in  
Maximo Collegio Mexiceo pro-  
fessus est, Philosophiamque mul-  
tis publicè exposuit. Quatuor  
nuncupatis votis insignis, & do-  
tibus clarus, Rector datus est Re-  
gali S. Ildefonsi Collegio Mexi-  
ceo, unàque amplissimo Semina-  
rio, quod ad præsens moderatur  
egregio lectissimi cōventus emo-  
lumento quotidie incrementa ca-  
pientis ab strenuâ ejus regimini  
navatâ operâ. Elogio abstinemus  
viri novis amicitia conjuncti, cu-  
jus alijs propterea reservamus cō-  
mendationem. Scripsit

*Poeticam concertationem pro JE-  
SU die natalitio numeris celebra-  
do, dato vatibus Sceptri symbolo. Ha-  
betur in Libro ejus argumenti  
plura complectente Opera ad an-  
num 1743 in Biblioth. Collegij  
Maximi Mexicani.*

*Cursum Philosophicum à Sum-  
mulis ad supremam usque, secun-  
dum Aristotelicum systhema, ejus-  
dem Stagiritæ librum; cujus exē-  
plaria sunt multa.*

*Conciones, Prolusiones, & amænio-  
ris alia litteraturæ Opuscula. Mss.*

730 FR. CHRISTOPHORUS  
RUIZ, Natione Hispanus, è Pro-  
vincia Conceptionis Seraphici  
Ordinis, in qua professus fuerat,  
in recentem ea tempestate Me-  
xicanam S. Evangelij anno 1538  
trajecit unâ cum P. Joanne de  
Gaona alijsque eximijs Sodalibus.  
Egregiâ virtute floruit, & coele-  
stium contemplationi rerum, cui  
deditus erat, negotia sibi injun-  
cta à Superioribus amicè socia-  
vit. Semel iterumque Primarium  
Mexicæ Cœnobium rexit, at-  
que inter Provinciæ adscriptus  
Definitores, strenuè munere fun-  
ctus est. Magno sibi à religiosis-  
simâ vitâ nomine comparato, ex  
eodem Mexicano Conventu ad  
Superos abiit, ut piè creditur, die  
25 Maji anno 1550. Edidit his-  
pano sermone

*Tractatum de Oratione.*

Cujus, post duo & amplius se-  
cula, exemplar nos invenisse nu-  
llum, mirum non est; habemus  
tamen testes locupletissimos Ni-  
colaum Antonium in Bibliotheca  
nova pag. 191. Gonzagam &  
Wadingum sequentem: itemque  
Torquemadam in Monarchia In-  
dica tom. 3. lib. 20. cap. 61. p.  
525. edit. novissimæ, & Betan-  
curtium in Menologio ad diem  
25 Maji pag. 51.

731 D. CHRISTOPHORUS  
RUIZ DE CABRERA, Natione  
Mexicanus, apud Villam de Car-  
rion in Valle de Atlixco Diœce-  
sis Angelopolitanæ ortus, Præs-  
byter Secularis, moribus juxtâ  
com-



commendatus & litteris, Concionator fuit, non Mexici tantum & Angelopoli, sed in ditionibus etiam alijs, ut propterea Generalem Regni Prædicatorem se in Opere mox recensendo, nuncupaverit. Pro Sacramentis Mexicano Idiomate ministrandis publico insignitus titulo, alijs etiam nominibus claruit, Archiepiscopo Mexicano Illmô. D. D. Joanni de la Serna, virisque alijs gravissimis peracceptus. Edidit hispanâ linguâ

*Singulares rarosque eventus Mexici, excitatis turbis ad clavum sedente Marchione de Gelves Pro-Rege.* Mexici, anno 1624 in folio, tacito typographi nomine. Extat tom. 20. Collect. Mendozianæ, Opusculumque 9 capp. Historiam funestissimæ cladis absolvit.

732 M. F. CHRISTOPHORUS RUIZ GUERRA, Natione Mexicanus & Patria, post imbibitas Humaniores litteras, Philosophiæ operam dedit atque Theosophiæ, laureamque Magistralem in Academia Mexicanensi tulit, ac procedente tempore Decanum egit Confessus Philosophici. E Præsbytero Seculari, Judiceque Ecclesiastico Tezcucanæ ditionis, & Censore apud S. Inquisitionis Tribunal, in Ordinem Hospitalitatis S. Joannis de Deo transivit, in quo emissâ professione, ministerijs incubuit Sacerdoti congruentibus, ægrotantium in Valerudinarijs Confessiones sa-

cras excipiens, cæterisque Sacramentis municiens & hortationibus parantes se ad supremum agonem. Conciones in utroque statu frequentes habuit, atque ut erat in amœnioribus litteris & poesi versatus, Oratoria post se reliquit & Poetica monumenta editis Operibus, quæ subjicimus. Hispano sermone excusit Pancgyrim à se habitam pro ampliando Catholici Regis nostri Philippi V insigni triumpho ad Villaviciosam relato, cui titulum dedit

*Corona hæreditario jure, electione item, & acclamatione quæsitæ.* Mexici, typis Michaelis de Ribera 1712 in quarto. Extant etiam

*Triumphalis pompa pro excipiendo Excmô. D. D. Joanne Antonio Vasquez de Acuña, Marchione de Casa Fuerte, Mexiceo Pro Rege, Imperialis Mexicanensis Urbi, sumptibus & jussu constructa.* Mexici, ex Officina Josephi Bernardi de Hogal 1722 in quarto. Extat in Collectaneis nostris tom. 38. Opusculum est Poeticum latinis hispanisque numeris concinnatum, Augusti exemplari pro inclyto celebrando Pro-Rege ab Authore proposito.

*Arcus triumphalis ab insigni Metropolitanâ Ecclesiâ Mexicæ excitatus gratulandi ergo adventum Pro-Regi Excmô. Marchioni de Casa Fuerte.* Mexici, eisdem typis & anno in quarto. Extat in dicto nostro tom. Promethei idæam sibi vates præfixit, quam hispanâ



ac latinâ poesi in commendationem Herois sui expressit.

*Littera faustè laureata laurusque litterrarum festiva, seu, Descriptio solennissimæ pompæ, Concertationisque poeticæ ab Academiâ Mexicanâ institutæ, præstiti ergo Juramenti recens ad Hispaniarum Thronum evecto Ludovico I. Mexici, ex Chalchographia Josephi de Hogal 1724 in quarto. Liber est amœnissimâ ob oculos exhibens narratione Academica gesta pro dilectissimi Regis inauguratione colendâ, numerosque pulcherrimos ab selectioribus profectos Mexiceis ingenijs, Ludovicum plaudentibus Philippo suffectum, ceu Herculem Atlanti: Hoc enim illis argumentum propositum fuerat ad Concertationem, cui Noster à Secretis fuit destinatus. Placet porro Epigramma hîc exscribere, quod Libro præfixit Christophorum laudans D. Josephus de Villerias, Mexicanus, vir eruditione juxtâ & ingenio in paucis habendus.*

#### EPIGRAMMA.

*Cui dedit Alcida Pater Atlas  
omnia, Christum  
Christophorus fertur sustinuisse  
volans.*

*Alciden, magnus dat Atlas cui  
sceptra Philippus:*

*Alter Christophorus nunc quoque  
portat ovans.*

*Herculeum gestans graviolem robur  
Olympum,*

*Hic levat ingenio, viribus ille  
tulit.*

*Nempe, ut cum similis labor ambos  
urget, uterque*

*Christophorus felix Herculis adsit  
Atlas.*

*Ecclesie anima in sacramento charitatis S. Joannes de Deo, seu ejusdem S. Parentis concio. Mexici, mox dictis litteris 1725. in quarto. Extat in Collect. nostris tom. 3.*

*Zachæus Hospitalarius, seu Pænegyrica contio habita in Dedicatione Mexiceî Templi sub titulo S. Joannis de Deo à fundamentis instaurati. Mexici in eadem Officina 1729. in quarto.*

*Ignis gloriosissimi S. Joannis à Cruce inter Sanctos relati, è vivifico Sacramenti altaris igne mutuatus. Sermo apud nudipedes Carmelitas Mexici habitus sexta die solennissimi festi Canonizationis ejusdem Divi. Extat unâ cum multis id argumenti Opusculis in Secunda quintadecima Januarij Mexicana pag. 435. Mexici, typis Josephi Bernardi de Hogal 1730 in quarto.*

*Phenix flammæ inter Zacatecanorum exustus, denuoque redivivus: Sermo in ea Urbe habitus, novæ Crucifixi Imaginis causâ dedicationis, in combustæ locum suffectæ. Mexici, litteris D. Mariæ de Ribera 1736. in quarto. Habetur tom. 14. Collect. nostræ.*

*Oratio funebris dicta in Exequijs R. P. F. Josephi Montes, Commis-*



*missarij Generalis in Novâ Hispaniâ Ordinis S. Joannis de Deo. Mexici, eisdem typis & anno, in quarto. Extat in Collect. nostris tom. 33.*

733 D. CHRISTOPHORUS SANCHEZ DE GUEVARA, Natione Mexicanus & Patria, in utroque statu prophano scilicet & Ecclesiastico insignis fuit. Matrimonio junctus, Causidicum egit celebratissimum, atque insula Doctoris in Jure Civili conspicuus, nec minus in Canonicis sanctionibus clarus, plures Academiae Mexicanensis Cathedras rexit. Institutionum Imperialium primum suggestui præsuit: mox Vespertino pro Romanorum jure explicando incubuit: Dein Vespertinum pariter pro Sexto Decretalium Libro tradendo sumpsit; tandem Decreti Cathedram moderatus est, quo usque adimpleto vicennio Emeriti requie & honore potitus est. Tum vero Rector Academiae datus, eo etiam strenuè defunctus est munere. Morte conjugis, prophanis se abdicans, initiatusque Sacerdotio, ad Metropolitanæ Ecclesiæ Canonicatum evectus, & postmodum Mesochorus creatus, 7 Novembris anno 1644 casu sanguine exhaustus obiit. Non dum eo tempore usus tenuerat Academicus Mexicanus, Antecessorum Elucubrationes in Tabularium & Libros redigere, qua propter scripta Nostri, quæ dubio procul multa fuere & perdocta, signatius indi-

Pppppp

care prohibemur, contenti Opusculum innuere, quod editum vidimus, tacito tamen nomine typographi pro ætatis consuetudine. Est autem illud hispano sermone

*Testimonium in jure de Comitibus Provincialibus à Religiosis Augustinianis Regni Michoacanensium habitis.* In folio anno 1632. Extat tom. 5 Collect. Mendozianæ.

Authoris meminit Plaza in Chronicis Academicis Lib. 4 cap. 17 n. 147.

734 M. F. CHRISTOPHORUS DE SOTOLONGO, Natione Mexicanus, Patria Habanensis, Professione Dominicanus, abjectâ prædivitis opulentiâ Domus paternæ, nihilque nobilissimâ moratus stirpe, seculo se abdicavit, in Conventum S. Joannis Lateranensis Urbis Habanensis Primarium Sacri Præd. Ord. anno 1672 die decima Novembris receptus. Scholæ Palestam, tradendo, quas ibidem acceperat, Philosophiam atque Theologiam, ubi dimensus fuerat, Magisterij braviū accepit, nec propterea otio indulsit & quieti, imò solennius se sacris Biblijs studendis PP. atque Interpretum Voluminibus consultandis, idque genus se dedit, tanta inde eruditione locuples, ut, cum modestissimus esset, dixerit tamen datâ occasione, paratum se esse ad quotidie dicendum integro mense de Beatissimæ Mariæ Virginis laudibus, atque ejusdem Rosarij præconijs (erat sanè ejus mysterijs

co-



egregiâ pietate addictissimus) nullo ad id officij Libro interin evoluto. Humanissimus erat & urbanissimus, facili ut negotio moribus suis ac litteris omnium sibi animos devinceret. Scripsit idiomate hispano Librum cui titulum dedit

*Gigas Chananeus, seu Acta & Martyrium unâque Miracula S. Christophori, Urbis Habanensis Patroni, stylo Historico Panegyrico expensa.*

Traditum fuisse Opus Mss Authoris cognatis edere illud cupientibus, monet nos M. F. Joseph Gonzalez Afonsca, ejusdem Ord. in data de Scriptoribus Habanensibus narratione: nec tamen illud adhuc esse publici juris factum. Scripsit præterea eâdem linguâ

*Historiam miraculosa Imaginis Venerabilis Deiparentis à Charitate dicta, quæ in Sanctuario del Cobre prope Cubensem Civitatem egregiâ colitur religione.* In hoc Libro Author ejus originem Imaginis detegit, quondam super aquas Nipensis stationis inambulantis, quamque Iconem operâ S. Evangelistæ Lucæ sculptam arbitratur momentis pluribus. Aservari Mss in Archivio mox dicti Sanctuarij credit citatus M. Afonsca.

*Tractationes Philosophicas & Theologicas.*

735 F. CHRISTOPHORUS DE TORRES, Natione Mexicanus & Patria, Ordinis S. Francisci strictioris Observantiæ in Provincia

S. Didaci Mexicea professor, acuti vir ingenij & multæ doctrinæ, Philosophiam Sodalibus è Cathedra tradidit & Theologiam, Definitoris munere & alijs insignis, edidit vernaculo sermone

*Compendium Doctrinae Christianæ, & Præceptorum Regula S.P.S. Francisci pro tyronum institutione.* Mexici, typis Josephi Bernardi de Hogal 1726 in 4. scripsit verò *Philosophiæ Cursum ad mentem Scoti.*

*Theologicos Tractatus.*

*Conciones varias à Symmistis suis requirendas.*

736 D. CHRISTOPHORUS VADILLO, cujus incerta nobis Patria est & Natio, antiquiores inter Mexiceæ Universitatis alumnos censetur, qui Jurisprudentiæ apud ejusdem Aulas operam dederint. Baccalaureatus insignis laureâ, à Secretis habitus fuit Academici Magistratus, moxque Decreti Cathedrâ vacante, unus è candidatis ipse pro illâ regendâ scholastico facto periculo, cæteris fuit prælatus die 20 Augusti anno 1565. Tum Licentiæ & Doctoratus gradum in Jure Canonico tulit, proque instituendis auditoribus suis auspiciatus est

*Opuscula in Gratiani Decretum.*

Ejus extat memoria in Chronicis Academicis Plaza lib. 1. cap. 7. n. 34 & 35.

737 D. CHRISTOPHORUS DE LA VEGA, Natione Mexicanus Patria, Angelopolitanus post datâ bonis litteris operâ & imbibitâ Philosopho-



CH

lofophiam, Apollineæ Facultati se dedit, cujus demum lauream retulit Doctoralem. Multi sanè habitus, cum pro Medicinæ praxi, tum etiam pro theoria, Vesperinus Academicus Professor plures annos ad obitum usque instruendis Discipulis vigilavit. Interea pro Valetudinario à Purissimâ Conceptione nuncupato, quod Ferdinandi Cortezij jussu & sumptibus conditum est, institutus, sollicitè juxtâ & piè ægrotantibus pauperibus adfuit, Archiattrum etiam egit, quod munus Proceribus in re Medica tribus injungitur. Scripsit

*Tractatus exponendi ergo solenniores Aphorismos ad audientium commodum Scholasticorum aptatos, ut Annuæ Lectiones Academicæ nos docent.*

738 D. CHRISTOPHORUS DE VILLAREAL, Natione Mexicanus, Patria Floridensis, Mexicum deductus, humanioribus litteris eruditus & artibus liberalibus, illustri S. Raymundi Nonnati Collegio Commendatorum Ord. Beatissimæ V. Mariæ de Mercede adscriptus fuit, quod à Clarissimo Fundatore pro Habanensibus, in quorum Diœcesi Florida est, & pro Michoacanensibus conditum fuit. Sedulam utrique Juri navavit operam tanto successu, ut Patronus causarum evaserit nemini secundus, maximi subinde habitus non à clientibus modò, sed à Doctissimis Senatoribus, & quibuscumque viris eruditif-

CH

simis. Doctorali Civilis Juris apice redimitus in Academia nostra, quæ molestissimam cum Majori Collegio Divæ Mariæ & Omnium Sanctorum litem trahebat, à pleno Antecessorum & Doctorum consensu Procurator in Hispaniam destinatus, faustè apud Regiam Curiam negotium egit, Universitatisque juri consuluit, Schedulâ à Catholico Rege nostro Philippo V demum optentâ pro Academicis privilegijs & usibus ad unguem adstruendis. Pro Mexico Arcopago institutus Auditor, redux ad nostros, suas in judicando partes tam agebat egregiè, quam feliciter olim quæ Advocati fuerant & accuratissimè absolverat. Bibliothecam sibi apparavit multis & selectis Voluminibus omnigenâ amœnis & perpulchris eruditione, qua ipse quoque prædives erat, Librisque conjunctis plurium litteratorum Virorum Imagines superposuit, dignus qui simili à doctis hominibus habeatur honore. Edidit materno sermone

*Defensionem cujusdam de homicidio accusati.* Mexici, tacitis anno & Typographo in fol. habetur tom. 2. Collect. Mendozianæ, & tom. 4 nostræ.

*Allegationem coram Metropolitanò Judice expositam cognocente in gradu Appellationis de negotio Sodales Mercedenses tangente.* Mexici, tacitis anno & Officina, in folio. Habetur à Mendoza inter scripta non compaginata.



*Allegationem pro D. D. Joanne de Brizuela in lite super Primaria Medicina Cathedra provisionem exortâ. Mexici, tacitis anno & Calchographia. In folio. Extat tom. 20 Mendozianæ collect.*

*Responsionem pro Militibus in Americanâ Classe de Barlovento merentibus, datam Opusculo edito eorum Praefecti nomine D. Guillermini Morfy. Mexici, tacitis anno & Typographi nomine in folio. Extat tom. 20. Collect. Mendozianæ.*

*Propugnationem juris D. Christophori Bernardi de la Plaza, à Secretis Academia Mexicana, ad primogenia bona, vulgo dicta Vinculum. Mexici, tacitis item anno & Officina, habetur in folio tom. 15 ejusdem Collect.*

*Propugnaculum jurisdictionis Regio nomine instituti Mexicei Tribunalis pro decedentium ab intestato bonis curandis. Extat in fol. editum in dicto tom.*

*Pro Regia Societate de Guinea nuncupata, Mexici, 1708 in folio. Habetur in eodem tom.*

*Allegationem pro D. Salvatoris de Perêa jure in causâ contractus. Mexici, in folio habetur ibidem tom.*

*Defensionem alteram rei alterius de capitali causa accusati. Mexici, in folio. Extat tom. 25 Mendoziano.*

*Consultationi sibi facta ab Illmô. Angelopolitano Episcopo D. D. D. Emmanuele Fernandez de S. Cruz in puncto clausura responsum. Extat*

*Miss tom. 47 Collect. Mendozianæ.*

739 M. F. CHRISTOPHORUS DE ZEA, Natione Mexicanus & Patria, Ord. S. Francisci in Conventu Mexiceo emissâ professione se addixit. Doctoratus in Sacrâ Theologiâ conspicuus infulis & Antecessoris munere, quod obierat, egregiâ laude, in Academiâ nostrâ, eandem ut in Cœnobio suo spartam ornaret, justus; non modò Sodalibus Theosophiam tradidit, sed antiquis multis Academicis discipulis, qui ipsum audiendi gratiâ eò conveniebant. Tanto erat in Sacrâ Facultate nomine, tantique ab Scholaribus habitus. Deffinitorem egit Provinciae & Conventus de Xochimilco, inter primos insignis, Guardianum. Virtutibus claruit, quas jugi carnis maceratione, sacris meditationibus, & exactissimâ in Choro frequentando pietate fovebat. Abijt ad plures die quinta Martij anno 1614 mærente Familia, quæ litteris conspicuum & moribus virum egregio amore prosequabatur. Ejus meminit Betancurtius in Menologio pag. 27 die 5 Martij, qui tamen scripta prætermisit.

*Theologica Opuscula*, aliunde haurienda, nec dum à nobis hausta ex Academico Tabulario, in quod id temporis Professorum Codices inferri cautum non fuerat.

740 D. CLEMENS BUGUEIRO, Natione Mexicanus, & ni fa



fallimur, Patria, Causidicos inter adscriptus Conventus juridici, edidit hispano sermone

*Allegationem juris gratiâ tuendi Petri Maldonati Sculptorum coagmentatoris.* Mexici, anno & Typographiâ, antiquo more, tacitis in folio. Extat tom. 15. Collect. Mendozianæ.

741 F. CLEMENS DE LEDESMA, Natione Mexicanus & Patria, Ordinem Seraphici Parentis Francisci in Provincia S. Evangelij Regularis Observantiæ sectatus est, cui exemplo vitæ, doctrinæ, & officijs decus adjecit. Philosophiæ Professor Sodalibus ipsam triennio è suggestu aperuit. Theologiæ pariter tradendæ aptissimus licet, ut qui eam altè imbiberat, methodoque & ingenio ad docendum pollebat, Aulis dimissis, curas suas omnes in pulpitum sacrum & animarum institutionem christianam intendit & piam, concionibus juxta habendis, & excipiendis fidelium confessionibus deditus. Præfectus Tertiij Ordinis sui alumni, non hortationibus modò publicis & privatis consuluit, sed editis etiam Scriptis, quibus eorum instituta & quæ ad ipsos cumque attinent, explicatè eruditèque tradit. Prædicatoris Emeriti gradu insignis, à generali Novæ Hispaniæ Commissario Visitator in Michoacanensium Provinciam ejusdem Ord. dimissus est, cujus subinde Pater evasit. Sux mox S. Evangelij Provincialis canonicè

24 Aprilis 1694 electus, multis inclaruit: nam & religiosam observantiâ accuravit vivosque lapides, & ædibus instaurandis in Primario Conventu operam dedit: excitavit à fundamentis eas in quas se tyrones recipiunt, & austerè vitæ rudimenta ponunt: cellas item alias crexit & Officinas Religiosorum usibus aptas. Nec verò virtus ejus domesticos intralares continuit se, imò plures juvandi zelo, in primisque augendæ Dei gloriæ, perutiles & icitè à se elucubratos Libros publici juris fecit. Sunt ij quidem hispano sermone

*Vita spiritualis communis Seraphici Tertiij Ordinis S. Francisci.* Mexici, apud D. Mariam de Venavides 1689. in quarto.

*Compendium excellentiarum Tertiij Seraphici Ordinis: cui accessere Constitutiones peculiare V. Tertiij Ordinis Civitatis Angelopolitane.* Matriti, typis Antonij Gonzalez 1705. in octavo. Editionem hanc 2 esse atque à se visam scribit P. F. Joannes à S. Antonio in Bibliotheca Franciscana tom. 1 pag. 272.

*Notitiarum excitator Moraliarum tomus 1.* Mexici, litteris D. Mariæ de Benavides 1695 in quarto.

*Notitiarum excitator Moraliarum tom. 2.* Mexici, eisdem typis & anno. in quarto.

*Excitatoris Compendium notitiarum ad S. Sacramenta spectantium.* Mexici, ex eadem Officina 1695. in octavo.

Com-



*Compendium excitatoris alterum.* Mexici, eisdem formis & anno in octavo.

*Excitator Reipublicæ studiosi, alphabetico ordine in summam redigens primum & secundum Compendium excitatoris notitiarum Theologicarum Moralium cum additionibus varijs necessarijs pro multorum statuum obligationibus aperiendis.* Mexici ex eadem Calchographia 1700. in quarto.

In his porrò de Theologia mores diligente Voluminibus, ne cui ofendiculo sint tyroni proscriptæ à Summis Pontificibus Alexandro VII & VIII, item ab Innocentio XI theses, ab Authore rejiciuntur atque notantur.

Memorata Bibliotheca Franciscana, quam dicto tom. 1. cætera latuerunt scripta nostri præter Compendium primum; addit tom. 3 inter Appendices, conciones

*De JESU Nazareno.*

*De Angelopolitani Templi dedicatione.*

*De cujusdam monialis Professione.* Mexici excusas anno 1684. quæ nos hætenus fugiunt.

Meminit Nostri Betancurtius in de Illustribus Provinciæ suæ viris pag. 147. n. 37 & pag. 152. n. 60.

742 F. CLEMENS A NEAPOLI, non aliunde nobis notus quam à mox dicta Bibliot. Franciscana tom. 1. pag. 272. nisi ejusdem Author deceptus est, Provinciæ S. Evangelij alumnis ac-

censetur, diciturque hispano sermone scripsisse

*Centuriam Epithaphiorum Italicè concinnatam à Joanne Francisco Lordano,* prout narrat Abbas Ghilinus in suo Theatro Italico Litteratorum edito Mediolani pag. 203.

743 P. DR. CLEMENS SUMPSIN, Natione Mexicanus, Patria Goatemalanfis, prænobili egressus è Domo, in qua optimè fuerat à genitoribus institutus, & latinis litteris efformatus, Soc. JESU in Provincia Novæ Hispaniæ se addixit. Philosophiam in Collegio Maximo Mexicano publicè docuit; Theologiam verò primùm Antequeræ Goaxacentium, dein verò Angelopoli & Mexici professus est annis multis, Primariæ Cathedræ tandem præpositus, & postmodum Studijs majoribus. Hinc eximio Doctorum Mexicanensium plausu Dr. & ipse in Sacra Facultate auguratus, pro regendâ in Universitate Cathedra Doctoris Eximij Perpetuus & primus Antecessor fuit institutus, ad obitumque usque strenuam Professoris muneri operam navavit. Erat quidem in re scholasticâ politissimus, & ad palæstram natus, atque exercitatione jugi promptissimus juxta & doctissimus. Adhæc, similem in omni Theologia nactus eruditionem, atque in utroque Jure minimè vulgarem peritiam, gravissimis alijs incumbibat negotijs, & à Consistorio Fidei Mexiceo Censoris titulo pluries ex-



## CL

munere requisitus, & ab Archiepiscopo & Episcopis consultus, gaudentibusque ut sacris initiandos, exponendosque audiendis confessionibus, ac Ecclesiastico designandos suggestui experirerur atque probaret. Comitatus insignis & humanitate, vite quoque probitate conspicuus, amori erat & religiosi omnium Ordinum viris, & Nobilibus etiam ac vulgaribus, in egenos ipse & miserabiles egregia charitate propensus, quos, ut ut poterat, eleemosynis sublevabat. Animarum boni sollicitus, pro ipsis expiandis confessione libens in Ecclesia aderat, proque erudiendis & domi & foris concionabatur. Instituta Familię suę deperibat, & sancte servabat, Rectorque datus Collegio Maximo, egregia semper observantia florenti, exemplo alijs præbat. Multa erat adversus Deiparentem Virginem religione, cujus morti proximus præsidium fidentissime postulans, & cruciatus memoriã refricans, pientissimum Hymnum *Stabat Mater dolorosa* decantari sibi voluit, sacramentisque munitus, præcedenti pervigilium Purissimæ Conceptionis die animam Deo reddidit anno 1735. Funeri ejus Academicus Senatus, Cætusque Religiosi, atque Equites multi interfuere. Scripsit

*Philosophiæ Cursus, Summulis, Logica, Physicâ, Metaphysicâ, & cæteris Libris constantem Aristotelici more Systematis. Insuper Tractatus Theologicos*

## CL

*De Deo ut uno.*

*De Perfectionibus divinis.*

*De Visione Dei.*

*De Voluntate Dei.*

*De Angelis.*

*De Actibus humanis.*

*De Bonitate & malitia.*

*De Merito just.*

*De Beatâ Virgine.*

*De Pactis & Contractibus in universum.*

Quorum aliquos *Lectio-  
Academicarum* index nobis exhibuit, alios sæpius vidimus Mss, præter quos concinnasse alios non dubitamus hætenus nos fugientes. Scripsit præterea

*Prolusiones Latinas.*

*Conciones Hispanas.*

*Consultationes varias,*

Quæ forsan à Sodalibus custodiuntur.

744 CLERICI CONGREGATIONIS MEXICANÆ B. M. ANUNCIATÆ IN COLLEGIO MAXIMO SS. AA. PETRI ET PAULI SOC. JESU conditæ, juris publici fecerunt hispano sermone conscriptum ab ipsis Opusculum, cui dèdè titulum:

*Dubia ad sanctas Missæ Ceremonias spectantia per Clericos resoluta Congregationis Domine nostræ erectæ Apostolicâ autoritate in Collegio Soc. JESU Mexiceo. Mexici, apud Henricum Martinez anno 1602. in quarto.*

Porro Congregationi huic paulo post annum 1578 institutæ in Schola Soc. JESU Mexiceâ, ut Author est P. Florencia in Hist.

Pro-



Provinciæ Novæ Hispaniæ Lib. 6. cap. 7. pag. 353 n. 381. quæque primas tenet inter ejusdem instituti cæteras Americæ nostræ; Indulgentias communicavit, Pontificia qua donatus erat facultate, R. admodum P. Claudius Aquaviva Præpositus Generalis Soc. JESU anno 1587. quas Gregorius XIII & Sixtus V jam pridem concesserant ejusdem nominis Sodalitio Romani Collegij. Quod autem frequentissima Mexici Schola etiam ea tempestate fuerit, opportunè ab ejusdem Rectoribus bimembris Congregatio facta est, cui tertium quoque caput accessit. Nam Grammaticæ & Rhetoricæ cultoribus Præfectus fuit datus in Gymnasium maximum conveniētibus pietatis exercendæ qualibet die Dominica; Philosophos autem & Theologos Præfectus alius in Ecclesiâ similibus format institutionibus. At qui ex ijs Sacerdotio initiati evasere & Doctoralibus infulis insigniti, aut alijs Ecclesiasticis muneribus clari, ceu tertium Congregationis gremium fecerunt, alterâ per hebdomadam die convenientes Sacrorum Rituum & Ceremoniarû collationes habendi gratiâ, quibus ad aram faciendis opus est studere, & quæ propria sunt Sacerdotij officia secum communicandi. Id circo præter cæteris communes Sodalibus Regulas, peculiare ad Præbyteros duntaxat spectantes coluere, & utrasque ad calcem memorati

Libri ediderunt à pag. 208 ad postremam usque. Accuratissimâ usuri Criticâ in Liturgicis, quibus operam dabant, sex septemvè Missalium Editiones præ manibus habuere, ex eis quæ à S. Pij V reformatione ad annum usque 1600 adornatæ prodierant, quæ inter se collatis, propius ad Pontificis S. mentem accedentibus Rubricis adhæserunt & Decretis. Varias itidem *Pontificalis Romani & Ceremonialis Episcoporum* impressiones diligenter conquistatas pro instituto suo consulere, evolutionis interea Scriptoribus qui tunc usque ea de re egerant, ut Epistola ad Clerum Mexicæ data in editi Voluminis antecessu præmonent. Eximios in eo Congregationis ordine doctrinâ & pietate viros floruisse testis est præcitatus P. Florentia, Liberque editus satis indicat nuncupatus Sodalitij Protectori D. D. Joanni de Cervantes, Mexiceo Archidiacono & Archiepiscopatus Gubernatori, Sacrorum Bibliorum Academico Interpreti, & postmodum Episcopo Goaxacensi, qui in Epistola eidem præfixa Libro ad sodales Clericos scripta, & se unum ex illis esse testatur, & alterum D. D. Alphonsum Muñoz, Primarium Sacræ Theologiæ Professore, dein Metropolitanæ Ecclesiæ Decanum, & pro Chiapensi electum Antistitem, cui Opusculi examen pro editione commisserat. Præter typis excusum Librum jam dictum, Authores iisdem elucubrarunt



*Aliquot alios ejusdem argumenti  
admodum expolitos & doctos,*

Quos inveniri apud Collegiū  
Maximum P. ipse Florencia af-  
firmat pag. 357. n. 387. subjun-  
gens, institutis deinceps alijs Cle-  
ricorum Cōgregationibus, Anun-  
ciatā V. Sodalitium penes Schola-  
res totum mansisse, à queis hodie  
que frequentatum viget ac floret.

745 CONCILIUM CARA-  
QUENSE I habitum est in Urbe  
Caracas, Provinciæ Venetiolæ ca-  
pite, anno 1609 ab ejusdem Epif-  
copo Illmō. D. D. F. Antonio  
de Alcega, Franciscano, teste Ægy-  
dio Gonzalez Davila in Theatro  
Ecclesiæ Venetiolę pag. 301. Opi-  
namur Synodum hanc custodiri  
in Archivio ejusdem Ecclesiæ.

746 CONCILIUM CARA-  
QUENSE II an numeremus, su-  
mus ambigui, quamvis de Con-  
stitutionibus Synodalibus Cara-  
quensibus fidem nobis faciat Pi-  
nelus in Epitome Bibliot. Occid.  
Editionis novissimæ col. 789 te-  
statur editas fuisse in folio anno  
1698. Porro id circo in ancipiti  
hæremus, quoniam extra Synodū  
quoq̃ istiusmodi Constitutiones ab  
Episcopo emanare possunt, quod  
mox scribemus indicantes Diæce-  
sim Chiapensem, & aliunde rei  
historiam venari nequamus.  
Constitutionum Caraquensium à  
memorato Præsule conditarum  
meminit D. Joannes Chrysosto-  
mus Rodriguez Garraledo, loco  
inferius dando in *Illmūs. D. D.*  
*Didacus de Baños & Sotomaior.*

Rrrrrr

747 CONCILIUM CHIAPEN-  
SE seu Diœcesanam Synodum  
hîc forte aliquis quæret, qui le-  
gerit Constitutiones Diœcesanas  
Episcopatus Chiapensis conditas  
ab Illmō. D. D. F. Francisco Nu-  
ñez de la Vega, Dominicano,  
ejusdem ditionis Antistite, editas  
que Romę anno 1702. tom. in  
folio. Quod tamen eas citra Sy-  
nodum Præsul his doctissimus jux-  
tā & vigilantissimus dederit, pro-  
pterea nullum Chiapæ Concilium  
memorandum occurrit.

748 CONCILIUM COMAIA-  
GUENSE I, itemque II indixit  
& habuit in ea Urbe Honduren-  
sis Diœcesis primaria, ejusdem  
Episcopus Illmūs. D. D. F. Lu-  
dovicus de Cañizares, Ord. S.  
Francisci de Paula, anno 1631.  
mensibus Januarij & Martij, te-  
ste Ægydio Gonzalez Davila in  
Theatro ejusdem Ecclesię pag.  
308 scribente penes se habere  
utriusque Synodi exemplaria, quę  
itidem fuisse Mss in fol. in Bi-  
bliot. D. D. Andreæ de Barcia  
Regij Consiliarij scripsit Pinelus  
in Epit. Bibliot. Occid. col. 771.

749 CONCILIUM GOATEMA-  
LENSE habitum fuit ab Illmō. D.  
D. Bernardino Villalpando, qui  
ei Ecclesiæ præfectus fuit anno  
1564 in ipsam è Cubensi trans-  
latus. Quo autem anno initus  
Conventus is fuerit nos latet, ne  
verbum quidem de tempore ha-  
bentibus, qui memorant Syno-  
dum, Scriptoribus Ægydio Gon-  
zalez Davila in Theat. ejusdem

Ec-



Ecclesiæ pag. 153, & F. Raymundo Leal in Goatemalensis Ecclesiæ Monumentis pag. 43 ubi isthæc de Villalpando scribit: *Synodum celebravit, cujus nulla extat memoria: Authographum illorum temporum injuriâ deperijsse credendum est.*

750 CONCILIUM HISPANIOLENSE Provinciale coactum est in Insula à S. Dominico dicta, Americæ nostræ Primate, ab ejusdem Archiepisco Illmô. D. D. F. Petro de Oviedo Ordinis S. Bernardi, incerto nobis anno, quem reticuit Ægydius Gonzalez Davila in Theatro ejusdem Ecclesiæ pag. 268 ubi Concilii hujus memoriam habet, pariterq̃ in Theatro Ecclesiæ Portudivitensis pag. 292 ubi Illmûm. D. D. Bernardum de Balbuena suffraganeum Hispaniolæ ei interfuisse dicit, & in Theatro Ecclesiæ Quitensis, itemque de la Plata Americæ Meridionalis, in quas translatus fuit Illmûs Oviedo. Id exploratum est Ægydio, Oviedum 19 Septembris anno 1625 præsentatum pro Ecclesiâ Hispaniolæ fuisse, pro Quitensi autem anno 1632. Hinc mendû irrepsisse typographicum patet apud Joannem Diez de la Calle pag. 19 Concilium hoc anno 1622 statuentem, tribus scilicet annis priusquam institutus fuisset ejusdem Præses. Tempus ergo & cætera Concilij hujus in obscuro nobis fatemur, atque ipsum Mss in tabulario Ecclesiæ ejusdem asservari facilè credimus.

751 CONCILIUM JUCATA-

NENSE seu DIOECESANAM SYNODUM, EMERITÆ, quæ primaria est Jucatani Civitas, indixit anno 1721, habuitque anno 1722. Illmûs D. D. Joannes Gomezius de Parada, vir doctrina juxtâ & zelo præclarus, de quo multa in eum reservamus locum quo de ipso scripturi sumus. Nunc, quòd ad Synodum attinet, datis circum Dioecsim suam, quæ Provincias Jucatani, Cozumeli, & Tabasci complectitur, litteris 5 Maji 1721 Decanum & Capitulum Ecclesiæ suæ, Parochos & Seculares & Regulares, Capellanos & Clericos, unâque Gubernatorem & Ducem Generalem Provinciæ atque ejusdem Urbium & Villarum Rectores, cœterosque de jure vocandos piè insimul & doctè præmonuit, die sexta Augusti anni venturi proximi 1722 ineundam in Cathedrali sua Synodum esse, pro qua cogenda, & Catholici Regis nostri Philippi V Schedulâ monitus fuerat, & propriâ excitatus conscientia ut generalis Concilij Tridentini præscriptis, Provincialisque Mexicani III constitutionibus obtemperaret. Itaque, prudentissimè rebus agitandis in antecessum habitis, præfinita à se die Comitia cæpta fuere, dissolutaque 1 Octobris ejusdem anni. Porro, ut ad præcitati Mexicani Concilij normam Synodum adaptaret, ipsam Libris, Titulis, & Decretis illius præ oculis habitis, similiter distinxit, unicuiq̃ eorum Constitutiones



CO

callentissimè adjiciens Diocesi acommodatissimas, &, quod caput est, sic in usum dispositas, ut præterierit nihil pro Ecclesiasticâ disciplinâ, morum reformatione, & institutione christianâ, cum experientia duce, quam ab Provinciarum visitatione comparaverat, tum etiam omnigenâ eruditione, in primis autem Theologiæ & Juris, Conciliorum, Historiæ Ecclesiasticæ & Disciplinæ, ut propterea Synodus quam scripsit doctissima sit & antiquis Ecclesiæ Patribus digna, quod viri gravissimi de ea judicium tulere. Extat hispano sermone præ manibus nostris hoc titulo:

*Constitutiones Synodales secundum ordinem Librorum, Titulorum, & sanctorum Mexicani Concilij III Decretorum pro Episcopatu Jucatanensi disposita ab ejusdem Antistite Illmô. D. D. D. Joanne Gomezio de Parada, Consiliario Regio, in Synodo inita in Ecclesia sua Cathedrali 6 Augusti anno 1722, absoluta autem 1 Octobris ejusdem anni. In folio.*

De ea in Goatemalensis Ecclesiæ monumentis (ad quam è Jucatanensi trallatus fuerat Illmûs Parada) editis à F. Raymundo Leal Ord. Præd. anno 1744 pag. 55 post alia habemus, nondum post annos plus viginti typis evulgatam, cum adhuc inter Regiorum Ministrorum manus, nunquid in ea Regijs juribus obstet explorantium, detineatur.

752 CONCILIUM MEXICANUM I (ut cum Poligraphiæ fa-

CO

cræ Authore P. Petro Francisco à Conceptione, verb. Congregatio, pag. 173 paulo liberius nomine utamur, quod strictè & pressè sumptum quid sibi velit latet nos minimè, legentes, post alios DD. qui præest omnibus SS. D. N. Benedictum XIV libro 1 de Synodo Diocesana cap. 1. eruditissimè, de more, ad propositum scribentem) habitum est anno 1524 in Aedibus Franciscanorum Temploque Parochiali SS. JOSEPHI nomine insigni, quod hodieque primaria est Indorum Paræcia: Apostolico Vicario Clarissimo Viro P. F. Martino de Valentia ejusdem Ordinis, præsidente, hortanteque etiam & juvante Inclyto Belliduce D. D. Ferdinando Cortezio, concurrentibusque Clericis quinque, Religiosis 19, & prophani Ordinis juris peritis quinque, omnibus 30 numero, ut scripsit Fanciscus Lopez Gomara Clericus, tom. 2 Historiæ Generalis Indiarum, qui tomus in Mexiceam Expugnationem inquirat, fol. 241 editionis Antuepiensis anno 1554. Porro, non PP. Torquemada & Betancurtius soli, sed verò etiam & mox citatus Lopez Gomara & Scriptor de Historia Ecclesiastica benemeritus ac notissimus Laurentius Surius Carthusianus, in Commentario brevi rerum in Orbe gestarum ab anno salutis 1500 usque ad annum 1568, Colonia edito, anno eodem, Congrega-



tionem istam Synodum seu Concilium apellant: placet lineas aliquot Surij transcribere: *Eodem anno* (scilicet 1524, de quo proximè dixerat) *Mexicana habita est Synodus solennis, cui tamquam Papæ Vicarius præsedit Martinus Valentinus, &c.*

753 Vix enim Mexicum Martinus apulerat, unàque cum eo cæteri ejusdem Ordinis Apostolici Sodales numero 12, pro Christianâ Fide in vastissimis hisce Regnis & Imperiò disseminandâ, cum & ipse & socij Indorum dediti institutioni, hæc ut auspiciò succederet, altè jacienda fundamenta, collatis inter se & cum alijs viris doctis, consilijs, & exploratis, quantum fieri poterat, rebus, decrevere. Duce igitur & Præsede P. Martino, cui suas in expéditionem gravissimam vices concesserat Romanus Pontifex Catholicæ Ecclesiæ Caput & Rector, in nuper erectum Sacellum convenientes, juxtâque evocati reliqui quos in principio diximus viri, plura Sacramentorum administrationem concernentia, & quæ condebatur in Orbe Novo, Ecclesiæ sanctitatem & propagationem decentia constituerunt, amplissimam in horrea Domini mesem, ipso incrementâ dante, laturi.

754 Et principiò quidem ad Baptismi ministrationem constituta sunt ea, quæ maximè expedire sunt visa pro incredibili illum postulantium multitudine

Indorum catervatim in Ecclesiam confluentium: gemini in quavis hebdomada destinati sunt dies, Dominicus nimirum & quintus, pro expiandis sacro fonte ijs qui christianis essent rudimentis instructi ætate adultis, parvulisque, ni periculum mora pertraheret: Ritus in antiquo Manuali Romano præscriptos, quod postea anno 1540 recussum est Illmî. D. D. F. Joannis de Zumarraga Episcopi & Archiepiscopi Mexicane jussione, cautum est observari in regenerandis, supersedendum tamen in unctione, deficientibus eo tempore sacris oleis deinceps opportunè adhibendis, & omissis interea nonnullis Ceremonijs, quæ negotium illud urgentissimum morarentur non citra multorum salutis discriminem forsitan sine baptismo moriturorum; & quâquam huic, procedente tempore, sanctioni refragati sint aliqui, scrupulum de collato in hunc morem baptismo moventes, obstitit eis tamen Paulus III Pontifex Maximus, anno 1537 die 15 Maji editâ Constitutione declarans legitimum verumque fuisse ministratum eo modo baptisma, & in posterum observanda præscribens.

755 Ad Confirmationis Sacramentum quòd attinet, nihil definitum, præstolantibus fortè Patribus, Episcopum brevi futurum, illud qui ministraret: totasque curas suas ad Pœnitentiam, quæ secunda est post naufragium tabu-



CO

tabula, convertentes, pro ejus praxi Sacramenti opportuna fecere Decreta, cum pro egrotantibus & morti proximis, tum etiam pro alijs. In Sacrosanctæ Eucharistiæ dispensatione cunctatius processere & meticolius, non dum exhibendam Neophitis Communionem existimantes, quibus tamen, ea pasci cupiditibus, postmodum porrigi visa est gravissimis. Theologis egregio successu, tantâque Neochristianorum in Corpore Christi sumendo religione, ut ne christianissimis & veteri pietate adultioribus in Fide concesserint.

756 De extremâ Unctione fovendis morituris, an statutum quidquam fuerit, non legimus, nec divinare licet, scientes, M. F. Petrum de Agurto, Mexicanum, Ord. S. Augustini, Episcopum Sebaensem, Tractatum edidisse dum Mexici Philosophiam profitebatur anno 1573 probandi ergo Neophitis Indis Hispaniæ Novæ, & Eucharistiam præberi debere, & Extremam Unctionem administrari, contraque ambigentes eruditè juxtâ ac pie rejecisse multis & impugnasse. Negotium longè majus Concilij Theologis & Juris peritis Sacramentum Matrimonij faciebat, de quo tandem quid pronunciatum fuerit, libet à citato Laurentio Surio mutuatis verbis hîc aperire: *Baptizabantur illic multa hominum millia, & cum antea plures si-*

CO

*mul uxores habuissent, dubitaretur que, quam ex omnibus retinere deberent, eodem anno Mexicana habitata est Synodus solennis, cui tanquam Papæ Vicarius præsedit Martinus Valentinus, in qua tandem definitum est, quod qui Fidem Christianam cum omnibus Romane Catholicæ Ecclesiæ ritibus complecterentur, ex omnibus uxoribus unam tantum, quam vellent, ducerent ritu christiano. Adhæc, alia pro detegendis conjugij impedimentis ordinata fuere, statutique in singulis Oppidis ea qui explorarent, & præfiniti dies per hebdomadam, in quibus juxtâ catholicos ritus Matrimonia celebrarentur.*

757 Quod verò rei caput in christianâ institutione consisteret, eam ut & adulti haurirent & parvuli, sacrisque nostris adessent, atque omnem pietatem imbibere, mandatum fuit Vicarum Præfectis Indis, ut festis diebus excitatos summo mane (gentis more) vicinos, ordinatim, præcedente Cruce, in Ecclesiam, preces sacras recitantes, deducerent, qui Præbytero ad aras facienti adessent, & documentis rei christianæ & pijs exercitijs insisterent. Præterea ut diebus singulis pueri & puellæ in ædes sacras deducerentur à grandiori aliquo, jussu est doctrinæ christianæ addiscendæ gratiâ, & politicæ etiam conversationis, designatis & Musices Præceptoribus, perpetuo in hæc usque tempora more.

Sssss

Hæc



758 Hæc porrò Concilij Mexicani I. capita fuere, propterea latius à nobis, quam pro instituto videatur, expensa, quòd in unum ipsa Lector habeat collecta, deficiente Concilij Codice, cujus Acta conscripsit P. F. Hieronymus de Mendieta Ord. Seraphici vicennio post Concilium habitum, ad nos delatus, quique pristina eolverat monumenta, de quibus altum Betancurtio & alijs silentium est, non alium fontem præter Mendietae Volumen indignantibus, quod ipsum Volumen nos etiam later.

759 Quam verò fuerit Synodus hæc nostra prima christianarum fecunda virtutum, in Dei gloriam, & Catholicæ Romanæ Ecclesiæ ornamentum, atque Hispani decus nominis promanantium, si persequi oratione pro rei dignitate vellemus, & extra orbitam currere dicemur, & immensi negotium moliminis auderemus. Ne tamen omnino taciti prætereamus rem lectu jucundissimam nec à proposito dissidentem, non nullam summam indicemus oportet, quæ laudatus Surius memoriæ prodidit ab Caroli V Cæsaris Archivij, authenticisque & gravissimis scriptis petita.

760 Ita habent. *In solo Regno Mexicano jam pridem fuere (inquit scribens anno 1568) octoginta SS. Monasteria, & in dies plura fiunt. Sunt ibi magni ubique Populi, multæ & validæ Urbes, pul-*

*cherrima ædificia & palatia ex latere & candido quoque marmore: Incredibilis frugum, auri, argenti, aris, & aliorum metallorum copia. Unica Urbs Mexicana centum viginti millia adium habet: vicina autem municipia, alia septem, alia quindecim, alia viginti, alia triginta, aliqua quadraginta, alia sexaginta, alia septuaginta domorum millia obtinent. Alijs verò interjectis multis, subdit: Et quidem anno Salutis 1524 venit in Civitatem Mexicanam F. Martinus Valentinus cum duodecim Monachis, tamquam Vicarius Papæ à Carolo Cæsare illuc cum auctoritate ejusdem Pontificis missus: eodemque anno prædicavit ille in Novi Orbis terra continente Evangelium Christi, & magnos illic progressus, magnæque incrementa Fides Christi accepit, & quidem ea ipsa Fides, quam Germani & plerique alij Europæi à Martino Luthero & alijs Sæctarijs malè persuasi, ut Papisticam rejiciunt.*

761 Et rursus. *Idola omnia ex Templis exturbabantur, Crux Christi, & SS. Mariæ Virginis Imago in Templis reponabantur. Eucharistia populis ostendebatur: Missæ Sacrificium à Martino & Collegis duodecim patefiebat: Evangelium Catholico more piè & purè annunciabatur. Indi verò paucis annis tot baptizabantur in ea Novi Orbis plaga, ut alij septies dena centena millia, alij quater decies dena centena hominum millia in solo illo Mexicano Regno baptizata retulerint. Magna etenim in eo Novi Orbis tractu est hominum*



## CO

copia, adeò ut in Insula Fani Divi Dominici quindecies centena hominum millia fuisse reperiuntur, & quandoque in Processione centum millia hominum se christiano more ceciderint virgis.

762 Iterum post alia subjungit. Et certum est, omnes Indos, & novi Orbis Carolini incolas & accolos fieri quotidie magis ac magis christianos. In Archivij Caroli Cæsaris lectum est, unum quemdam Sacerdotem septies centena hominum millia baptizasse ( & hunc fuisse Joannem Gonzalez, Mexicanæ Ecclesiæ Canonicum, Academiae Rectorem, sanctitate vitæ percelebrem, sunt qui non improbabili- ter arbitrentur ) alium ter centum millia, alium centum millia, alios plures, alios pauciores. In solo Mexico referunt multi summa fide dignissimi, triginta fuisse Dynastas, quorum quilibet habuerit sub se centum millia hominum aut circiter, & tria millia Toparcharum, qui & alios sub se haberent clientes fiduciariorum, & beneficiarios, vassallos, valvasores, & valvacinos, qui Dynasta certa anni parte familiam suam alebant in Civitate Mexicana, Curia Regis Moctezuma, & ex ea non licebat illis discedere ad suas Provincias nisi Regis permissu, ac relictis sive filiis sive fratribus suis in Civitate obsidum loco; & quod dictum horrendum est, mille plerumque homines uno die in Civitate Mexicana immolabantur. Sed omnia idola exturbata sunt, demonibus silentium indictum, oracula & præstigia conticescere jus-

## CO

sæ sunt, pluralitas uxorum in unius consortium est redacta: septem illis Sacramenta, & ceteri Romana Ecclesiæ ritus reverenter traditi sunt, nobis interim in Europa de horum contemptu, & novorum dogmatum complexu petulanter nobis applaudentibus, & tanquam mirifica reperta luce gratulantibus. Sed Deus prapotens, spre- tis nobis contemptoribus, suam gratiam offert illis barbaris & ignotis gentibus, ut hæretici tabescant, omnes illas Romani Pontificis observantissimas, & veteris Religionis studiosissimas.

763 Hactenus ex Surio transcripta sint satis, quibus, ceu ex rivulo fontem, initia quisque Mexicanæ Ecclesiæ & incrementa dignoscat, quantumque salutaris fuerit ea prima Synodus, quæ, accedentibus quotidie & Franciscanorum, & Dominicanorum, & Augustinianorum, & Clericorum viris egregijs, additisque postmodum Jesuitis, Carmelitanis, & Mercedencibus, in plurimos latitantes ad vitam æternam innumerabili- um animarum salientes, redundavit, affluitque etiamnum.

764 Hujus Concilij Mexicani meminere, quos diximus, Surius & Lopez Gomara citatis locis: Torquemada in Monarchia Indica tom. 3. Lib. 5. cap. 16. pag. 37. & Lib. 19 cap. 1. pag. 303 Edit. Madritanæ 1723. Betancurtius in Theatro Mexicano 4. part. seu Chronicis Provinciæ S. Evangelij c. 4. p. 22. n. 108. Edit. Mexicanæ 1698. Ægydus Gonzalez Davila, in Theatro Ec-



clesiæ Mexicanæ pag. 20. Pincellus in Epit. Bibliot. Occid. col. 788.

765 CONCILIUM MEXICANUM II, aliàs I habitum est in ipsa Imperiali Urbe Mexicanensi anno 1555 Præside & convocante Illmò. & R. D. M. D. F. Alphonsò de Montufare Sacri Ord. Præd. Archiepiscopo Mexicano, assistentibus suffraganeis Episcopis Illmís. D. D. Basco de Quiroga, Michoacanensi, D. F. Martino de Hojocastro, Tlascalensi, D. F. Thomâ Casillas, Chiapensi, D. Joanne López de Zarate, Goaxacensi ( qui inter ipsa Comitia è vivis excessit ) absentis verò nomine & iustis de causis impediti Goatemalensis Pontificis D. D. Francisci Marroquin D. Didaco de Carbajal ejusdem Ecclesiæ Archidiacono: atque unà cum Præside & Auditoribus ac Fiscali Regij Conventus juridici, Decano & Capitulo Metropolitanæ Ecclesiæ adstantibus, concurrentibusque Decanis Tlascalensi, Xalicensi, & Yucatanensi harum Ecclesiarum Procuratoribus & suffragatoribus. Prioribus & Guardianis Monasteriorum, Senatu Mexicò, & cum è Clero, tum etiam ex ordine Equestri gravissimis viris, pro ut eruitur è Præfatione quam eidem Concilio præfixit Illmús. ipse Archiepiscopus: nam monumenta alia deficiunt omnino pro ejusdem Historiâ hauriendâ, præterque Authographum ipsum Archiepisco-

pi & Episcoporum concurrentium subscriptionibus signatum, aliud est nihil in Archivio Ecclesiæ nostræ Metropolitanæ ad Concilium hoc attrinens, cum tamen in ipso Tabulario quæque concernunt IV aliàs III omnia acta, consulta, & id genus alia inveniantur collecta. Iccirco & nomina memoratorum, qui adfuerunt, viro- rum præterita facimus, & cætera scitu jucunda silentio obvoluta relinquimus.

766 Sanè Illmús Alphonsus Montufar ex quo Ecclesiæ Mexicanæ cœpit præsse, nullum non adhibuit vigilantissimi officium Præsulis, ut Diocesi suæ admodum valte, & Cathedrali nuper à decessore suo V. D. D. F. Joanne de Zumarraga erectæ, provideret, ut in ejus elogio littera A scripsimus. Quòd verò Metropolitanifungeretur honore, onusque subinde ferre deberet, institutis jam eo tempore Ecclesijs suffraganeis multis, atque in singulis re christianâ progressus admirabiles plane capiente, è re sua duxit Provinciæ Episcopos in cœtum vocare, quorum consultationibus & suffragijs constituerentur ea, quæ pro Christianitate totis retro annis 34. mirum in modum excrecente, firmandâ, augendâque in cõterminis Regionibus, etiamnum amplissimis, viderentur expeditiora, & pro Ecclesiasticâ disciplinâ tuendâ fovendâque aptiora. In hunc collimarunt scopum Concilij Decreta tria supra nona-



nonaginta in suas ordinatè classes divisa, quæ subjectæ fuere Ordinationes pro Curijs Ecclesiasticis universæ Provinciæ, & Edictum pro stipendio ipsarum ministris singulis erogando.

767 Capita porro sanctè & prudentissimè pro rerù systemate statuta, Rempublicam omnem Provinciæ christianam concernunt, & cum Ecclesiasticos, tum etiam homines prophanos opportunè ad animarum salutem, incrementa Catholicæ Fidei ac cæterarum virtutum & Dei gloriam instituunt. Ubi absoluta ea, & quæ diximus, alia fuerant, solennissimè ut publicarentur diebus 6 & 7 Novembris ejusdem anni 1555 in Ecclesiâ Cathedrali, è suggestu lecta fuere ab ejusdem Concilij Notario Petro de Logroño Præbytero, coram Archiepiscopo & Episcopis dictis, Auditoribus Regijs Doctoribus Herrera, Mexia, & Montalegre, Regio Fiscali Maldonato, Apparitoreque nobiliori & supremo Gundisalvo Cerezo, assidentibus quoque Decano & Capitulo Ecclesiæ Mexicæ, & Goatemalensi, Xaliscenci, ac Jucatanensi Procuratoribus, Equitibus & Rectoribus Urbis Mexicanensis, unàque cum Vicario Archiepiscopi generali Doctore Alphonso Bravo de Lagunas, multis Archiepiscopatus & Provinciæ Vicarijs, frequentissimâque coronâ. Mox, ut cautum fuerat cap. 93 ejusdem Concilij, typis excusum

fuit hispano, quo conceptum erat, sermone, hoc titulo

*Constitutiones Archiepiscopatus admodum insignis & fidelissimæ Civitatis de Tenutzitlam Mexico Nova Hispania ( utroque enim nomine, id temporis, Urbs amplissima dicebatur ) in folio, constatque Liber folijs 49 integris, atque in postremâ pag. isthæc leguntur: Ad laudem & obsequium Dei jussit Illmûs. & Rdmûs. D. D. Alphonsus de Montufar Archiepiscopus dictæ hujus S. Ecclesiæ Mexicanensis typis excudi Constitutiones istas Synodales: quæ absolutæ & excusæ fuerunt à Joanne Pablos Lombardo, Typographo primo in hac magna, insigni, & fidelissima Civitate Mexici, decima die Februarij anno ab incarnatione Dominica 1556.*

Plurima cusa fuisse exemplaria argumento est postremum Concilij decretum jubentis in singulis totius Provinciæ Ecclesijs ac Parochijs haberi eorum unum palam cunctis expositum, atque præterea Canonicos singulos, Beneficiarios, Vicarios, Rectores, Capellanos unum sibi quemque Codicem, gravi impositâ multâ coemere. In præsentiarum autem Liber est inventu perrarus etiam in Americâ nostrâ, in Europa verò vix notus, adeò ut vigilantissimus & eruditissimus Cardinalis D. D. Josephus Saens de Aguirre t. 4. Collectionis maximæ Conciliorum omnium Hispaniæ & Novi Orbis pag. 292 Concilio Mexicano III, quod edidit, hæc scrip-



scripserit Præmonitionem ad Lectorem. *Concilium Mexicanum Provinciale I similiter & II citatur in hoc III nunc exhibendo. Verum neutrius eorum exemplaria, diu multumque quæsita, nancisci potuimus: ideo que nec licet indicare quonam anno, sub quo Praside, aut circa quid celebrata fuerint.* Hactenus Purpuratus Scriptor. Concilij hujus meminere Ægydius Gonzalez Davila in Theatro Ecclesiæ Mexicanæ pag. 33. Joannes Diez de la Calle in Memoriali & notitijs sacris, &c. Ind. Occid. fol. 46. col. 2. Torquemada in Monarchia Indica tom. 3. lib. 17. cap. 20. pag. 263. edit. 1723. Betancurtius in Tract. Urbis Mexicæ cap. 4. pag. 22. num. 109. Medina in Chronicis Provinciæ S. Didaci Mexicanæ fol. 236. n. 825. Pinelus in Epitome Bibliot. Occid. Edit. anni 1738. col. 788. Moreri in Dictionario Magno, verbo *Mexicus*. Authographum ab Illmís subscriptum Patribus asservatur in Archivio nostræ Ecclesiæ Metropolitanæ Mexicæ à fol. 191 ad usque 240 tertij Voluminis ex ijs quæ Erectionem ejusdem Ecclesiæ & Concilia Provincialia ejus tria complectuntur.

768. CONCILIUM MEXICANUM III, aliàs II anno 1565 indictum est & celebratum Mexici ab eodem Metropolitano Illmô D. M. D. F. Alphonso de Montufar, qui solennissimæ causâ publicationis Romani Pontificis jussu faciendæ Sacri & Generalis

Concilij Tridentini, recens absoluti pro Catholicæ in universum mundum diffusæ Ecclesiæ regimine, Comprovinciales suos Pontifices authenticis circum encyclicis litteris evocavit, juxta que pro ijs constituendis, quæ Americanæ Septentrionali nostræ Ecclesiæ opportuna viderentur & commoda. Mexico convenere Illmî D. D. Fr. Thomas Casillas, Chiapensis, D. Ferdinandus de Villagomes, Tlascalensis, D. Fr. Franciscus Toral, Jucatanensis, D. F. Petrus de Ayala, Xaliscensis, seu Neo-Galleciæ, D. F. Bernardus de Alburquerque, Goaxacensis: cæteri itidem convocati Episcopi legitimè præpediti, haud interfuerunt, memoratis de jure procedentibus, adstantibus que omnium Procuratoribus Ecclesiarum, Parochorum, & reliquorum, qui dato authentico Edicto jussi fuerant Comitij adesse.

769. Et principio quidem Alphonsus Archipræsul, Episcopi, adstantesque cuncti unâ omnes voce & animo, collatitia sententia Sacrum OEcumenicum Concilium Tridentinum liberrimè amplexati fuerunt, & flexo poplite suspexere, professi se & gloriati filios esse Catholicæ Romanæ Ecclesiæ obsequentissimos, & ejusdem Capituli Romani Pontificis jussionibus ac nutibus etiam exsequendis promptissimos, subindeque & jurati Tridentinæ Synodo subscripsere, &



CO

& in singulis Provinciæ Diœcesibus ipsam publicari jusserunt, atque in usum omnia ipsius Decreta & Præscripta Canonesque deduci, pro ut, Deo auspice, ex tunc ad nostra usque tempora ad unguem & sanctè servantur. Atque hoc cùm esset Provincialis Concilij hujusce caput, primum omnium in eo versatur sanciendo ac firmando. Reliqua ad vigesimū octavum usque, quod postremum est, insumuntur in fovendâ Ecclesiasticâ disciplinâ, & ijs faciendis, quæ Neo-Christianorum institutioni congruunt, & universæ Reipublicæ salutaria sunt judicata. Postremò, confirmatum fuit Concilium Mexicanum decem retrò annis habitum, scilicet anno 1555, quod exactè observari Patres voluere, aptarique Decreta ejus Sacrosancti Tridentini sanctionibus omnibus, in primis autem eis quæ Matrimonia clandestina irrita prorsus ac nulla faciunt. Atque ut sancita in præsentī Mexicano Concilio palam omnibus nota fierent, die 11 Novembris ejusdem anni 1565 in Cathedrali Ecclesiâ solenni promulgata sunt more, ipsis Illm̃s. Patribus in eam confluentibus, atque ipsos comitantibus Generali Regio Novæ Hispaniæ Visitatore Licéciato Valderrama, & Regijs Auditoribus Doctoribus Ceinac, Villalovos, Puga, & Villanova, itemque Decano & Capitulo ejusdem Ecclesiæ, Rectoribus Urbis Mexicanensis, in-

CO

numerisque alijs, coram faciente fidem Notario Apostolico & à Secretis Cōcilij Joanne delBarreta. Tum Præsules congregati Illm̃i. decrevere, uti publici juris fierent Apostolicæ Constitutiones 7, quas paulo ante à Catholico Rege missas acceperant, Indorum atque hujus Americæ Episcoporum favori, & rei christianæ commodis admodum profuturas.

770 Hujusce Concilij editio nulla est, cujus Authographum ab eisdem assistentibus Prælatibus subscriptum, extat in Tabulario Ecclesiæ nostræ Metropolitanæ t. 3. citato à fol. 160 usque ad 169. Exemplar ejus Mss vidimus in Bibliotheca Collegij Maximi SS. AA. Petri & Pauli Societatis Jesu, ad calcem Voluminis Concilij Mexicani habiti anno 1555 & editi anno sequenti proximè: Huic autem Mss titulus hispanus præfixus est: *Concilium Provinciale Mexici celebratum anno 1565.* opinamurque Volumen istud unum ex illis esse, quæ accuratissimus & eruditissimus D. Carolus de Siguenza & Gongora Jesuitis Collegij Maximi testamento legavit.

Meminere ejus Concilij Joannes Diez de la Calle in Memoriali supra citato fol. 46 col. 2. & P. F. Balthassar de Medina in Chronicis Provinciæ S. Didaci Mexicanæ fol. 236. n. 825 tria Metropolitana hujus Ecclesiæ Cōcilia enumerans tacitis annis primi & secundi, nisi, quod facit



Berancurtius loco superius dicto, primum intellexerit habitum à P. F. Martino de Valencia anno 1524, secundumque indictum ab Illmò. Alphonso Montufare anno 1555: tertium coactum ab Illmò. D. D. Petro Moya de Contreras anno 1585, subindeque habitum anno 1565 preterierit, quod ejus notitiam aufugerit, uti credimus Synodum hanc latuisse Agydium Gonzalez Davila ejus immemorem, & Pinelum in Epit. Bibliot. Occid. ac plerosque Scriptores.

771. CONCILIUM MEXICANUM IV, alias III, omnium America Septentrionalis sollemnissimum fuit, cujus Decretum indictionis Mexici subscriptum habetur 1. Februarij anno 1584. ab Illmò Archiepiscopo Mexicano D. D. Petro Moya de Contreras, ut 6 Januarij proximè venturi anni frequentissima haberentur Ecclesiastica totius Provinciae latissimè patentis comitia. Edicta & in ipsa Metropoli, Monasterijsque Dominicanorum, Franciscanorum, Augustinianorum, & Jesuitarum publicè legi jussit, & in singulas Dioceses trina pro Episcopo, Capitulo, & Populo vocandis transmissit, ut Goatemalenses & Chiapenses, Michoacanenses & Tlascalenses, Jucatanenses & Goadalaxarenenses seu Xaliscenses, Verapacenses & Goaxacenses, sacri juxtà & prophani Ordinis viri primates cum Mexicanensibus Reipublicæ christia-

nè gratiâ designato tempore, convenirent. Quod verò eorum multi quam longissimè à Mexico dissi, immanibus præpediti fluminibus, inaccessis montibus, & hiberni temporis permultis incommodis, præfinità sextà Januarij die adesse haud possent, 25 Decembris anni 1584 ad usque 20 Januarij prorrogata dies fuit.

772. Interea loci, Archipræsul omnia pro ritè & sapientissimè ineundo Concilio & habendo disposuit: A Secretis voluit esse D. D. Joannem de Salzedo in Academia Mexicana Præfatum Sacrorum Canonum Antecessorem, Fiscalem verò D. D. Dionysium de Ribera Metropoliticae Ecclesiae Parochum. Pro Theologicis consultationibus destinavit MM. F. Petrum de Pravia Dominicanum, ejusdem Academiae Primariæ Theologiae Cathedrae Professore, & F. Melchiorem à Regibus Augustinianum, Præfatum itidem in ipsa Academia Theologum (erant enim hujus Facultatis Primarij duo,) item F. Joannem Salmeron in Monasterio S. Francisci Mexicano Lectorem Theosophiæ, P. Joannem de Plaza Soc. JESU Doctorem Theologum, & D. Ferdinandum Ortiz de Hinojosa Universitatis Professore Philosophiæ, & cum in hac, tum etiam in Theologiâ & Canonico jure doctoralibus apicibus redimitum. Consultores, quod ad juris negotia & salebras attinet, insigni-



CO

nivit Ecclesiæ suæ Archidiaconum Doctorem D. Joannem Zuffero; mox dictum D. Joannem de Salzedo Secretarium, utroque functurum officio: Doctorem Fulgentium de Vic & Patrem Doctorem Petrum de Morales, Soc. JESU, non minus Juris quam Theologiæ peritum. Pro Ceremonijs ad amussim servandis Canonicum Alphonsum de Esija, & qui ad manum esset Secretario Concilij Baccalaureum Jacobum de Esquivel Præbyterum, Notarium constituit, ac ne quid prætermittamus, ad januam futuros Præbyteros Ferdinandum de Espinaz & Balthassarem Vellerimum statuit, Nuntiosque Ferdinandum de Bustamante, & Lazarum Hernandez itidem Sacerdotes. Unicuique destinatum suum explicatè munus traditum est scripto, minutissimèque & oculatissimè cauta sunt omnia, quæ præcedentiam, sedes, ordinemque universum concernerent, ne gravissimæ Congregationis quietem & decus disidium aliquod aut dubietas intexturbarent.

773 Ubi præfinita 20 Januarij dies proxima erat, convocati Illm̃i. Præsules Mexicum accessere DD. FF. Gomez Garcia à S. Maria, Goatemalensis, D. D. F. Joannes de Medina Rincon, Michoacanensis, D. D. Didacus Romanus, Tlascalensis, D. D. F. Gregorius Montalvo, Jucatanensis, D. D. F. Dominicus Arzola,

CO

Goadalaxarensis, seu Novæ Galliciæ, D. D. F. Bartholomeus de Ledesma, Antequerensis, seu Goaxacensis. Tum autem 18 Januarij publicè in Foro & alibi conclamatum fuit, ineundum Concilium die SS. Martyribus sacra Fabiano & Sebastiano, qua demum illucescente, Supplicatione solennissimâ & ordinatissimâ Ecclesiastici omnes Laicique plurimi à Templo S. Dominici ad usque S. Augustini processere, Edictaque iterum lecta sunt, cum latino, tum etiam hispano sermone composita. Aderant in florentissimâ hacce coronâ Auditores Regij omnes atque Fiscalis, coram quibus, Patribusque Concilij & reliquis palam fecit Archiepiscopus Mexicanus D. D. Petrus Moya de Contreras, Concilij Præses, non hoc tantum nomine se Comitibus adfuturum, sed etiam Regio, ut qui Catholici Hispaniarum Monarchæ vices agebat, Visitatorisque Generalis Regni hujus, Gubernatoris & Ducis Hispaniæ Novæ, atque Auditorij & Cancellariæ Præsidis munera obibat.

774 Auspicatissimè cœpti fuerent conventus, & re divinâ, & precibus sacris, & Declamationibus eruditis, quæ multæ licet fuerint à doctissimis viris habitæ, horum tamen latent nomina, unius præter Roderici à S. Bernardo Collegij Majoris Divæ Mariæ & Omnium Sanctorum alumni, postmodum nudipedas Car-



litas sectati, quibus semel & iterum Provincialis est datus, qui que Cuioacanense Collegium florentissimum condidit, ut Generalis eorum Chronographus P. F. Emmanuel à S. Hieronymo memoriae prodidit Tom. 6. Refor. Lib. 25. cap. 3. Adhæc, in decursu Congregationum alia à literatis Mexiceis data obsequij erga conscriptos Patres sunt monumenta, Poeticamque institutum Certamen, cujus rudera habemus apud D. D. Bernardum de Balbuena, tunc Baccalaureum postea Episcopum Portudivitensem, qui in Magnalibus Mexiceis fol. 34. col. 2. hujus testis est concertationis habitæ in festo Corporis Christi, coram septem Episcopis, subjungens hispanos à se ea occasione conditos numeros, & à iudicibus premio donatos.

773. Porro multa & gravissima negotia momenti in quotidianis sessionibus agitata fuere pro tota Provinciâ, revocatis ad incudem præhabitis anno 1555 & 1565 Provincialibus Concilijs Mexicanensibus, ut ea rursus obfirmarentur, quæ præsentis rerum systemati convenirent, quæ verò, experientiâ duce, oporteret aut enucleatius tradi, aut aliter disponi, novis constitutionibus sancirentur, nullumque Ecclesiasticæ disciplinæ, & rei Christianæ caput maneret, quin ipsi provivulum iter. Præter hæc à colendissimis Patribus & Doctissimis

Consultoribus meditata & proposita accuratissimèque perpensa, undique vastissimi Regni Quæsita sunt allata difficillima certè, de quibus vel in Concilio, si ita Illm̃s. videretur, Decretum fieret, vel, responsione datâ, ij qui interrogaverant instruerentur. In his fuere contractus ab argenti & auri fossoribus & negotiatoribus instituti pro emendo, vendendo, & tractando metallo, cum adhuc terreis admixto fœcibus, tum etiâ eis purgato, & ex arte polito. Multæ etiam negotiationes aliæ, plura lucri gratiâ quærendi commercia, id quæ genus in examen adducta sunt. Impartitiones solitæ Indorum, quæ negotium jam diu multum facefferant, ad libram revocatae fuerunt, & pleraque alia, quibus accessit ab Regio Auditorio transmissum ad congregatos Patres dubium de bello adversus Chichimecas valde anceps, de quo, ut etiam de nonnullis alijs, Concilium non modò à Consultoribus suis requisivit sententiam, verum aliorum quoque Sapientum audire responsa voluit scriptis data (ut mos fuit perpetuus Concilij.) Dominicanorû, Franciscanorum, Augustinianorum & Jesuitarum. Hæc inter ab usque Philippinis Insulis litteræ acceptæ fuere, per quas primus earum Episcopus vir Clarissimus D. D. F. Dominicus de Salazar, è Mexicano Prædicatorum Cœnobio assumptus, Concilij Pontifices de multis pro Ec-



Ecclesiâ suâ instituendâ rogabat.

776. Plurimam certè Patres operam in tot expediendis posuerunt; plurimam Consultores; præ reliquis tamen à secretis unâ & consultationibus D. Joannes de Salcedo, qui à capite ad calcè Decreta ordinavit omnia Concilij, atque in quinque Libros distinxit, quorum primus 26 titulos; secundus 10; tertius 36; quartus duos; quintus 12 continet; singuli autem tituli multa Decreta. Ad calcem accesserunt Statuta ab eodem Concilio ordinata ex præscripto S. Concilij Tridentini sessione 24. cap. 12. de Reformatione, verbo Cætera, unico libro comprehensa, in quatuor partes diviso, ex quibus prima exhibet 18 capitula: secunda 11: tertia 9: quarta 10. Sanè opus quicumque legerit vir eruditus Doctissimum sanè pleno ore dicet, ut ipsum appellare non est veritus Doctissimus in paucis atque Eminentissimus Cardinalis de Aguirre. Id elucubratus Salcedo eximia in utroque jure, qua eminebat peritiâ, æqualem in Concilijs Ecclesiasticis junxit eruditionem, evolutis, nec oscitanter perlectis 34. quæ usu ei fuere, & quorum indicem dedit ad calcem Concilij hujus Mexicani priusquam ad Statuta devenias fol. 100 editionis Mexicæ anni 1622. Singula autem indicat opportunis ad marginem totius Operis locis, unâque plura pro vario argumento ex Juribus & Patribus monumenta.

Non abs re erit fragmentum hîc exscribere Epistolæ pulcherrimæ & gravissimæ Concilio præfixæ ab Illmô. Archiepiscopo Mexicano D. D. Joanne de la Serna, qui typis excudi illud multo sumptu & diligentia pari curavit, quod fragmentum lucem hætenus dictis afferat. Sic post alia habet.

777. *Quod cum optimè perpenderit D. Petrus Moya de Contreras Prædecessor noster, vir jure mille titulis & nominibus venerandus, quamvis gravissimis distentus curis, & totius hujus Regni Gubernatione occupatus, Provinciale Synodum coegit, in qua Doctissimi Episcopi comprovinciales interfuerunt, quorum maturo consilio, & qua summâ præditi erant prudentiâ municipales leges fuerunt conditæ, consonantes quidem Patrum antiquorum Doctrinæ, Sacrorum Conciliorum Decretis, juri communi conformes, maximèque regionis istius moribus, & hominum conditioni aptatæ. In qua re licet omnes, qui de jure Concilio interfuerunt, communiter insudarunt: sed in ordinandis & disponendis Decretis plus cæteris laboravit Doctor D. Joannes de Salcedo tunc Secretarius simul & Consultor dicti Concilij: Sacrorum Canonum Primaria Cathedra Moderator, & in illa nunc Emeritus, nostræ Metropolitana Ecclesiæ meritissimus Decanus, in posterum autem majorum hujus Regni Ecclesiarum Pontificalem sedem pro meritorum censura occupaturus. Hætenus Illmûs. D. Serna, qui multa paucis complexus est, & Concilij in-*



stitutum ac doctrinam bono in lumine collocavit.

778 Absolutum fuit die 17 Septembris ejusdem anni 1585, qua die recurrente singulis annis solenne in Ecclesiâ Metropolitana nostra festum habemus pro gratiarum actione ab memorato D. D. Joanne de Salcedo proprio ære institutum. Tunc verò, offendiculis rem morantibus, non nisi die 16 Octobris ab universis eidem qui adfuerant Episcopis unâ cum Archiepiscopo subscriptum fuit & sigillo Conciliarij munitum, ac nomine Secretarij obfirmatum. Mox in Cathedrali Ecclesia, incredibili pompâ & acclamatione, frequentiaque omnium Ordinum, Regij status ac politici, Ecclesiasticique, & innumeri Populi confertissimâ, publicatum. Scriptum vernaculè fuerat ab memorato supra Clarissimo Doctore Salcedo; dein verò latinè conversum est à P. Petro de Ortigoza Societatis JESU, in Academia Mexicana Sacræ Theologiæ Doctore Antesignano multis titulis colendissimo. Priusquam typis committeretur, ea peracta sunt, quæ mox laudatus Archiepiscopus Dominus Serna in citata Epistola annectit. *Subiectum fuit (inquit) celebre hoc Concilium integerrimæ censuræ Senatus Regij Indiarum, de cuius licentiâ & approbatione translatum est Apostolica auctoritate firmandum, in quo quidem tantum temporis consumptum est, ut jam antiquatum videretur, seu de me-*

*dio sublatum; sed cum advertissem quod quò impares sunt vires nostræ ad tantam Provinciam sustinendam, eò pluribus auxilijs indigemus, quorum præcipua sunt dicti Concilij Decreta, nullum non movimus lapidem, nulli sumptui pepercimus, ut Volumen hoc oblivioni traditum in lucem prodiret præloque mandaretur, &c.* Faustè tandem ac feliciter Romæ à Sacra Congregatione Cardinalium Concilio Tridentino interpretando auctoritate SS. Domini nostri Sixti V præpositorum expeditum fuit 27 Octobris anno 1589. Regiaque Scheda data 9 Februarij anno 1621. Privilegium supra memorato Illmò. Archiepiscopo Mexicano D. D. Joanni de la Serna concessum est, ne quis præter ejus beneplacitum typis edere Volumen posset. Prodiit itaque hoc titulo

*Sanctum Provinciale Concilium Mexici celebratum anno Domini millesimo quingentesimo octoagesimo quinto: Prasidente in eo Illmò. ac Rmò. D. D. Petro Moya de Contreras Archiepiscopo Mexicano. Romæ confirmatum die 27 Octobris anno 1589. Nunc verò ad instantiam & ex sumptibus Illmì. ac Rmì. D. D. Joannis de la Serna Archiepiscopi Mexicani jussu Regio editum Mexici apud Joannem Ruiz Typographum anno Domini 1622. in folio.*

Editionem hanc consecutæ sunt aliæ plures, ab ijs adornatæ, qui Collectiones Conciliorum, cum Generalium, tum Provin-



cialium studiosè curarunt. Extat Mexicanum hoc nostrum in Labbeana Lutesiè Parisiorum excusa tomo ultimo: item in altera collectione Regia P. Joannis Harduini Societatis JESU Parisijs etiam edita in Typographia Regia anno 1714 tom. 10 à col. 1587 usque ad 1714; præterea laudatus supra D. D. Cardinalis de Aguirre tom. 4 Collectionis maximæ Conciliorum omnium Hispaniæ & Novi Orbis à pag. 292 ad usque 411 ipsum exhibuit; à pag. verò 412 ad usque 416 Catalogum Præsulum Ecclesiæ Mexicanæ cum ipsorum elogijs inseruit, & de subscriptionibus hujus Concilij nonnulla eruditè subjunxit, n. 3. Catalogi ubi de D. Petro Moya de Contreras Concilij Præside, Concilium ipsum Doctissimum sanè compellans. Prius verò quam Collectionem dictam publici juris fecisset, in Notitia Conciliorum Hispaniæ atque Novi Orbis prodromi instar edita in 8 Salmanticæ apud Lucam Perez. 1686 Concilij nostræ specimen dedit atque Compendium à pag. 455 ad usque 460.

Editionem alteram proprijs sumptibus fieri procuravit Illmûs D. D. Joannes Gomez de Parada Episcopus Jucatanensis, Vir clarissimus, & disciplinæ Ecclesiasticæ egregiè sollicitus, prodijtque Concilium Mexicanum Parisijs 1725 in octavo.

Ejus meminere, præter Betancurtium in Tractatu Urbis Me-

Xxxxxx

xiceæ cap. 4. pag. 22. n. 110. & Medinam in Chronicis Provinciæ S. Didaci Mexicanæ fol. 236. col. 2. n. 825. ac alios nostros, Ægydius Gonzalez Davila in Theat. Ecclesiæ Mexicanæ pag. 37. Joannes Diez de la Calle in Memoriali & Notitijs Sacris & Regalijs Imperij Indiarum Occidentalium fol. 46 col. 2. n. 26. Author Operis Lugduni editi apud Fratres de Ville 1738 hoc titulo: *Delectus Authorum Ecclesiæ Universalis, seu Nova Summa Conciliorum.* Tom. 2. col. 2080. Author quoque Deffensionis Canonice pro Angelopolitani Episcopi dignitate fol. 84. col. 2. n. 30 usque ad 42 & fol. 86. col. 2. n. 37. multis ejus auctoritatem asserens. D. Antonius de Leó Pinelo, in Epit. Bibliot. Occid. col. 788. Idemque in Opusculo morali de Potione Chocolate dicta fol. 40. Moreri in Maximo Dictionario Historico verbo *Mexicus*. M. F. Joannes de Paz Dominicanus in Consultationibus suis, Consultatione 60. fol. 167. n. 396. testatus in Archivio Ecclesiastico Manilensi asservari Constitutionem SS. D. N. Urbani VII 11 Martij 1626 jubentis, Manilæ quoque Insularum Philippinarum Concilium hoc nostrum Mexicum ad unguem observandum, quod & citatus Pinelus in Opusculo nuper allegato conscripserat, & Regiæ novæ Collectionis Indiarum Legibus cautum est. Coronidem ve-

ro



rò auream ut scriptis hactenus imponamus, Smâ. & eruditissimi Domini nostri Benedicti XIV Pont. Opt. Max. Opus de Synodo Diocesana indicemus, in quo sæpius Concilium nostrum laudat, & pro varietate rerum, quas doctissimè, ut assolet, tractat, opportunè multis in locis citat. Atque hinc pronum est conjectare quanti habenda hæc Synodus sit, quæ tanti à Romanis Pontificibus, Catholicis Regibus, Virisque doctissimis & gravissimis, cum alibi, tum etiam in Romanâ Curia maximi æstimatur, ut præter alios, testis fuit nobis, qui in ea diu egerat Illmûs. D. D. Joannes de Vizarron & Eguiarreta Archiepiscopus unâ Pro-Rexque Mexicanus.

779 CONCILIUM PORTUDIVITENSE I seu SYNODUM DIOCESANAM longè ante annum 1624. initam habemus ex Joanne Diez de la Calle, loco proximè indicando, testante, ita scriptum fuisse ab Illmô. quem statim memorabimus, Balbuena Præfide II Concilij quod subdimus.

780 CONCILIUM PORTUDIVITENSE II seu SYNODUS DIOCESANA celebrata est anno 1624 ab ejusdem Episcopo Illmô. D. D. Bernardo de Balbuena, ut Ægydius Gonzalez Davila in Theatro illius Ecclesiæ habet p. 292 & Joannes Diez de la Calle in Notitijs Sacris & Regalibus Imperij Indiarum Occid. fol. 19 col. 1. eritque credimus Mss in

Archivio Ecclesiastico ejusdem Diœcesis.

781 CONCILIUM PORTUDIVITENSE III habitum fuit anno 1645 ab ejusdem Ecclesiæ præclaro Antistite Illmô. D. D. Fr. Damiano Lopez de Haro Ord. SS. Trinitatis, quod absolutum ut typis excuderetur Regium beneplacitum petivit & tenuit, ut Joannes Diez de la Calle testatur in Memoriali & Notitijs Sacris & Regijs Imp. Ind. Occid. fol. 19 col. 1. subjungens, Catholicum Regem datis ad Gubernatorem Insulæ & Magistratus litteris jussisse, ut pro ejusdem Synodi observantiâ Episcopo ferrent suppetias. Meminit Concilij hujus Ægydius Gonzalez Davila in Theatro ejusdem Ecclesiæ pag. 296. Utrum autem demum factum fuerit juris publici opere typographico, latet nos, qui nullibi Codicem expiscari potuimus.

782 F. COSMAS BORRUEL, Natione Hispanus, clara gente ortus Cesaraugustæ, studijs Mexicanus & Domicilio fuit. A primis annis ad nostros traductus, Grammaticam & Philosophiam hausit in Max. Soc. JESU Collegio Mexiceo, plurimosque inter Condiscipulos ingenio & progressu litterario insignes dinumeratus est. Baccalaureus in Universitate nostra formatus, Gymnasijs ejusdem se addixit Theologicis, & Academiam S. Philippi Nerij professus, magna utrobique laude donatus est, cum ab exculta se-



veriori Facultate, tum etiam ab amœnissimâ in re Poetica & Panegyrica exercitatione. Ubi Theosophiæ reportaverat laurum, in Guadalaxarensem Curiam Novæ Galliciæ migravit, ab ejusdem Episcopo D. D. F. Emmanuele de Mimbela, cujus clientelæ fuerat commissus, eo consilio vocatus, ut sacris initiaretur, Diœcesique inserviendæ munere destinaretur aliquo insigni, & ejusdem dotibus congruè. Collegio itaque præfectus Seminario, & magni à sapientibus habitus, eo se abdicavit officio & spe ulterius in honoribus proficiendi, atque Instituta Seraphici P. S. Francisci sectari cupiens, apud ejusdem Ordinis Regularis Observantiæ Apostolicum Collegium de Propaganda Fide, nisi fallimur, Zacatecanum solenni vota ritu concepit. Ut erat ad utrumque suggestum litteris comparatus & usu, & Lectoris Theologiæ in eodem Collegio munus strenuè exercuit magno eruditorum hominum plausu, & Prædicatorem Apostolicum egit multo cum fructu, ingenium, quo pollebat, & doctrinam in hunc destinatò finem intendens, ut Dei gloriæ & animarum saluti consuleret, proptereaque confessionibus excipendis, & cæteris severissimæ Congregationis suæ exercitationibus incumberebat. E multis à se scriptis concionibus, apud Sodales forsan stantibus, aliquas edidit hispano sermone, quas hîc subnectimus.

*Syngrapha securior, & pro ad diem accipienda pecunia utilior: Concio habita in supplicatione ad Christum Dominum e Cruce pendentem pro Hispanorum Regum felicitate à Zacatecanis celebrata.* Mexici, typis Josephi Bernardi de Hogal 1728 in quarto.

*Nova spiritualis Arx in sublimiori Zacatecanorum colle pro ipsorum custodiâ & præsidio condita, seu Concio in Dedicatione Sacelli Patrocinio Deiparentis Virginis nomine adificato.* Mexici, in eadem Calchographia 1729 in quarto.

*Clavior Imago abstrusiora Deiparentis Virginis exhibens, seu Concio de mirabili Imagine Guadalupia Mexicea.* Mexici, litteris Josephi Bernardi de Hogal 1733 in quarto. Extat tom. 9. Collect. nostræ.

*Suam Christus donis Deitatem explicat: Concio dicta in solenni ad Crucifixum Dominum instituta oratione pro Zacatecanorum calamitatibus amovendis.* Mexici, eisdem formis 1734. in quarto. Habetur tom. 12 Collect. nostræ.

Inter Authoris Opera Mss putamus

*Tractatus Theologicos varios juxta Scoti systema elucubratos,*

Quorum nos latent tituli, eruntque Sodalibus noti, eos hîc addituris. Quondam Poetica ejusdem Opuscula vidimus, cum in Academiâ versaretur Neriana, & publicè ab ipso recitata, & privatim conscripta, acumine plena, nulloque negotio pulchra & affluentia

FINIS TOMI I.



## PROTESTATIO AUTHORIS.



UM S. D. N. Urbanus Papa VIII die 13 Martij anno 1625 Decretum ediderit, idem que confirmarit die 5 Julij anno 1634 quo inhibuit *imprimi Libros hominum, qui Sanctitatis seu Martyrij fama celebres è vita migraverint, gesta, miracula, vel revelationes, seu quæcumque beneficia tanquam eorum intercessionibus à Deo accepta continentes, sine recognitione atque approbatione Ordinarij, & quæ hactenus sine ea impressa sunt nullomodo vult censeri approbata;* Idem autem Sanctissimus die 5 Junij anno 1631 ita explicuerit, ut nimirum, *non admitantur elogia Sancti vel Beati absolute, et quæ cadunt super Personam, benè tamen ea, quæ cadunt super mores et opinionem, cum Protestatione in principio, quod ijs nulla adsit autoritas ab Ecclesia Romana, sed fides tantum sit penes Authorem:* Huic Decreto, ejusque Confirmationi & Declarationi observantiâ ac reverentiâ, qua par est, insistendo, profiteor, me haud alio sensu quidquid in tota hac Bibliotheca Mexicana refero aut attingo, quod materiam concernit in prædictis Decreto & Declaratione ac Confirmatione contentam, accipere, & accipi ab ullo velle, quam quo ea solent, quæ humana duntaxat autoritate, non autem Divina Catholicæ Romanæ Ecclesiæ aut Sanctæ Sedis Apostolicæ nituntur, ijs tantummodo exceptis, quos eadem Sancta Sedes Sanctorum, Beatorum, aut Martyrum Catalogo adscripsit.



186315

1853832



